

॥ तैत्तिरीय संहिता ॥

॥ काण्डम् १ ॥

॥ प्रथमः प्रश्नः ॥

॥ तैत्तिरीयसंहितायां प्रथमकाण्डे प्रथमः प्रश्नः ॥

इ॒षे त्वो॒र्जे त्वा॑ वा॒यवः॑ स्थोपा॒यवः॑ स्थ दे॒वो वः॑ सवि॒ता
प्रा॒र्पय॑तु श्रेष्ठ॑तमा॒य क॑र्मण॒ आ प्या॑यध्वम॒ग्निया॑ देवभा॒गमूर्ज॑स्वतीः
पय॑स्वतीः प्र॒जाव॑तीरनमी॒वा अ॑य॒क्ष्मा मा वः॑ स्तेन॒ ईश॑त॒ मा-
ऽघ॑श॒सो रु॒द्रस्य॑ हे॒तिः परि॑ वो वृणक्तु ध्रु॒वा अ॒स्मिन्गोप॑तौ स्यात
ब॒ह्वीर्य॑ज॒मान॑स्य प॒शून्पा॑हि॥ (१)

इ॒षे त्रि॑च॒त्वारि॑शत्॥ [१]

य॒ज्ञस्य॑ घो॒षद॑सि प्रत्यु॑ष्टः॒ रक्षः॑ प्रत्यु॑ष्टा अ॒रा॒तयः॑
प्रेय॑म॒गाद्धि॑षणा॒ ब॒र्हि॒रच्छ॑ मनु॒ना कृ॑ता स्व॒धया॑ वि॒त॑ष्टा त
आ॒व॑हन्ति क॒वयः॑ पु॒रस्ता॑द्दे॒वेभ्यो॑ जुष्ट॑मि॒ह ब॒र्हि॒रा॒सदे॑ दे॒वानां॑
परि॑षू॒तम॑सि व॒रु॑षवृ॒द्धम॑सि दे॒व॑ब॒र्हिर्मा॑ त्वा॒ऽन्व॑ङ्गा ति॒र्यक्प॑र्व
ते रा॒ध्या॑समाच्छे॒त्ता ते मा रि॑षं दे॒व॑ब॒र्हिः श॒तव॑ल्शं वि रो॒ह
स॒हस्र॑वल्शा॒ (२)

वि व॒यः रु॑हेम पृथि॒व्याः स॒म्पृचः॑ पा॒हि सु॒स॒म्भृता॑ त्वा

सम्भराम्यदित्यै रास्नाऽसीन्द्राण्यै सन्नहनं पूषा ते ग्रन्थिं ग्रन्धातु
स ते माऽऽस्थादिन्द्रस्य त्वा बाहुभ्यामुद्यच्छे बृहस्पतेर्मूर्ध्ना
हराम्युर्वन्तरिक्षमन्विहि देवङ्गममसि॥ (३)

सहस्रवल्शा अष्टात्रिंशच्च॥

[२]

शुन्धध्वं दैव्याय कर्मणे देवयज्यायै मातरिश्वनो घर्मो-
ऽसि द्यौरसि पृथिव्यसि विश्वधाया असि परमेण धाम्ना
दृ॒ह॒स्व॒ मा ह्वा॒र्व॒सू॒नां प॒वि॒त्र॒म॒सि श॒त॒धा॒रं व॒सू॒नां प॒वि॒त्र॒म॒सि
स॒ह॒स्र॒धा॒रं हु॒तः स्तो॒को हु॒तो द्र॒प्सो॑ऽग्नये बृहते नाकाय स्वाहा
द्यावापृथिवीभ्यां सा विश्वायुः सा विश्वव्यचाः सा विश्वकर्मा
सम्पृच्यध्वमृतावरीरूर्मिणीर्मधुमत्तमा मन्द्रा धनस्य सातये सोमेन
त्वाऽऽत॑न॒न्मीन्द्रा॑य दधि विष्णो हव्यं रक्षस्व॥ (४)

सोमेनाष्टौ च॥

[३]

कर्मणे वां देवेभ्यः शकेयं वेषाय त्वा प्रत्युष्टं रक्षः प्रत्युष्टा
अरा॑तयो धूर॑सि धूर्व धूर्वन्तं धूर्व तं योऽस्मान्धूर्वति तं धूर्व यं
व॒यं धूर्वा॑म॒स्त्वं दे॒वाना॑म॒सि स॒स्त्रि॒त॒मं प॒प्रि॒त॒मं जु॒ष्ट॒त॒मं व॒हि॒त॒मं
दे॒व॒हू॒त॒म॒म॒हु॒त॒म॒सि ह॒वि॒र्धा॒नं दृ॒ह॒स्व॒ मा ह्वा॒र्मि॒त्र॒स्य॑ त्वा चक्षुषा
प्रेक्षे मा भेर्मा सं विक्था मा त्वा (५)

हिंसिषमुरु वाताय देवस्य त्वा सवितुः प्रसवेऽश्विनोर्बाहुभ्यां

पूष्णो हस्ताभ्यामग्रये जुष्टं निर्वपाम्यग्नीषोमाभ्यामिदं देवानामिदमु-
नः सह स्फात्यै त्वा नारात्यै सुवरभि वि ख्येषं वैश्वानरं
ज्योतिर्दृ० हन्तान्दुर्या द्यावापृथिव्योरुर्वन्तरिक्षमन्विह्यदित्यास्त्वोपस्थे
सादयाम्यग्ने हव्य० रक्षस्व॥ (६)

मा त्वा षट्त्वारिंशच्च॥ [४]

देवो वः सवितोत्पुनात्वच्छिद्रेण पुवित्रेण वसोः सूर्यस्य
रश्मिभिरापो देवीरग्रेषुवो अग्रेगुवोऽग्रं इमं यज्ञं नयताग्रे
यज्ञपतिं धत्त युष्मानिन्द्रोऽवृणीत वृत्रतूर्ये यूयमिन्द्रमवृणीध्वं
वृत्रतूर्ये प्रोक्षिताः स्थाग्रये वो जुष्टं प्रोक्षाम्यग्नीषोमाभ्या०
शुन्यध्वं दैव्याय कर्मणे देवयज्याया अवधूत० रक्षोऽवधूता
अरातयोऽदित्यास्त्वगंसि प्रति त्वा (७)

पृथिवी वैत्त्वधिषवणमसि वानस्पत्यं प्रति त्वा-
ऽदित्यास्त्वग्वैत्त्वग्रेस्तनूरंसि वाचो विसर्जनं देववीतये त्वा
गृह्णाम्यद्रिरसि वानस्पत्यः स इदं देवेभ्यो हव्य० सुशमिं
शमिष्वेषमा वदोर्जमा वद द्युमद्वदत वय० सङ्घातं जैष्म
वरुषवृद्धमसि प्रति त्वा वरुषवृद्धं वेत्तु परापूत० रक्षः परापूता
अरातयो रक्षसां भागोऽसि वायुर्वो विविनक्तु देवो वः सविता
हिरण्यपाणिः प्रति गृह्णातु॥ (८)

त्वा भाग एकादश च॥ [५]

अवधूत॑ रक्षोऽवधूता॑ अरा॑तयोऽदि॒त्यास्त्वग॑सि प्रति॑ त्वा
 पृथि॒वी वै॑त्तु दि॒वः स्क॑म्भ॒निरे॑सि॒ प्रति॑ त्वाऽदि॒त्यास्त्वग्वै॑त्तु धि॒षणा॑-
 ऽसि पर्व॑त्या प्रति॑ त्वा दि॒वः स्क॑म्भ॒निर्वै॑त्तु धि॒षणा॑ऽसि पा॒र्वते॑यी
 प्रति॑ त्वा पर्व॑तिर्वै॒त्तु दे॒वस्य॑ त्वा सवि॑तुः प्र॑सवे॒ऽश्विनो॑र्बा॒हुभ्या॑ पू॒ष्णो
 हस्ता॑भ्या॒मधि॑वपामि धा॒न्यम॑सि धिनु॑हि दे॒वान्प्रा॑णाय॑ त्वाऽपा॒नाय॑
 त्वा व्या॒नाय॑ त्वा दी॒र्घाम॑नु प्र॑सि॒तिमायु॑षे धां दे॒वो वः॑ सवि॑ता
 हिर॑ण्यपाणिः॒ प्रति॑ गृह्णातु॥ (९)

प्राणाय॑ त्वा पञ्च॑दश च॥ [६]

धृष्टि॑रसि॒ ब्रह्म॑ य॒च्छापा॑ऽग्नेऽग्नि॒मामा॑दं जहि॑ निष्क्र॒व्याद॑
 से॒धा दे॒वय॑जं वह् निर्द॑ग्ध॒ रक्षो॑ निर्द॑ग्धा अरा॑तयो ध्रु॒वम॑सि
 पृथि॒वीं दृ॒हाऽऽयु॑र्दृ॒ह प्र॒जां दृ॒ह स॒जा॒तान॒स्मै यज॑मानाय॒
 पर्यू॑ह ध॒त्रम॑स्य॒न्तरि॑क्षं दृ॒ह प्रा॒णं दृ॒हापा॑नं दृ॒ह स॒जा॒तान॒स्मै
 यज॑मानाय॒ पर्यू॑ह ध॒रुण॑मसि॒ दिवं॑ दृ॒ह चक्षु॑र् (१०)

दृ॒ह श्रो॑त्रं दृ॒ह स॒जा॒तान॒स्मै यज॑मानाय॒ पर्यू॑ह धर्मा॑ऽसि॒
 दि॒शो दृ॒ह योनि॑ दृ॒ह प्र॒जां दृ॒ह स॒जा॒तान॒स्मै यज॑मानाय॒ पर्यू॑ह
 चि॒तः स्थ॑ प्र॒जाम॒स्मै र॒यिम॒स्मै स॒जा॒तान॒स्मै यज॑मानाय॒ पर्यू॑ह
 भृ॒गूणा॑मङ्गि॒रसां॑ तप॑सा तप्य॒ध्वं या॒नि घ॒र्मे क॒पाला॑न्युपचि॒न्वन्ति॑

वेधसः। पूष्णस्तान्यपि व्रत इन्द्रवायू वि मुञ्चताम्॥ (११)

चक्षुरष्टाचत्वारिंशच्च॥

[७]

सं वंपामि समापो अद्विरंगमतु समोषधयो रसेन स॥
रेवतीर्जगतीभिर्मधुमतीर्मधुमतीभिः सृज्यध्वमद्भ्यः परि प्रजाताः
स्थ समद्विः पृच्यध्वं जनयत्यै त्वा सं यौम्यग्रये त्वाऽग्नीषोमाभ्यां
मुखस्य शिरोऽसि घर्मोऽसि विश्वायुरु रुरु प्रथस्वोरु ते यज्ञपतिः
प्रथतां त्वचं गृह्णीष्वाऽन्तरितुं रक्षोऽन्तरिता अरांतयो देवस्त्वा
सविता श्रपयतु वर्षिष्ठे अधि नाकेऽग्निस्ते तनुवं माऽति धागग्ने
हव्यं रक्षस्व सं ब्रह्मणा पृच्यस्वैकताय स्वाहा द्विताय स्वाहा
त्रिताय स्वाहा॥ (१२)

सविता द्वाविंशतिश्च॥

[८]

आदद् इन्द्रस्य बाहुरसि दक्षिणः सहस्रभृष्टिः शततेजा
वायुरसि तिग्मतेजाः पृथिवि देवयजन्योषध्यास्ते मूलं मा
हिंसिषमपहतोऽरुरुः पृथिव्यै व्रजं गच्छ गोस्थानं वर्षतु ते
द्यौर्बधान देव सवितः परमस्यां परावति शतेन पाशैर्योऽस्मान्द्वेष्टि
यं च वयं द्विष्मस्तमतो मा मौगपहतोऽरुरुः पृथिव्यै देवयजन्यै
व्रजं (१३)

गच्छ गोस्थानं वर्षतु ते द्यौर्बधान देव सवितः परमस्यां
परावति शतेन पाशैर्योऽस्मान्द्वेष्टि यं च वयं द्विष्मस्तमतो मा

मौगपंहतोऽरुः पृथिव्या अदेवयजनो ब्रजं गच्छ गोस्थानं वर्षतु
ते द्यौर्बधान देव सवितः परमस्यां परावति शतेन पाशैर्योऽस्मान्द्वेष्टि
यं च वयं द्विष्मस्तमतो मा (१४)

मौगरुस्ते दिवं मा स्कान् वसंवस्त्वा परिगृह्णन्तु गायत्रेण
छन्दसा रुद्रास्त्वा परिगृह्णन्तु त्रैष्टुभेन छन्दसाऽऽदित्यास्त्वा
परिगृह्णन्तु जागतेन छन्दसा देवस्य सवितुः सवे कर्म कृण्वन्ति
वेधसं ऋतमस्यृतसदनमस्यृतश्रीरसि धा असि स्वधा अस्युर्वी
चासि वस्वी चासि पुरा क्रूरस्य विसृपो विरप्शित्रुदादाय
पृथिवीं जीरदानुर्यामैरयं चन्द्रमसि स्वधाभिस्तान्धीरांसो अनुदृश्य
यजन्ते॥ (१५)

देवयजन्यै ब्रजन्तमतो मा विरप्शित्रेकादश च॥ [१]

प्रत्युष्टं रक्षः प्रत्युष्टा अरांतयोऽग्नेर्वस्तेजिष्ठेन तेजसा
निष्टपामि गोष्ठं मा निर्मृक्षं वाजिनं त्वा सपत्नसाहं सम्माज्मि
वाचं प्राणं चक्षुः श्रोत्रं प्रजां योनिं मा निर्मृक्षं वाजिनीं त्वा
सपत्नसाहीं सम्माज्म्याशासाना सौमनसं प्रजां सौभाग्यं
तनूम्। अग्नेरनुव्रता भूत्वा सन्नह्ये सुकृताय कम्। सुप्रजसंस्त्वा
वयं सुपत्नीरुपं (१६)

सेदिम। अग्ने सपत्नदम्भनमदब्धासो अदाभ्यम्। इमं विष्यामि
वरुणस्य पाशं यमबध्नीत सविता सुशेवः। धातुश्च योनौ सुकृतस्य

लो॒के स्यो॒नं मे॑ स॒ह पत्या॑ करोमि। समा॒युषा॑ सम्प्र॒जया॑ सम॒ग्रे
वर्च॑सा पुनः॑। सम्पत्नी॒ पत्या॑ऽहं गच्छे॑ समा॒त्मा त॒नुवा॑ मम॑। म॒हीनां॑
पयो॑ऽस्योष॑धीना॒५ रस॑स्तस्य॒ तेऽक्षी॑यमाणस्य॒ निर् (१७)

व॑पामि म॒हीनां॑ पयो॑ऽस्योष॑धीना॒५ रसो॑ऽद॒ब्धेन॑ त्वा चक्षु॑षा-
ऽवै॑क्षे सुप्रजा॒स्त्वाय॑ तेजो॑ऽसि तेजो॑ऽनु प्रेह्य॒ग्निस्ते॑ तेजो॒ मा वि
नै॒द॒ग्रेर्जि॒ह्वाऽसि॑ सुभू॒र्देवानां॑ धाम्ने॑धाम्ने दे॒वेभ्यो॑ यजु॑षेयजुषे भव
शुक्र॑म॒सि ज्योति॑र॒सि तेजो॑ऽसि दे॒वो वः॑ सवि॒तोत्पु॑ना॒त्वच्छि॑द्रेण
प॒वित्रे॑ण॒ वसोः॑ सूर्य॑स्य र॒श्मिभिः॑ शुक्रं॑ त्वा शु॒क्रायां॑ धाम्ने॑धाम्ने
दे॒वेभ्यो॑ यजु॑षेयजुषे गृह्णामि॒ ज्योति॑स्त्वा ज्योति॑ष्य॒र्चिस्त्वा॑ऽर्चिषि॒
धाम्ने॑धाम्ने दे॒वेभ्यो॑ यजु॑षेयजुषे गृह्णामि॥ (१८)

उप॒ नी र॒श्मिभिः॑ शुक्रं॑ षोड॑श च॥ [१०]

कृ॒ष्णो॑ऽस्याखरे॒ष्ठोऽग्नये॑ त्वा स्वाहा॒ वेदि॑र॒सि ब॒र्हिषे॑ त्वा
स्वाहा॑ ब॒र्हि॒र॒सि सु॒ग्न्यस्त्वा॑ स्वाहा॑ दि॒वे त्वा॑ऽन्तरि॒क्षाय॑ त्वा
पृथि॒व्यै त्वा॑ स्व॒धा पि॒तृभ्य॑ ऊ॒र्ग्वव॑ ब॒र्हिष॑द्भ्य ऊ॒र्जा पृथि॒वीं
गच्छ॑त॒ विष्णोः॑ स्तूपो॑ऽस्यूर्णा॒म्रद॑सं त्वा स्तृणामि स्वास॒स्थं दे॒वेभ्यो॑
गन्ध॒र्वोऽसि॑ वि॒श्वाव॑सुर्वि॒श्वस्मा॑दीष॒तो यज॑मानस्य परि॒धिरि॒ड
ई॒डित॑ इन्द्र॒स्य बा॒हुर॑सि (१९)

दक्षि॑णो यज॑मानस्य परि॒धिरि॒ड ई॒डितो॑ मि॒त्रावरु॑णौ

त्वोत्तरतः परिधत्तां ध्रुवेण धर्मणा यजमानस्य परिधिरिड ईडितः
 सूर्यस्त्वा पुरस्तात्पातु कस्यांश्चिदभिशस्त्या वीतिहोत्रं त्वा कवे
 द्युमन्तः५ समिधीमह्यग्रे बृहन्तमध्वरे विशो यन्त्रे स्थो वसूनाः
 रुद्राणामादित्यानाः५ सदसि सीद जुहूरुपभृद्धुवाऽसि घृताची नाम्ना
 प्रियेण नाम्ना प्रिये सदसि सीदैता असदन्त्सुकृतस्य लोके ता
 विष्णो पाहि पाहि यज्ञं पाहि यज्ञपतिं पाहि मां यज्ञनियम्॥ (२०)

बाहुरसि प्रिये सदसि पञ्चदश च॥ [११]

भुवनमसि वि प्रथस्वाग्रे यष्टिरिदं नमः। जुह्वेह्यग्निस्त्वा ह्वयति
 देवयज्याया उपभृदेहि देवस्त्वा सविता ह्वयति देवयज्याया
 अग्नाविष्णू मा वामव क्रमिषु वि जिहाथा मा मा सन्तांसं
 लोकं मे लोककृतौ कृणुतं विष्णोः स्थानमसीत इन्द्रो
 अकृणोद्वीर्याणि समारभ्योर्ध्वो अध्वरो दिविस्पृशमहुतो यज्ञो
 यज्ञपतेरिन्द्रावान्त्स्वाहा बृहद्वाः पाहि माऽग्रे दुश्चरितादा मा
 सुचरिते भज मुखस्य शिरोऽसि सं ज्योतिषा ज्योतिरङ्गाम्॥ (२१)

अहुत एकविंशतिश्च॥ [१२]

वाजस्य मा प्रसवेनोद्ग्राभेणोदग्रभीत्। अथा सपत्नाः५ इन्द्रो मे
 निग्राभेणार्धराः अकः। उद्ग्राभं च निग्राभं च ब्रह्म देवा अवीवृधन्।
 अथा सपत्नानिन्द्राग्नी मे विषूचीनान्व्यस्यताम्। वसुभ्यस्त्वा
 रुद्रेभ्यस्त्वाऽऽदित्येभ्यस्त्वाऽक्तः५ रिहाणा वियन्तु वयः। प्रजां

योनिं॑ मा निर्मृक्ष॒मा प्या॑यन्ता॒माप॒ ओष॑धयो म॒रुतां॑ पृष॑तयः स्थ॒
दिवं॑ (२२)

गच्छ॒ ततो॑ नो वृष्टि॒मेर॑य। आ॒युष्पा अ॑ग्रेऽस्यायु॑र्मे पाहि चक्षुष्पा
अ॑ग्रेऽसि चक्षु॑र्मे पाहि ध्रु॒वाऽसि॒ यं प॑रि॒धिं प॒र्यध॑त्था अ॒ग्रे दे॒व
प॒णिभिर्वी॑यमाणः। तन्तं॑ ए॒तमनु॑ जोषं॑ भ॒रामि॑ ने॒देष॑ त्वद॑पचे॒तया॑तै
य॒ज्ञस्य॑ पाथ॒ उप॒ समि॑तः स॒ऽस्त्राव॑भा॒गाः स्थे॑षा बृ॒हन्तः॑ प्र॒स्तरे॑ष्ठा
ब॒र्हिष॑दश्च (२३)

दे॒वा इ॒मां वाच॑म॒भि विश्वे॑ गृणन्तं॑ आ॒सद्या॑स्मिन्ब॒र्हिषि॑
माद॑यध्वम॒ग्नेर्वा॑मप॒न्नगृ॑हस्य॒ सद॑सि सा॒दयामि॑ सु॒म्नाय॑ सु॒मिनी॑ सु॒म्ने
मां ध॑त्तं धु॒रि धु॒र्यौ पा॑तम॒ग्नेऽद॒व्यायोऽशी॑ततनो पा॒हि मा॒ऽद्य दि॒वः
पा॒हि प्र॑सि॒त्यै पा॒हि दु॑रि॒ष्ट्यै पा॒हि दु॑र॒द्भ्यै पा॒हि दु॑श्च॒रिता॑दवि॒षन्नः
पि॒तुं कृ॑णु सु॒षदा॒ योनि॑ः॒ स्वाहा॑ दे॒वा गा॑तुविदो गा॒तुं वि॒त्वा
गा॒तुमि॑त॒ मन॑सस्पत इ॒मं नो॑ दे॒व दे॒वेषु॑ य॒ज्ञः स्वाहा॑ वा॒चि स्वाहा॑
वा॒तै धाः॥ (२४)

दिवंश्च॒ वि॒त्वा गा॑तुन्न॒योदश॑ च॥ ————— [१३]

उ॒भा वा॑मिन्द्रा॒ग्नी आ॑हुव॒ध्या उ॒भा रा॑धंसः स॒ह मा॑द॒यध्वै॑। उ॒भा
दा॒तारा॑वि॒षाः र॑यी॒णामु॒भा वा॑जस्य सा॒तयै॑ हुवे वा॒म्। अश्र॑वः
हि भू॒रि॒दाव॑त्तरा वां वि जा॑मातुरु॒त वां घा॑ स्या॒लात्। अथा॑
सोम॑स्य॒ प्रय॑ती यु॒वभ्या॑मिन्द्रा॒ग्नी स्तोमं॑ जन॒यामि॑ नव्य॒म्। इन्द्रा॑ग्नी

नवतिं पुरो दासपत्नीरधूनुतम्। साकमेकैः कर्मणा। शुचिं नु स्तोमं
नवजातमद्येन्द्राग्नी वृत्रहणा जुषेथाम्॥ (२५)

उभा हि वा॑ सुहवा जोह॑वीमि ता वाज॑ सद्य उ॑शते
धेष्ठा॑। वयमुं॑ त्वा पथस्पते॑ रथं न वाज॑सातये। धिये पू॑षन्नयुज्महि।
पथस्प॑थः परि॑पतिं वच॑स्या कामे॑न कृतो अ॒भ्या॑नङ्क॑रम्। स नो
रासच्छु॑रुधंश्चन्द्रा॒ग्रा धियं॑ धियः॑ सीषधाति॑ प्र पूषा। क्षेत्र॑स्य॒ पति॑ना
वयः॑ हितेनै॑व जयामसि। गामश्च॑ पोषयित्वा स नो॑ (२६)

मृडाती॒दृशे॑। क्षेत्र॑स्य पते॑ मधु॑मन्तमूर्मिं धे॒नुरि॑व॒ पयो॑
अ॒स्मासु॑ धुक्ष्व। मधु॑श्रुतं घृतमि॑व सुपू॑तमृतस्य॑ नः पत॑यो
मृडयन्तु। अग्ने॑ नय॑ सुपथा॑ राये अ॒स्मान् विश्वा॑नि देव व॒युना॑नि
वि॒द्वान्। युयो॑ध्यस्मङ्गु॒हुरा॑णमेनो॒ भूयि॑ष्ठान्ते नम॑ उक्तिं विधेम।
आ दे॒वाना॑मपि पन्था॑मगन्म॒ यच्छ॑क्रवा॑म॒ तदनु॑ प्रवो॒ढुम्।
अ॒ग्निर्वि॒द्वान्थ्स य॑जा॒थ (२७)

सेदु॑ होता सो अ॒ध्व॒रान्थ्स ऋ॒तून्क॑ल्पयाति। यद्वाहि॑ष्ठं तद॒ग्रये॑
बृह॑दर्च विभावसो। महि॑षीव त्वद्र॒यिस्त्वद्वाजा॑ उदीरते। अग्ने॑ त्वं
पा॒रया॑ नव्यो॑ अ॒स्मान्थ्स॒स्तिभि॑रतिं दुर्गा॑णि विश्वा॑। पू॒श्च पृ॒थ्वी
ब॒हुला॑ न उ॒र्वी भवा॑ तो॒काय॑ तन॑याय॒ शं योः। त्वम॑ग्ने व्रत॒पा
अ॑सि देव आ म॒र्त्येष्वा॑। त्वं य॒ज्ञेष्वी॒ड्यः। यद्वो॑ व॒यं प्र॑मि॒नाम॑
व्र॒तानि॑ वि॒दुषा॑ देवा॒ अवि॑दुष्टरासः। अ॒ग्निष्ट॒द्विश्वा॑मा पृ॒णाति॑ वि॒द्वान्

येभिर्देवाः ऋतुभिः कल्पयाति॥ (२८)

जुषेथामा स नो यजादा त्रयोविंशतिश्च॥ [१४]

[इषे त्वा यज्ञस्य शुन्ध्वं कर्मणे देवोऽवधूतन्धृष्टिः सं वपाम्या दंदे प्रत्युष्टं कृष्णोऽसि भुवनमसि
वाजस्योभा वां चतुर्दश॥१४॥ इषे दृह भुवनमष्टाविंशतिः॥२८॥ इषे त्वा कल्पयाति॥]

॥द्वितीयः प्रश्नः॥

॥तैत्तिरीयसंहितायां प्रथमकाण्डे द्वितीयः प्रश्नः॥

आप उन्दन्तु जीवसे दीर्घायुत्वाय वर्चस ओषधे त्रायस्वैनः
स्वधिते मेनः हिंसीर्देवश्रूरेतानि प्र वपे स्वस्त्युत्तराण्यशीयाऽ-
ऽपो अस्मान्मातरः शुन्धन्तु घृतेन नो घृतपुवं पुनन्तु विश्वमस्मत्प्र
वहन्तु रिप्रमुदाभ्यः शुचिरा पूत एमि सोमस्य तनूरसि तनुवं मे
पाहि महीनां पयोऽसि वर्चोधा असि वर्चो (१)

मयि धेहि वृत्रस्य कनीनिकाऽसि चक्षुष्पा असि चक्षुर्मे
पाहि चित्पतिस्त्वा पुनातु वाक्पतिस्त्वा पुनातु देवस्त्वा सविता
पुनात्वच्छिंद्रेण पवित्रेण वसोः सूर्यस्य रश्मिभिस्तस्य ते पवित्रपते
पवित्रेण यस्मै कं पुने तच्छकेयमा वो देवास ईमहे सत्यधर्माणो
अध्वरे यद्वो देवास आगुरे यज्ञियासो हवामह इन्द्राग्नी द्यावापृथिवी

आपं ओषधीस्त्वं दीक्षाणामधिपतिरसीह मा सन्तं पाहि॥ (२)

वचं ओषधीरष्टौ च॥ [१]

आकूत्यै प्रयुजेऽग्नये स्वाहा मेधायै मनसेऽग्नये स्वाहा
दीक्षायै तपसेऽग्नये स्वाहा सरस्वत्यै पूष्णेऽग्नये स्वाहाऽऽपो
देवीर्बृहतीर्विश्वशम्भुवो द्यावापृथिवी उर्वन्तरिक्षं बृहस्पतिर्नो हविषा
वृधातु स्वाहा विश्वे देवस्य नेतुर्मर्तोऽवृणीत सुख्यं विश्वे राय
इषुध्यसि द्युम्रं वृणीत पुष्यसे स्वाहर्त्सामयोः शिल्पे स्थस्ते वामा
रभे ते मां (३)

पातमाऽस्य यज्ञस्योदचं इमां धियं शिक्षमाणस्य देव क्रतुं
दक्षं वरुणं सः शिंशाधि ययाऽति विश्वां दुरिता तरेम सुतर्माणमधि
नावं रुहेमोर्गस्याङ्गिरस्यूर्णम्रदा ऊर्जं मे यच्छ पाहि मा मा मां
हिः सीर्विष्णोः शर्मासि शर्म यजमानस्य शर्म मे यच्छ नक्षत्राणां
माऽतीकाशात् पाहीन्द्रस्य योनिरसि (४)

मा मां हिः सीः कृष्यै त्वां सुसस्यायै सुपिप्पलाभ्यस्त्वौष-
धीभ्यः सूपस्था देवो वनस्पतिरूर्ध्वो मां पाह्योदचः स्वाहा यज्ञं
मनसा स्वाहा द्यावापृथिवीभ्यां स्वाहोरोरन्तरिक्षां स्वाहा यज्ञं
वातादा रभे॥ (५)

मा योनिरसि त्रिंशच्च॥ [२]

दैवीं धियं मनामहे सुमृडीकामभिष्टये वर्चोधां यज्ञवाहसं
 सुपारा नो असद्वशैः। ये देवा मनोजाता मनोयुजः सुदक्षा
 दक्षपितारस्ते नः पान्तु ते नोऽवन्तु तेभ्यो नमस्तेभ्यः स्वाहाऽग्ने
 त्वं सु जागृहि वयं सु मन्दिषीमहि गोपाय नः स्वस्तये प्रबुधे
 नः पुनर्ददः। त्वमग्ने व्रतपा असि देव आ मर्त्येष्व। त्वं (६)

यज्ञेष्वीड्यः॥ विश्वे देवा अभि मा माऽववृत्रन् पूषा सन्या
 सोमो राधसा देवः सविता वसोर्वसुदावा रास्वेयत्सोमाऽऽभूयो
 भर मा पृणन्मृत्या वि राधि माऽहमायुषा चन्द्रमसि मम भोगाय
 भव वस्त्रमसि मम भोगाय भवोस्त्राऽसि मम भोगाय भव हयोऽसि
 मम भोगाय भव (७)

छागोऽसि मम भोगाय भव मेषोऽसि मम भोगाय भव वायवे
 त्वा वरुणाय त्वा निर्ऋत्यै त्वा रुद्राय त्वा देवीरापो अपां नपाद्य
 ऊर्मिर्हविष्य इन्द्रियावान्मदिन्तमस्तं वो माऽवक्रमिषमच्छिन्नं
 तन्तुं पृथिव्या अनुं गेषं भद्रादभि श्रेयः प्रेहि बृहस्पतिः पुरता
 ते अस्त्वथेमव स्य वर आ पृथिव्या आरे शत्रून् कृणुहि
 सर्ववीर एदमंगन्म देवयजनं पृथिव्या विश्वे देवा यदजुषन्त पूर्व
 ऋक्सामाभ्यां यजुषा सन्तरन्तो रायस्पोषेण समिषा मदेम॥ (८)

आ त्वं हयोऽसि मम भोगाय भव स्य पञ्चविंशतिश्च॥ [३]

इयं ते शुक्र तनूरिदं वर्चस्तया सं भव भ्राजं गच्छ जूरसि

धृता मनसा जुष्टा विष्णवे तस्यांस्ते सत्यसंवसः प्रसवे वाचो
 यन्त्रमशीय स्वाहा शुक्रमस्यमृतमसि वैश्वदेव९ हविः सूर्यस्य
 चक्षुराऽरुहमग्नेरक्षणः कनीनिकां यदेतंशेभिरीयसे भ्राजमानो
 विपश्चिता चिदसि मनाऽसि धीरसि दक्षिणा- (९)

ऽसि यज्ञियाऽसि क्षत्रियाऽस्यदितिरस्युभयतःशीर्ष्णी सा
 नः सुप्राची सुप्रतीची सं भव मित्रस्त्वां पदि बध्नातु पूषाऽध्वनः
 पात्विन्द्रायाध्यक्षायानु त्वा माता मन्यतामनु पिताऽनु भ्राता
 सगर्भ्योऽनु सखा सयूथ्यः सा दैवि देवमच्छेहीन्द्राय सोम९
 रुद्रस्त्वाऽऽवर्तयतु मित्रस्य पथा स्वस्ति सोमसखा पुनरेहि सह
 रय्या॥ (१०)

दक्षिणा सोमसखा पञ्च च॥ [४]

वस्यसि रुद्राऽस्यदितिरस्यादित्याऽसि शुक्राऽसि चन्द्राऽसि
 बृहस्पतिस्त्वा सुम्ने रण्वतु रुद्रो वसुभिरा चिकेतु पृथिव्यास्त्वा
 मूर्धन्ना जिघर्मि देवयजन इडायाः पदे घृतवति स्वाहा
 परिलिखित९ रक्षः परिलिखिता अरांतय इदमह९ रक्षसो
 ग्रीवा अपि कृन्तामि योऽस्मान् द्वेष्टि यं च वयं द्विष्म इदमस्य
 ग्रीवा (११)

अपि कृन्ताम्यस्मे रायस्त्वे रायस्तोते रायः सं दैवि देव्योर्वश्यां
 पश्यस्व त्वष्टीमती ते सपेय सुरेता रेतो दधाना वीरं विदेय तव

स॒न्द॒शि॒ माऽह॑ꣳ रा॒य॒स्पोषे॑ण॒ वि यो॑षम्॥ (१२)

अ॒स्य॒ ग्री॒वा ए॒का॒त्रि॒ꣳश॒च॑॥ [५]

अ॒ꣳशु॒ना ते अ॒ꣳशुः पृ॒च्यतां॑ प॒रुषा॑ प॒रुर्ग॒न्ध॒स्ते का॒मम॑वतु
मदा॑य॒ रसो॑ अ॒च्यु॒तोऽमा॒त्योऽसि॑ शु॒क्रस्ते॑ ग्र॒होऽभि॑ त्यं दे॒वꣳ
सं॒वि॒तार॑मृ॒ण्योः क॒विक्र॑तुम॒र्चामि॑ स॒त्यस॑वसꣳ रत्न॒धाम॑भि प्रि॒यं
म॒तिमूर्ध्वा॑ यस्या॒मति॑र्भा अदि॒द्युत॑त्स॒र्वीम॑नि हि॒र॒ण्य॒पाणि॑रमिमीत
सु॒क्रतुः॑ कृ॒पा सु॒वः। प्र॒जाभ्य॑स्त्वा प्रा॒णाय॑ त्वा व्या॒नाय॑ त्वा
प्र॒जास्त्व॑मनु प्राणि॑हि प्र॒जास्त्वाम॑नु प्राण॑न्तु॥ (१३)

अ॒नु स॒प्त च॑॥ [६]

सोम॑ ते क्री॒णाम्यूर्ज॑स्वन्तं प॒यस्व॑न्तं वी॒र्या॑वन्तमभिमाति॒
षाह॑ꣳ शु॒क्रं ते शु॒क्रेण॑ क्री॒णामि॑ च॒न्द्रं च॒न्द्रेणा॑मृतम॒मृते॑न
स॒म्यत्ते॑ गो॒रस्मे॑ च॒न्द्राणि॑ तप॑सस्त॒नूर॑सि प्र॒जाप॑तेर्वर्ण॒स्तस्या॑स्ते
सह॑स्रपोषं पु॒ष्यन्त्या॑श्चर॒मेण॑ प॒शुना॑ क्री॒णाम्य॑स्मे ते ब॒न्धुर्म॑रि॒यि
ते रा॒यः श्र॑यन्ताम॒स्मे ज्योतिः॑ सोम॒विक्र॑यिणि तमो॑ मि॒त्रो न
एहि॑ सुमि॒त्रधा॑ इन्द्र॑स्यो॒रु मा वि॑श दक्षि॑णमु॒शन्नु॑शन्तꣳ स्यो॒नः
स्यो॒नꣳ स्वा॒न भ्रा॒जाङ्घा॑रे ब॒म्भारे॑ हस्त॒ सुह॑स्त॒ कृशा॑नवे॒ते वः
सोम॑क्रय॑णा॒स्तात्र॑क्ष॒ध्वं मा वो॑ द॒भन्न॑॥ (१४)

ऊ॒रुं द्वावि॑ꣳशति॒श्व॑॥ [७]

उदा॑युषा स्वा॒युषो॑दोष॒धीना॑ꣳ रसे॒नोत्प॑र्जन्य॒स्य शु॒ष्मे॒णोद॑स्था-

मृता॒ः अ॒नु। उ॒र्वन्तरि॑क्षम॒न्विह्य॑दित्याः स॒दोऽस्य॑दित्याः स॒द
 आसी॑दास्त॒भ्राद्या॑मृष॒भो अ॒न्तरि॑क्षममिमीत वरि॒माणं॑ पृथि॒व्या
 आसी॑दद्वि॒श्वा भुव॑नानि स॒म्राड्वि॒श्वेत्तानि॑ वरु॒णस्य॑ व्र॒तानि॑ वने॑षु
 व्य॒न्तरि॑क्षं ततान् वाज॒मर्व॑त्सु पयो॑ अ॒घ्निया॑सु ह॒त्सु (१५)

ऋतुं वरु॑णो वि॒श्वंघ्निं॑ दि॒वि सूर्य॑म॒दधा॒त्सोम॑म॒द्रावु॑दुत्यं
 जा॒तवे॑दसं दे॒वं वह॑न्ति के॒तवः॑। दृ॒शे वि॒श्वाय॑ सूर्य॒म्॥ उ॒स्त्रावे॑तं
 धू॒र्षाहा॑वन॒श्रू अवी॑र॒हणौ॑ ब्र॒ह्मचो॑दनौ वरु॒णस्य॑ स्क्व॒म्भन॑मसि
 वरु॑णस्य स्क्व॒म्भस॑र्जनमसि प्रत्य॑स्तो वरु॒णस्य॑ पाशः॥ (१६)

हृत्सु पञ्चत्रिंशच्च॥

[८]

प्रच्य॑वस्व भुव॒स्पते॑ वि॒श्वान्य॑भि॒ धामा॑नि॒ मा त्वा॑ परि॒परी
 वि॒दन्मा॑ त्वा॑ परि॒पन्थि॑नो वि॒दन्मा॑ त्वा॒ वृका॑ अ॒घाय॑वो॒ मा ग॑न्ध॒र्वो
 वि॒श्वाव॑सु॒रा द॑घच्छे॒नो भू॒त्वा परा॑ प॒तु यज॑मानस्य नो गृ॒हे
 दे॒वैः स॑ङ्स्कृतं यज॑मानस्य स्व॒स्त्यय॑न्यस्यपि पन्था॑म॒गस्महि॑
 स्व॒स्तिगा॑म॒नेह॑सं येन॒ वि॒श्वाः परि॑ द्विषो॑ वृ॒णक्ति॑ वि॒न्दते॑ वसु॒
 नमो॑ मि॒त्रस्य॑ वरु॒णस्य॑ चक्ष॑से म॒हो दे॒वाय॑ तदृ॒तं संप॑र्यत
 दू॒रेदृ॑शे दे॒वजा॑ताय के॒तवे॑ दि॒वस्पु॑त्राय॒ सूर्या॑य श॒ंसत॑ वरु॒णस्य॑
 स्क्व॒म्भन॑मसि वरु॒णस्य॑ स्क्व॒म्भस॑र्जनम॒स्युन्मु॑क्तो वरु॒णस्य॑

पाशः॥ (१७)

मित्रस्य त्रयोविंशतिश्च॥ [९]

अग्नेरातिथ्यमसि विष्णवे त्वा सोमस्याऽऽतिथ्यमसि विष्णवे
त्वाऽतिथेरातिथ्यमसि विष्णवे त्वाऽग्नये त्वा रायस्पोषदाञ्जे विष्णवे
त्वा श्येनाय त्वा सोमभृते विष्णवे त्वा या ते धामानि हविषा
यजन्ति ता ते विश्वा परिभूरस्तु यज्ञं गयस्फानः प्रतरणः सुवीरो-
ऽवीरहा प्र चरा सोम दुर्यानदित्याः सदोऽस्यदित्याः सद आ (१८)

सीद वरुणोऽसि धृतव्रतो वारुणमसि शंयोर्देवानां सख्यान्मा
देवानामपसंश्छिध्स्मह्यापतये त्वा गृह्णामि परिपतये त्वा गृह्णामि
तनूनत्रे त्वा गृह्णामि शाक्वराय त्वा गृह्णामि शक्मन्नोजिष्ठाय त्वा
गृह्णाम्यनाधृष्टमस्यनाधृष्यं देवानामोजोऽभिश्स्तिपा अनभिश्स्ते-
ऽन्यमनु मे दीक्षां दीक्षापतिर्मन्यतामनु तपस्तपस्पतिरञ्जसा
सत्यमुप गेष सुविते मा धाः॥ (१९)

आ मैकं च॥ [१०]

अशुरशुस्ते देव सोमाऽऽप्यायतामिन्द्रायैकधनविद
आ तुभ्यमिन्द्रः प्यायतामा त्वमिन्द्राय प्यायस्वाऽऽ प्यायय
सखीन्त्सुन्या मेधया स्वस्ति ते देव सोम सुत्यामशीयेष्टा रायः
प्रेषे भगायर्तमृतवादिभ्यो नमो दिवे नमः पृथिव्या अग्ने व्रतपते
त्वं व्रतानां व्रतपतिरसि या मम तनूरेषा सा त्वयि (२०)

या तव तनूरियं सा मयि सह नौ व्रतपते व्रतिनोर्व्रतानि या
 ते अग्ने रुद्रिया तनूस्तया नः पाहि तस्यांस्ते स्वाहा या ते अग्ने-
 ऽयाशया रजाशया हराशया तनूर्वर्षिष्ठा गह्वरेष्ठोग्रं वचो अपावधीं
 त्वेषं वचो अपावधीं स्वाहा॥ (२१)

त्वयि चत्वारिंशच्च॥ [११]

वित्तायनी मेऽसि तित्तायनी मेऽस्यवतान्मा नाथितमवतान्मा
 व्यथितं विदेरग्निर्नभो नामाग्ने अङ्गिरो योऽस्यां पृथिव्यामस्यायुषा
 नाम्नेहि यत्तेऽनाधृष्टं नाम यज्ञियं तेन त्वाऽऽदधेऽग्ने अङ्गिरो यो
 द्वितीयस्यां तृतीयस्यां पृथिव्यामस्यायुषा नाम्नेहि यत्तेऽनाधृष्टं
 नाम (२२)

यज्ञियं तेन त्वाऽऽदधे सिंहीरसि महिषीरस्युरु प्रथस्वोरु
 ते यज्ञपतिः प्रथतां ध्रुवाऽसि देवेभ्यः शुन्धस्व देवेभ्यः
 शुम्भस्वेन्द्रघोषस्त्वा वसुभिः पुरस्तात्पातु मनोजवास्त्वा
 पितृभिर्दक्षिणतः पातु प्रचेतास्त्वा रुद्रैः पश्चात्पातु विश्वकर्मा त्वा-
 ऽऽदित्यैरुत्तरतः पातु सिंहीरसि सपत्नसाही स्वाहा सिंहीरसि
 सुप्रजावनिः स्वाहा सिंही- (२३)

-रसि रायस्पोषवनिः स्वाहा सिंहीरस्यादित्यवनिः स्वाहा
 सिंहीरस्या वह देवान्देवयते यजमानाय स्वाहा भूतेभ्यस्त्वा
 विश्वायुरसि पृथिवीं दृह ध्रुवक्षिदस्यन्तरिक्षं दृहाच्युतक्षिदसि

दिवं दृ॒ष्ट्वाग्नेर्भस्मा॑स्यग्नेः पुरी॑षमसि॥ (२४)

नामं सुप्रजा॒वनिः स्वाहा॑ सि॒न्हीः पञ्च॑त्रि॒शच्च॥ [१२]

यु॒ञ्जते॒ मनं॒ उ॒त यु॒ञ्जते॒ धियो॒ वि॒प्रा वि॒प्रस्य॒ बृ॒ह॒तो वि॒प॒श्चितः॑।
वि हो॒त्रा द॒धे व॒युना॒विदे॒क इ॒न्म॒ही दे॒वस्य॑ स॒वितुः॑ परि॒ष्टुतिः॑॥
सु॒वाग्दे॒व दुर्या॑ ५ आ व॑द दे॒वश्रु॒तौ दे॒वेष्वा घो॑षेथा॒मा नो॑ वी॒रो
जा॒यतां॑ क॒र्म॒ण्यो य॑ ५ स॒र्वेऽनु॑जीवा॒म॒ यो ब॑हूनामसं॒द्वशी॑। इ॒दं
विष्णु॑र्वि च॒क्रमे॒ त्रेधा॑ नि द॒धे प॒दम्। स॒मूढ॑मस्य (२५)

पा॑ ५ सु॒र इ॒रा॒वती॑ धेनु॒मती॑ हि भू॒त ५ सू॒यव॑सिनी॒ मन॑वे यश॒स्ये॑।
व्य॑स्कभ्रा॒द्रोद॑सी॒ विष्णु॑रे॒ते दा॒धारं॑ पृथि॒वीम॒भितो॑ म॒यूखैः॑॥ प्राची॑
प्रेत॑मध्व॒रं क॒ल्पय॑न्ती ऊ॒र्ध्वं य॒ज्ञं न॑यत॒ मा जी॑ह्व॒रत॑मत्र॒ रमे॑था॒
वर्ष्म॑न्पृथि॒व्या दि॒वो वा॑ विष्णवु॒त वा॑ पृथि॒व्या म॒हो वा॑ विष्णवु॒त
वाऽन्तरि॑क्षा॒द्धस्तौ॑ पृणस्व॒ बहु॑भिर्वस॒व्यैरा॑ प्र यच्छ॒ (२६)

दक्षि॑णा॒दोत॑ स॒व्यात्। विष्णो॑र्नु॒कं वी॒र्या॑णि॒ प्र वोचं॑ यः
पा॒र्थि॒वानि॑ वि॒म॒मे र॒जा ५ सि॑ यो अ॒स्कंभा॑यदु॒त्तर॑ ५ स॒धस्थं॑
वि॒चक्र॑मा॒णस्त्रे॒धोरु॑गा॒यो विष्णो॑ र॒राट॑मसि॒ विष्णोः॑ पृ॒ष्ठम॑सि॒ विष्णोः॑
श॒ज॒त्रे स्थो॑ विष्णोः॒ स्यू॑रसि॒ विष्णो॑र्ध्रु॒वम॑सि॒ वैष्ण॑वम॑सि॒ विष्ण॑वे
त्वा॥ (२७)

अ॒स्य॒ यच्छे॑का॒न्नच॑त्वारि॒ ५ शच्च॑॥ [१३]

कृणुष्व पाजुः प्रसितिं न पृथ्वीं याहि राजेवामवा५ इमेन।
 तृष्णीमनु प्रसितिं द्रूणानोऽस्तासि विध्यं रक्षसस्तपिष्ठैः॥ तवं
 भ्रमासं आशुया पतन्त्यनु स्पृश धृषता शोशुचानः। तपूँष्यग्रे
 जुह्वा पतङ्गानसन्दितो वि सृज विष्वगुल्काः॥ प्रति स्पशो वि
 सृज तूर्णितमो भवा पायुर्विशो अस्या अदब्धः। यो नो दूरे
 अघशंसो (२८)

यो अन्त्यग्रे मार्किष्टे व्यथिरा दधर्षीत्। उदग्रे तिष्ठ
 प्रत्याऽऽतनुष्व न्यमित्रा५ ओषतात्तिग्महेते। यो नो अराति५
 समिधान चक्रे नीचा तं धक्ष्यतसं न शुष्कम्॥ ऊर्ध्वो भव प्रति
 विध्याध्यस्मदाविष्कृणुष्व दैव्यान्यग्रे। अव स्थिरा तनुहि यातुजूनां
 जामिमजामिं प्र मृणीहि शत्रून्॥ स ते (२९)

जानाति सुमतिं यविष्ठ य ईवते ब्रह्मणे गातुमैरत्। विश्वान्यस्मै
 सुदिनानि रायो द्युमन्यर्यो वि दुरो अभि द्यौत्॥ सेदग्रे अस्तु सुभगः
 सुदानुर्यस्त्वा नित्येन हविषा य उक्थैः। पिप्रीषति स्व आयुषि दुरोणे
 विश्वेदस्मै सुदिना साऽसदिष्टिः॥ अर्चामि ते सुमतिं घोष्यर्वाख्सं
 ते वावाता जरता- (३०)

मियङ्गीः। स्वश्वास्त्वा सुरथा मर्जयेमास्मे क्षत्राणि धारयेरनु
 द्यून्॥ इह त्वा भूर्या चरेदुप त्मन्दोषावस्तर्दीदिवा५ समनु द्यून्।
 कीडन्तस्त्वा सुमनसः सपेमाभि द्युम्ना तस्थिवा५ सो जनानाम्॥

यस्त्वा स्वश्वः सुहिरण्यो अग्न उपयाति वसुमता रथेन। तस्य
त्राता भवसि तस्य सखा यस्त आतिथ्यमानुषगजुजौषत्॥ महो
रुजामि (३१)

बन्धुता वचोभिस्तन्मा पितुर्गोतमादन्वियाय॥ त्वं नो अस्य
वचसश्चिकिद्धि होतर्यविष्ठ सुक्रतो दमूनाः॥ अस्वप्रजस्तरणयः
सुशेवा अतन्द्रासोऽवृका अश्रमिष्ठाः। ते पायवः सध्रियञ्चो निषद्या-
ऽग्ने तव नः पान्त्वमूर॥ ये पायवो मामतेयं ते अग्ने पश्यन्तो अन्धं
दुरितादरक्षन्। ररक्ष तान्सुकृतो विश्ववेदा दिप्सन्त इद्रिपवो ना
ह (३२)

देभुः॥ त्वया वयं सधन्यस्त्वोतास्तव प्रणीत्यश्याम वाजान्।
उभा शंसां सूदय सत्यतातेऽनुष्ठुया कृणुह्यहयाण॥ अया ते अग्ने
समिधा विधेम प्रति स्तोमं शस्यमानं गृभाय। दहाशसो रक्षसः
पाह्यस्मान्द्रुहो निदोऽमित्रमहो अवद्यात्॥ रक्षोहणं वाजिनमाऽ-
ऽजिघर्षि मित्रं प्रथिष्ठमुपं यामि शर्म। शिशानो अग्निः क्रतुभिः
समिद्धः स नो दिवा (३३)

स रिषः पातु नक्तम्॥ वि ज्योतिषा बृहता भान्त्यग्निराविर्विश्वानि
कृणुते महित्वा। प्रादेवीर्मायाः संहते दुरेवाः शिशीते शृङ्गे रक्षसे
विनिक्षे॥ उत स्वानासो दिविषन्त्वग्नेस्तिग्मायुधा रक्षसे हन्तवा उ।

मदे चिदस्य प्ररुजन्ति भामा न वरन्ते परिबाधो अदेवीः॥ (३४)

अघशरंसः स ते जरता रुजामि हु दिवैकचत्वारिंशच्च॥ [१४]

॥तृतीयः प्रश्नः॥

॥तैत्तिरीयसंहितायां प्रथमकाण्डे तृतीयः प्रश्नः॥

देवस्य त्वा सवितुः प्रसवेऽश्विनोर्बाहुभ्यां पूष्णो
हस्ताभ्यामाददेऽभिरसि नारिरसि परिलिखितं रक्षः परिलिखिता
अरांतय इदमहं रक्षसो ग्रीवा अपि कृन्तामि योऽस्मान् द्वेष्टि
यं च वयं द्विष्म इदमस्य ग्रीवा अपि कृन्तामि दिवे त्वा-
ऽन्तरिक्षाय त्वा पृथिव्यै त्वा शुन्यतां लोकः पितृषदनो यवोऽसि
यवयास्मद्वेषो (१)

यवयारांतीः पितृणां सदनमस्युद्विवं स्तभानाऽन्तरिक्षं पूण
पृथिवीं दह द्युतानस्त्वा मारुतो मिनोतु मित्रावरुणयोर्ध्रुवेण धर्मणा
ब्रह्मवनिं त्वा क्षत्रवनिं सुप्रजावनिं रायस्पोषवनिं पर्यूहामि ब्रह्म
दह क्षत्रं दह प्रजां दह रायस्पोषं दह घृतेन द्यावापृथिवी
आ पूणेथामिन्द्रस्य सदोऽसि विश्वजनस्य छाया परि त्वा गिर्वणो
गिर इमा भवन्तु विश्वतो वृद्धायुमनु वृद्धयो जुष्टा भवन्तु जुष्टय
इन्द्रस्य स्यूरसीन्द्रस्य ध्रुवमस्यैन्द्रमसीन्द्राय त्वा॥ (२)

द्वेष इमा अष्टादश च॥ [१]

रक्षो॒हणो॑ वल॒ग॒हनो॑ वैष्ण॒वान्ख॑नामीद॒म॒हं तं व॑ल॒ग॒मुद्व॑पामि
यं नः॑ स॒मा॒नो य॒मस॑मानो नि॒च॒खाने॑द॒मै॒न॒म॒ध॒रं करो॑मि यो नः॑
स॒मा॒नो योऽस॑मानोऽराती॒यति॑ गाय॒त्रेण॑ छ॒न्द॒साऽव॑बाढो वल॒गः
कि॒मत्र॑ भ॒द्रं तन्नो॑ स॒ह वि॒राड॑सि स॒पत्न॑हा स॒म्राड॑सि भ्रातृ॒व्य॒हा
स्व॒राड॑स्यभिमाति॒हा वि॑श्वा॒राड॑सि वि॒श्वासां॑ ना॒ष्ट्राणां॑ ह॒न्ता (३)

रक्षो॒हणो॑ वल॒ग॒हनः॑ प्रोक्षा॑मि वैष्ण॒वान् रक्षो॒हणो॑ वल॒ग॒हनोऽव॑
नयामि॑ वैष्ण॒वान् यवो॑ऽसि य॒वया॑स्मद्वेषो॑ य॒वया॑राती रक्षो॒हणो॑
वल॒ग॒हनोऽव॑ स्तृणामि॑ वैष्ण॒वान् रक्षो॒हणो॑ वल॒ग॒हनोऽभि॑
जु॒होमि॑ वैष्ण॒वान् रक्षो॒हणो॑ वल॒ग॒हना॑वुप॑ दधामि॑ वैष्ण॒वी
रक्षो॒हणो॑ वल॒ग॒हनो॑ पर्यू॑हामि वैष्ण॒वी रक्षो॒हणो॑ वल॒ग॒हनो॑ परि॑
स्तृणामि॑ वैष्ण॒वी रक्षो॒हणो॑ वल॒ग॒हनो॑ वैष्ण॒वी बृ॒हन्न॑सि बृ॒हद्वा॑वा
बृ॒हती॑मिन्द्रा॒य वाचं॑ वद॥ (४)

हन्तेन्द्राय द्वे च॥

[२]

वि॒भूर॑सि प्र॒वा॒ह॒णो॒ वह्नि॑रसि ह॒व्य॒वा॒ह॒नः॑ श्वा॒त्रो-
ऽसि॑ प्र॒चे॒तास्तु॑र्योऽसि वि॒श्ववे॑दा उ॒शि॒ग॑सि क॒विर॒ङ्घा॑रिरसि
ब॒म्भा॑रिर॒व॒स्युर॑सि दु॒व॒स्वाञ्छु॑न्ध्यूर॑सि मा॒र्जा॒ली॒यः॑ स॒म्राड॑सि
कृ॒शानुः॑ परि॒षद्यो॑ऽसि प॒व॒मानः॑ प्र॒त॒क्का॑ऽसि नभ॑स्वा॒नस॑म्मृष्टोऽसि
ह॒व्य॒सू॒दं ऋ॒त॒धा॒मा॑ऽसि सु॒व॒ज्योति॑र्ब्रह्म॒ज्योति॑रसि सु॒व॒र्धा॒मा॑ऽजो-
ऽस्ये॒कपा॑दहि॒रसि॑ बु॒ध्नियो॑ रौ॒द्रेणा॑नी॒केन॑ पा॒हि मा॑ऽग्ने पिपृ॒हि मा॑

मा मां हिंसीः॥ (५)

अनीकेनाष्टौ च॥ [३]

त्व॑ सोम तनू॑कृ॒द्धो द्वेषो॑भ्योऽन्यकृ॑तेभ्य उ॒रु य॒न्तासि॑
वरू॑थ॒ऽ स्वाहा जुषा॑णो अ॒सुराज्य॑स्य वेतु स्वाहाऽयं नो
अ॒ग्निर्वरि॑वः कृ॒णोत्व॑यं मृ॒धः पुर ए॑तु प्रभि॒न्दन्। अ॒य॑ शत्रू॑ञ्जयतु
जर॑हृषाणोऽयं वाजं जयतु वाजं॑सातौ॥ उ॒रु वि॑ष्णो वि क्र॑मस्वो॒रु
क्षया॑य नः कृ॒धि। घृ॒तं घृ॒तयो॑ने पिब प्र॑प्र य॒ज्ञप॑तिं तिर॥ सोमो
जिगा॑ति गातु॒विद् (६)

दे॒वाना॑मेति निष्कृ॒तमृ॑तस्य योनि॑मा॒सद्मदि॑त्याः स॒दो-
ऽस्य॑दि॒त्याः स॒द् आ सी॑दैष वो दे॒व स॒वितः सोम॑स्त॑ र॒क्षध्वं
मा वो द॑भदे॒तत् त्व॑ सोम दे॒वो दे॒वानु॑पा॒गा इ॒दम॑हं म॒नुष्यो॑
म॒नुष्या॑न्त्स॒ह प्र॒जया॑ स॒ह रा॒यस्पोषे॑ण नमो दे॒वेभ्यः स्व॒धा पि॒तृभ्य॑
इ॒दम॑हं निर्व॑रुणस्य पाशा॒त्सुव॑र॒भि (७)

वि ख्ये॑षं वैश्वान॒रं ज्योति॑र॒ग्ने व्र॑तपते त्वं व्र॒ताना॑ व्र॒तप॑तिरसि
या मम॑ त॒नूस्त्वय्य॑भू॒दिय॑ सा मयि॒ या तव॑ त॒नूर्मय्य॑भू॒देषा सा
त्वयि॑ यथाय॒थं नो॑ व्र॒तप॑ते व्र॒तिनो॑व्र॒तानि॑॥ (८)

गातुविद्भ्येकत्रिंशच्च॥ [४]

अत्य॑न्या॒नगां॑ ना॒न्यानु॑पा॒गाम॑र्वा॒क्ता परै॑रवि॒दं परो॑ऽव॒रैस्तं
त्वा जुषे॑ वैष्ण॒वं दे॒वय॑ज्यायै दे॒वस्त्वा स॒विता म॒ध्वाऽन॒क्तोष॑धे

त्रायस्वेन॑ꣳ स्वधिते॑ मेन॑ꣳ हि॑सीर्दिवम॑ग्रेण॑ मा लेखी॑रन्तरि॑क्षं
मर्ध्येन॑ मा हि॑सीः पृथिव्या॑ सं भव॑ वनस्पते॑ शत॑बल॒शो वि रौह॑
सहस्र॑बल॒शा वि वय॑ꣳ रुहेम॑ यं त्वाऽय॑ꣳ स्वधिति॑स्तेति॑जानः
प्रणि॒नाय॑ मह॒ते सौभ॑गायाऽच्छि॑न्नो रायः॑ सुवीरः॑ ॥ (९)

यं दशं च॥

[५]

पृथिव्यै॑ त्वाऽन्तरि॑क्षाय॑ त्वा दि॒वे त्वा शु॒न्यतां॑ लो॒कः
पितॄ॑षद॒नो यवो॑ऽसि॒ यवया॑स्मद् द्वेषो॑ यवया॑रा॒तीः पितॄ॑णाꣳ
सद॑नमसि॒ स्वावे॑शोऽस्य॑ग्रेगा॒ नैतॄ॑णां वन॒स्पति॑रधि॒ त्वा स्था॑स्यति
तस्य॑ वि॒त्ताद्दे॒वस्त्वा॑ सवि॒ता मध्वा॑ऽनक्तु॒ सुपि॑प्पलाभ्य॒स्त्वौष॑धीभ्य॒
उद्वि॑वꣳ स्तभा॒नान्तरि॑क्षं पृ॒ण पृथि॑वीमुप॑रेण॒ दृꣳह॑ ते ते
धामा॑न्युश्मसी (१०)

ग॒मध्ये गा॒वो यत्र॑ भूरि॑शृङ्गा अ॒यासः॑। अत्राह॑ तदुरु॑गायस्य॒
विष्णोः॑ पर॒मं प॒दम॑व॒ भाति॑ भूरैः॑॥ विष्णोः॑ कर्मा॑णि पश्य॒तु यतो॑
व्र॒तानि॑ पस्प॒शे। इन्द्र॑स्य॒ युज्यः॑ सखा॑॥ तद्विष्णोः॑ पर॒मं प॒दꣳ सदा॑
पश्य॑न्ति सूरयः॑। दि॒वीव॒ चक्षु॑रात॑तम्॥ ब्र॒ह्मव॑नि॒ त्वा क्षत्र॑वनिꣳ
सुप्र॑जावनिꣳ राय॑स्पोष॒वनिं॑ पर्यू॑हामि॒ ब्रह्म॑ दृꣳह॒ क्षत्रं॑ दृꣳह॒ प्रजां॑
दृꣳह॒ राय॑स्पोषं॑ दृꣳह॒ परि॑वीर॑सि॒ परि॑ त्वा दै॒वीर्वि॑शो॑ व्यय॒न्तां
परी॑मꣳ राय॑स्पोषो॒ यज॑मानं॒ मनु॑ष्या॑ अ॒न्तरि॑क्षस्य॒ त्वा सा॒नाव॑व

गूहामि॥ (११)

उश्मसी पोषमेकात्रविंशतिश्च॥ [६]

इषे त्वोपवीरस्युपो देवान्देवीर्विशः प्रागुर्वहीरुशिजो बृहस्पते
धारया वसूनि हव्या तै स्वदन्तां देवं त्वष्टर्वसुं रण्व रेवंती
रमध्वमग्नेर्जनित्रमसि वृषणौ स्थ उर्वश्यस्यायुरसि पुरुरवा
घृतेनाक्ते वृषणं दधाथां गायत्रं छन्दोऽनु प्र जायस्व त्रैष्टुभं जागंतं
छन्दोऽनु प्रजायस्व भवंतं (१२)

नः समनसौ समोकसावरेपसौ। मा यज्ञं हिंसिष्टं मा
यज्ञपतिं जातवेदसौ शिवौ भवतमद्य नः॥ अग्नावग्निश्चरति प्रविष्ट
ऋषीणां पुत्रो अधिराज एषः। स्वाहाकृत्य ब्रह्मणा ते जुहोमि मा
देवानां मिथुयाकर्भागधेयम्॥ (१३)

भवतमेकत्रिंशच्च॥ [७]

आ दद ऋतस्य त्वा देवहविः पाशेनाऽऽरभे धर्षा
मानुषान्द्व्यस्त्वौषधीभ्यः प्रोक्षाम्यपां पेरुरसि स्वात्तं चिथ्सदेव
हव्यमापो देवीः स्वदतैनं सं तै प्राणो वायुना गच्छतां
सं यजत्रैरङ्गानि सं यज्ञपतिराशिषां घृतेनाक्तौ पशुं त्रायेथां
रेवंतीर्यज्ञपतिं प्रियधाऽऽविंशतोरो अन्तरिक्ष सजूर्देवेन (१४)

वातेनाऽस्य हविषस्मना यज्ञ समस्य तनुवां भव वर्षीयो
वर्षीयसि यज्ञे यज्ञपतिं धाः पृथिव्याः सम्पृचः पाहि नमस्त

आतानाऽन॒र्वा प्रेहि॑ घृ॒तस्य॑ कु॒ल्याम॑नु॒ सह प्र॒जया॑ सह
रा॒यस्पोषे॑णाऽऽपो॑ दे॒वीः शुद्धा॑युवः शुद्धा॑ यू॒यं दे॒वाः ॐङ्क॑ शुद्धा॑
व॒यं परि॑विष्टाः परि॒वेष्टा॑रो वो भूया॑स्म॥ (१५)

दे॒वेन॒ चतु॑श्चत्वारि॑शच्च॥ [८]

वाक्त् आ प्या॑यतां प्रा॒णस्त॒ आ प्या॑यतां चक्षु॑स्त॒ आ प्या॑यतां
श्रो॒त्रं त॒ आ प्या॑यतां या ते॑ प्रा॒णाञ्छु॑ग्ज॒गाम॒ या चक्षु॑र्या श्रो॒त्रं यत्
ते॑ क्रूरं॑ यदास्थि॑तं तत् त॒ आ प्या॑यतां तत् त॑ ए॒तेन॑ शु॒न्धतां॑ नाभि॑स्त॒
आ प्या॑यतां पा॒युस्त॒ आ प्या॑यतां शुद्धा॑श्चरि॒त्राः शम॑द्भ्यः (१६)

शमो॑षधी॒भ्यः शं पृ॑थि॒व्यै शम॑हो॒भ्यामो॑षधे॒ त्राय॑स्वेन॒
स्वधि॑ते॒ मेन॑ हि॒सी रक्ष॑सां भा॒गोऽसी॑दम॒हं रक्षो॑ऽध॒मं तमो॑
नया॑मि॒ योऽस्मान् द्वेष्टि॑ यं च॒ वयं॑ द्विष्म॒ इदमे॑नमध॒मं तमो॑
नया॑मी॒षे त्वां घृ॑तेन॑ द्यावापृथि॒वी प्रो॑र्ण॒वाथाम॑च्छि॒न्नो रायः॑ सु॒वीरं॑
उ॒र्वन्तरि॑क्षमन्वि॒हि वा॒यो वीहि॑ स्तो॒कानां॑ स्वा॒होर्ध्व॑न॒भसं॑ मा॒रुतं॑
गच्छ॑तम्॥ (१७)

अ॒द्भ्यो वीहि॑ पञ्च॑ च॥ [९]

सं ते॑ मन॑सा॒ मनः॑ सं प्रा॒णेन॑ प्रा॒णो जुष्टं॑ दे॒वेभ्यो॑ ह॒व्यं
घृ॒तव॑त्स्वाहैन्द्रः प्रा॒णो अङ्गे॑अङ्गे॒ नि दै॑व्यदैन्द्रो॑ऽपा॒नो अङ्गे॑अङ्गे
वि बो॑भुव॒द्देवं॑ त्वष्ट॒र्भूरि॑ ते॒ स॑स॒मेतु॑ विषु॑रूपा॒ यत्सल॑क्ष्माणो॒

भव॑थ दे॒व॒त्रा यन्त॑मव॑से॒ सखा॑योऽनु॑ त्वा मा॒ता पि॒तरो॑ मदन्तु॒
श्रीर॑स्य॒ग्निस्त्वा॑ श्रीणा॒त्वापः॑ सम॑रिण॒न्वात॑स्य (१८)

त्वा ध्र॒ज्यै पू॒ष्णो र॒ङ्ह्या अ॒पामोष॑धीना॒ꣳ रोहि॑ष्यै घृतं
घृत॑पावानः पिबत॒ वसा॑ वसापावानः पिबता॒न्तरि॑क्षस्य ह॒विर॑सि
स्वाहा॑ त्वा॒ऽन्तरि॑क्षाय दिशः प्र॒दिश॑ आ॒दिशो॑ वि॒दिश॑ उ॒द्दिशः॑
स्वाहा॑ दि॒ग्भ्यो नमो॑ दि॒ग्भ्यः॥ (१९)

वात॑स्याष्टाविंशतिश्च॥ [१०]

स॒मु॒द्रं गच्छ॑ स्वाहा॒ऽन्तरि॑क्षं गच्छ॑ स्वाहा॑ दे॒वꣳ स॑वि॒तारं॑ गच्छ॑
स्वाहा॑ऽहोरा॒त्रे गच्छ॑ स्वाहा॑ मि॒त्रावरु॑णौ गच्छ॑ स्वाहा॑ सोमं॑ गच्छ॑
स्वाहा॑ य॒ज्ञं गच्छ॑ स्वाहा॑ छन्दा॑ꣳसि गच्छ॑ स्वाहा॑ द्यावा॑पृथि॒वी
गच्छ॑ स्वाहा॑ नभो॑ दि॒व्यं गच्छ॑ स्वाहा॑ऽग्निं वै॑श्वान॒रं गच्छ॑ स्वाहा॑
ऽद्भ्य॑स्त्वौष॑धीभ्यो॒ मनो॑ मे॒ हार्दि॑ यच्छ॒ तनू॑ त्वचं पु॒त्रं न॑प्तारमशीय
शु॒गंसि॑ तम॒भि शोच॑ यो॑ऽस्मान् द्वेष्टि॒ यं च॑ व॒यं द्वि॑ष्मो धाम्नो॑धाम्नो
राज॑न्नि॒तो व॑रुण नो मुश्च॒ यदापो॑ अ॒घ्निया॑ वरु॒णेति॑ शपा॑महे॒ ततो॑
वरुण॑ नो मुश्च॥ (२०)

अ॒सि ष॒ड्विंशति॑श्च॥ [११]

ह॒विष्म॑तीरि॒मा आपो॑ ह॒विष्मा॑न् दे॒वो अ॑ध्व॒रो ह॒विष्मा॑ꣳ आ
वि॑वासति ह॒विष्मा॑ꣳ अस्तु॑ सूर्यः॥ अ॒ग्नेर्वो॑ऽप॒न्नगृ॑हस्य॒ सद॑सि

सादयामि सु॒म्नाय॑ सु॒म्निनीः सु॒म्ने मा॑ धत्तेन्द्रा॒ग्नि॒योर्भा॒ग॒धेयीः॑ स्थ
मि॒त्रावरु॑णयोर्भा॒ग॒धेयीः॑ स्थ॒ विश्वे॑षां दे॒वानां॑ भा॒ग॒धेयीः॑ स्थ य॒ज्ञे
जा॑गृत॥ (२१)

ह॒विष्म॑न्तीश्चतु॑स्त्रि॒शत्॥ [१२]

हृ॒दे त्वा॒ मन॑से त्वा दि॒वे त्वा॒ सूर्या॑य त्वो॒र्ध्वमि॒मम॑ध्व॒रं कृ॑धि
दि॒वि दे॒वेषु॑ हो॒त्रा यच्छु॑ सोमं॒ राज॒त्रेह्य॑व॒ रोह॑ मा भे॒र्मा सं
वि॒क्था मा॑ त्वा॒ हि॒सिषं॑ प्र॒जास्त्वमु॒पाव॑रोह प्र॒जास्त्वामु॒पाव॑ रोहन्तु
शृ॒णोत्व॑ग्निः सु॒मिधा॒ हव॑ मे शृ॒ण्वन्त्वापो॑ धि॒षणा॑श्च दे॒वीः। शृ॒णोत॑
ग्रा॒वाणो वि॒दुषो॑ नु (२२)

य॒ज्ञश्च॑ शृ॒णोतु॑ दे॒वः स॑वि॒ता हव॑ मे। दे॒वीरा॑पो अ॒पां न॒पाद्य
ऊ॒र्मिर्ह॑वि॒ष्य इन्द्रि॑यावा॒न्मदि॑न्त॒मस्तं॑ दे॒वेभ्यो॑ दे॒वत्रा॑ ध॒त्त शु॒क्रश्च॑
शु॒क्रपे॑भ्यो॒ येषां॑ भा॒गः स्थ॑ स्वाहा॒ कार्षि॑र॒स्यपा॑पां मृ॒धश्च॑ संमु॒द्रस्य॑
वो॒क्षित्या॑ उन्नये। यम॑ग्ने पृ॒थ्सु म॒र्त्यमा॑वो वा॒जेषु॑ यं जु॒नाः। स य॑न्ता
श॒श्वती॑रिषः॥ (२३)

नु स॒प्तच॑त्वारि॒शच्च॥ [१३]

त्वम॑ग्ने रु॒द्रो अ॒सुरो॑ म॒हो दि॒वस्त्व॑श्च श॒र्धो मा॑रु॒तं पृ॒क्ष ई॒शिषे।
त्वं वा॒तैर॑रु॒णैर्या॑सि शङ्ग॒यस्त्वं॑ पू॒षा वि॑ध॒तः पा॑सि नु त्मना॑॥ आ वो
रा॒जा॒नम॑ध्व॒रस्य॑ रु॒द्रश्च॑ हो॒ताश्च॑ सत्य॒यज्ञ॑श्च रोद॑स्योः। अ॒ग्निं पु॒रा

तनयि॒बोर॒चित्ता॒द्धिर॑ण्यरूपमवसे कृणुध्वम्॥ अ॒ग्निर॒होता॒ निष॑सादा
यजी॑यानुपस्थे मा॒तुः सु॑र॒भावं॑ लो॒के। युवा॑ क॒विः पु॑रुनिष्ठ - (२४)

ऋ॒तावा॑ ध॒र्ता कृ॑ष्टीनामु॒त मध्य॑ इ॒द्धः॥ सा॒ध्वीम॑क॒र्देव॑वी॒तिं नो॑
अ॒द्य य॒ज्ञस्य॑ जि॒ह्वाम॑वि॒दाम॑ गु॒ह्याम्। स आ॒युरागा॑त्सु॒रभि॑र्वसा॒नो
भ॒द्राम॑क॒र्देव॑हू॒तिं नो॑ अ॒द्य॥ अ॒क्रन्द॑द॒ग्निः स्त॒नय॑न्नि॒व द्यौः क्षामा॑
रेरि॑ह॒द्वीरु॑धः॒ सम॑ञ्ज॒न्। स॒द्यो ज॑ज्ञा॒नो वि॑हीमि॒द्धो अ॒ख्य॒दा रोद॑सी
भा॒नुना॑ भा॒त्यन्तः॥ त्वे व॑सू॒नि पु॑र्वणीक (२५)

हो॒तर्दो॑षा व॒स्तोरे॑रि॒रे य॒ज्ञिया॑सः। क्षामे॑व॒ विश्वा॑ भु॒वनानि॑
यस्मि॑न्त्स॒ सौभ॑गानि॒ दधि॑रे पा॒वके॥ तुभ्यं॑ ता अ॒ङ्गिर॑स्तम॒
विश्वाः॑ सु॒क्षित॑यः पृथ॑क्। अ॒ग्ने का॒माय॑ येमि॒रे॥ अ॒श्याम॑ तं
का॒मम॑ग्ने॒ तवो॑त्य॒श्याम॑ र॒यि॑ स॒ रयि॑वः सु॒वीर॑म्। अ॒श्याम॑ वा॒जम॑भि
वा॒जय॑न्तोऽश्याम॑ द्यु॒मम॑जरा॒जरं॑ ते॥ श्रेष्ठं॑ यविष्ठ॒ भार॑ता॒ग्ने
द्यु॒मन्त॑मा॒भर॑। (२६)

वसो॑ पु॒रुस्पृ॑ह॒ रयि॑म्॥ स श्वि॑ता॒नस्त॑न्य॒तू रो॑चन॒स्था
अ॒जरे॑भिर्नान॒दद्भि॑र्यविष्ठः। यः पा॑व॒कः पु॑रु॒तमः॑ पु॒रूणि॑
पृथू॑न्य॒ग्निर॑नुयाति॒ भर्व॑न्॥ आयु॑ष्टे वि॒श्वतो॑ दध॒दय॑म॒ग्निर्व॑र॒ण्यः।
पुन॑स्ते प्रा॒ण आय॑ति॒ परा॒ यक्ष्म॑ सु॒वामि॑ ते॥ आ॒युर्दा॑ अ॒ग्ने
ह॒विषो॑ जुषा॒णो घृ॑तप्र॒तीको॑ घृ॒तयो॑निरेधि। घृ॒तं पी॒त्वा मधु॑ चारु॒
गव्यं॑ पि॒तेवं पु॒त्रम॑भि (२७)

रक्षतादिमम्॥ तस्मै ते प्रतिहर्यते जातवेदो विचर्षणे। अग्ने
जनामि सुष्टुतिम्॥ दिवस्परि प्रथमं जज्ञे अग्निरस्मद् द्वितीयं
परि जातवेदाः। तृतीयमप्सु नृमणा अजस्रमिन्धान एनं जरते
स्वाधीः॥ शुचिः पावक वन्द्योऽग्रे बृहद्वि रोचसे। त्वं घृतेभिराहुतः॥
दृशानो रुक्म उर्व्या व्यद्यौद् दुर्मर्षमायुः श्रिये रुचानः। अग्निरमृतो
अभवद्वयोभिर्- (२८)

यदेनं द्यौरजनयथ्सुरेताः॥ आ यदिषे नृपतिं तेज आनद्बुचि
रेतो निषिक्तं द्यौरभीकै। अग्निः शर्धमनवद्यं युवानं स्वाधियं
जनयथ्सूदयच्च॥ स तेजीयसा मनसा त्वोत उत शिक्ष स्वपत्यस्य
शिक्षोः। अग्रे रायो नृतमस्य प्रभूतौ भूयाम ते सुष्टुतयश्च वस्वः॥
अग्रे सहन्तमा भर द्युमनस्य प्रासहा रयिम्। विश्वा यश- (२९)

चर्षणीरभ्यासा वाजेषु सासहत्॥ तमग्रे पृतनासहं रयिं
सहस्व आ भर। त्वं हि सत्यो अद्भुतो दाता वाजस्य गोमतः॥
उक्षान्नाय वशान्नाय सोमपृष्ठाय वेधसे। स्तोमैर्विधेमाग्नये॥ वद्मा हि
सूनो अस्यद्वसद्वा चक्रे अग्निर्जनुषाज्मान्नम्। स त्वं न ऊर्जसन्
ऊर्जं धा राजैव जेरवृके क्षेप्यन्तः॥ अग्न आयूँषि (३०)

पवस् आ सुवोर्जमिषं च नः। आरे बाधस्व दुच्छुनाम्॥ अग्ने
पवस्व स्वपा अस्मे वर्चः सुवीर्यम्। दधत्पोषं रयिं मयि॥ अग्ने
पावक रोचिषा मन्द्रया देव जिह्वया। आ देवान् वक्षि यक्षि च॥

स नः पावक दीदिवोऽग्ने देवाः इहा वह। उप यज्ञः हविश्च नः॥
 अग्निः शुचिर्व्रततमः शुचिर्विप्रः शुचिः कविः। शुची रोचत आहुतः॥
 उदग्ने शुचयस्तव शुक्रा भ्राजन्त ईरते। तव ज्योतीं ष्यर्चयः॥ (३१)

पुरुनिष्ठः पुर्वणीक भराऽभि वयोभिर्य आयूःपि विप्रः शुचिश्चतुर्दश च॥—————[१४]

[देवस्य रक्षोहर्णो विभूस्त्वः सोमात्यन्यानगां पृथिव्या इषे त्वाऽऽदे वाक्ते सं ते समुद्रः
 हविष्मतीरहृदे त्वमग्ने रुद्रश्चतुर्दश॥ देवस्य गमध्ये हविष्मतीः पवस एकत्रिंशत्॥ देवस्यार्चयः॥]

॥चतुर्थः प्रश्नः॥

॥तैत्तिरीयसंहितायां प्रथमकाण्डे चतुर्थः प्रश्नः॥

आ ददे ग्रावा॑स्यध्वर॑कृद् देवेभ्यो॑ गम्भीरमिमम॑ध्वरं कृध्युत्तमेन॑
 पविनेन्द्राय॑ सोमः॑ सुषु॑तं मधु॑मन्तं पय॑स्वन्तं वृष्टि॑वनिमिन्द्राय॑
 त्वा वृत्र॑घ्न इन्द्राय॑ त्वा वृत्र॑तुर इन्द्राय॑ त्वाऽभिमा॑तिघ्न इन्द्राय॑
 त्वाऽऽदित्य॑वत इन्द्राय॑ त्वा विश्व॑दैव्यावते श्वा॒त्राः स्थं वृत्र॑तुरो
 राधो॑गूर्ता अमृत॑स्य पत्नी॑स्ता देवी॑र्देवत्रेमं यज्ञं ध॒त्तोप॑हृताः सोम॑स्य
 पिब॑तोप॑हृतो युष्माक॑ः (१)

सोमः॑ पिबतु॑ यत्ते॑ सोम दि॒वि ज्योति॑र्यत् पृथि॒व्यां
 यदुराव॑न्तरिक्षे॒ तेना॒स्मै यज॑मानायोरु॒ राया॑ कृध्यधि॑ दा॒त्रे वो॑चो॒
 धिष॑णे वीडू॒ सती॑ वीडयेथामूर्जं॑ दधाथामूर्जं॑ मे धत्तं॑ मा वाः
 हि॑सिषं॒ मा मा॑ हि॑सिष्टं॒ प्रागपा॑गुदगध॒राक्ता॑स्त्वा दि॒श आ

धा॒व॒न्त्व॒म्ब॒ नि॒ ष्व॒र। य॒त्ते॑ सो॒मादा॑भ्य॒ नाम॒ जागृ॑वि॒ तस्मै॑ ते सोम॒
सोमा॑य॒ स्वाहा॑॥ (२)

युष्माक॑ऽ स्वर॒ यत्ते॑ नव॒ च॥ [१]

वा॒चस्प॑तये॒ पव॑स्व वा॒जिन् वृषा॑ वृ॒ष्णो अ॒शुभ्या॑ ग॒भस्ति॑पूतो
दे॒वो दे॒वानां॑ प॒वित्र॑मसि॒ येषां॑ भा॒गोऽसि॒ तेभ्य॑स्त्वा॒ स्वां कृ॑तोऽसि॒
मधु॑मतीर्न॒ इष॑स्कृ॒धि विश्वे॑भ्य॒स्त्वेन्द्रि॑येभ्यो॒ दिव्ये॑भ्यः॒ पार्थि॑वेभ्यो॒
मन॑स्त्वाष्ट्र॒र्वन्तरि॑क्ष॒मन्वि॑हि॒ स्वाहा॑ त्वा सु॒भवः॒ सूर्या॑य दे॒वेभ्य॑स्त्वा
मरी॑चि॒पेभ्य॑ ए॒ष ते॒ योनिः॑ प्रा॒णाय॑ त्वा॥ (३)

वा॒चः स॒प्तच॑त्वारि॒शत्॥ [२]

उ॒प॒या॒मगृ॑हीतोऽस्य॒न्तर्य॑च्छ॒ मघ॑वन् पा॒हि सोम॑मु॒रुष्य॒ रायः॑
समि॑षो॒ यज॑स्वान्तस्ते॒ दधामि॒ द्यावा॑पृथि॒वी अ॒न्तरु॑र्वन्तरि॒क्षः
स॒जोषा॑ दे॒वैरव॑रैः॒ परै॑श्चान्त॒र्यामे॑ म॒घवन् मा॑दयस्व॒ स्वां कृ॑तोऽसि॒
मधु॑मतीर्न॒ इष॑स्कृ॒धि विश्वे॑भ्य॒स्त्वेन्द्रि॑येभ्यो॒ दिव्ये॑भ्यः॒ पार्थि॑वेभ्यो॒
मन॑स्त्वाष्ट्र॒र्वन्तरि॑क्ष॒मन्वि॑हि॒ स्वाहा॑ त्वा सु॒भवः॒ सूर्या॑य दे॒वेभ्य॑स्त्वा
मरी॑चि॒पेभ्य॑ ए॒ष ते॒ योनि॑रपा॒नाय॑ त्वा॥ (४)

दे॒वेभ्यः॑ स॒प्त च॑॥ [३]

आ वा॑यो भूष शुचि॒पा उप॑ नः स॒हस्रं॑ ते नि॒युतो॑ विश्व॒वार।
उपो॑ ते॒ अ॒न्यो म॒द्यम॑यामि॒ यस्य॑ दे॒व दधि॑षे पू॒र्वपे॑यम्॥

उप॒याम॑गृहीतोऽसि वा॒यवे॒ त्वेन्द्र॑वायू इ॒मे सु॒ताः। उप॒ प्रयो॑भिरा
ग॑त॒मिन्द्र॑वो वा॒मुश॑न्ति हि॥ उप॒याम॑गृहीतोऽसीन्द्र॑वायु॒भ्यां त्वैष ते॒
योनिः॑ स॒जोषा॑भ्यां त्वा॥ (५)

आ वा॒यो त्रि॑च॒त्वारि॑शत्॥ [४]

अ॒यं वा॑ मि॒त्रावरु॑णा सु॒तः सोम॑ ऋ॒तावृ॑धा। ममे॒दिह॑ श्रु॒तं ह॒वम॑। उप॒याम॑गृहीतोऽसि मि॒त्रावरु॑णा॒भ्यां त्वैष ते॒ योनि॑र् ऋ॒तायु॒-
भ्यां त्वा॥ (६)

अ॒यं वा॑ वि॒शतिः॑॥ [५]

या वा॑ क॒शा मधु॑म॒त्यश्वि॑ना सू॒नृता॑वती। तया॑ य॒ज्ञं मि॑मिक्षतम्।
उप॒याम॑गृहीतोऽस्य॒श्विभ्यां॑ त्वैष ते॒ योनि॑र्मा॒र्ध्वीभ्यां॑ त्वा॥ (७)

या वा॑म॒ष्टाद॑श॥ [६]

प्रा॒त॒र्युजौ॒ वि मु॑च्ये॒थाम॒श्विना॑वेह ग॑च्छतम्। अ॒स्य सोम॑स्य
पी॒तये॑॥ उप॒याम॑गृहीतोऽस्य॒श्विभ्यां॑ त्वैष ते॒ योनि॑र्मा॒र्ध्वीभ्यां॑ त्वा॥ (८)

प्रा॒त॒र्युजौ॒ वेका॑न्नवि॒शतिः॑॥ [७]

अ॒यं वे॒नश्चो॑दयत् पृ॒श्निग॑र्भा ज्योति॑र्जरायू रज॑सो वि॒माने॑।
इ॒मम॑पा॒ संज्ञ॑मे सूर्य॑स्य शि॒शुं न वि॑प्रा॒ म॒तिर्भी॑ रिहन्ति॥

उपयामगृहीतोऽसि शण्डाय त्वेष ते योनिर्वीरतां पाहि॥ (९)

अयं वेनः पञ्चविंशतिः॥ [८]

तं प्रत्नथां पूर्वथां विश्वथेमथां ज्येष्ठतांतिं बर्हिषदं सुवर्विदं
प्रतीचीनं वृजनं दोहसे गिराऽऽशुं जयन्तमनु यासु वर्धसे।
उपयामगृहीतोऽसि मर्काय त्वेष ते योनिः प्रजाः पाहि॥ (१०)

तं षड्विंशतिः॥ [९]

ये देवा दिव्येकादश स्थ पृथिव्यामध्येकादश स्थाऽप्सुषदो
महिनैकादश स्थ ते देवा यज्ञमिमं जुषध्वमुपयामगृहीतो-
ऽस्याग्रयणोऽसि स्वाग्रयणो जिन्वं यज्ञं जिन्वं यज्ञपतिमभि
सर्वना पाहि विष्णुस्त्वां पातु विशं त्वं पाहीन्द्रियेणैष ते
योनिर्विश्वेभ्यस्त्वा देवेभ्यः॥ (११)

ये देवास्त्रिचत्वारिंशत्॥ [१०]

त्रिंशत्रयंश्च गणिनो रुजन्तो दिवं रुद्राः पृथिवीं च सचन्ते।
एकादशासो अप्सुषदः सुतं सोमं जुषन्तां सर्वनाय विश्वे॥
उपयामगृहीतोऽस्याग्रयणोऽसि स्वाग्रयणो जिन्वं यज्ञं जिन्वं
यज्ञपतिमभि सर्वना पाहि विष्णुस्त्वां पातु विशं त्वं पाहीन्द्रियेणैष
ते योनिर्विश्वेभ्यस्त्वा देवेभ्यः॥ (१२)

त्रिंशद् द्विचत्वारिंशत्॥ [११]

उप॒या॒मगृ॑हीतोऽसीन्द्रा॑य त्वा बृ॒हद्व॑ते वय॑स्वत उक्था॒युवे॑
यत् तं इन्द्र॑ बृ॒हद्वय॑स्तस्मै॑ त्वा विष्णा॑वे त्वैष ते॒ योनि॑रिन्द्रा॑य
त्वोक्था॒युवे॑॥ (१३)

उप॒या॒मगृ॑हीतो द्वावि॑शतिः॥ [१२]

मूर्धा॑नं दि॒वो अ॑र॒तिं पृ॑थि॒व्या वै॑श्वान॒रमृ॑ताय॑ जा॒तम॒ग्निम्।
क॒विः॑ स॒म्राज॑म॒तिथिं॑ जना॑नामा॒सन्ना पात्रं॑ जनयन्त दे॒वाः॥
उप॒या॒मगृ॑हीतोऽस्य॒ग्नये॑ त्वा वैश्वान॒राय॑ ध्रुवो॑ऽसि ध्रुव॑क्षिति॒र्ध्रुवाणां॑
ध्रुव॑त॒मोऽच्यु॑तानाम॒च्युत॑क्षित्त॒म ए॒ष ते॒ योनि॑र॒ग्नये॑ त्वा
वैश्वान॒राय॑॥ (१४)

मूर्धा॑नं पञ्च॑त्रि॒शत्॥ [१३]

मधु॑श्च माध॑वश्च शु॒क्रश्च शुचि॑श्च नभ॑श्च नभ॒स्यश्च॑षश्चो॒र्जश्च॑
सह॑श्च सह॒स्यश्च॑ तप॑श्च तप॒स्यश्चो॑पया॒मगृ॑हीतोऽसि स॒र्षोः॑
ऽस्य॑ह॒स्पत्या॑य॒ त्वा॥ (१५)

मधु॑न्त्रि॒शत्॥ [१४]

इन्द्रा॑ग्नी आ ग॑तः सु॒तं गी॑र्भिर्नभो॒ वरे॑ण्यम्। अ॒स्य पा॑तं
धि॒येषि॑ता॥ उप॒या॒मगृ॑हीतोऽसीन्द्रा॑ग्नि॒भ्यां त्वैष ते॒ योनि॑रिन्द्रा॑ग्नि॒भ्यां त्वा॥ (१६)

इन्द्रा॑ग्नी वि॒शतिः॥ [१५]

ओमांसश्चरषणीधृतो विश्वे देवास आ गता दाश्वांसो
दाशुषः सुतम्॥ उपयामगृहीतोऽसि विश्वेभ्यस्त्वा देवेभ्य एष ते
योनिर्विश्वेभ्यस्त्वा देवेभ्यः॥ (१७)

इन्द्राग्नी ओमांसो विश्वेतिर्विश्वेतिः॥ [१६]

मरुत्वन्तं वृषभं वावृधानमकवारिं दिव्यं शासमिन्द्रम्।
विश्वासाहमवसे नूतनायोग्रं सहोदामिह तं हुवेम॥
उपयामगृहीतोऽसीन्द्राय त्वा मरुत्वन्त एष ते योनिरिन्द्राय
त्वा मरुत्वन्ते॥ (१८)

मरुत्वन्तं षड्विंशतिः॥ [१७]

इन्द्रं मरुत्व इह पाहि सोमं यथा शार्याति अपिबः सुतस्य।
तव प्रणीती तव शूर शर्मन्ना विवासन्ति कवयः सुयज्ञाः॥
उपयामगृहीतोऽसीन्द्राय त्वा मरुत्वन्त एष ते योनिरिन्द्राय त्वा
मरुत्वन्ते॥ (१९)

इन्द्रेकात्रिंशत्॥ [१८]

मरुत्वा इन्द्र वृषभो रणाय पिबा सोममनुष्वधं मदाय।
आ सिञ्चस्व जठरे मध्व ऊर्मिं त्वं राजासि प्रदिवः सुतानाम्॥
उपयामगृहीतोऽसीन्द्राय त्वा मरुत्वन्त एष ते योनिरिन्द्राय त्वा
मरुत्वन्ते॥ (२०)

इन्द्रं मरुत्वो मरुत्वानेकात्रिंशदेकात्रिंशत्॥ [१९]

महा९ इन्द्रो य ओजसा पर्जन्यो वृष्टिमा९ इवा
स्तोमैर्वथ्सस्य वावृधे॥ उपयामगृहीतोऽसि महेन्द्राय त्वैष ते
योनिर्महेन्द्राय त्वा॥ (२१)

महानेकात्रविंशतिः॥ [२०]

महा९ इन्द्रो नृवदा चर्षणिप्रा उत द्विबर्हा अमिनः
सहोभिः। अस्मद्रियग्वावृधे वीर्यायोरुः पृथुः सुकृतः कर्तृभिर्भूत॥
उपयामगृहीतोऽसि महेन्द्राय त्वैष ते योनिर्महेन्द्राय त्वा॥ (२२)

महानृवत्पञ्चविंशतिः॥ [२१]

कदा चन स्तरीरसि नेन्द्र सश्वसि दाशुषे। उपोपेन्नु
मघवन् भूय इन्नु ते दानं देवस्य पृच्यते॥ उपयामगृहीतो-
ऽस्यादित्येभ्यस्त्वा॥ कदा चन प्र युच्छस्युभे नि पांसि जन्मनी।
तुरीयादित्य सवनं त इन्द्रियमा तस्थावमृतं दिवि॥ यज्ञो
देवानां प्रत्येति सुम्नमादित्यासो भवता मृडयन्तः। आ वोऽर्वाचीं
सुमतिर्ववृत्याद्९होश्चिद्या वरिवोवित्तरासत्॥ विवस्व आदित्येष
ते सोमपीथस्तेन मन्दस्व तेन तृप्य तृप्यास्म ते वयं तर्पयितारो
या दिव्या वृष्टिस्तया त्वा श्रीणामि॥ (२३)

वः सप्तविंशतिश्च॥ [२२]

वाममद्य सवितर्वाममु श्वो दिवेदिवे वाममस्मभ्य९ सावीः।
वामस्य हि क्षयस्य देव भूररया धिया वामभाजः स्याम॥

उ॒प॒या॒म॒गृ॒ही॒तो॒ऽसि दे॒वाय॑ त्वा स॒वि॒त्रे॥ (२४)

वामं चतुर्विंशतिः॥ [२३]

अद॑ब्धेभिः स॒वितः॑ पा॒युभि॑द्वं शि॒वेभि॑र॒द्य परि॑ पाहि नो॒
गय॑म्। हि॒र॒ण्य॒जिह्वः॑ सु॒वि॒ताय॑ न॒व्य॑से र॒क्षा मा॒कि॒र्नो अ॒घ॒श॑स॒
ई॒शत॑॥ उ॒प॒या॒म॒गृ॒ही॒तो॒ऽसि दे॒वाय॑ त्वा स॒वि॒त्रे॥ (२५)

अदब्धेभिस्त्रयोविंशतिः॥ [२४]

हि॒र॒ण्य॒पाणि॑मू॒तये॑ स॒वि॒ता॒र॒मुप॑ ह्वये। स चे॒त्ता दे॒वता॑ प॒दम्॥
उ॒प॒या॒म॒गृ॒ही॒तो॒ऽसि दे॒वाय॑ त्वा स॒वि॒त्रे॥ (२६)

हिरण्यपाणिं चतुर्दश॥ [२५]

सु॒शर्मा॑ऽसि सु॒प्रति॑ष्ठा॒नो बृ॒ह॒दु॒क्षे नम॑ ए॒ष ते॒ योनि॑र्वि॒श्वेभ्य॑स्त्वा
दे॒वेभ्यः॑॥ (२७)

सुशर्मा द्वादश॥ [२६]

बृ॒ह॒स्पति॑सु॒तस्य॑ त इ॒न्दो इ॒न्द्रि॒याव॑तः प॒त्नीव॑न्तं ग्र॒हं
गृ॒ह्णाम्य॑ग्रा(३)इ प॒त्नी॒वा(३)स्स॒जूर्दे॑वेन॒ त्वष्ट्रा॑ सोमं॑ पिब॒
स्वाहा॑॥ (२८)

बृहस्पतिसुतस्य पञ्चदश॥ [२७]

ह॒रि॒र॒सि हा॒रि॒यो॒ज॒नो ह॒र्योः॑ स्था॒ता व॒ज्र॑स्य भ॒र्ता पृ॒श्नेः॑ प्रे॒ता

तस्य॑ ते देव सोमेष्ट्य॑जुषः स्तु॒तस्तो॑मस्य श॒स्तोक्थ॑स्य हरि॑वन्तं
ग्रहं॑ गृह्णामि ह॒रीः स्थ॒ हर्यो॑र्धा॒नाः सह॑सो॒मा इन्द्रा॑य॒ स्वाहा॑॥ (२९)

हरिः षड्विंशतिः॥ [२८]

अ॒ग्न आ॒यूँषि॑ पव॒स आ सु॒वोर्ज॑मिषं च नः। आ॒रे बा॑धस्व
दु॒च्छुना॑म्॥ उ॒प॒या॒मगृ॑हीतोऽस्य॒ग्रये॑ त्वा तेज॑स्वत ए॒ष ते योनि॑र॒ग्रये॑
त्वा तेज॑स्वते॥ (३०)

अ॒ग्न आ॒यूँषि॑ त्रयो॑वि ५शतिः॥ [२९]

उ॒त्तिष्ठ॑न्नोज॑सा सह पी॒त्वा शि॒प्रे अ॒वेप॑यः। सोम॑मिन्द्र च॒मू
सु॒तम्॥ उ॒प॒या॒मगृ॑हीतोऽसीन्द्रा॑य॒ त्वौज॑स्वत ए॒ष ते योनि॑रिन्द्रा॑य॒
त्वौज॑स्वते॥ (३१)

उ॒त्तिष्ठ॑न्नेक॑वि ५शतिः॥ [३०]

त॒रणि॑र्वि॒श्वद॑र॒शतो॑ ज्योति॑ष्कृ॒दसि॑ सूर्य॑। वि॒श्वमा॑ भा॒सि
रोच॑नम्॥ उ॒प॒या॒मगृ॑हीतोऽसि॑ सूर्या॑य त्वा भ्राज॑स्वत ए॒ष ते योनिः॑
सूर्या॑य त्वा भ्राज॑स्वते॥ (३२)

त॒रणि॑र्वि ५शतिः॥ [३१]

आ प्या॑यस्व मदि॒न्तम् सोम॑ वि॒श्वाभि॑रू॒तिभिः॑। भवा॑ नः
स॒प्रथ॑स्तमः॥ (३३)

आ प्या॑यस्व नव॑॥ [३२]

ईयुष्टे ये पूर्वतरामपश्यन् व्युच्छन्तीमुषसं मर्त्यासः।
अस्माभिरू नु प्रतिचक्ष्याऽभूदो ते यन्ति ये अपरीषु पश्यान्॥ (३४)

ईयुरेकान्नविंशतिः॥ [३३]

ज्योतिष्मतीं त्वा सादयामि ज्योतिष्कृतं त्वा सादयामि
ज्योतिर्विदं त्वा सादयामि भास्वतीं त्वा सादयामि ज्वलन्तीं
त्वा सादयामि मल्मलाभवन्तीं त्वा सादयामि दीप्यमानां
त्वा सादयामि रोचमानां त्वा सादयाम्यजस्रां त्वा सादयामि
बृहज्ज्योतिषं त्वा सादयामि बोधयन्तीं त्वा सादयामि जाग्रतीं त्वा
सादयामि॥ (३५)

ज्योतिष्मतीः पट्विंशत्॥ [३४]

प्रयासाय स्वाहाऽऽयासाय स्वाहा वियासाय स्वाहा
संयासाय स्वाहोद्यासाय स्वाहाऽवयासाय स्वाहा शुचे स्वाहा
शोकाय स्वाहा तप्यत्वै स्वाहा तपते स्वाहा ब्रह्महत्यायै स्वाहा
सर्वस्मै स्वाहा॥ (३६)

प्रयासाय चतुर्विंशतिः॥ [३५]

चित्तं सन्तानेन भवं यक्रा रुद्रं तन्निम्ना पशुपतिं
स्थूलहृदयेनाग्निं हृदयेन रुद्रं लोहितेन शर्वं मत्स्राभ्यां
महादेवमन्तःपार्श्वेनौषिष्ठहनं शिङ्गीनिकोश्याभ्याम्॥ (३७)

चित्तमष्टादश॥ [३६]

आ तिष्ठ वृत्रहन् रथं युक्ता ते ब्रह्मणा हरी। अर्वाचीनः सु ते
मनो ग्रावा कृणोतु वग्नुना॥ उपयामगृहीतोऽसीन्द्राय त्वा षोडशिनं
एष ते योनिरिन्द्राय त्वा षोडशिनै॥ (३८)

आ तिष्ठ षड्विंशतिः॥ [३७]

इन्द्रमिद्धरी वहतोऽप्रतिधृष्टशवसमृषीणां च स्तुतीरुपं यज्ञं
च मानुषाणाम्॥ उपयामगृहीतोऽसीन्द्राय त्वा षोडशिनं एष ते
योनिरिन्द्राय त्वा षोडशिनै॥ (३९)

इन्द्रमित्रयोर्विंशतिः॥ [३८]

असावि सोमं इन्द्र ते शविष्ठ धृष्णवा गंहि। आ त्वा
पृणक्तिन्द्रियं रजः सूर्यं न रश्मिभिः॥ उपयामगृहीतोऽसीन्द्राय
त्वा षोडशिनं एष ते योनिरिन्द्राय त्वा षोडशिनै॥ (४०)

असावि सप्तविंशतिः॥ [३९]

सर्वस्य प्रतिशीवरी भूमिस्त्वोपस्थ आऽधिता स्योनास्मै
सुषदा भव यच्छास्मै शर्म सप्रथाः॥ उपयामगृहीतोऽसीन्द्राय त्वा
षोडशिनं एष ते योनिरिन्द्राय त्वा षोडशिनै॥ (४१)

सर्वस्य षड्विंशतिः॥ [४०]

महाः इन्द्रो वज्रबाहुः षोडशी शर्म यच्छतु। स्वस्ति नो मघवां
करोतु हन्तु पाप्मानं योऽस्मान् द्वेष्टि॥ उपयामगृहीतोऽसीन्द्राय त्वा

षोडशिनं एष ते योनिरिन्द्राय त्वा षोडशिनै॥ (४२)

सर्वस्य महान्मद्विंशतिष्वद्विंशतिः॥ [४१]

सजोषां इन्द्र सगणो मरुद्भिः सोमं पिब वृत्रहञ्छूर विद्वान्।
जहि शत्रूँ रप मृधो नुदस्वाऽथाभयं कृणुहि विश्वतो नः॥
उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा
षोडशिनै॥ (४३)

सजोषांस्त्रिंशत्॥ [४२]

उदु त्यं जातवेदसं देवं वहन्ति केतवः। दृशे विश्वाय
सूर्यम्॥ चित्रं देवानामुदगादनीकं चक्षुर्मित्रस्य वरुणस्याग्रेः।
आऽप्रा द्यावापृथिवी अन्तरिक्षं सूर्य आत्मा जगतस्तस्थुषश्च॥
अग्रे नयं सुपथा राये अस्मान् विश्वानि देव वयुनानि विद्वान्।
युयोध्यस्मञ्जुहुराणमेनो भूयिष्ठां ते नमउक्तिं विधेम॥ दिवं गच्छ
सुवः पत रूपेण (४४)

वो रूपमभ्यैमि वयंसा वयः। तुथो वो विश्ववेदा वि भजतु
वर्षिष्ठे अधि नाके॥ एतत् ते अग्रे राध ऐति सोमच्युतं तन्मित्रस्य
पथा नयर्तस्य पथा प्रेतं चन्द्रदक्षिणा यज्ञस्य पथा सुविता
नयन्तीर्ब्राह्मणमद्य राध्यासमृषिमार्षेयं पितृमन्तं पैतृमत्यं
सुधातुदक्षिणं वि सुवः पश्य व्यन्तरिक्षं यतस्व सदस्यैरस्मद्वात्रा
देवत्रा गच्छतु मधुमतीः प्रदातारमा विशतानंवहायास्मान् देवयानेन

पथेत सुकृतां लोके सीदत तन्नः सङ्स्कृतम्॥ (४५)

रूपेण सदस्यैरष्टादश च॥ [४३]

धाता रातिः सवितेदं जुषन्तां प्रजापतिर्निधिपतिर्नो अग्निः।
त्वष्टा विष्णुः प्रजया स० रराणो यजमानाय द्रविणं दधातु॥ समिन्द्र
णो मनसा नेषि गोभिः स० सूरिभिर्मघवन्त्स० स्वस्त्या। सं ब्रह्मणा
देवकृतं यदस्ति सं देवानां० सुमत्या यज्ञियानाम्॥ सं वर्चसा
पयसा सं तनूभिरगन्महि मनसा स० शिवेन। त्वष्टा नो अत्र
वरिवः कृणो- (४६)

त्वनु माष्टु तनुवो यद्विलिष्टम्॥ यदद्य त्वां प्रयति यज्ञे
अस्मिन्नग्रे होतारमवृणीमहीह। ऋधगयादृधगुताशमिष्टाः प्रजानन्
यज्ञमुपयाहि विद्वान्॥ स्वगा वो देवाः सदनमकर्म य आजग्म
सवनेदं जुषाणाः। जक्षिवा०सः पपिवा०सश्च विश्वेऽस्मे धत्त
वसवो वसूनि॥ यानाऽवह उशतो देव देवान्तान् (४७)

प्रेरयु स्वे अग्रे सधस्थै। वहमाना भरमाणा हवी०षि वसुं
घर्म दिवमा तिष्ठतानु॥ यज्ञं यज्ञं गच्छ यज्ञपतिं गच्छ स्वां योनिं
गच्छ स्वाहैष ते यज्ञो यज्ञपते सहसूक्तवाकः सुवीरः स्वाहा देवा
गातुविदो गातुं वित्वा गातुमित् मनसस्पत इमं नो देव देवेषु
यज्ञं० स्वाहा वाचि स्वाहा वार्ते धाः॥ (४८)

कृणोतु तानष्टाचत्वारि०शच्च॥ [४४]

उरु॑ हि राजा॒ वरु॑णश्चकार॒ सूर्या॑य पन्था॒मन्वे॑त॒वा उ॑। अपदे॒
पादा॒ प्रति॑धातवेऽकरु॒ताप॑वक्ता हृदया॒विधि॑श्चित्॥ शतं ते॑ राजन्
भि॒षजः॑ स॒हस्र॑मुर्वी ग॒म्भीरा॑ सु॒मति॑ष्ठे अस्तु। बाध॑स्व॒ द्वेषो॑ निर्ऋतिं
परा॒चैः कृतं॑ चिदेनः प्र मु॒मुग्ध्य॑स्मत्॥ अ॒भिष्टि॑तो वरु॑णस्य॒ पाशो॑-
ऽग्नेर॒नीक॑मप आ वि॒वेश। अपा॑ नपात् प्रति॒रक्ष॑न्नसुर्यं दमे॑दमे (४९)

स॒मिधं॑ यक्ष्य॒ग्ने॥ प्रति॑ ते जि॒ह्वा घृ॑तमुच्च॒रण्ये॑त्समु॒द्रे ते॒
हृद॑यम॒प्स्वन्तः॑। सं त्वा॑ वि॒शन्त्वो॑षधीरु॒ताऽऽपो॑ य॒ज्ञस्य॑ त्वा
य॒ज्ञप॑ते ह॒विर्भिः॑॥ सू॒क्तवा॒के न॑मोवा॒के वि॑धे॒माव॑भृथ निचङ्कुण
निचे॒रुर॑सि निचङ्कुणाव॑ दे॒वैर्दे॒वकृ॑तमेनो॒ऽयाड॑व॒ मर्त्यै॑र्मर्त्य॒कृत॑मुरोरा
नो॑ देव रि॒षस्या॑हि सु॒मित्रा॑ न॒ आप॒ ओष॑धयः (५०)

सन्तु दु॒र्मित्रा॑स्तस्मै भूया॒सुर्यो॑ऽस्मान् द्वेष्टि॒ यं च॑ व॒यं द्वि॒ष्मो
दे॒वीरा॑प ए॒ष वो॒ गर्भ॑स्तं वः सु॒प्रीत॑ः सुभृ॑तमकर्म दे॒वेषु॑ नः सु॒कृतो॑
ब्रू॒तात् प्रति॑युतो वरु॑णस्य॒ पाशः॑ प्रत्य॑स्तो वरु॑णस्य॒ पाश॑ एधो॑-
ऽस्ये॒धिषी॑महि॒ समि॑दसि तेजो॒ऽसि तेजो॑ मयि॒ धेह्य॑पो अन्व॑चारिषः
रसे॑न॒ सम॑सृक्ष्महि। पय॑स्वाः अ॒ग्न आ॒गमं॑ तं मा॒ सः सृ॑ज
वर्च॑सा॥ (५१)

दमे॑दम् ओष॑धय॒ आ षट् च॑॥ [४५]

यस्त्वा॑ हृ॒दा की॒रिणा॒ मन्य॑मानोऽमर्त्यं॒ मर्त्यो॑ जोह॑वीमि।

जातवेदो यशो अस्मासु धेहि प्रजाभिरग्रे अमृतत्वमश्याम्॥ यस्मै
 त्व९ सुकृते जातवेद उ लोकमग्रे कृणवः स्योनम्। अश्विन९ स
 पुत्रिणं वीरवन्तं गोमन्त९ रयिं नशते स्वस्ति॥ त्वे सु पुत्र शवसो-
 ऽवृत्रन् कामकातयः। न त्वामिन्द्रातिं रिच्यते॥ उक्थउक्थे सोम
 इन्द्रं ममाद नीथेनीथे मघवान९ (५२)

सुतासः। यदी९ सुबाधः पितरं न पुत्राः संमानदक्षा अवसे
 हवन्ते॥ अग्रे रसेन तेजसा जातवेदो वि रोचसे। रक्षोहा-
 ऽमीवचातनः॥ अपो अन्वचारिष९ रसेन समसृक्षमहि। पयस्वा९
 अग्र आऽगमं तं मा स९ सृज वर्चसा॥ वसुर्वसुपतिरहिकमस्यग्रे
 विभावसुः। स्याम ते सुमतावपि॥ त्वामग्रे वसुपतिं वसूनामभि प्र
 मन्दे (५३)

अध्वरेषु राजन्। त्वया वाजं वाजयन्तो जयेमाभि प्याम
 पृथसुतीर्मर्त्यानाम्। त्वामग्रे वाजसातमं विप्रा वर्धन्ति सुष्टुतम्।
 स नो रास्व सुवीर्यम्॥ अयं नो अग्निर्वरिवः कृणोत्वयं मृधः
 पुर एतु प्रभिन्दन्। अय९ शत्रूञ्जयतु जर्हृषाणोऽयं वाजं जयतु
 वाजसातौ॥ अग्निनाऽग्निः समिध्यते कविर्गृहपतिर्युवा। हव्यवाङ्
 जुह्वस्यः॥ त्व९ ह्यग्रे अग्निना विप्रो विप्रेण सन्धस्ता। सखा
 सख्या समिध्यसे॥ उदग्रे शुचयस्तव वि ज्योतिषा॥ (५४)

॥ पञ्चमः प्रश्नः ॥

॥ तैत्तिरीयसंहितायां प्रथमकाण्डे पञ्चमः प्रश्नः ॥

दे॒वा॒सु॒राः सं॒य॑त्ता आ॒स॒न् ते दे॒वा वि॑ज॒य॒मु॒प॒य॒न्तोऽग्नौ॑
वा॒मं व॒सु सं न्य॑दध॒ते॒द॒मु॒ नो भ॑विष्यति॒ यदि॑ नो जे॒ष्य॒न्तीति॑
तद॒ग्नि॒र्य॒काम॑यत् तेनापा॑क्रामत् तद्दे॒वा वि॑जित्या॒वरु॑रु॒त्स॒मा॒ना
अ॒न्वा॒य॒न् तद॑स्य॒ सह॒साऽदि॑त्सन्त॒ सोऽरो॑दी॒द्यद॑रो॒दीत् तद्ब्रु॑द्रस्य
रु॒द्रत्वं यद॑श्वशी॒यत् तद् (१)

र॑ज॒त॒ हिर॑ण्यमभवत् तस्मा॑द्रज॒त॒ हिर॑ण्यमदक्षि॒ण्यम॑श्रुज॒
हि यो ब॒र्हिषि॑ ददाति॒ पुराऽस्य॑ संवत्स॒राद्गृ॑हे रु॒दन्ति॑ तस्मा॑द्ब॒र्हिषि॑
न दे॒य॒ सोऽग्नि॑र॒ब्रवी॑द्भाग्यंसा॒न्यथ॑ व इ॒दमि॑ति पुनरा॒धेयं॑ ते
के॒वल॑मित्य॒ब्रुव॑न्नृ॒षव॑त् खलु स इत्य॒ब्रवी॑द्यो म॒द्दे॒वत्य॑म॒ग्निमा॑दधा॒ता
इति॑ तं पू॒षाऽऽध॑त्त॒ तेन॑ (२)

पू॒षाऽऽध॑र्नोत् तस्मा॑त् पौ॒ष्णाः प॒शव॑ उच्यन्ते॒ तं त्वष्टाऽऽध॑त्त॒
तेन॑ त्वष्टा॑ऽऽध॑र्नोत् तस्मा॑त् त्वा॒ष्ट्राः प॒शव॑ उच्यन्ते॒ तं म॒नुराऽध॑त्त॒
तेन॑ म॒नुराध॑र्नोत् तस्मा॑न्मान॒व्यः प्र॒जा उच्यन्ते॒ तं धा॒ताऽऽध॑त्त॒ तेन॑
धा॒ताऽऽध॑र्नोत्संवत्स॒रो वै धा॒ता तस्मा॑त्संवत्स॒रं प्र॒जाः प॒शवोऽनु॑ प्र
जा॒यन्ते॒ य ए॒वं पु॑नरा॒धेय॑स्यर्द्धिं वे- (३)

द॒ध्नो॑त्ये॒व योऽस्यै॒वं ब॒न्धु॒तां वे॒द ब॒न्धु॒मान् भ॑वति भा॒ग॒धेयं॑ वा
अ॒ग्निरा॑हि॒त इ॒च्छ॒मानः॑ प्र॒जां प॒शून् यज॑मान॒स्योप॑ दो॒द्रावो॒द्वास्य॑

पुनरा दधीत भागधेयेनैवैनं समर्धयत्यथो शान्तिरेवास्यैषा
 पुनर्वस्वोरा दधीतैतद्वै पुनराधेयस्य नक्षत्रं यत्पुनर्वसू स्वायामेवैनं
 देवतायामाधाय ब्रह्मवर्चसी भवति दूर्भेरा दधात्ययांतयामत्वाय
 दूर्भेरा दधात्यद्ध्य एवैनमोषधीभ्योऽवरुध्याऽऽधत्ते पञ्चकपालः
 पुरोडाशो भवति पञ्च वा ऋतव ऋतुभ्य एवैनमवरुध्याऽ-
 ऽधत्ते॥ (४)

अर्शायत् तत् तेन वेदं दूर्भेः पञ्चविंशतिश्च॥ [१]

परा वा एष यज्ञं पशून् वपति योऽग्निमुद्वासयते पञ्चकपालः
 पुरोडाशो भवति पाङ्क्तो यज्ञः पाङ्क्तोः पशवो यज्ञमेव पशून् व रुन्धे
 वीरहा वा एष देवानां योऽग्निमुद्वासयते न वा एतस्य ब्राह्मणा
 ऋतायवः पुराऽन्नमक्षन् पङ्क्तो याज्यानुवाक्या भवन्ति पाङ्क्तो यज्ञः
 पाङ्क्तः पुरुषो देवानेव वीरं निरवदायाग्निं पुनरा (५)

धत्ते शताक्षरा भवन्ति शतायुः पुरुषः शतेन्द्रिय आयुष्येवेन्द्रिये
 प्रति तिष्ठति यद्वा अग्निराहितो नर्ध्यते ज्यायो भागधेयं
 निकामयमानो यदाग्नेयं सर्वं भवति सैवास्यर्धिः सं वा
 एतस्य गृहे वाक् सृज्यते योऽग्निमुद्वासयते स वाचः सः सृष्टां
 यजमान ईश्वरोऽनु पराभवितोर्विभक्तयो भवन्ति वाचो विधृत्यै
 यजमानस्यापराभावाय (६)

विभक्तिं करोति ब्रह्मैव तदकरुपांशु यजति यथा वामं वसुं
 विविदानो गूहति तादृगेव तदग्निं प्रति स्विष्टकृतं निराहं यथा

वामं वसुं विविदानः प्रकाशं जिगमिषति तादृगेव तद्विभक्तिमुक्त्वा
 प्रयाजेन वषट्करोत्यायतनादेव नैति यजमानो वै पुरोडाशः पशव
 एते आहुती यदभितः पुरोडाशमेते आहुती (७)

जुहोति यजमानमेवोभयतः पशुभिः परि गृह्णाति कृतयजुः
 सम्भृतसम्भार इत्याहुर्न सम्भृत्याः सम्भारा न यजुः कर्तव्यमित्यथो
 खलु सम्भृत्या एव सम्भाराः कर्तव्यं यजुर्यज्ञस्य समृद्धौ
 पुनर्निष्कृतो रथो दक्षिणा पुनरुत्स्यूतं वासः पुनरुत्सृष्टोऽनङ्घ्रान्
 पुनराधेयस्य समृद्धौ सप्त ते अग्ने समिधः सप्त जिह्वा इत्यग्निहोत्रं
 जुहोति यत्रयत्रैवास्य न्यक्तं तत (८)

एवैनमव रुन्धे वीरहा वा एष देवानां योऽग्निमुद्वासयते
 तस्य वरुण एवर्णयादाग्निवारुणमेकादशकपालमनु निर्वपेद्यं
 चैव हन्ति यश्चास्यर्णयात्तौ भागधेयेन प्रीणाति नाऽऽर्तिमाच्छति
 यजमानः॥ (९)

आऽपराभावाय पुरोडाशमेते आहुती तत्तुष्ट्विंशच्च॥ [२]

भूमिर्भूम्रा द्यौर्वरिणाऽन्तरिक्षं महित्वा। उपस्थे ते देव्यदिते-
 ऽग्निमन्नादमन्नाद्यायाऽऽदधे॥ आऽयं गौः पृश्निंरक्रीदसनन्मातरं
 पुनः। पितरं च प्रयन्त्सुवः॥ त्रिंशद्धाम वि राजति वाक्पतङ्गाय
 शिश्रिये। प्रत्यस्य वह द्युभिः॥ अस्य प्राणादपानत्यन्तश्चरति रोचना।
 व्यख्यन्महिषः सुवः॥ यत् त्वा (१०)

क्रुद्धः परोवपं मन्युना यदवर्त्या। सुकल्पमग्रे तत्
 तव पुनस्त्वोदीपयामसि॥ यत् ते मन्युपरोत्तस्य पृथिवीमनु
 दध्वसे। आदित्या विश्वे तद्देवा वसंवश्च समाभरन्॥
 मनो ज्योतिर्जुषतामाज्यं विच्छिन्नं यज्ञं समिमं दधातु।
 बृहस्पतिस्तनुतामिमं नो विश्वे देवा इह मादयन्ताम्॥ सप्त ते
 अग्रे समिधः सप्त जिह्वाः सप्त (११)

ऋषयः सप्त धामं प्रियाणि। सप्त होत्राः सप्तधा त्वा यजन्ति सप्त
 योनीरा पृणस्वा घृतेन॥ पुनरूर्जा नि वर्तस्व पुनरग्र इषाऽऽयुषा।
 पुनर्नः पाहि विश्वतः॥ सह रय्या नि वर्तस्वाग्रे पिन्वस्व धारया।
 विश्वप्स्त्रिया विश्वतस्परि॥ लेकः सलेकः सुलेकस्ते न आदित्या
 आज्यं जुषाणा वियन्तु केतुः सकेतः सुकेतस्ते न आदित्या आज्यं
 जुषाणा वियन्तु विवस्वा९ अदितिर्देवजूतिस्ते न आदित्या आज्यं
 जुषाणा वियन्तु॥ (१२)

त्वा जिह्वाः सप्त सुकेतस्ते नञ्चर्योदश च॥ [३]

भूमिर्भूम्रा द्यौर्वरिणेत्याहाऽऽशिषैवैनमा धत्ते सर्पा वै
 जीर्यन्तोऽमन्यन्त स एतं कंसर्णीरः काद्रवेयो मन्त्रमपश्यत्
 ततो वै ते जीर्णास्तनूरपाघ्नत सर्पराज्ञिया ऋग्भिर्गार्हपत्यमा
 दधाति पुनर्नवमेवैनमजरं कृत्वाऽऽधत्तेऽथो पूतमेव पृथिवीमन्नाद्यं
 नोपानमृत्सैतं (१३)

मन्त्रमपश्यत् ततो वै तामन्नाद्यमुपांनमद्यत्सर्पराज्ञियां
 ऋग्भिर्गार्हपत्यमादधात्यन्नाद्यस्यावरुद्धा अथो अस्यामेवैनं
 प्रतिष्ठितमा धत्ते यत्त्वा क्रुद्धः परोवपेत्याहापहुत एवास्मै तत्
 पुनस्त्वोद्दीपयामसीत्याह समिन्ध एवैनं यत्ते मन्युपरोप्तस्येत्याह
 देवताभिरे- (१४)

वैनं सं भरति वि वा एतस्य यज्ञश्छिद्यते योऽग्निमुद्वासयते
 बृहस्पतिवत्यर्चोप तिष्ठते ब्रह्म वै देवानां बृहस्पतिर्ब्रह्मणैव यज्ञं
 सं दधाति विच्छिन्नं यज्ञं समिमं दधात्वित्याह सन्तत्यै विश्वे देवा
 इह मादयन्तामित्याह सन्तत्यैव यज्ञं देवेभ्योऽनु दिशति सप्त तै
 अग्ने समिधः सप्त जिह्वा - (१५)

इत्याह सप्तसप्त वै संस्रधाऽग्नेः प्रियास्तनुवस्ता एवाव
 रुन्धे पुनरूर्जा सह रय्येत्यभितः पुरोडाशमाहुती जुहोति
 यजमानमेवोर्जा च रय्या चोभयतः परि गृह्णात्यादित्या वा
 अस्माल्लोकादमुं लोकमायन्तेऽमुष्मिँल्लोके व्यतृष्यन्त इमं
 लोकं पुनरभ्यवेत्याग्निमाधायैतान् होमान् जुहवुस्त आर्ध्ववन् ते
 सुवर्गलोकमायन् यः पराचीनं पुनराधेयादग्निमादधीत स एतान्
 होमांश्चुहुयाद्यामेवाऽऽदित्या ऋद्धिमाध्ववन् तामेवध्नोति॥ (१६)

एतमेव जिह्वा एतान् पञ्चविंशतिश्च॥ [४]

उपप्रयन्तो अध्वरं मन्त्रं वोचेमाग्रये। आरे अस्मे च

शृण्वते॥ अस्य प्रत्नामनु द्युतः शुक्रं दुदुहे अहयः। पयः
 सहस्रसामृषिम्॥ अग्निर्मूर्धा दिवः ककुत् पतिः पृथिव्या अयम्।
 अपाः रेताः सि जिन्वति॥ अयमिह प्रथमो धायि धातृभिर्होता
 यजिष्ठो अध्वरेष्वीड्यः। यमप्रवानो भृगवो विरुरुचुर्वनेषु चित्रं
 विभुवं विशेर्विशे॥ उभा वामिन्द्राग्नी आहुवध्या (१७)

उभा राधसः सह मादयध्वै। उभा दाताराविषाः रयीणामुभा
 वाजस्य सातये हुवे वाम्॥ अयं ते योनिर्ऋत्वियो यतो जातो
 अरोचथाः। तं जानन्नग्र आ रोहाथा नो वर्धया रयिम्॥ अग्र
 आयूषि पवस् आ सुवोर्जमिषं च नः। आरे बाधस्व दुच्छुनाम्॥
 अग्ने पवस्व स्वपा अस्मे वर्चः सुवीर्यम्। दधत्पोषः रयिं (१८)

मयि॥ अग्ने पावक रोचिषा मन्द्रया देव जिह्वया। आ देवान्
 वक्षि यक्षि च॥ स नः पावक दीदिवोऽग्ने देवाः इहाऽऽवह। उप
 यज्ञः हविश्च नः॥ अग्निः शुचिर्व्रततमः शुचिर्विप्रः शुचिः कविः।
 शुची रोचत आहुतः॥ उदग्ने शुचयस्तव शुक्रा भ्राजन्त ईरते। तव
 ज्योतीः ष्यर्चयः॥ आयुर्दा अग्नेऽस्यायुर्मै (१९)

देहि वर्चोदा अग्नेऽसि वर्चो मे देहि तनूपा अग्नेऽसि तनुवं
 मे पाह्यग्ने यन्मे तनुवा ऊनं तन्म आ पृण चित्रावसो स्वस्ति ते
 पारमशीयेन्धानास्त्वा शतः हिमा द्युमन्तः समिधीमहि वयस्वन्तो
 वयस्कृतं यशस्वन्तो यशस्कृतः सुवीरांसो अदाभ्यम्। अग्ने

सपत्नदम्भनं वरुषिष्ठे अधि नाकै॥ सं त्वमग्ने सूर्यस्य वर्चसाऽगथाः
समृषीणां स्तुतेन सं प्रियेण धाम्ना॥ त्वमग्ने सूर्यवर्चा असि सं
मामायुषा वर्चसा प्रजया सृज॥ (२०)

आहुवर्च्यै रयि मे वर्चसा सप्तदश च॥ [५]

सं पश्यामि प्रजा अहमिदं प्रजसो मानवीः। सर्वा भवन्तु नो
गृहे॥ अम्भः स्थाम्भो वो भक्षीय महः स्थ महो वो भक्षीय सहः स्थ
सहो वो भक्षीयोजः स्थोजं वो भक्षीय रेवंती रमध्वमस्मिल्लोकै-
ऽस्मिन् गोष्ठेऽस्मिन् क्षयेऽस्मिन् योनाविहैव स्तेतो माऽपं गात
बह्वीर्मे भूयास्त (२१)

संहितासि विश्वरूपीरा मोर्जा विशाऽऽगौपत्येनाऽ-
ऽरायस्पोषेण सहस्रपोषं वः पुष्यासं मयि वो रायः श्रयन्ताम्॥
उप त्वाऽग्ने दिवेदिवे दोषावस्तर्धिया वयम्। नमो भरन्तु एमसि।
राजन्तमध्वराणां गोपामृतस्य दीदिविम्। वर्धमानं स्वे दमे॥
स नः पितेव सूनवेऽग्ने सूपायनो भव। सचस्वा नः स्वस्तये॥
अग्ने (२२)

त्वं नो अन्तमः। उत त्राता शिवो भव वरूथ्यः॥ तं त्वां
शोचिष्ठ दीदिवः। सुम्नाय नूनमीमहे सखिभ्यः॥ वसुरग्निर्वसुश्रवाः।
अच्छा नक्षि द्युमत्तमो रयि दाः॥ ऊर्जा वः पश्याम्यूर्जा मां पश्यत
रायस्पोषेण वः पश्यामि रायस्पोषेण मा पश्यतेडाः स्थ मधुकृतः

स्यो॒ना माऽऽवि॑ंश॒तेरा॒ मदः॑। स॒हस्र॒पोषं॑ वः पु॒ष्यासं॑ (२३)

मयि॑ वो रायः॑ श्रयन्ताम्॥ तथ्स॑वि॒तुर्वरे॑ण्यं॒ भर्गो॑ देवस्य॑
धीमहि॑। धियो॒ यो नः॑ प्रचोदया॑त्॥ सो॒मान॒ऽ॒ स्वर॑णं कृणुहि॑
ब्र॒ह्मण॑स्पते। क॒क्षीव॑न्तं॒ य औ॑शि॒जम्॥ क॒दा च॒न स्त॒रीर॑सि॒ नेन्द्र॑
सश्च॑सि दा॒शुषे॑। उ॒पोपे॑न्नु म॒घव॑न् भूय॒ इन्नु॑ ते दानं॑ देवस्य॑ पृच्यते॥
परि॑ त्वाऽग्ने॒ पुरं॑ वयं विप्रः॑ सहस्य॑ धीमहि। धृष॑द्वर्णं दिवेदिवे भे॒त्तारं॑
भङ्गु॑रावतः॥ अग्ने॑ गृहपते सुगृहपतिर॒हं त्वया॑ गृहप॑तिना भूयासः॑
सुगृह॑पतिर्मया त्वं गृहप॑तिना भूयाः शतः॑ हिमा॒स्तामा॑शिष॒मा शा॑से
तन्त॑वे ज्योति॑ष्मतीं॒ तामा॑शिष॒मा शा॑सेऽमुष्मै॒ ज्योति॑ष्मतीम्॥ (२४)

भूयास्त॒ स्वस्तये॑ऽग्ने॒ पुष्यासं॑ धृष॑द्वर्णमेका॒त्रिंशच्च॑॥ [६]

अयं॑ज्ञो वा ए॒ष यो॑ऽसा॒मोप॑प्रयन्तो॒ अध्व॑रमित्या॒ह
स्तोम॑मे॒वास्मै॑ युन॒त्तयु॑पेत्या॒ह प्र॒जा वै प॒शव॑ उपे॒मं लो॒कं
प्र॒जामे॒व प॒शूनि॑मं लो॒कमु॑पैत्य॒स्य प्र॒ताम॑नुद्युत॒मित्या॑ह सुव॒र्गो
वै लो॒कः प्र॒त्नः सु॑व॒र्गमे॒व लो॒कः॑ स॒मारो॑हत्य॒ग्निर्मूर्धा॑ दि॒वः
क॒कुदि॑त्या॒ह मूर्धा॑न- (२५)

मे॒वैनः॑ स॒माना॑नो॒ करो॑त्यथो॒ देवलो॒कादे॒व म॑नुष्यलो॒के
प्रति॑तिष्ठत्य॒यमि॒ह प्र॑थ॒मो धा॑यि धा॒तृभि॑रित्या॒ह मुख्य॑मे॒वैनं॑
करो॑त्यु॒भा वा॑मिन्द्रा॒ग्नी आ॒हुव॑ध्या॒ इत्या॒हौजो॒ बल॑मे॒वाव॑ रुन्धे॒ऽयं
ते योनि॑र॒ऋत्वि॒य इत्या॑ह प॒शवो॒ वै र॒यिः प॒शूने॒वाव॑ रुन्धे॒ षड्भि॑रुप॑

तिष्ठते षड्वा- (२६)

ऋतवँ ऋतुष्वेव प्रति तिष्ठति षड्विंशत्तराभिरुपँ तिष्ठते द्वादशं
सं पद्यन्ते द्वादश मासाः संवत्सरः संवत्सर एव प्रति तिष्ठति
यथा वै पुरुषोऽश्वो गौर्जीर्यत्येवमग्निराहितो जीर्यति संवत्सरस्य
परस्तादाग्निपावमानीभिरुपँ तिष्ठते पुनर्नवमेवैनमजरं करोत्यथो
पुनात्येवोपँ तिष्ठते योगे एवास्यैष उपँ तिष्ठते (२७)

दमँ एवास्यैष उपँ तिष्ठते याज्ञैवास्यैषोपँ तिष्ठते यथा
पापीयाञ्छेयस आहृत्य नमस्यति तादृगेव तदायुर्दा अग्नेऽस्यायुर्मै
देहीत्याहाऽऽयुर्दा ह्येष वर्चोदा अग्नेऽसि वर्चो मे देहीत्याह वर्चोदा
ह्येष तनूपा अग्नेऽसि तनुवं मे पाहीत्याह (२८)

तनूपा ह्येषोऽग्ने यन्मे तनुवा ऊनं तन्म आ पृणेत्याह यन्मे
प्रजायै पशूनामूनं तन्म आ पूरयेति वावैतदाह चित्रावसो स्वस्ति
ते पारमशीयेत्याह रात्रिर्वै चित्रावसुरव्युष्ट्यै वा एतस्यै पुरा ब्राह्मणा
अभैषुर्व्युष्टिमेवाव रुन्ध इन्धानास्त्वा शतः (२९)

हिमा इत्याह शतायुः पुरुषः शतेन्द्रिय आयुष्येवेन्द्रिये प्रति
तिष्ठत्येषा वै सूर्मी कर्णकावत्येतया ह स्म वै देवा असुराणां
शततरुहाः स्तृहन्ति यदेतया समिधमादधाति वज्रमेवैतच्छतघ्नीं
यजमानो भ्रातृव्याय प्रहरति स्तृत्या अछम्बद्धारः सं त्वमग्ने सूर्यस्य

वर्चसा गथा इत्याहैतत्त्वमसीदमहं भूयासमिति वावैतदाह त्वमग्ने
सूर्यवर्चा असीत्याहाऽऽशिषमेवैतामा शास्ते॥ (३०)

मूर्धानं वै तिष्ठत आह शतमहं षोडश च॥ [७]

सं पश्यामि प्रजा अहमित्याह यावन्त एव ग्राम्याः
पशवस्तानेवाव रुन्धेऽम्भः स्थाम्भो वो भक्षीयेत्याहाम्भो ह्येता
महः स्थ महो वो भक्षीयेत्याह महो ह्येताः सहः स्थ सहो वो
भक्षीयेत्याह सहो ह्येता ऊर्जस्थोर्ज वो भक्षीये- (३१)

त्याहोर्जो ह्येता रेवती रमध्वमित्याह पशवो वै रेवतीः
पशूनेवात्मन् रमयत इहैव स्तेतो माऽपं गातेत्याह ध्रुवा एवेना
अनपगाः कुरुत इष्टकचिद्वा अन्योऽग्निः पशुचिदन्यः संहितासिं
विश्वरूपीरिति वथ्समभि मृशत्युपैवैनं धत्ते पशुचितमेनं कुरुते
प्र (३२)

वा एषोऽस्माल्लोकाच्चवते य आहवनीयमुपतिष्ठते
गार्हपत्यमुप तिष्ठतेऽस्मिन्नेव लोके प्रति तिष्ठत्यथो गार्हपत्यायैव
नि हुते गायत्रीभिरुप तिष्ठते तेजो वै गायत्री तेज एवात्मन् धत्ते-
ऽथो यदेतं तृचमन्वाह सन्तत्यै गार्हपत्यं वा अनु द्विपादौ वीराः
प्रजायन्ते य एवं विद्वान् द्विपदाभिर्गार्हपत्यमुपतिष्ठत - (३३)

आऽस्य वीरो जायत ऊर्जा वः पश्याम्यूर्जा मां पश्यतेत्याहा-
ऽऽशिषमेवैतामा शास्ते तथ्संवितुर्वरेण्यमित्याह प्रसूत्यै सोमानुः

स्वर॑ण॒मित्या॑ह सोमपी॒थमे॒वाव॑ रुन्धे कृ॒णुहि॑ ब्र॒ह्मण॑स्पत॒ इत्या॑ह
ब्र॒ह्मव॑र्च॒समे॒वाव॑ रुन्धे क॒दा च॒न स्त॒रीर॒सीत्या॑ह न स्त॒रीः रात्रि॑
वसति॒ (३४)

य ए॒वं वि॒द्वान॒ग्निमु॑पतिष्ठते परि॑ त्वाऽग्ने॒ पुरं॑ व॒यमित्या॑ह
परि॒धिमे॒वैतं॑ परि॑ दधा॒त्यस्क॑न्दा॒याग्रे॑ गृहपत॒ इत्या॑ह
यथा॒य॒जुरे॒वैतच्छ्रु॑तः हिमा॒ इत्या॑ह श॒तं त्वा॑ हेम॒न्तानि॑न्धिषी॒येति॑
वावै॒तदा॑ह पु॒त्रस्य॒ नाम॑ गृ॒ह्णात्य॒न्नादमे॒वैनं॑ करोति॒ तामा॑शिष॒मा शा॑से
तन्त॑वे ज्योति॑ष्मती॒मिति॑ ब्रूया॒द्यस्य॑ पु॒त्रोऽजा॑तः स्यात्ते॑ज॒स्व्येवास्य॑
ब्र॒ह्मव॑र्च॒सी पु॒त्रो जा॑यते॒ तामा॑शिष॒मा शा॑सेऽमु॒ष्मै ज्योति॑ष्मती॒मिति॑
ब्रूया॒द्यस्य॑ पु॒त्रो जा॑तः स्यात् तेज॑ ए॒वास्मिन्॑ ब्र॒ह्मव॑र्च॒सं
दधा॑ति॥ (३५)

ऊर्जं॑ वो भक्षी॒येति॑ प्र गार्ह॑पत्यमुपतिष्ठते वसति॒ ज्योति॑ष्मती॒मेका॒त्रिंशच्च॑॥ [८]

अ॒ग्निहो॑त्रं जु॒होति॑ यदे॒व किं॑ च॒ यज॑मानस्य॒ स्वं तस्यै॒व तद्रेतः॑
सि॒ञ्चति॑ प्र॒जन॑ने प्र॒जन॑न॒ः हि॒ वा अ॒ग्निरथो॑षधीरन्त॑गता दहति॒
तास्ततो॑ भूय॑सीः प्रजा॑यन्ते॒ यत्सा॒यं जु॒होति॑ रेतं॒ ए॒व तथ्सि॑ञ्चति॒
प्रै॒व प्रा॑त॒स्तने॑न जनयति॒ तद्रेतः॑ सि॒क्तं न त्वष्ट्रा॑ऽवि॒कृतं॑ प्रजा॑यते
याव॑च्छो॒ वै रेत॑सः सि॒क्तस्य॑ (३६)

त्वष्टा॑ रू॒पाणि॑ वि॒करो॑ति॒ ताव॑च्छो॒ वै तत्प्रजा॑यत ए॒ष वै
दै॒व्य॒स्त्वष्टा॑ यो यज॑ते ब॒ह्वीभि॑रुप॑ तिष्ठते॒ रेत॑स ए॒व सि॒क्तस्य॑ बहु॒शो

रूपाणि वि करोति स प्रैव जायते श्वःश्वो भूयान् भवति य एवं
विद्वानग्निमुपतिष्ठतेऽहर्देवानामासीद्रात्रिरसुराणां तेऽसुरा यद्देवानां
वित्तं वेद्यमासीत्तेन सह (३७)

रात्रिं प्राविशन् ते देवा हीना अमन्यन्त तेऽपश्यन्नाग्नेयी
रात्रिराग्नेयाः पशवं इममेवाग्निं स्तवाम स नः स्तुतः पशून्
पुनर्दास्यतीति तेऽग्निमस्तुवन्त्स एभ्यः स्तुतो रात्रिया अध्यहरभि
पशून्निर्जत् ते देवाः पशून् वित्वा कामा अकुर्वत् य एवं
विद्वानग्निमुपतिष्ठते पशुमान् भवत्या- (३८)

दित्यो वा अस्माल्लोकादमुं लोकमैत्सोऽमुं लोकं गत्वा पुनरिमं
लोकमभ्यध्यायत्स इमं लोकमागत्य मृत्योरविभेन्मृत्युसंयुत इव
ह्ययं लोकः सोऽमन्यतेममेवाग्निं स्तवानि स मां स्तुतः
सुवर्गं लोकं गमयिष्यतीति सोऽग्निमस्तौत्स एनं स्तुतः सुवर्गं
लोकमगमयद्य - (३९)

एवं विद्वानग्निमुपतिष्ठते सुवर्गमेव लोकमेति सर्वमायुरेत्यभि
वा एषोऽग्नी आ रोहति य एनावुपतिष्ठते यथा खलु वै
श्रेयानभ्यारूढः कामयते तथा करोति नक्तमुप तिष्ठते न प्रातः
स हि नक्तं व्रतानि सृज्यन्ते सह श्रेयाश्च पापीयाश्चासाते
ज्योतिर्वा अग्निस्तमो रात्रिर्यन्- (४०)

नक्तमुपतिष्ठते ज्योतिषैव तमंस्तरत्युपस्थेयोऽग्नी(३)र्नोप-

स्थेया(३) इत्याहुर्मनुष्यायेन्वै योऽहरहराहृत्याथैनं याचति स इन्वै तमुपाच्छ्रित्यथ को देवानहरहर्याचिष्यतीति तस्मान्नोपस्थेयोऽथो खल्वाहुराशिषे वै कं यजमानो यजत इत्येषा खलु वा - (४१)

आहिताग्रेराशीर्यदग्निमुपतिष्ठते तस्मादुपस्थेयः प्रजापतिः पशूनसृजत ते सृष्टा अहोरात्रे प्राविशन् ताञ्छन्दोभिरन्व-
विन्दद्यच्छन्दोभिरुपतिष्ठते स्वमेव तदन्विच्छति न तत्र
जाम्यंस्तीत्याहुर्योऽहरहरुपतिष्ठत इति यो वा अग्निं प्रत्यङ्मुपतिष्ठते
प्रत्येनमोषति यः पराङ् विष्वङ् प्रजयां पशुभिरेति कवातिर्यङ्ङिवोप
तिष्ठेत नैनं प्रत्योषति न विष्वङ् प्रजयां पशुभिरेति॥ (४२)

सिक्तस्य सह भवति यो यत्खलु वै पशुभिस्त्रयोदश च॥—————[९]

मम नाम प्रथमं जातवेदः पिता माता च दधतुर्यदग्रे। तत्त्वं
बिभृहि पुनरा मदैतोस्तवाहं नाम बिभराण्यग्रे॥ मम नाम त्वं च
जातवेदो वासंसी इव विवसानौ ये चरावः। आयुषे त्वं जीवसे
वयं यथायथं वि परि दधावहे पुनस्ते॥ नमोऽग्नयेऽप्रतिविद्धाय
नमोऽनाधृष्टाय नमः सम्राजे। अषाढो (४३)

अग्निर्बृहद्वया विश्वजिह्वसहन्त्यः श्रेष्ठो गन्धर्वः॥ त्वत्पितारो अग्रे
देवास्त्वामाहुतयस्त्वद्विवाचनाः। सं मामायुषा सं गौपत्येन सुहिते
मा धाः॥ अयमग्निः श्रेष्ठतमोऽयं भगवत्तमोऽयं सहस्रसातमः।
अस्मा अस्तु सुवीर्यम्॥ मनो ज्योतिर्जुषतामाज्यं विच्छिन्नं यज्ञं

समिमं दधातु। या इष्टा उषसो निमृचंश्च ताः सं दधामि हविषा
घृतेन॥ पयस्वतीरोषधयः (४४)

पयस्वद्वीरुधां पयः। अपां पयसो यत्पयस्तेन मामिन्द्र स९
सृज॥ अग्ने॑ व्रतपते व्रतं चरिष्यामि तच्छुकेयं तन्मे राध्यताम्॥
अग्नि९ होतारमिह त९ हुवे देवान् यज्ञियानिह यान् हवामहे॥ आ
यन्तु देवाः सुमनस्यमाना वियन्तु देवा हविषो मे अस्य॥ कस्त्वा
युनक्ति स त्वा युनक्तु यानि घर्मे कपालान्युपचिन्वन्ति (४५)

वेधसः। पूष्णस्तान्यपि व्रत इन्द्रवायू विमुञ्चताम्॥ अभिन्नो
घर्मो जीरदानुर्यत आत्तस्तदगन् पुनः। इध्मो वेदिः परिधयंश्च सर्वे
यज्ञस्याऽऽयुरनु सं चरन्ति॥ त्रयस्त्रिंशत्तन्तवो ये वितन्तिरे य इमं
यज्ञं स्वधया ददन्ते तेषां छिन्नं प्रत्येतदधामि स्वाहा घर्मो देवा९
अप्येतु॥ (४६)

अपांढ ओषधय उपचिन्वन्ति पञ्चत्वारिंशच्च॥ [१०]

वैश्वानरो न ऊत्याऽऽप्र यातु परावतः। अग्निरुक्थेन वाहसा॥
ऋतावानं वैश्वानरमृतस्य ज्योतिषस्पतिम्। अजस्रं घर्ममीमहे॥
वैश्वानरस्य द९सनाभ्यो बृहदरिणादेकः स्वपस्यया कविः। उभा
पितरा महयन्नजायताग्निर्द्यावापृथिवी भूरिरेतसा॥ पृष्ठो दिवि पृष्ठो
अग्निः पृथिव्यां पृष्ठो विश्वा ओषधीरा विवेश। वैश्वानरः सहसा
पृष्ठो अग्निः स नो दिवा स (४७)

रिषः पातु नक्तम्॥ जातो यदग्रे भुवना व्यख्यः पशुं न गोपा
इर्यः परिज्मा। वैश्वानर ब्रह्मणे विन्द गातुं यूयं पात स्वस्तिभिः सदा
नः॥ त्वमग्रे शोचिषा शोशुचान आ रोदसी अपृणा जायमानः। त्वं
देवाः अभिशस्तेरमुञ्चो वैश्वानर जातवेदो महित्वा॥ अस्माकमग्रे
मघवत्सु धारयानामि क्षत्रमजरः सुवीर्यम्। वयं जयेम शतिनः
सहस्रिणं वैश्वानर (४८)

वाजमग्रे तवोतिभिः॥ वैश्वानरस्य सुमतौ स्याम राजा हिकं
भुवनानामभिः श्रीः। इतो जातो विश्वमिदं वि चष्टे वैश्वानरो यतते
सूर्येण॥ अव ते हेडो वरुण नमोभिरव यज्ञेभिरीमहे हविभिः।
क्षयन्नस्मभ्यमसुर प्रचेतो राजन्नेनासि शिश्रथः कृतानि॥
उदुत्तमं वरुण पाशमस्मदवाधमं वि मध्यमः श्रथाय। अथा
वयमादित्य (४९)

व्रते तवानागसो अदितये स्याम॥ दधिक्राव्णो अकारिषं
जिष्णोरश्वस्य वाजिनः॥ सुरभि नो मुखा करत् प्र ण आयूषि
तारिषत्॥ आ दधिक्राः शवसा पञ्च कृष्टीः सूर्य इव ज्योतिषा-
ऽपस्ततान। सहस्रसाः शतसा वाज्यर्वा पृणक्तु मध्वा समिमा
वचासि॥ अग्निर्मूर्धा भुवः। मरुतो यद्ध वो दिवः सुम्नायन्तो
हवामहे। आ तू न (५०)

उप गन्तन॥ या वः शर्म शशमानाय सन्ति त्रिधातूनि

दाशुषे यच्छताधि। अस्मभ्यं तानि मरुतो वि यन्त रयिं नो
 धत्त वृषणः सुवीरम्॥ अदितिर्न उरुष्यत्वदितिः शर्म यच्छतु।
 अदितिः पात्वहंसः॥ महीम् षु मातरं सुव्रतानामृतस्य
 पत्नीमवसे हुवेम। तुविक्षत्रामजरन्तीमुरूचीं सुशर्माणमदितिं
 सुप्रणीतिम्॥ सुत्रामाणं पृथिवीं द्यामनेहसं सुशर्माणमदितिं
 सुप्रणीतिम्। दैवीं नावं स्वरित्रामनागसमस्रवन्तीमा रुहेमा
 स्वस्तये॥ इमां सु नावमाऽरुहं शतारित्रां शतस्फ्याम्।
 अच्छिद्रां पारयिष्णुम्॥ (५१)

दिवा स संहस्त्रिणं वैश्वानराऽऽदित्य तू नोऽनेहसं सुशर्माणमेकान्रविंशतिश्च॥ [११]

॥षष्ठमः प्रश्नः॥

॥तैत्तिरीयसंहितायां प्रथमकाण्डे षष्ठमः प्रश्नः॥

सं त्वां सिञ्चामि यजुषा प्रजामायुर्धनं च। बृहस्पतिप्रसूतो
 यजमान इह मा रिषत्॥ आज्यमसि सत्यमसि सत्यस्याध्यक्षमसि
 हुविरसि वैश्वानरं वैश्वदेवमुत्पूतशुष्मं सत्यौजाः सहोऽसि
 सहमानमसि सहस्वारातीः सहस्वारातीयतः सहस्व पृतनाः
 सहस्व पृतन्यतः। सहस्रवीर्यमसि तन्मा जिन्वाऽऽज्यस्याऽ-
 ऽज्यमसि सत्यस्य सत्यमसि सत्यायु- (१)

रसि सत्यशुष्ममसि सत्येन त्वाऽभि घोरयामि तस्य ते भक्षीय

पश्चानां त्वा वातानां यन्त्राय धर्त्राय गृह्णामि
 पश्चानां त्वर्तूनां यन्त्राय धर्त्राय गृह्णामि
 पश्चानां त्वा दिशां यन्त्राय धर्त्राय गृह्णामि
 पश्चानां त्वा पञ्चजनानां यन्त्राय धर्त्राय गृह्णामि
 चरोस्त्वा पञ्चबिलस्य यन्त्राय धर्त्राय गृह्णामि
 ब्रह्मणस्त्वा तेजसे यन्त्राय धर्त्राय गृह्णामि
 क्षत्रस्य त्वौजसे यन्त्राय (२)

धर्त्राय गृह्णामि
 विशे त्वा यन्त्राय धर्त्राय गृह्णामि
 सुवीर्याय त्वा गृह्णामि सुप्रजास्त्वाय त्वा गृह्णामि रायस्पोषाय त्वा
 गृह्णामि ब्रह्मवर्चसाय त्वा गृह्णामि भूरस्माकं हविर्देवानामशिषो
 यजमानस्य देवानां त्वा देवताभ्यो गृह्णामि कामाय त्वा
 गृह्णामि॥ (३)

सत्यायुरोजसे यन्त्राय त्रयस्त्रिंशच्च॥

[१]

ध्रुवोऽसि ध्रुवोऽहं संजातेषु भूयासं
 धीरश्चेत्ता वसुविदुग्रोऽस्युग्रोऽहं संजातेषु भूयास-
 मुग्रश्चेत्ता वसुविदभिभूरस्यभिभूरहं संजातेषु भूयास-
 मभिभूश्चेत्ता वसुविद्युनज्मिं त्वा ब्रह्मणा दैव्येन हव्यायास्मै वोढवे
 जातवेदः। इन्द्रानास्त्वा सुप्रजसः सुवीरा ज्योग्जीवेम बलिहृतो

वयं तै॥ यन्मे अग्रे अस्य यज्ञस्य रिष्या- (४)

द्यद्वा स्कन्दादाज्यस्योत विष्णो। तेन हन्मि सपत्नं दुर्मरायुमेनं
दधामि निर्ऋत्या उपस्थे। भूर्भुवः सुवरुच्छुष्मो अग्रे यजमानायैधि
निशुष्मो अभिदासते। अग्रे देवैद्ध मन्विद्ध मन्द्रजिह्वामर्त्यस्य ते
होतर्मूर्धन्ना जिघर्मि रायस्पोषाय सुप्रजास्त्वाय सुवीर्याय मनोऽसि
प्राजापत्यं मनसा मा भूतेनाऽऽविश वागस्यैन्द्री संपत्क्षयणी (५)

वाचा मैन्द्रियेणाऽऽविश
वसन्तमृतूनां प्रीणामि स मां प्रीतः प्रीणातु
ग्रीष्ममृतूनां प्रीणामि स मां प्रीतः प्रीणातु
वरुषा ऋतूनां प्रीणामि ता मां प्रीताः प्रीणन्तु
शरदमृतूनां प्रीणामि सा मां प्रीता प्रीणातु
हेमन्तशिशिरावृतूनां प्रीणामि तौ मां प्रीतौ प्रीणीता-
मग्रीषोमयोरहं देवयज्यया चक्षुष्मान् भूयासम्-
ग्रेरहं देवयज्ययान्नादो भूयासं (६)

दब्धिरस्यदब्धो भूयास-
ममुं दभेयमग्रीषोमयोरहं देवयज्यया वृत्रहा भूयास-
मिन्द्राग्नियोरहं देवयज्ययैन्द्रियाव्यन्नादो भूयास-
मिन्द्रस्याहं देवयज्ययैन्द्रियावी भूयासं
महेन्द्रस्याहं देवयज्यया जेमानं महिमानं गमेयमग्नेः स्विष्टकृतोऽहं

देवयज्ययाऽऽयुष्मान् यज्ञेन प्रतिष्ठां गमेयम्॥ (७)

रिष्याँसपन्नक्षयण्यन्नादो भूयासुः षट्त्रिंशच्च॥ [२]

अग्निर्मा दुरिष्ठात् पातु सविताऽघशंसाद्यो मेऽन्ति दूरै-
ऽरातीयति तमेतेन जेषः सुरूपवर्षवर्ण एहीमान् भद्रान्
दुर्याः अभ्येहि मामनुव्रता न्यु शीर्षाणि मृद्धमिड एह्यदित
एहि सरस्वत्येहि रन्तिरसि रमन्तिरसि सूनर्यसि जुष्टे जुष्टि
तेऽशीयोपहूत उपहूवं (८)

तेऽशीय सा मे सत्याशीरस्य यज्ञस्य भूयादरेडता मनसा
तच्छ्लेकेयं यज्ञो दिवः रोहतु यज्ञो दिवं गच्छतु यो देवयानः
पन्थास्तेन यज्ञो देवाः अप्येत्वस्मास्विन्द्र इन्द्रियं दधात्वस्मान्नाय
उत यज्ञाः सचन्तामस्मासु सन्त्वाशिषः सा नः प्रिया सुप्रतूर्तिर्मघोनी
जुष्टिरसि जुषस्व नो जुष्टा नो- (९)

ऽसि जुष्टि ते गमेयं मनो ज्योतिर्जुषतामाज्यं विच्छिन्नं
यज्ञः समिमं दधातु बृहस्पतिस्तनुतामिमं नो विश्वे देवा इह
मादयन्ताम्॥ ब्रध्न पिन्वस्व ददतो मे मा क्षायि कुर्वतो मे
मोपदसत् प्रजापतेर्भागोऽस्यूजस्वान् पयस्वान् प्राणापानौ मे
पाहि समानव्यानौ मे पाह्युदानव्यानौ मे पाह्यक्षितोऽस्यक्षित्यै त्वा
मा मे क्षेष्टा अमुत्रामुष्मिन् लोके॥ (१०)

उपहूवं जुष्टा नस्त्वा षट् च॥ [३]

ब॒रुहिषो॒ऽहं दै॒वय॒ज्यया॑ प्र॒जावा॑न् भूयासं नरा॒शः स॑स्या॒हं
 दै॒वय॒ज्यया॑ पशु॒मान् भू॑यासम॒ग्नेः स्वि॑ष्ट॒कृतो॒ऽहं दै॒वय॒ज्यया॑ऽ-
 ऽयु॑ष्मान् य॒ज्ञेन॑ प्र॒तिष्ठां ग॑मेयम॒ग्नेर॒हमु॒ज्जिति॑मनू॒जेष॑ ५ सोम॑स्या-
 हमु॒ज्जिति॑मनू॒जेषम॒ग्नेर॒हमु॒ज्जिति॑मनू॒जेषम॒ग्नीषोम॑यो॒र॒हमु॒ज्जिति॑मनू॒जेष-
 मिन्द्रा॒ग्नीयो॒र॒हमु॒ज्जिति॑मनू॒जेषमिन्द्र॑स्या॒हमु॒- (११)

ज्जि॑तिमनू॒जेषं महेन्द्र॑स्या॒हमु॒ज्जिति॑मनू॒जेषम॒ग्नेः स्वि॑ष्ट॒कृतो॒-
 ऽहमु॒ज्जिति॑मनू॒जेषं वाज॑स्य मा प्रस॒वेनो॑द्वाभे॒णोद॑ग्रभीत्। अथा॑
 स॒पत्ना॑ ५ इन्द्रो॑ मे नि॒ग्राभे॑णाध॒रा ५ अकः॥ उ॒द्वाभं च॑ नि॒ग्राभं च॑ ब्र॒ह्म
 दे॒वा अ॑वीवृधन्। अथा॑ स॒पत्नानिन्द्रा॒ग्नी मे॑ विषू॒चीना॒न्व्यस्य॑ताम्॥
 ए॒मा अ॑गमन्ना॒शिषो॒ दोह॑कामा॒ इन्द्र॑वन्तो (१२)

वना॑महे धुक्षी॒महि॑ प्र॒जामि॑षम्॥ रोहि॑तेन त्वा॒ऽग्निर्दे॒वता॑
 गम॑यतु॒ हरि॑भ्यां त्वेन्द्रो॑ दे॒वता॑ गम॑य॒त्वेत॑शेन त्वा॒ सूर्यो॑ दे॒वता॑
 गम॑यतु॒ वि ते॑ मु॒ञ्चामि॑ र॒शना॑ वि र॒श्मीन् वि॑ यो॒क्रा या॑नि
 परि॑च॒र्तनानि॑ ध॒त्ताद॑स्मासु॒ द्रवि॑णं यच्च भ॒द्रं प्र णो॑ ब्रूताद्वाग॒धान्
 दे॒वता॑सु॥ विष्णोः॑ शं॒यो॒र॒हं दै॒वय॒ज्यया॑ य॒ज्ञेन॑ प्र॒तिष्ठां ग॑मेय॒ ५
 सोम॑स्या॒हं दै॒वय॒ज्यया॑ (१३)

सु॒रेता॒ रेतो॑ धिषीय॒ त्वष्ट॑र॒हं दै॒वय॒ज्यया॑ पशूना॒ ५ रू॒पं
 पु॒षेयं॑ दे॒वानां॑ पत्नी॒र॒ग्निर्गृ॑हप॒तिर्य॑ज्ञस्य॒ मिथु॑नं तयो॒र॒हं दै॒वय॒ज्यया॑
 मिथु॑नेन प्र भूयासं वे॒दो॒ऽसि॑ वि॒त्तिर॑सि वि॒देय॑ कर्मा॑सि क॒रुण॑मसि

क्रियासं॑ स॒निर॑सि स॒निता॑सि स॒नेयं॑ घृ॒तव॑न्तं कु॒ला॒यिन॑
रा॒यस्पोष॑ सह॒स्त्रिणं॑ वे॒दो द॑दातु वा॒जिन॑म्॥ (१४)

इन्द्र॑स्या॒हमिन्द्र॑वन्तः सोम॑स्या॒हं दे॒वय॑ज्यया चतु॑श्चत्वारि॑शच्च॥ [४]

आ प्या॑यतां ध्रु॒वा घृ॒तेन॑ य॒ज्ञं य॒ज्ञं प्र॑ति दे॒वय॑ज्यः।
सूर्या॑या ऊ॒धोऽदि॑त्या उ॒पस्थं॑ उ॒रुधा॑रा पृथि॒वी य॒ज्ञे अ॒स्मिन्॥
प्र॒जाप॑तेर्वि॒भान्नाम॑ लो॒कस्तस्मि॑स्त्वा द॒धामि॑ स॒ह य॒ज॑मानेन॒
सद॑सि स॒न्मे भू॒याः सर्व॑मसि॒ सर्वं॑ मे भू॒याः पूर्ण॑मसि पूर्णं॑ मे भू॒या
अक्षि॑तमसि॒ मा मे॑ क्षे॒ष्टाः प्रा॒च्या दि॒शि दे॒वा ऋ॒त्विजो॑ मार्ज॒यन्तां॒
दक्षि॑णायां (१५)

दि॒शि मासाः॑ पि॒तरौ मार्ज॑यन्तां प्र॒तीच्या॑ दि॒शि गृ॒हाः
प॒शवो॑ मार्ज॒यन्ता॒मुदी॑च्यां दि॒श्याप॑ ओष॑धयो वन॒स्पत॑यो
मार्ज॑यन्तामूर्ध्वा॒या दि॒शि य॒ज्ञः स॒वत्स॑रो य॒ज्ञप॑तिर्मार्ज॒यन्तां॒
विष्णोः॑ क्रमो॑ऽस्यभिमाति॒हा गा॑य॒त्रेण॒ छन्द॑सा पृथि॒वीमनु॑ वि
क्रमे॑ निर्भ॒क्तः स॒ यं द्वि॒ष्मो विष्णोः॑ क्रमो॑ऽस्यभि॒शस्ति॑हा त्रैष्टु॑भेन॒
छन्द॑सा॒ऽन्तरि॑क्षमनु॒ वि क्रमे॑ निर्भ॒क्तः स॒ यं द्वि॒ष्मो विष्णोः॑
क्रमो॑ऽस्यराती॒यतो॑ ह॒न्ता जा॑ग॒तेन॒ छन्द॑सा दि॒वमनु॑ वि क्रमे॑
निर्भ॒क्तः स॒ यं द्वि॒ष्मो विष्णोः॑ क्रमो॑ऽसि शत्रू॒यतो॑ ह॒न्ताऽऽनु॑ष्टुभेन॒

छन्दसा दिशोऽनु वि क्रमे निर्भक्तः स यं द्विष्मः॥ (१६)

दक्षिणायां द्विष्मो विष्णोरेकान्नत्रिंशच्च॥ [५]

अगन्म सुवः सुवरगन्म सन्दृशस्ते मा छिंथिस् यत्ते तपस्तस्मै
ते माऽऽवृक्षि सुभूरसि श्रेष्ठो रश्मीनामायुर्धा अस्यायुर्मे धेहि वर्चोधा
असि वर्चो मयि धेहीदमहममुं भ्रातृव्यमाभ्यो दिग्भ्योऽस्यै दिवो-
ऽस्मादन्तरिक्षादस्यै पृथिव्या अस्मादन्नाद्यान्निर्भजामि निर्भक्तः स
यं द्विष्मः। (१७)

सं ज्योतिषाऽभूवमैन्द्रीमावृतमन्वावर्ते समहं प्रजया सं मया
प्रजा समहं रायस्पोषेण सं मया रायस्पोषः समिद्धो अग्ने मे
दीदिहि समेद्धा ते अग्ने दीद्यासं वसुमान् यज्ञो वसीयान् भूयासमग्र
आयूँषि पवस आ सुवोर्जमिषं च नः। आरे बाधस्व दुच्छुनाम्॥
अग्ने पवस्व स्वपां अस्मे वर्चः सुवीर्यम्। (१८)

दधत् पोषं रयिं मयि। अग्ने गृहपते सुगृहपतिरहं त्वया
गृहपतिना भूयासं सुगृहपतिर्मया त्वं गृहपतिना भूयाः शतं
हिमास्तामाशिषमा शांसे तन्तवे ज्योतिष्मतीं तामाशिषमाशांसे-
ऽमुष्मै ज्योतिष्मतीं कस्त्वा युनक्ति स त्वा विमुञ्चत्वग्रे व्रतपते
व्रतमचारिषं तदशकं तन्मैऽराधि यज्ञो बभूव स आ (१९)

बभूव स प्र जज्ञे स वावृधे। स देवानामधिपतिर्बभूव सो
अस्मां अधिपतीन् करोतु वयं स्याम पतयो रयीणाम्॥ गोमां

अग्नेऽवि॑मा॒ अ॒श्वी य॒ज्ञो नृ॒वत्स॑खा॒ स॒द॒मि॒द॒प्र॒मृ॒ष्यः। इ॒डा॒वा॒ ए॒षो
अ॒सुर॒ प्र॒जावा॑न् दी॒र्घो र॒यिः पृ॑थु॒बुध्नः स॒भावान्॥ (२०)

द्विष्मः सुवीर्यं स आ पञ्चत्रिंशच्च॥ [६]

यथा॒ वै सं॒मृत॑सो॒मा ए॒वं वा ए॒ते सं॒मृत॑य॒ज्ञा यद्व॑र्शपूर्ण॒मासौ
कस्य॒ वाह॑ दे॒वा य॒ज्ञमा॒ गच्छ॑न्ति॒ कस्य॑ वा॒ न ब॑हूनां॒ यज॑मानानां॒
यो वै दे॒वताः॒ पूर्वं॑ परिगृ॒ह्णाति॒ स ए॒नाः श्वो भू॑ते यंजत
ए॒तद्वै दे॒वाना॑मा॒यत॑नं॒ यदा॑ह॒वनी॑योऽन्त॒राग्नी॑ प॒शूनां॑ गा॒र्हप॑त्यो
मनु॒ष्या॑णामन्वा॒हार्य॑पच॒नः पि॒तृणा॑म॒ग्निं गृ॑ह्णाति॒ स्व ए॒वाय॑त॒ने
दे॒वताः॒ परि॑ (२१)

गृ॒ह्णाति॒ ताः श्वो भू॑ते यंजते व्र॒तेन॒ वै मे॒ध्योऽग्नि॑र्व्र॒तप॑तिर्ब्राह्म॒णो
व्र॑तभृद् व्र॒तमु॑पैष्यन् ब्रू॒याद॑ग्ने॒ व्रत॑पते व्र॒तं च॑रिष्या॒मीत्य॑ग्निर्वै
दे॒वानां॑ व्र॒तप॑तिस्तस्मा॑ ए॒व प्र॑तिप्रोच्य॒ व्रत॑माल॒भते ब॑रु॒हिषा॑
पूर्ण॑मा॒से व्र॒तमु॑पैति व॒त्सैर॑मावा॒स्याया॑मेतद्धै॒तयो॑रा॒यत॑नमु॒पस्तीर्यः॑
पूर्व॑श्चा॒ग्निर॑प॒रश्चे॒त्याहु॑र्मनु॒ष्या (२२)

इ॒त्वा उप॑स्तीर्णमिच्छन्ति॒ किमु॑ दे॒वा येषां॑ नवा॒वसान॑-
मुपा॑स्मि॒ञ्चो य॒क्ष्यमा॑णे दे॒वता॑ वसन्ति॒ य ए॒वं वि॒द्वान॒ग्निमु॑पस्तृणाति॒
यज॑मानेन ग्रा॒म्याश्च॑ प॒शवो॑ऽव॒रुध्या॑ आ॒रण्या॑श्चेत्या॒हुर्यद्वा॒म्यानु॑प॒-
वस॑न्ति॒ तेन॑ ग्रा॒म्यान्व॑ रुन्धे॒ यदा॑र॒ण्यस्या॑श्जाति॒ तेना॑र॒ण्यान्
यदना॑श्चानुप॒वसे॑त् पि॒तृदे॒वत्यः॑ स्यादा॒रण्या॑स्या॒श्जाती॑न्द्रि॒यं (२३)

वा आर॒ण्यमिन्द्रि॑यमे॒वाऽऽत्मन् धत्ते॒ यदना॑श्वानुप॒वसेत्
क्षो॒धुकः स्या॒द्यद॑श्जीयाद्बु॒द्रोऽस्य प॒शून॒भिम॑न्येतापोऽश्वाति॒
तन्नेवा॑शितं नेवान॑शितं न क्षो॒धुको भ॑वति नास्य॑ रु॒द्रः
प॒शून॒भि म॑न्यते वज्रो॒ वै य॒ज्ञः क्षु॒त्खलु॒ वै म॑नुष्यस्य॒ भ्रातृ॑व्यो
यदना॑श्वानुप॒वस॑ति वज्रेणै॒व सा॒क्षात्क्षु॑धं भ्रातृ॑व्य९ हन्ति॥ (२४)

परि॑ मनु॒ष्या इन्द्रि॑य९ सा॒क्षात् त्रीणि॑ च॥ [७]

यो वै श्र॒द्धामना॑रभ्य॒ य॒ज्ञेन॒ यज॑ते नास्ये॒ष्टाय॒ श्रद्ध॑धतेऽपः प्र
ण॑यति श्र॒द्धा वा आपः॑ श्र॒द्धामे॒वाऽऽर॑भ्य॒ य॒ज्ञेन॒ यज॑त उ॒भयै॑ऽस्य
दे॒वमनु॑ष्या इ॒ष्टाय॒ श्रद्ध॑धते॒ तदा॑हुरति॒ वा ए॒ता व॒त्रन्ने॑दन्त्यति॒ वाचं
मनो॒ वावै॑ता नाति॑ नेद॒न्तीति॑ मन॑सा प्र ण॑यती॒यं वै मनो॑- (२५)

ऽन॒यैवै॒नाः प्र ण॑यत्यस्क॑न्नह॒विर्भव॑ति॒ य ए॒वं वेद॑ यज्ञायु॒धानि॒
स॒म्भ॑रति॒ य॒ज्ञो वै य॑ज्ञायु॒धानि॒ य॒ज्ञमे॒व तथ॑स॒म्भ॑रति॒ यदे॒कमे॒क९
स॒म्भ॑रैत् पितृ॑दे॒वत्या॑नि स्यु॒र्यथ॑स॒ह सर्वा॑णि मा॒नुषा॑णि द्वे॒द्वे
स॒म्भ॑रति॒ याज्या॑नुवा॒क्योरे॒व रू॒पं के॒रोत्यथो॑ मिथु॒नमे॒व यो वै
दश॑ यज्ञायु॒धानि॒ वेद॑ मुख॒तोऽस्य॒ य॒ज्ञः क॑ल्पते॒ स्फ्य॑- (२६)

श्च क॒पाला॑नि चाग्नि॒होत्र॑ह॒वणी च॒ शूर्पं च॒ कृष्णा॑जिनं च॒ शम्या॑
चो॒लूख॑लं च॒ मुस॑लं च॒ दृष॑चोप॒ला चै॒तानि॒ वै दश॑ यज्ञायु॒धानि॒ य
ए॒वं वेद॑ मुख॒तोऽस्य॒ य॒ज्ञः क॑ल्पते॒ यो वै दे॒वेभ्यः॑ प्रति॒प्रोच्य॑ य॒ज्ञेन॒
यज॑ते जु॒षन्ते॑ऽस्य दे॒वा ह॒व्य९ ह॒विर्नि॑रु॒प्यमा॑णम॒भि म॑न्त्रयेता॒ग्नि९

होतारमिह त९ हु॒व इति (२७)

दे॒वेभ्य॑ ए॒व प्र॑ति॒प्रोच्य॑ य॒ज्ञेन॑ यज॒ते जु॒षन्ते॑ऽस्य दे॒वा ह॒व्यमे॒ष
वै य॒ज्ञस्य॑ ग्र॒हो गृही॑त्वै॒व य॒ज्ञेन॑ यज॒ते तदु॑दि॒त्वा वाचं॑ यच्छति
य॒ज्ञस्य॑ धृ॒त्या अथो॑ मन॑सा॒ वै प्र॒जाप॑तिर्य॒ज्ञम॑तनु॒त् मन॑सै॒व तद्य॒ज्ञं
तनु॑ते॒ रक्ष॑सा॒मन॑न्वव॒चारा॑य॒ यो वै य॒ज्ञं यो॒ग आ॒गते॑ यु॒नक्ति॑ यु॒क्ते
यु॒ञ्जाने॑षु॒ कस्त्वा॑ यु॒नक्ति॑ स॒ त्वा यु॒नक्ति॑त्या॒ह प्र॒जाप॑तिर्वै॒ कः
प्र॒जाप॑तिनै॒वैनं॑ यु॒नक्ति॑ यु॒क्ते यु॒ञ्जाने॑षु॥ (२८)

वै मनः स्फ्य इति युनक्तेकादश च॥ [८]

प्र॒जाप॑तिर्य॒ज्ञान॑सृज॒ताग्नि॑हो॒त्रं चा॑ग्नि॒ष्टोमं॑ च॒ पौर्ण॑मा॒सीं चो॒क्थ्यं
चा॒मावा॑स्या॒ चाति॑रा॒त्रं च॒ तानु॑द॒मिमी॑त् याव॑द॒ग्निहो॒त्रमा॑सीत्
तावा॑न॒ग्निष्टो॒मो याव॑ती॒ पौर्ण॑मा॒सी तावा॑नु॒क्थ्यो याव॑त्य॒मावा॑स्या
तावा॑न॒तिरा॒त्रो य ए॒वं वि॒द्वान॑ग्नि॒होत्रं॑ जु॒होति॑ याव॑द॒ग्निष्टो॒मेनो॑पा॒प्नोति॑
ताव॑दु॒पाऽऽप्नो॑ति॒ य ए॒वं वि॒द्वान् पौ॑र्णमा॒सीं यज॑ते॒ याव॑दु॒क्थ्येनो॑पा॒प्नोति॑

ताव॑दु॒पाऽऽप्नो॑ति॒ य ए॒वं वि॒द्वान॑मा॒वास्यां॑ यज॑ते
याव॑द॒तिरा॒त्रेणो॑पा॒प्नोति॑ ताव॑दु॒पाऽऽप्नो॑ति॒ पर॑मे॒ष्ठिनो॑ वा ए॒ष
य॒ज्ञोऽग्रं॑ आसीत् तेन॒ स पर॑मां का॒ष्ठा॑मगच्छत् तेन॑ प्र॒जाप॑तिं
नि॒रवा॑साय॒यत् तेन॑ प्र॒जाप॑तिः पर॒मां का॒ष्ठा॑मगच्छत् तेनेन्द्रं
नि॒रवा॑साय॒यत् तेनेन्द्रः॑ पर॒मां का॒ष्ठा॑मगच्छत् तेना॒ग्नीषो॑मौ
नि॒रवा॑साय॒यत् तेना॒ग्नीषो॑मौ पर॒मां का॒ष्ठा॑मगच्छत् य (३०)

एवं विद्वान् द॑र्शपूर्णमा॒सौ यज॑ते पर॒मामे॒व काष्ठां॑ गच्छति
 यो वै प्रजा॑तेन य॒ज्ञेन॒ यज॑ते प्र प्र॒जया॑ प॒शुभिर्मि॑थुनैर्जायते
 द्वाद॑श मा॒साः संवत्स॑रो द्वाद॑श द्व॒न्द्वानि॑ दर्शपूर्णमा॒सयो॒स्तानि॑
 सम्पा॑द्यानीत्याहुर्व॒त्सं चो॑पावसृजत्यु॒खां चाधि॑ श्रयत्य॒व च॒ हन्ति॑
 दृषदौ॑ च स॒माह॒न्त्यधि॑ च॒ वप॑ते क॒पालानि॑ चोप॑ दधाति पुरोडाशं
 चा- (३१)

धि॒श्रय॒त्याज्यं॑ च स्तम्बय॒जुश्च॒ हर॑त्य॒भि च॑ गृह्णाति वेदिं च
 परिगृ॑ह्णाति प॒त्नीं च॒ सं न॑ह्यति प्रोक्ष॑णीश्चाऽऽसादय॒त्याज्यं॑ चै॒तानि॑
 वै द्वाद॑श द्व॒न्द्वानि॑ दर्शपूर्णमा॒सयो॒स्तानि॑ य ए॒व॑ सम्पा॑द्य यज॑ते
 प्रजा॑तेनै॒व य॒ज्ञेन॒ यज॑ते प्र प्र॒जया॑ प॒शुभिर्मि॑थुनैर्जायते॥ (३२)

उ॒क्त्ये॒नोपा॒प्रोत्य॑गच्छतां यः पुरो॑डाशं च च॒त्वारि॑ंशच्च॥ [१]

ध्रु॒वोऽसि॑ ध्रु॒वोऽह॑ संजा॒तेषु॑ भूयास॒मित्या॑ह ध्रु॒वाने॒वैनान्॑
 कुरु॑त उ॒ग्रोऽस्यु॒ग्रोऽह॑ संजा॒तेषु॑ भूयास॒मित्या॑हाप्रतिवादिन
 ए॒वैनान्कुरु॑तेऽभिभूर॑स्यभिभूर॑ह संजा॒तेषु॑ भूयास॒मित्या॑ह य ए॒वैनं॑
 प्रत्यु॒त्पिपी॑ते तमुपा॑स्यते यु॒नज्मि॑ त्वा ब्रह्म॑णा दै॒व्येने॒त्याहैष॑ वा
 अ॒ग्नेर्यो॒गस्तेनै॑- (३३)

वैनं॑ यु॒नक्ति॑ य॒ज्ञस्य॒ वै समृ॑द्धेन दे॒वाः सु॒वर्गं॑ लो॒कमा॑यन्
 य॒ज्ञस्य॒ व्यृ॑द्धेनासु॒रान् परा॑भावयन् यन्मै॑ अ॒ग्ने अ॒स्य य॒ज्ञस्य॒
 रि॒ष्यादि॒त्याह॑ य॒ज्ञस्यै॒व तत्समृ॑द्धेन यज॑मानः सु॒वर्गं॑ लो॒कमे॑ति

यज्ञस्य व्यृद्धेन भ्रातृव्यान् परां भावयत्यग्निहोत्रमेताभिर्व्याहृतीभिरुप-
सादयेद्यज्ञमुखं वा अग्निहोत्रं ब्रह्मेता व्याहृतयो यज्ञमुख एव
ब्रह्म (३४)

कुरुते संवत्सरे पर्यागंत एताभिरेवोपसादयेद् ब्रह्मणैवोभयतः
संवत्सरं परिगृह्णाति दर्शपूर्णमासौ चातुर्मास्यान्यालभमान
एताभिर्व्याहृतीभिर् हवींष्यासादयेद्यज्ञमुखं वै दर्शपूर्णमासौ
चातुर्मास्यानि ब्रह्मेता व्याहृतयो यज्ञमुख एव ब्रह्म कुरुते संवत्सरे
पर्यागंत एताभिरेवासादयेद् ब्रह्मणैवोभयतः संवत्सरं परिगृह्णाति
यद्वै यज्ञस्य साम्नां क्रियते राष्ट्रं (३५)

यज्ञस्याऽऽशीर्गच्छति यद्वा विशं यज्ञस्याऽऽशीर्गच्छत्यथ
ब्राह्मणोऽनाशीर्केण यज्ञेन यजते सामिधेनीरनुवक्ष्यन्नेता व्याहृतीः
पुरस्तादध्याद् ब्रह्मेव प्रतिपदं कुरुते तथा ब्राह्मणः साशीर्केण यज्ञेन
यजते यं कामयेत् यजमानं भ्रातृव्यमस्य यज्ञस्याऽऽशीर्गच्छेदिति
तस्यैता व्याहृतीः पुरोऽनुवाक्यायां दध्याद् भ्रातृव्यदेवत्यां वै पुरो-
ऽनुवाक्यां भ्रातृव्यमेवास्य यज्ञस्या- (३६)

ऽऽशीर्गच्छति यान् कामयेत् यजमानान्त्समावत्येनान्
यज्ञस्याऽऽशीर्गच्छेदिति तेषामेता व्याहृतीः पुरोऽनुवाक्याया
अर्धर्च एकां दध्याद्याज्यायै पुरस्तादेकां याज्याया अर्धर्च एकां
तथैनान्त्समावती यज्ञस्याऽऽशीर्गच्छति यथा वै पर्जन्यः सुवृष्टं

वर्षत्येवं यज्ञो यजमानाय वर्षति स्थलं योदकं परिगृह्णन्त्याशिषां
यज्ञं यजमानः परिगृह्णाति मनोऽसि प्राजापत्यं (३७)

मनसा मा भूतेनाऽऽविशेत्याहु मनो वै प्राजापत्यं प्राजापत्यो
यज्ञो मन एव यज्ञमात्मन् धत्ते वागस्यैन्द्री संपलक्षयणी वाचा
मैन्द्रियेणाऽऽविशेत्याहुैन्द्री वै वाग्वाचमेवैन्द्रीमात्मन् धत्ते॥ (३८)

तेनेव ब्रह्मं राष्ट्रमेवास्यं यज्ञस्यं प्राजापत्यं पद्विंशच्च॥ [१०]

यो वै सप्तदशं प्रजापतिं यज्ञमन्वायत्तं वेदं प्रति यज्ञेन तिष्ठति
न यज्ञाद् भ्रंशत आ श्रावयेति चतुरक्षरमस्तु श्रौषडिति चतुरक्षरं
यजेति द्व्यक्षरं ये यजामह इति पञ्चाक्षरं द्व्यक्षरो वषट्कार एष वै
सप्तदशः प्रजापतिर्यज्ञमन्वायत्तो य एवं वेदं प्रति यज्ञेन तिष्ठति न
यज्ञाद् भ्रंशते यो वै यज्ञस्य प्रायणं प्रतिष्ठा- (३९)

मुदयनं वेदं प्रतिष्ठितेनारिष्टेन यज्ञेन सङ्स्थां गच्छत्या
श्रावयास्तु श्रौषड्यज्ञं ये यजामहे वषट्कार एतद्वै यज्ञस्य
प्रायणमेषां प्रतिष्ठैतदुदयनं य एवं वेदं प्रतिष्ठितेनारिष्टेन यज्ञेन
सङ्स्थां गच्छति यो वै सूनृतायै दोहं वेदं दुह एवैनां यज्ञो वै
सूनृताऽऽश्रावयेत्यैवैनामहूदस्तु (४०)

श्रौषडित्युपावांस्त्रायजेत्युदनेषीद्ये यजामह इत्युपास-
दद्वषट्कारेणं दोग्येष वै सूनृतायै दोहो य एवं वेदं दुह एवैनां
देवा वै सत्रमासत तेषां दिशोऽदस्यन्त एतामाद्रां पङ्क्तिमपश्यन्ना

श्रावयेति पुरोवातमजनयन्नस्तु श्रौषडित्यभ्रः समप्लावयन् यजेति विद्युत- (४१)

मजनयन् ये यजामह इति प्रावर्षयन्नभ्यस्तनयन् वषट्कारेण ततो वै तेभ्यो दिशः प्राप्यायन्त य एवं वेद प्रास्मै दिशः प्यायन्ते प्रजापतिं त्वोवेद प्रजापतिस्त्वं वेद यं प्रजापतिर्वेद स पुण्यो भवत्येष वै छन्दस्यः प्रजापतिरा श्रावयास्तु श्रौषड्यज ये यजामहे वषट्कारो य एवं वेद पुण्यो भवति वसन्त- (४२)

मृतूनां प्रीणामीत्याहर्तवो वै प्रयाजा ऋतूनेव प्रीणाति तैऽस्मै प्रीता यथापूर्वं कल्पन्ते कल्पन्तेऽस्मा ऋतवो य एवं वेदाग्नीषोमयोरहं देवयज्यया चक्षुष्मान् भूयासमित्याहाग्नीषोमाभ्यां वै यज्ञश्चक्षुष्मान् ताभ्यामेव चक्षुरात्मन् धत्तेऽग्रेरहं देवयज्ययान्नादो भूयासमित्याहाग्निर्वै देवानामन्नादस्तेनैवा- (४३)

ऽन्नाद्यमात्मन् धत्ते दधिरेस्यदब्धो भूयासमुं दभेयमित्याहैतया वै दब्ध्या देवा असुरानदभ्रुवन् तयैव भ्रातृव्यं दभ्रोत्यग्नीषोमयोरहं देवयज्यया वृत्रहा भूयासमित्याहाग्नीषोमाभ्यां वा इन्द्रो वृत्रमहन् ताभ्यामेव भ्रातृव्यः स्तृणुत इन्द्राग्नियोरहं देवयज्ययैन्द्रियाव्यन्नदो भूयासमित्याहेन्द्रियाव्यैवान्नादो भवतीन्द्रस्या- (४४)

ऽहं देवयज्ययैन्द्रियावी भूयासमित्याहेन्द्रियाव्यैव भवति महेन्द्रस्याहं देवयज्यया जेमानं महिमानं गमेयमित्याह जेमानमेव

महिमानं गच्छत्यग्नेः स्विष्टकृतोऽहं देवयज्ययाऽऽयुष्मान् यज्ञेन
प्रतिष्ठां गमेयमित्याहायुरेवात्मन् धत्ते प्रति यज्ञेन तिष्ठति॥ (४५)

प्रतिष्ठामह्वदस्तु विद्युतं वसन्तमेवेन्द्रस्याऽष्टात्रिंशच्च॥ [११]

इन्द्रं वो विश्वतस्परि हवामहे जनैभ्यः। अस्माकमस्तु केवलः॥

इन्द्रं नरो नेमधिता हवन्ते यत्पार्या युनजते धियस्ताः। शूरो नृपाता
शर्वसश्चकान आ गोमति ब्रजे भजा त्वं नः॥ इन्द्रियाणि शतक्रतो
या ते जनैषु पञ्चसु। इन्द्र तानि त आ वृणे॥ अनु ते दायि मह
इन्द्रियाय सत्रा ते विश्वमनु वृत्रहत्यै। अनु (४६)

क्षत्रमनु सहो यजत्रेन्द्र देवेभिरनु ते नृषह्ये॥ आ यस्मिन्सप्त
वासवास्तिष्ठन्ति स्वारुहो यथा। ऋषिर्ह दीर्घश्रुतं इन्द्रस्य घर्मो
अतिथिः॥ आमासु पक्वमैरय आ सूर्यं रोहयो दिवि। घर्म
न सामन्तपता सुवृक्तिभिर्जुष्टं गिर्वणसे गिरः॥ इन्द्रमिद्राथिनो
बृहदिन्द्रमर्केभिरर्किणः। इन्द्रं वाणीरनूषत॥ गायन्ति त्वा गायत्रिणो-
(४७)

चन्त्युर्कमर्किणः। ब्रह्माणस्त्वा शतक्रतुवुद्धं शर्मिव येमिरे॥
अहोमुचे प्र भरेमा मनीषामोषिष्ठदाब्धे सुमतिं गृणानाः।
इदमिन्द्र प्रति हव्यं गृभाय सत्याः सन्तु यजमानस्य कामाः॥
विवेष यन्मा धिषणा जजान स्तवै पुरा पार्यादिन्द्रमहः। अहंसो
यत्र पीपरद्यथा नो नावेव यान्तमुभये हवन्ते॥ प्र सम्राजं

प्रथममध्वराणां- (४८)

म॑हो॒मुचं॑ वृष॒भं य॒ज्ञिया॑नाम्। अ॒पां न॒पा॑तम॒श्विना॒
ह॒यन्त॑म॒स्मिन्न॑र इन्द्रि॒यं ध॑त्त॒मोजः॑॥ वि न॑ इन्द्र॒ मृधो॑ जहि नी॒चा
य॑च्छ॒ पृत॑न्यतः। अ॒ध॒स्पदं॑ तर्मी॑ कृधि॒ यो अ॒स्मा॑ अ॒भिदा॑स॒ति॥
इन्द्र॑ क्ष॒त्रम॑भि॒ वाम॑मोजोऽजा॒यथा॑ वृष॒भ च॑र्षणी॒नाम्। अ॒पा॑नुदो
ज॒नम॑मि॒त्रय॑न्त॒मुरुं॑ दे॒वेभ्यो॑ अकृ॒णोरु॑ लो॒कम्॥ मृ॒गो न भी॑मः
कु॒चरो॑ गि॒रि॒ष्ठाः प॑रा॒वत॒ - (४९)

आ ज॑गामा॒ पर॑स्याः। सृ॒क॑ स॒शायं॑ प॒विमि॑न्द्र ति॒गं
वि श॒त्रून् ता॑ढि॒ वि मृ॑धो॒ नुद॑स्व॥ वि श॒त्रून् वि मृ॑धो॒ नुद॑
वि वृ॒त्रस्य॑ ह॒नू रु॑ज। वि म॒न्युमि॑न्द्र भा॒मितो॑ऽमि॒त्रस्या॑भि॒दास॑तः॥
त्रा॒तार॒मिन्द्र॑मवि॒तार॒मिन्द्र॑ ह॒वेह॑वे सु॒हव॑ शूर॒मिन्द्र॑म्। हु॒वे नु श॑क्रं
पु॒रुहू॑तमिन्द्र॑ स्व॒स्ति नो॑ म॒घवा॑ धा॒त्विन्द्रः॑॥ मा ते॑ अ॒स्या॑ (५०)

स॒हसा॑वन् परि॑ष्ठाव॒घायं॑ भूम॒ हरि॑वः प॒रादै॑। त्राय॑स्व नो॒
ऽवृ॑केभि॒र्वरू॑थै॒स्तव॑ प्रि॒यासः॑ सूरि॒षु स्या॑म॥ अ॒न॒वस्ते॑ रथ॒मश्व॑ाय
तक्ष॑न् त्वष्टा॒ वज्रं॑ पु॒रुहू॑त द्यु॒मन्त॑म्। ब्र॒ह्माण॑ इन्द्र॑ म॒हय॑न्तो
अ॒र्कैर॑व॒र्धय॑न्न॒हये॑ ह॒न्त॒वा उ॑॥ वृ॒ष्णे यत् ते॑ वृष॑णो अ॒र्कम॑र्चानिन्द्र॒
ग्रा॒वा॑णो अ॒र्दितिः॑ स॒जोषाः॑। अ॒न॒श्वासो॑ ये प॒वयो॑ऽर॒था इन्द्रै॑षिता
अ॒भ्यव॑र्तन्त॒ दस्यू॑न्॥ (५१)

वृत्र॒हत्ये॑जुं गाय॒त्रिणां॑ऽध्व॒राणां॑ प॒रा॒वतो॑ऽस्याम॒ष्टाच॑त्वारि॑श॒च्च॥ [१२]

॥ सप्तमः प्रश्नः ॥

॥ तैत्तिरीयसंहितायां प्रथमकाण्डे सप्तमः प्रश्नः ॥

पाकयज्ञं वा अन्वाहिताग्नेः पशव उप तिष्ठन्त इडा खलु वै पाकयज्ञः सैषाऽन्तरा प्रयाजानूयाजान् यजमानस्य लोकेऽवहिता तामाह्नियमाणामभि मन्त्रयेत् सुरूपवर्षवर्ण एहीति पशवो वा इडा पशूनेवोप ह्वयते यज्ञं वै देवा अदुहन् यज्ञोऽसुरा५ अदुहत् तेऽसुरा यज्ञदुग्धाः पराऽभवन् यो वै यज्ञस्य दोहं विद्वान् (१)

यजतेऽप्यन्यं यजमानं दुहे सा मे सत्याऽऽशीरस्य यज्ञस्य भूयादित्याहैष वै यज्ञस्य दोहस्तेनैवेनं दुहे प्रत्ता वै गौर्दुहे प्रत्तेडा यजमानाय दुह एते वा इडाये स्तना इडोपेहूतेति वायुर्वथ्सो यर्हि होतेडामुपह्वयेत् तर्हि यजमानो होता रमीक्षमाणो वायुं मनसा ध्यायेन् (२)

मात्रे वथ्समुपावसृजति सर्वेण वै यज्ञेन देवाः सुवर्गं लोकमायन् पाकयज्ञेन मनुरश्राम्यथ्सेडा मनुमुपावर्तत तान्देवासुरा व्यह्वयन्त प्रतीचीं देवाः पराचीमसुराः सा देवानुपावर्तत पशवो वै तद्देवानवृणत पशवोऽसुरानजहुर्यं कामयेतापशुः स्यादिति पराचीं तस्येडामुपह्वयेतापशुरेव भवति यं (३)

कामयेत पशुमान्थस्यादिति प्रतीचीं तस्येडामुपह्वयेत

पशुमानेव भवति ब्रह्मवादिनो वदन्ति स त्वा इडामुपह्वयेत्
 य इडामुपह्वयाऽऽत्मानमिडायामुपह्वयेतेति सा नः प्रिया
 सुप्रतूर्तिर्मघोनीत्याहेडामेवोपह्वयाऽऽत्मानमिडायामुप
 ह्वयेत्येवमिव वा एतद्यज्ञस्य यदिडां सामि प्राश्नन्ति (४)

सामि मार्जयन्त एतत् प्रति वा असुराणां यज्ञो व्यच्छिद्यत
 ब्रह्मणा देवाः समदधुर्बृहस्पतिस्तनुतामिमं न इत्याहु ब्रह्म वै
 देवानां बृहस्पतिर्ब्रह्मणैव यज्ञं सन्दधाति विच्छिन्नं यज्ञं समिमं
 दधात्वित्याहु सन्तत्यै विश्वे देवा इह मादयन्तामित्याहु सन्तत्यैव
 यज्ञं देवेभ्योऽनु दिशति यां वै (५)

यज्ञे दक्षिणां ददाति तामस्य पशवोऽनु सङ्गमन्ति स एष
 ईजानोऽपशुर्भावुको यजमानेन खलु वै तत्कार्यमित्याहुयथा देवत्रा
 दत्तं कुर्वीताऽऽत्मन् पशून् रमयेतेति ब्रध्नं पिन्वस्वेत्याहु यज्ञो वै
 ब्रध्नो यज्ञमेव तन्महयत्यथो देवत्रैव दत्तं कुरुत आत्मन् पशून्
 रमयते ददतो मे मा क्षायीत्याहाक्षितिमेवोपैति कुर्वतो मे मोप
 दसदित्याहु भूमानमेवोपैति॥ (६)

विद्वान्याये द्यं प्राश्नन्ति यां वै म एकात्रविंशतिश्च॥ [१]

सः श्रवा ह सौवर्चनसस्तुमिञ्मौपौदितिमुवाच यत्सत्रिणां
 होताऽभूः कामिडामुपाह्वया इति तामुपाह्व इति होवाच यां प्राणेन
 देवान् दाधारं व्यानेन मनुष्यान्पानेन पितृनिति छिनत्ति सा न

छिनत्ती (३) इति छिनत्तीति होवाच शरीरं वा अस्यै तदुपाह्वथा
इति होवाच गौर्वा - (७)

अस्यै शरीरं गां वाव तौ तत्पर्यवदतां या यज्ञे दीयते सा
प्राणेन देवान् दाधार यया मनुष्या जीवन्ति सा व्यानेन मनुष्यान्
यां पितृभ्यो घ्नन्ति साऽपानेन पितृन् य एवं वेद पशुमान् भवत्यथ
वै तामुपाह्व इति होवाच या प्रजाः प्रभवन्तीः प्रत्याभवतीत्यन्नं वा
अस्यै त- (८)

दुपाह्वथा इति होवाचौषधयो वा अस्या अन्नमौषधयो वै प्रजाः
प्रभवन्तीः प्रत्या भवन्ति य एवं वेदान्नादो भवत्यथ वै तामुपाह्व
इति होवाच या प्रजाः पराभवन्तीरनुगृह्णाति प्रत्याभवन्तीर्गृह्णातीति
प्रतिष्ठां वा अस्यै तदुपाह्वथा इति होवाचेयं वा अस्यै प्रतिष्ठे- (९)

-यं वै प्रजाः पराभवन्तीरनुगृह्णाति प्रत्याभवन्तीर्गृह्णाति य एवं
वेद प्रत्येव तिष्ठत्यथ वै तामुपाह्व इति होवाच यस्यै निक्रमणे
घृतं प्रजाः सञ्जीवन्तीः पिबन्तीति छिनत्ति सा न छिनत्ती (३)
इति न छिनत्तीति होवाच प्र तु जनयतीत्येष वा इडामुपाह्वथा
इति होवाच वृष्टिर्वा इडा वृष्ट्यै वै निक्रमणे घृतं प्रजाः सञ्जीवन्तीः
पिबन्ति य एवं वेद प्रैव जायतेऽन्नादो भवति॥ (१०)

गौर्वा अस्यै तत् प्रतिष्ठाऽह्वथा इति वि०श्रुतिश्च॥ [२]

पुरोक्षं वा अन्ये देवा इज्यन्ते प्रत्यक्षमन्ये यद्यजते य एव
देवाः पुरोक्षमिज्यन्ते तानेव तद्यजति यदन्वाहार्यमाहरत्येते वै

दे॒वाः प्र॒त्यक्षं॑ यद् ब्रा॒ह्म॒णास्ता॒ने॒व तेन॑ प्रीणा॒त्यथो॑ दक्षि॒णै॒वास्यै॒षा-
ऽथो॑ य॒ज्ञस्यै॒व छि॒द्रम॑पि॒ दधा॑ति॒ यद्वै य॒ज्ञस्य॑ क॒रुं यद्वि॑लि॒ष्टं
तद॑न्वाहा॒र्येणा॒- (११)

न्वाह॑रति॒ तद॑न्वाहा॒र्यस्या॒न्वाहा॒र्यत्वं दे॒वदू॑ता वा ए॒ते यदृ॒त्विजो॒
यद॑न्वाहा॒र्यमा॒हर॑ति दे॒वदू॑ताने॒व प्री॑णाति॒ प्र॒जाप॑तिर्दे॒वेभ्यो॑ य॒ज्ञान्
व्यादि॑श॒त्स रि॑रिचा॒नोऽम॑न्यत् स ए॒तम॑न्वाहा॒र्यम॑भ॒क्तम॑पश्यत्
तमा॒त्मन्न॑धत् स वा ए॒ष प्रा॑जाप॒त्यो यद॑न्वाहा॒र्यो यस्यै॒वं
वि॒दुषो॑ऽन्वाहा॒र्य आ॒ह्रिय॑ते सा॒क्षादे॒व प्र॒जाप॑तिमृ॒ध्नोत्य॑प॒रिमि॑तो
नि॒रुप्योऽप॑रिमितः प्र॒जाप॑तिः प्र॒जाप॑ते- (१२)

रा॒स्यै दे॒वा वै यद्य॒ज्ञेऽकु॑र्वत् तद॒सुरा॑ अकुर्वत् ते दे॒वा ए॒तं
प्रा॑जाप॒त्यम॑न्वाहा॒र्यम॑पश्यन् तम॑न्वाह॑रन्त॒ ततो॑ दे॒वा अ॑भ॒वन्
परा॑सुरा॒ यस्यै॒वं वि॒दुषो॑ऽन्वाहा॒र्य आ॒ह्रिय॑ते भ॒व॑त्या॒त्मना॒ परा॑स्य
भ्रातृ॑व्यो भवति य॒ज्ञेन॒ वा इ॒ष्टी प॑क्वेन॒ पूर्ती॑ यस्यै॒वं वि॒दुषो॑ऽन्वाहा॒र्य
आ॒ह्रिय॑ते स त्वे॒वेष्टा॑पूर्ती॒ प्र॒जाप॑तेर्भा॒गोऽसी॑- (३)

त्या॑ह प्र॒जाप॑तिमे॒व भा॑ग॒धेये॑न् स॒मर्ध॑य॒त्यूर्ज॑स्वान्
पय॑स्वा॒नित्या॒होर्ज॑मे॒वास्मिन् पयो॑ दधाति प्रा॒णापा॒नौ मे॑
पाहि॑ स॒मान॑व्या॒नौ मे॑ पा॒हीत्या॑हाऽऽशिष॑मे॒वैता॒मा शा॑स्ते-
ऽक्षि॑तोऽस्यक्षि॑त्यै त्वा॒ मा मे॑ क्षे॒ष्टा अ॒मुत्रा॒मुष्मि॑ल्लो॒क इत्या॑ह

क्षीयते वा अमुष्मिल्लोकेऽन्नमितः प्रदानं ह्यमुष्मिल्लोके प्रजा
उपजीवन्ति यदेवमभिमृशत्यक्षितिमेवैनद्रमयति नास्यामुष्मिल्लोके-
ऽन्नं क्षीयते॥ (१४)

अन्वाहार्येण प्रजापतेरसि ह्यमुष्मिल्लोके पञ्चदश च॥ [३]

बर्हिषोऽहं देवयज्यया प्रजावान् भूयासमित्याह बर्हिषा वै
प्रजापतिः प्रजा असृजत तेनैव प्रजाः सृजते नराशंसस्याहं
देवयज्यया पशुमान् भूयासमित्याह नराशंसैन् वै प्रजापतिः
पशून्सृजत तेनैव पशून्सृजतेऽग्नेः स्विष्टकृतोऽहं देवयज्ययाऽ-
ऽयुष्मान् यज्ञेन प्रतिष्ठां गमेयमित्याहाऽऽयुरेवात्मन् धत्ते प्रति यज्ञेन
तिष्ठति दर्शपूर्णमासयोर्- (१५)

वै देवा उज्जितिमनूदजयन् दर्शपूर्णमासाभ्यामसुरानपा-
नुदन्ताग्नेरहमुज्जितिमनूजेषमित्याह दर्शपूर्णमासयोरेव देवतानां
यजमान उज्जितिमनूजयति दर्शपूर्णमासाभ्यां भ्रातृव्यानप नुदते
वाजवतीभ्यां व्यूहत्यन्नं वै वाजोऽन्नमेवावरुन्धे द्वाभ्यां प्रतिष्ठित्यै-
यो वै यज्ञस्य द्वौ दोहौ विद्वान् यजत उभयत - (१६)

एव यज्ञं दुहे पुरस्ताच्चोपरिष्ठाच्चैष वा अन्यो यज्ञस्य दोह
इडांयामन्यो यर्हि होता यजमानस्य नाम गृहीयात् तर्हि
ब्रूयादेमा अग्नन्नाशिषो दोहकामा इति सःस्तुता एव देवता
दुहेऽथो उभयत एव यज्ञं दुहे पुरस्ताच्चोपरिष्ठाच्च रोहितेन

त्वाऽग्निर्देवतां गमयत्वित्याहैते वै देवाश्वा - (१७)

यजमानः प्रस्तरो यदेतैः प्रस्तरं प्रहरति देवाश्चैरेव यजमानः
सुवर्गं लोकं गमयति वि ते मुञ्चामि रशना वि रश्मीनित्याहैष वा
अग्नेर्विमोकस्तेनैवेनं वि मुञ्चति विष्णोः शंयोरहं देवयज्यया यज्ञेन
प्रतिष्ठां गमेयमित्याह यज्ञो वै विष्णुर्यज्ञ एवान्ततः प्रति तिष्ठति
सोमस्याहं देवयज्यया सुरेता - (१८)

रेतो धिषीयेत्याह सोमो वै रेतोधास्तेनैव रेतं आत्मन्
धत्ते त्वष्टुरहं देवयज्यया पशूनां रूपं पुषेयमित्याह त्वष्टा वै
पशूनां मिथुनानां रूपकृत्तेनैव पशूनां रूपमात्मन् धत्ते देवानां
पत्नीरग्निर्गृहपतिर्यज्ञस्य मिथुनं तयोरहं देवयज्यया मिथुनेन प्र
भूयासमित्याहैतस्माद्वै मिथुनात्प्रजापतिर्मिथुनेन (१९)

प्राजायत तस्मादेव यजमानो मिथुनेन प्र जायते वेदोऽसि
वित्तिरसि विदेयेत्याह वेदेन वै देवा असुराणां वित्तं वेद्यमविन्दन्त
तद्वेदस्य वेदत्वं यद्यद् भ्रातृव्यस्याभिध्यायेत् तस्य नाम गृह्णीयात्
तदेवास्य सर्वं वृद्धे घृतवन्तं कुलायिनः रायस्पोषः सहस्रिणं
वेदो ददातु वाजिनमित्याह प्र सहस्रं पशूनांप्रोत्यास्यं प्रजायां
वाजी जायते य एवं वेद॥ (२०)

द्रुशपूर्णमासयोरुभयतो देवाश्वाः सुरेताः प्रजापतिर्मिथुनेनाऽऽप्नोत्यष्टौ च॥ [४]

ध्रुवां वै रिच्यमानां यज्ञोऽनु रिच्यते यज्ञं यजमानो यजमानं

प्रजा ध्रुवामाप्यायमानां यज्ञोऽन्वा प्यायते यज्ञं यजमानो
 यजमानं प्रजा आ प्यायतां ध्रुवा घृतेनेत्याह ध्रुवामेवाऽऽप्याययति
 तामाप्यायमानां यज्ञोऽन्वा प्यायते यज्ञं यजमानो यजमानं
 प्रजाः प्रजापतेर्विभान्नाम लोकस्तस्मिंस्त्वा दधामि सह
 यजमानेने- (२१)

त्याहायं वै प्रजापतेर्विभान्नाम लोकस्तस्मिन्नेवैनं दधाति
 सह यजमानेन रिच्यत इव वा एतद्यद्यजते यद्यजमानभागं
 प्राश्नात्यात्मानमेव प्रीणात्येतावान् वै यज्ञो यावान् यजमानभागो
 यज्ञो यजमानो यद्यजमानभागं प्राश्नाति यज्ञ एव यज्ञं
 प्रतिष्ठापयत्येतद्वै सूयवस९ सोदकं यद्वरुहिश्चाऽऽपश्चैतद् (२२)

यजमानस्याऽऽयतनं यद्वेदिर्यत् पूर्णपात्रमन्तर्वेदि निनयति
 स्व एवाऽऽयतने सूयवस९ सोदकं कुरुते सदसि सन्मे भूया
 इत्याहाऽऽपो वै यज्ञ आपोऽमृतं यज्ञमेवामृतमात्मन्धत्ते सर्वाणि
 वै भूतानि व्रतमुपयन्तमनूप यन्ति प्राच्यां दिशि देवा ऋत्विजो
 मार्जयन्तामित्याहैष वै दर्शपूर्णमासयोरवभृथो (२३)

यान्येवैनं भूतानि व्रतमुपयन्तमनूपयन्ति तैरेव सहावभृथमवैति
 विष्णुमुखा वै देवाश्छन्दोभिरिमाल्लोकाननपज्यमभ्यजयन्
 यद्विष्णुक्रमान् क्रमते विष्णुरेव भूत्वा यजमानश्छन्दोभिरिमाल्लोकानन
 जयति विष्णोः क्रमोऽस्यभिमातिहेत्याह गायत्री वै पृथिवी

त्रैष्टुभमन्तरिक्षं जागती द्यौरानुष्टुभीर्दिशश्छन्दोभिरेवेमाल्लोकान्
यथापूर्वमभि जयति॥ (२४)

इत्येतदवभृथो दिशः सप्त च॥ [५]

अगन्म् सुवः सुवर्गन्मेत्याह सुवर्गमेव लोकमेति सन्दृशस्ते
मा छिन्सि यत्ते तपस्तस्मै ते मा वृक्षीत्याह यथायजुरेवैतत्सुभूरसि
श्रेष्ठो रश्मीनामायुर्धा अस्यायुर्मे धेहीत्याहाऽऽशिषमेवैतामा शास्ते
प्र वा एषोऽस्माल्लोकाच्च्यवते यो (२५)

विष्णुक्रमान् क्रमते सुवर्गाय हि लोकाय विष्णुक्रमाः
क्रम्यन्ते ब्रह्मवादिनो वदन्ति स त्वे विष्णुक्रमान् क्रमेत् य
इमाल्लोकान् भ्रातृव्यस्य संविद्य पुनरिमं लोकं प्रत्यवरोहेदित्येष
वा अस्य लोकस्य प्रत्यवरोहो यदाहेदमहममुं भ्रातृव्यमाभ्यो
दिग्भ्योऽस्यै दिव इतीमानेव लोकान्भ्रातृव्यस्य संविद्य पुनरिमं
लोकं प्रत्यवरोहति सं (२६)

ज्योतिषाऽभूवमित्याहास्मिन्नेव लोके प्रति तिष्ठत्यैन्द्रीमा-
वृतमन्वावर्त इत्याहासौ वा आदित्य इन्द्रस्तस्यैवाऽऽवृतमनु
पर्यावर्तते दक्षिणा पर्यावर्तते स्वमेव वीर्यमनु पर्यावर्तते
तस्माद्दक्षिणोऽर्ध आत्मनो वीर्यावत्तरोऽथो आदित्यस्यैवाऽऽवृतमनु
पर्यावर्तते समहं प्रजया सं मया प्रजेत्याहाऽऽशिष- (२७)

मेवैतामा शास्ते समिद्धो अग्ने मे दीदिहि समेद्धा ते

अग्ने दीद्यासमित्याह यथायजुरेवैतद्वसुमान् यज्ञो वसीयान्
 भूयासमित्याहाऽऽशिषमेवैतामा शांस्ते बहु वै गार्हपत्यस्यान्ते
 मिश्रमिव चर्यत आग्निपावमानीभ्यां गार्हपत्यमुप तिष्ठते
 पुनात्येवाग्निं पुनीत आत्मानं द्वाभ्यां प्रतिष्ठित्या अग्ने गृहपत
 इत्याह (२८)

यथायजुरेवैतच्छ्रुतं हिमा इत्याह शतं त्वां हेमन्तानिन्धिषीयेति
 वावैतदाह पुत्रस्य नामं गृह्णात्यन्नादमेवैनं करोति तामाशिषमा
 शांसे तन्तवे ज्योतिष्मतीमिति ब्रूयाद्यस्य पुत्रोऽजातः स्यात्
 तेजस्व्येवास्य ब्रह्मवर्चसी पुत्रो जायते तामाशिषमा शांसेऽमुष्मे
 ज्योतिष्मतीमिति ब्रूयाद्यस्य पुत्रो (२९)

जातः स्यात् तेज एवास्मिन् ब्रह्मवर्चसं दधाति यो वै यज्ञं
 प्रयुज्य न विमुञ्चत्यप्रतिष्ठानो वै स भवति कस्त्वा युनक्ति स त्वा वि
 मुञ्चत्वित्याह प्रजापतिर्वै कः प्रजापतिनैवैनं युनक्ति प्रजापतिना
 वि मुञ्चति प्रतिष्ठित्या ईश्वरं वै व्रतमविसृष्टं प्रदहोऽग्ने व्रतपते
 व्रतमचारिषमित्याह व्रतमेव (३०)

वि सृजते शान्त्या अप्रदाहाय पराङ् वाव यज्ञ एति न नि
 वर्तते पुनर्यो वै यज्ञस्य पुनरालम्भं विद्वान् यजते तमभि नि वर्तते
 यज्ञो बभूव स आ बभूवेत्याहैष वै यज्ञस्य पुनरालम्भस्तेनैवैनं
 पुनरालभतेऽनवरुद्धा वा एतस्य विराड्य आहिताग्निः सन्नसभः
 पशवः खलु वै ब्राह्मणस्य सभेष्वा प्राङुत्क्रम्य ब्रूयाद्गोमां अग्ने-

ऽवि॒मा॑ अ॒श्वी य॒ज्ञ इत्य॑व॒ स॒भा॑ रु॒न्धे प्र स॒हस्रं॑ प॒शूना॑प्रो॒त्यास्य॑
प्र॒जाया॑ वा॒जी जा॑यते॥ (३१)

यः स मा॒शिषं॑ गृह॒पत॒ इत्या॑हु यस्य॑ पु॒त्रो व्र॑तमे॒व ख॒लु वै च॑तुर्विंश॒तिश्च॑॥ [६]

दे॒वं स॒वि॒तुः प्र॑सु॒व य॒ज्ञं प्र॑सु॒व य॒ज्ञप॑तिं॒ भगा॑य दि॒व्यो ग॑न्ध॒र्वः।
के॒त॒पूः के॒तं नः॑ पु॒नातु॑ वा॒चस्प॑ति॒र्वाच॑म॒द्य स्व॑दाति नः॥ इन्द्र॑स्य
वज्रो॑ऽसि॒ वार्त्र॑घ्न॒स्त्वया॑ऽयं वृ॒त्रं व॑ध्यात्॥ वा॒ज॑स्य॒ नु प्र॑स॒वे मा॑तरं
म॒हीम॑दि॒तिं नाम॑ वच॑सा करा॒महे। यस्या॑मि॒दं वि॒श्वं भु॑व॒नमा॑वि॒वेश॑
तस्या॑ नो दे॒वः स॑वि॒ता ध॑र्मं सा॒विष॑त्॥ अ- (३२)

प॒स्व॑न्त॒र॒मृ॒तम॑प्सु भै॒षज॑म॒पामु॑त प्र॒श॑स्ति॒ष्वश्वा॑ भव॒थ
वा॒जिनः॑॥ वा॒युर्वा॑ त्वा॒ मनु॑र्वा॒ त्वा ग॑न्ध॒र्वाः स॒प्तवि॑ंश॒तिः। ते
अ॒ग्रे अ॒श्व॑मायु॒ञ्जन्ते॑ अ॒स्मिञ्ज॒वमा॑द॒धुः॥ अ॒पां न॑पा॒दाशु॑हेम॒न् य
ऊ॒र्मिः क॒कु॒द्म॒ान् प्र॑तू॒र्तिर्वा॒ज॒सात॑म॒स्तेना॑यं वा॒ज॑ सेत्॥ वि॒ष्णोः
क्र॒मो॑ऽसि॒ वि॒ष्णोः॑ क्रा॒न्तम॑सि॒ वि॒ष्णोर्वि॑क्रा॒न्तम॑स्य॒ङ्गौ न्य॒ङ्गाव॑भि॒तो
रथं॑ यौ ध्वा॒न्तं वा॑ता॒ग्रम॑नु॒ स॒श्वर॑न्तौ दू॒रेह॑तिरिन्द्रि॒यावा॑न्प॒त॒त्री ते
नो॑ऽग्र॒यः प॑प्र॒यः पा॑रयन्तु॥ (३३)

अ॒प्सु न्य॒ङ्गौ प॑ञ्च॒दश॑ च॥ [७]

दे॒वस्या॒ह॑ अ॒स॒वि॒तुः प्र॑स॒वे बृ॒हस्प॑ति॒ना वा॒ज॒जिता॑ वा॒जं जे॑षं
दे॒वस्या॒ह॑ अ॒स॒वि॒तुः प्र॑स॒वे बृ॒हस्प॑ति॒ना वा॒ज॒जिता॑ व॒र्षि॑ष्ठं ना॒कं
रु॒हेय॑मिन्द्रा॒य वा॑चं वद॒तेन्द्रं॑ वा॒जं जा॑पय॒तेन्द्रो॑ वा॒जम॑जयित्॥

अश्वा॑जनि वाजिनि॒ वाजे॑षु वाजिनीव॒त्यश्वा॑न्त्स॒मथ्सु॑ वाजय॥
 अर्वा॑ऽसि सप्ति॑रसि वा॒ज्यसि॑ वाजिनो॒ वाजं॑ धावत म॒रुता॑ प्रस॒वे
 जय॑त॒ वि योज॑ना मिमीध्व॒मध्वनः॑ स्क॒भीत॒ (३४)

काष्ठा॑ गच्छ॒त॒ वाजे॑वाजेऽवत वाजिनो नो धने॑षु विप्रा अमृता
 ऋत॑ज्ञाः॥ अ॒स्य म॒ध्वः पि॒बत मा॒दय॑ध्वं तृ॒प्ता या॑त प॒थिभि॑र्दे॒व्यानैः॑॥
 ते नो॑ अर्व॒न्तो ह॒वन॒श्रुतो॒ हवं॑ वि॒श्वे शृ॒ण्वन्तु वा॒जिनः॑॥ मि॒तद्र॑वः
 सह॑स्र॒सा मे॒धसा॑ता सनि॒ष्यवः॑। म॒हो ये रत्न॑ः स॒मिथे॑षु ज॒भ्रिरे शं नो॑
 भव॑न्तु वा॒जिनो॒ हवै॑षु॥ दे॒वता॑ता मि॒तद्र॑वः स्व॒र्काः। ज॒म्भय॑न्तोऽहिं
 वृ॒कः रक्षा॑सि॒ सने॑म्य॒स्मद्यु॑यव॒न्न- (३५)

मी॑वाः॥ ए॒ष स्य वा॒जी क्षि॑प॒णिं तु॑र॒ण्यति॑ ग्री॒वायां॑
 ब॒द्धो अ॑पि॒कक्ष आ॒सनि॑। ऋतुं॑ दधि॒क्रा अनु॑ स॒न्तवी॑त्वत्
 प॒थाम॑ङ्का॒स्यन्वा॒पनी॑फणत्॥ उ॒त स्मा॑स्य॒ द्रव॑तस्तु॒रण्य॑तः प॒र्णं न
 वेर॑नु॒ वाति॑ प्रग॒र्धिनः॑। श्ये॒नस्ये॑व ध्रज॑तो अङ्क॒सं परि॑ दधि॒क्राव्णः॑
 स॒होर्जा॑ तरि॒त्रतः॑॥ आ मा॑ वाज॑स्य प्रस॒वो ज॑ग॒म्यादा॑ द्यावा॑पृथि॒वी
 वि॒श्वश॑म्भू। आ मा॑ ग॒न्तां पि॒तरा॑ (३६)

मा॒तरा॒ चाऽऽमा॒ सोमो॑ अमृ॒तत्वाय॑ ग॒म्यात्॥ वाजिनो॑
 वाज॑जितो॒ वाजः॑ स॒रिष्य॑न्तो॒ वाजं॑ जे॒ष्यन्तो॒ बृह॑स्पते॒र्भा॒गम॑व
 जिघ्र॑त॒ वाजिनो॑ वाज॑जितो॒ वाजः॑ स॒सृवा॑सो॒ वाजं॑ जि॒गिवा॑सो
 बृह॑स्पते॒र्भा॒गे नि मृ॑द्व॒मियं॑ वः सा स॒त्या स॒न्धाऽभू॑द्यामिन्द्रे॒ण

समधध्वमजीजिपत वनस्पतय इन्द्रं वाजं विमुच्यध्वम्॥ (३७)

स्कन्धीत युयवन्पितरा द्विचत्वारिंशच्च॥ [८]

क्षत्रस्योल्बमसि क्षत्रस्य योनिरसि जाय एहि सुवो
रोहाव रोहाव हि सुवरहं नावुभयोः सुवो रोक्ष्यामि वाजंश्च
प्रसवश्चापिजश्च क्रतुश्च सुवंश्च मूर्धा च व्यश्निंयश्चाऽ-
ऽन्त्यायनश्चान्त्यश्च भौवनश्च भुवंश्चाधिपतिश्च। आयुर्यज्ञेन
कल्पतां प्राणो यज्ञेन कल्पतामपानो - (३८)

यज्ञेन कल्पतां व्यानो यज्ञेन कल्पतां चक्षुर्यज्ञेन कल्पतां
श्रोत्रं यज्ञेन कल्पतां मनो यज्ञेन कल्पतां वाग्यज्ञेन कल्पतामात्मा
यज्ञेन कल्पतां यज्ञो यज्ञेन कल्पतां सुवर्देवा अंगन्मामृता
अभूम प्रजापतेः प्रजा अभूम समहं प्रजया सं मया प्रजा समहं
रायस्पोषेण सं मया रायस्पोषोऽन्नाय त्वाऽन्नाद्याय त्वा वाजाय
त्वा वाजजित्यायै त्वाऽमृतमसि पुष्टिरसि प्रजननमसि॥ (३९)

अपानो वाजाय नव च॥ [९]

वाजस्येमं प्रसवः सुषुवे अग्रे सोमं राजानमोषधीष्वप्सु।
ता अस्मभ्यं मधुमतीर्भवन्तु वयं राष्ट्रे जाग्रियाम पुरोहिताः॥
वाजस्येदं प्रसव आ बभूवेमा च विश्वा भुवनानि सर्वतः। स
विराजं पर्येति प्रजानन् प्रजां पुष्टिं वर्धयमानो अस्मे॥ वाजस्येमां
प्रसवः शिश्रिये दिवमिमा च विश्वा भुवनानि सम्राट्। अदिथ्सन्तं

दापयतु प्रजानन् रयिं (४०)

च नः सर्ववीरां नि यच्छतु॥ अग्ने अच्छा वदेह नः प्रति नः
सुमना भव। प्र णो यच्छ भुवस्पते धनदा असि नस्त्वम्॥ प्र णो
यच्छत्वयमा प्र भगुः प्र बृहस्पतिः। प्र देवाः प्रोत सूनृता प्र वाग्देवी
ददातु नः॥ अर्यमणं बृहस्पतिमिन्द्रं दानाय चोदय। वाचं विष्णुं
सरस्वतीं सवितारं (४१)

च वाजिनम्॥ सोमं राजानं वरुणमग्निमन्वारभामहे।
आदित्यान् विष्णुं सूर्यं ब्रह्माणं च बृहस्पतिम्॥ देवस्य त्वा
सवितुः प्रसवेऽश्विनोर्बाहुभ्यां पूष्णो हस्ताभ्यां सरस्वत्यै वाचो
यन्तुर्यत्रेणाग्नेस्त्वा साम्राज्येनाभिषिञ्चामीन्द्रस्य बृहस्पतेस्त्वा
साम्राज्येनाभिषिञ्चामि॥ (४२)

रयिं सवितारं पट्विंशच्च॥ [१०]

अग्निरेकाक्षरेण वाचमुदजयदश्विनौ द्व्यक्षरेण प्राणापानाबुद-
जयतां विष्णुस्यक्षरेण त्रील्लोकानुदजयत्सोमश्चतुरक्षरेण चतुष्पदः
पशूनुदजयत् पूषा पञ्चाक्षरेण पङ्क्तिमुदजयद्धाता षडक्षरेण
षडृतूनुदजयन्मरुतः सप्ताक्षरेण सप्तपदां शक्ररीमुदजयन्
बृहस्पतिरष्टाक्षरेण गायत्रीमुदजयन्मित्रो नवाक्षरेण त्रिवृतं
स्तोममुदजय- (४३)

द्वरुणो दशाक्षरेण विराजमुदजयदिन्द्र एकादशाक्षरेण

त्रिष्टुभमुदजयद् विश्वे देवा द्वादशाक्षरेण जगतीमुदजयन्
 वसवस्त्रयोदशाक्षरेण त्रयोदशः स्तोममुदजयन् रुद्राश्चतुर्दशाक्षरेण
 चतुर्दशः स्तोममुदजयन्नादित्याः पञ्चदशाक्षरेण पञ्चदशः
 स्तोममुदजयन्नादितिषोडशाक्षरेण षोडशः स्तोममुदजयत्
 प्रजापतिः सप्तदशाक्षरेण सप्तदशः स्तोममुदजयत्॥ (४४)

अजयत् पद्वत्वारिंशच्च॥

[११]

उपयामगृहीतोऽसि नृषदं त्वा द्रुषदं भुवनसदमिन्द्राय जुष्टं
 गृह्णाम्येष ते योनिरिन्द्राय त्वोपयामगृहीतोऽस्यप्सुषदं त्वा घृतसदं
 व्योमसदमिन्द्राय जुष्टं गृह्णाम्येष ते योनिरिन्द्राय त्वोपयामगृहीतो-
 ऽसि पृथिविषदं त्वाऽन्तरिक्षसदं नाकसदमिन्द्राय जुष्टं गृह्णाम्येष
 ते योनिरिन्द्राय त्वा॥ ये ग्रहाः पञ्चजनीना येषां तिस्रः परमजाः।
 दैव्यः कोशः - (४५)

समुञ्जितः। तेषां विशिप्रियाणामिषमूर्जः समग्रभीमेष ते
 योनिरिन्द्राय त्वा॥ अपां रसमुद्वयसं सूर्यरश्मिं समाभृतम्।
 अपां रसस्य यो रसस्तं वो गृह्णाम्युत्तममेष ते योनिरिन्द्राय
 त्वा॥ अया विष्ठा जनयन्कर्वराणि स हि घृणिरुरुर्वराय गातुः।
 स प्रत्युदैद्धरुणो मध्वो अग्रः स्वायां यत्तनुवां तनूमैरयत।
 उपयामगृहीतोऽसि प्रजापतये त्वा जुष्टं गृह्णाम्येष ते योनिः

प्रजापतये त्वा॥ (४६)

कोशस्तनुवां त्रयोदश च॥ [१२]

अन्वह मासा अन्विद्वानान्यन्वोषधीरनु पर्वतासः। अन्विन्द्रः
रोदसी वावशाने अन्वापो अजिहत जायमानम्॥ अनु ते दायि मह
इन्द्रियाय सत्रा ते विश्वमनु वृत्रहत्ये। अनु क्षत्रमनु सहो यजत्रेन्द्र
देवेभिरनु ते नृषह्ये॥ इन्द्राणीमासु नारिषु सुपत्नीमहमश्रवम्। न
ह्यस्या अपरं च न जरसा (४७)

मरते पतिः॥ नाहमिन्द्राणि रारण सख्युर्वृषाकपेर् ऋते।
यस्येदमप्यः हविः प्रियं देवेषु गच्छति॥ यो जात एव प्रथमो
मनस्वान् देवो देवान् क्रतुना पर्यभूषत्। यस्य शुष्माद्रोदसी
अभ्यसेतां नृग्नस्य महा स जनास इन्द्रः॥ आ ते मह इन्द्रोत्युग्र
समन्यवो यत्समरन्त सेनाः। पताति दिद्युन्नर्यस्य बाहुवोर्मा
ते (४८)

मनो विष्वद्वियुग्विचारीत्॥ मा नो मर्धीरा भरा दद्धि तन्नः प्र
दाशुषे दातवे भूरि यत् ते। नव्ये देष्णे शस्ते अस्मिन् त उक्थे
प्र ब्रवाम वयमिन्द्र स्तुवन्तः॥ आ तू भर मार्किरेतत् परिष्ठाद्विद्वा
हि त्वा वसुपतिं वसूनाम्। इन्द्र यत् ते माहिंनं दत्रमस्त्यस्मभ्यं
तद्धर्यश्च (४९)

प्र यन्धि॥ प्रदातारः हवामह इन्द्रमा हविषां वयम्। उभा

हि हस्ता वसुना पृणस्वाऽऽप्र यच्छ दक्षिणादोत सव्यात्॥ प्रदाता
वज्री वृषभस्तुराषाढुष्मी राजा वृत्रहा सौमपावा॥ अस्मिन् यज्ञे
बर्हिष्या निषद्याथा भव यजमानाय शं योः॥ इन्द्रः सुत्रामा स्ववाꣳ
अवोभिः सुमृडीको भवतु विश्ववेदाः। बाधतां द्वेषो अभयं कृणोतु
सुवीर्यस्य (५०)

पतयः स्याम॥ तस्य वयꣳ सुमतौ यज्ञियस्यापि भद्रे सौमनसे
स्याम। स सुत्रामा स्ववाꣳ इन्द्रो अस्मे आराचिद्वेषः सनुतर्युयोतु॥
रेवतीर्नः सधमाद् इन्द्रे सन्तु तुविवाजाः। क्षुमन्तो याभिर्मदेम॥
प्रो ष्वस्मै पुरोरथमिन्द्राय शूषमर्चत। अभीके चिदु लोककृत्सङ्गे
समत्सु वृत्रहा। अस्माकं बोधि चोदिता नभन्तामन्यकेषाम्। ज्याका
अधि धन्वसु॥ (५१)

जुरसा मा ते हर्यश्च सुवीर्यस्याध्येकं च॥ [१३]

॥ अष्टमः प्रश्नः ॥

॥ तैत्तिरीयसंहितायां प्रथमकाण्डे अष्टमः प्रश्नः ॥

अनुमत्यै पुरोडाशमष्टाकपालं निर्वपति धेनुर्दक्षिणा ये प्रत्यश्वः
शम्याया अवशीयन्ते तन्नैर्ऋतमेककपालं कृष्णं वासः कृष्णतूपं
दक्षिणा वीहि स्वाहाऽऽहुतिं जुषाण एष ते निर्ऋते भागो भूते
हविष्मत्यसि मुञ्चेममꣳहसः स्वाहा नमो य इदं चकाराऽऽदित्यं

च॒रुं निर्व॑पति॒ वरो॒ दक्षि॑णाऽऽग्नावैष्ण॒वमेका॑दशकपालं॒ वाम॑नो व॒ही
दक्षि॑णाऽग्नीषो॒मीय॑- (१)

मेका॑दशकपाल॒ः हिर॑ण्यं दक्षि॑णैन्द्रमेका॑दशकपालमृष॒भो व॒ही
दक्षि॑णाऽऽग्नेयम॒ष्टाक॑पालमैन्द्रं दध्यृष॒भो व॒ही दक्षि॑णैन्द्रा॒ग्रं द्वाद॑श-
कपालं वैश्वदे॒वं च॒रुं प्र॑थम॒जो व॒त्सो दक्षि॑णा सौम्यः॒ श्या॑मा॒कं
च॒रुं वा॑सो॒ दक्षि॑णा॒ सर॑स्वत्यै च॒रुः सर॑स्वते च॒रुं मि॑थुनौ गावो॒
दक्षि॑णा॥ (२)

अ॒ग्नीषो॒मीयं॑ चतु॒स्त्रिंशच्च॑॥ [१]

आ॒ग्नेयम॒ष्टाक॑पालं॒ निर्व॑पति सौम्यं च॒रुः सा॑वि॒त्रं द्वाद॑श-
कपाल॒ः सा॒रस्व॑तं च॒रुं पौ॒ष्णं च॒रुं मा॑रु॒तः स॒प्तक॑पालं
वैश्वदे॒वीमा॒मिक्षां॑ द्यावापृथि॒व्यमे॑ककपालम्॥ (३)

आ॒ग्नेयम॒ष्टाद॑श॥ [२]

ऐ॒न्द्रा॒ग्रमे॑का॑दशकपालं॒ मा॒रुती॑मा॒मिक्षां॑ वा॒रुणी॑मा॒मिक्षां॑
का॒यमे॑ककपालं प्रघा॒स्यान् ह॒वाम॑हे म॒रुतो॑ य॒ज्ञवा॑हसः क॒र॒म्भेण॑
स॒जोष॑सः॥ मो षू णं इन्द्र पृथ्सु दे॒वास्तु॑ स्म ते शुष्मि॒न्नव॑या।
म॒ही ह्य॑स्य मी॒ढुषो॑ य॒व्या। ह॒विष्म॑तो म॒रुतो॑ वन्द॑ते गीः॥ यद्
ग्रा॒मे यद॑रण्ये यथ्स॒भायां॑ यदिन्द्रि॒ये। यच्छू॑द्रे यद॒र्य ए॑नंश्चकृ॒मा
व॒यम्। यदे॒कस्या॑धि ध॒र्मणि॑ तस्या॒वय॑जनमसि स्वाहा॑॥ अ॒क्र॒न्
कर्म॑ कर्म॒कृतः॑ स॒ह वा॒चा म॑योभुवा॥ दे॒वेभ्यः॑ कर्म॑ कृत्वाऽस्तं प्रेतं

सुदानवः॥ (४)

वयं यद् विंशतिश्च॥ [३]

अग्रयेऽनीकवते पुरोडाशमष्टाकपालं निर्वपति साकं
सूर्येणोद्यता मरुद्भ्यः सान्तपनेभ्यो मध्यन्दिने चरुं मरुद्भ्यो
गृहमेधिभ्यः सर्वासां दुग्धे सायं चरुं पूर्णा दर्वि परा पतु सुपूर्णा
पुनरापता वस्त्रेव वि क्रीणावहा इषमूर्जं शतक्रतो॥ देहि मे
ददामि ते नि मे धेहि नि ते दधे निहारमिन्नि मे हरा निहारं (५)

नि हरामि ते॥ मरुद्भ्यः क्रीडिभ्यः पुरोडाशं सप्तकपालं
निर्वपति साकं सूर्येणोद्यताग्रेयमष्टाकपालं निर्वपति सौम्यं चरुं
सावित्रं द्वादशकपालं सारस्वतं चरुं पौष्णं चरुमैन्द्राग्रमेकादश-
कपालमैन्द्रं चरुं वैश्वकर्माणमेककपालम्॥ (६)

हरा निहारं त्रिंशच्च॥ [४]

सोमाय पितृमते पुरोडाशं षट्कपालं निर्वपति पितृभ्यो
बर्हिषद्भ्यो धानाः पितृभ्योऽग्निष्वात्तेभ्योऽभिवान्यायै दुग्धे
मन्थमेतत् तै तत् ये च त्वामन्वेतत् तै पितामह प्रपितामह ये च
त्वामन्वत्रं पितरो यथाभागं मन्दध्वं सुसन्दृशं त्वा वयं मघवन्
मन्दिषीमहि॥ प्र नूनं पूर्णवन्धुरः स्तुतो यासि वशां अनु॥ योजा-
न्विन्द्र ते हरी॥ (७)

अक्षन्नमीमदन्त ह्यव प्रिया अधूषत॥ अस्तोषत स्वभानवो
 विप्रा नविष्ठया मती॥ योजा न्विन्द्र ते हरी॥ अक्षन् पितरो-
 ऽमीमदन्त पितरोऽतीतृपन्त पितरोऽमीमृजन्त पितरः॥ परेत
 पितरः सोम्या गम्भीरैः पृथिभिः पूर्यैः॥ अथा पितृन्त्सुविदत्राः
 अपीत यमेन ये सधमादं मदन्ति॥ मनो न्वा हुवामहे नाराशः सेन
 स्तोमेन पितृणां च मन्मभिः॥ आ (८)

न एतु मनः पुनः ऋत्वे दक्षाय जीवसे॥ ज्योक् च सूर्यं दृशे॥
 पुनर्नः पितरो मनो ददातु दैव्यो जनः॥ जीवं व्रातः सचेमहि॥
 यदन्तरिक्षं पृथिवीमुत द्यां यन्मातरं पितरं वा जिहिःसिम॥
 अग्निर्मा तस्मादेनसो गार्हपत्यः प्र मुञ्चतु दुरिता यानि चकृम
 करोतु मामनेनसम्॥ (९)

हरी मन्मभिरा चतुश्चत्वारिंशच्च॥ [५]

प्रतिपूरुषमेककपालान्निर्वपत्येकमतिरिक्तं यावन्तो गृह्याः
 स्मस्तेभ्यः कर्मकरं पशूनां शर्मासि शर्म यजमानस्य शर्म मे
 यच्छैक एव रुद्रो न द्वितीयाय तस्थ आखुस्ते रुद्र पशुस्तं
 जुषस्वेष ते रुद्र भागः सह स्वस्त्राऽम्बिकया तं जुषस्व भेषजं
 गवेऽश्वाय पुरुषाय भेषजमथो अस्मभ्यं भेषजं सुभेषजं (१०)

यथाऽसंति॥ सुगं मेषाय मेष्ट्या अवाम्ब रुद्रमदिमह्यं देवं
 त्र्यम्बकम्॥ यथा नः श्रेयसः करद्यथा नो वस्यसः करद्यथा नः

पशुमत्तुः कर्द्यथा नो व्यवसाययात्॥ त्र्यम्बकं यजामहे सुगन्धिं
पुष्टिवर्धनम्॥ उर्वारुकमिव बन्धनान्मृत्योर्मुक्षीय मामृतात्॥ एष
तै रुद्र भागस्तं जुषस्व तेनावसेन पुरो मूर्जवतोऽतीह्यवततधन्वा
पिनाकहस्तः कृत्तिवासाः॥ (११)

सुभेषजमिहि त्रीणि च॥ [६]

ऐन्द्राग्रं द्वादशकपालं वैश्वदेवं चरुमिन्द्राय शुनासीराय
पुरोडाशं द्वादशकपालं वायव्यं पर्यः सौर्यमेककपालं द्वादशगवः
सीरं दक्षिणाऽऽग्नेयमष्टाकपालं निर्वपति रौद्रं गावीधुकं चरुमैन्द्रं
दधि वारुणं यवमयं चरुं वहिनीं धेनुर्दक्षिणा ये देवाः पुरःसदो-
ऽग्निनेत्रा दक्षिणसदो यमनेत्राः पश्चात्सदः सवितृनेत्रा उत्तरसदो
वरुणनेत्रा उपरिषदो बृहस्पतिनेत्रा रक्षोहणस्ते नः पान्तु ते
नोऽवन्तु तेभ्यो (१२)

नमस्तेभ्यः स्वाहा समूढः रक्षः सन्दग्धः रक्ष इदमहः
रक्षोऽभि सं दहाम्यग्नये रक्षोघ्ने स्वाहा यमाय सवित्रे वरुणाय
बृहस्पतये दुवस्वते रक्षोघ्ने स्वाहा प्रष्टिवाही रथो दक्षिणा देवस्य
त्वा सवितुः प्रसवेऽश्विनोर्बाहुभ्यां पूष्णो हस्ताभ्यां रक्षसो वधं
जुहोमि हतः रक्षोऽवधिष्म रक्षो यद्वस्ते तदक्षिणा॥ (१३)

तेभ्यः पञ्चत्वारिंशच्च॥ [७]

धात्रे पु०रोडाशं द्वादशकपालं निर्वपत्यनुमत्यै चरुः राकायै
 चरुः सिनीवाल्यै चरुं कुह्वै चरुं मिथुनौ गावौ दक्षिणा-
 ऽऽग्रावैष्णवमेकादशकपालं निर्वपत्यैन्द्रावैष्णवमेकादशकपालं
 वैष्णवं त्रिकपालं वामनो वही दक्षिणाऽग्नीषोमीयमेकादशकपालं
 निर्वपतीन्द्रासोमीयमेकादशकपालः सौम्यं चरुं बभ्रुर्दक्षिणा
 सोमापौष्णं चरुं निर्वपत्यैन्द्रापौष्णं चरुं पौष्णं चरुः श्यामो
 दक्षिणा वैश्वानरं द्वादशकपालं निर्वपति हिरण्यं दक्षिणा वारुणं
 यवमयं चरुमश्वो दक्षिणा॥ (१४)

निरष्टौ च॥

[८]

बारुहस्पत्यं चरुं निर्वपति ब्रह्मणो गृहे शितिपृष्ठो
 दक्षिणैन्द्रमेकादशकपालः राजन्यस्य गृहे ऋषभो दक्षिणा-
 ऽऽदित्यं चरुं महिष्यै गृहे धेनुर्दक्षिणा नैर्ऋतं चरुं परिवृत्तयै
 गृहे कृष्णानां व्रीहीणां नखनिर्भिन्नं कृष्णा कूटा दक्षिणा-
 ऽऽग्नेयमृष्टाकपालः सेनान्यो गृहे हिरण्यं दक्षिणा वारुणं
 दशकपालः सूतस्य गृहे महानिरष्टो दक्षिणा मारुतः सूतकपालं
 ग्रामन्यो गृहे पृश्निर्दक्षिणा सावित्रं द्वादशकपालं (१५)

क्षत्तुर्गृह उपध्वस्तो दक्षिणाऽऽश्विनं द्विकपालः सङ्ग्रहीतुर्गृहे
 सवाल्यौ दक्षिणा पौष्णं चरुं भागदुघस्य गृहे श्यामो दक्षिणा रौद्रं
 गावीधुकं चरुमक्षावापस्य गृहे शबल उद्धारो दक्षिणेन्द्राय सुत्राम्णे

पुरोडाशमेकादशकपालं प्रति निर्वपतीन्द्रायाः होमुचेऽयं नो राजा
वृत्रहा राजा भूत्वा वृत्रं वेध्यान्मैत्राबारहस्पत्यं भवति श्वेतायै
श्वेतवत्सायै दुग्धे स्वयम्मूर्ते स्वयम्मथित आज्य आश्वत्थे (१६)

पात्रे चतुःस्रक्तौ स्वयमवपन्नायै शाखायै कर्णाःश्चाकर्णाःश्च
तण्डुलान् वि चिनुयाद्ये कर्णाः स पर्यसि बारहस्पत्यो येऽकर्णाः
स आज्ये मैत्रः स्वयं कृता वेदिर्भवति स्वयन्दिनं बर्हिः स्वयं
कृत इध्मः सैव श्वेता श्वेतवत्सा दक्षिणा॥ (१७)

सावित्रं द्वादशकपालमाश्वत्थे त्रयस्त्रिंशच्च॥ [९]

अग्नये गृहपतये पुरोडाशमष्टाकपालं निर्वपति कृष्णानां
व्रीहीणां सोमाय वनस्पतये श्यामाकं चरुं सवित्रे सत्यप्रसवाय
पुरोडाशं द्वादशकपालमाशूनां व्रीहीणां रुद्राय पशुपतये
गावीधुकं चरुं बृहस्पतये वाचस्पतये नैवारं चरुमिन्द्राय ज्येष्ठाय
पुरोडाशमेकादशकपालं महाव्रीहीणां मित्राय सत्यायाऽम्बानां
चरुं वरुणाय धर्मपतये यवमयं चरुं सविता त्वां प्रसवानां
सुवतामग्निर्गृहपतीनां सोमो वनस्पतीनां रुद्रः पशूनां (१८)

बृहस्पतिर्वाचामिन्द्रो ज्येष्ठानां मित्रः सत्यानां वरुणो
धर्मपतीनां ये देवा देवसुवः स्थ त इममामुष्यायणमनमित्राय
सुवध्वं महते क्षत्राय महत आधिपत्याय महते जानराज्यायैष
वो भरता राजा सोमोऽस्माकं ब्राह्मणानां राजा प्रति त्यन्नाम

राज्यम॑धायि॒ स्वां त॑नुवं वरु॑णो अशि॒श्रेच्छु॑चे॒र्मित्र॑स्य॒ व्रत्या॑
अभू॑माम॒न्महि॑ मह॒त ऋ॑तस्य॒ नाम॒ सर्वे॑ ब्रा॒ता वरु॑णस्याभू॒वन्वि॑
मि॒त्र ए॒वैररा॑तिम॒तारी॑दसू॒षुदन्त॑ य॒ज्ञियां॑ ऋ॒तेन॑ व्यु॒ त्रितो॑
ज॒रिमा॑णं न आ॒नङ् वि॑ष्णोः क्रमो॑ऽसि॒ विष्णोः॑ क्रा॒न्तम॑सि॒
वि॑ष्णोर्वि॒क्रान्त॑मसि॥ (१९)

पशूनां ब्राताः पञ्चविंशतिश्च॥ [१०]

अ॒र्थेतः॑ स्था॒ऽपां पति॑रसि॒ वृषा॑स्यूर्मि॒र्वृष॑सेनो॑ऽसि॒ व्रज॒क्षितः॑
स्थ॒ म॒रुता॑मो॒जः स्थ॒ सूर्य॑वर्च॒सः स्थ॒ सूर्य॑त्वच॒सः स्थ॒
मा॒न्दाः स्थ॒ वा॒शाः स्थ॒ श॒क्ररीः स्थ॒ वि॒श्वभृ॑तः स्थ॒
ज॒नभृ॑तः स्था॒ऽग्नेस्ते॑ज॒स्याः स्था॒ऽपामो॑ष॒धीना॑ र॒सः स्था॒
ऽपो दे॒वीर्मधु॑मती॒रगृ॑ह्ण॒न्नूर्ज॑स्वती॒ राज॒सूया॑य॒ चिता॑नाः।
याभि॑र्मि॒त्रावरु॑णाव॒भ्यषि॑श्चन् याभि॑रिन्द्र॒मन॑य॒न्नत्य॑रा॒तीः॥ रा॒ष्ट्रदाः॑
स्थ॑ रा॒ष्ट्रं दत्त॑ स्वाहा॑ रा॒ष्ट्रदाः॑ स्थ॑ रा॒ष्ट्रम॒मुष्मै॑ दत्त॥ (२०)

अत्येकादश च॥ [११]

दे॒वीरा॑पः सं मधु॑मती॒र्मधु॑मतीभिः सृ॒ज्यध्वं॒ महि॑ वर्चः
क्ष॒त्रिया॑य वन्वा॒ना अना॑धृष्टाः सी॒दतो॑र्ज॒स्वती॒र्महि॑ वर्चः क्ष॒त्रिया॑य॒
दध॑ती॒रनि॑भृष्टमसि वा॒चो बन्धु॑स्तपो॒जाः सोम॑स्य दा॒त्रम॑सि शु॒क्रा
वः शु॒क्रेणो॑त्पु॒नामि॑ च॒न्द्राश्च॒न्द्रेणा॑मृता॒ अ॒मृतै॑न॒ स्वाहा॑ राज॒सूया॑य॒

चि॒ता॒नाः॥ स॒ध॒मादौ॑ द्यु॒ग्निनी॒रूर्ज॑ ए॒ता अ॒नि॒भृ॒ष्टा अ॒प॒स्युवो॒
वसा॑नः। प॒स्त्या॑सु च॒क्रे वरु॑णः स॒ध॒स्थं॑म॒पा॒५ शिशु॑र- (२१)

मा॒तृ॒त॒मा॒स्वन्तः॥ क्ष॒त्र॒स्यो॒ल्ब॑म॒सि क्ष॒त्र॒स्य॒ योनि॑र॒स्यावि॑न्नो
अ॒ग्निर्गृ॑ह॒पति॑रावि॒न्न इन्द्रो॑ वृ॒द्धश्र॑वा आ॒वि॒न्नः पू॒षा वि॒श्ववे॑दा
आ॒वि॒न्नो मि॒त्रावरु॑णावृ॒तावृ॑धा॒वावि॑न्ने द्या॒वापृ॑थि॒वी धृ॒तव्र॑ते आ॒वि॒न्ना
दे॒व्यदि॑तिर्वि॒श्वरू॑प्यावि॒न्नोऽय॑म॒सावा॑मु॒ष्याय॑णो॒ऽस्यां वि॒शय॑स्मिन्
रा॒ष्ट्रे म॑ह॒ते क्ष॒त्राय॑ म॒ह॒त आ॑धि॒पत्या॑य म॒ह॒ते जा॑न॒राज्या॑यैष वो
भ॒रता॒ राजा॒ सोमो॑ऽस्माकं ब्रा॒ह्म॒णाना॑५ रा॒जेन्द्र॑स्य (२२)

वज्रो॑ऽसि॒ वा॒त्रघ्न॑स्त्वया॒ऽयं वृ॒त्रं व॑ध्याच्छ॒त्रुबा॑ध॒नाः स्थ पा॒त मा॑
प्र॒त्यञ्च॑ पा॒त मा॑ ति॒र्यञ्च॑म॒न्वञ्च॑ मा पा॒त दि॒ग्भ्यो मा॑ पा॒त वि॒श्वो॑भ्यो मा
ना॒ष्ट्राभ्यः॑ पा॒त हि॑र॒ण्यव॑र्णावु॒षसा॑ वि॒रोके॑ऽयः स्थू॒णावु॑दि॒तौ सूर्य॑स्या-
ऽऽ॒रो॒हतं॑ वरु॒ण मि॒त्र ग॑र्त॒ तत॑श्चक्षाथा॒मदि॑तिं॒ दि॒ति च॥ (२३)

शिशुरिन्द्रस्यैकचत्वारि५शब्द॥

[१२]

स॒मि॒ध॒मा ति॑ष्ठ गा॒य॒त्री त्वा॒ छन्द॑सामवतु त्रि॒वृ॒थ॒स्तोमो॑
रथ॑न्तर५ सा॒मा॒ग्निर्दे॑वता ब्र॒ह्म द्र॑वि॒णमु॑ग्रामा ति॑ष्ठ त्रि॒ष्टुप् त्वा॒
छन्द॑सामवतु पञ्चद॒शः स्तोमो॑ बृ॒ह॒थ्सामेन्द्रो॑ दे॒वता॑ क्ष॒त्रं द्र॑वि॒णं
वि॒राज॑मा ति॑ष्ठ जग॑ती त्वा॒ छन्द॑सामवतु सप्तद॒शः स्तोमो॑ वैरू॒प५
सा॒मं म॒रुतो॑ दे॒वता॒ वि॒द्ववि॑ण॒मुदी॑ची॒मा ति॑ष्ठानु॒ष्टुप् त्वा॒ (२४)

छन्द॑सामवत्वेकवि॒५शः स्तोमो॑ वैरा॒ज५ सा॒मं मि॒त्रावरु॑णौ

देवता बलं द्रविणमूर्ध्वा मा तिष्ठ पङ्क्तिस्त्वा छन्दसामवतु
 त्रिणवत्रयस्त्रिंशौ स्तोमौ शाक्ररैवते सामनी बृहस्पतिर्देवता
 वर्चो द्रविणमीदृङ् चान्यादृङ् चैतादृङ् च प्रतिदृङ् च मितश्च
 सम्मितश्च सभराः। शुक्रज्योतिश्च चित्रज्योतिश्च सत्यज्योतिश्च
 ज्योतिष्माश्च सत्यश्चर्तपाश्चा- (२५)

त्यःहाः। अग्नये स्वाहा सोमाय स्वाहा सवित्रे स्वाहा
 सरस्वत्यै स्वाहा पूष्णे स्वाहा बृहस्पतये स्वाहेन्द्राय स्वाहा
 घोषाय स्वाहा श्लोकाय स्वाहाऽशाय स्वाहा भगाय स्वाहा
 क्षेत्रस्य पतये स्वाहा पृथिव्यै स्वाहाऽन्तरिक्षाय स्वाहा दिवे
 स्वाहा सूर्याय स्वाहा चन्द्रमसे स्वाहा नक्षत्रेभ्यः स्वाहाऽद्भ्यः
 स्वाहौषधीभ्यः स्वाहा वनस्पतिभ्यः स्वाहा चराचरेभ्यः स्वाहा
 परिप्लवेभ्यः स्वाहा सरीसृपेभ्यः स्वाहा॥ (२६)

अनुष्टुप्चर्तपाश्चा सरीसृपेभ्यः स्वाहा॥ [१३]

सोमस्य त्विषिरसि तवेव मे त्विषिर्भूयादमृतमसि मृत्योर्मा
 पाहि दिद्योन्मा पाह्यवेष्टा दन्दशूका निरस्तं नमुचेः शिरः॥ सोमो
 राजा वरुणो देवा धर्मसुवश्च ये। ते ते वाचश्च सुवन्तां ते ते प्राणश्च
 सुवन्तां ते ते चक्षुः सुवन्तां ते ते श्रोत्रश्च सुवन्ताश्च सोमस्य त्वा
 द्युम्नेनाभिषिञ्चाम्यग्रे- (२७)

स्तेजसा सूर्यस्य वर्चसेन्द्रस्येन्द्रियेण मित्रावरुणयोर्वीर्येण

म॒रुता॒मोज॑सा क्ष॒त्राणां॑ क्ष॒त्रप॑तिर॒स्यति॑ दि॒वस्पा॑हि स॒माव॑वृ॒त्रन्न॑ध॒रागु॑र्द
 बु॒ध्रिय॑मनु॒ स॒श्वर॑न्ती॒स्ताः प॑र्वतस्य वृष॒भस्य॑ पृ॒ष्ठे नाव॑श्चरन्ति
 स्व॒सिच॑ इया॒नाः॥ रु॒द्र य॑त्ते क॒यी परं॑ नाम॒ तस्मै॑ हु॒तम॑सि
 यमे॑ष्टमसि। प्रजा॑पते॒ न त्वदे॑तान्य॒न्यो वि॒श्वा जा॒तानि॑ परि॒ ता
 ब॑भूव। यत्का॑मास्ते जुहु॒मस्तन्नो॑ अस्तु व॒यं स्या॑म॒ पत॑यो
 रयी॒णाम्॥ (२८)

अग्नेस्तैकादश च॥ [१४]

इन्द्र॑स्य॒ वज्रो॑ऽसि॒ वार्त्रघ्न॑स्त्वयाऽयं वृ॒त्रं व॑ध्यान्मि॒त्रावरु॑ण-
 योस्त्वा प्रशा॒स्त्रोः प्र॒शिषा॑ यु॒नज्मि॑ य॒ज्ञस्य॑ यो॒गेन॑ वि॒ष्णोः क्रमो॑ऽसि॒
 वि॒ष्णोः क्रान्त॑म॒सि वि॒ष्णोर्वि॑क्रान्तमसि म॒रुता॑ प्रस॒वे जे॑षमाप्तं म॒नः
 सम॑हमिन्द्रि॒येण॑ वी॒र्येण॑ प॒शूनां॑ म॒न्युर॑सि॒ तवे॑व मे म॒न्युर्भू॑या॒न्नमो॑
 मा॒त्रे पृ॑थि॒व्यै माऽहं॑ मा॒तरं॑ पृथि॒वीं हि॑सि॒षं मा॑ (२९)

मां मा॒ता पृ॑थि॒वी हि॑सि॒दीदय॑दस्यायु॒रस्यायु॑र्मे धे॒ह्यूर्गस्य॑ूर्जं
 मे धेहि॑ यु॒ङ्क्षि॑सि॒ वर्चो॑ऽसि॒ वर्चो॑ मयि॑ धे॒ह्यग्र॑ये गृ॒हप॑तये स्वाहा
 सोमा॑य॒ वन॑स्पतये स्वाहेन्द्र॑स्य॒ बला॑य स्वाहा म॒रुता॑मोज॑से
 स्वाहा॑ ह॒ंसः शु॑चिष॒द्वसु॑रन्तरि॒क्षस॑द्धोता वेदि॒षदति॑थिर्दु॒रोण॑सत्।
 नृ॒षद्व॑र॒सद॑त॒सद्धो॑म॒सद॑जा गो॒जा ऋ॑त॒जा अ॑द्रि॒जा ऋ॑तं
 बृ॒हत्॥ (३०)

हिंसिषं मर्तजास्त्रीणि च॥ [१५]

मित्रोऽसि वरुणोऽसि समहं विश्वेदेवैः क्षत्रस्य नाभिरसि
 क्षत्रस्य योनिरसि स्योनामा सीद सुषदामा सीद मा त्वा
 हिंसीन्मा मा हिंसीन्निषसाद धृतव्रतो वरुणः पुस्त्यास्वा
 साम्राज्याय सुक्रतुर्ब्रह्मा(३)न् त्वं राजन् ब्रह्माऽसि सविता-
 ऽसि सत्यसवो ब्रह्मा(३)न् त्वं राजन् ब्रह्माऽसीन्द्रोऽसि
 सत्यौजा (३१)

ब्रह्मा(३)न् त्वं राजन् ब्रह्माऽसि मित्रोऽसि सुशेवो
 ब्रह्मा(३)न् त्वं राजन् ब्रह्माऽसि वरुणोऽसि सत्यधर्मेन्द्रस्य
 वज्रोऽसि वार्त्रघ्नस्तेन मे रध्य दिशोऽभ्ययं राजाऽभूत्सुहोकाँ(४)
 सुमङ्गलाँ(४) सत्यराजा(३)न् अपां नत्रे स्वाहोर्जो नत्रे
 स्वाहाऽग्नये गृहपतये स्वाहा॥ (३२)

सत्यौजाँश्चत्वारिंशच्च॥ [१६]

आग्नेयमष्टाकपालं निर्वपति हिरण्यं दक्षिणा सारस्वतं चरुं
 वंशसतुरी दक्षिणा सावित्रं द्वादशकपालमुपध्वस्तो दक्षिणा पौष्णं
 चरुं श्यामो दक्षिणा बार्हस्पत्यं चरुं शितिपृष्ठो दक्षिणैन्द्रमेका-
 दशकपालमृषभो दक्षिणा वारुणं दशकपालं महानिरष्टो दक्षिणा
 सौम्यं चरुं बभ्रुर्दक्षिणा त्वाष्ट्रमष्टाकपालं शुण्ठो दक्षिणा वैष्णवं
 त्रिकपालं वामनो दक्षिणा॥ (३३)

आग्नेयं द्विचत्वारिंशत्॥ [१७]

सद्यो दीक्षयन्ति सद्यः सोमं क्रीणन्ति पुण्डरिस्रजां प्र
यच्छति दशभिर्वत्सतरैः सोमं क्रीणाति दशपेयो भवति शतं
ब्राह्मणाः पिबन्ति सप्तदशः स्तोत्रं भवति प्राकाशावध्वर्यवे
ददाति स्रजमुद्रात्रे रुक्मः होत्रेऽश्वं प्रस्तोतृप्रतिहर्तृभ्यां द्वादश
पष्ठौहीर्ब्रह्मणे वशां मैत्रावरुणायर्षभं ब्राह्मणाच्छुःसिने वासंसी
नेष्टापोतृभ्याः स्थूरिं यवाचितमच्छावाकायानुद्वाहमग्नीधे भार्गवो
होता भवति श्रायन्तीयं ब्रह्मसामं भवति वारवन्तीयमग्निष्टोमसामः
सारस्वतीरपो गृह्णाति॥ (३४)

वारवन्तीयं चत्वारि च॥ [१८]

आग्नेयमष्टाकपालं निर्वपति हिरण्यं दक्षिणैन्द्रमेकादश-
कपालमृषभो दक्षिणा वैश्वदेवं चरुं पिशङ्गीं पष्ठौही दक्षिणा
मैत्रावरुणीमामिक्षां वशा दक्षिणा बार्हस्पत्यं चरुः शितिपृष्ठो
दक्षिणाऽऽदित्यां मल्हां गर्भिणीमा लभते मारुतीं पृश्निं
पष्ठौहीमश्विभ्यां पूष्णे पुरोडाशं द्वादशकपालं निर्वपति सरस्वते
सत्यवाचे चरुः सवित्रे सत्यप्रसवाय पुरोडाशं द्वादशकपालं
तिसृधन्वः शुष्कदृतिर्दक्षिणा॥ (३५)

आग्नेयः सप्तचत्वारिंशत्॥ [१९]

आग्नेयमष्टाकपालं निर्वपति सौम्यं चरुः सावित्रं द्वादश-
कपालं बार्हस्पत्यं चरुं त्वाष्ट्रमष्टाकपालं वैश्वानरं द्वादशकपालं

दक्षिणो रथवाहनवाहो दक्षिणा सारस्वतं चरुं निर्वपति पौष्णं चरुं
मैत्रं चरुं वारुणं चरुं क्षैत्रपत्यं चरुमादित्यं चरुमुत्तरो रथवाहनवाहो
दक्षिणा॥ (३६)

आग्नेयं चतुस्त्रिंशत्॥ [२०]

स्वाद्वीं त्वां स्वादुनां तीव्रां तीव्रेणामृताममृतेन सृजामि
संसोमेन सोमोऽस्यश्विभ्यां पच्यस्व सरस्वत्यै पच्यस्वेन्द्राय
सुत्राम्णे पच्यस्व पुनातु ते परिस्रुतं सोमं सूर्यस्य दुहिता।
वारेण शश्वता तना॥ वायुः पूतः पवित्रेण प्रत्यङ्मुखसोमो अतिद्रुतः।
इन्द्रस्य युज्यः सखा॥ कुविदङ्ग यवमन्तो यवं चिद्यथा दान्त्यनुपूर्वं
वियूयं। इहेहैषां कृणुत भोजनानि ये बरुहिषो नमोवृक्तिं न जग्मुः॥
आश्विनं धूम्रमा लभते सारस्वतं मेषमैन्द्रमृषभमैन्द्रमेकादशकपालं
निर्वपति सावित्रं द्वादशकपालं वारुणं दशकपालं सोमप्रतीकाः
पितरस्तृणुत वडबा दक्षिणा॥ (३७)

भोजनानि षड्विंशतिश्च॥ [२१]

अग्नाविष्णू महि तद्वा महित्वं वीतं घृतस्य गुह्यानि नाम।
दमेदमे सप्त रत्ना दधाना प्रति वां जिह्वा घृतमा चरण्येत्॥
अग्नाविष्णू महि धामं प्रियं वां वीथो घृतस्य गुह्या जुषाणा।
दमेदमे सुष्टुतीर्वावृधाना प्रति वां जिह्वा घृतमुचरण्येत्॥ प्र णो देवी

सरस्वती वाजैर्भिर्वाजिनीवती। धीनामवित्र्यवतु। आ नो दिवो
बृहतः (३८)

पर्वतादा सरस्वती यजता गन्तु यज्ञम्। हवं देवी जुजुषाणा
घृताचीं शग्मां नो वाचमुशती शृणोतु॥ बृहस्पते जुषस्वं नो हव्यानि
विश्वदेव्य। रास्व रत्नानि दाशुषे॥ एवा पित्रे विश्वदेवाय वृष्णे
यज्ञैर्विधेम नमसा हविर्भिः। बृहस्पते सुप्रजा वीरवन्तो वयं
स्याम पतयो रयीणाम्॥ बृहस्पते अति यदर्यो अर्हद्दुमद्विभाति
ऋतुमञ्जनेषु। यद्दीदयच्छवस- (३९)

-र्तप्रजात तदस्मासु द्रविणं धेहि चित्रम्॥ आ नो मित्रावरुणा
घृतैर्गव्यूतिमुक्षतम्। मध्वा रजांसि सुक्रतू॥ प्र बाहवांसि सिसृतं
जीवसे न आ नो गव्यूतिमुक्षतं घृतेन। आ नो जनै श्रवयतं
युवाना श्रुतं मे मित्रावरुणा हवेमा॥ अग्निं वः पूर्य गिरा देवमीडे
वसूनाम्। सपर्यन्तः पुरुप्रियं मित्रं न क्षेत्रसाधंसम्॥ मक्षू देववन्तो
रथः (४०)

शूरो वा पृथ्सु कासु चित्। देवानां य इन्मनो यजमान
इयक्षत्यभीदयज्वनो भुवत्॥ न यजमान रिष्यसि न सुन्वान न
देवयो॥ असदत्र सुवीर्यमुत त्यदाश्वश्वियम्॥ नकिष्टं कर्मणा नशत्र
प्र योषत्र योषति॥ उप क्षरन्ति सिन्धवो मयोभुव ईजानं च
यक्ष्यमाणं च धेनवः। पृणन्तं च पपुंरिं च (४१)

श्रवस्यवो घृतस्य धारा उपं यन्ति विश्वतः॥ सोमारुद्रा वि वृहत्
विषूचीममीवा या नो गयमाविवेश। आरे बाधेथां निर्ऋतिं पराचैः
कृतं चिदेनः प्रमुमुक्तमस्मत्॥ सोमारुद्रा युवमेतान्यस्मे विश्वा
तनूषु भेषजानि धत्तम्। अव स्यतं मुञ्चतं यन्नो अस्ति तनूषु बद्धं
कृतमेनो अस्मत्॥ सोमापूषणा जनना रयीणां जनना दिवो जनना
पृथिव्याः। जातौ विश्वस्य भुवनस्य गोपौ देवा अकृण्वन्नमृतस्य
नाभिम्॥ इमौ देवौ जायमानौ जुषन्तेमौ तमांसि गूहतामजुष्टा।
आभ्यामिन्द्रः पक्वमामास्वन्तः सोमापूषभ्यां जनदुस्त्रियांसु॥ (४२)

बृहत्: शर्वसा रथः पर्पुर्णि च दिवो जनना पञ्चविंशतिश्च॥ [२२]

॥ काण्डम् २ ॥

॥ प्रथमः प्रश्नः ॥

॥ तैत्तिरीयसंहितायां द्वितीयकाण्डे प्रथमः प्रश्नः ॥

वायव्यं श्वेतमालंभेत भूतिकामो वायुर्वै क्षेपिष्ठा देवता
वायुमेव स्वेन भागधेयेनोप धावति स एवैनं भूतिं गमयति
भवत्येवातिक्षिप्रा देवतेत्याहुः सैनमीश्वरा प्रदह इत्येतमेव
सन्तं वायवे नियुत्वन्त आलंभेत नियुद्धा अस्य धृतिर्धृत एव
भूतिमुपैत्यप्रदाहाय भवत्येव (१)

वायवे नियुत्वन्तु आलभेत ग्रामकामो वायुर्वा इमाः प्रजा
 नस्योता नैनीयते वायुमेव नियुत्वन्तुः स्वेन भागधेयेनोप धावति
 स एवास्मै प्रजा नस्योता नियच्छति ग्राम्येव भवति नियुत्वन्ते
 भवति ध्रुवा एवास्मा अनपगाः करोति वायवे नियुत्वन्तु आलभेत
 प्रजाकामः प्राणो वै वायुरपानो नियुत्प्राणापानौ खलु वा एतस्य
 प्रजाया (२)

अपक्रामतो योऽलं प्रजायै सन्प्रजां न विन्दते वायुमेव
 नियुत्वन्तुः स्वेन भागधेयेनोप धावति स एवास्मै प्राणापानाभ्यां
 प्रजां प्रजनयति विन्दते प्रजां वायवे नियुत्वन्तु आलभेत
 ज्योगामयावी प्राणो वै वायुरपानो नियुत् प्राणापानौ खलु वा
 एतस्मादपक्रामतो यस्य ज्योगामयति वायुमेव नियुत्वन्तुः स्वेन
 भागधेयेनोप (३)

धावति स एवास्मिन्प्राणापानौ दधात्युत यदीतासुर्भवति
 जीवत्येव प्रजापतिर्वा इदमेक आसीत्सोऽकामयत प्रजाः
 पशून्सृजेयेति स आत्मनो वपामुदक्खिदत्तामग्नौ प्रागृह्णात्ततो-
 ऽजस्तूपरः समभवत्तः स्वायै देवताया आऽलभत ततो वै स
 प्रजाः पशून्सृजत यः प्रजाकामः (४)

पशुकामः स्यात्स एतं प्राजापत्यमजं तूपरमालभेत
 प्रजापतिमेव स्वेन भागधेयेनोप धावति स एवास्मै प्रजां
 पशून्प्रजनयति यच्छ्रुणस्तत्पुरुषाणां रूपं यत्तूपरस्तदश्वानां

यदन्यतोदन्तद्भवां यदव्यां इव शफास्तदवीनां यदज-
स्तदजानामेतावन्तो वै ग्राम्याः पशवस्तान् (५)

रूपेणैवावरुन्धे सोमापौष्णं त्रैतमालभेत पशुकामो
द्वौ वा अजायै स्तनौ नानैव द्वावभिजायेते ऊर्जं पुष्टिं
तृतीयः सोमापूषणावेव स्वेन भागधेयेनोप धावति तावेवास्मै
पशून्प्रजनयतः सोमो वै रेतोधाः पूषा पशूनां प्रजनयिता सोमं
एवास्मै रेतो दधाति पूषा पशून्प्रजनयत्यौदुम्बरो यूपो भवत्यूर्वा
उदुम्बर ऊर्क्पशवं ऊर्जैवास्मा ऊर्जं पशून्वरुन्धे॥ (६)

भवत्येव प्रजायां आमयति वायुमेव नियुत्वन्तः स्वेन भागधेयेनोप प्रजाकामस्तान् यूपस्त्रयोदश

चा॥ [१]

प्रजापतिः प्रजा असृजत ता अस्मात्सृष्टाः पराचीरायन्ता
वरुणमगच्छन्ता अन्वैत्ताः पुनरयाचत ता अस्मै न पुनरददात्सो-
ऽब्रवीद्वरं वृणीष्वथ मे पुनर्देहीति तासां वरमाऽलभत स
कृष्ण एकशितिपादभवद्यो वरुणगृहीतः स्यात्स एतं वारुणं
कृष्णमेकशितिपादमालभेत वरुण- (७)

मेव स्वेन भागधेयेनोप धावति स एवैनं वरुणपाशान्मुञ्चति
कृष्ण एकशितिपादवति वारुणो ह्येष देवतया समृद्धौ
सुवर्भानुरासुरः सूर्यं तमसाऽविद्धत्तस्मै देवाः प्रायश्चित्तिमैच्छन्तस्य
यत्प्रथमं तमोऽपाघ्नन्त्सा कृष्णाऽविरभवद्यद्वितीयः सा फल्गुनी

यत्तृतीय५ सा बलक्षी यदङ्घ्रिस्थादपाकृन्तन्त्साऽविऽर्वशा (८)

समभवत्ते देवा अंब्रुवन्देवपशुर्वा अय५ समभूत्कस्मां
इममालंफस्यामह इत्यथ वै तर्ह्यल्पा पृथिव्यासीदजाता
ओषधयस्तामवि वशामादित्येभ्यः कामायाऽलभन्त ततो वा
अप्रथत पृथिव्यजायन्तौषधयो यः कामयेत प्रथेय पशुभिः प्र
प्रजया जायेयेति स एतामवि वशामादित्येभ्यः कामा- (९)

यऽऽ लंभेतादित्यानेव कामः५ स्वेन भागधेयेनोप धावति
त एवैनं प्रथयन्ति पशुभिः प्र प्रजया जनयन्त्यसावादित्यो
न व्यरोचत तस्मै देवाः प्रायश्चित्तिमैच्छन्तस्मा एता मल्हा
आलंभन्ताग्नेयीं कृष्णग्रीवी५ संहितामैन्द्रीः५ श्वेतां बार्हस्पत्यां
ताभिरेवास्मिन्नुचमदधुर्यो ब्रह्मवर्चसकामः स्यात्तस्मा एता मल्हा
आलंभे (१०)

ताऽऽग्नेयीं कृष्णग्रीवी५ संहितामैन्द्रीः५ श्वेतां बार्हस्पत्यामेता
एव देवताः स्वेन भागधेयेनोप धावति ता एवास्मिन्ब्रह्मवर्चसं
दधति ब्रह्मवर्चस्यैव भवति वसन्ता प्रातराग्नेयीं कृष्णग्रीवीमालंभेत
ग्रीष्मे मध्यन्दिने संहितामैन्द्री५ शरद्यपराह्णे श्वेतां बार्हस्पत्यां
त्रीणि वा आदित्यस्य तेजांसि वसन्ता प्रातर्ग्रीष्मे मध्यन्दिने
शरद्यपराह्णे यावन्त्येव तेजांसि तान्ये- (११)

वाव रुन्धे संवत्सरं पर्यालंभ्यन्ते संवत्सरो वै ब्रह्मवर्चसस्य
प्रदाता संवत्सर एवास्मै ब्रह्मवर्चसं प्रयच्छति ब्रह्मवर्चस्यैव भवति

ग॒र्भिण॑यो भवन्तीन्द्रि॒यं वै गर्भं॑ इन्द्रि॒यमे॒वास्मि॑न्दधाति सारस्वतीं
मे॒षीमाल॑भेत॒ य ई॑श्व॒रो वा॒चो वदि॑तोः सन्वाचं॑ न वदेद्वाग्वै सर॑स्वती
सर॑स्वतीमे॒व स्वेन॑ भाग॒धेये॒नोप॑ धावति॒ सैवास्मिन्॑ (१२)

वाचं॑ दधाति प्रवदि॒ता वा॒चो भ॑वत्य॒पन्न॑दती भवति॒
तस्मा॑न्मनु॒ष्याः सर्वा॑ वाचं॑ वदन्त्याग्ने॒यं कृ॑ष्णग्री॒वमा ल॑भेत सौ॒म्यं
ब॒भ्रुं ज्यो॑गामयाव्य॒ग्निं वा ए॒तस्य॑ शरी॑रं गच्छति॒ सोम॒ꣳ रसो॑
यस्य॒ ज्यो॑गामय॒त्यग्ने॒रेवा॒स्य शरी॑रं निष्क्रीणाति॒ सोमा॒द्रसं॑मुत
यदी॒तासु॑र्भवति॒ जीव॑त्ये॒व सौ॒म्यं ब॒भ्रुमाल॑भेताग्ने॒यं कृ॑ष्णग्री॒वं
प्र॒जाका॑मः सोमो॒ (१३)

वै रे॒तो॒धा अ॒ग्निः प्र॒जाना॑ प्रजनयि॒ता सोमं॑ ए॒वास्मै॒ रेतो॑
दधा॑त्य॒ग्निः प्र॒जां प्र॒जंन॑यति वि॒न्दते॑ प्र॒जामा॑ग्ने॒यं कृ॑ष्णग्री॒वमाल॑भेत
सौ॒म्यं ब॒भ्रुं यो ब्रा॑ह्म॒णो वि॒द्याम॑नूच्य॒ न वि॒रोचे॑त॒ यदा॑ग्ने॒यो भव॑ति
तेज॑ ए॒वास्मि॑न्तेन॑ दधाति॒ यत्सौ॒म्यो ब्र॑ह्मवर्च॒सं तेन॑ कृ॒ष्णग्री॒वं
आग्ने॒यो भव॑ति॒ तम॑ ए॒वास्मा॑दप॑हन्ति श्वे॒तो भव॑ति (१४)

रुच॑मे॒वास्मि॑न्दधाति॒ ब॒भ्रुः सौ॒म्यो भ॑वति ब्रह्मवर्च॒स-
मे॒वास्मि॑न्त्विषि॑ दधात्याग्ने॒यं कृ॑ष्णग्री॒वमाल॑भेत सौ॒म्यं ब॒भ्रुमा॑ग्ने॒यं
कृ॑ष्णग्री॒वं पुरो॑धायाꣳ॒ स्पर्ध॑मान आग्ने॒यो वै ब्रा॑ह्म॒णः सौ॒म्यो
रा॒ज॒न्योऽभि॑तः सौ॒म्यमा॑ग्ने॒यौ भ॑वत॒स्तेज॑सै॒व ब्रह्म॑णोभ॒यतो॑ रा॒ष्ट्रं

परिगृह्णात्येकधा समावृङ्क्ते पुर एनं दधते॥ (१५)

लभेत् वरुणं वशैतामविं वशामादित्येभ्यः कामाय मल्हा आलभेत् तान्येव सैवास्मिन्धोमः श्वेतो भवति त्रिचत्वारिंशच्च। (२)॥ [२]

देवा॒सुरा ए॒षु लो॒केष्व॑स्पर्धन्त॒ स ए॒तं विष्णु॑र्वा॒मन॑म॒पश्य॑त्त॒ऽ
स्वायै॑ दे॒वता॑या॒ आऽल॑भत् ततो॒ वै स इ॒माल्लौ॑का॒नभ्य॑जयद्वैष्ण॒वं
वा॒मन॑माल॑भेत् स्पर्ध॑मानो॒ विष्णु॑रे॒व भू॒त्वेमा॑ल्लौ॒कान॑भिज॑यति॒ विष॑म॒
आल॑भेत् विष॑मा इ॒व ही॑मे लो॒काः समृ॑द्धा॒ इन्द्रा॑य म॒न्युम॑ते॒
मन॑स्वते ल॒लामं॑ प्राशृ॒ङ्गमाल॑भेत् सङ्ग्रा॒मे (१६)

सं य॑त्त इन्द्रि॒येण॒ वै म॒न्युना॒ मन॑सा सङ्ग्रा॒मं ज॑य॒तीन्द्र॑मे॒व
म॒न्युम॑न्त॒ मन॑स्वन्त॒ऽस्वेन॑ भा॒गधे॑ये॒नोप॑ धावति॒ स ए॒वास्मि॑न्निन्द्रि॒यं
म॒न्युं मनो॑ दधाति॒ जय॑ति॒ त॑ सङ्ग्रा॒ममिन्द्रा॑य म॒रुत्वंते॑
पृ॒श्जिस॑क्थमाल॑भेत् ग्रा॒मका॑म॒ इन्द्र॑मे॒व म॒रुत्वंत॑ऽस्वेन॑
भा॒गधे॑ये॒नोप॑ धावति॒ स ए॒वास्मै॑ सजा॒तान्प्रय॑च्छति ग्रा॒म्ये॒व भ॑वति॒
यद॑ष॒भस्ते॑- (१७)

नैन्द्रो॑ यत्पृ॒श्जिस्तेन॑ मारु॒तः समृ॑द्धौ प॒श्चात्पृ॑श्जिस॒क्थो भ॑वति
पश्चाद॒न्ववसा॒यिनी॑मे॒वास्मै॑ विश॑ करोति सौ॒म्यं ब॒भ्रुमाल॑भेता॒न्नका॑मः
सौ॒म्यं वा अन्न॑ सौ॒ममे॒व स्वेन॑ भा॒गधे॑ये॒नोप॑ धावति॒ स ए॒वास्मा॑
अन्नं॑ प्रय॑च्छत्यन्नाद ए॒व भ॑वति ब॒भ्रुर्भव॑त्येतद्वा अन्न॑स्य रू॒प॑ समृ॑द्धौ
सौ॒म्यं ब॒भ्रुमाल॑भेत् यमल॑ (१८)

राज्याय सन्तः राज्यं नोपनमेत्सौम्यं वै राज्यं सोममेव
स्वेनं भागधेयेनोपं धावति स एवास्मै राज्यं प्रयच्छत्युपैनं राज्यं
नमति बभ्रुर्भवत्येतद्वै सोमस्य रूपं समृद्ध्या इन्द्राय वृत्रतुरे ललामं
प्राशृङ्गमालभेत गतश्रीः प्रतिष्ठाकामः पाप्मानमेव वृत्रं तीर्त्वा प्रतिष्ठां
गच्छतीन्द्रायाभिमातिघ्ने ललामं प्राशृङ्गमा- (१९)

लभेत यः पाप्मना गृहीतः स्यात्पाप्मा वा अभिमातिरिन्द्रमेवाभिमा
स्वेनं भागधेयेनोपं धावति स एवास्मात्पाप्मानमभिमातिं प्रणुदत
इन्द्राय वज्रिणे ललामं प्राशृङ्गमालभेत यमलं राज्याय सन्तः
राज्यं नोपनमेदिन्द्रमेव वज्रिणः स्वेनं भागधेयेनोपं धावति स
एवास्मै वज्रं प्रयच्छति स एनं वज्रो भूत्या इन्द्र उपैनं राज्यं
नमति ललामं प्राशृङ्गो भवत्येतद्वै वज्रस्य रूपं समृद्धौ॥ (२०)

सङ्ग्रामे तेनालमभिमातिघ्ने ललामं प्राशृङ्गमैनं पञ्चदश च।३॥ [३]

असावादित्यो न व्यरोचत तस्मै देवाः प्रायश्चित्ति-
मैच्छन्तस्मा एतान्दशर्षभामाऽलभन्त तयैवास्मिन्नुचमदधुर्यो
ब्रह्मवर्चसकामः स्यात्तस्मा एतान्दशर्षभामाऽलभेतामुमेवादित्यः
स्वेनं भागधेयेनोपं धावति स एवास्मिन्ब्रह्मवर्चसं दधाति
ब्रह्मवर्चस्यैव भवति वसन्ता प्रातस्त्रील्ललामानालभेत ग्रीष्मे
मध्यन्दिने (२१)

त्रीञ्छितिपृष्ठाञ्छरद्यंपराह्णे त्रीञ्छितिवारात्रीणि वा
आदित्यस्य तेजांसि वसन्ता प्रातर्ग्रीष्मे मध्यन्दिने शरद्यंपराह्णे

यावन्त्येव तेजांसि तान्येवारुन्धे त्रयस्त्रय आलभ्यन्ते-
 ऽभिपूर्वमेवास्मिन्तेजो दधाति संवत्सरं पर्यालभ्यन्ते संवत्सरो
 वै ब्रह्मवर्चसस्य प्रदाता संवत्सर एवास्मै ब्रह्मवर्चसं प्रयच्छति
 ब्रह्मवर्चस्यैव भवति संवत्सरस्य परस्तात्प्राजापत्यं कद्रु- (२२)

मालभेत प्रजापतिः सर्वा देवता देवतास्वेव प्रतितिष्ठति यदि
 बिभीयाद्दुश्कर्मा भविष्यामीति सोमापौष्णः श्याममालभेत सौम्यो
 वै देवतया पुरुषः पौष्णाः पशवः स्वयैवास्मै देवतया पशुभिस्त्वचं
 करोति न दुश्कर्मा भवति देवाश्च वै यमश्चास्मिन्नौकैः ऽस्पर्धन्त स
 यमो देवानामिन्द्रियं वीर्यमयुवत तद्यमस्य (२३)

यमत्वं ते देवा अमन्यन्त यमो वा इदमभूद्यद्वयः स्म इति ते
 प्रजापतिमुपाधावन्त्स एतौ प्रजापतिरात्मन उक्षवशौ निरमिमीत
 ते देवा वैष्णावरुणी वशामाऽलभन्तैन्द्रमुक्षाणन्तं वरुणेनैव
 ग्राहयित्वा विष्णुना यज्ञेन प्राणुदन्तैन्द्रेणैवास्यैन्द्रियमवृञ्जत यो
 भ्रातृव्यवान्त्स्यात्स स्पर्धमानो वैष्णावरुणीं (२४)

वशामालभेतैन्द्रमुक्षाणं वरुणेनैव भ्रातृव्यं ग्राहयित्वा विष्णुना
 यज्ञेन प्राणुदत ऐन्द्रेणैवास्यैन्द्रियं वृद्धं भवत्यात्मना परास्य
 भ्रातृव्यो भवतीन्द्रो वृत्रमहन्तं वृत्रो हतष्णोऽशभिर्भोगैरसिनात्तस्य
 वृत्रस्य शीर्षतो गाव उदायन्ता वैदेह्योऽभवन्तासामृषभो
 जघनेऽनूदैत्तमिन्द्रो- (२५)

चाय॒थ्सो॑ऽमन्यत यो वा इ॒ममा॒लभे॑त् मुच्ये॑ता॒स्मात्पा॒-
प्मन् इति॑ स आ॒ग्नेयं॑ कृ॒ष्णग्री॑व॒माल॑भे॒तैन्द्र॑मृष॒भं तस्या॒ग्निरे॒व
स्वेन॑ भा॒गधे॒येनो॑प॒सृतः॑ षोड॒शधा॑ वृ॒त्रस्य॑ भो॒गानप्य॑दह-
दै॒न्द्रेणो॑न्द्रि॒यमा॒त्मन्न॑धत्त यः पा॒प्मना॑ गृही॒तः स्या॒थ्स आ॒ग्नेयं॑
कृ॒ष्णग्री॑व॒माल॑भे॒तैन्द्र॑मृष॒भम॒ग्निरे॒वास्य॑ स्वेन॑ भा॒गधे॒येनो॑प॒सृतः॑ (२६)

पा॒प्मान॒मपि॑ दह॒त्यैन्द्रेणो॑न्द्रि॒यमा॒त्मन्ध॑त्ते मुच्य॑ते पा॒प्मनो॑
भ॒वत्ये॒व द्या॑वापृथि॒व्या धे॒नुमा॒लभे॑त् ज्यो॒गप॑रुद्धोऽनयो॒र्हि
वा ए॒षोऽप्र॑तिष्ठि॒तोऽथै॑ष ज्यो॒गप॑रुद्धो द्या॒वापृथि॒वी ए॒व स्वेन॑
भा॒गधे॒येनो॑प॒ धाव॑ति ते ए॒वैनं॑ प्र॒तिष्ठां॑ ग॒मय॑तः प्र॒त्ये॒व ति॑ष्ठति
पर्या॒रिणी॑ भ॒वति॑ पर्या॒रीव॑ ह्ये॒तस्य॑ रा॒ष्ट्रं यो ज्यो॒गप॑रुद्धः स॒मृद्धौ॑
वा॒यव्यं॑ (२७)

व॒थ्समा॑ ल॒भेत॑ वा॒युर्वा अ॒नयो॑र्व॒थ्स इ॒मे वा ए॒तस्मै॑
लो॒का अप॑शुष्का॒ विड॑प॒शुष्काऽथै॑ष ज्यो॒गप॑रुद्धो वा॒युमे॒व स्वेन॑
भा॒गधे॒येनो॑प॒ धाव॑ति स ए॒वास्मा॑ इ॒माल्लो॑कान् वि॒शं प्र॑दा॒पय॑ति
प्रा॒स्मा इ॒मे लो॒काः स्तु॑वन्ति भु॒ञ्जत्ये॒नं वि॒डुप॑तिष्ठते॥ (२८)

म॒ध्यन्दि॑ने कर्द्वं य॒मस्य॑ स्पर्ध॒मानो॑ वैष्णाव॒रुणी॑न्तमिन्द्रो॑ऽस्य स्वेन॑ भा॒गधे॒येनो॑प॒सृतो॑ वा॒यव्यं॑

द्विच॑त्वारि॒ंशच्च॑। (४)॥ [४]

इन्द्रो॑ व॒लस्य॑ बि॒लम॑पौर्णो॒थ्स य उ॑त्त॒मः प॒शुरा॑सी॒त्तं पृ॑ष्ठं
प्र॒ति स॒ङ्ग॒ह्योद॑क्खि॒वद॑त्तं स॒हस्रं॑ प॒शवो॑ऽनू॒दाय॑न्थ्स उ॒न्नतो॑ऽभ॒वद्यः॑

पशुकामः स्यात्स एतमैन्द्रमुन्नतमालंभेतेन्द्रमेव स्वेन भागधेयेनोप
धावति स एवास्मै पशून्प्रयच्छति पशुमानेव भवत्युन्नतो (२९)

भवति साहस्री वा एषा लक्ष्मी यदुन्नतो लक्ष्मियैव
पशून्वरुन्धे यदा सहस्रं पशून्प्राप्नुयादथ वैष्णवं वामनमा
लंभेतैतस्मिन्वै तत्सहस्रमर्द्धतिष्ठत्तस्मादेष वामनः समीषितः
पशुभ्य एव प्रजातेभ्यः प्रतिष्ठां दधाति कोऽरहति सहस्रं
पशून्प्राप्तुमित्याहुरहोरात्राण्येव सहस्रं सम्पाद्यालंभेत पशवो (३०)

वा अहोरात्राणि पशूनेव प्रजातान्प्रतिष्ठां गमयत्योषधीभ्यो
वेहतमालंभेत प्रजाकाम ओषधयो वा एतं प्रजायै परिबाधन्ते
योऽलं प्रजायै सन्प्रजां न विन्दत ओषधयः खलु वा एतस्यै
सूतुमपि घ्नन्ति या वेहद्ववत्योषधीरेव स्वेन भागधेयेनोप धावति
ता एवास्मै स्वाद्योनेः प्रजां प्रजनयन्ति विन्दते (३१)

प्रजामापो वा ओषधयोऽसत्पुरुष आप एवास्मा असतः
सद्वदति तस्मादाहुर्यश्चैवं वेद यश्च नापस्त्वावासतः सद्वदतीत्यैन्द्री
सूतवशांमालंभेत भूतिकामोऽजातो वा एष योऽलं भूत्यै सन्भूतिं
न प्राप्नोतीन्द्रं खलु वा एषा सूत्वा वशाऽभव- (३२)

दिन्द्रमेव स्वेन भागधेयेनोप धावति स एवैनं भूतिं गमयति
भवत्येव यः सूत्वा वशा स्यात्तमैन्द्रमेवालंभेतैतद्वाव तदिन्द्रियं
साक्षादेवेन्द्रियमवरुन्ध ऐन्द्राग्रं पुनरुत्सृष्टमालंभेत य आ

तृतीयात्पुरुषात्सोमं न पिबेद्विच्छिन्नो वा एतस्य सोमपीथो यो
ब्राह्मणः सन्ना (३३)

तृतीयात्पुरुषात्सोमं न पिबेतीन्द्राग्नी एव स्वेन भागधेयेनोप
धावति तावेवास्मै सोमपीथं प्रयच्छत उपैनं सोमपीथो नमति
यदैन्द्रो भवतीन्द्रियं वै सोमपीथ इन्द्रियमेव सोमपीथमवरुन्धे
यदाग्नेयो भवत्याग्नेयो वै ब्राह्मणः स्वामेव देवतामनु सन्तनोति
पुनरुत्सृष्टो भवति पुनरुत्सृष्ट इव ह्येतस्य (३४)

सोमपीथः समृद्धौ ब्राह्मणस्पत्यं तूपरमालभेताभि-
चरन्ब्राह्मणस्पतिमेव स्वेन भागधेयेनोप धावति तस्मा एवैनमा
वृश्चति ताजगार्तिमार्च्छति तूपरो भवति क्षुरपविर्वा एषा
लक्ष्मी यत्तूपरः समृद्धौ स्फ्यो यूपो भवति वज्रो वै स्फ्यो
वज्रमेवास्मै प्रहरति शरमयं बर्हिः शृणात्येवैनं वैभीदक इध्मो
भिनत्येवैनम्॥ (३५)

भवत्युन्नतः पशवो जनयन्ति विन्दतेऽभवत्सन्नेतस्येद्व्यस्त्रीणि च॥ [५]

बारहस्पत्यं शितिपृष्ठमालभेत ग्रामकामो यः कामयेत पृष्ठं
समानानां स्यामिति बृहस्पतिमेव स्वेन भागधेयेनोप धावति स
एवैनं पृष्ठं समानानाङ्करोति ग्राम्येव भवति शितिपृष्ठो भवति
बारहस्पत्यो ह्येष देवतया समृद्धौ पौष्णं श्याममालभेतान्नकामो-
ऽन्नं वै पूषा पूषणमेव स्वेन भागधेयेनोप धावति स एवास्मा (३६)

अन्नं प्रयच्छत्यन्नाद एव भवति श्यामो भवत्येतद्वा अन्नस्य रूपं समृद्धौ मारुतं पृश्निमालभेतान्नकामोऽन्नं वै मरुतो मरुत एव स्वेन भागधेयेनोप धावति त एवास्मा अन्नं प्रयच्छन्त्यन्नाद एव भवति पृश्निर्भवत्येतद्वा अन्नस्य रूपं समृद्ध्या ऐन्द्रमरुणमालभेतेन्द्रियकाम इन्द्रमेव (३७)

स्वेन भागधेयेनोप धावति स एवास्मिन्निन्द्रियं दधातीन्द्रियाव्येव भवत्यरुणो भ्रूमन्भवत्येतद्वा इन्द्रस्य रूपं समृद्धौ सावित्रमुपद्धस्तमालभेत सनिकामः सविता वै प्रसवानामीशे सवितारमेव स्वेन भागधेयेनोप धावति स एवास्मै सनिं प्रसुवति दानकामा अस्मै प्रजा भवन्त्युपद्धस्तो भवति सावित्रो ह्येष (३८)

देवतया समृद्धौ वैश्वदेवं बहुरूपमालभेतान्नकामो वैश्वदेवं वा अन्नं विश्वानेव देवान्स्वेन भागधेयेनोप धावति त एवास्मा अन्नं प्रयच्छन्त्यन्नाद एव भवति बहुरूपो भवति बहुरूपं ह्यन्नं समृद्धौ वैश्वदेवं बहुरूपमालभेत ग्रामकामो वैश्वदेवा वै सजाता विश्वानेव देवान्स्वेन भागधेयेनोप धावति त एवास्मै (३९)

सजातान्प्रयच्छन्ति ग्राम्येव भवति बहुरूपो भवति बहुदेवत्योऽ(१) ह्येष समृद्धौ प्राजापत्यं तूपरमालभेत यस्यानाज्ञातमिव ज्योगामयेत्प्राजापत्यो वै पुरुषः प्रजापतिः खलु वै तस्य वेद यस्यानाज्ञातमिव ज्योगामयति प्रजापतिमेव स्वेन भागधेयेनोप धावति स एवैनं तस्मात्स्त्रामान्मुञ्चति तूपरो भवति

प्राजापत्यो ह्येष देवतया समृद्धौ॥ (४०)

अस्मा इन्द्रमेवैष संजाता विश्वानेव देवान्स्वेन भागधेयेनोप धावति त एवास्मै प्राजापत्यो हि

त्रीणि च॥

[६]

वषट्कारो वै गायत्रियै शिरोऽच्छिनत्तस्यै रसः पराऽपतत्तं
बृहस्पतिरुपांगृह्णात्सा शितिपृष्ठा वशाऽभवद्यो द्वितीयः परापतत्तं
मित्रावरुणावुपांगृह्णीताः सा द्विरूपा वशाऽभवद्यस्तृतीयः परापतत्तं
विश्वे देवा उपांगृह्णन्त्सा बहुरूपा वशाऽभवद्यश्चतुर्थः परापतत्तं
पृथिवीं प्राविशत्तं बृहस्पतिरभ्य- (४१)

गृह्णादस्त्वेवायं भोगायेति स उक्षवशः समभवद्यल्लोहितं
परापतत्तद्रुद्र उपांगृह्णात्सा रौद्री रोहिणी वशाऽभवद्वारहस्पत्याः
शितिपृष्ठामालभेत ब्रह्मवर्चसकामो बृहस्पतिमेव स्वेन भागधेयेनोप
धावति स एवास्मिन्ब्रह्मवर्चसं दधाति ब्रह्मवर्चस्यैव भवति छन्दसां
वा एष रसो यद्वशा रस इव खलु (४२)

वै ब्रह्मवर्चसं छन्दसामेव रसेन रसं ब्रह्मवर्चसमवरुन्धे
मैत्रावरुणीं द्विरूपामालभेत वृष्टिकामो मैत्रं वा अहर्वारुणी
रात्रिरहोरात्राभ्यां खलु वै पर्जन्यो वरषति मित्रावरुणावेव
स्वेन भागधेयेनोप धावति तावेवास्मा अहोरात्राभ्यां पर्जन्यं
वरषयतश्छन्दसां वा एष रसो यद्वशा रस इव खलु वै
वृष्टिश्छन्दसामेव रसेन (४३)

रसं वृष्टिमवरुन्धे मैत्रावरुणीं द्विरूपामालभेत प्रजाकामो
 मैत्रं वा अहर्वारुणी रात्रिरहोरात्राभ्यां खलु वै प्रजाः प्रजायन्ते
 मित्रावरुणावेव स्वेन भागधेयेनोप धावति तावेवास्मा अहोरात्राभ्यां
 प्रजां प्रजनयतश्छन्दसां वा एष रसो यद्वशा रसं इव खलु वै
 प्रजा छन्दसामेव रसेन रसं प्रजामव (४४)

रुन्धे वैश्वदेवीं बहुरूपामालभेतान्नकामो वैश्वदेवं वा अन्नं
 विश्वानेव देवान्स्वेन भागधेयेनोप धावति त एवास्मा अन्नं
 प्रयच्छन्त्यन्नाद एव भवति छन्दसां वा एष रसो यद्वशा रसं
 इव खलु वा अन्नं छन्दसामेव रसेन रसमन्नमवरुन्धे वैश्वदेवीं
 बहुरूपामालभेत ग्रामकामो वैश्वदेवा वै (४५)

संजाता विश्वानेव देवान्स्वेन भागधेयेनोप धावति त एवास्मै
 सजातान्प्रयच्छन्ति ग्राम्येव भवति छन्दसां वा एष रसो यद्वशा
 रसं इव खलु वै संजाताश्छन्दसामेव रसेन रसं सजातानवरुन्धे
 बारहस्पत्यमुक्षवशमालभेत ब्रह्मवर्चसकामो बृहस्पतिमेव स्वेन
 भागधेयेनोप धावति स एवास्मिन्ब्रह्मवर्चसं (४६)

दधाति ब्रह्मवर्चस्येव भवति वशं वा एष चरति यदुक्षा
 वशं इव खलु वै ब्रह्मवर्चसं वशेनैव वशं ब्रह्मवर्चसमवरुन्धे
 रौद्रीः रोहिणीमालभेताभिचरन्नुद्रमेव स्वेन भागधेयेनोप धावति
 तस्मा एवैनमावृश्चति ताजगार्तिमाच्छति रोहिणी भवति रौद्री

ह्येषा देवतया समृद्धौ स्फ्यो यूपो भवति वज्रो वै स्फ्यो
वज्रमेवास्मै प्रहरति शरमयं बर्हिः शृणात्येवैनं वैभीदक इध्मो
भिनत्येवैनम्॥ (४७)

अभि खलु वृष्टिश्छन्दसामेव रसेन प्रजामवं वैश्वदेवा वै ब्रह्मवर्चसं यूप एकात्रविंशतिश्च। (७)॥ [७]

असावादित्यो न व्यरोचत तस्मै देवाः प्रायश्चित्तिमैच्छन्तस्मां
एताः सौरीः श्वेतां वशामालभन्त तयैवास्मिन्नुचमदधुर्यो
ब्रह्मवर्चसकामः स्यात्तस्मां एताः सौरीः श्वेतां वशामालभेतामुमेवाऽऽ
स्वेन भागधेयेनोप धावति स एवास्मिन्ब्रह्मवर्चसं दधाति
ब्रह्मवर्चस्यैव भवति बैल्वो यूपो भवत्यसौ (४८)

वा आदित्यो यतोऽजायत ततो बिल्वं उदतिष्ठत्सयोन्येव
ब्रह्मवर्चसमवरुन्धे ब्राह्मणस्पत्यां बभ्रुकर्णीमा लभेताभिचरन्वारुणं
दशकपालं पुरस्तान्निर्वपेद्वरुणेनैव भ्रातृव्यं ग्राहयित्वा ब्रह्मणा
स्तृणुते बभ्रुकर्णी भवत्येतद्वै ब्रह्मणो रूपं समृद्धौ स्फ्यो यूपो
भवति वज्रो वै स्फ्यो वज्रमेवास्मै प्रहरति शरमयं बर्हिः
शृणा- (४९)

त्येवैनं वैभीदक इध्मो भिनत्येवैनं वैष्णवं वामनमालभेत यं
यज्ञो नोपनमेद्विष्णुर्वै यज्ञो विष्णुमेव स्वेन भागधेयेनोप धावति
स एवास्मै यज्ञं प्रयच्छत्युपैनं यज्ञो नमति वामनो भवति वैष्णवो
ह्येष देवतया समृद्धौ त्वाष्ट्रं वड्ढबमालभेत पशुकामस्त्वष्टा वै पशूनां

मिथुनानां (५०)

प्रजनयिता त्वष्टारमेव स्वेन भागधेयेनोप धावति स एवास्मै
पशून्मिथुनान्प्रजनयति प्रजा हि वा एतस्मिन्पशवः प्रविष्टा अथेष
पुमान्धसन्वडुबः साक्षादेव प्रजां पशूनवरुन्धे मैत्रं श्वेतमालभेत
सङ्ग्रामे सं यत्ते समयकामो मित्रमेव स्वेन भागधेयेनोप धावति
स एवैनं मित्रेण सन्नयति (५१)

विशालो भवति व्यवसाययत्येवैनं प्राजापत्यं कृष्णमालभेत
वृष्टिकामः प्रजापतिर्वै वृष्ट्या ईशे प्रजापतिमेव स्वेन भागधेयेनोप
धावति स एवास्मै पर्जन्यं वर्षयति कृष्णो भवत्येतद्वै वृष्ट्यै रूपं
रूपेणैव वृष्टिमवरुन्धे शबलो भवति विद्युतमेवास्मै जनयित्वा
वर्षयत्यवाशृङ्गो भवति वृष्टिमेवास्मै नियच्छति॥ (५२)

शृणाति मिथुनानांनयति यच्छति॥ [८]

वरुणं सुषुवाणमन्नाद्यन्नोपानमत्स एतां वारुणीं
कृष्णां वशामपश्यत्तां स्वायै देवताया आलभत ततो वै
तमन्नाद्यमुपानमद्यमलमन्नाद्याय सन्तमन्नाद्यन्नोपनमेत्स एतां
वारुणीं कृष्णां वशामालभेत वरुणमेव स्वेन भागधेयेनोप धावति
स एवास्मा अन्नं प्रयच्छत्यन्नादः (५३)

एव भवति कृष्णा भवति वारुणी ह्येषा देवताया समृद्धौ
मैत्रं श्वेतमालभेत वारुणं कृष्णमपां चौषधीनां च सन्धावन्नकामो

मैत्रीर्वा ओषधीनां वारुणीरापोऽपां च खलु वा ओषधीनां
च रसमुपजीवामो मित्रावरुणावेव स्वेन भागधेयेनोप धावति
तावेवास्मा अन्नं प्रयच्छतोऽन्नाद एव भव- (५४)

त्यपां चौषधीनां च सन्धावालभत उभयस्यावरुद्धौ विशाखो
यूपो भवति द्वे ह्येते देवते समृद्धौ मैत्रं श्वेतमा लभेत वारुणं
कृष्णं ज्योगामयावी यन्मैत्रो भवति मित्रेणैवास्मै वरुणं शमयति
यद्वारुणः साक्षादेवैनं वरुणपाशान्मुञ्चत्युत यदीतासुर्भवति जीवत्येव
देवा वै पुष्टिन्नाविन्द- (५५)

न्तां मिथुनेऽपश्यन्तस्यां न समराधयन्तावश्विना-
वब्रूतामावयोर्वा एषा मैतस्यां वदद्धमिति साऽश्विनोरेवाभवद्यः
पुष्टिकामः स्यात्स एतामाश्विनीं यमीं वशामालभेताश्विनावेव
स्वेन भागधेयेनोप धावति तावेवास्मिन्पुष्टिं धत्तः पुष्यति प्रजयां
पशुभिः॥ (५६)

अन्नादोऽन्नाद एव भवत्यविन्द्यश्चत्वारिंशच्च॥ [९]

आश्विनं धूम्रललामालभेत यो दुर्ब्राह्मणः सोमं पिपासेदश्विनौ
वै देवानामसौमपावास्तां तौ पश्चा सोमपीथं प्राप्नुतामश्विनावेतस्य
देवता यो दुर्ब्राह्मणः सोमं पिपासत्यश्विनावेव स्वेन भागधेयेनोप
धावति तावेवास्मै सोमपीथं प्रयच्छत उपैनं सोमपीथो नमति
यद्धूम्रो भवति धूम्रिमाणमेवास्मादपहन्ति ललामो (५७)

भवति मुखत एवास्मिन्तेजो दधाति वायुव्यं गोमृगमा-
लंभेत् यमजघ्निवा९समभि॑श९सैयुरपू॑ता वा एतं वागृच्छति
यमजघ्निवा९समभि॑श९सन्ति नैष ग्राम्यः पशुर्नाऽरण्यो यद्वोमृगो
नेवैष ग्रामे नारण्ये यमजघ्निवा९समभि॑श९सन्ति वायुर्वै देवानां
पवित्रं वायुमेव स्वेन भागधेयेनोप धावति स एवै- (५८)

नं पवयति पराची वा एतस्मै व्युच्छन्ती व्युच्छति तमः
पाप्मानं प्रविशति यस्यांश्चिने शस्यमाने सूर्यो नाविर्भवति सौर्यं
बहुरूपमालंभेतामुमेवाऽऽदित्यः स्वेन भागधेयेनोप धावति स
एवास्मात्तमः पाप्मानमपहन्ति प्रतीच्यस्मै व्युच्छन्ती व्युच्छत्यप-
तमः पाप्मानं हते॥ (५९)

ल्लामः स एव पद्वत्वारि९शच्च॥ [१०]

इन्द्रं वो विश्वतस्परीन्द्रं नरो मरुतो यद्ध वो दिवो या वः शर्म।
भरेष्विन्द्रं सुहवं हवामहेऽहोमुचं सुकृतं दैव्यं जनम्। अग्निं
मित्रं वरुणं सातये भगं द्यावापृथिवी मरुतः स्वस्तये। ममत्तु नः
परिज्मा वसर्हा ममत्तु वातो अपां वृषण्वान्। शिशितमिन्द्रापर्वता
युवन्नस्तन्नो विश्वे वरिवस्यन्तु देवाः। प्रिया वो नाम (६०)

हुवे तुराणाम्। आयत्तुपन्मरुतो वावशानाः। श्रियसे कं
भानुभिः सम्मिमिक्षिरे ते रश्मिभिस्त ऋक्भिः सुखादयः। ते
वाशीमन्त इष्मिणो अभीरवो विद्रे प्रियस्य मारुतस्य धाम्नः।

अ॒ग्निः प्र॑थ॒मो वसु॑भिर्नो॒ अव्या॒थ्सोमो॑ रु॒द्रेभि॑र॒भिर॑क्षतु॒ त्मना॑ ।
 इन्द्रो॑ म॒रुद्वि॑र॒ऋतु॑धा कृ॒णोत्वादि॑त्यैर्नो॒ वरु॑णः स॒शिश॑ातु । सन्नो॑
 दे॒वो वसु॑भिर॒ग्निः स॒ (६१)

सोम॑स्त॒नूभी रु॒द्रिया॑भिः । समिन्द्रो॑ म॒रुद्वि॑र्य॒ज्ञियैः समा॑दि॒त्यैर्नो॑
 वरु॑णो अजि॒ज्ञिप॑त् । यथा॑ऽऽदि॒त्या वसु॑भिः सम्ब॒भूवुर्म॑रु॒द्धी
 रु॒द्राः सम॑जानता॒भिः । ए॒वा त्रि॑णाम॒न्नह्णी॑यमाना॒ विश्वे॑ दे॒वाः
 सम॑नसो भवन्तु । कुत्रा॑चि॒द्यस्य॑ समृ॒तौ र॒ण्वा नरो॑ नृष॒देने ।
 अर॑हन्तश्चि॒द्यमि॑न्ध॒ते सं॒ञ्जन॑यन्ति ज॒न्तवः॑ । सं यदि॑षो वना॑महे
 स॒ ह॒व्या मानु॑षाणाम् । उ॒त द्यु॒मस्य॑ शव॑स (६२)

ऋ॒तस्य॑ र॒श्मिमा॑ददे । य॒ज्ञो दे॒वानां॑ प्रत्ये॑ति सु॒म्रमा॑दि॒त्यासो॑
 भव॑ता मृ॒डय॑न्तः । आ॒वोऽर्वा॑ची॒ सुम॑तिर्व॒वृत्या॑द॒होश्चि॑द्या
 व॑रिवोवित्तरा॒ऽसत् । शुचि॑र॒पः सू॒यव॑सा अ॒दब्ध॑ उप॑क्षेति वृ॒द्धव॑याः
 सु॒वीरः॑ । नकि॑ष्टं घ्नन्त्यन्ति॑तो न दू॒राद्य॑ आ॒दि॒त्यानां॑ भव॑ति प्र॒णीतौ॑ ।
 धा॒रय॑न्त आ॒दि॒त्यासो॑ जग॒त्स्था॑ दे॒वा विश्व॑स्य॒ भुव॑नस्य गो॒पाः ।
 दी॒र्घाधि॑यो रक्ष॑माणा (६३)

असु॑र्य॒मृता॑वान॒श्चय॑माना ऋ॒णानि॑ । ति॒स्रो भूमी॑र्धा॒रय॑न्त्री॒ रुत॑
 द्यू॒न्त्रीणि॑ व्र॒ता वि॒दथे॑ अ॒न्तरे॑षाम् । ऋ॒तेना॑ऽऽदि॒त्या म॒हि वो म॒हित्वं
 तद॑र्यमन्वरुण मि॒त्र चारु॑ । त्यां नु॑ क्ष॒त्रिया॑ अव॑ आ॒दि॒त्यान्
 या॑चिषामहे । सु॒मृडी॒का॒ अभि॑ष्टये । न दक्षि॑णा विचि॑किते न स॒व्या

न प्राचीनमादित्या नोत पश्चा। पाक्याचिद्वसवो धीर्याचि- (६४)

द्युष्मानीतो अभयं ज्योतिरश्याम्। आदित्यानामवसा नूतनेन
सक्षीमहि शर्मणा शन्तमेन। अनागास्त्वे अदितित्वे तुरासं इमं
यज्ञं दधतु श्रोषमाणाः। इमं मे वरुण श्रुधी हवमद्या च मृडय।
त्वामवस्युराचके। तत्त्वा यामि ब्रह्मणा वन्दमानस्तदाऽऽशास्ते
यजमानो हविर्भिः। अहेडमानो वरुणेह बोद्ध्युरुशंस मा न आयुः
प्रमोषीः॥ (६५)

नामाग्निः स९ शवसो रक्षमाणा धीर्याचिदेकात्रपञ्चाशच्च॥ [११]

[वायव्यं प्रजापतिस्ता वरुणं देवासुरा एष्वसावादित्यो दशरूपभामिन्द्रो वलस्यं बारहस्पत्यं वषट्कारोऽसौ
सौरिं वरुणमाश्विनमिन्द्रं वो नर एकादश॥११॥ वायव्यमाग्नेयीं कृष्णग्रीवीमुसावादित्यो वा अहोरात्राणि वषट्कारः
प्रजनयिता हुवे तुराणां पञ्चषष्टिः॥६५॥ वायव्यं प्रमोषीः॥]

॥द्वितीयः प्रश्नः॥

॥तैत्तिरीयसंहितायां द्वितीयकाण्डे द्वितीयः प्रश्नः॥

प्रजापतिः प्रजा असृजत ताः सृष्टा इन्द्राग्नी अपांगूहता९
सोऽचायत्प्रजापतिरिन्द्राग्नी वै मे प्रजा अपांगुक्षतामिति
स एतमैन्द्राग्रमेकादशकपालमपश्यत्तन्निरवपत्तावस्मै प्रजाः
प्रासाधयतामिन्द्राग्नी वा एतस्य प्रजामपंगूहतो योऽलं प्रजायै

सन्प्रजां न विन्दत ऐन्द्राग्रमेकादशकपालं निर्वपेत्प्रजाकाम
इन्द्राग्नी (१)

एव स्वेनं भागधेयेनोपं धावति तावेवास्मै प्रजां प्रसाधयतो
विन्दते प्रजामैन्द्राग्रमेकादशकपालं निर्वपेत्स्पर्धमानः क्षेत्रे वा
सजातेषु वेन्द्राग्नी एव स्वेनं भागधेयेनोपं धावति ताभ्यामेवेन्द्रियं
वीर्यं भ्रातृव्यस्य वृद्धे वि पाप्मना भ्रातृव्येण जयतेऽप वा
एतस्मादिन्द्रियं वीर्यं क्रामति यः सङ्ग्राममुपप्रयात्यैन्द्राग्रमेकादश-
कपालं निर्-(२)

वपेत्सङ्ग्राममुपप्रयास्यन्निन्द्राग्नी एव स्वेनं भागधेयेनोपं
धावति तावेवास्मिन्निन्द्रियं वीर्यं धत्तः सहेन्द्रियेण वीर्येणोपप्रयाति
जयति तं सङ्ग्रामं वि वा एष इन्द्रियेण वीर्येणर्ह्यते यः सङ्ग्रामं
जयत्यैन्द्राग्रमेकादशकपालं निर्वपेत्सङ्ग्रामं जित्वेन्द्राग्नी एव स्वेनं
भागधेयेनोपं धावति तावेवास्मिन्निन्द्रियं वीर्यं (३)

धत्तो नेन्द्रियेण वीर्येण व्यृह्यतेऽप वा एतस्मादिन्द्रियं वीर्यं
क्रामति य एति जनतामैन्द्राग्रमेकादशकपालं निर्वपेज्जनता-
मेष्यन्निन्द्राग्नी एव स्वेनं भागधेयेनोपं धावति तावेवास्मिन्निन्द्रियं
वीर्यं धत्तः सहेन्द्रियेण वीर्येण जनतामेति पौष्णं चरुमनुनिर्वपेत्पूषा
वा इन्द्रियस्य वीर्यस्यानुप्रदाता पूषणमेव (४)

स्वेन॑ भाग॒धेये॒नोप॑ धावति॒ स ए॒वास्मा॑ इन्द्रि॒यं
वीर्य॑मनु॒ प्रय॑च्छति॒ क्षेत्र॑प॒त्यं च॒रुं निर्व॑पे॒ज्जनता॑मा॒गत्ये॒यं वै
क्षेत्र॑स्य॒ पति॑र॒स्यामे॒व प्रति॑तिष्ठत्यैन्द्रा॒ग्रमेका॑दशकपालमुपरि॑ष्ठा-
न्निर्व॑पेदस्यामे॒व प्रति॑ष्ठायेन्द्रि॒यं वी॒र्यमु॑परि॑ष्ठादात्मन्ध॑त्ते॥ (५)

प्रजाकाम इन्द्राग्नी उपप्रयात्यैन्द्राग्रमेकादशकपालं निर्वीर्यं पूषणमेवैकान्नचत्वारिंशच्च॥ [१]

अ॒ग्नये॑ पथि॒कृते॑ पुरो॒डाश॑म॒ष्टाक॑पालं॒ निर्व॑पेद्यो द॑र्शपूर्णमासया॒ज-
सन्न॑मावा॒स्यां वा पौ॑र्णमा॒सीं वाऽति॑पा॒दये॑त्पथो॒ वा ए॒षो-
ऽद्ध॑प॒थेनै॑ति यो द॑र्शपूर्णमासया॒जी सन्न॑मावा॒स्यां वा पौ॑र्णमा॒सीं
वाऽति॑पा॒दये॑त्य॒ग्निमे॒व प॑थि॒कृत॑ः॒ स्वेन॑ भाग॒धेये॒नोप॑ धावति॒ स
ए॒वैन॑मप॒थात्प॒न्थाम॑पि॒ नय॑त्यन॒ङ्घ्रान्दक्षि॑णा व॒ही ह्ये॒ष समृ॑द्ध्या
अ॒ग्नये॑ व्र॒तप॑तये (६)

पुरो॒डाश॑म॒ष्टाक॑पालं॒ निर्व॑पेद्य आहि॑ताग्निः सन्न॑व्रत्यमि॒व
चरे॑द्द॒ग्निमे॒व व्र॑तप॒तिः॒ स्वेन॑ भाग॒धेये॒नोप॑ धावति॒ स ए॒वैन॑
व्र॒तमा॑ल॒म्भय॑ति॒ व्र॒त्यो भ॑वत्य॒ग्नये॑ रक्षो॒घ्ने पु॑रो॒डाश॑म॒ष्टाक॑पालं
निर्व॑पेद्य॒ रक्षा॑सि॒ सचे॑रन्न॒ग्निमे॒व र॑क्षो॒हणः॒ स्वेन॑ भाग॒धेये॒नोप॑
धावति॒ स ए॒वास्मा॑द्रक्षा॒स्यप॑हन्ति॒ निशि॑तायां॒ निर्व॑पे- (७)

निशि॑ताया॒ हि रक्षा॑सि प्रेर॑ते॒ सम्प्रे॑र्णान्ये॒वैनानि॑ हन्ति॒
परि॑श्रिते॒ याज॑येद्दक्ष॒साम॑न॒न्वव॑चाराय॒ रक्षो॑घ्नी या॒ज्यानु॑वा॒क्ये

भवतो रक्षसाः स्तृत्या अग्नये रुद्रवते पुरोडाशमष्टाकपालं
 निर्वपेदभिचरन्नेषा वा अस्य घोरा तनूर्यद्रुद्रस्तस्मा एवैनमावृश्चति
 ताजगार्तिमाच्छत्यग्नये सुरभिमतं पुरोडाशमष्टाकपालं निर्वपेद्यस्य
 गावो वा पुरुषा - (८)

वा प्रमीयेरन् यो वा बिभीयादेषा वा अस्य भेषज्या
 तनूर्यथ्सुरभिमती तयैवास्मै भेषजं करोति सुरभिमतं भवति
 पूतीगन्धस्यापहत्या अग्नये क्षामवते पुरोडाशमष्टाकपालं
 निर्वपेत्सङ्ग्रामे सं यत्ते भागधेयेनैवैनं शमयित्वा परानभि
 निर्दिशति यमवरेषां विद्धन्ति जीवन्ति स यं परेषां प्र स मीयते
 जयति तं सङ्ग्राम- (९)

मभि वा एष एतानुच्यति येषां पूर्वापरा अन्वञ्चः प्रमीयन्ते
 पुरुषाहुतिर्ह्यस्य प्रियतमाऽग्नये क्षामवते पुरोडाशमष्टाकपालं
 निर्वपेद्भागधेयेनैवैनं शमयति नैषां पुराऽऽयुषोऽपरः प्रमीयतेऽभि
 वा एष एतस्य गृहानुच्यति यस्य गृहान्दहत्यग्नये क्षामवते
 पुरोडाशमष्टाकपालं निर्वपेद्भागधेयेनैवैनं शमयति नास्यापरं
 गृहान्दहति॥ (१०)

व्रतपतये निशितायान्निर्वपेत्पुरुषाः सङ्ग्रामत्र चत्वारि च॥ [२]

अग्नये कामाय पुरोडाशमष्टाकपालं निर्वपेद्यं कामो

नोप॒नमे॑द॒ग्निमे॒व काम॑ꣳ स्वेन॑ भा॒ग॒धेये॒नोप॑ धावति॒ स ए॒वैनं॑
 कामे॑न॒ सम॑र्द्धय॒त्युपै॑नं॒ कामो॑ नम॒त्य॒ग्नये॑ यवि॑ष्ठाय पु॒रोडा॑शंम॒ष्टा-
 क॑पालं॒ निर्व॑पे॒थ्स॒र्धमा॑नः॒ क्षेत्रे॑ वा सजा॒तेषु॑ वाऽग्नि॒मेव॑ यवि॑ष्ठꣳ
 स्वेन॑ भा॒ग॒धेये॒नोप॑ धावति॒ तेनै॒वेन्द्रि॑यं वी॒र्यं॑ भ्रातृ॒व्यस्य॑ (११)

युव॑ते वि पा॒प्मना॒ भ्रातृ॑व्येण जय॑तेऽग्नये॒ यवि॑ष्ठाय
 पु॒रोडा॑शंम॒ष्टाक॑पालं॒ निर्व॑पेदभिच॒र्यमा॑णोऽग्नि॒मेव॑ यवि॑ष्ठꣳ
 स्वेन॑ भा॒ग॒धेये॒नोप॑ धावति॒ स ए॒वास्मा॑द्रक्षा॒ंसि॑ यव॑यति॒
 नैन॑मभिच॒रन्त्स्त्वृ॑णुतेऽग्नय॒ आयु॑ष्मते पु॒रोडा॑शंम॒ष्टाक॑पालं॒ निर्व॑पेद्यः
 का॒मये॑त॒ सर्व॑मायुरि॒यामि॑त्य॒ग्निमे॒वाऽऽयु॑ष्मन्तꣳ स्वेन॑ भा॒ग॒धेये॒नोप॑
 धावति॒ स ए॒वास्मि॑- (१२)

त्रायु॑र्दधाति॒ सर्व॑मायुरे॒त्य॒ग्नये॑ जा॒तवे॑दसे पु॒रोडा॑शंम॒ष्टाक॑पालं॒
 निर्व॑पेद्भूति॑कामोऽग्नि॒मेव॑ जा॒तवे॑दसꣳ स्वेन॑ भा॒ग॒धेये॒नोप॑ धावति॒
 स ए॒वैनं॑ भूति॑ गम॑यति॒ भव॑त्ये॒वाग्नये॑ रुक्म॑न्ते पु॒रोडा॑शंम॒ष्टाक॑पालं॒
 निर्व॑पेद्ब्रुक्का॑मोऽग्नि॒मेव॑ रुक्म॑न्तꣳ स्वेन॑ भा॒ग॒धेये॒नोप॑ धावति॒ स
 ए॒वास्मि॑न्नुच॑ दधाति॒ रोच॑न्त ए॒वाग्नये॑ तेज॑स्वते पु॒रोडा॑श- (१३)

म॒ष्टाक॑पालं॒ निर्व॑पे॒त्तेज॑स्कामोऽग्नि॒मेव॑ तेज॑स्वन्तꣳ स्वेन॑
 भा॒ग॒धेये॒नोप॑ धावति॒ स ए॒वास्मि॑न्तेजो॑ दधाति॒ तेज॑स्व्ये॒व
 भ॑वत्य॒ग्नये॑ सा॒हन्त्या॑य पु॒रोडा॑शंम॒ष्टाक॑पालं॒ निर्व॑पे॒थ्सि॑क्षमा॒णो-
 ऽग्नि॒मेव॑ सा॒हन्त्यꣳ स्वेन॑ भा॒ग॒धेये॒नोप॑ धावति॒ तेनै॒व स॑हते॒ यꣳ

सीक्षते॥ (१४)

भ्रातृव्यस्यास्मिन्तेजस्वते पुरोडाशमष्टात्रिंशच्च॥ [३]

अग्रयेऽन्नवते पुरोडाशमष्टाकपालं निर्वपेद्यः कामयेतान्न-
वान्थस्यामित्यग्निमेवान्नवन्तः॥ स्वेन भागधेयेनोप धावति स
एवैनमन्नवन्तं करोत्यन्नवानेव भवत्यग्रयेऽन्नादाय पुरोडाश-
मष्टाकपालं निर्वपेद्यः कामयेतान्नादः स्यामित्यग्निमेवान्नादः॥ स्वेन
भागधेयेनोप धावति स एवैनमन्नादं करोत्यन्नाद - (१५)

एव भवत्यग्रयेऽन्नपतये पुरोडाशमष्टाकपालं निर्वपेद्यः
कामयेतान्नपतिः स्यामित्यग्निमेवान्नपतिः॥ स्वेन भागधेयेनोप
धावति स एवैनमन्नपतिं करोत्यन्नपतिरेव भवत्यग्रये पवमानाय
पुरोडाशमष्टाकपालं निर्वपेदग्रये पावकायाग्रये शुचये ज्योगामयावी
यदग्रये पवमानाय निर्वपति प्राणमेवास्मिन्तेन दधाति यदग्रये (१६)

पावकाय वाचमेवास्मिन्तेन दधाति यदग्रये शुचय
आयुरेवास्मिन्तेन दधात्युत यदीतासुर्भवति जीवत्येवैतामेव
निर्वपेच्चक्षुष्कामो यदग्रये पवमानाय निर्वपति प्राणमेवास्मिन्तेन
दधाति यदग्रये पावकाय वाचमेवास्मिन्तेन दधाति यदग्रये शुचये
चक्षुरेवास्मिन्तेन दधा- (१७)

त्युत यद्यन्धो भवति प्रैव पश्यत्यग्रये पुत्रवते पुरोडाशमष्टा-
कपालं निर्वपेदिन्द्राय पुत्रिणे पुरोडाशमेकादशकपालं प्रजाकामो-

ऽग्निरेवास्मै प्रजां प्रज्जयति वृद्धामिन्द्रः प्रयच्छत्यग्नये रसंवते-
 ऽजक्षीरे चरुं निर्वपेद्यः कामयेत रसवान्स्यामित्यग्निमेव रसवन्तः
 स्वेन भागधेयेनोप धावति स एवैनं रसवन्तं करोति (१८)

रसवानेव भवत्यजक्षीरे भवत्याग्नेयी वा एषा यद्वा साक्षादेव
 रसमवरुन्धेऽग्नये वसुमते पुरोडाशमष्टाकपालं निर्वपेद्यः कामयेत
 वसुमान्स्यामित्यग्निमेव वसुमन्तः स्वेन भागधेयेनोप धावति स
 एवैनं वसुमन्तं करोति वसुमानेव भवत्यग्नये वाजसृते पुरोडाश-
 मष्टाकपालं निर्वपेत्सङ्ग्रामे सं यत्ते वाजं (१९)

वा एष सिंसीरषति यः सङ्ग्रामं जिगीषत्यग्निः खलु
 वै देवानां वाजसृदग्निमेव वाजसृतः स्वेन भागधेयेनोप
 धावति धावति वाजं हन्ति वृत्रं जयति तं सङ्ग्राममथो
 अग्निरिव न प्रतिधृषे भवत्यग्नयेऽग्निवते पुरोडाशमष्टाकपालं
 निर्वपेद्यस्याग्नावग्निमभ्युद्धरेयुर्निर्दिष्टभागो वा एतयोरन्यो-
 ऽनिर्दिष्टभागोऽन्यस्तौ सम्भवन्तौ यजमान- (२०)

मभिसम्भवतः स ईश्वर आर्तिमार्तोर्यदग्नयेऽग्निवते निर्वपति
 भागधेयेनैवैनौ शमयति नार्तिमार्छति यजमानोऽग्नये ज्योतिष्मते
 पुरोडाशमष्टाकपालं निर्वपेद्यस्याग्निरुद्धृतोऽहुतेऽग्निहोत्र उद्वायेदपरं
 आदीप्यानूद्धृत्य इत्याहुस्तत्तथा न कार्यं यद्वागधेयमभि पूर्वं

उद्ध्रियते किमपरोऽभ्यु- (२१)

द्ध्रियेतेति तान्येवावक्षणाणि सन्निधाय मन्थेदितः प्रथमं जज्ञे अग्निः स्वाद्योनेरधि जातवेदाः। स गायत्रिया त्रिष्टुभा जगत्या देवेभ्यो हव्यं वहतु प्रजानन्निति छन्दोभिरेवैनं स्वाद्योनेः प्रजनयत्येष वाव सोऽग्निरित्याहुर्ज्योतिस्त्वा अस्य परापतितमिति यदग्नये ज्योतिष्मते निर्वपति यदेवास्य ज्योतिः परापतितं तदेवावरुन्धे॥ (२२)

करोत्यन्नादो दधाति यदग्नये शुचये चक्षुरेवास्मिन्नेन दधाति करोति वाजं यजमानमुदेवास्य पद्वि॥ [४]

वैश्वानरं द्वादशकपालं निर्वपेद्वारुणं चरुं दधिक्राव्णे चरुमभिशस्यमानो यद्वैश्वानरो द्वादशकपालो भवति संवत्सरो वा अग्निर्वैश्वानरः संवत्सरेणैवैनं स्वदयत्यप पापं वर्णं हते वारुणेनैवैनं वरुणपाशान्मुञ्चति दधिक्राव्णा पुनाति हिरण्यं दक्षिणा पवित्रं वै हिरण्यं पुनात्येवैनमाद्यमस्यान्नं भवत्येतामेव निर्वपेत्प्रजाकामः संवत्सरो (२३)

वा एतस्याशान्तो योनिं प्रजायै पशूनां निर्दहति योऽलं प्रजायै सन्प्रजां न विन्दते यद्वैश्वानरो द्वादशकपालो भवति संवत्सरो वा अग्निर्वैश्वानरः संवत्सरमेव भागधेयेन शमयति सोऽस्मै शान्तः स्वाद्योनेः प्रजां प्रजनयति वारुणेनैवैनं

वरुणपाशान्मुञ्चति दधि॒क्राव्ण्णां पुनाति॒ हिरण्यं दक्षि॑णा प॒वित्रं वै
हिरण्यं पुनात्ये॒वैनं (२४)

विन्दते॑ प्र॒जां वै॑श्वान॒रं द्वाद॑शकपालं निर्वपेत्पुत्रे
जा॒ते यद॑ष्टाकपालो भव॑ति गाय॒त्रियै॒वैनं ब्र॒ह्मव॑र्च॒सेन
पुनाति॒ यन्न॑वंकपालस्त्रिवृ॒तैवास्मि॑न्तेजो दधाति॒ यद॑शकपालो
वि॒राजै॑वास्मिन्न॒न्नाद्यं दधाति॒ यदे॒का॑दशकपालस्त्रिष्टु॒भैवास्मि॑न्निन्द्रि॒यं
दधाति॒ यद्वा॑दशकपालो जग॑त्यै॒वास्मि॑न्प॒शून् दधाति॒ यस्मि॑ञ्जात
ए॒तामिष्टि॑ निर्व॒पति॑ पू॒त - (२५)

ए॒व ते॑ज॒स्य॑न्ना॒द इन्द्रि॑या॒वी प॑शु॒मान्भव॑त्य॒व वा ए॒ष
सु॒वर्गा॑ल्लो॒काच्छि॑द्यते॒ यो द॑र्शपूर्णमा॒सया॒जी सन्न॑मावा॒स्यां
वा पौ॑र्णमा॒सीं वा॑ऽतिपा॒दय॑ति सु॒वर्गा॑य॒ हि लो॒काय॑
दर्शपूर्णमा॒सावि॑ज्येते॒ वैश्वान॑रं द्वाद॑शकपालं निर्वपेदमावा॒स्यां वा
पौ॑र्णमा॒सीं वा॑ऽतिपाद्यं संव॒त्सरो॑ वा अ॒ग्निर्वै॑श्वान॒रः संव॑त्स॒रमे॒व
प्री॑णा॒त्यथो॑ संव॒त्सरमे॒वास्मा॑ उप॑दधाति सु॒वर्गस्य॑ लो॒कस्य॑
सम॑ष्ट्या (२६)

अथो॑ दे॒वता॑ ए॒वान्वा॒रभ्य॑ सु॒वर्गं लो॒कमे॑ति वी॒र॒हा
वा ए॒ष दे॒वानां॑ यो॑ऽग्निमु॒द्वास॑यते॒ न वा ए॒तस्य॑ ब्राह्म॒णा
ऋ॒ताय॑वः पु॒राऽन्न॑मक्ष॒न्नाग्ने॒यम॑ष्टाकपालं निर्वपेद्वैश्वान॒रं द्वाद॑श॒
कपालम॑ग्निमु॒द्वास॑यिष्यन् यद॑ष्टाकपालो भव॑त्य॒ष्टाक्ष॑रा गाय॒त्री

गायत्रौऽग्निर्यावानेवाग्निस्तस्मा आतिथ्यं करोत्यथो यथा जनं
यतेऽवसं करोति तादृ- (२७)

गेव तद्द्वादशकपालो वैश्वानरो भवति द्वादश मासाः संवत्सरः
संवत्सरः खलु वा अग्नेर्योनिः स्वामेवेनं योनिं गमयत्याद्यमस्यान्नं
भवति वैश्वानरं द्वादशकपालं निर्वपेन्मारुतं सप्तकपालं ग्रामकाम
आहवनीये वैश्वानरमधिश्चयति गार्हपत्ये मारुतं पापवस्यसस्य
विधृत्यै द्वादशकपालो वैश्वानरो भवति द्वादश मासाः संवत्सरः
संवत्सरेणैवास्मै सजाताश्च्यवयति मारुतो भवति (२८)

मारुतो वै देवानां विशो देवविशेनैवास्मै मनुष्यविशमव-
रुन्धे सप्तकपालो भवति सप्तगणा वै मारुतो गणश एवास्मै
सजातानवरुन्धेऽनूच्यमान आसादयति विशमेवास्मा अनुवर्त्मानं
करोति॥ (२९)

प्रजाकामः संवत्सरः पुनात्येवेनं पूतः समष्ट्यै तादृङ्गारुतो भवत्येकान्नत्रिंशच्च॥ [५]

आदित्यं चरुं निर्वपेत्सङ्ग्राममुपप्रयास्यन्त्रियं वा अदितिरस्यामेव
पूर्वे प्रतितिष्ठन्ति वैश्वानरं द्वादशकपालं निर्वपेदायतनं
गत्वा संवत्सरो वा अग्निर्वैश्वानरः संवत्सरः खलु वै
देवानामायतनमेतस्माद्वा आयतनाद्देवा असुरानजयन् यद्वैश्वानरं
द्वादशकपालं निर्वपति देवानामेवाऽऽयतने यतते जयति तं
सङ्ग्राममेतस्मिन्वा एतौ मृजाते (३०)

यो विद्विषाणयोरन्नमत्ति वैश्वानरं द्वादशकपालं निर्वपेद्विद्विषाणयो
 जग्ध्वा संवत्सरो वा अग्निर्वैश्वानरः संवत्सरस्वदितमेवात्ति
 नास्मिन्मृजाते संवत्सराय वा एतौ सममाते यौ सममाते
 तयोर्यः पूर्वोऽभिद्रुह्यति तं वरुणो गृह्णाति वैश्वानरं द्वादशकपालं
 निर्वपेत्सममानयोः पूर्वोऽभिद्रुह्य संवत्सरो वा अग्निर्वैश्वानरः
 संवत्सरमेवाऽऽत्वा निर्वरुणम् (३१)

परस्तादभिद्रुह्यति नैनं वरुणो गृह्णात्याव्यं वा एष प्रतिगृह्णाति
 योऽविं प्रतिगृह्णाति वैश्वानरं द्वादशकपालं निर्वपेदविं प्रतिगृह्य
 संवत्सरो वा अग्निर्वैश्वानरः संवत्सरस्वदितामेव प्रतिगृह्णाति नाव्यं
 प्रतिगृह्णात्यात्मनो वा एष मात्रामाप्नोति य उभयादत्प्रतिगृह्णात्यश्वं
 वा पुरुषं वा वैश्वानरं द्वादशकपालं निर्वपेदुभयादत् (३२)

प्रतिगृह्य संवत्सरो वा अग्निर्वैश्वानरः संवत्सरस्वदितमेव
 प्रतिगृह्णाति नाऽऽत्मनो मात्रामाप्नोति वैश्वानरं द्वादशकपालं
 निर्वपेत्सनिमेष्यन्संवत्सरो वा अग्निर्वैश्वानरो यदा खलु वै
 संवत्सरं जनतायां चरत्यथ स धनार्घो भवति यद्वैश्वानरं
 द्वादशकपालं निर्वपति संवत्सरसातामेव सनिमभि प्रच्यवते
 दानकामा अस्मै प्रजा भवन्ति यो वै संवत्सरं (३३)

प्रयुज्य न विमुञ्चत्यप्रतिष्ठानो वै स भवत्येतमेव वैश्वानरं

पुनरागत्य निर्वपेद्यमेव प्रयुङ्क्ते तं भागधेयेन विमुञ्चति प्रतिष्ठित्यै
यया रज्ज्वोत्तमां गामाजेत्तां भ्रातृव्याय प्रहिणुयान्निर्ऋतिमेवास्मै
प्रहिणोति॥ (३४)

निर्वृणं वपेदुभयादद्यो वै संवत्सरं षट्त्रिंशच्च॥ [६]

ऐन्द्रं चरुं निर्वपेत्पशुकाम ऐन्द्रा वै पशव इन्द्रमेव स्वेन
भागधेयेनोप धावति स एवास्मै पशून्प्रयच्छति पशुमानेव
भवति चरुर्भवति स्वादेवास्मै योनेः पशून्प्रजनयतीन्द्रायेन्द्रियावन्ते
पुरोडाशमेकादशकपालं निर्वपेत्पशुकाम इन्द्रियं वै पशव
इन्द्रमेवेन्द्रियावन्तः स्वेन भागधेयेनोप धावति स - (३५)

एवास्मा इन्द्रियं पशून्प्रयच्छति पशुमानेव भवतीन्द्राय घर्मवन्ते
पुरोडाशमेकादशकपालं निर्वपेद्ब्रह्मवर्चसकामो ब्रह्मवर्चसं वै घर्म
इन्द्रमेव घर्मवन्तः स्वेन भागधेयेनोप धावति स एवास्मिन्ब्रह्मवर्चसं
दधाति ब्रह्मवर्चस्यैव भवतीन्द्रायार्कवन्ते पुरोडाशमेकादशकपालं
निर्वपेदन्नकामोऽर्को वै देवानामन्नमिन्द्रमेवार्कवन्तः स्वेन भागधेये-
(३६)

नोपधावति स एवास्मा अन्नं प्रयच्छत्यन्नाद एव भवतीन्द्राय
घर्मवन्ते पुरोडाशमेकादशकपालं निर्वपेदिन्द्रायेन्द्रियावन्त
इन्द्रायार्कवन्ते भूतिकामो यदिन्द्राय घर्मवन्ते निर्वपति शिर
एवास्य तेन करोति यदिन्द्रायेन्द्रियावन्त आत्मानमेवास्य तेन

करोति यदिन्द्राया॒र्कव॑ते भू॒त ए॒वान्नाद्ये॒ प्रति॑तिष्ठति भव॑त्ये॒वेन्द्रा॑या-
(३७)

९होमु॑चे॒ पुरो॑डाश॒मेका॑दशकपालं॒ निर्व॑पेद्यः पा॒प्मना॑ गृही॒तः
स्यात्पा॒प्मा वा अ॒ह इन्द्र॑मे॒वा॒होमु॑च॒ऽस्वेन॑ भा॒ग॒धेये॒नोप॑ धावति
स ए॒वैनं॑ पा॒प्मनो॑ऽह॒सो मुञ्च॑तीन्द्रा॒य वैमृ॑धाय॒ पुरो॑डाश॒मेका॑दश-
कपालं॒ निर्व॑पेद्यं मृ॒धोऽभि॒ प्रवे॑पैर॒न्नाष्ट्राणि॑ वा॒ऽभिस॑मि॒युरिन्द्र॑मे॒व
वैमृ॑ध॒ऽस्वेन॑ भा॒ग॒धेये॒नोप॑ धावति स ए॒वास्मा॑न्मृ॒धो (३८)

ऽप॑ह॒न्तीन्द्रा॒य त्रा॒त्रे पुरो॑डाश॒मेका॑दशकपालं॒ निर्व॑पेद्व॒द्धो
वा॒ परि॑य॒त्तो वेन्द्र॑मे॒व त्रा॒तार॒ऽस्वेन॑ भा॒ग॒धेये॒नोप॑ धावति
स ए॒वैनं॑ त्राय॒त इन्द्रा॑या॒र्काश्व॑मे॒धव॑ते पुरो॑डाश॒मेका॑दश-
कपालं॒ निर्व॑पेद्यं म॑हाय॒ज्ञो नो॒प॒नमे॑दे॒ते वै म॑हाय॒ज्ञस्यान्त्ये॑
त॒नू यद॑र्काश्वमे॒धाविन्द्र॑मे॒वाका॑श्वमे॒धव॑न्त॒ऽस्वेन॑ भा॒ग॒धेये॒नोप॑
धावति स ए॒वास्मा॑ अ॒न्ततो॑ म॑हाय॒ज्ञं च्या॑व॒यत्यु॒पैनं॑ म॑हाय॒ज्ञो
न॑मति॥ (३९)

इन्द्रिया॑व॒न्त॒ऽस्वेन॑ भा॒ग॒धेये॒नोप॑ धावति सो॑ऽर्क॒वन्त॒ऽस्वेन॑ भा॒ग॒धेये॒नैवेन्द्रा॑यास्मा॒न्मृ॒धोऽस्मै॑ स॒प्त

च॑॥ [७]

इन्द्रा॑यान्वृ॒जवे॒ पुरो॑डाश॒मेका॑दशकपालं॒ निर्व॑पे॒द्राम॑काम्
इन्द्र॑मे॒वान्वृ॒जुऽस्वेन॑ भा॒ग॒धेये॒नोप॑ धावति स ए॒वास्मै॑
सजा॑ताननु॒कान्करो॑ति ग्रा॒म्यैव॑ भ॑वतीन्द्रा॒ण्यै च॒रुं निर्व॑पेद्यस्य

सेनाऽसंशितेव स्यादिन्द्राणी वै सेनायै देवतेन्द्राणीमेव स्वेन
भागधेयेनोप धावति सैवास्य सेना संश्यति बल्वजानपी- (४०)

द्धे सन्नह्येद्वौर्यत्राधिष्कन्ता न्यमैहत्ततो बल्वजा उदतिष्ठन्गवामेवैनं
न्यायमपिनीय गा वेदयतीन्द्राय मन्युमते मनस्वते पुरोडाशमेका-
दशकपालं निर्वपेत्सङ्ग्रामे सं यत्त इन्द्रियेण वै मन्युना मनसा
सङ्ग्रामं जयतीन्द्रमेव मन्युमन्तं मनस्वन्तं स्वेन भागधेयेनोप
धावति स एवास्मिन्निन्द्रियं मन्युं मनो दधाति जयति तं (४१)

सङ्ग्राममेतामेव निर्वपेद्यो हतमनाः स्वयं पाप इव
स्यादेतानि हि वा एतस्मादपक्रान्तान्यथैष हतमनाः स्वयं पाप
इन्द्रमेव मन्युमन्तं मनस्वन्तं स्वेन भागधेयेनोप धावति स
एवास्मिन्निन्द्रियं मन्युं मनो दधाति न हतमनाः स्वयं पापो
भवतीन्द्राय दात्रे पुरोडाशमेकादशकपालं निर्वपेद्यः कामयेत
दानंकामा मे प्रजाः स्यु- (४२)

रितीन्द्रमेव दातारं स्वेन भागधेयेनोप धावति स एवास्मै
दानंकामाः प्रजाः करोति दानंकामा अस्मै प्रजा भवन्तीन्द्राय प्रदात्रे
पुरोडाशमेकादशकपालं निर्वपेद्यस्मै प्रत्तमिव सन्न प्रदीयेतेन्द्रमेव
प्रदातारं स्वेन भागधेयेनोप धावति स एवास्मै प्रदापयतीन्द्राय
सुत्राम्णो पुरोडाशमेकादशकपालं निर्वपेदपरुद्धो वा (४३)

ऽपरुद्धमानो वेन्द्रमेव सुत्रामाणं स्वेन भागधेयेनोप धावति

स ए॒वैनं॑ त्रायते॒ऽनपरु॑द्धो भ॒वतीन्द्रो॑ वै स॒दृङ् दे॒वता॑भि॒रासी॑त्स न
व्यावृ॑तम॒गच्छ॑त्स प्र॒जाप॑तिमुपा॒धाव॑त्तस्मा॑ ए॒तमै॑न्द्रमेका॑दशकपालं
नि॒रव॑पत्तेनै॒वास्मि॑न्निन्द्रि॒यम॑दधाच्छ॒करी॑ याज्यानुवा॒क्ये अ॑करो॒द्वज्रो॑
वै श॒करी॑ स ए॒नं वज्रो॑ भू॒त्या ऐ॒न्ध (४४)

सो॑ऽभव॒त्सो॑ऽबिभेद्भू॒तः प्र मा॑ धक्ष्यतीति॒ स प्र॒जाप॑तिं
पु॒नरु॑पा॒धाव॑त्स प्र॒जाप॑तिः श॒क्र्या अ॑धि रे॒वतीं॑ नि॒रमि॑मीत
शान्त्या॑ अ॒प्रदा॑हाय॒ योऽल॑ङ् श्रि॒यै स॒न्धस॒दृङ्ख॑स॒मानैः॑ स्यात्तस्मा॑
ए॒तमै॑न्द्रमेका॑दशकपालं नि॒र्वपे॑दिन्द्रमे॒व स्वेन॑ भा॒गधे॑ये॒नोप॑ धावति
स ए॒वास्मि॑न्निन्द्रि॒यं द॑धाति रे॒वतीं॑ पु॒रोनु॑वा॒क्या भ॑वति शान्त्या॑
अ॒प्रदा॑हाय॒ श॒करी॑ या॒ज्या वज्रो॑ वै श॒करी॑ स ए॒नं वज्रो॑ भू॒त्या
इ॒न्धे भ॑वत्ये॒व॥ (४५)

अपि॒ तङ् स्यु॑र्वे॒न्ध भ॑वति॒ चतु॑र्दश च॥ [८]

आ॒ग्ना॒वैष्ण॑वमेका॑दशकपालं नि॒र्वपे॑दभि॒चर॑न्त्स॒रस्व॑त्याज्य॒-
भागा॑ स्याद्वा॒र्हस्प॑त्यश्च॒रुर्य॑दा॒ग्नावैष्ण॑व ए॒काद॑शकपालो
भ॒वत्य॑ग्निः सर्वा॑ दे॒वता॑ वि॒ष्णुर्य॑ज्ञो दे॒वता॑भिश्चै॒वैनं॑ य॒ज्ञेन॑
चा॒भिच॑रति॒ सर॑स्व॒त्याज्य॑भागा भ॑वति॒ वाग्वै॑ सर॑स्वती
वा॒चैवैन॑म॒भिच॑रति॒ बा॒र्हस्प॑त्यश्च॒रुर्भ॑वति॒ ब्रह्म॑ वै दे॒वानां॑
बृ॒हस्प॑तिर्ब्रह्म॑णै॒वैन॑म॒भिच॑रति॒ (४६)

प्रति॒ वै प॒रस्ता॑दभि॒चर॑न्तम॒भिच॑रन्ति॒ द्वेद्वे॑ पु॒रोनु॑वा॒क्ये

कुर्यादतिप्रयुक्त्या एतयैव यजेताभिचर्यमाणो देवताभिरेव देवताः
 प्रतिचरति यज्ञेन यज्ञं वाचा वाचं ब्रह्मणा ब्रह्म स देवताश्चैव
 यज्ञं च मद्धतो व्यवसर्पति तस्य न कुतश्चनोपाव्याधो भवति
 नैनमभिचरन्थस्तृणुत आग्नावैष्णवमेकादशकपालं निर्वपेद्यं यज्ञो
 नो- (४७)

पुनर्मेदग्निः सर्वा देवता विष्णुर्यज्ञोऽग्निं चैव विष्णुं च स्वेन
 भागधेयेनोप धावति तावेवास्मै यज्ञं प्रयच्छत उपैनं यज्ञो
 नमत्याग्नावैष्णवं घृते चरुं निर्वपेच्चक्षुष्कामोऽग्नेर्वै चक्षुषा मनुष्या
 वि पश्यन्ति यज्ञस्य देवा अग्निं चैव विष्णुं च स्वेन भागधेयेनोप
 धावति तावेवा- (४८)

स्मिञ्चक्षुर्धत्तश्चक्षुष्मानेव भवति धेन्वै वा एतद्रेतो
 यदाज्यमनुदुहस्तण्डुला मिथुनादेवास्मै चक्षुः प्रजनयति
 घृते भवति तेजो वै घृतं तेजश्चक्षुस्तेजसैवास्मै तेजश्चक्षुरवरुन्ध
 इन्द्रियं वै वीर्यं वृद्धे भ्रातृव्यो यजमानोऽयजमानस्याद्धरकल्पां
 प्रति निर्वपेद्भ्रातृव्ये यजमाने नास्येन्द्रियं (४९)

वीर्यं वृद्धे पुरा वाचः प्रवदितोनिर्वपेद्यावत्येव वाक्तामप्रोदितां
 भ्रातृव्यस्य वृद्धे तामस्य वाचं प्रवदन्तीमन्या वाचोऽनु
 प्रवदन्ति ता इन्द्रियं वीर्यं यजमाने दधत्याग्नावैष्णव-

मृष्टाकपालं निर्वपेत्प्रातः सवनस्याकाले सरस्वत्याज्यभागा
स्याद्वारहस्पत्यश्चरुर्यदष्टाकपालो भवत्यष्टाक्षरा गायत्री गायत्रं
प्रातः सवनं प्रातः सवनमेव तेनाऽऽप्नो- (५०)

त्याग्रावैष्णवमेकादशकपालं निर्वपेन्माध्यन्दिनस्य सवनस्याकाले
सरस्वत्याज्यभागा स्याद्वारहस्पत्यश्चरुर्यदेकादशकपालो
भवत्येकादशाक्षरा त्रिष्टुष्टैष्टुभं माध्यन्दिनं सवनं माध्यन्दिनमेव
सवनं तेनाऽऽप्नोत्याग्रावैष्णवं द्वादशकपालं निर्वपेत्तृतीयसवनस्याकाले
सरस्वत्याज्यभागा स्याद्वारहस्पत्यश्चरुर्यद्द्वादशकपालो भवति
द्वादशाक्षरा जगती जागतं तृतीयसवनं तृतीयसवनमेव
तेनाऽऽप्नोति देवताभिरेव देवताः (५१)

प्रतिचरति यज्ञेन यज्ञं वाचा वाचं ब्रह्मणा ब्रह्म कपालैरेव
छन्दाऽस्याप्नोति पुरोडाशैः सवनानि मैत्रावरुणमेककपालं
निर्वपेद्विंशत्यै काले यैवासौ भ्रातृव्यस्य वशाऽनूबन्ध्या सो
एवैषैतस्यैककपालो भवति नहि कपालैः पशुमर्हत्याप्तुम्॥ (५२)

ब्रह्मणैवेनम्भिचरति यज्ञो न तावेवास्यान्द्रियमाप्नोति देवताः सप्तत्रिंशच्च॥ [१]

असावादित्यो न व्यरोचत तस्मै देवाः प्रायश्चित्तिमैच्छन्तस्मां
एतं सोमारौद्रं चरुं निरवपन्तेनैवास्मिन्नुचमदधुर्यो ब्रह्मवर्चसकामः
स्यात्तस्मां एतं सोमारौद्रं चरुं निर्वपेत्सोमं चैव रुद्रं च स्वेन
भागधेयेनोप धावति तावेवास्मिन्ब्रह्मवर्चसन्धत्तो ब्रह्मवर्चस्यैव

भवति तिष्यापूर्णमासे निर्वपेद्रुद्रो- (५३)

वै तिष्यः सोमः पूर्णमासः साक्षादेव ब्रह्मवर्चसमवरुन्धे
परिश्रिते याजयति ब्रह्मवर्चसस्य परिगृहीत्यै श्वेतायै श्वेतवत्सायै
दुग्धं मथितमाज्यं भवत्याज्यं प्रोक्षणमाज्येन मार्जयन्ते यावदेव
ब्रह्मवर्चसं तत्सर्वं करोत्यति ब्रह्मवर्चसं क्रियत इत्याहुरीश्वरो
दुश्चर्मा भवितोरिति मानवी ऋचौ धार्ये कुर्याद्यद्वै किं च
मनुरवदत्तद्वेषजं (५४)

भेषजमेवास्मै करोति यदि बिभीयाद्दुश्चर्मा भविष्यामीति
सोमापौष्णं चरुं निर्वपेत्सौम्यो वै देवतया पुरुषः पौष्णाः पशवः
स्वयैवास्मै देवतया पशुभिस्त्वचं करोति न दुश्चर्मा भवति
सोमारौद्रं चरुं निर्वपेत्प्रजाकामः सोमो वै रेतोधा अग्निः प्रजानां
प्रजनयिता सोम एवास्मै रेतो दधात्यग्निः प्रजां प्रजनयति
विन्दते (५५)

प्रजाः सोमारौद्रं चरुं निर्वपेदभिचरन्त्सौम्यो वै देवतया पुरुष
एष रुद्रो यदग्निः स्वाया एवैनं देवतायै निष्क्रीय रुद्रायपि दधाति
ताजगार्तिमाच्छति सोमारौद्रं चरुं निर्वपेज्ज्योगामयावी सोमं वा
एतस्य रसो गच्छत्यग्निः शरीरं यस्य ज्योगामयति सोमादेवास्य
रसं निष्क्रीणात्यग्नेः शरीरमुत यदी- (५६)

तासुर्भवति जीवत्येव सोमारुद्रयोर्वा एतं ग्रसितं होता
 निष्विदति स ईश्वर आर्तिमार्तोरनङ्गान् होत्रा देयो वह्निर्वा
 अनङ्गान् वह्निर्होता वह्निर्नैव वह्निर्मात्मानं स्पृणोति सोमारौद्रं
 चरुं निर्वपेद्यः कामयेत स्वेऽस्मा आयतने भ्रातृव्यं जनयेयमिति
 वेदिं परिगृह्याद्धमुद्धन्याद्धं नार्द्धं बर्हिषः स्तृणीयाद्धं
 नार्द्धमिद्धस्याभ्याद्ध्याद्धं न स्व एवास्मा आयतने भ्रातृव्यं
 जनयति॥ (५७)

रुद्रो भेषजं विन्दते यदि स्तृणीयाद्धं द्वादश च॥ [१०]

ऐन्द्रमेकादशकपालं निर्वपेन्मारुतं सप्तकपालं ग्रामकाम
 इन्द्रं चैव मरुतंश्च स्वेन भागधेयेनोप धावति त एवास्मै
 सजातान्प्रयच्छन्ति ग्राम्येव भवत्याहवनीयं ऐन्द्रमधिश्रयति
 गार्हपत्ये मारुतं पापवस्यसस्य विधृत्यै सप्तकपालो मारुतो
 भवति सप्तगणा वै मरुतो गणश एवास्मै सजातानवरुन्धेऽनूच्यमानं
 आसादयति विशमेवा- (५८)

स्मा अनुवर्त्मानं करोत्येतामेव निर्वपेद्यः कामयेत क्षत्राय च
 विशे च समदं दद्यामित्यैन्द्रस्यावद्यन्ब्रूयादिन्द्रायानुं ब्रूहीत्याश्राव्यं
 ब्रूयान्मारुतो यजेति मारुतस्यावद्यन्ब्रूयान्मरुद्ध्योऽनुब्रूहीत्याश्राव्यं
 ब्रूयादिन्द्रं यजेति स्व एवैभ्यो भागधेये समदं दधाति
 वितृं हाणास्तिष्ठन्त्येतामेव (५९)

निर्वपेद्यः कामयेत कल्पैरन्निति यथादेवतमवदाय यथादेवतं
यजेद्भागधेयेनैवैनान् यथायथं कल्पयति कल्पन्त एवैन्द्रमेकादश-
कपालं निर्वपेद्वैश्वदेवं द्वादशकपालं ग्रामकाम इन्द्रं चैव विश्वाँश्च
देवान्स्वेन भागधेयेनोप धावति त एवास्मै सजातान्प्रयच्छन्ति
ग्राम्यैव भवत्यैन्द्रस्यावदाय वैश्वदेवस्यावद्येदथैन्द्रस्यो- (६०)

परिष्ठादिन्द्रियेणैवास्मा उभयतः सजातान्परिगृह्णात्युपाधाय्यपूर्वय-
वासो दक्षिणा सजातानामुपहित्यै पृश्नि्यै दुग्धे प्रियङ्गवं चरुं
निर्वपेन्मरुद्भ्यो ग्रामकामः पृश्नि्यै वै पयंसो मरुतो जाताः
पृश्नि्यै प्रियङ्गवो मारुताः खलु वै देवतया सजाता मरुत एव
स्वेन भागधेयेनोप धावति त एवास्मै सजातान्प्रयच्छन्ति ग्राम्यैव
भवति प्रियवती याज्यानुवाक्ये (६१)

भवतः प्रियमेवैनं समानानां करोति द्विपदा पुरोनुवाक्या
भवति द्विपद एवावरुन्धे चतुष्पदा याज्या चतुष्पद एव पशूनव-
रुन्धे देवासुराः सं यत्ता आसन्ते देवा मिथो विप्रिया आसन्ते
इत्योन्यस्मै ज्यैष्ठ्यायातिष्ठमानाश्चतुर्धा व्यक्रामन्नग्निर्वसुभिः सोमो
रुद्रेरिन्द्रो मरुद्विररुण आदित्यैः स इन्द्रः प्रजापतिमुपाधावत्तमे-
(६२)

तया संज्ञान्याऽयाजयदग्नये वसुमते पुरोडाशमष्टाकपालं
निरवपथ्सोमाय रुद्रवते चरुमिन्द्राय मरुत्वते पुरोडाशमेकादश-
कपालं वरुणायाऽऽदित्यवते चरुं ततो वा इन्द्रं देवा ज्यैष्ठ्यायाभि

समंजानत॒ यः संमानैर्मि॒थो विप्रि॑यः स्यात्तमे॒तया॑ सं॒ज्ञान्या॑
याजयेद॒ग्नये॒ वसु॑मते पुरो॒डाश॑म॒ष्टाक॑पालं निर्वपे॒त्सोमा॑य रु॒द्रव॑ते
च॒रुमिन्द्रा॑य मरु॒त्व॑ते पुरो॒डाश॑मेका॒दश॑कपालं वरु॒णायाऽऽदि॑त्यव॑ते
च॒रुमिन्द्र॑मे॒वैनं॑ भू॒तं ज्यैष्ठ्या॑य समा॒ना अ॒भिस॑ञ्जानते वसि॑ष्ठः
समा॒नाना॑ भवति॥ (६३)

विश॑मेव तिष्ठन्त्ये॒तामे॒वाथै॒न्द्रस्य॑ याज्यानुवा॒क्यं तं वरु॑णाय चतु॒र्दश॑ च॥ [११]

हिर॒ण्यग॒र्भ आपो॑ ह॒ यत्प्रजा॑पते। स वे॒द पु॒त्रः पि॒तर॑
स मा॒तर॑ स॒ सूनृ॑र्भुव॒त्स भु॑व॒त्पुन॑र्मघः। स द्यामौ॒र्णोद॑न्तरि॒क्ष
स सु॒वः स विश्वा॑ भुवो॑ अभव॒त्स आऽभ॑वत्। उदु॒त्यं चि॒त्रम्।
सप्र॑ल॒वन्न॑वी॒यसाऽग्ने॑ द्यु॒म्नेन॑ सं॒ यता॑। बृ॒हत्त॑तन्थ भानु॑ना। निका॒व्या
वे॒धसः॒ शश्व॑तस्कर॒हस्ते॒ दधा॑नो - (६४)

नर्या॑ पुरू॒णि। अ॒ग्निर्भु॑व॒द्रयि॑पती॒ रयी॑णा स॒त्रा च॑क्रा॒णो
अ॒मृता॑नि॒ विश्वा॑। हिर॑ण्यपाणिमू॒तये॑ सवि॒तार॑मुप॒ ह्वये॑। स चे॒त्ता
दे॒वता॑ प॒दम्। वा॒मम॑द्य स॒वित॑र्वा॒ममु॒ श्वो दि॒वेदि॑वे वा॒मम॑स्मभ्य॑
सा॒वीः। वा॒मस्य॑ हि क्षय॑स्य दे॒व भूरे॑र॒या धि॒या वा॑म॒भाजः॑ स्याम।
बडि॒त्था पर्व॑तानां खि॒द्रं बि॑भर्षि पृथि॒वि। प्र या॑ भूमि॒ प्रव॑त्वति
म॒हा जि॒नोषि॑ (६५)

महि॒नि। स्तोमा॑सस्त्वा विचारि॒णि प्र॑ति॒ष्ठोभ॑न्त्य॒क्तुभिः॑। प्र या॑
वाज॒न्न हेष॑न्तं पे॒रुम॑स्य॒स्यर्जु॑नि। ऋ॒दूदरे॑ण॒ सख्या॑ सचे॒य यो मा॑

न रिष्येद्वर्यश्च पीतः। अयं यः सोमो न्यधाय्यस्मे तस्मा इन्द्रं
प्रतिरमेम्यच्छ। आपान्तमन्युस्तृपलप्रभर्मा धुनिः शिमीवाञ्छरुमा
ऋजीषी। सोमो विश्वान्यतसा वनानि नार्वागिन्द्रं प्रतिमानानि देभुः।
प्र (६६)

सुवानः सोमं ऋतयुश्चिकेतेन्द्राय ब्रह्म जमदग्निर्चर्त्त। वृषा
यन्तासि शवसस्तुरस्यान्तर्यच्छ गृणते धर्त्रं दृह। सुबाधस्ते
मदश्च शुष्मयं च ब्रह्म नरो ब्रह्मकृतः सपर्यन्त। अर्को वा यत्तुरते
सोमचक्षास्तत्रेदिन्द्रो दधते पृथ्सु तुर्याम्। वर्षद्वे विष्णवांस आ
कृणोमि तन्मे जुषस्व शिपिविष्ट हव्यम्। (६७)

वर्धन्तु त्वा सुष्टुतयो गिरौ मे यूयं पात स्वस्तिभिः सदा नः।
प्र तत्तै अद्य शिपिविष्ट नामार्यः शंसामि वयुनानि विद्वान्। तं त्वा
गृणामि तवसमतवीयान्क्षयन्तमस्य रजंसः पराके। किमित्तै विष्णो
परिचक्ष्य भूत्प्रयद्ववक्षे शिपिविष्टो अस्मि। मा वर्षो अस्मदपंगूह
एतद्यदन्यरूपः समिथे बभूथ। (६८)

अग्ने दा दाशुषे रयिं वीरवन्तं परीणसम्। शिशीहि नः सूनुमतः।
दा नो अग्ने शतिनो दाः सहस्रिणो दुरो न वाजः श्रुत्या अपावृधि।
प्राची द्यावापृथिवी ब्रह्मणा कृधि सुवर्ण शुक्रमुषसो विदिद्युतुः।
अग्निर्दा द्रविणं वीरपेशा अग्निर्ऋषिं यः सहस्रां सनोति। अग्निर्दिवि
हव्यमाततानाग्नेर्धामानि विभृता पुरुत्रा। मा (६९)

नो मर्द्धीरा तू भ॑र। घृ॒तं न पू॒तं त॒नूर॑रे॒पाः शुचि॑ हिर॑ण्यम्।
 तत्ते॑ रु॒क्मो न रो॑चत स्वधावः। उ॒भे सु॑श्चन्द्र स॒र्पिषो॑ द॒र्वी श्री॑णीष
 आ॒सनि॑। उ॒तो न॒ उत्पु॑पूर्या उ॒क्थे॑षु शवसस्पत॒ इष॑ः स्तो॒तृभ्य॒ आ
 भ॑र। वा॒यो श॒त॑ ह॒रीणां॑ यु॒वस्व॒ पोष्या॑णाम्। उ॒त वा॑ ते सह॒स्रिणो॒
 रथ॑ आ या॒तु पा॑जसा। प्र याभि॒र्- (७०)

यासि॑ दा॒श्वा॑स॒मच्छा॑ नि॒युद्धि॑र्वायवि॒ष्टये॑ दुरो॒णे। नि नो॑ र॒यि॑
 सु॒भोज॑सं यु॒वेह॑ नि वी॒रव॑द्रव्यम॒श्वियं॑ च राधः। रे॒वती॑र्नः सध॒माद॑
 इ॒न्द्रे स॑न्तु तु॒विवा॑जाः। क्षु॒मन्तो॒ याभि॑र्मदे॒म। रे॒वा॑ इ॒द्रेव॑तः स्तो॒ता
 स्या॑त्त्वाव॒तो म॒घो नः॑। प्रेदु॑ हरि॒वः श्रु॑तस्य॥ (७१)

जिनोषि॑ दे॒भुः प्र ह॒व्यं ब॒भूथ॑ मा याभि॑श्चत्वारि॒श॑च॥ [१२]

[प्रजापतिस्ताः सृष्टा अग्नये पथिकृतेऽग्नये कामायाग्नयेऽन्नवते वैश्वानरमादित्यं चरुमेन्द्रं चरुमिन्द्रायान्वृजव
 आग्नावैष्णवमसौ सौमारौद्रमेन्द्रमेकादशकपालः हिरण्यगर्भो द्वादश॥ (१२) प्रजापतिरग्नये कामायाभि सम्भवतो
 यो विद्विषाणयोरिन्द्रो सन्नह्येदाग्नावैष्णवमुपरिष्टाद्यासि दाश्वा॑स॒मेकं॑ सततिः॥ (७१) प्रजापतिः प्रेदु॑ हरि॒वः
 श्रु॑तस्य॥]

॥तृतीयः प्रश्नः॥

॥तैत्तिरीयसंहितायां द्वितीयकाण्डे तृतीयः प्रश्नः॥

आ॒दि॒त्येभ्यो॒ भुव॑द्व॒द्भ्यश्च॑रुं निर्व॑पे॒द्भूति॑काम आ॒दि॒त्या वा
 ए॒तम्भू॒त्यै प्र॑ति नुदन्ते॒ योऽल॑म्भू॒त्यै स॑न्भूतिं न प्रा॒प्नोत्या॑दि॒त्याने॒व

भुवद्वतः स्वेन भागधेयेनोप धावति त एवैनम्भूतिं गमयन्ति
 भवत्येवाऽऽदित्येभ्यो धारयद्वद्भ्यश्चरुं निर्वपेदपरुद्धो वाऽपरुध्यमानो
 वाऽऽदित्या वा अपरोद्धार आदित्या अवगमयितार आदित्यानेव
 धारयद्वतः (१)

स्वेन भागधेयेनोप धावति त एवेनं विशि दाध्रत्यनपरुध्यो
 भवत्यदितेऽनु मन्यस्वेत्यपरुध्यमानोऽस्य पदमा ददीतेयं
 वा अदितिरियमेवास्मै राज्यमनु मन्यते सत्याशीरित्याह
 सत्यामेवाशिषं कुरुत इह मन इत्याह प्रजा एवास्मै समनसः
 करोत्युप प्रेतं मरुतः (२)

सुदानव एना विशपतिनाभ्यमुं राजानमित्याह मारुती वै
 विद्भ्यो विशपतिर्विशैवनं राष्ट्रेण समर्धयति यः परस्ताद्भ्राम्यवादी
 स्यात्तस्य गृहाद्वीहीना हरेच्छुक्लाःश्च कृष्णाःश्च वि चिनुयाद्ये
 शुक्लाः स्युस्तमादित्यं चरुं निर्वपेदादित्या वै देवतया विद्विशमेवाव
 गच्छति (३)

अवगतास्य विडनवगतं राष्ट्रमित्याहुर्ये कृष्णाः स्युस्तं वारुणं
 चरुं निर्वपेद्वारुणं वै राष्ट्रमुभे एव विशं च राष्ट्रं चाव गच्छति यदि
 नावगच्छेदिममहमादित्येभ्यो भागं निर्वपाम्यामुष्मादमुष्यै विशो-
 ऽवगन्तोरिति निर्वपेदादित्या एवैनम्भागधेयम्प्रेप्सन्तो विशमव (३)

गमयन्ति यदि नावगच्छेदाश्चत्थान्मयूखान्त्सप्त मध्यमेषायामुप

ह॒न्यादि॑द॒म॒ह॒मादि॑त्या॒न्ब॒ध्ना॒म्यामु॑ष्मा॒दमु॑ष्यै॒ विशो॑ऽव॒गन्तो॑रि॒त्यादि॑त्या
 ए॒वैन॑म्ब॒द्धवी॑रा॒ विश॑म॒व ग॑मयन्ति॒ यदि॑ ना॒व॒गच्छे॑दे॒तमे॒वाऽऽदि॑त्यं
 च॒रुं निर्व॑पेदि॒ध्मेऽपि॑ म॒यू॒खान्त्सं॑ न॒ह्येद॑नप॒रुध्य॑मे॒वाव॑
 गच्छ॑त्याश्व॒त्था भ॑वन्ति म॒रुतां॑ वा ए॒तदो॑जो॒ यद॑श्व॒त्थ ओज॑सै॒व
 विश॑म॒व गच्छ॑ति स॒प्त भ॑वन्ति स॒प्तग॑णा॒ वै म॒रुतो॑ गण॒श ए॒व
 विश॑म॒व गच्छ॑ति॥ (५)

धारयद्वतो मरुतो गच्छति विशमवैतदष्टादश च॥ [१]

दे॒वा वै मृ॒त्योर्बि॑भयु॒स्ते प्र॒जाप॑तिमु॒पाधा॑वन्तेभ्य॒
 ए॒ताम्प्रा॑जाप॒त्या५ श॒तकृ॑ष्णलां॒ निर॑वप॒त्तयै॒वैष्व॑मृ॒तम॑दधा॒द्यो
 मृ॒त्योर्बि॑भी॒यात्तस्मा॑ ए॒ताम्प्रा॑जाप॒त्या५ श॒तकृ॑ष्णलां॒ निर्व॑पेत्प्र॒जाप॑तिमे॒
 स्वेन॑ भा॒ग॒धेये॒नोप॑ धावति॒ स ए॒वास्मि॑न्नायु॒र्दधा॑ति॒ सर्व॑मायु॒रेति॑
 श॒तकृ॑ष्णला भवति श॒तायुः॑ पु॒रुषः॑ श॒तेन्द्रि॑य॒ आयु॑ष्ये॒वेन्द्रि॑ये (६)

प्रति॑ तिष्ठति घृ॒ते भ॑व॒त्यायुर्वै॑ घृ॒तम॑मृ॒त५ हि॑र॒ण्यमा॑यु॒श्चैवास्मा॑
 अ॒मृतं॑ च स॒मीची॑ दधाति च॒त्वारि॑च॒त्वारि॑ कृष्णला॒न्यव॑ द्यति
 चतु॑रव॒त्तस्या॑स्या॒ एक॑धा ब्र॒ह्मण॑ उप॑ ह॒रत्ये॑क॒धैव॑ यज॑मान॒
 आयु॑र्दधात्य॒सावा॑दि॒त्यो न व्य॑रोच॒त तस्मै॑ दे॒वाः प्राय॑श्चित्ति॒
 मैच्छ॑न्तस्मा॑ ए॒त५ सौ॒र्यं च॒रुं निर॑वप॒न्तेनै॒वास्मि॑ (७)

त्रुच॑म॒दधुर्यो॑ ब्र॒ह्मव॑र्च॒सका॑मः॒ स्यात्त॑स्मा॑ ए॒त५ सौ॒र्यं
 च॒रुं निर्व॑पेद॒मुमे॒वाऽऽदि॑त्य५ स्वेन॑ भा॒ग॒धेये॒नोप॑ धावति॒ स

ए॒वास्मिन्ब्र॒ह्मव॑र्च॒सं द॑धाति ब्र॒ह्मव॑र्च॒स्यैव॑ भ॒वत्यु॒भयतो॑ रु॒क्मौ भ॑वत
 उ॒भयत॑ ए॒वास्मिन्नु॑चं दधाति प्रया॒जेप्र॑याजे कृ॒ष्णलं॑ जुहोति दि॒ग्भ्य
 ए॒वास्मै॑ ब्र॒ह्मव॑र्च॒समव॑ रु॒द्ध आग्ने॒यम॒ष्टाक॑पालं॒ निर्व॑पे॒त्सावि॒त्रं
 द्वा॒द॒श॒क॒पा॒ल॒म्भूम्यै॑ (८)

च॒रुं यः का॒मये॑त॒ हिर॑ण्यं वि॒न्देय॒ हिर॑ण्य॒म्मोप॑
 नमे॒दिति॑ यदा॑ग्ने॒यो भ॑व॒त्याग्ने॒यं वै हिर॑ण्यं॒ यस्यै॒व हिर॑ण्यं
 तेनै॒वैन॑द्वि॒न्दते॒ सावि॒त्रो भ॑वति सवि॒तृप्र॑सूत ए॒वैन॑द्वि॒न्दते भूम्यै॑
 च॒रुर्भ॑वत्य॒स्यामे॒वैन॑द्वि॒न्दत॒ उपै॑न॒५ हिर॑ण्यं नमति॒ वि वा ए॒ष
 इ॒न्द्रि॒येण॑ वी॒र्ये॑ण॒र्ध्यते॒ यो हिर॑ण्यं वि॒न्दत॑ ए॒ताम् (९)

ए॒व निर्व॑पे॒द्धिर॑ण्यं वि॒त्त्वा ने॒न्द्रि॒येण॑ वी॒र्ये॑ण॒ व्यु॑ध्यत
 ए॒तामे॒व निर्व॑पे॒द्यस्य॒ हिर॑ण्यं नश्ये॒द्यदा॑ग्ने॒यो भ॑व॒त्याग्ने॒यं वै
 हिर॑ण्यं॒ यस्यै॒व हिर॑ण्यं॒ तेनै॒वैन॑द्वि॒न्दति॒ सावि॒त्रो भ॑वति
 सवि॒तृप्र॑सूत ए॒वैन॑द्वि॒न्दति॒ भूम्यै॑ च॒रुर्भ॑वत्य॒स्यां वा ए॒तन्न॑श्यति॒
 यन्न॑श्यत्य॒स्यामे॒वैन॑द्वि॒न्दती॒न्द्रः (१०)

त्वष्टुः सोम॑मभीषहा॑पिब॒त्स विष्व॒ङ्ग्या॑र्च्छ॒त्स इ॒न्द्रि॒येण॑
 सोम॑पी॒थेन॒ व्या॑र्ध्यत॒ स यदूर्ध्व॑मुद॒वमी॑त्ते श्या॒माका॑ अभव॒त्स
 प्रजा॑प॒तिमु॒पा॒धाव॑त्तस्मा॑ ए॒त५ सो॒मेन्द्र॑५ श्या॒माकं॒ च॒रुं
 नि॒र॒व॒प॒त्तेनै॒वास्मि॑न्नि॒न्द्रि॒य५ सोम॑पी॒थम॑दधा॒द्वि वा ए॒ष इ॒न्द्रि॒येण॑
 सोम॑पी॒थेन॑र्ध्यते॒ यः सोमं॑ व॒मिति॒ यः सोम॑वा॒मी स्या॑त्तस्मै॑ (११)

ए॒त॒ꣳ सो॒मेन्द्र॑ꣳ श्या॒माकं॑ च॒रुं निर्व॑पे॒त्सोमं॑ चै॒वेन्द्रं॑ च॒ स्वेन॑
भा॒ग॒धेये॒नोप॑ धावति॒ तावे॒वास्मिन्निन्द्रि॑यꣳ सो॒मपी॒थं ध॑त्तो॒ नेन्द्रि॑येण
सो॒मपी॒थेन॑ व्यृ॒ध्यते॑ यत्सो॒म्यो भ॑व॒न्ति सो॒मपी॒थमे॒वाव॑ रु॒न्दे यदै॒न्द्रो
भ॑व॒तीन्द्रि॑यं वै सो॒मपी॒थ इन्द्रि॑यमे॒व सो॒मपी॒थम॑व॒ रुन्दे॑ श्या॒माको
भ॑वत्ये॒ष वा॒व स सोमः॑ (१२)

सा॒क्षादे॒व सो॒मपी॒थम॑व॒ रुन्दे॑ऽग्नये॑ दा॒त्रे पु॒रोडा॑शम॒ष्टाक॑पालं
निर्व॑पेदिन्द्रा॒य प्र॑दा॒त्रे पु॒रोडा॑शमेका॒दश॑कपालम् प॒शुका॑मो॒
ऽग्निरे॒वास्मै॑ प॒शून्प्र॑ज॒नय॑ति वृ॒द्धानिन्द्रः॑ प्र यच्छति॒ दधि॑ मधुं
घृ॒तमा॑पो॒ धाना॑ भ॒वन्त्ये॒तद्वै प॑शूनाꣳ रू॒पꣳ रू॒पेणै॒व प॑शू॒नव॑ रु॒न्दे
प॒ञ्चगृ॑ही॒तम्भ॑वति॒ पाङ्का॑ हि प॒शवो॑ बहुरू॒पम्भ॑वति बहुरू॒पा हि
प॒शवः॑ (१३)

समृ॑द्धौ प्राजाप॒त्यम्भ॑वति प्राजाप॒त्या वै प॒शवः॑
प्र॒जाप॑तिरे॒वास्मै॑ प॒शून्प्र॑ ज॒नय॑त्या॒त्मा वै पु॒रुष॑स्य॒ मधुं
यन्म॑ध्व॒ग्नौ जु॑होत्या॒त्मान॑मे॒व तद्य॑ज॒मानो॑ऽग्नौ प्र द॑धाति प॒ङ्क्त्यौ
या॒ज्यानु॑वा॒क्ये भ॑वतः॒ पाङ्काः॑ पु॒रुषः॑ पाङ्काः॑ प॒शव॑ आ॒त्मान॑मे॒व
मृ॒त्योर्नि॑ष्क्रीय॑ प॒शून्व॑ रु॒न्दे॥ (१४)

इन्द्रियेऽस्मिन्भूम्यां एतामिन्द्रः स्यात्तस्मै सोमो बहुरूपा हि पशव एकचत्वारिंशच्च॥ — [२]

दे॒वा वै स॒त्रमा॑स॒तर्द्धि॑परिमितं॒ यश॑स्का॒मास्तेषा॑ꣳ सोमꣳ
राजा॑नं॒ यश॑ आ॒र्च्छ॑त्स गि॒रिमु॑दै॒त्तम॑ग्नि॒रनू॑दै॒त्ताव॑ग्री॒षोमौ॑

समंभवतान्ताविन्द्रो यज्ञविभ्रष्टोऽनु परैत्तावंब्रवीद्याजयत्तम्मेति
तस्मा एतामिष्टिं निर्वपतामाग्नेयमष्टाकंपालमैन्द्रमेकादशकपालं
सौम्यं चरुन्तयैवास्मिन्तेजः (१५)

इन्द्रियम्ब्रह्मवर्चसमधत्तां यो यज्ञविभ्रष्टः स्यात्तस्मा एतामिष्टिं
निर्वपेदाग्नेयमष्टाकंपालमैन्द्रमेकादशकपालं सौम्यं चरुं यदाग्नेयो
भवति तेज एवास्मिन्तेन दधाति यदैन्द्रो भवतीन्द्रियमेवास्मिन्तेन
दधाति यथ्सौम्यो ब्रह्मवर्चसं तेनाग्नेयस्य च सौम्यस्य चैन्द्रे
समाश्लेषयेत्तेजश्चैवास्मिन्ब्रह्मवर्चसं च समीचीं (१६)

दधात्यग्नीषोमीयमेकादशकपालं निर्वपेद्यं कामो नोपनमेदाग्नेयो
वै ब्राह्मणः स सोमं पिबति स्वामेव देवताः स्वेन भागधेयेनोप
धावति सैवैनं कामेन समर्धयत्युपैनं कामो नमत्यग्नीषोमीयमष्टा-
कपालं निर्वपेद्ब्रह्मवर्चसकामोऽग्नीषोमावेव स्वेन भागधेयेनोप
धावति तावेवास्मिन्ब्रह्मवर्चसं धत्तो ब्रह्मवर्चस्यैव (१७)

भवति यदष्टाकपालस्तेनाग्नेयो यच्छ्यामाकस्तेन सौम्यः
समृद्धौ सोमाय वाजिने श्यामाकं चरुं निर्वपेद्यः क्लैव्याद्विभीयाद्रेतो
हि वा एतस्माद्वाजिनमपक्रामत्यथैष क्लैव्याद्विभाय सोममेव
वाजिनः स्वेन भागधेयेनोप धावति स एवास्मिन्नेतो
वाजिनं दधाति न क्लीबो भवति ब्राह्मणस्पत्यमेकादशकपालं
निर्वपेद्भामकामः (१८)

ब्रह्मणस्पतिमेव स्वेन भागधेयेनोप धावति स एवास्मै
 सजातान्प्र यच्छति ग्राम्यैव भवति गुणवती याज्यानुवाक्ये भवतः
 सजातैरेवैनं गुणवन्तं करोत्येतामेव निर्वपेद्यः कामयेत ब्रह्मन्विशं
 वि नाशयेयमिति मारुती याज्यानुवाक्ये कुर्याद्ब्रह्मन्नेव विशं वि
 नाशयति॥ (१९)

तेजः समीचीं ब्रह्मवर्चस्यैव ग्रामकामस्त्रिचत्वारिंशच्च॥ [३]

अर्यम्णे चरुं निर्वपेत्सुवर्गकामोऽसौ वा आदित्योऽर्यमा-
 र्यमणमेव स्वेन भागधेयेनोप धावति स एवैनं सुवर्गं
 लोकं गमयत्यर्यम्णे चरुं निर्वपेद्यः कामयेत दानकामा मे
 प्रजाः स्युरित्यसौ वा आदित्योऽर्यमा यः खलु वै ददाति
 सोऽर्यमाऽर्यमणमेव स्वेन भागधेयेनोप धावति स एव (२०)

अस्मै दानकामाः प्रजाः करोति दानकामा अस्मै प्रजा
 भवन्त्यर्यम्णे चरुं निर्वपेद्यः कामयेत स्वस्ति जनतामियामित्यसौ
 वा आदित्योऽर्यमाऽर्यमणमेव स्वेन भागधेयेनोप धावति स एवैनं
 तद्गमयति यत्र जिगमिषतीन्द्रो वै देवानामानुजावर आसीत्स
 प्रजापतिमुपाधावत्तस्मा एतमैन्द्रमानुषूकमेकादशकपालं निः (२१)

अवपत्तेनैवैनमग्रं देवतानां पर्यणयद्ब्रुध्रवती अग्रवती
 याज्यानुवाक्ये अकरोद्ब्रुध्रादेवैनमग्रं पर्यणयद्यो राजन्यं आनुजावरः
 स्यात्तस्मा एतमैन्द्रमानुषूकमेकादशकपालं निर्वपेदिन्द्रमेव स्वेन

भागधेयेनोप धावति स एवैनमग्रं समानानां परि णयति बुध्रवती अग्रवती याज्यानुवाक्ये भवतो बुध्रादेवैनमग्रम् (२२)

परि णयत्यानुषूको भवत्येषा ह्येतस्य देवता य आनुजावरः समृद्धौ यो ब्राह्मण आनुजावरः स्यात्तस्मा एतम्बारहस्पत्यमानुषूकं चरुं निर्वपेद्बृहस्पतिमेव स्वेन भागधेयेनोप धावति स एवैनमग्रं समानानां परि णयति बुध्रवती अग्रवती याज्यानुवाक्ये भवतो बुध्रादेवैनमग्रं परि णयत्यानुषूको भवत्येषा ह्येतस्य देवता य आनुजावरः समृद्धौ॥ (२३)

एव निरग्रमेतस्य चत्वारि च॥ [४]

प्रजापतेस्त्रयस्त्रिंशद्गृहितरं आसन्ताः सोमाय राज्ञेऽददात्तासां रोहिणीमुपेत्ता ईर्ष्यन्तीः पुनरगच्छन्ता अन्वेत्ताः पुनरयाचत ता अस्मै न पुनरददात्सौऽब्रवीदृतममीष्व यथा समावच्छ उपैष्याम्यथ ते पुनर्दास्यामीति स ऋतमांसीत्ता अस्मै पुनरददात्तासां रोहिणीमेवोप (२४)

ऐतं यक्ष्म आर्च्छद्राजानं यक्ष्म आरुदिति तद्राजयक्ष्मस्य जन्म यत्पार्ष्णीयानभवत्तत्पार्ष्णीयक्ष्मस्य यज्ञायाभ्योऽविन्दत्तज्ञायेन्यस्य य एवमेतेषां यक्ष्माणां जन्म वेद नैनमेते यक्ष्मा विन्दन्ति स एता एव नमस्यन्नुपाधावत्ता अब्रुवन्वरं वृणामहै समावच्छ एव न उपाय इति तस्मा एतम् (२५)

आदित्यं चरुं निरवपन्तेनैवैनम्पापात्स्त्रामादमुञ्चन् यः
 पापयक्ष्मगृहीतः स्यात्तस्मा एतमादित्यं चरुं निर्वपेदादित्यानेव
 स्वेन भागधेयेनोप धावति त एवैनं पापात्स्त्रामान्मुञ्चन्त्यमावास्यायां
 निर्वपेदमुमेवैनमाप्यायमानमन्वा प्याययति नवोनवो भवति
 जायमान इति पुरोनुवाक्या भवत्यायुरेवास्मिन्तया दधाति
 यमादित्या अ९ शुमाप्याययन्तीति याज्यैवैनमेतया प्याययति॥ (२६)

एवोपेतमस्मिन्नयोदश च॥

[५]

प्रजापतिर्देवेभ्योऽन्नाद्यं व्यादिशत्सोऽब्रवीद्यदिमाल्लोकानभ्यतिरिच्य
 तन्ममांसदिति तदिमाल्लोकानभ्यत्यरिच्यतेन्द्र९ राजानमिन्द्रमधिराजा
 स्वराजानन्ततो वै स इमाल्लोकाः स्त्रेधादुहत्तत्रिधातोस्त्रिधातुत्वय्यं
 कामयेतान्नादः स्यादिति तस्मा एतं त्रिधातुं निर्वपेदिन्द्राय राज्ञे
 पुरोडाशम् (२७)

एकादशकपालमिन्द्रायाधिराजायेन्द्राय स्वराज्ञेऽयं वा इन्द्रो
 राजायमिन्द्रोऽधिराजोऽसाविन्द्रः स्वराडिमानेव लोकान्स्वेन
 भागधेयेनोप धावति त एवास्मा अन्नम्प्र यच्छन्त्यन्नाद एव भवति
 यथा वत्सेन प्रत्तां गां दुह एवमेवेमाल्लोकान्प्रत्तान्काममन्नाद्यं
 दुह उत्तानेषु कपालेष्वधि श्रयत्ययातयामत्वाय त्रयः पुरोडाशा
 भवन्ति त्रय इमे लोका एषां लोकानामास्या उत्तरउत्तरो
 ज्यायांभवत्येवमिव हीमे लोकाः समृद्धौ सर्वेषामभिगमयन्नव

द्यत्यच्छम्बद्वारव्यत्यासमन्वाहानिर्दाहाय॥ (२८)

पुरोडाशत्रयप्पङ्क्तिशतिश्च॥

[६]

देवा॒सुराः संय॑त्ता आस॒न्तां दे॒वानसु॑रा अजय॒न्ते
दे॒वाः प॑राजिग्या॒ना असु॑राणां वैश्य॒मुपा॑य॒न्तेभ्य॑ इन्द्रि॒यं
वीर्य॑मपा॒क्राम॑त्तदिन्द्रो॑ऽचाय॒त्तदन्व॑पा॒क्राम॑त्तद॒वरु॑धं नाश॑क्रो॒त्तदस्मा॑दभ्य॒
ऽचर॑त्स प्र॒जाप॑तिमुपा॒धाव॑त्तमे॒तया॒ सर्व॑पृष्ठया॒ऽयाज॑य॒त्तयै॒वास्मि॑न्निन्द्रि॒
वीर्य॑मदधा॒द्य इन्द्रि॒यका॑मः (२९)

वीर्य॑कामः स्यात्तमे॒तया॒ सर्व॑पृष्ठया॒ याज॑येदे॒ता ए॒व दे॒वताः
स्वेन॑ भाग॒धेये॒नोप॑ धावति॒ ता ए॒वास्मि॑न्निन्द्रि॒यं वीर्यं॑ दधति॒
यदिन्द्रा॑य॒ राथ॑तराय॒ निर्व॑पति॒ यदे॒वाग्ने॒स्तेज॒स्तदे॒वाव॑ रुन्द्धे
यदिन्द्रा॑य॒ बार॑हताय॒ यदे॒वेन्द्र॑स्य॒ तेज॒स्तदे॒वाव॑ रुन्द्धे॒ यदिन्द्रा॑य॒
वैरू॒पाय॒ यदे॒व स॑वि॒तुस्तेज॒स्तत् (३०)

ए॒वाव॑ रुन्द्धे॒ यदिन्द्रा॑य॒ वैरा॒जाय॒ यदे॒व धा॒तुस्तेज॒स्तदे॒वाव॑ रुन्द्धे
यदिन्द्रा॑य॒ शाक्क॑राय॒ यदे॒व म॒रुतां॑ तेज॒स्तदे॒वाव॑ रुन्द्धे॒ यदिन्द्रा॑य॒
रैव॒ताय॒ यदे॒व बृ॒हस्प॑ते॒स्तेज॒स्तदे॒वाव॑ रुन्द्धे॒ ए॒ताव॑न्ति॒ वै तेजा॑सि॒
तान्ये॒वाव॑ रुन्द्धे॒ उत्ता॑नेषु॒ क॒पाले॑ष्वधि॒ श्रय॑त्यया॒तयाम॑त्वाय॒ द्वाद॑श॒
क॒पालः॑ पुरो॒डाशः॑ (३१)

भ॒वति॒ वैश्व॑दे॒वत्वाय॑ सम॒न्तम्प॑र्यव॒द्यति॒ सम॒न्तमे॒वेन्द्रि॒यं वीर्यं॑
यज॑माने दधाति॒ व्य॒त्यास॑मन्वा॒हानि॑र्दाहायाश्च॒ ऋष॑भो वृ॒ष्णिर्ब॑स्तः

सा दक्षिणा वृषत्वायैतयैव यंजेताभिःशस्यमान एताश्चेद्वा अस्य देवता अन्नमदन्त्युदन्त्युवेवास्य मनुष्याः॥ (३२)

इन्द्रियकामः सवितुस्तेजस्तत्पुरोडाशोऽष्टात्रिंशच्च॥ [७]

रज॑नो वै कौ॒णेयः॑ क्र॒तुजि॑तं जा॒नकिं॑ चक्षुर्व॒न्यम॑या॒त्तस्मा॑
ए॒तामिष्टिं॑ नि॒रव॑पद॒ग्रये॑ भ्राज॑स्वते पु॒रोडा॑शम॒ष्टाक॑पालः सौर्यं
च॒रुम॑ग्रये भ्राज॑स्वते पु॒रोडा॑शम॒ष्टाक॑पाल॒न्तयै॑वास्मि॒श्चक्षु॑र॒दधा॑द्यश्चक्षुष्
स्या॒त्तस्मा॑ ए॒तामिष्टिं॑ नि॒र्वपे॑द॒ग्रये॑ भ्राज॑स्वते पु॒रोडा॑शम॒ष्टाक॑पालः
सौर्यं च॒रुम॑ग्रये भ्राज॑स्वते पु॒रोडा॑शम॒ष्टाक॑पालम॒ग्रेर्वै चक्षु॑षा
मनु॑ष्या वि (३३)

प॒श्यन्ति॑ सूर्यस्य दे॒वा अ॒ग्निं चै॒व सूर्यं च॑ स्वेन॑ भा॒गधे॑येनोप॑
धा॒वति॑ तावे॒वास्मि॑श्चक्षुर्ध॒त्तश्चक्षु॑ष्माने॒व भ॑वति॒ यदा॑ग्ने॒यौ भ॑वतश्चक्षु॑षी
ए॒वास्मि॑न्तत्प्रति॑ दधाति॒ यथ्सौ॒र्यो ना॑सिकां तेना॒भितः॑ सौर्यमा॑ग्ने॒यौ
भ॑वत॒स्तस्मा॑द॒भितो॑ ना॒सिकां चक्षु॑षी तस्मान्ना॒सिक॑या चक्षु॑षी विधृ॒ते
समा॑नी या॒ज्यानु॑वा॒क्ये भ॑वतः समा॒नः हि चक्षुः॑ समृ॒द्ध्या उ॒दु त्यं
जा॒तवे॑दसः सप्त॒ त्वा ह॑रितो रथे चि॒त्रं दे॒वाना॑मु॒दगा॑दनी॒कमि॑ति
पिण्डा॒न्प्र य॑च्छति॒ चक्षु॑रे॒वास्मै॑ प्र य॑च्छति॒ यदे॒व तस्य॑ तत्॥ (३४)

वि ह्यष्टाविंशतिश्च॥ [८]

ध्रु॒वोऽसि॑ ध्रु॒वोऽहः॑ संजा॒तेषु॑ भूयासं धी॒रश्चे॑त्ता वसु॒विद्धु॑वो-
ऽसि॑ ध्रु॒वोऽहः॑ संजा॒तेषु॑ भूयासमु॒ग्रश्चे॑त्ता वसु॒विद्धु॑वोऽसि॑ ध्रु॒वो-

ऽह॑ स॒जा॒तेषु॑ भू॒यास॑मभि॒भूश्चेत्ता॑ वसु॒विदा॑म॒नम॒स्याम॑नस्य दे॒वा
ये स॒जा॒ताः कु॒माराः॑ स॒मन॑स॒स्तान॒हं का॑मये हृ॒दा ते मां का॑मयन्ता॑
हृ॒दा ता॒न्म आ॑म॒नसः॑ कृ॒धि स्वा॑हा॒मन॑मसि (३५)

आ॒म॒न॒स्य दे॒वा याः स्त्रियः॑ स॒मन॑स॒स्ता अ॒हं का॑मये हृ॒दा ता
मां का॑मयन्ता॑ हृ॒दा ता म॒ आ॑म॒नसः॑ कृ॒धि स्वा॑हा वै॒श्वदे॒वी॑
सा॒ङ्ग्रह॑णीं निर्व॑पे॒द्भाम॑कामो वै॒श्वदे॒वा वै स॒जा॒ता वि॒श्वाने॑व
दे॒वान्स्वेन॑ भा॒गधे॑येनोप॑ धावति॒ त ए॒वास्मै॑ स॒जा॒तान्प्र य॑च्छन्ति
ग्रा॒म्येव॑ भ॒वति॑ सा॒ङ्ग्रह॑णी भ॒वति॑ म॒नो॒ग्रह॑णं वै स॒ग्रह॑ण॒म्मन॑ ए॒व
स॒जा॒ताना॑म् (३६)

गृ॒ह्णाति॑ ध्रु॒वोऽसि॑ ध्रु॒वोऽह॑ स॒जा॒तेषु॑ भू॒यास॑मिति॒ परि॒धीन्परि॑
दधा॒त्याशि॑षमे॒वैता॑मा शा॒स्तेऽथो॑ ए॒तदे॒व सर्व॑ स॒जा॒तेष्वधि॑ भवति
यस्यै॒वं वि॒दुष॑ ए॒ते परि॑धयः॒ परि॑धी॒यन्त॒ आ॑म॒नम॒स्याम॑नस्य दे॒वा
इति॑ ति॒स्र आ॑हु॒तीर्जु॑होत्ये॒ताव॑न्तो॒ वै स॒जा॒ता ये म॒हान्तो॑ ये क्षु॒ल्लका॑
याः स्त्रिय॑स्ताने॒वाव॑ रु॒द्धे त ए॑न॒मव॑रुद्धा॒ उप॑ तिष्ठन्ते॥ (३७)

स्वा॒हा॒मन॑मसि स॒जा॒ताना॑ रु॒द्धे पञ्च॑ च॥ [९]

यन्न॒वमै॑त्तन्न॒वनी॑तम॒भव॑द्यद॒सर्प॑त्त॒त्सुर्पि॑र॒भव॑द्यद॒घ्निय॑त
तद्धृ॒तम॑भवद॒श्विनोः॑ प्रा॒णोऽसि॑ तस्य॑ ते दत्तां॒ ययोः॑ प्रा॒णो-
ऽसि॑ स्वा॒हेन्द्र॑स्य प्रा॒णोऽसि॑ तस्य॑ ते ददातु॒ यस्य॑ प्रा॒णोऽसि॑
स्वा॒हा मि॒त्राव॑रुणयोः प्रा॒णोऽसि॑ तस्य॑ ते दत्तां॒ ययोः॑ प्रा॒णोऽसि॑

स्वाहा विश्वेषां देवानां प्राणोऽसि (३८)

तस्य ते ददतु येषां प्राणोऽसि स्वाहा घृतस्य धाराममृतस्य
पन्थामिन्द्रेण दत्ताम्प्रयताम्मरुद्भिः। तत्त्वा विष्णुः पर्यपश्यत्तत्त्वेडा
गव्यैरयत्। पावमानेन त्वा स्तोमेन गायत्रस्य वर्तन्योपाशोर्वीर्येण
देवस्त्वा सवितोऽसृजतु जीवातवे जीवनस्यायै बृहद्रथन्तरयोस्त्वा
स्तोमेन त्रिष्टुभो वर्तन्या शुक्रस्य वीर्येण देवस्त्वा सवितोत् (३९)

सृजतु जीवातवे जीवनस्याया अग्नेस्त्वा मात्रया जगत्स्यै
वर्तन्याग्रयणस्य वीर्येण देवस्त्वा सवितोऽसृजतु जीवातवे
जीवनस्याया इममग्र आयुषे वर्चसे कृधि प्रियः रेतो वरुण सोम
राजन्। मातेवास्मा अदिते शर्म यच्छ विश्वे देवा जरदष्टिर्यथासत्।
अग्निरायुष्मान्त्स वनस्पतिभिरायुष्मान्तेन त्वायुषायुष्मन्तं
करोमि सोम आयुष्मान्त्स ओषधीभिर्यज्ञ आयुष्मान्त्स
दक्षिणाभिर्ब्रह्मायुष्मत्तद्वाह्नैरायुष्मद्देवा आयुष्मन्तस्तेऽमृतेन पितर
आयुष्मन्तस्ते स्वधयायुष्मन्तस्तेन त्वायुषायुष्मन्तं करोमि॥ (४०)

विश्वेषां देवानां प्राणोऽसि त्रिष्टुभो वर्तन्या शुक्रस्य वीर्येण देवस्त्वा सवितोऽसृजतु

आयुष्मान्यश्चैव शतिश्च॥

[१०]

अग्निं वा एतस्य शरीरं गच्छति सोमः रसो वरुण
एनं वरुणपाशेन गृह्णाति सरस्वतीं वागग्नाविष्णू आत्मा
यस्य ज्योगामयति यो ज्योगामयावी स्याद्यो वा कामयेत

सर्वमायुरियामिति तस्मा एतामिष्टिं निर्वपेदाग्नेयमष्टाकपालं
सौम्यं चरुं वारुणं दशकपालं सारस्वतं चरुमाग्नावैष्णवमेका-
दशकपालमग्नेरेवास्य शरीरं निष्क्रीणाति सोमाद्रसम् (४१)

वारुणेनैवैनं वरुणपाशान्मुञ्चति सारस्वतेन वाचं दधात्यग्निः
सर्वा देवता विष्णुर्यज्ञो देवताभिश्चैवैनं यज्ञेन च भिषज्यत्युत
यदीतासुर्भवति जीवत्येव यन्नवमैत्तन्नवनीतमभवदित्याज्यमवैक्षते
रूपमेवास्यैतन्महिमानं व्याचष्टेऽश्विनोः प्राणोऽसीत्याहाश्विनौ वै
देवानाम् (४२)

भिषजौ ताभ्यामेवासमै भेषजं करोतीन्द्रस्य प्राणो-
ऽसीत्याहेन्द्रियमेवास्मिन्नेतेन दधाति मित्रावरुणयोः प्राणोऽसीत्याह
प्राणापानावेवास्मिन्नेतेन दधाति विश्वेषां देवानां प्राणोऽसीत्याह
वीर्यमेवास्मिन्नेतेन दधाति घृतस्य धाराममृतस्य पन्थामित्याह
यथायजुरेवैतत्पावमानेन त्वा स्तोमेनेति (४३)

आह प्राणमेवास्मिन्नेतेन दधाति बृहद्रथन्तरयोस्त्वा
स्तोमेनेत्याहौज एवास्मिन्नेतेन दधात्यग्नेस्त्वा मात्रयेत्याहात्मानमेवासि
दधात्यृत्विजः पर्याहुर्यावन्त एवर्त्विजस्त एनम्भिषज्यन्ति ब्रह्मणो
हस्तमन्वारभ्य पर्याहुरेकधैव यजमान आयुर्दधति यदेव तस्य
तद्धिरण्यात् (४४)

घृतं निष्पिबत्यायुर्वै घृतममृतं हिरण्यममृतादेवायुर्निष्पिबति

शतमानम्भवति शतायुः पुरुषः शतेन्द्रिय आयुष्येवेन्द्रिये प्रति
 तिष्ठत्यथो खलु यावतीः समा एष्यन्मन्येत तावन्मानः
 स्यात्समृद्ध्या इममग्र आयुषे वर्चसे कृधीत्याहायुरेवास्मिन्वर्चो
 दधाति विश्वे देवा जरदष्टिर्यथासदित्याह जरदष्टिमेवैनं
 करोत्यग्निरायुष्मानिति हस्तं गृह्णात्येते वै देवा आयुष्मन्तस्त
 एवास्मिन्नायुर्दधति सर्वमायुरेति॥ (४५)

रसं देवानां स्तोमेनेति हिरण्यादसदिति द्वाविंशतिश्च॥ [११]

प्रजापतिर्वरुणायाश्वमनयत्स स्वां देवतामार्च्छत्स पर्यदीर्यत
 स एतं वारुणं चतुष्कपालमपश्यत्तं निरवपत्ततो वै स
 वरुणपाशादमुच्यत वरुणो वा एतं गृह्णाति योऽश्वं प्रतिगृह्णाति
 यावतोऽश्वान्प्रतिगृह्णीयात्तावतो वारुणाश्चतुष्कपालान्निर्वपेद्वरुणमेव
 स्वेन भागधेयेनोप धावति स एवैनं वरुणपाशान्मुञ्चति (४६)

चतुष्कपाला भवन्ति चतुष्पाद्व्यश्वः समृद्ध्या एकमतिरिक्तं
 निर्वपेद्यमेव प्रतिग्राही भवति यं वा नाध्येति तस्मादेव
 वरुणपाशान्मुच्यते यद्यपरं प्रतिग्राही स्यात्सौर्यमेककपालमनु
 निर्वपेदमुमेवाऽऽदित्यमुच्चारं कुरुतेऽपोऽवभृथमवैत्यप्सु वै
 वरुणः साक्षादेव वरुणमव यजतेऽपोनप्रीयं चरुम्पुनरेत्य
 निर्वपेदप्सुयोनिर्वा अश्वः स्वामेवैनं योनिं गमयति स एनं

शान्त उप तिष्ठते॥ (४७)

मुञ्चति चरुं सप्तदश च॥ [१२]

या वा॑मिन्द्रावरुणा॑ यत॒व्या त॒नूस्तये॑मम॒हंसो॑ मुञ्चत॒ या
वा॑मिन्द्रावरुणा॑ सह॒स्या रक्ष॑स्या तेज॒स्या त॒नूस्तये॑मम॒हंसो॑ मुञ्चत॒
यो वा॑मिन्द्रावरुणाव॒ग्नौ साम॑स्तं वा॑मे॒तेनाव॑ यज॒ यो वा॑मिन्द्रावरुणा॑
द्विपा॒थ्सु प॒शुषु चतु॑ष्पा॒थ्सु गो॒ष्ठे गृ॒हेष्व॒प्स्वोष॑धीषु वन॒स्पति॑षु
साम॑स्तं वा॑मे॒तेनाव॑ यज॒ इन्द्रो॒ वा ए॒तस्य॑ (४८)

इन्द्रि॒येणाप॑ क्रामति॒ वरु॑ण ए॒नं वरु॑णपा॒शेन॑ गृह्णाति॒
यः पा॒प्मना॑ गृही॒तो भव॑ति॒ यः पा॒प्मना॑ गृही॒तः स्यात्त॑स्मा
ए॒तामैन्द्रा॑वरु॒णीम्प॑य॒स्या निर्व॑पेदिन्द्र॒ एवास्मि॑न्निन्द्रि॒यं द॑धाति॒
वरु॑ण ए॒नं वरु॑णपा॒शान्मुञ्च॑ति पय॒स्या भव॑ति॒ पयो॑ हि वा
ए॒तस्मा॑दप॒क्राम॑त्यथैष पा॒प्मना॑ गृही॒तो यत्प॑य॒स्या भव॑ति॒ पय॑
ए॒वास्मि॑न्तया॑ दधाति॒ पय॑स्या॒याम् (४९)

पु॒रोडा॑शम॒व द॑धात्यात्म॒न्वन्त॑मे॒वैनं॑ करोत्यथो॒ आय॑त॒नव॑न्तमे॒व
च॑तु॒र्धा व्यू॑हति दि॒क्ष्वेव॑ प्रति॒ तिष्ठ॑ति पुनः॒ समू॑हति दि॒ग्भ्य ए॒वास्मै॑
भे॒षजं॑ करोति॒ समू॑ह्या॒व द्य॑ति॒ यथावि॑द्धं निष्कृ॒न्तति॑ तादृ॒गेव॑ तद्यो
वा॑मिन्द्रावरुणाव॒ग्नौ साम॑स्तं वा॑मे॒तेनाव॑ यज॒ इत्या॑ह॒ दुरि॑ष्ट्या
ए॒वैन॑म्पाति॒ यो वा॑मिन्द्रावरुणा॑ द्विपा॒थ्सु प॒शुषु साम॑स्तं वा॑मे॒तेनाव॑
यज॒ इत्या॑हैता॒वती॒र्वा आप॒ ओष॑धयो वन॒स्पत॑यः प्र॒जाः प॒शव॑

उपजीवनीयास्ता एवास्मै वरुणपाशान्मुञ्चति॥ (५०)

एतस्य पयस्यायाम्पाति षड्विंशतिश्च॥ [१३]

स प्रलवन्नि काव्येन्द्रं वो विश्वतस्परीन्द्रं नरः। त्वं नः सोम
विश्वतो रक्षां राजन्नघायुतः। न रिष्येत्त्वावतः सखा। या ते धामानि
दिवि या पृथिव्यां या पर्वतेष्वोषधीष्वप्सु। तेभिर्नो विश्वैः सुमना
अहेङ्नाजन्त्सोमं प्रति हव्या गृभाय। अग्नीषोमा सर्वेदसा सहृती
वनतं गिरः। सं देवत्रा बभूवथुः। युवम् (५१)

एतानि दिवि रोचनान्यग्निश्च सोमं सक्रतू अधत्तम्।
युव५ सिन्धू५ रभिशस्तेरवद्यादग्नीषोमावमुञ्चतं गृभीतान्।
अग्नीषोमाविम५ सु मे शृणुतं वृषणा हवम्। प्रति सूक्तानि
हर्यतम्भवतं दाशुषे मयः। आन्यं दिवो मातरिश्वा जभारामश्नादन्यं
परि श्येनो अद्रेः। अग्नीषोमा ब्रह्मणा वावृधानोरुं यज्ञाय चक्रथुरु
लोकम्। अग्नीषोमा हविषः प्रस्थितस्य वीतम् (५२)

हर्यतं वृषणा जुषेथाम्। सुशर्माणा स्ववंसा हि भूतमथा
धत्तं यजमानाय शं योः। आ प्यायस्व सं तै। गुणानां त्वा
गुणपति५ हवामहे कविं कवीनामुपमश्रवस्तमम्। ज्येष्ठराजं ब्रह्मणां
ब्रह्मणस्पत आ नः शृण्वन्नृतिभिः सीद सादनम्। स इज्जनेन स
विशा स जन्मना स पुत्रैर्वाजम्भरते धना नृभिः। देवानां यः
पितरमाविवांसति (५३)

श्रद्धामना हविषा ब्रह्मणस्पतिम्। स सुष्टुभा स ऋक्ता
गुणेन वल९ रुरोज फलिग९ रवेण। बृहस्पतिरुस्त्रिया हव्यसूदः
कनिक्रदद्वावशतीरुदाजत्। मरुतो यद्ध वो दिवो या वः शर्म।
अर्यमा याति वृषभस्तुविष्मान्दाता वसूनां पुरुहूतो अरहन्।
सहस्राक्षो गौत्रभिद्वज्रबाहुरस्मासु देवो द्रविणं दधातु। ये
तैर्यमन्बृहवो देवयानाः पन्थानः (५४)

राजन्दिव आचरन्ति। तेभिर्नो देव महि शर्म यच्छु शं न
एधि द्विपदे शं चतुष्पदे। बुध्रादग्रमङ्गिरोभिर्गृणानो वि पर्वतस्य
दृ९हितायैरत्। रुजद्रोधा९सि कृत्रिमाण्येषा९ सोमस्य ता मद
इन्द्रश्चकार। बुध्रादग्रेण वि मिमाय मानैर्वज्रेण खान्यतृणन्नदीनाम्।
वृथासृजत्पृथिभिर्दीर्घयाथैः सोमस्य ता मद इन्द्रश्चकार (५५)

प्र यो जज्ञे विद्वा९ अस्य बन्धुं विश्वानि देवो जनिमा
विवक्ति। ब्रह्म ब्रह्मण उज्जभार मध्यान्नीचादुच्चा स्वधयाभि प्र
तस्थौ। महान्मही अस्तभायद्वि जातो द्या९ सद्म पार्थिवं च रजः।
स बुध्रादोष्ट जनुषाभ्यग्रम्बृहस्पतिर्देवता यस्य सम्राट्। बुध्राद्यो
अग्रमभ्यर्त्योजसा बृहस्पतिमा विवासन्ति देवाः। भिनद्वलं वि
पुरो दर्दरीति कनिक्रदत्सुवरपो जिगाय॥ (५६)

[आदित्येभ्यो देवा वै मृत्योर्देवा वै सन्नमयम्णे प्रजापतेस्त्रयस्त्रि९शत्प्रजापतिर्देवेभ्यो-

ऽत्राद्यन्देवासुरास्तात्रजनो द्धुवोऽसि यन्नवमग्निं वै प्रजापतिर्वरुणाय या वामिन्द्रावरुणा सप्रत्नवच्चतुर्दश॥14॥

आदित्येभ्यस्त्वष्टरस्मै दानकामा एवावरुन्धेऽग्निं वै सप्रब्रवथ्वदंश्चाशत्॥56॥ आदित्येभ्यः सुवरूपो जिगाय॥]

[युवं वीतमा विवासति पन्थानो दीर्घयाथैः सोमस्य ता मद इन्द्रश्चकार देवा नवं च॥[१४]]

॥चतुर्थः प्रश्नः॥

॥तैत्तिरीयसंहितायां द्वितीयकाण्डे चतुर्थः प्रश्नः॥

देवा मनुष्याः पितरस्तेऽन्यत आसन्नसुरा रक्षांसि
पिशाचास्तेऽन्यतस्तेषां देवानामुत यदल्पं लोहितमकुर्वन्तद्रक्षांसि
रात्रीभिरसुभ्रन्तान्सुब्धान्मृतानभि व्यौच्छ्रुते देवा अविदुर्यो वै
नोऽयमिप्रियते रक्षांसि वा इमं घ्नन्तीति ते रक्षांस्युपांमन्नयन्त
तान्यब्रुवन्वरं वृणामहे यत् (१)

असुराञ्जयाम् तन्नः सहासदिति ततो वै देवा असुरानजयन्ते-
ऽसुराञ्जित्वा रक्षांस्युपांनुदन्त तानि रक्षांस्यनृतमकर्तेति समन्तं
देवान्पर्यविशन्ते देवा अग्रावंनाथन्त तैऽग्नये प्रवन्ते पुरोडाशमष्टा-
कपालं निरवपन्नग्नये विबाधवन्तेऽग्नये प्रतीकवते यदग्नये प्रवन्ते
निरवपन् यान्येव पुरस्ताद्रक्षांसि (२)

आसन्तानि तेन प्राणुदन्त यदग्नये विबाधवन्ते यान्येवाभितो
रक्षांस्युपासन्तानि तेन व्यबाधन्त यदग्नये प्रतीकवते यान्येव
पश्चाद्रक्षांस्युपासन्तानि तेनापांनुदन्त ततो देवा अभवन्परासुरा
यो भ्रातृव्यवान्स्यात्स स्पर्धमान एतयेष्ट्या यजेताग्नये प्रवन्ते

पुरोडाशमष्टाकपालं निर्वपेदग्नये विबाधवन्ते (३)

अ॒ग्नये॑ प्रती॑कव॒ते यद॒ग्नये॑ प्र॒वन्ते॑ निर्व॒पन्ति॑ य ए॒वास्मा॑च्छ्रेया॒न्भ्रातृ॑व्यं
तेन॑ प्र णु॒दते॑ यद॒ग्नये॑ वि॒बाध॒वन्ते॑ य ए॒वैनैन॑ स॒दृङ्गं॑ तेन॑ वि
बा॒धते॑ यद॒ग्नये॑ प्रती॑कव॒ते य ए॒वास्मा॑त्पापी॒यान्तं॑ तेनाप॑ नुद॒ते प्र
श्रेया॑ः स॒म्भ्रातृ॑व्यं नुद॒तेऽति॑ स॒दृशं॑ क्राम॒ति नैन॑म्पापी॒यानाप्रो॑ति॒ य
ए॒वं वि॒द्वाने॒तयेष्ट्या॑ यज॑ते॥ (४)

वृणा॑म॒है यत्पु॑रस्ता॒द्रक्षा॑सि व॒पेद॒ग्नये॑ वि॒बाध॒वन्त ए॒वं च॒त्वारि॑ च॥ [१]

दे॒वा॒सुराः॑ संय॑न्ता आस॒न्ते दे॒वा अ॑ब्रुवन् यो नो
वी॒र्या॑वत्तम॒स्तमनु॑ स॒मार॑भामहा इति॑ त इन्द्र॑मब्रुवन्त्वं वै
नो वी॒र्या॑वत्तमोऽसि॒ त्वामनु॑ स॒मार॑भामहा इति॑ सोऽब्र॑वीत्तिस्रो मं
इ॒मास्त॑नुवो वी॒र्या॑वती॒स्ताः प्री॑णीताथासुरान॒भि भ॑विष्य॒थेति॑ ता वै
ब्रू॒हीत्य॑ब्रुवन्नि॒यम॑ः हो॒मुगि॑यं वि॒मृधे॑यमिन्द्रि॒याव॑ती (५)

इत्य॑ब्रवीत्त इन्द्रा॑याः हो॒मुचै॑ पुरो॒डाश॑मेका॒दश॑कपालं
नि॒र॒व॒प॒न्निन्द्रा॑य वैमृ॒धाय॑न्द्रा॒येन्द्रि॒याव॑न्ते यदिन्द्रा॑याः हो॒मुचै॑
नि॒र॒व॒प॒न्न॑हंस ए॒व तेना॑मुच्यन्त॒ यदिन्द्रा॑य वैमृ॒धाय॑ मृधं
ए॒व तेना॑पाघ्नत् यदिन्द्रा॑येन्द्रि॒याव॑न्त इन्द्रि॒यमे॒व तेना॑त्मन्न॑दधत्
त्रय॑स्त्रिंशत्कपालं पुरो॒डाशं॑ नि॒र॒व॒प॒न्नय॑स्त्रिंशद्द्वै दे॒वता॑स्ता इन्द्र॑
आ॒त्मन्न॑नु स॒मार॑म्भयत् भू॒त्यै॑ (६)

तां वाव दे॒वा विजि॑तिमुत्त॒माम॑सुरैर्व्यज॑यन्त॒ यो

भ्रातृव्यवान्स्यात्स स्पर्धमान एतयेष्ट्या यजेतेन्द्रायाः होमुचे
 पुरोडाशमेकादशकपालं निर्वपेदिन्द्राय वैमृधायेन्द्रायेन्द्रियावते-
 ऽहंसा वा एष गृहीतो यस्माच्छ्रेयान्भ्रातृव्यो यदिन्द्रायाः होमुचे
 निर्वपत्यहंसा एव तेन मुच्यते मृधा वा एषोऽभिषण्णो
 यस्मात्समानेष्वन्यः श्रेयानुत (७)

अभ्रातृव्यो यदिन्द्राय वैमृधाय मृध एव तेनाप हते
 यदिन्द्रायेन्द्रियावत इन्द्रियमेव तेनात्मन्यत्ते त्रयस्त्रिंशत्कपालं
 पुरोडाशं निर्वपति त्रयस्त्रिंशद्वै देवतास्ता एव यजमान आत्मन्ननु
 समारम्भयते भूत्यै सा वा एषा विजितिर्नामेष्टिर्य एवं विद्वानेतयेष्ट्या
 यजंत उत्तमामेव विजितिम्भ्रातृव्येण विजयते॥ (८)

इन्द्रियावती भूत्या उत्तैकान्नपञ्चाशच्च॥ [२]

देवासुराः संयन्ता आसन्तेषां गायत्र्योजो बलमिन्द्रियं
 वीर्यं प्रजां पशून्संगृह्यादायापक्रम्यातिष्ठत्तेऽमन्यन्त यतरान् वा
 इयमुपावत्स्यति त इदम्भविष्यन्तीति तां व्यह्वयन्त विश्वकर्मन्निति
 देवा दाभीत्यसुराः सा नान्यतराश्च नोपार्तत ते देवा
 एतद्यजुरपश्यन्नोजोऽसि सहोऽसि बलमसि (९)

भ्राजोऽसि देवानां धाम नामासि विश्वमसि विश्वायुः सर्वमसि
 सर्वायुरभिभूरिति वाव देवा असुराणामोजो बलमिन्द्रियं वीर्यं
 प्रजां पशून्वृञ्जत यद्रायत्र्यपक्रम्यातिष्ठत्तस्मादेतां गायत्रीतीष्टिमाहुः

संवत्सरो वै गा॒यत्री संवत्स॒रो वै तद॑प॒क्रम्या॑तिष्ठ॒द्यदे॒तया॑ दे॒वा
असु॑राणा॒मोजो॑ बल॑मिन्द्रि॒यं वी॒र्यम् (१०)

प्र॒जां प॒शून॑वृ॒ञ्जत॒ तस्मा॑दे॒ताः संव॑र्ग इती॒ष्टिमा॑हुर्यो
भ्रातृ॑व्यवा॒न्थस्या॑त्स स्पर्ध॑मान ए॒तये॑ष्ट्या॒ यजे॑ता॒ग्नये॑ संव॒र्गाय॑
पुरो॑डाश॒मृष्टा॑क॒पालं॒ निर्व॑पेत्तः श्रु॒तमा॑स॒न्नमे॑तेन॒ यजु॑षा॒भि
मृ॒शेदो॑ज ए॒व बल॑मिन्द्रि॒यं वी॒र्यं प्र॒जां प॒शून्भ्रातृ॑व्यस्य वृ॒द्धे
भ॒वत्या॑त्मना॒ परा॑स्य॒ भ्रातृ॑व्यो भवति॥ (११)

बलमस्येतया देवा असुराणामोजो बलमिन्द्रियं वीर्यं पञ्चत्वारिः शब्दः॥ [३]

प्र॒जाप॑तिः प्र॒जा अ॑सृजत॒ ता अ॑स्मात्सृ॒ष्टाः परा॑चीराय॒न्ता
यत्रा॑व॒सन्त॑तो॒ गर्मु॑दुद॒तिष्ठ॑त्ता बृ॒हस्प॑तिश्चान्व॒वैता॑ः सो॒
ऽब्र॒वीद्बृ॒हस्प॑तिर॒नया॑ त्वा प्र ति॒ष्ठान्य॑थ॒ त्वा प्र॒जा उ॒पाव॑त्स्य॒न्तीति॑
तम्प्रा॑तिष्ठ॒त्ततो॑ वै प्र॒जाप॑तिं प्र॒जा उ॒पाव॑र्तन्त॒ यः प्र॒जाका॑मः
स्या॑त्तस्मा॑ ए॒तम्प्रा॑जाप॒त्यं गा॑र्मु॒तं च॒रुं निर्व॑पेत्प्र॒जाप॑तिम् (१२)

ए॒व स्वेन॑ भा॒ग॒धेये॑नोप॑ धावति॒ स ए॒वास्मै॑ प्र॒जाम्प्र ज॑नयति
प्र॒जाप॑तिः प॒शून॑सृजत॒ तैः स्मात्सृ॒ष्टाः परा॑श्च आय॒न्ते यत्रा॑व॒सन्त॑तो॒
गर्मु॑दुद॒तिष्ठ॑त्तान्पू॒षा चान्व॑वैता॑ः सो॒ऽब्र॒वीत्पू॒षानया॑ मा प्र ति॒ष्ठाय॑
त्वा प॒शव॑ उ॒पाव॑त्स्य॒न्तीति॑ माम्प्र ति॒ष्ठेति॑ सोमो॒ऽब्र॒वीन्मम॑ वै (१३)

अ॒कृष्ट॑प॒च्यमित्यु॑भौ वा॒म्प्र ति॑ष्ठानीत्य॒ब्रवी॑त्तौ प्रा॒तिष्ठ॑त्ततो॒
वै प्र॒जाप॑तिम्प॒शव॑ उ॒पाव॑र्तन्त॒ यः प॒शुका॑मः स्या॑त्तस्मा॑ ए॒तः

सोमापौष्णं गार्मुतं चरुं निर्वपेत्सोमापूषणावेव स्वेन भागधेयेनोप
धावति तावेवास्मै पशून्प्रजनयतः सोमो वै रेतोधाः पूषा
पशूनाम्प्रजनयिता सोम एवास्मै रेतो दधाति पूषा पशून्प्र
जनयति॥ (१४)

वपेत्प्रजापतिं वै दधाति पूषा त्रीणि च॥ [४]

अग्ने गोभिर्न आ गृहीन्द्रो पुष्ट्या जुषस्व नः। इन्द्रो धर्ता गृहेषु
नः॥ सविता यः सहस्रियः स नो गृहेषु रारणत्। आ पूषा एत्वा
वसु॥ धाता ददातु नो रयिमीशानो जगत्स्पतिः। स नः पूर्णेन
वावनत्॥ त्वष्टा यो वृषभो वृषा स नो गृहेषु रारणत्। सहस्रेणायुतेन
च॥ येन देवा अमृतम् (१५)

दीर्घं श्रवो दिव्यैरयन्त। रायस्पोष त्वमस्मभ्यं गवां कुल्मिं
जीवस आ युवस्व। अग्निर्गृहपतिः सोमो विश्ववर्निः सविता
सुमेधाः स्वाहा॥ अग्ने गृहपते यस्ते घृत्यो भागस्तेन सह
ओज आक्रममाणाय धेहि श्रेष्ठ्यात्पथो मा योषं मूर्धा भूयासु
स्वाहा॥ (१६)

अमृतमष्टात्रिंशच्च॥ [५]

चित्रया यजेत पशुकाम इयं वै चित्रा यद्वा अस्यां
विश्वम्भूतमधि प्रजायते तेनेयं चित्रा य एवं विद्वाश्चित्रया
पशुकामो यजते प्र प्रजया पशुभिर्मिथुनैर्जायते प्रैवाग्नेयेन

वापयति॒ रेतः॑ सौम्येन॑ दधाति॒ रेतं॑ ए॒व हि॒तं त्वष्टा॑ रूपाणि॒ वि
करोति॑ सारस्व॒तौ भ॑वत ए॒तद्वै दैव्य॑मि॒धुनं॑ दैव्य॑मे॒वास्मै॑ (१७)

मि॒धुन॑म॒मध्य॑तो द॒धाति॒ पुष्ट्यै॑ प्र॒जन॑नाय सिनीवा॒ल्यै च॒रु॑र्भवति॒
वाग्वै॑ सि॒नीवा॒ली पुष्टिः॑ खलु॒ वै वाक्पुष्टि॑मे॒व वाच॑मु॒पैत्यै॑न्द्र उ॒त्त॑मो
भ॑वति॒ तेनै॒व तन्मि॑धुन॑ꣳ स॒प्तैतानि॑ ह॒वीꣳषि॑ भवन्ति स॒प्त
ग्रा॒म्याः प॒शवः॑ स॒प्तार॑ण्याः स॒प्त छन्दाः॑ꣳस्यु॒भय॑स्याव॒रुद्धा॑ अथै॒ता
आहु॑तीर्जुहोत्येते॒ वै दे॒वाः पुष्टि॑पतय॒स्त ए॒वास्मि॑न्पुष्टिं॒ दध॑ति॒
पुष्य॑ति प्र॒जया॑ प॒शुभि॑रथो॒ यदे॒ता आहु॑तीर्जुहोति॒ प्रति॑ष्ठित्यै॥ (१८)

अस्मै त ए॒व द्वाद॑श च॥

[६]

मा॒रु॒तम॑सि म॒रुता॑मोजोऽपां॒ धारां॑ भि॒न्धि र॒मय॑त
म॒रुतः॑ श्ये॒नमा॒यिन॑म॒मनो॑जवसं॒ वृष॑णꣳ सुवृ॒क्तिम्। येन॑
शर्धं॑ उ॒ग्रम॑व॒सृष्ट॑मेति॒ तद॑श्विना॒ परि॑ धत्तꣳ स्व॒स्ति।
पु॒रोवा॑तो॒ वर्ष॑ञ्चि॒न्वरा॑वृ॒थ्स्वाहा॑ वा॒ताव॑द्व॒र्षन्नु॒ग्रावृ॑थ्स्वाहा॑
स्त॒नय॑न्व॒र्षन्भी॑मरा॒वृथ्स्वाहा॑न॒शन्य॑व॒स्फूर्ज॑न्दि॒द्युद्व॒र्षन्त्वे॒षरा॑वृ॒थ्स्वाहा॑
व॒र्षन्पू॑र्तिरा॒वृत् (१९)

स्वाहा॑ ब॒हु हा॒यम॑वृषा॒दिति॑ श्रु॒तरा॑वृ॒थ्स्वाहा॑तप॒ति
व॒र्षन्वि॑राडा॒वृथ्स्वाहा॑व॒स्फूर्ज॑न्दि॒द्युद्व॒र्षन्भू॑तरा॒वृथ्स्वाहा॑ मा॒न्दा
वाशाः॑ शु॒न्यूर॑जि॒राः। ज्योति॑ष्मती॒स्तम॑स्वरी॒रुन्द॑तीः सु॒फेनाः॑।

मित्र॑भृ॒तः क्षत्र॑भृ॒तः सुरा॑ष्ट्रा इ॒ह मा॑ऽवत। वृ॒ष्णो अश्व॑स्य स॒दान॑मसि
वृ॒ष्ट्यै त्वोप॑ नह्यामि॥ (२०)

पूर्तिरावृद्धिचत्वारिंशच्च॥

[७]

देवा॑ वसव्या॒ अग्ने॑ सोम सूर्य। देवाः॑ शर्म॑ण्या मित्रा॑वरुणार्थमन्त्र।
देवाः॑ सपी॑तयोऽपा॑ नपादाशुहेमन्त्र। उ॒द्रो द॑त्तोऽद॒धिम्भि॑न्त दि॒वः
प॒र्जन्या॑दन्तरि॑क्षात्पृथि॒व्यास्ततो॑ नो वृ॒ष्ट्या॑ऽवत। दि॒वा चि॒त्तमः॑
कृ॒ण्वन्ति प॒र्जन्ये॑नोदवा॒हेन॑। पृथि॒वीं यद्व्यु॑न्दन्ति। आ यं नरः
सु॒दान॑वो ददा॒शुषे॑ दि॒वः कोश॑मचु॒च्यवुः। वि प॒र्जन्याः॑ सृजन्ति
रोद॑सी॒ अनु धन्व॑ना यन्ति (२१)

वृ॒ष्टयः॑। उदी॑रयथा मरुतः समु॒द्रतो॑ यूयं वृ॒ष्टिं व॑र्षयथा
पुरी॑षिणः। न वो॑ दस्त्रा॒ उप॑ दस्यन्ति धे॒नवः॑ शुभं॑ या॒तामनु॑ रथा॑
अवृ॑त्सत। सृ॒जा वृ॒ष्टिं दि॒व आ॒द्भिः स॑मु॒द्रं पृ॑ण। अ॒ब्जा अ॑सि
प्रथ॑म॒जा बल॑मसि समु॒द्रिय॑म्। उन्न॑म्भय पृथि॒वीम्भि॒न्द्रीदं॑ दि॒व्यं
नभः॑। उ॒द्रो दि॒व्यस्य॑ नो दे॒हीशा॑नो वि सृ॒जा दृ॒तिम्। ये दे॒वा
दि॒विभा॑गा येऽन्तरि॑क्षभागा ये पृथि॒विभा॑गाः। त इ॒मं य॒ज्ञम॑वन्तु
त इ॒दं क्षे॒त्रमा॑ वि॒शन्तु॑ त इ॒दं क्षे॒त्रम॑नु वि वि॒शन्तु॑॥ (२२)

यन्ति देवा विंशतिश्च॥

[८]

मा॒रु॒तम॑सि म॒रुता॑मोज् इति॑ कृ॒ष्णं वा॑सः कृ॒ष्णतू॑षं परि॑ धत्त
ए॒तद्वै वृ॒ष्ट्यै रू॒पं स॑रूप ए॒व भू॒त्वा प॒र्जन्यं॑ व॒र्षय॑ति र॒मय॑त मरुतः

श्येनमायिनमिति पश्चाद्वातं प्रति मीवति पुरोवातमेव जनयति
वर्षस्यावरुद्धौ वातनामानि जुहोति वायुर्वै वृष्ट्या ईशे वायुमेव
स्वेन भागधेयेनोप धावति स एवास्मै पर्जन्यं वर्षयत्यष्टौ (२३)

जुहोति चतस्रो वै दिशश्चतस्रोऽवान्तरदिशा दिग्भ्य एव
वृष्टिः सम्प्र च्यावयति कृष्णाजिने सं यौति हविरेवाकरन्तर्वेदि
सं यौत्यवरुद्धौ यतीनामद्यमानानां शीर्षाणि परापतन्ते खर्जूरा
अभवन्तेषां रस ऊर्ध्वोऽपतन्तानि कुरीराण्यभवन्सौम्यानि
वै कुरीराणि सौम्या खलु वा आहुतिर्दिवो वृष्टिं च्यावयति
यत्कुरीराणि भवन्ति (२४)

सौम्ययैवाहुत्या दिवो वृष्टिमव रुद्धे मधुषा सं यौत्यपां
वा एष ओषधीनां रसो यन्मध्वद्ध्य एवौषधीभ्यो वर्षत्यथो
अद्ध्य एवौषधीभ्यो वृष्टिं नि नयति मान्दा वाशा इति सं
यौति नामधेयैरेवैना अच्छैत्यथो यथा ब्रूयादसावेहीत्येवमेवैना
नामधेयैरा (२५)

च्यावयति वृष्णो अश्वस्य सुदानमसि वृष्ट्यै त्वोप नह्यामीत्याहु
वृषा वा अश्वो वृषा पर्जन्यः कृष्ण इव खलु वै भूत्वा वर्षति
रूपेणैवैनं समर्धयति वर्षस्यावरुद्धौ ॥ (२६)

अष्टौ भवन्ति नामधेयैरेकात्रिंशच्च ॥ [९]

देवा वसव्या देवाः शर्मण्या देवाः सपीतय इत्या बध्नाति

देवताभिरेवान्वहं वृष्टिमिच्छति यदि वर्षेत्तावत्येव होतव्यं यदि न
वर्षेच्छो भूते हविर्निर्वपेदहोरात्रे वै मित्रावरुणावहोरात्राभ्यां खलु
वै पर्जन्यो वर्षति नक्तं वा हि दिवा वा वर्षति मित्रावरुणावेव
स्वेन भागधेयेनोप धावति तावेवास्मै (२७)

अहोरात्राभ्यां पर्जन्यं वर्षयतोऽग्नये धामच्छदे पुरोडाशमष्टा-
कपालं निर्वपेन्मारुतं सप्तकपालं सौर्यमेककपालमग्निर्वा इतो
वृष्टिमुदीरयति मरुतः सृष्टां नयन्ति यदा खलु वा असावादित्यो
न्यङ्गुश्मिभिः पर्यावर्ततेऽथ वर्षति धामच्छदिव खलु वै भूत्वा
वर्षत्येता वै देवता वृष्ट्या ईशते ता एव स्वेन भागधेयेनोप धावति
ताः (२८)

एवास्मै पर्जन्यं वर्षयन्त्युतावर्षिष्यन्वर्षत्येव सृजा
वृष्टिं दिव आद्भिः समुद्रं पृणेत्याहेमाश्चैवामूश्चापः समर्धयत्यथो
आभिरेवामूरच्छैत्यजा असि प्रथमजा बलमसि समुद्रियमित्याह
यथायजुरैवैतदुन्नम्भय पृथिवीमिति वर्षाह्वां जुहोत्येषा वा
ओषधीनां वृष्टिवनिस्तयैव वृष्टिमा च्यावयति ये देवा दिविभागा
इति कृष्णाजिनमव धूनीतीम एवास्मै लोकाः प्रीता अभीष्टा
भवन्ति॥ (२९)

अस्मै धावति ता वा एकविंशतिश्च॥ [१०]

सर्वाणि छन्दांस्येतस्यामिष्ट्यामनूच्यानीत्याहुस्त्रिष्टुभो वा

ए॒तद्वी॒र्यं यत्क॒कुदु॒ष्णिहा॒ जग॑त्यै॒ यदु॑ष्णिह॒क॒कुभा॑व॒न्वाह॒ तेनै॒व
सर्वा॑णि॒ छन्दा॑ऽस्य॒व रु॒द्धे गा॒य॒त्री वा ए॒षा यदु॑ष्णिहा॒ यानि॑
च॒त्वार्य॑ध्य॒क्षरा॑णि॒ चतु॑ष्पाद ए॒व ते प॒शवो॑ यथा॑ पुरो॒डाशे॑
पुरो॒डाशोऽध्ये॒वमे॒व तद्य॑दृ॒च्यध्य॒क्षरा॑णि॒ यज्जग॑त्या (३०)

प॒रि॒द॒ध्याद॑न्तं॒ य॒ज्ञं ग॑मये॒त्रिष्टु॒भा परि॑ दधातीन्द्रि॒यं वै वी॒र्यं
त्रि॒ष्टुगिन्द्रि॒य ए॒व वी॒र्यं य॒ज्ञं प्रति॑ ष्ठापयति॒ नान्तं॑ गमयत्यग्रे॒ त्री
ते वा॒जिना॑ त्री ष॒धस्थेति॑ त्रि॒व॒त्या परि॑ दधाति॒ सरू॒प॒त्वाय॒ सर्वो॑
वा ए॒ष य॒ज्ञो यत्रै॑धात॒वीयं॑ का॒माय॑का॒माय॒ प्र यु॑ज्यते॒ सर्वे॑भ्यो॒ हि
का॒मे॑भ्यो॒ य॒ज्ञः प्र॑युज्यते॑ त्रै॒धात॒वीये॑न यजेताभि॒चर॑न्त्सर्वो॒ वै (३१)

ए॒ष य॒ज्ञो यत्रै॑धात॒वीयः॑ स॒र्वेणै॒वैनं॑ य॒ज्ञेना॒भि च॑रति॒ स्तृणु॑त
ए॒वैन॑मे॒तयै॒व य॑जेताभि॒चर्य॑माणः॒ सर्वो॑ वा ए॒ष य॒ज्ञो यत्रै॑धात॒वीयः॑
स॒र्वेणै॒व य॒ज्ञेन॑ यजते॒ नैन॑मभि॒चर॑न्त्स्तृणुत॒ एत॑यै॒व य॑जेत॒ सह॑स्रेण
य॒क्ष्यमा॑णः॒ प्रजा॑तमे॒वैन॑द्व॒दात्ये॑तयै॒व य॑जेत॒ सह॑स्रेण॒जानोऽन्तं॑ वा
ए॒ष प॑शूनां गच्छति (३२)

यः स॒हस्रे॑ण॒ यज॑ते॒ प्र॒जाप॑तिः॒ खलु॒ वै प॒शून॑सृजत॒ ताऽ
स्रै॒धात॒वीये॑नै॒वासृ॑जत॒ य एवं॑ वि॒द्वाऽस्रै॒धात॒वीये॑न प॒शुका॑मो यज॑ते
यस्मा॑दे॒व यो॒नेः प्र॒जाप॑तिः॒ प॒शून॑सृजत॒ तस्मा॑दे॒वैनान्त्सृ॑जत॒
उ॒पै॒नमु॑त्तरः॒ सह॑स्रं नमति॒ देवता॑भ्यो॒ वा ए॒ष आ वृ॑क्ष्यते॒ यो य॒क्ष्य
इत्यु॑क्त्वा न यज॑ते त्रै॒धात॒वीये॑न यजेत॒ सर्वो॑ वा ए॒ष य॒ज्ञः (३३)

यत्रैधातुवीयः सर्वेणैव यज्ञेन यजते न देवताभ्य आ वृश्च्यते
 द्वादशकपालः पुरोडाशो भवति ते त्रयश्चतुष्कपालास्त्रिष्वमृद्धत्वाय
 त्रयः पुरोडाशा भवन्ति त्रय इमे लोका एषां लोकानामास्या
 उत्तरउत्तरो ज्यायांभवत्येवमिव हीमे लोका यवमयो मध्य एतद्वा
 अन्तरिक्षस्य रूपः समृद्धौ सर्वेषामभिगमयन्नव द्यत्यछम्बद्वारः
 हिरण्यं ददाति तेज एव (३४)

अव रुन्दे तार्प्यं ददाति पशूनेवाव रुन्दे धेनुं ददात्याशिषं
 एवाव रुन्दे साम्नो वा एष वर्णो यद्धिरण्यं यजुषां तार्प्यमुक्थामदानां
 धेनुरेतानेव सर्वान् वर्णानव रुन्दे॥ (३५)

जगत्याऽभिचरन्त्यसर्वो वै गच्छति यज्ञस्तेज एव त्रिःशच्च॥ [११]

त्वष्टा हतपुत्रो वीन्द्रः सोममाहरत्तस्मिन्निन्द्र उपहवमैच्छत्
 तं नोपाह्वयत् पुत्रम्मेऽवधीरिति स यज्ञवेशसं कृत्वा
 प्रासहा सोममपिबत्तस्य यदत्यशिष्यत् तत्त्वष्टाहवनीयमुप
 प्रावर्तयत्स्वाहेन्द्रशत्रुर्वधस्वेति स यावदूर्ध्वः पराविध्यति तावति
 स्वयमेव व्यरमत यदि वा तावत्प्रवणम् (३६)

आसीद्यदि वा तावदध्यग्रेरासीत्स सम्भवन्नग्रीषोमावभि
 समभवत्स इषुमात्रमिषुमात्रं विष्वङ्बुवर्धत् स इमाल्लोकानवृणोद्यदिमा
 वृत्रत्वन्तस्मादिन्द्रोऽबिभेदपि त्वष्टा तस्मै त्वष्टा वज्रमसिञ्चत्तपो वै
 स वज्रं आसीत्तमुद्यन्तुं नाशक्रोदथ वै तर्हि विष्णुः (३७)

अन्या देवतासीत्सोऽब्रवीद्विष्णवेहीदमा हरिष्यावो
येनायमिदमिति स विष्णुस्त्रेधात्मानं वि न्यधत्त पृथिव्यां
तृतीयमन्तरिक्षे तृतीयं दिवि तृतीयमभिपर्यावर्ताद्बिभेद्यत्पृथिव्यां
तृतीयमासीत्तेनेन्द्रो वज्रमुदयच्छद्विष्ण्वनुस्थितः सोऽब्रवीन्मा मे प्र
हारस्ति वा इदम् (३८)

मयि वीर्यं तत्ते प्र दास्यामीति तदस्मै प्रायच्छत्तत्प्रत्यंगृह्णादधा
मेति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं
दधात्विति यदन्तरिक्षे तृतीयमासीत्तेनेन्द्रो वज्रमुदयच्छद्विष्ण्वनुस्थितः
सोऽब्रवीन्मा मे प्र हारस्ति वा इदम् (३९)

मयि वीर्यं तत्ते प्र दास्यामीति तदस्मै प्रायच्छत्तत्प्रत्यंगृह्णाद्विर्माधा
इति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं
दधात्विति यद्वि वि तृतीयमासीत्तेनेन्द्रो वज्रमुदयच्छद्विष्ण्वनुस्थितः
सोऽब्रवीन्मा मे प्र हार्येनाहम् (४०)

इदमस्मि तत्ते प्र दास्यामीति त्वी (३) इत्यब्रवीत्सन्धान्तु
सं दधावहै त्वामेव प्र विशानीति यन्माम्प्रविशेः किम्मां भुञ्ज्या
इत्यब्रवीत्त्वामेवेन्धीय तव भोगाय त्वाम्प्र विशेषमित्यब्रवीत्तं वृत्रः
प्राविशदुदरं वै वृत्रः क्षुत्खलु वै मनुष्यस्य भ्रातृव्यो यः (४१)

एवं वेद हन्ति क्षुधम्भ्रातृव्यन्तदस्मै प्रायच्छत्तत्प्रत्यंगृह्णाद्विर्माधा
इति तद्विष्णवेति प्रायच्छत्तद्विष्णुः प्रत्यंगृह्णादस्मास्विन्द्रं इन्द्रियं

दधात्विति यत्रिः प्रायच्छुत्रिः प्रत्यगृह्णात्तत्रिधातोस्त्रिधातुत्वं
यद्विष्णुरन्वतिष्ठत् विष्णवेति प्रायच्छुत्तस्मादैन्द्रावैष्णवः हविर्भवति
यद्वा इदं किं च तदस्मै तत्प्रायच्छुदृचः सामानि यजूंषि सहस्रं
वा अस्मै तत्प्रायच्छुत्तस्मात्सहस्रदक्षिणम्॥ (४२)

प्रवृणं विष्णुर्वा इदमिदमहं यो भवत्येकविंशतिश्च॥ [१२]

देवा वै राजन्याञ्जायमानादबिभयुस्तमन्तरेव सन्तं
दाम्नापौम्भन्त्स वा एषोऽपौब्धो जायते यद्राजन्यो यद्वा एषो-
ऽनपोब्धो जायेत वृत्रान्धः श्वरेद्यं कामयेत राजन्यमनपोब्धो जायेत
वृत्रान्धः श्वरेदिति तस्मा एतमैन्द्राबारहस्पत्यं चरुं निर्वपेदैन्द्रो वै
राजन्यो ब्रह्म बृहस्पतिर्ब्रह्मणैवैनं दाम्नोऽपोम्भनान्मुञ्चति हिरण्मयं
दाम् दक्षिणा साक्षादेवैनं दाम्नोऽपोम्भनान्मुञ्चति॥ (४३)

एनं द्वादश च॥ [१३]

नवोनवो भवति जायमानोऽह्नां केतुरुषसामेत्यग्रे। भागं
देवेभ्यो वि दधात्यायन्त्र चन्द्रमास्तिरति दीर्घमायुः। यमादित्या
अंशुमाप्याययन्ति यमक्षितमक्षितयः पिबन्ति। तेन नो
राजा वरुणो बृहस्पतिरा प्याययन्तु भुवनस्य गोपाः। प्राच्यां
दिशि त्वमिन्द्रासि राजतोदीच्यां वृत्रहन्वृत्रहासि। यत्र यन्ति
स्रोत्यास्तत् (४४)

जितं तै दक्षिणतो वृषभ एधि हव्यः। इन्द्रो जयाति न परां

जयाता अधिराजो राजसु राजयाति। विश्वा हि भूयाः पृतना
 अभिष्टीरुपसद्यो नमस्यो यथासत्। अस्येदेव प्र रिरिचे महित्वं
 दिवः पृथिव्याः पर्यन्तरिक्षात्। स्वराडिन्द्रो दम् आ विश्वगूर्तः
 स्वरिरमत्रो ववक्षे रणाय। अभि त्वा शूर नोनुमोऽदुग्धा इव धेनवः।
 ईशानम् (४५)

अस्य जगतः सुवर्दशमीशानमिन्द्र तस्थुषः। त्वामिद्धि
 हवामहे साता वाजस्य कारवः। त्वां वृत्रेष्विन्द्र सत्पतिं नरस्त्वां
 काष्ठास्वर्वतः। यद्वाव इन्द्र ते शत९ शतम्भूमीरुत स्युः। न त्वां
 वज्रिन्त्सहस्र९ सूर्या अनु न जातमष्ट रोदसी। पिबा सोममिन्द्र
 मन्दतु त्वा यं तै सुषाव हर्यश्वाद्रिः। (४६)

सोतुर्बाहुभ्या९ सुयंतो नार्वी। रेवतीर्नः सधमाद इन्द्रे सन्तु
 तुविवाजाः। क्षुमन्तो याभिर्मदेम। उदग्ने शुचयस्तव वि ज्योतिषोदु
 त्यं जातवेदस९ सप्त त्वा हरितो रथे वहन्ति देव सूर्य। शोचिष्केशं
 विचक्षण। चित्रं देवानामुदगादनीकं चक्षुर्मित्रस्य वरुणस्याग्नेः। आ-
 ऽप्रा द्यावापृथिवी अन्तरिक्ष९ सूर्य आत्मा जगतस्तस्थुषः (४७)

च। विश्वे देवा ऋतावृधं ऋतुभिर्हवनश्रुतः। जुषन्तां
 युज्यम्पयः। विश्वे देवाः शृणुतेम९ हवम्मे ये अन्तरिक्षे य उप
 द्यवि ष्ठा। ये अग्निजिह्वा उत वा यजत्रा आसद्यास्मिन्बर्हिषि

मादयध्वम् (४८)

देवा मनुष्या देवासुरा अंबुवन्देवासुरास्तेषांङ्गायत्री प्रजापतिस्ता यत्राग्ने गोभिश्चित्रयां मारुतन्देवां वसव्या अग्ने मारुतमिति देवां वसव्या देवाः शर्मण्यास्त्वष्टां हृतपुत्रो देवा वै राज्ञ्यान्नवोनवश्चतुर्दश॥[१४]

[देवा मनुष्याः प्रजां पशून्देवा वसव्याः परिध्यादिदमस्म्यष्टाचत्वारिंशत्॥48॥ देवा मनुष्यां मादयध्वम्॥]

तदीशानमद्रिस्तस्थुर्पस्त्रिंशच्च॥ [१५]

विश्वरूपस्त्वष्टेन्द्रं वृत्रम्ब्रह्मवादिनः स त्वे नासौमयाज्येष वै देवस्थो देवा वै नर्चि नायज्ञोऽग्ने महान्नीत्रिर्वीतमायुष्टे द्वादश॥[१६][विश्वरूपो नैनं शीतरूरावद्य वसुं पूर्वद्युर्वाजा इत्यग्ने महान्निर्वीतमन्या यन्ति चतुःसततिः॥74॥ विश्वरूपोऽनु ते दायि॥]

॥पञ्चमः प्रश्नः॥

॥तैत्तिरीयसंहितायां द्वितीयकाण्डे पञ्चमः प्रश्नः॥

विश्वरूपो वै त्वाष्ट्रः पुरोहितो देवानांमासीध्वस्त्रीयोऽसुराणान्तस्य त्रीणि शीर्षाण्यांसन्धोमपानं सुरापानमन्नादनं स प्रत्यक्षं देवभ्यो भागमवदत्परोक्षमसुरेभ्यः सर्वस्मै वै प्रत्यक्षं भागं वदन्ति यस्मा एव परोक्षं वदन्ति तस्य भाग उदितस्तस्मादिन्द्रोऽविभेदीदृङ्क्ते राष्ट्रं वि पर्यावर्तयतीति तस्य वज्रमादाय शीर्षाण्यच्छिन्नद्यधोमपानम् (१)

आसीध्वः कपिञ्जलोऽभवद्यध्वसुरापानं स कलविद्धो यदन्नादनं स तित्तिरिस्तस्याञ्जलिना ब्रह्महृत्यामुपांगृह्णात्ता संवध्वसरमविभुस्तम्भूतान्यभ्यङ्कोशन्ब्रह्महन्ति स पृथिवीमुपासीददस्ये ब्रह्महृत्याये तृतीयं प्रति गृह्णाणेति साब्रवीद्वरं वृणै खातात्पराभविष्यन्ती मन्ये ततो मा परा भूवमिति पुरा तै (२)

संवध्वसरादपि रोहादित्यब्रवीत्तस्मात्पुरा संवध्वसरात्पृथिव्यै खातमपि रोहति वारंवृतं ह्यस्ये तृतीयं ब्रह्महृत्याये प्रत्यंगृह्णात्तध्वकृतमिरिणमभवत्तस्मादाहिताग्निः श्रद्धादेवः स्वकृत इरिणे नावं स्येद्ब्रह्महृत्याये ह्येव वर्णः स वनस्पतीनुपासीददस्ये ब्रह्महृत्याये तृतीयं प्रति गृह्णीतेति तैऽब्रुवन्वरं वृणामहे वृक्णात् (३)

पुराभविष्यन्ती मन्यामहे ततो मा परा भूमेत्याब्रध्वनाद्वो भूयांस उत्तिष्ठानित्यब्रवीत्तस्मादाब्रध्वनाद्वृक्षाणाम्भूयांस उत्तिष्ठन्ति वारंवृतं ह्येपान्तृतीयं ब्रह्महृत्याये प्रत्यंगृह्णन्तस्मिन्निर्यासोऽभवत्तस्मान्निर्यासस्य नाश्यं ब्रह्महृत्याये ह्येव वर्णोऽथो खलु य एव लोहितो यो वाऽऽब्रध्वनान्निर्येपति तस्य नाशयम् (४)

काममन्यस्य स स्त्रीषः सादमुपासीददस्यै ब्रह्महत्यायै तृतीयं प्रति गृह्णीतेति ता अंब्रुवन्वरं वृणामहा ऋत्विगात्यजां विन्दामहे काममा विजंनितोः सम्भवामेति तस्मादृत्विगाथिष्ठियः प्रजां विन्दन्ते काममा विजंनितोः सम्भवन्ति वारंवृतः ह्यासान्तृतीयं ब्रह्महत्यायै प्रत्यंगृह्णन्सा मलवद्वासा अभवत्तस्मान्मलवद्वाससा न सं वदेत (५)

न सुहासीत नास्या अन्नमद्याद्ब्रह्महत्यायै ह्येषा वर्णं प्रतिमुच्यास्तेऽथो खल्वाहुरभ्यञ्जनं वाव स्त्रिया अन्नमभ्यञ्जनमेव न प्रतिगृह्यं काममन्यदिति याम्मलवद्वाससः सम्भवन्ति यस्ततो जायते सोऽभिषिक्तो यामरण्ये तस्यै स्तेनो यां परांवीं तस्यै ह्येतमुख्यपगल्भो या स्नाति तस्यां अप्सु मारुको या (६)

अभ्यङ्के तस्यै दुश्कर्मा या प्रलिखते तस्यै खलतिरंपमारी याऽऽङ्के तस्यै काणो या दतो धावते तस्यै श्यावदन या नृखानि निकृन्ते तस्यै कुनखी या कृणति तस्यै क्रीबो या रज्जुः सृजति तस्यां उद्वन्धुको या पूर्णेन पिबति तस्यां उन्मादुको या खर्वेण पिबति तस्यै खर्वस्तिस्त्रो रात्रौ व्रतं चरेदञ्जलिना वा पिबेदखर्वेण वा पात्रेण प्रजायै गोपीथाय॥ (७)

यत्सोमपानन्ते वृष्णात्तस्य नाशं वदेत् मारुको याऽखर्वेण वा त्रीणि च॥ [१]

त्वष्टा हतपुत्रो वीन्द्रः सोममाहर्त्तस्मिन्निन्द्र उपहवमैच्छत् तं नोपाह्वयत् पुत्रम्तेऽवधीरिति स यज्ञवेशसं कृत्वा प्रासहा सोममपिबत्तस्य यदत्यशिष्यत् तत्त्वष्टाहवनीयमुप प्रावर्तयथ्स्वाहेन्द्रशत्रुर्वधस्वेति यदवर्तयत्तद्वृत्रस्य वृत्रत्वं यदब्रवीथ्स्वाहेन्द्रशत्रुर्वधस्वेति तस्मादस्य (८)

इन्द्रः शत्रुरभवत्स सम्भवन्नग्नीषोमावभि समभवत्स इंपुमात्रमिंपुमात्रं विष्वङ्बुवर्धत् स इमाल्लोकानवृणोद यदिमाल्लोकानवृणोत्तद्वृत्रस्य वृत्रत्वन्तस्मादिन्द्रोऽबिभेत्स प्रजापतिमुपाधावच्छत्रुमैऽजनीति तस्मै वज्रं सिक्त्वा प्रायच्छदेतेन जहीति तेनाभ्यायत् तावब्रूतामग्नीषोमो मा (९)

प्र हांरावमन्तः स्व इति मम वै युवः स्थ इत्यब्रवीन्मामभ्येतमिति तौ भांग्दयमैच्छेतान्ताभ्यामेतमग्नीषोमीयमेकादशकपालम्पूर्णमासे प्रायच्छत्तावब्रूतामभि सन्दष्टौ वै स्वी न शक्रुव ऐतुमिति स इन्द्र आत्मनः शीतरूरावजनयत्तच्छीतरूरयोर्यजन् य एवः शीतरूरयोर्यजन् वेदं (१०)

नैनः शीतरूरौ हतस्ताभ्यामेनमभ्यनयत्तस्माञ्जञ्जभ्यमानादग्नीषोमौ निरक्रामतां प्राणापानौ वा एनं तदजहिताम् प्राणो वै दक्षोऽपानः ऋतुस्तस्माञ्जञ्जभ्यमानो ब्रूयान्मयि दक्षऋतु इति प्राणापानावेवात्मन्त्येते सर्वमायुरेति स देवता वृत्रान्निरहूय वार्त्रघ्नः हविः पूर्णमासे निरवपद्बन्ति वा एनम्पूर्णमास आ (११)

अमावास्यायाम्याययन्ति तस्माद्वात्रघ्नी पूर्णमासेऽनूच्येते वृधन्वती अमावास्यायान्तथः स्थाप्य वार्त्रघ्नः हविर्वज्रमादाय पुनरभ्यायत् ते अब्रूतान्धावापृथिवी मा प्र हांरावयोर्वै श्रित इति ते अब्रूतां वरं वृणावहे नक्षत्रविहिताऽहमंसानीत्यसावब्रवीच्चित्रविहिताऽहमितीयन्तस्मान्नक्षत्रविहिताऽसौ चित्रविहितेयं य एव द्यावापृथिव्योः (१२)

वरं वेदेन वरौ गच्छति स आभ्यामेव प्रसूत इन्द्रो वृत्रमंहन्ते देवा वृत्रं हत्वाऽग्नीषोमावब्रुवन्हृयं नो वहतमिति तावब्रूतामपतेजसौ वै त्यौ वृत्रे वै त्ययोस्तेज इति तैऽब्रुवन्क इदमच्छेतीति गौरित्यब्रुवन्गौराव

सर्वस्य मित्रमिति साऽब्रवीत् (१३)

वरं वृषे मय्येव सतोभयेन भुनजाध्वा इति तद्वैराहंरुतस्माद्भविं सतोभयेन भुञ्जत एतद्वा अग्नेस्तेजो यद्धृतमेतत्सोमस्य यत्पयो य एवमग्नीषोमयोस्तेजो वेदं तेजस्व्येव भवति ब्रह्मवादिनो वदन्ति किन्देवत्यम्पौर्णमासमिति प्राजापत्यमिति ब्रूयात्तेनेन्द्रं ज्येष्ठमुत्रं निरवासाययदिति तस्माज्येष्ठमुत्रं धनेन निरवासाययन्ति॥ (१४)

अस्य मा वेदा द्यावापृथिव्योरब्रवीदिति तस्माच्चत्वारि च॥ [२]

इन्द्रं वृत्रं जंघ्रिवाः सम्मृधोऽभि प्रावैपन्तु स एतं वैमृधम्पूणमासेऽनुनिर्वाप्यमपश्यत्तं निरवपत्तेन वै स मृधोऽपाहृत यद्वैमृधः पूर्णमासेऽनुनिर्वाप्यो भवति मृधं एव तेन यजमानोऽपं हत इन्द्रो वृत्रं हत्वा देवताभिश्चेन्द्रियेण च व्याधृतं स एतमाग्नेयमष्टाकपालममावास्यायामपश्यदेन्द्रं दधि (१५)

तं निरवपत्तेन वै स देवतांश्चेन्द्रियं चावारुन्धु यदाग्नेयोऽष्टाकपालोऽमावास्यायामभवत्येन्द्रं दधि देवतांश्चैव तेनेन्द्रियं च यजमानोऽवं रुन्धु इन्द्रस्य वृत्रं जघ्रुप इन्द्रियं वीर्यं पृथिवीमनु व्याच्छ्रुतदोषधयो वीरुधोऽभवन्थ्स प्रजापतिमुपाधावद्वृत्रं मे जघ्रुप इन्द्रियं वीर्यम् (१६)

पृथिवीमनु व्यारुतदोषधयो वीरुधोऽभून्निति स प्रजापतिः पशून्ब्रवीदेतदस्मै सं नयतेति तत्पशव ओषधीभ्योऽध्यात्मन्समनयन्तत्प्रयदुहन् यत्समनयन्तत्सान्नाय्यस्य सान्नाय्यत्वं यत्प्रयदुहन्तत्प्रतिधुषः प्रतिधुक्कः समनैषुः प्रत्यधुक्षन्न तु मयि श्रयत इत्यंब्रवीदेतदस्मै (१७)

शृतं कुरुतेत्यंब्रवीतदस्मै शृतमर्कवन्निन्द्रियं वावास्मिन्वीर्यं तदश्रयन्तच्छ्रुतस्य शृतत्वः समनैषुः प्रत्यधुक्षच्छ्रुतमर्कन्न तु मां धिनोतीत्यंब्रवीदेतदस्मै दधि कुरुतेत्यंब्रवीतदस्मै दध्यर्कवन्तदेनमधिनोतद्भो दधित्वं ब्रह्मवादिनो वदन्ति दध्नः पूर्वस्यावदेयम् (१८)

दधि हि पूर्वं क्रियत इत्यनादृत्य तच्छ्रुतस्यैव पूर्वस्यावं छेदिन्द्रियमेवास्मिन्वीर्यं श्रित्वा दध्नोपरिष्ठाद्विनोति यथापूर्वमुपैति यत्पृथीकैर्वा पर्णवल्कैर्वातध्यात्सोम्यं तद्यत्कले राक्षसं तद्यत्तण्डुले वैश्वदेवं तद्यदातश्चनेन मानुषं तद्यद्भ्रा तथ्येन्द्रं दध्ना तनक्ति (१९)

सेन्द्रत्वायाग्निहोत्रोच्छेषणमुभ्यातनक्ति यज्ञस्य सन्तत्या इन्द्रो वृत्रं हत्वा परां परावतमगच्छदपाराधमिति मन्यमानस्तं देवताः प्रेषमैच्छन्त्योऽब्रवीत्प्राजापतिर्यः प्रथमोऽनुविन्दति तस्य प्रथमम्भांगधेयमिति तस्मिन्तरोऽन्विन्दन्तस्मात्प्रतिभ्यः पूर्वद्युः क्रियते सोऽमावास्यां प्रत्यागच्छत्तं देवा अभि समगच्छन्तामा वै नः (२०)

अद्य वसु वसतीतीन्द्रो हि देवानां वसु तदमावास्याया अमावास्यात्वं ब्रह्मवादिनो वदन्ति किन्देवत्यः सान्नाय्यमिति वैश्वदेवमिति ब्रूयाद्विश्वे हि तद्देवा भांगधेयमभि समगच्छन्तेत्यथो खल्वेन्द्रमित्येव ब्रूयादिन्द्रं वाव ते तद्विषज्यन्तोऽभि समगच्छन्तेति॥ (२१)

दधि मे जघ्रुप इन्द्रियं वीर्यमित्यंब्रवीदेतदस्मा अवदेयन्तनक्ति नो द्विचत्वारिंशच्च॥ [३]

ब्रह्मवादिनो वदन्ति स त्वे दर्शपूर्णमासौ यजेत य एनौ सेन्द्रो यजेतेति वैमृधः पूर्णमासेऽनुनिर्वाप्यो

भवति तेन पूर्णमासः सेन्द्रं ऐन्द्रं दध्यमावास्यायां तेनामावास्यां सेन्द्रा य एवं विद्वान्दर्शपूर्णमासौ यजते सेन्द्रावैवैनौ यजते श्वःश्वौऽस्मा ईजानाय वसीयो भवति देवा वै यद्यज्ञेऽकुर्वन्त तदसुरा अकुर्वन्त ते देवा एताम् (२२)

इष्टिमपश्यन्नाग्रावैष्णवमेकादशकपालं चरुं सरस्वते चरुं ताम्रपौर्णमासं सुष्ठुस्थाप्यानु निरवपन्ततो देवा अभवन्परासुरा यो भ्रातृव्यवान्स्थ्याथ्स पौर्णमासं सुष्ठुस्थाप्येतामिष्टिमनु निर्वपेत्यौर्णमासेनैव वज्रभ्रातृव्याय प्रहृत्याग्रावैष्णवेन देवतांश्च यज्ञं च भ्रातृव्यस्य वृद्धे मिथुनान्पशून्श्मरस्वताभ्यां यावदेवास्यास्ति तत् (२३)

सर्वं वृद्धे पौर्णमासीमेव यजेत भ्रातृव्यवान्नामावास्यां हत्वा भ्रातृव्यं ना प्याययति साकम्प्रस्थायीयेन यजेत पशुकामो यस्मै वा अल्पेनाहरन्ति नात्मना तृप्यति नान्यस्मै ददाति यस्मै महता तृप्यत्यात्मना ददात्यन्यस्मै महता पूर्णं हातव्यन्तुष एवैनमिन्द्रः प्रजयां पशुभिस्तर्पयति दारुपात्रेण जुहाति न हि मृन्मयमाहुतिमानश औदुम्बरम् (२४)

भृत्यूर्वा उदुम्बर् ऊर्क्पर्शवं ऊर्जेवास्मा ऊर्जं पशूनं रुद्धे नागतश्रीमहेन्द्रं यजेत त्रयो वै गतत्रियः शुश्रुवान्नामणी राजन्यस्तेषाम्महेन्द्रो देवता यो वै स्वां देवतामतिरयजते प्र स्वार्थे देवतायै च्यवते न पराम्प्राप्नोति पापीयान्भवति संवत्सरमिन्द्रं यजेत संवत्सरं हि ब्रतं नाति स्वा (२५)

एवैनं देवतेज्यमाना भूत्या इन्द्रे वसीयान्भवति संवत्सरस्यं प्रस्तादग्नयं ब्रतपतये पुरोडाशमष्टाकपालं निर्वपेत्संवत्सरमेवैनं वृत्रं जघ्निवांसमग्निर्ब्रतपतिर्ब्रतमा लम्भयति ततोऽधि कामं यजेत॥ (२६)

एतान्तदौदुम्बर्ः स्वा त्रिंशच्च॥ [४]

नासौमयाजी सं नयेदनागतं वा एतस्य पयो योऽसौमयाजी यदसौमयाजी संनयेत्परिमोष एव सोऽनृतं करोत्यथो परैव सिच्यते सोमयाज्यैव सं नयेत्पयो वै सोमः पर्यः सान्नाय्यम्ययंसैव पर्य आत्मन्थते वि वा एतम्प्रजयां पशुभिरर्धयति वर्धयत्यस्य भ्रातृव्यं यस्य हविर्निरुप्तम्पुरस्ताच्चन्द्रमाः (२७)

अन्युदेति त्रेधा तण्डुलान् वि भञ्जेद्ये मध्यामाः स्युस्तान्ग्नयं दात्रे पुरोडाशमष्टाकपालं कुर्याद्ये स्थविष्ठास्तानिन्द्राय प्रदात्रे दधःश्वरुं येऽणिष्ठास्तान् विष्णवे शिपिविष्टाय श्रुते चरुमग्निरेवास्यै प्रजाम्प्रजानयति वृद्धमिन्द्रः प्र यच्छति यज्ञो वै विष्णुः पशवः शिपिर्यज्ञ एव पशुषु प्रति तिष्ठति न द्वे (२८)

यजेत यत्पूर्वया सम्प्रति यजेतोत्तरया छुम्बद्वुर्याद्यदुत्तरया सम्प्रति यजेत पूर्वया छुम्बद्वुर्यात्रेष्टिर्भवति न यज्ञस्तदनु हीतमुख्यपगल्भो जायत एकामेव यजेत प्रगल्भौऽस्य जायतेऽनादृत्य तद्वै एव यजेत यज्ञमुखमेव पूर्वया लभते यजत उत्तरया देवता एव पूर्वयावरुद्ध इन्द्रियमुत्तरया देवलोकमेव (२९)

पूर्वयाभिजयति मनुष्यलोकमुत्तरया भूयसो यज्ञक्रतूनुपैत्येषा वै सुमना नामेष्टिर्यमद्येजानम्पश्चाच्चन्द्रमा अन्युदेत्यस्मिन्नेवास्यै लोकेऽधुकम्भवति दाक्षायणयज्ञेन सुवर्गकामो यजेत पूर्णमासे सं नयेन्मैत्रावरुण्याऽऽमिक्षयामावास्यायां यजेत पूर्णमासे वै देवानां सुतस्तेषामेतमर्धमासम्प्रसुतस्तेषामैत्रावरुणा

वृशामावास्यायामनूबन्ध्यां यत् (३०)

पूर्वेद्युर्यजते वेदिमेव तत्करोति यद्वत्सानपाकरोति सदोहविधानि एव सम्मिनोति यद्यजते देवैरेव सुत्याः सम्पादयति स एतमर्धमासः संधमादं देवैः सोमंमिबति यन्मैत्रावरुण्यामिक्षयामावास्यायां यजते यैवासौ देवानां वृशानूबन्ध्यां सो एवैषैतस्य साक्षाद्वा एष देवानभ्यारोहति य एषां यज्ञम् (३१)

अभ्यारोहति यथा खलु वै श्रेयानभ्यारूढः कामयते तथा करोति यद्यवविध्यति पार्षीयान्भवति यदि नावविध्यति सदृष्ट्वावृत्काम एतेन यज्ञेन यजेत क्षुरपविरह्यैष यज्ञस्ताजकपुण्यो वा भवति प्र वा मीयते तस्यैतद्वतं नानृतं वदेन्न माः समंश्रीयान्न स्त्रियमुपेयान्नास्य पत्पूलनेन वासः पत्पूलयेयुरेतद्धि देवाः सर्वं न कुर्वन्ति॥ (३२)

चन्द्रमा द्वे देवलोकमेव यद्यज्ञं पत्पूलयेयुष्यद्॥ [५]

एष वै देवस्थो यदंशपूर्णमासौ यो दंशपूर्णमासाविद्धा सोमैः यजते रथंस्पष्ट एवावसाने वरं देवानामव स्यत्येतानि वा अङ्गापरूषि संवत्सरस्य यदंशपूर्णमासौ य एवं विद्वान्दंशपूर्णमासौ यजते-ऽङ्गापरूष्येव संवत्सरस्य प्रति दधात्येते वै संवत्सरस्य चक्षुषी यदंशपूर्णमासौ य एवं विद्वान्दंशपूर्णमासौ यजते ताभ्यामेव सुवर्गं लोकमनु पश्यति (३३)

एषा वै देवानां विक्रान्तिर्यदंशपूर्णमासौ य एवं विद्वान्दंशपूर्णमासौ यजते देवानामेव विक्रान्तिमनु वि क्रमत एष वै देवयानः पन्था यदंशपूर्णमासौ य एवं विद्वान्दंशपूर्णमासौ यजते य एव देवयानः पन्थास्तः समारोहत्येतौ वै देवानाः हरी यदंशपूर्णमासौ य एवं विद्वान्दंशपूर्णमासौ यजते यावेव देवानाः हरी ताभ्याम् (३४)

एवैभ्यो हव्यं वहत्येतद्वै देवानामास्यं यदंशपूर्णमासौ य एवं विद्वान्दंशपूर्णमासौ यजते साक्षादेव देवानामास्यं जुहोत्येष वै हविर्धानी यो दंशपूर्णमासयाजी सायम्प्रातरग्निहोत्रं जुहोति यजते दंशपूर्णमासावहंहरहविर्धानिनाः सुतो य एवं विद्वान्दंशपूर्णमासौ यजते हविर्धान्यस्मीति सर्वमेवास्यं बर्हिष्यं दत्तमभवति देवा वा अहः (३५)

यज्ञियं नाविन्दन्ते दंशपूर्णमासावपुनन्तौ वा एतौ पूतौ मेध्यौ यदंशपूर्णमासौ य एवं विद्वान्दंशपूर्णमासौ यजते पूतावेवैनौ मेध्यौ यजते नामावास्यायां च पौर्णमास्यां च स्त्रियमुपेयाद्यदुपेयान्निरिन्द्रियः स्यात्क्षोमंस्य वै राज्ञोर्धमासस्य रात्रयः पत्नय आसन्तासाममावास्यां च पौर्णमासी च नोपैत् (३६)

ते एनमभि समनद्येतान्तं यक्षं आच्छद्वाजानं यक्षं आरदिति तद्राजयक्षमस्य जन्म यत्पार्षीयानभवत्त-त्पापयक्षमस्य यज्ञायाभ्यामविन्दत्तज्ञायैन्यस्य य एवमेतेषां यक्षाणां जन्म वेद नैनमेते यक्षां विन्दन्ति स एते एव नमस्यन्नुपाधावृत्ते अंब्रतां वरं वृणावहा आवं देवानां भागधे अंसाव (३७)

आवदधि देवा इज्यान्ता इति तस्मात्सदृशीनाः रात्रीणाममावास्यायां च पौर्णमास्यां च देवा इज्यन्त एते हि देवानां भागधे भांग्धा अंस्मै मनुष्या भवन्ति य एवं वेद भूतानि क्षुधमग्नन्सद्यो मनुष्या अर्धमासे देवा मासि पितरः संवत्सरे वनस्पतयस्तस्मादहंरहर्मनुष्या अशनमिच्छन्तेर्धमासे देवा इज्यन्ते

मासि पितृभ्यः क्रियते संवत्सरे वनस्पतयः फलं गृह्णन्ति य एवं वेद हन्ति क्षुध्मभ्रातृव्यम्॥ (३८)

पश्यति ताभ्यामहरैदसाव फलं सप्त च॥ [६]

देवा वै नचिं न यज्युष्यश्रयन्त ते सामन्त्रेवाश्रयन्त हिं करोति सामैवाकर्हिं करोति यत्रैव देवा अश्रयन्त तत् एवैनान्प्र युङ्क्ते हिं करोति वाच एवैष योगो हिं करोति प्रजा एव तद्यजमानः सृजते त्रिः प्रथमामन्वाह त्रिरुत्तमां यज्ञस्यैव तद्वत्सम् (३९)

नहृत्यपन्नंसाय सन्ततमन्वाह प्राणानामन्नाद्यस्य सन्तत्या अथो रक्षंसापहृत्यै राथंतरीम्प्रथमामन्वाह राथंतरो वा अयं लोक इममेव लोकमभि जयति त्रिविं गृह्णाति त्रयं इमे लोका इमानेव लोकानभि जयति बारहतीमुत्तमामन्वाह बारहंतो वा असौ लोकौऽममेव लोकमभि जयति प्र वः (४०)

वाजा इत्यनिरुक्ताम्राजापत्यामन्वाह यज्ञो वै प्रजापतिर्यज्ञमेव प्रजापतिमा रभेत प्र वो वाजा इत्यन्वाहान्नं वै वाजोऽन्त्रमेवाव रुन्दे प्र वो वाजा इत्यान्वाह तस्मात्प्राचीनः रेतो धीयतेऽग्न आ याहि वीतय इत्याह तस्मात्प्रातीचीः प्रजा जायन्ते प्र वो वाजाः (४१)

इत्यन्वाह मासा वै वाजा अर्धमासा अभिद्यवो देवा हुविष्मन्तो गौर्धृताचीं यज्ञो देवाजिगाति यजमानः सुम्रयुरिदमसीदमसीत्येव यज्ञस्य प्रियं धामाव रुन्दे यं कामयंत सर्वमायुरियादिति प्र वो वाजा इति तस्यानूच्याग्न आ याहि वीतय इति सन्ततमुत्तरमर्धमा लभेत (४२)

प्राणेनैवास्यापानं दाधार सर्वमायुरेति यो वा अंरुतिः सामिधेनीनां वेदारत्नावेव भ्रातृव्यं कुरुतेऽर्धचौ सं दधात्येष वा अंरुतिः सामिधेनीनां य एवं वेदारत्नावेव भ्रातृव्यं कुरुत ऋषेः ऋषेर्वा एता निर्मिता यथ्सामिधेन्यस्ता यदसंयुक्ताः स्युः प्रजयां पशुभिर्यजमानस्य वि तिष्ठेरन्नर्धचौ सन्दधाति सं युनक्त्येवैनस्ता अस्मै संयुक्ता अवरुद्धाः सर्वामाशिषं दुहे॥ (४३)

वृत्सं वो जायन्ते प्र वो वाजा लभेत दधाति सन्दशं च॥ [७]

अयंज्ञो वा एष योऽस्माऽग्न आ याहि वीतय इत्याह रथन्तरस्येष वर्णस्तं त्वा समिद्धिरङ्गिर इत्याह वामदेव्यस्येष वर्णो बृहदंशे सुवीर्यमित्याह बृहत् एष वर्णो यदेतं तृचमन्वाह यज्ञमेव तथ्सामन्वन्तं करोत्यग्निर्मुष्मिष्ठौक आसीदादित्योऽस्मिन्ताविमौ लोकावशान्तौ (४४)

आस्तान्ते देवा अंब्रवज्रेतेमौ वि पर्युहामेत्यग्न आ याहि वीतय इत्यस्मिष्ठौकऽग्निमंदधुर्बृहदंशे सुवीर्यमित्यमुष्मिष्ठौक आदित्यन्ततो वा इमौ लोकावशाम्यतां यदेवमन्वाहानयोर्लोकयोः शान्त्यै शाम्यतोऽस्मा इमौ लोकौ य एवं वेद पञ्चदश सामिधेनीरन्वाह पञ्चदश (४५)

वा अर्धमासस्य रात्रयोऽर्धमासशः संवत्सर आप्यते तासां त्रीणि च शतानि पृष्टिश्चाक्षराणि तावन्तीः संवत्सरस्य रात्रयोऽक्षरश एव संवत्सरमाप्नोति नृमेधंश्च परुच्छेपश्च ब्रह्मवाद्यमवदेतामस्मिन्दारांवाद्ग्रेऽग्निं जनयाव यतरो नो ब्रह्मैयानिति नृमेधोऽयंवदथ्स धूमजनयत्परुच्छेपोऽयंवदथ्सोऽग्निमंजनयदृष इत्यंब्रवीत् (४६)

यथ्समावद्विद्व कथा त्वमग्निमर्जीजनो नाहमिति सामिधेनीनामेवाह वर्णं वेदेत्यंब्रवीद्यद्वत्तवंत्पदमनूच्यते

स आंसां वर्णस्तं त्वां समिद्धिरङ्गिर इत्याह सामिधेनीष्वे तज्योतिर्जनयति स्त्रियस्तेन यदृचः स्त्रियस्तेन यद्वायत्रियः स्त्रियस्तेन यश्सामिधेन्यो वृषण्वतीमन्वाह (४७)

तेन पु॒श्स्वतीस्तेन सेन्द्रास्तेन मिथुना अग्निर्देवानां दूत आसीदुशनां काव्योऽसुराणान्तौ प्रजापतिम्पृश्नमैता॒ स प्रजापतिरग्निं दूतं वृणीमह इत्यग्निं पर्यावर्तत ततो देवा अभवन्परासुरा यस्यैवं विदुषोऽग्निं दूतं वृणीमह इत्यन्वाह भवत्यात्मना परीस्य भ्रातृव्यो भवत्यध्वरवंतीमन्वाह भ्रातृव्यमेवैतया (४८)

ध्वरति शोचिर्ऋशस्तमीमह इत्याह पवित्रमेवैतद्यजमानमेवैतया पवयति समिद्धो अग्न आहुतेत्याह परिधिमेवैतं परि दधात्यस्कन्दाय यदत ऊर्ध्वमभ्यादध्याद्यथा बहिःपरिधि स्कन्दति तादृगेव तत्रयो वा अग्नयो हव्यवाहनो देवानां कव्यवाहनः पितृणां सहर्क्षा असुराणान्त एतर्ह्या शंसन्ते मां वरिष्यते माम् (४९)

इति वृणीध्व॑ हव्यवाहनमित्याह य एव देवानां तं वृणीत आरुषेयं वृणीते बन्धोरेव नैत्यथो सन्तत्यै पुरस्तादवाचो वृणीते तस्मात्पुरस्तादवाञ्छो मनुष्यान्पितरोऽनु प्र पिपते॥ (५०)

अशान्तावाह पञ्चदशाब्रवीदन्वाहेतया वरिष्यते मामेकात्रित्रिंशच्च॥ [८]

अग्ने म्हा॑ असित्याह महान् ह्येष यदग्निर्ब्राह्मणेत्याह ब्राह्मणो ह्येष भारतेत्याहेष हि देवेभ्यो हव्यम्भरति देवेद्ध इत्याह देवा ह्येतमेभ्यन्त मन्विद्ध इत्याह मनुर्ह्येतमुत्तरो देवेभ्य ऐन्द्रर्षिष्टुत इत्याहर्षयो ह्येतमस्तुवन्विप्रानुमादित इत्याह (५१)

विप्रा ह्येते यच्छुश्रुवांसः कविशस्त इत्याह कवयो ह्येते यच्छुश्रुवांसो ब्रह्मसंशित इत्याह ब्रह्मसंशितो ह्येष घृताहन् न इत्याह घृताहुतिर्ह्यस्य प्रियतमा प्रणीयज्ञानामित्याह प्रणीरह्येष यज्ञानां रथीरध्वराणामित्याहेष हि देवर्थोऽतूर्तो होतेत्याह न ह्येतं कश्चन (५२)

तरति तूर्णिरहव्यवाडित्याह सर्वं ह्येष तरत्यास्पात्रं जुहूर्देवानामित्याह जुहूर्ह्येष देवानांश्चमसो देवपान इत्याह चमसो ह्येष देवपानोऽरा इवाग्ने नेमिर्देवास्त्वं परिभूरसीत्याह देवान् ह्येष परिभूर्यद्वयादा वह देवान्देवयते यजमानायेति भ्रातृव्यमस्मै (५३)

जनयेदा वह देवान् यजमानायेत्याह यजमानमेवैतेन वर्धयत्यग्निमग्न आ वह सोममा वहेत्याह देवता एव तद्यथापूर्वमुप ह्वयत आ चाग्ने देवान् वह सुयजां च यज जातवेद इत्याहाग्निमेव तथ्सं श्यति सौऽस्य संशितो देवेभ्यो हव्यं वहत्यग्निर्होता (५४)

इत्याहाग्निर्वै देवानां होता य एव देवानां होता तं वृणीते स्मो वयमित्याहात्मानमेव सत्त्वं गमयति साधु तं यजमान देवतेत्याहाशिषमेवैतामा शास्ते यद्वयाद्यौऽग्निं होतांमवृथा इत्यग्निर्नोभयतो यजमानं परि गृहीयात् प्रमायुकः स्याद्यजमानदेवत्यां वै जुहूर्भ्रातृव्यदेवत्योपभृत् (५)

यद्वे इव ब्रूयाद्भ्रातृव्यमस्मै जनयेद्धृतवतीमध्वर्यो सुचमास्यस्वेत्याह यजमानमेवैतेन वर्धयति देवायुवमित्याह देवान् ह्येषावति विश्वारांमित्याह विश्वं ह्येषावतीडामहे देवा इडेन्यात्रमस्यामं नमस्यान् यजां यज्ञियानित्याह

मनुष्यां वा ईडेन्याः पितरो नमस्यां देवा यज्ञियां देवता एव तद्यथाभागं यजति॥ (५६)

विप्रांनुमदितु इत्याह चनास्मै होतोपभूदेवता एव त्रीणि च॥ [१]

त्रीः स्तुचाननु ब्रूयाद्राजन्त्यस्य त्रयो वा अन्ये राजन्त्यात्पुरुषा ब्राह्मणो वैश्यः शूद्रस्तानेवास्मा अनुकान्करोति पञ्चदशानु ब्रूयाद्राजन्त्यस्य पञ्चदशो वै राजन्त्यः स्व एवेनः स्तोमे प्रतिष्ठापयति त्रिष्टुभा परि दध्यादिन्द्रियं वै त्रिष्टुगिन्द्रियकामः खलु वै राजन्त्यो यजते त्रिष्टुभेवास्मा इन्द्रियं परि गृह्णाति यदि कामयेत (५७)

ब्रह्मवर्चसमस्त्विति गायत्रिया परि दध्याद्ब्रह्मवर्चसं वै गायत्री ब्रह्मवर्चसमेव भवति सप्तदशानु ब्रूयाद्वैश्यस्य सप्तदशो वै वैश्यः स्व एवेनः स्तोमे प्रतिष्ठापयति जगत्या परि दध्याज्जागता वै पशवः पशुकामः खलु वै वैश्यो यजते जगत्येवास्मै पशून्परि गृह्णात्येकविंशतिमनु ब्रूयात्प्रतिष्ठाकामस्यैकविंशः स्तोमानां प्रतिष्ठा प्रतिष्ठित्यै (५८)

चतुर्विंशतिमनु ब्रूयाद्ब्रह्मवर्चसकामस्य चतुर्विंशत्यक्षरा गायत्री गायत्री ब्रह्मवर्चसङ्गायत्रियैवास्मै ब्रह्मवर्चसमव रुन्दे त्रिंशतमनु ब्रूयादन्नकामस्य त्रिंशदक्षरा विराडन्नं विराड्विराजैवास्मा अन्नाद्यमव रुन्दे द्वात्रिंशतमनु ब्रूयात्प्रतिष्ठाकामस्य द्वात्रिंशदक्षरानुष्टुगनुष्टुप्छन्दां प्रतिष्ठा प्रतिष्ठित्यै पद्विंशतमनु ब्रूयात्पशुकामस्य पद्विंशदक्षरा बृहती वारहताः पशवो बृहत्येवास्मै पशून् (५९)

अव रुन्दे चतुश्चत्वारिंशतमनु ब्रूयादिन्द्रियकामस्य चतुश्चत्वारिंशदक्षरा त्रिष्टुगिन्द्रियं त्रिष्टुत्रिष्टुभेवास्मा इन्द्रियमव रुन्देऽष्टाचत्वारिंशतमनु ब्रूयात्पशुकामस्याष्टाचत्वारिंशदक्षरा जगती जागताः पशवो जगत्येवास्मै पशून्व रुन्दे सर्वाणि छन्दाः स्यन्तु ब्रूयाद्बहुयाजिनः सर्वाणि वा एतस्य छन्दाः स्यवरुन्दानि यो बहुयाज्यपरिमितमनु ब्रूयादपरिमितस्यावरुन्दैः॥ (६०)

कामयेत प्रतिष्ठित्यै पशून्सप्तचत्वारिंशच्च॥ [१०]

निर्वीतम्मनुष्याणाम्प्राचीनावीतम्पितृणामुपवीतं देवानामुप व्ययते देवलक्ष्ममेव तत्कुरुते तिष्ठन्नवाह तिष्ठन् ह्यश्रुततरं वदति तिष्ठन्नवाह सुवर्गस्य लोकस्याभिर्जित्या आसीनो यजत्यस्मिन्नेव लोके प्रति तिष्ठति यत्क्रौञ्चमन्वाहामुरं तद्यन्मन्त्रम्मानुषं तद्यदन्तरा तथ्सदेवमन्तरानूच्य सदेवत्वाय विद्वांसो वै (६१)

पुरा होतारोऽभूवन्तस्माद्विधृता अध्वानोऽभूवन् पन्थानः समरुक्षन्तर्वेद्यन्यः पादो भवति बहिर्वेद्यन्योऽथान्वाहार्धनां विधृत्यै पथामसं रोहायाथो भूतं चैव भविष्यच्चाव रुन्देऽथो परिमितं चैवापरिमितं चाव रुन्देऽथो ग्राम्याश्चैव पशूनां रण्याश्चैव रुन्देऽथो (६२)

देवलोकं चैव मनुष्यलोकं चाभिर्जयति देवा वै सामिधेनीरनूच्य यज्ञं नान्वपश्यन्स प्रजापतिस्तृष्णीमाधारमाधारयत्तो वै देवा यज्ञमन्वपश्यन् यत्तृष्णीमाधारमाधारयति यज्ञस्यानुख्यात्या अथो सामिधेनीर्वाभ्यन्तक्षलूक्षो भवति य एवं वेदार्थो तर्पयत्येवैनस्तृप्यति प्रजयां पशुभिः (६३)

य एवं वेद यदेकयाधारयेदेका प्रीणीयाद्यद्वाभ्यां द्वे प्रीणीयाद्यत्तिसृभिरति तद्रेचयेन्मनसा धारयति मनसा ह्यनसमाप्यते तिर्यञ्चमा धारयत्यलम्बद्धारं वाक् मनश्चार्तीयतामहं देवेभ्यो हव्यं वंहामीति वारगव्रीदहं देवेभ्य इति मनस्तौ प्रजापतिमश्वमैताः सौऽब्रवीत् (६४)

प्रजापतिर्दृतीरेव त्वं मनसोऽसि यद्धि मनसा ध्यायति तद्वाचा वदतीति तत्खलु तुभ्यं न वाचा जुहवन्नित्यंब्रवीत् तस्मान्मनसा प्रजापतये जुहति मन इव हि प्रजापतिः प्रजापतेरास्यै परिधीन्धस्माँष्टि पुनार्येवैनान्निर्मध्यं त्रयो वै प्राणाः प्राणानेवाभि जयति त्रिदक्षिणार्ध्यं त्रयः (६५)

इमे लोका इमानेव लोकानभि जयति त्रिस्तार्यं त्रयो वै देवयानाः पन्थानस्तानेवाभि जयति त्रिरुपं वाजयति त्रयो वै देवलोका देवलोकानेवाभि जयति द्वादश सम्पद्यन्ते द्वादश मासाः संवत्सरः संवत्सरमेव प्रीणात्यथौ संवत्सरमेवास्मा उप दधाति सुवर्गस्य लोकस्य समष्ट्या आधारमा धारयति तिर इव (६६)

वै सुवर्गो लोकः सुवर्गमेवास्मै लोकम्प रीयत्युजुमा धारयत्युजुरिव हि प्राणः सन्ततमा धारयति प्राणानामन्नाद्यस्य सन्तत्या अथो रक्षसामपहत्यै यं कामयैत प्रमायुकः स्यादिति जिह्मं तस्या धारयेत्प्राणमेवास्माँजिह्मं नयति ताजकम् मीयते शिरो वा एतद्यज्ञस्य यदाधार आत्मा ध्रुवा (६७)

आधारमाधार्य ध्रुवाः समनत्तद्यात्मन्नेव यज्ञस्य शिरः प्रति दधात्यग्निर्देवानां दूत आसीदैव्योऽसुराणान्तौ प्रजापतिम्प्रजमैताः स प्रजापतिर्ब्राह्मणमंब्रवीदेतद्वि ब्रूहीत्या श्रावयेतीदं देवाः शृणुतेति वाव तदंब्रवीदग्निर्देवो होतेति य एव देवानां तमंब्रवीत् ततो देवाः (६८)

अमंब्रवणसुरा यस्यैव विदुषः प्रवरम्प्रवृणते भवत्यात्मना परास्य भ्रातृव्यो भवति यद्ब्राह्मणश्चाब्राह्मणश्च प्रजमेयाता ब्राह्मणायाधि ब्रूयाद्यद्ब्राह्मणायाध्याहात्मनेऽध्याह यद्ब्राह्मणम्पराहात्मनं पराह तस्माँद्ब्राह्मणो न परोच्यः॥ (६९)

वा आरण्याश्चाव रुन्धेऽथो पशुभिः सौऽब्रवीदक्षिणार्ध्यंत्रय इव ध्रुवा देवाश्चत्वारिंशच्च॥ [११]

आयुष्ट आयुर्दा अग्र आ प्यायस्व सं तेऽवं ते हेड उदुत्तमम्प णो देव्या नो दिवोऽग्नाविष्णू अग्नाविष्णू इमं मे वरुण तत्त्वा याम्युदु त्यं चित्रम् अपां नपादा ह्यस्थादुपस्थं जिह्मानामृध्वो विद्युतं वसानः। तस्य ज्येष्ठमहिमानं वहन्तीरहिरण्यवर्णाः परि यन्ति यद्ब्रूहीः सम् (७०)

अन्या यन्त्युपं यन्त्यन्याः संमानमूर्ध्वं नद्यः पृणन्ति। तमू शुचिः शुच्यो दीदिवाःसंमपां नपातं परि तस्थुरापः। तमस्मैरा युवतयो युवानम्ममृज्यमानाः परि यन्त्यापः। स शुक्लेण शिकना रेवदग्निर्दीदायानिधो घृतनिर्णिगप्सु। इन्द्रावरुणयोर्हः सम्राजोरव आ वृणे। ता नो मृडत ईदृशे। इन्द्रावरुणा युवमध्वराय नः (७१)

विशे जनाय महि शर्म यच्छतम्। दीर्घप्रयज्युमति यो वंनुष्यति वयं जयेम पृतनासु दृढाः। आ नो मित्रावरुणा प्र बाहवा। त्वं नो अग्ने वरुणस्य विद्वां देवस्य हेडोऽवं यासिसीष्टाः। यजिष्ठो वहिंतमः शोशुचानो विश्वा द्वेपांसि प्र मुमुग्ध्यस्मत्। स त्वं नो अग्नेऽवमो भवोती नेदिष्ठो अस्या उपसो व्युष्टो। अवं यक्ष्व नो वरुणम् (७२)

रराणो वीहि मंडीकः सुहवो न एधि। प्रप्रायमग्निर्भरतस्य शृण्वे वि यध्मूर्यो न रोचते बृहद्वाः। अभि यः पूरं पृतनासु तस्थौ दीदाय दैव्यो अतिथिः शिवो नः। प्र ते यक्षि प्र ते इयमि मन्म भुवो

यथा वन्द्यो नो हवेषु। धन्वन्निव प्रपा अंसि त्वमग्न इयक्ष्वे पुरवे प्रल राजन्। (७३)

वि पाजंसा वि ज्योतिषा। स त्वमग्ने प्रतीकेन प्रत्योष यातुधान्यः। उरुक्षयेषु दीद्यत्। तं सुप्रतीकं सुदृशं स्वश्मर्विद्वांसो विदुष्टं सपेम। स यंक्षद्विधा वयुनानि विद्वान्म हव्यमग्निर्मृतैषु वोचत्। अहोमुचं विवेष यन्मा वि न इन्द्रेन्द्रं क्षत्रमिन्द्रियाणि शतक्रतोऽनु ते दायि (७४)

युहीः समध्वराय नो वरुणं राजंश्चतुश्त्वारिंश्च॥ [१२]

[समिधश्चक्षुषी प्रजापतिराज्यं देवस्य स्फग्मं ब्रह्मवादिनोऽद्विग्नेभ्यो मनुः पृथिव्याः पशवोऽग्नीधे देवा वै यज्ञस्य युक्ष्वोशन्तस्त्वा द्वादश]

॥षष्ठमः प्रश्नः॥

॥तैत्तिरीयसंहितायां द्वितीयकाण्डे षष्ठमः प्रश्नः॥

समिधो यजति वसन्तमेव तूनामव रुद्धे तनूनपातं यजति ग्रीष्ममेवाव रुद्धे इडो यजति वर्षा एवाव रुद्धे बर्हिर्यजति शरदमेवाव रुद्धे स्वाहाकारं यजति हेमन्तमेवाव रुद्धे तस्मात्स्वाहाकृता हेमन्पशवोऽव सीदन्ति समिधो यजत्युपस एव देवतानामव रुद्धे तनूनपातं यजति यज्ञमेवाव रुद्धे (१)

इडो यजति पशूमेवाव रुद्धे बर्हिर्यजति प्रजामेवाव रुद्धे समानयत उपभृतस्तेजो वा आज्यं प्रजा बर्हिः प्रजास्वेव तेजो दधाति स्वाहाकारं यजति वाचमेवाव रुद्धे दश सम्पद्यन्ते दशाक्षरा विराड्विराजैवात्राद्यमव रुद्धे समिधो यजत्यस्मिन्नेव लोके प्रति तिष्ठति तनूनपातं यजति (२)

यज्ञ एवान्तरिक्षे प्रति तिष्ठतीडो यजति पशुष्वेव प्रति तिष्ठति बर्हिर्यजति य एव देवयानाः पन्थानस्तेष्वेव प्रति तिष्ठति स्वाहाकारं यजति सुवर्ग एव लोके प्रति तिष्ठत्येतावन्तो वै देवलोकास्तेष्वेव यथापूर्वं प्रति तिष्ठति देवासुरा एषु लोकेष्वस्पर्धन्त ते देवाः प्रयाजैरेभ्यो लोकेभ्योऽसुरान्प्राणुदन्त तत्प्रयाजानाम् (३)

प्रयाजत्वं यस्यैवं विदुषः प्रयाजा इज्यन्ते प्रेभ्यो लोकेभ्यो भ्रातृव्यान्वदतेऽभिक्रामं जुहोत्यभिर्जित्यै यो वै प्रयाजानाम्मिथुनं वेद प्र प्रजयां पशुभिर्मिथुनैर्जायते समिधो बर्हिरिव यजति तनूनपातमेकमिव मिथुनं तदिडो बर्हिरिव यजति बर्हिरिकमिव मिथुनं तदेतद्वै प्रयाजानाम्मिथुनम् य एवं वेद प्र (४)

प्रजयां पशुभिर्मिथुनैर्जायते देवानां वा अनिष्टा देवता आसन्नथासुरा यज्ञमंजिघांसन्ते देवा गांयत्री व्यौहन् पश्चाक्षराणि प्राचीनानि त्रीणि प्रतीचीनानि ततो वर्म यज्ञायां बवद्धर्म यजमानाय यत्प्रयाजान्याया इज्यन्ते वर्मेव तद्यज्ञाय क्रियते वर्म यजमानाय भ्रातृव्याभिभूत्यै तस्माद्वरूथम्पुरस्ताद्वर्षीयः पश्चाद्वर्षीयो देवा वै पुरा रक्षोभ्यः (५)

इति स्वाहाकारेण प्रयाजेषु यज्ञं सङ्स्थाप्यमपश्यन्तः स्वाहाकारेण प्रयाजेषु समस्थापयन्ति वा एतद्यज्ञं छिन्दन्ति यत्स्वाहाकारेण प्रयाजेषु सङ्स्थापयन्ति प्रयाजानिष्ठा हवीष्यमि धारयति यज्ञस्य सन्तत्या

अथो हविरेवाकुरथो यथापूर्वमुपैति पिता वै प्रयाजाः प्रजानूयाजा यत्प्रयाजानिद्वा हवीर्यभिघारयति पितैव तत्पुत्रेण साधारणम् (६)

कुरुते तस्मादाहुयश्चैवं वेद यश्च न कथा पुत्रस्य केवलं कथा साधारणमित्युक्तित्यस्कन्त्रमेव तद्यत्प्रयाजेष्विष्टेषु स्कन्दति गायत्र्यैव तेन गर्भं धत्ते सा प्रजां पशून् यजमानाय प्र जनयति॥ (७)

यजति यजमेवावरुन्धे तनूनपातं यजति प्रयाजानामेवं वेद प्र रक्षोभ्यः साधारणं पञ्चत्रिंशच्च॥ [१]

चक्षुषी वा एते यज्ञस्य यदाज्यभागौ यदाज्यभागौ यजति चक्षुषी एव तद्यज्ञस्य प्रति दधाति पूर्वार्धं जुहोति तस्मात्पूर्वार्धं चक्षुषी प्रबाहुं जुहोति तस्मात्प्रबाहुः चक्षुषी देवलोकं वा अग्निना यजमानोऽनु पश्यति पितृलोकं सोमेनोत्तरार्धेऽग्नये जुहोति दक्षिणार्धं सोमायैवमिव हीमौ लोकावनयौलोकयोरनुख्यात्यै राजानौ वा एतौ देवतानाम् (८)

यदग्नीषोमावन्तरा देवतां इज्येते देवतानां विधृत्यै तस्माद्वाजां मनुष्यां विधृता ब्रह्मवादिनो वदन्ति किं तद्यज्ञे यजमानः कुरुते येनान्यतोदतश्च पशून्दाधारोभयतोदतश्चेत्यृचमनूच्याज्यभागस्य जुषाणेन यजति तेनान्यतोदतो दाधारर्चमनूच्यं हविषं ऋचा यजति तेनोभयतोदतो दाधार मूर्धन्वतो पुरोनुवाक्या भवति मूर्धानमेवैनं समानानां करोति (९)

नियुत्वंत्या यजति भ्रातृव्यस्यैव पशून्नि युवते केशिनं ह दाम्यं केशी सात्यकामिरुवाच सप्तपदां ते शक्नोरेषु श्वो यज्ञे प्रयोक्तासे यस्यै वीर्येण प्र जाताभ्रातृव्यानुदते प्रति जनिष्यमाणान् यस्यै वीर्येणोभयौलोकयोर्योतिर्धत्ते यस्यै वीर्येण पूर्वार्धेनानुद्धानुनक्ति जघनार्धेन धेनुरिति पुरस्ताल्लक्ष्मा पुरोनुवाक्या भवति जातानेव भ्रातृव्यान्नुदत उपरिष्ठाल्लक्ष्मा (१०)

याज्यां जनिष्यमाणानेव प्रति नुदते पुरस्ताल्लक्ष्मा पुरोनुवाक्या भवत्यस्मिन्नेव लोके ज्योतिर्धत्त उपरिष्ठाल्लक्ष्मा याज्यामुष्मिन्नेव लोके ज्योतिर्धत्ते ज्योतिष्मन्तावस्मा इमौ लोकौ भवतो य एवं वेद पुरस्ताल्लक्ष्मा पुरोनुवाक्या भवति तस्मात्पूर्वार्धेनानुद्धानुनक्त्युपरिष्ठाल्लक्ष्मा याज्यां तस्माद्वजघनार्धेन धेनुर्य एवं वेद भुङ्क्ते एनमेतौ वज्र आज्यं वज्र आज्यभागौ (११)

वज्रो वषट्कारस्त्रिवृतमेव वज्रं सम्भृत्य भ्रातृव्याय प्र हंरत्यल्लम्बद्वारमपगूर्य वषट्करोति स्तृत्यै गायत्री पुरोनुवाक्या भवति त्रिष्टुग्याज्यां ब्रह्मन्नेव क्षत्रमन्वारम्भयति तस्माद्वाह्मणो मुख्यो मुख्यो भवति य एवं वेद प्रैवेन पुरोनुवाक्याहाह प्र णयति याज्यया गमयति वषट्कारेणैवेन पुरोनुवाक्याया दत्ते प्र यच्छति याज्यया प्रति (१२)

वषट्कारेण स्थापयति त्रिपदां पुरोनुवाक्या भवति त्रयं इमे लोका एष्वेव लोकेषु प्रति तिष्ठति चतुष्पदा याज्यां चतुष्पद एव पशूनं रुद्धे ब्रह्मक्षरो वषट्कारो द्विपाद्यजमानः पशुष्वेवोपरिष्ठात्प्रति तिष्ठति गायत्री पुरोनुवाक्या भवति त्रिष्टुग्याज्यैषा वै सप्तपदा शक्नोरे यद्वा एतया देवा अशिक्षन्तदशक्नुवन् य एवं वेद शक्नोत्येव यच्छिक्षति॥ (१३)

देवतानाङ्करोत्युपरिष्ठाल्लक्ष्माऽऽज्यभागौ प्रति शक्नोत्येव द्वे च॥ [२]

प्रजापतिर्देवेभ्यो यज्ञान्यादिंश्च आत्मन्नाज्यमधत्त तं देवा अंब्रुवन्नेष वाव यज्ञो यदाज्यमप्येव
नोत्रास्त्विति सौऽप्रवीद्यजान् व आज्यंभागावुप स्तृणानभि घारयानिति तस्माद्यज्ञन्त्याज्यंभागावुप स्तृणन्त्यभि
घारयन्ति ब्रह्मवादिनो वदन्ति कस्मात्सत्याद्यातयामान्यन्यानि हवींष्ययातयाममाज्यमिति प्राजापत्यम् (१४)

इति ब्रूयादातयामा हि देवानां प्रजापतिरिति छन्दांसि देवेभ्योऽपौकामन्न वौऽभागानि हव्यं वक्ष्याम
इति तेभ्य एतच्चतुरवत्तमधारयन्पुरोनुवाक्याये याज्याये देवताये वषट्काराय यच्चतुरवत्तं जुहोति छन्दांस्येव
तत्प्रीणाति तान्यस्य प्रीतानि देवेभ्यो हव्यं वहन्त्यङ्गिरसो वा इत उन्तमाः सुवर्गं लोकमायन्तदपयो
यज्ञवास्त्वैभ्यवायन्ते (१५)

अपश्यन्पुरोडाशं कूर्मभूतं सर्पन्तं तमंब्रुवन्निन्द्राय प्रियस्व बृहस्पतये प्रियस्व विश्वेभ्यो देवेभ्यो
प्रियस्वेति स नाप्रियत् तमंब्रुवन्नग्नये प्रियस्वेति सौऽग्नयेऽप्रियत् यदाग्नयोऽष्टाकपालोऽमावास्यायां च पौर्णमास्यां
चाच्युतो भवति सुवर्गस्य लोकस्याभिर्जित्यै तमंब्रुवन्कथाहास्था इत्यनुपाक्तोऽभूमित्यंब्रवीद्यथाक्षोऽनुपाक्तः (१६)

अवाच्छत्येवमवारमित्युपरिष्ठादभ्यज्याधस्तादुपानक्ति सुवर्गस्य लोकस्य समष्टौ सर्वाणि कपालान्यभि
प्रथयति तावत् पुरोडाशान्मुष्मिर्लोकैऽभि जयति यो विदग्धः स नैरःकृतो योऽश्रुतः स रौद्रो यः श्रुतः स
सदैवस्तस्मादविदहता श्रुतकृत्यः सदैवत्वाय भस्मनाभि वांसयति तस्मान्मासेनास्थि छत्रं वेदेनाभि वांसयति
तस्मात् (१७)

केशैः शिरश्छत्रं प्रच्युतं वा एतदस्माल्लोकादगतं देवलोकं यच्छ्रुतं हविरनभिघारितमभिघार्योद्वांसयति
देवत्रैवेन्द्रमयति यद्येकं कपालं नश्येदेको मासः संवत्सरस्यानवेतः स्यादथ यजमानः प्र मीयेत यद्वे नश्येतां
द्वौ मासौ संवत्सरस्यानवेतौ स्यातामथ यजमानः प्र मीयेत संख्यायोद्वांसयति यजमानस्य (१८)

गोपीधाय यदि नश्येदाश्विनं द्विकपालं निर्वपेद्वावापृथिव्यमेकंकपालमश्विनो वै देवानां भिषजौ
ताभ्यामेवार्स्मै भेषजं करोति द्वावापृथिव्यं एकंकपालो भवत्युनयोर्वा एतन्नश्यति यन्नश्यत्युनयोरेवेनद्विन्दति
प्रतिष्ठित्यै (१९)

प्राजापत्यन्तेऽक्षोऽनुपाक्तो वेदेनाभि वांसयति तस्माद्यजमानस्य द्वात्रिंशच्च ॥ [३]

देवस्य त्वा सवितुः प्रंसव इति स्फ्यमा दत्ते प्रसूत्या अश्विनोर्बाहुभ्यामित्याहाश्विनो हि देवानामध्वर्यु
आस्ताम पूष्णो हस्ताभ्यामित्याह यत्यै शतभृष्टिरसि वानस्पत्यो द्विपतो वृध इत्याह वज्रमेव तथस्
श्यति भ्रातृव्याय प्रहरिष्यन्तम्बयजुरहरत्येतावती वै पृथिवी यावती वेदिस्तस्या एतावत् एव भ्रातृव्यं
निर्भजति (२०)

तस्मान्नाभागं निर्भजन्ति त्रिरहरति त्रयं इमे लोका एभ्य एवेनं लोकेभ्यो निर्भजति तूष्णीं चतुर्थं
हरत्यपरिमितादेवेन निर्भजत्युद्धन्ति यदेवास्यां अमेध्यं तदपं हन्त्युद्धन्ति तस्मादोपधयः परा भवन्ति मूलं
छिनन्ति भ्रातृव्यस्यैव मूलं छिनन्ति पितृदेवत्यातिखातेयतीं खनन्ति प्रजापतिना (२१)

यज्ञमुखेन सम्मितामा प्रतिष्ठायै खनन्ति यजमानमेव प्रतिष्ठां गमयति दक्षिणतो वर्षीयसीं करोति
देवयजन्स्यैव रूपमकः पुरीषवतीं करोति प्रजा वै पशवः पुरीषम्प्रजदैवेनम्पशुभिः पुरीषवन्तं करोत्युत्तरं
परिग्राहं परि गृह्णात्येतावती वै पृथिवी यावती वेदिस्तस्या एतावत् एव भ्रातृव्यं निर्भज्यात्मन उत्तरं परिग्राहं

परि गृह्णाति कूरमिव वै (२२)

एतत्करोति यद्वेदि करोति धा असि स्वधा असीति योयुष्यते शान्त्यै प्रोक्षणीरा सांदयत्यापो वै रक्षोग्री रक्षसामपंहत्यै स्फ्यस्य वर्त्मन्सादयति यज्ञस्य सन्तत्यै यं द्विष्यात् ध्यायेच्छुचैवैनमपयति॥ (२३)

भजति प्रजापतिनेव वै त्रयस्त्रिंशच्च॥ [४]

ब्रह्मवादिनो वदन्त्यद्विरहवीर्यं पि प्रोक्षीः केनाप इति ब्रह्मणेति ब्रूयादद्विरहं हवीर्यं पि प्रोक्षति ब्रह्मणाप इध्मावृहिः प्रोक्षति मेध्यमेवैनत्करोति वेदिं प्रोक्षत्युक्षा वा एषाऽलोमकाऽमेध्या यद्वेदिर्मध्यामेवैनो करोति दिवे त्वान्तरिक्षाय त्वा पृथिव्यै त्वेति वरहिरासाद्य प्र (२४)

उक्षत्येभ्य एवैनल्लोकेभ्यः प्रोक्षति कूरमिव वा एतत्करोति यत्खनत्यपो नि नयति शान्त्यै पुरस्तात्प्रस्तुरं गृह्णाति मुख्यमेवैनं करोतीत्यन्तं गृह्णाति प्रजापतिना यज्ञमुखेन सम्मितम्बरहिः स्तृणाति प्रजा वै बरहिः पृथिवी वेदिः प्रजा एव पृथिव्यां प्रति षापयत्यनतिदृश्रं स्तृणाति प्रजयैवैनम्पशुभिरनतिदृश्रं करोति (२५)

उत्तरम्बरहिषः प्रस्तरं सांदयति प्रजा वै बरहिर्यजमानः प्रस्तुरो यजमानमेवायजमानादुत्तरं करोति तस्माद्यजमानोऽयजमानादुत्तरोऽन्तर्दधाति व्यावृत्त्या अनक्ति हविष्कृतमेवैनं सुवर्गं लोकं गमयति त्रेधानक्ति त्रयं इमे लोका एभ्य एवैनं लोकेभ्योऽनक्ति न प्रति शृणाति यत्प्रतिशृणीयादधूर्ध्वम्भावुकं यजमानस्य स्यादुपरीव प्र हरति (२६)

उपरीव हि सुवर्गो लोको नि यच्छति वृष्टिमेवास्मै नि यच्छति नात्यग्रम्प हरेद्यदत्यग्रम्पहरेदत्यासारिण्यध्वर्योनीशुका स्यान्न पुरस्तात्प्रत्यस्येद्यत्पुरस्तात्प्रत्यस्यैध्मुवर्गाल्लोकाद्यजमानं प्रति नुदेत्प्राश्चम्प हरति यजमानमेव सुवर्गं लोकं गमयति न विष्वञ्चं वि युंयाद्यद्विष्वञ्चं वियुयात् (२७)

स्यस्य जायेतोर्ध्वमुद्योत्त्यूर्ध्वमिव हि पुंसः पुमानेवास्यं जायते यथ्स्प्येन वोपवेपेणं वा योयुष्येत स्तृतिरेवास्य सा हस्तेन योयुष्यते यजमानस्य गोपीथायं ब्रह्मवादिनो वदन्ति किं यज्ञस्य यजमान इति प्रस्तर इति तस्य कं सुवर्गो लोक इत्याहवनीय इति ब्रूयाद्यत्प्रस्तरमाहवनीये प्रहरति यजमानमेव (२८)

सुवर्गं लोकं गमयति वि वा एतद्यजमानो लिशते यत्प्रस्तुरं योयुष्यन्ते वरहिरनु प्रहरति शान्त्यां अनारम्भण इव वा एतर्हध्वर्युः स ईश्वरो वैपनो भवितोर्भुवासीतीमामभि मृशतीयं वै ध्रुवाऽस्यामेव प्रति तिष्ठति न वैपनो भवत्यगा(३)नन्नीदित्याह यद्व्यादगन्त्रिग्निरित्यग्नावग्निं गमयेन्निर्यजमानं सुवर्गाल्लोकाद्रज्जेदग्नित्येव ब्रूयाद्यजमानमेव सुवर्गं लोकं गमयति॥ (२९)

आसाद्य प्रानतिदृश्रं करोति हरति वियुयाद्यजमानमेवाग्निरिति सप्तदश च॥ [५]

अग्नेस्त्रयो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौऽग्निरंविभेदित्यं वाव स्य आर्तिमारिष्यतीति स निलायत् सौऽपः प्राविशन्त देवताः प्रैपमैच्छन्तम्मथस्यः प्राब्रवीत्तमशपद्विधाधिंया त्वा वध्यासुर्यो मा प्रावोच इति तस्मान्मथस्यं धियाधिंया घ्नन्ति शप्तः (३०)

हि तमन्वविन्दन्तमब्रुवन्नुप न आ वर्तस्व हव्यं नो वहेति सौऽब्रवीद्वरं वृणै यदेव गृहीतस्याहुतस्य

बहिःपरिधि स्कन्दात्तन्मे भ्रातृणांभागधेयमसदिति तस्माद्यद्रूहीतस्याहुतस्य बहिःपरिधि स्कन्दति तेषां तद्भागधेयं तानेव तेन प्रीणाति परिधीन्परि दधाति रक्षसामपहत्यै सः स्पर्शयति (३१)

रक्षसामनन्ववचाराय न पुरस्तात्परि दधात्यादित्यो ह्येवोद्यन्पुरस्ताद्रक्षास्यपहन्युर्ध्वं समिधावा दधात्युपरिष्ठादेव रक्षास्यपं हन्ति यजुषान्यां तूष्णीमन्यामिधुनत्वाय द्वे आ दधाति द्विपाद्यजमानः प्रतिष्ठित्यै ब्रह्मवादिनो वदन्ति स त्वे यजेत यो यज्ञस्यात्या वसीयान्स्यादिति भूपतये स्वाहा भुवंपतये स्वाहा भूतानाम् (३२)

पतये स्वाहेति स्कन्नमनु मन्त्रयेत यज्ञस्यैव तदार्या यजमानो वसीयान्भवति भूयसीरहि देवताः प्रीणाति जामि वा एतद्यज्ञस्य क्रियते यदन्वञ्चौ पुरोडाशावुपाशुयाजमन्तरा यजत्यजामित्वाथार्यो मिथुनत्वायाग्निमुष्मिन्नौक आसीद्यमोऽस्मिन्ते देवा अंब्रवन्नेतेमौ वि पर्युहामेत्यन्नाद्येन देवा अग्निम् (३३)

उपामन्त्रयन्त राज्येन पितरौ यमं तस्मादग्निर्देवानामन्नादो यमः पितृणां राजा य एवं वेद प्र राज्यमन्नाद्यमाप्नोति तस्मा एतद्भागधेयम्प्रायच्छन् यदग्नये स्विष्टकृतेऽवद्यन्ति यदग्नये स्विष्टकृतेऽवद्यति भागधेयैर्नैव तद्रुद्रं समर्धयति सकृत्सकृदव द्यति सकृदिव हि रुद्र उत्तरार्धादव द्यत्येपा वै रुद्रस्य (३४)

दिग्ख्यायामेव दिशि रुद्रं निरवदयते द्विरभि धारयति चतुरवत्तस्यास्यै पशवो वै पूर्वा आहुतय एष रुद्रो यदग्निर्यत्पूर्वा आहुतीरभि जुहुयादुद्राय पशूनापि दध्यादपशुयजमानः स्यादतिहाय पूर्वा आहुतीर्जुहोति पशूनां गोपीथार्यम् (३५)

शतः स्पर्शयति भूतानामग्निं रुद्रस्य सप्तत्रिंशच्च॥ [६]

मनुः पृथिव्या यज्ञियमैच्छुश्च घृतं निषिक्तमविन्दुश्चोऽब्रवीत्कोऽस्येश्वरो यज्ञेऽपि कर्तोरिति तावंब्रूतामित्रावरुणौ गोरेवावर्माश्वरो कर्तौः स्व इति तौ ततो गां सैमैरयतां सा यत्रयत्र न्यक्रामत्ततो घृतमपीडयत् तस्माद्धृतपद्युच्यते तदस्यै जन्मोपहृतं रथन्तरं सह पृथिव्येत्याह (३६)

इयं वै रथन्तरमिमामेव सहान्नाद्येनोप ह्यत उपहृतं वामदेव्यं सहान्तरिक्षेणेत्याह पशवो वै वामदेव्यं पशूनेव सहान्तरिक्षेणोप ह्यत उपहृतम्बृहस्पते दिवेत्याहैरं वै बृहदिरामेव सह दिवोप ह्यत उपहृताः सप्त होत्रा इत्याह होत्रा एवोप ह्यत उपहृता धेनुः (३७)

सहर्षभेत्याह मिथुनमेवोप ह्यत उपहृतो भूक्षः सखेत्याह सोमपीथमेवोप ह्यत उपहृतां (४) हो इत्याहात्मानमेवोप ह्यत आत्मा ह्युपहृतानां वसिष्ठ इडामुप ह्यते पशवो वा इडा पशूनेवोप ह्यते चतुरुप ह्यते चतुष्पादो हि पशवो मानवीत्याह मनुरह्येताम् (३८)

अग्नेऽपश्यद्धृतपदीत्याह यदेवास्यै पदाद्धृतमपीडयत् तस्मादेवमाह मैत्रावरुणीत्याह मित्रावरुणौ ह्येनां सैमैरयतां ब्रह्म देवकृतमुपहृतमित्याह ब्रह्मैवोप ह्यते दैव्यां अर्ध्वर्यव उपहृता उपहृता मनुष्या इत्याह देवमनुष्यानेवोप ह्यते य इमं यज्ञमवान् ये यज्ञपतिं वर्धानित्याह (३९)

यज्ञाय चैव यजमानाय चाग्निमा शास्त उपहृते द्यावापृथिवी इत्याह द्यावापृथिवी एवोप ह्यते पूर्वजे ऋतावरी इत्याह पूर्वजे ह्येते ऋतावरी देवी देवपुत्रे इत्याह देवी ह्येते देवपुत्रे उपहृतोऽयं यजमान इत्याह

यजमानमेवोपं ह्यत उत्तरस्यां देवयज्यायामुपहूतो भूयसि हविष्करणं उपहूतो दिव्ये धामन्नुपहूतः (४०)

इत्याह प्रजा वा उत्तरा देवयज्या पशवो भूयो हविष्करणं सुवर्गो लोको दिव्यं धामेदमसीदमसीत्येव यज्ञस्य प्रियं धामोपं ह्यते विश्वमस्य प्रियमुपहूतमित्याहाच्छम्बद्धारमेवोपं ह्यते॥ (४१)

आह धेनुरेतां वर्धानित्याह धामन्नुपहूतश्चतुस्त्रिंशच्च॥ [७]

पशवो वा इडां स्वयमा दंते काममेवात्मनां पशूनामा दंते न हान्यः कामम्पशूनाम्प्रयच्छति वाचस्पतये त्वा हुतम्प्राश्रमीत्याह वाचमेव भागधेयेन प्रीणाति सदस्स्पतये त्वा हुतम्प्राश्रमीत्याह स्वागाकृत्यै चतुरवत्तम्भवति हविर्वै चतुरवत्तम्पशवंश्चतुरवत्तं यद्धोतां प्राश्रीयाद्धोतां (४२)

आर्तिमाच्छेद्यदग्नौ जुहुयादुद्रायं पशूनापि दध्यादपशुर्यजमानः स्याद्वाचस्पतये त्वा हुतम्प्राश्रमीत्याह परोक्षमेवैनङ्गहोति सदस्स्पतये त्वा हुतम्प्राश्रमीत्याह स्वागाकृत्यै प्राश्रन्ति तीर्थ एव प्राश्रन्ति दक्षिणां ददाति तीर्थ एव दक्षिणां ददाति वि वा एतद्यज्ञम् (४३)

छिन्दन्ति यन्मध्यतः प्राश्रन्त्यद्विर्माजयन्त आपो वै सर्वा देवतां देवताभिरेव यज्ञं सं तन्वन्ति देवा वै यज्ञाद्ब्रह्मन्तरायन्त्यस यज्ञमविध्यन्त देवा अभि समगच्छन्त कल्पन्तां न इदमिति तैऽब्रुवन्त्स्विष्टं वै न इदमन्विष्यति यदिमं राधयिष्याम् इति तत्स्विष्टकृतः स्विष्टकृत्वन्तस्याविद्धं निः (४४)

अकृन्तु यवेन सम्मितं तस्माद्यवमात्रमव छेद्यज्यायोऽवछेदोपयेत्तद्यज्ञस्य यदुपं च स्तुणीयादभि च घारयेदुभयतः सञ्चायि कुर्यादवदायाभि घारयति द्विः सम्पद्यते द्विपाद्यजमानः प्रतिष्ठित्यै यत्तिरश्चीनमतिहरेदनंभिविद्धं यज्ञस्याभि विध्येदग्रेण परि हरति तीर्थेनैव परि हरति तत्पूष्णे पर्यहरन्तत् (४५)

पूषा प्राश्यं दतोऽरुणत्तस्मात्पूषा प्रपिष्टभागेऽदन्तको हि तं देवा अंब्रवन्वि वा अयमार्ध्यप्राशित्रियो वा अयमभूदिति तद्ब्रह्मस्पतये पर्यहरन्त्योऽविभेद्ब्रह्मस्पतिरित्यं वाव स्य आर्तिमारिष्यतीति स एतम्मन्त्रमपश्यत्सूर्यस्य त्वा चक्षुषा प्रति पश्यामीत्यंब्रवीत्र हि सूर्यस्य चक्षुः (४६)

किं च न हिनस्ति सौऽविभेत्प्रतिगृह्णन्तं मा हि सपिष्यतीति देवस्यं त्वा सवितुः प्रसवैऽश्विनोर्बाहुभ्यां पूष्णो हस्ताभ्यां प्रति गृह्णामीत्यंब्रवीत्सवितुःप्रसूत एवैनद्ब्रह्मणा देवताभिः प्रत्यंगृह्णात्योऽविभेत्प्राश्रन्तं मा हि सपिष्यतीत्यग्रेस्त्वात्येनं प्राश्रामीत्यंब्रवीत्र ह्यग्रेणस्यं किं च न हिनस्ति सौऽविभेत् (४७)

प्राशितं मा हि सपिष्यतीति ब्राह्मणस्योदरेणेत्यंब्रवीत्र हि ब्राह्मणस्योदरं किं च न हिनस्ति बृहस्पतेर्ब्रह्मणेति स हि ब्रह्मिष्ठोऽप वा एतस्मात्प्राणाः क्रांमन्ति यः प्राशित्रम्प्राश्रत्यद्विर्माजयित्वा प्राणान्त्सम्भृशतेऽमृतं वै प्राणा अमृतमापः प्राणानेव यथास्थानमुपं ह्यते॥ (४८)

प्राश्रीयाद्धोतां यज्ञं निरहरन्तच्छर्शुरास्यंङ्किं च न हिनस्ति सौऽविभेच्चतुश्चत्वारिंशच्च॥ [८]

अग्नीध्र आ दधात्यग्निमुखानेवतूर्णीणाति समिधमा दधात्युत्तरासामाहुतीनां प्रतिष्ठित्या अथो समिध्वेत्येव जुहोति परिधीन्त्सम्माष्टिं पुनात्येवैनान्त्सकृत्सकृत्सम्माष्टिं पराडिव ह्यैतरहिं यज्ञश्चतुः सम्पद्यते चतुष्पादः पशवः पशूनेवावं रुद्धे ब्रह्मन्त्र स्थास्याम् इत्याहात्र वा एतरहिं यज्ञः श्रितः (४९)

यत्र ब्रह्मा यत्रैव यज्ञः श्रितस्तत एवैनमा रभते यद्धस्तेन प्रमीवैद्वपनः स्याद्यच्छीर्णा शीरपक्तिमाभ्यस्याद्यत्तृष्णीमासीतासम्प्रतो यज्ञः स्यात्प्र तिष्ठेत्येव ब्रूयाद्वाचि वै यज्ञः श्रितो यत्रैव यज्ञः श्रितस्तत एवैनं सम्प्र यच्छति देवं सवितरेतत्ते प्र (५०)

आहेत्याह प्रसूत्यै बृहस्पतिर्ब्रह्मेत्याह स हि ब्रह्मिष्ठः स यज्ञम्पाहि स यज्ञपतिम्पाहि स माम्पाहीत्याह यज्ञाय यजमानायत्मने तेभ्य एवाशिषमा शास्तेऽनार्त्या आश्राव्याह देवान् यजेति ब्रह्मवादिनो वदन्तीष्टा देवता अर्थं कृतम् एते देवा इति छन्दासीति ब्रूयाद्वायुर्ग्रीं त्रिष्टुभम् (५१)

जगतीमित्यथो खल्वाहुर्ब्राह्मणा वै छन्दासीति तानेव तद्यजति देवानां वा दृष्टा देवता आसन्नथाग्निर्नोर्दज्वलत् देवा आहुतीभिरनूयाजेष्वन्विन्दन् यदनूयाजान् यजत्यग्निमेव तथ्समिन्द्र एतदुर्वे नामासुर आसीत्स एतर्हि यज्ञस्याशिषमवृद्धं यद्वयादेतत् (५२)

उ द्यावापृथिवी भद्रमभूदित्येतदुमेवासुरं यज्ञस्याशिषं गमयेदित् द्यावापृथिवी भद्रमभूदित्येव ब्रूयाद्यजमानमेव यज्ञस्याशिषममयत्यार्थं सूक्तवाकमुत नमोवाकमित्याहुदमराधमेति वावैतदाहोपश्रितो दिवः पृथिव्योरित्याह द्यावापृथिव्योर्हि यज्ञ उपश्रित ओमन्वती तेऽस्मिन् यज्ञे यजमान द्यावापृथिवी (५३)

स्तामित्याहाशिषमेवैतामा शास्ते यद्व्याथ्मपावसाना च स्वध्वयसाना चेति प्रमायुको यजमानः स्याद्यदा हि प्रमीयतेऽथेमामपावस्यति सूपचरणा च स्वधिचरणा चेत्येव ब्रूयाद्वरीयसीमेवास्मे गव्यूतिमा शास्ते न प्रमायुको भवति तयोरगुविद्यग्निर्दं हविरंजुषतेत्याह या अयाक्ष्म (५४)

देवतास्ता अरीरधामेति वावैतदाह यन्न निर्दिशेत्प्रतिवेशं यज्ञस्याशीर्गच्छेदा शास्तेऽयं यजमानोऽसावित्याह निर्दिश्यैवैनं सुवर्गं लोकं गमयत्यायुरा शास्ते सुप्रजास्त्वमा शास्त इत्याहाशिषमेवैतामा शास्ते सजातवनस्यामा शास्त इत्याह प्राणा वै संजाताः प्राणानेव (५)

नान्तरिति तदग्निर्देवा देवेभ्यो वनते वयमग्नेमानुषा इत्याहाग्निर्देवेभ्यो वनुते वयं मनुष्येभ्य इति वावैतदाहेह गतिर्वामस्येदं च नमो देवेभ्य इत्याह याश्चैव देवता यजति याश्च न ताभ्य एवोभयौभ्यो नमस्करोत्यात्मनोऽनार्त्ये॥ (५६)

श्रितस्ते प्र त्रिष्टुभमेतद्यावापृथिवी या अयाक्ष्म प्राणानेव षट्त्वारिंशच्च॥ [९]

देवा वै यज्ञस्य स्वगाकर्तारं नाविन्दन्ते शं युम्बारहस्पत्यमब्रुवन्निमं नो यज्ञं स्वगा कुर्विति सोऽब्रवीद्वरं वृणै यदेवाब्राह्मणोक्तोऽश्रद्धधानो यजाते सा मे यज्ञस्याशीरंसदिति तस्माद्यदब्राह्मणोक्तोऽश्रद्धधानो यजते शं युमेव तस्य बारहस्पत्यं यज्ञस्याशीर्गच्छत्येतन्ममेत्यब्रवीत्किमै प्रजायाः (५७)

इति योऽपगुरातै शतेन यातयाद्यो निहनन्सहस्रेण यातयाद्यो लोहितं कुरव्धावतः प्रस्कद्य पांसून्संगृह्णात्तावतः संवत्सरान्पितृलोकं न प्र जानादिति तस्माद्ब्राह्मणाय नापं गुरेत् न नि हन्यान्न लोहितं कुर्यादितावता हैनसा भवति तच्छं योरा वृणीमह इत्याह यज्ञमेव तथस्वगा करोति तत् (५८)

शं योरा वृणीमह इत्याह शं युमेव बारहस्पत्यम्भागुधेयेन समर्धयति गातुं यज्ञाय गातुं यज्ञपतय इत्याहाशिषमेवैतामा शास्ते सोमं यजति रेतं एव तदधाति त्वष्टारं यजति रेतं एव हितं त्वष्टां रूपाणि वि

करोति देवानाम्पत्नीर्यजति मिथुनत्वायाग्निं गृहपतिं यजति प्रतिष्ठित्यै जामि वा एतद्यज्ञस्य क्रियते (५९)

यदाज्येन प्रयाजा इज्यन्त आज्येन पत्नीसंयाजा ऋचमनूच्यं पत्नीसंयाजानामृचा यजत्यजामित्वायाथौ मिथुनत्वाय पङ्क्तिप्रायणो वै यज्ञः पङ्क्त्युदयनः पञ्च प्रयाजा इज्यन्ते चत्वारः पत्नीसंयाजाः समिष्टयजुः पञ्चमम्पङ्क्तिमेवानु प्र यन्ति पङ्क्तिमनूद्यन्ति॥ (६०)

प्रजायाः करोति तत्क्रियते त्रयस्त्रिंशच्च॥ [१०]

युक्ष्वा हि देवहूतमा९ अश्वा९ अग्ने रथीरिवा नि होतां पूर्यः संदः। उत नो देव देवा९ अच्छां वोचो विदुष्टरः। श्रद्धिश्वा वार्या कृधि। त्व९ ह यद्यविष्ट्र सहसः सूनवाहुत। ऋतावा यज्ञियो भुवः। अयमग्निः सहस्रिणो वाजस्य शतिनस्पतिः। मूर्धा कवी रयीणाम्। तं नेमिमृभवौ यथा नमस्व सहतिभिः। नेदीयो यज्ञम् (६१)

अङ्गिरः। तस्मै नूनमभिद्यवे वाचा विरूप नित्यया। वृष्णे चोदस्व सुष्टुतिम्। कम् प्विदस्य सेनयाग्नेरपाकचक्षसः। पुणि गापुं स्तरामहे। मा नो देवानां विशः प्रस्नातीरिवोस्नाः। कृशं न हांसुरग्निंयाः। मा नः समस्य दृढः परिवेषसो अ९हृतिः। ऊर्मिर्न नावमा वधीत्। नमस्ते अग्न ओजसे गृणन्ति देव कृष्टयः। अमैः (६२)

अमित्रमर्दय। कुविश्व नो गविष्टयेऽग्ने संवेपिषो रयिम्। उरुकृदुरु णस्कृधि। मा नो अस्मिन्महाधने परा वर्गारभृद्यथा। संवर्ग९ स९ रयिञ्जया। अन्यमस्मद्विद्या इयमग्ने सिपेत्तु दुच्छन्ना। वर्धा नो अमवच्छर्वः। यस्याजुपत्रमस्विनः शमीमर्दुर्मखस्य वा। तं घेदग्निर्वृधावति। परस्या अधि (६३)

संवतोऽवरा९ अभ्या तर। यत्राहमस्मि ता९ अवा विद्या हि ते पुरा वयमग्ने पितुर्यथावसः। अधा ते सुध्रमीमहे। य उग्र इव शर्या तिग्मशृङ्गो न व९संगः। अग्ने पुरो रुरोजिथा सखायः सं वः सम्यश्चमिषु९ स्तोमं चाग्रयौ। वर्षिष्ठाय क्षितीनामूर्जो नत्रे सहस्वते। स९समिद्यवसे वृषत्रग्ने विश्वान्युर्य आ। इडस्पदे समिध्यसे स नो वसून्या भर। प्रजापते स वैद सोमापूषणेमौ देवौ॥ (६४)

यज्ञममैरधि वृषत्रेकान्नवि९शतिश्च॥ [११]

उशन्तस्त्वा हवामह उशन्तः समिधीमहि। उशन्नुशत आ वहं पितृन् हविषे अत्तवे। त्व९ सोम प्रचिकितो मनीषा त्व९ रजिष्ठमनु नेषि पन्थाम्। तव प्रणीती पितरो न इन्दो देवेषु रत्नमभजन्त धीराः। त्वया हि नः पितरः सोम पूर्वे कर्माणि चक्रुः पवमान धीराः। वन्वन्नवातः परिधी९ रपाणु वीरेभिरश्वैर्मघवा भव (६५)

नः। त्व९ सोम पितृभिः संविदानोऽनु द्यावापृथिवी आ तंतन्था। तस्मै त इन्दो हविषा विधेम वय९ स्याम पतयो रयीणाम्। अग्निष्वात्ताः पितर एह गच्छत सदःसदः सदत सुप्रणीतयः। अत्ता हवी९षि प्रयतानि बर्हिष्यथा रयि९ सर्ववीर दधातन। बर्हिषदः पितर ऊत्यर्वांगिमा वो हव्या चक्रमा जुषध्वम। त आ गतावसा शन्तमेनाथास्मभ्यम् (६६)

शं योरूपो दधात। आहं पितृभ्यसुविदत्रा९ अविश्वि नपातश्च विक्रमणं च विष्णोः। बर्हिषदो ये

स्वधयां सृतस्य भजन्त पितृस्त इहागमिष्ठाः। उपहृताः पितरौ बर्हिष्येषु निधिषु प्रियेषु। त आगमन्तु त इह श्रुत्वन्वधिं ब्रुवन्तु ते अन्वन्स्मान्। उदीरतामवर् उत्परांस उन्मध्यमाः पितरः सोम्यासः। असुमं (६७)

य ईयुरंवृका ऋतज्ञास्ते नोऽवन्तु पितरो हवेषु। इदमितृभ्यो नमो अस्त्वद्य ये पूर्वासो य उपरास ईयुः। ये पार्थिवे रजस्या निपत्ता ये वा नूनं सुवृजनांसु विक्षु। अधा यथा नः पितरः परांसः प्रवासौ अग्र ऋतमांशुषाणाः। शुचीदयन्दीर्घितिमुक्थशासुः क्षामा भिन्दन्तो अरुणीरपं ब्रन्। यदग्रे (६८)

कव्यावाहनं पितृन् यक्षयतावृधः। प्र च हव्यानि वक्ष्यसि देवेभ्यश्च पितृभ्य आ। त्वमग्न ईडितो जातवेदोऽवाङ्मुव्यानि सुरभीणि कृत्वा। प्रादाः पितृभ्यः स्वधया ते अक्षत्रद्धि त्वं देव प्रयता हुवीर्षि। मातली कव्यैर्यमो अङ्गिरोभिर्वहुस्पतिरृक्कभिर्वावृधानः। याश्च देवा वावृधुर्यं च देवान्स्वाहान्ये स्वधयान्ये मंदन्ति। (६९)

इमं यमं प्रस्तरमा हि सीदाङ्गिरोभिः पितृभिः संविदानः। आ त्वा मन्त्राः कविशस्ता बहन्त्वेना रांजन् हविषां मादयस्व। अङ्गिरोभिरा गंहि यज्ञिर्येभिर्यमं वैरूपैरिह मादयस्व। विवस्वन्तं हवे यः पिता तेऽस्मिन् यज्ञे बर्हिष्या निषद्य। अङ्गिरसो नः पितरो नवंगा अथर्वाणो भृगवः सोम्यासः। तेषां वयं सुमतौ यज्ञियानामपि भद्रे सौमनसे स्याम॥ (७०)

[समिधौ याज्यां तस्मान्नाभागं हि तमन्वित्याह प्रजा वा अहेत्याह युक्त्वा हि संसृतिः॥70॥ समिधः सौमनसे स्याम॥]

भवास्मभ्यमसुं यदग्रे मदन्ति सौमनसे एकंश्च॥ [१२]

प्रजापतिरकामयतेष तं यज्ञं वै प्रजापतेर्जायमानाः प्राजापत्या यो वा अयंथादेवतमिष्टर्गो निग्राभ्याः स्थ यो वै देवा जुष्टोऽग्निना रयिमेकादश॥ [१३]

॥ काण्डम् ३ ॥

॥ प्रथमः प्रश्नः ॥

॥ तैत्तिरीयसंहितायां तृतीयकाण्डे प्रथमः प्रश्नः ॥

प्रजापतिरकामयत प्रजाः सृजेयेति स तपोऽतप्यत स सर्पानंसृजत सोऽकामयत प्रजाः सृजेयेति स द्वितीयमतप्यत स वयांस्यसृजत सोऽकामयत प्रजाः सृजेयेति स तृतीयमतप्यत स एतं दीक्षितवादमपश्यत्तमवदत्ततो वै स प्रजा असृजत यत्तपस्तत्वा दीक्षितवादं वदति प्रजा एव तद्यजमानः (१)

सृजते यद्वे दीक्षितोऽमेध्यमपश्यत्पपांस्मादीक्षा क्रामति नीलमस्य हरो व्येत्यबद्धम्मनो दरिद्रं चक्षुः सूर्यो ज्योतिषां श्रेष्ठो दीक्षे मा मां हासीरित्याह नास्मादीक्षापं क्रामति नास्य नीलं न हरो व्येति यद्वे

दीक्षितमभिवर्षन्ति दिव्या आपोऽशांता ओजो बलं दीक्षाम् (२)

तपोऽस्य निघ्नन्त्युन्दीर्बलं धत्तौजो धत्त बलं धत्त मा मे दीक्षा मा तपो निर्वधिष्ट्याहेतुदेव सर्वमात्मन्यन्ते नास्योजो बलं न दीक्षां न तपो निघ्नन्त्यग्निर्वै दीक्षितस्य देवता सोऽस्मादेतर्हि तिर इव यरहि याति तमीश्वरः रक्षांसि हन्तोः (३)

भद्रादभि श्रेयः प्रेहि बृहस्पतिः पुरपुता तं अस्वित्याह ब्रह्म वै देवानाम्बृहस्पतिस्तमेवान्वारभते स एनः सम्पारयत्येदमगम देवयजनं पृथिव्या इत्याह देवयजनं ह्येष पृथिव्या आगच्छति यो यजते विश्वे देवा यदजुषन्त पूर्व इत्याह विश्वे हेतदेवा जोषयन्ते यद्वाह्याणा ऋक्सामाभ्यां यजुषा सन्तरन्त इत्याहऋक्सामाभ्यां ह्येष यजुषा सन्तरति यो यजते रायस्पोषेण समिषा मंदमेत्याहाशिषमेवैतामा शास्ते॥ (४)

यजमानो दीक्षां हन्तोर्ब्राह्मणाश्रतुर्विशतिश्च॥ [१]

एष ते गायत्रो भाग इति मे सोमाय ब्रूतादेष तेऽतैरष्टभो जागंतो भाग इति मे सोमाय ब्रूताच्छन्दोमानां साम्राज्यं गच्छति मे सोमाय ब्रूताद्यो वै सोमः राजानं साम्राज्यं लोकं गमयित्वा क्रीणाति गच्छति स्वानां साम्राज्यं छन्दांसि खलु वै सोमस्य राज्ञः साम्राज्यो लोकः पुरस्तात्सोमस्य क्रयादेवमभि मन्त्रयेत् साम्राज्यमेव (५)

एनं लोकं गमयित्वा क्रीणाति गच्छति स्वानां साम्राज्यं यो वै तानूनत्रस्य प्रतिष्ठां वेद प्रत्येव तिष्ठति ब्रह्मवादिनो वदन्ति न प्राश्रन्ति न जुहुत्यथ कं तानूनत्रं प्रति तिष्ठतीति प्रजापतौ मनसीति ब्रूयात्रिरवं जिघ्रेत्प्रजापतौ त्वा मनसि जुहोमीत्येषा वै तानूनत्रस्य प्रतिष्ठा य एवं वेद प्रत्येव तिष्ठति यः (६)

वा अध्वर्योः प्रतिष्ठां वेद प्रत्येव तिष्ठति यतो मन्येतानभिक्रम्य होष्यामीति ततिष्ठन्ना श्रावयेदेषा वा अध्वर्योः प्रतिष्ठा य एवं वेद प्रत्येव तिष्ठति यदभिक्रम्य जुहुयात्प्रतिष्ठायां इयात्तस्मात्समानत्र तिष्ठता होतव्यं प्रतिष्ठित्यै यो वा अध्वर्योः स्वं वेद स्ववानेव भवति सुगवा अस्य स्वं वायव्यमस्य (७)

स्वं चमसोऽस्य स्वं यद्वायव्यं वा चमसं वाऽनन्वारभ्याश्रावयेत्स्वादिंयात्तस्मादनन्वारभ्याश्राव्यः स्वादेव नैति यो वै सोममप्रतिष्ठाप्य स्तोत्रमुपाकरोत्यप्रतिष्ठितः सोमो भवत्यप्रतिष्ठितः स्तोमोऽप्रतिष्ठितान्युक्थान्यप्रतिष्ठितो यजमानोऽप्रतिष्ठितोऽध्वर्युर्वायव्यं वै सोमस्य प्रतिष्ठा चमसोऽस्य प्रतिष्ठा सोमः स्तोमस्य स्तोमं उक्थानां ग्रहं वा गृहीत्वा चमसं वोन्नीयं स्तोत्रमुपाकुर्यात्प्रत्येव सोमः स्थापयति प्रति स्तोममप्रत्युक्थानि प्रति यजमानस्तिष्ठति प्रत्यध्वर्युः॥ (८)

एव तिष्ठति यो वायव्यमस्य ग्रहं वैकान्रविशतिश्च॥ [२]

यज्ञं वा एतत्सम्भरन्ति यत्सोमक्रयण्ये पदं यज्ञमुखः हविर्धाने यरहि हविर्धाने प्राचीं प्रवर्तयैयुस्तरहि तेनाक्षमुपाञ्ज्याद्यज्ञमुख एव यज्ञमनु सं तनोति प्राञ्चमग्निम्प्र हन्त्युत्पत्नीमा नयन्त्यन्वनांसि प्र वर्तयन्त्यथ वा अंस्येष धिष्णियो हीयते सोऽनु ध्यायति स ईश्वरो रुद्रो भूत्वा (९)

प्रजां पशून् यजमानस्य शमयितोर्यरहि पशुमाप्रीतमुदञ्चं नयन्ति तरहि तस्य पशुश्रपणं

हरेत्तेनैवैनंभागिनं करोति यजमानो वा आहवनीयो यजमानं वा एतद्वि करषन्ते यदाहवनीयात्पशुश्रपणं ॥
हरन्ति स वैव स्यान्निर्मन्थं वा कुर्याद्यजमानस्य सात्त्वत्वाय यदि पशोरवदानं नश्येदाज्यस्य प्रत्याख्यायमव
द्येध्वैव ततः प्रार्थयित्तिर्ये पशुं विमधीरन् यस्तान्कामयेतातिमाच्छेयुरिति कुविदङ्गेति नमोवृक्तिवत्यर्चाग्रीधे
जुहुयान्नमोवृक्तिमेवेषां वृद्धे ताजगार्तिमाच्छेन्ति ॥ (१०)

भूत्वा तत्पुष्पद्विंशतिश्च ॥

[३]

प्रजापतेर्जायमानाः प्रजा जाताश्च या इमाः। तस्मै प्रति प्र वेदय चिकित्वा॥ अनु मन्यताम्।
इमम्पशुपुते ते अद्य बध्नाम्यग्रे सुकृतस्य मध्ये॥ अनु मन्यस्व सुयजां यजाम जुष्टं देवानामिदमस्तु
हव्यम्। प्रजानन्तः प्रति गृह्णन्ति पूर्वं प्राणमङ्गेभ्यः पर्याचरन्तम्। सुवर्गं याहि पृथिभिर्देवानैरोरुपधीषु प्रति
तिष्ठा शरीरैः। येषामीशै (११)

पशुपतिः पशूनां चतुष्पदामुत च द्विपदाम्। निष्क्रीतोऽयं यज्ञियंभागमेतु रायस्पोषा यजमानस्य
सन्तु। ये बध्यमानमनु बध्यमाना अभ्यैक्षन्त मनसा चक्षुषा च। अग्निस्ता॥ अग्रे प्र मुमोक्तु देवः प्रजापतिः
प्रजयां संविदानः। य आरण्याः पशवो विश्वरूपा विरूपाः सन्तो बहुधैकरूपाः। वायुस्ता॥ अग्रे प्र मुमोक्तु
देवः प्रजापतिः प्रजयां संविदानः। प्रमुञ्चमानाः (१२)

भुवनस्य रेतो गातुं धन्त यजमानाय देवाः। उपाकृत॥ शशमानं यदस्थाङ्गीवं देवानामप्येतु पाथः।
नाना प्राणो यजमानस्य पशूनां यज्ञो देवेभिः सह देवानः। जीवं देवानामप्येतु पाथः सत्याः सन्तु
यजमानस्य कामाः। यत्पशुर्मायुमकृतोरो वा पद्विराहुते। अग्निमा तस्मादेनसो विश्वान्मुञ्चत्व॥हंसः। शमितार
उपेतन यज्ञम् (१३)

देवेभिर्निवितम्। पाशात्पशुम् मुञ्चत बन्धाद्यज्ञपतिं परि। अदितिः पाशम् मुमोक्तं नमः पशुभ्यः
पशुपतये करोमि। अरातीयन्तमधरं कृणोमि यं द्विष्मस्तस्मिन्प्रति मुञ्चामि पाशम्। त्वामु ते दधिरे हव्यवाह॥
श्रुतङ्कृतारमृत यज्ञियं च। अग्रे सदक्षः सतनुरहि भूत्वाऽथ हव्या जातवेदो जुषस्व। जातवेदो वपयां गच्छ
देवान्त्व॥ हि होतां प्रथमो बभूथ। घृतेन त्वं तनुवो वर्धयस्व स्वाहाकृत॥ हविरदन्तु देवाः। स्वाहा देवेभ्यो
देवेभ्यः स्वाहा॥ (१४)

ईशं प्रमुञ्चमाना यज्ञन्त्व॥ षोडश च ॥

[४]

प्राजापत्या वै पशवस्तेषां रुद्रोऽधिपतिर्यदेताभ्यामुपाकरोति ताभ्यामेवैनं प्रतिप्रोच्या लभत आत्मनो-
ऽनाब्रसकाय द्वाभ्यामुपाकरोति द्विपाद्यजमानः प्रतिष्ठित्या उपाकृत्य पञ्च जुहोति पाङ्काः पशवः पशून्वाव
रुद्धे मृत्यवे वा एष नीयते यत्पशुस्तं यदन्वारभेत प्रमारुको यजमानः स्यान्नाना प्राणो यजमानस्य
पशुनेत्याहु व्यावृत्त्यै (१५)

यत्पशुर्मायुमकृतेति जुहोति शान्त्यै शमितार उपेतनेत्याह यथायजुरैवतद्वपायां वा आह्वियमाणायामग्नेर्मधो-
ऽपं क्रामति त्वामु ते दधिरे हव्यवाहुमिति वपामभि जुहोत्यग्नेरेव मेधमवं रुद्धेऽथो श्रुतत्वायं
पुरस्तात्स्वाहाकृतयो वा अन्ये देवा उपरिष्ठात्स्वाहाकृतयोऽन्ये स्वाहा देवेभ्यो देवेभ्यः स्वाहेत्यभिर्तो

वृषां जुहोति तानेवोभयान्प्रीणाति॥ (१६)

व्यावृत्त्या अभितो वृषां पञ्च च॥ [५]

यो वा अयथादेवतं यज्ञमुपचरत्या देवताभ्यो वृश्चते पापीयान्भवति यो यथादेवतं न देवताभ्य आ वृश्चते वसीयान्भवत्याग्नेय्यर्चाग्नौध्रुमभि मृशेद्वेष्णाव्या हविर्धानमाग्नेय्या सुचो वायव्यया वायव्यान्येन्द्रिया सदो यथादेवतमेव यज्ञमुप चरति न देवताभ्य आ वृश्चते वसीयान्भवति युनज्मि ते पृथिवी ज्योतिषा सह युनज्मि वायुमन्तरिक्षेण (१७)

ते सह युनज्मि वाचः सह सूर्येण ते युनज्मि तिस्रो विपृचः सूर्यस्य ते। अग्निदेवता गायत्री छन्द उपाशोः पात्रमसि सोमो देवता त्रिष्टुप्छन्दोऽन्तर्यामस्य पात्रमसीन्द्रो देवता जगती छन्द इन्द्रवायुवोः पात्रमसि बृहस्पतिदेवताऽनुष्टुप्छन्दो मित्रावरुणयोः पात्रमस्यश्विनो देवता पङ्क्तिश्छन्दोऽश्विनोः पात्रमसि सूर्यो देवता बृहती (१८)

छन्दः शुक्रस्य पात्रमसि चन्द्रमा देवता सतोबृहती छन्दो मन्थिनः पात्रमसि विश्वे देवा देवतोष्णिहा छन्द आग्रयणस्य पात्रमसीन्द्रो देवता ककुच्छन्द उक्थानाम्पात्रमसि पृथिवी देवता विराट्छन्दो ध्रुवस्य पात्रमसि॥ (१९)

अन्तरिक्षेण बृहती त्रयस्त्रिंशच्च॥ [६]

इष्टर्गो वा अध्वर्युयजमानस्येष्टर्गः खलु वै पूर्वोऽष्टः क्षीयत आसन्नान्मा मन्त्रात्पाहि कस्यांश्चिदभिशांस्त्या इति पुरा प्रातरनुवाकाङ्गुहयादात्मन एव तदध्वर्युः पुरस्ताच्छर्म नह्यतेऽनात्त्यै संवेशाय त्वोपवेशाय त्वा गायत्रियास्त्रिष्टुभो जगत्या अभिभूत्यै स्वाहा प्राणापानौ मृत्योर्मा पातं प्राणापानौ मा मां हासिष्टं देवतासु वा एते प्राणापानयोः (२०)

व्यायच्छन्ते येषां सोमः समृच्छते संवेशाय त्वोपवेशाय त्वेत्याहु छन्दांसि वै संवेश उपवेशश्छन्दोभिरेवास्य छन्दांसि वृङ्क्ते प्रतिवन्त्याज्यानि भवन्त्यभिजित्यै मरुत्वन्तोः प्रतिपदो विजित्या उभे बृहद्रथन्तरे भवत इयं वाव रथन्तरमसौ बृहदाभ्यामेवैनमन्तरैत्यद्य वाव रथन्तरः श्वो बृहदद्याश्वादेवैनमन्तरैति भूतम् (२१)

वाव रथन्तरमभिविष्यद्बृहद्वाचैवैनम्भविष्यत्श्चान्तरैति परिमितं वाव रथन्तरमपरिमितम्बृहत्परिमिताचैवैनमपरिमिताचान्तरैति विश्वामित्रजमदग्नी वसिष्ठेनास्पधेताः स एतज्जमदग्निर्विहव्यमपश्यतेन वै स वसिष्ठस्येन्द्रियं वीर्यमवृङ्क्ते यद्विहव्यः शस्यत इन्द्रियमेव तद्वीर्यं यजमानो भ्रातृव्यस्य वृङ्क्ते यस्य भूयांसो यज्ञक्रतव इत्याहुः स देवता वृङ्क्ते इति यद्यग्निष्टोमः सोमः पुरस्ताधस्यादुक्थ्यं कुर्वीत यद्युक्थ्यः स्यादतिरात्रं कुर्वीत यज्ञक्रतुभिरेवास्य देवता वृङ्क्ते वसीयान्भवति॥ (२२)

प्राणापानयोर्भूतं वृङ्क्तेऽष्टाविंशतिश्च॥ [७]

निग्राभ्याः स्थ देवश्रुत आयुर्मे तर्पयत प्राणं मे तर्पयतापानं मे तर्पयत व्यानं मे तर्पयत चक्षुर्मे

तर्पयतु श्रोत्रं मे तर्पयतु मनो मे तर्पयतु वाचं मे तर्पयतात्मानं मे तर्पयताङ्गानि मे तर्पयत प्रजां मे तर्पयत पशून् मे तर्पयत गृहान् मे तर्पयत गुणान् मे तर्पयत सर्वगणं मा तर्पयत तर्पयत मा (२३)

गणा मे मा वि तृपन्नोपंधयो वै सोमस्य विशो विशः खलु वै राज्ञः प्रदातोरीश्वरा ऐन्द्रः सोमोऽवीरुधं वो मनसा सुजाता ऋतप्रजाता भगु इद्वः स्याम। इन्द्रेण देवीर्वीरुधः संविदाना अनु मन्यन्ताः सर्वनाय सोममित्याहोर्षधीभ्य एवैनः स्वायै विशः स्वायै देवतायै नियोज्याभि पुणोति यो वै सोमस्याभिपूयमाणस्य (२४)

प्रथमोऽंशुः स्कन्दति स ईश्वर इन्द्रियं वीर्यं प्रजां पशून् यजमानस्य निरहन्तोस्तमभि मन्त्रयेता माँस्कान्सह प्रजयां सह रायस्पोषेणेन्द्रियं मे वीर्यं मा निर्वधीरित्याशिषमेवेतामा शाँस्त इन्द्रियस्य वीर्यस्य प्रजायै पशूनामनिर्घाताय द्रप्सश्चस्कन्द पृथिवीमनु द्यामिमं च योनिमनु यश्च पूर्वः। तृतीयं योनिमनु सश्चरन्तं द्रप्सं जुहोम्यनु सप्त होत्राः॥ (२५)

तर्पयत माऽभिपूयमाणस्य यश्च दशं च॥ [८]

यो वै देवान्देवयशसेनाप्ययति मनुष्यान्मनुष्ययशसेनं देवयशस्यैव देवेषु भवति मनुष्ययशसी मनुष्येषु यान्नाचीनमाग्रयणाद्गृहान्गृहीयात्तानुपांशु गृहीयाद्यानूर्ध्वंस्तानुपबिमतौ देवानेव तदेवयशसेनाप्ययति मनुष्यान्मनुष्ययशसेनं देवयशस्यैव देवेषु भवति मनुष्ययशसी मनुष्येष्वग्निः प्रातःसवने पात्वस्मान् वैश्वानरो महिना विश्वशम्भूः। स नः पावको द्रविणं दधातु (२६)

आयुष्मन्तः सहभक्षाः स्याम। विश्वे देवा मरुत इन्द्रो अस्मानस्मिन्द्वितीये सवने न जह्युः। आयुष्मन्तः प्रियमेषां वदन्तो वयं देवानां सुमतौ स्याम। इदं तृतीयं सवने कवीनामृतेन ये चमसमैरयन्त। ते सौधन्वनाः सुवरानशानाः स्विष्टिं नो अभि वसीयो नयन्तु। आयतनवतीर्वा अन्या आहुतयो हूयन्तेऽनायतना अन्या या आघारवतीस्ता आयतनवतीर्याः (२७)

सौम्यास्ता अनायतना ऐन्द्रवायवमादायांघारमा घारयेदध्वरो यज्ञोऽयमस्तु देवा ओपंधीभ्यः पशवे नो जनाय विश्वस्मे भूतायाध्वरोऽसि स पिन्वस्व घृतवद्देव सोमेति सौम्या एव तदाहुतीरायतनवतीः करोत्यायतनवान्भवति य एवं वेदाथो द्यावापृथिवी एव घृतेन व्युनक्ति ते व्युक्ते उपजीवनीयं भवत उपजीवनीयो भवति (२८)

य एवं वेदेष ते रुद्र भागो यं निरयाचथास्तं जुषस्व विदेगौपत्यं रायस्पोषं सुवीर्यं संवत्सरीणां स्वस्तिम्। मनुः पुत्रेभ्यो दायं व्यभजत्स नाभानेदिष्टं ब्रह्मचर्यं वसन्तं निरभजत्स आगच्छुध्वाँऽब्रवीत्कथा मा निरभागिति न त्वा निरभाक्षमित्यब्रवीदङ्गिरस इमे सत्तमांसते ते (२९)

सुवर्गं लोकं न प्र जानन्ति तेभ्य इदम्राह्मणम्ब्रुहि ते सुवर्गं लोकं यन्तो य एषाम्पशवस्ताऽस्तं दास्यन्तीति तदैभ्योऽब्रवीत्ते सुवर्गं लोकं यन्तो य एषाम्पशव आसन्तानस्मा अददुस्तम्पशुभिश्चरन्तं यज्ञवास्तौ रुद्र आगच्छुध्वाँऽब्रवीन्म वा इमे पशव इत्यदुर्वै (३०)

मह्यमिमानित्यब्रवीन्न वै तस्य त ईशत इत्यब्रवीद्यद्यज्ञवास्तौ हीयते मम वै तदिति तस्माद्यज्ञवास्तु नाभ्यवेत्यं सौऽब्रवीद्यज्ञे मा भुजार्थं ते पशून्नाभि मङ्स्य इति तस्मा एतम्मन्थिनः सःस्त्रावमंजुहोततो वै

तस्यं रुद्रः पशून्नाभ्यमन्यत यत्रैतमेवं विद्वान्मन्थिनः सः स्रावं जुहोति न तत्र रुद्रः पशून्भि मन्यते॥ (३१)

दधात्वायतनवतीर्या उपजीवनीर्यो भवति तेऽदुर्वै यत्रैतमेकादश च॥ [९]

जुष्टो वाचो भूयासं जुष्टो वाचस्पतये देवि वाक्। यद्वाचो मधुमत्स्मिन्मा धाः स्वाहा सरस्वत्यै। ऋचा स्तोमः समर्धय गायत्रेण रथन्तरम्। बृहद्रायत्रवर्तनि। यस्तै द्रप्सः स्कन्दति यस्तै अशुर्बाहुच्युतो धिषण्योरुपस्थात्। अध्वर्योर्वा परि यस्तै पवित्राध्वाहाकृतमिन्द्राय तं जुहोमि। यो द्रप्सो अशुः पतितः पृथिव्यां पंगिवापात् (३२)

पुरोडाशात्कर्मभात्। धानासोमान्मन्थिनं इन्द्र शुक्राध्वाहाकृतमिन्द्राय तं जुहोमि। यस्तै द्रप्सो मधुमाः इन्द्रियावान्ध्वाहाकृतः पुनरप्येति देवान्। दिवः पृथिव्याः पर्यन्तरिक्षाध्वाहाकृतमिन्द्राय तं जुहोमि। अध्वर्युर्वा ऋत्विजां प्रथमो युज्यते तेन स्तोमो योक्तव्यं इत्याहुर्वागंग्रेणा अग्रं एवजुगा देवेभ्यो यशो मयि दधती प्राणान्पशुं प्रजाम्मयि (३३)

च यजमाने चेत्याह वाचमेव तद्यज्ञमुखे युनक्ति वास्तु वा एतद्यज्ञस्य क्रियते यद्वह्नीहीत्वा बहिष्पवमानः सर्पन्ति परांश्चो हि यन्ति परांचीभिः स्तुवते वैष्णव्यर्चा पुनरेत्योप तिष्ठते यज्ञो वै विष्णुर्यज्ञमेवाकर्विष्णो त्वं नो अन्तमः शर्म यच्छ सहन्त्या। प्र ते धारां मधुश्चुत उर्ध्वं दुहते अक्षितमित्याह यदेवास्य शयानस्योपशुष्यति तदेवास्यैतेना प्याययति॥ (३४)

परिवापात्प्रजां मयि दुहते चतुर्दश च॥ [१०]

अग्निना रयिमश्रवत्पोषमेव दिवेदिवे। यशसं वीरवंतमम्॥ गोमाः अग्नेऽर्विमाः अश्वी यज्ञो नृवध्सखा सदमिदं प्रमृष्यः। इडावाः एषो असुर प्रजावादीर्घो रयिः पृथुबुध्नः सभावान्॥ आ प्यायस्व सं तै॥ इह त्वष्टारमश्रियं विश्वरूपमुप ह्वये। अस्माकमस्तु केवलः॥ तन्नस्तुरीपमधं पोषयितु देवं त्वष्टर्वि रराणः स्यंस्व। यतो वीरः (३५)

कर्मण्यः सुदक्षो युक्तग्रावा जायते देवकामः। शिवस्त्वष्टरिहा गंहि विभुः पोषं उत त्मना। यज्ञेयं न उदवा। पिशङ्गरूपः सुमरो वयोधाः श्रुष्टी वीरो जायते देवकामः। प्रजां त्वष्टा वि ष्यतु नाभिम्स्मे अथां देवानामप्येतु पाथः। प्र णो देव्या नो दिवः। पीपिवाः सः सरस्वतः स्तनं यो विश्वदर्शतः। धुक्षीमहि प्रजामिषम् (३६)

ये तै सरस्व ऊर्मयो मधुमन्तो घृतश्चुतः। तेषां ते सुभ्रमीमहे। यस्य व्रतम्पशवो यन्ति सर्वे यस्य व्रतमुपतिष्ठन्त आपः। यस्य व्रते पुष्टिपतिर्निविष्टस्तः सरस्वन्तमवसे हुवेम। दिव्यः सुपर्ण वयसम्बृहन्तमपां गर्भं वृषभमोषधीनाम्। अभीपतो वृष्ट्या तर्पयन्तं तः सरस्वन्तमवसे हुवेम। सिनीवालि पृथुष्टुके या देवानामसि स्वसा। जुषस्व हव्यम् (३७)

आहुतं प्रजां देवि दिदिङ्ङि नः। या सुपाणिः स्वङ्ङुरिः सुपूमा बहुसूवरी। तस्यै विश्पन्निये हविः सिनीवात्ये जुहोतना इन्द्र वो विश्वतस्परीन्द्रं नरः। असितवर्णा हरयः सुपर्णा मिहो वसाना दिवमुत्पतन्ति। त आऽववृत्रन्धसदनानि कृत्वादितृथिवी घृतैर्व्युद्यते। हिरण्यकेशो रजसो विसारेऽहिर्धुनिर्वात इव धर्जीमान्।

शुचिभ्राजा उपसः (३८)

नवेदा यशस्वतीरपस्युवो न सत्याः। आ ते सुपर्णा अमिनन्त एवैः कृष्णो नानाव वृषभो यदीदम्। शिवाभिर्न स्मयमानाभिरागात्पतन्ति मिहः स्तनयन्त्यभ्रा। वाश्रेवं विद्युन्मिमाति वृथ्सं न माता सिंपक्ति। यदेपां वृष्टिरसर्जि। पर्वताश्चिन्महि वृद्धो बिभाय दिवश्चिन्सानु रेजत स्वने वः। यत्क्रीडंथ मरुतः (३९)

ऋष्टिमन्त आप इव सप्रियंश्चो धवध्वे। अभि क्रन्द स्तनय गर्भमा धा उदन्वता परि दीया रथेन। इति॑ सु कर्ष विपितं न्यंश्च॑ समा भवन्तूद्वता निपादाः। त्वं त्या चिदच्युताग्नें पशुर्न यवंसे। धामां ह यत् अजर वनां वृक्षन्ति शिक्कंसः। अग्ने भूरीणि तवं जातवेदो देवं स्वधावोऽमृतस्य धामां याश्च (४०)

माया मायिनां विश्वमिन्व त्वे पूर्वीः संधुः पृष्ठबन्धो। दिवो नो वृष्टिम्मरुतो ररीध्वम्प पिन्वत वृष्णो अश्वस्य धाराः। अवडितेन स्तनयिबुतेह्यपो निषिञ्चन्नसुरः पिता नः। पिन्वंत्यपो मरुतः सुदानवः पयो घृतवद्विदथैष्वाभुवः। अत्यं न मिहे वि नयन्ति वाजिनमुथ्सं दुहन्ति स्तनयन्तमक्षितम्। उदप्रुतो मरुतस्ता॑ इयत् वृष्टिम् (४१)

ये विश्वे मरुतो जुनन्ति। क्रोशाति गर्दा कन्येव तुत्रा पेरु तुञ्जाना पत्येव जाया। घृतेन द्यावापृथिवी मधुना समुक्षत पर्यस्वतीः कृणुताप ओषधीः। ऊर्जं च तत्र सुमतिं च पिन्वथ यत्रा नरो मरुतः सिञ्चथ मधु। उदु त्यञ्चिन्नम्। और्वभृगुवच्छुचिमप्रवानवदा हुवे। अग्नि॑ संमुद्रवाससम्। आ सुव॑ संवितुर्यथा भगस्येव भुजि॑ हुवे। अग्नि॑ संमुद्रवाससम्। हुवे वातस्वनं क्विम्पर्जन्यं क्रन्द्य॑ सहः। अग्नि॑ संमुद्रवाससम्॥ (४२)

वीर इष॑ हव्यमुपसौ मरुतश्च वृष्टिं भगस्य द्वादश च॥ [११]

यो वै पर्वमानानाञ्चोणिं परिभूः स्फ्यः स्वस्तिर्भक्षेहि महीनां पयोऽसि देवं सवितरेतत् श्येनाय यद्वै होतोपयामृगंहीतोऽसि वाक्षसत्प्र सो अग्न॑ एकादश॥ [१२]

[प्रजापतिरकामयत प्रजापतेर्जायमाना व्यायच्छन्ते मह्यमिमान्माया मायिनां द्विचत्वारिंशत्॥४२॥ प्रजापतिरकामयताग्नि॑ संमुद्रवाससम्॥]

॥द्वितीयः प्रश्नः॥

॥तैत्तिरीयसंहितायां तृतीयकाण्डे द्वितीयः प्रश्नः॥

यो वै पर्वमानानामन्वारोहान् विद्वान् यजतेऽनु पर्वमानाना रोहति न पर्वमानेभ्योऽवच्छिद्यते श्येनोऽसि गायत्रछन्दा अनु त्वा रंभे स्वस्ति मा सम्पारय सुपर्णोऽसि त्रिष्टुछन्दा अनु त्वा रंभे स्वस्ति मा सम्पारय सघासि जगतीछन्दा अनु त्वा रंभे स्वस्ति मा सम्पारयेत्याहेते (१)

वै पर्वमानानामन्वारोहास्तान् य एवं विद्वान् यजतेऽनु पर्वमानाना रोहति न पर्वमानेभ्योऽवच्छिद्यते यो वै पर्वमानस्य सन्ततिं वेद सर्वमायुरेति न पुरायुषः प्र मीयते पशुमान्भवति विन्दते प्रजाम्पर्वमानस्य ग्रहां गृह्णतेऽथ वा अस्येतेऽगृहीता द्रोणकलश आधवनीयः पूतभृत्तान् यदगृहीत्वोपाकुर्यात्पर्वमानं वि (२)

छिन्द्यात्तं विच्छिद्यमानमध्वर्योः प्राणोऽनु विच्छिद्येतोपयामगृहीतोऽसि प्रजापतये त्वेति द्रोणकलशमभि मृशेदिन्द्राय त्वेत्याधवनीयं विश्वेभ्यस्त्वा देवेभ्य इति पूतभृतम्पर्वमानमेव तथ्सं तनोति सर्वमायुरेति न पुरायुषः प्र मीयते पशुमान्भवति विन्दते प्रजाम्॥ (३)

एते वि द्विचत्वारिंशच्च॥ [१]

त्रीणि वाव सर्वानन्यथं तृतीयं सवनमव लुम्पन्त्यनंशु कुर्वन्तं उपांशुं हुत्वोपांशुपात्रेऽंशुमावस्य तं तृतीयसवनेऽपिसुज्याभि पुण्याद्यदाप्याययति तेनांशुमद्यदभिषुणोति तेनर्जीपि सर्वाण्येव तथ्सर्वानन्यंशुमन्ति शुक्रवन्ति समावद्भिर्याणि करोति द्वौ संमुद्रौ विततावजूर्यौ पर्यावर्तते जठरैव पादाः। तयोः पश्यन्तो अति यन्त्यन्यमपश्यन्तः (४)

सेतुनातिं यन्त्यन्यम्। द्वे द्रधंसी सतती वस्त एकः केशी विश्वा भुवनानि विद्वान्। तिरोधायेत्यसितं वसानः शुक्रमा दत्ते अनुहायं जायै। देवा वै यद्यज्ञेऽकुर्वन्त तदसुरा अकुर्वन्त ते देवा एतम्महायज्ञमपश्यन्तमन्तन्वता-ऽग्निहोत्रं व्रतमकुर्वन्त तस्माद्विभ्रतः स्याद्विरह्यग्निहोत्रं जुह्वति पौर्णमासं यज्ञमग्नीषोमीयम् (५)

पशुमकुर्वन्त दार्शयं यज्ञमाग्नेयम्पशुमकुर्वन्त वैश्वदेवम्प्रातःसवनमकुर्वन्त वरुणप्रधासान्माध्यदिनं सवनं साकमेधान्यितृयज्ञं त्र्यम्बकाऽस्तृतीयसवनमकुर्वन्त तमेषामसुरा यज्ञमन्ववाजिगांसन्तं नान्वायन्तैऽब्रुवन्नध्वर्तव्या वा इमे देवा अभूवन्निति तदध्वरस्याध्वरत्वन्ततो देवा अभवन्परासुरा य एवं विद्वान्सोमेन यजते भवत्यात्मना परास्य भ्रातृव्यो भवति॥ (६)

अपश्यन्तोऽग्नीषोमीयमात्मना परा त्रीणि च॥ [२]

परिभूरग्निं परिभूरिन्द्रं परिभूर्विश्वं देवान्परिभूर्मांसं सह ब्रह्मवर्चसेन स नः पवस्व शं गवे शं जनाय शमवते शं राजन्नोषधीभ्योऽच्छिन्नस्य ते रयिपते सुवीर्यस्य रायस्पोषस्य ददितारः स्याम। तस्य मे रास्व तस्य ते भक्षाय तस्य त इदमुन्मृजे। प्राणाय मे वर्चोदा वर्चसे पवस्वापानाय व्यानाय वाचे (७)

दक्षकृतुभ्यां चक्षुभ्यां मे वर्चोदो वर्चसे पवेथाऽश्रोत्रायात्मनेऽङ्गैभ्य आयुषे वीर्याय विष्णोरिन्द्रस्य विश्वेषां देवानां जठरमसि वर्चोदा मे वर्चसे पवस्व कौऽसि को नाम कस्मै त्वा कायं त्वा यं त्वा सोमेनातीतुं यं त्वा सोमेनामीमदं सुप्रजाः प्रजयां भूयासं सुवीरौ वीरैः सुवर्चा वर्चसा सुपोषः पोषैर्विश्वेभ्यो मे रूपेभ्यो वर्चोदाः (८)

वर्चसे पवस्व तस्य मे रास्व तस्य ते भक्षाय तस्य त इदमुन्मृजे। बुभूषन्नर्वेक्षेतेष वै पात्रियः प्रजापतियज्ञः प्रजापतिस्तमेव तर्पयति स एनं तृप्तो भूत्याऽभि पवते ब्रह्मवर्चसकामोऽर्वेक्षेतेष वै पात्रियः प्रजापतियज्ञः प्रजापतिस्तमेव तर्पयति स एनं तृप्तो ब्रह्मवर्चसेनाभि पवत आमयावी (९)

अवैक्षेतेष वै पात्रियः प्रजापतियज्ञः प्रजापतिस्तमेव तर्पयति स एनं तृप्त आयुषाभि पंवते-
ऽभिचरन्नवैक्षेतेष वै पात्रियः प्रजापतियज्ञः प्रजापतिस्तमेव तर्पयति स एनं तृप्तः प्राणापानाभ्यां वाचो
दक्षकृतुभ्यां चक्षुर्भ्यांश्च श्रोत्राभ्यामात्मनोऽङ्गैर्भ्य आयुषोऽन्तरिति ताजकप्र धन्वति॥ (१०)

वाचे रूपेभ्यो वर्चोदा आमयावी पञ्चचत्वारिंशच्च॥ [३]

स्फः स्वस्तिर्विघ्नः स्वस्तिः परशुर्वेदः परशुर्नः स्वस्तिः। यज्ञियां यज्ञकृतः स्थ ते मास्मिन् यज्ञ
उप ह्यध्वमुप मा द्यावापृथिवी ह्वेतामुपास्तावः कलशः सोमो अग्निरुप देवा उप यज्ञ उप मा होत्रां
उपहवे ह्वयन्तान्नमोऽग्नये मखघ्ने मखस्य मा यशोऽर्यादित्याहवनीयमुप तिष्ठते यज्ञो वै मखः (११)

यज्ञं वाव स तदहन्तस्मा एव नमस्कृत्य सद्ः प्र संपत्यात्मनोऽनात्यै नमो रुद्राय मखघ्ने नमस्कृत्या
मा पाहीत्याग्नीध्रं तस्मा एव नमडस्कृत्य सद्ः प्र संपत्यात्मनोऽनात्यै नम इन्द्राय मखघ्न इन्द्रियं मे
वीर्यम्मा निर्वधीरिति होत्रेयमाशिषमेवैतामा शास्त इन्द्रियस्य वीर्यस्यानिर्घाताय या वै (१२)

देवताः सदस्यार्तिमारपयन्ति यस्ता विद्वान्सर्पति न सदस्यार्तिमाच्छति नमोऽग्नये मखघ्न इत्याहेता
वै देवताः सदस्यार्तिमारपयन्ति ता य एवं विद्वान्सर्पति न सदस्यार्तिमाच्छति दृढे स्थः शिथिरे समीची
माहंसस्यातु सूर्या मा देवो दिव्यादहंसस्यातु वायुरन्तरिक्षात् (१३)

अग्निः पृथिव्या यमः पितृभ्यः सरस्वती मनुष्येभ्यो देवी द्वारो मा मा सं तातम् नमः सदसे
नमः सदसस्पतये नमः सखीनां पुरोगाणां चक्षुषे नमो दिवे नमः पृथिव्या अहे दैधिष्व्योदतंस्तिष्ठान्यस्य
सदने सीद योऽस्मत्पाकं त उन्निवत् उदुद्वतश्च गेष्मत्पातम्मा द्यावापृथिवी अद्याहुः सदो वै प्रसर्पन्तम् (१४)

पितरोऽनु प्र संपन्ति त एनमीश्वरा हिंसितोः सदः प्रसृप्य दक्षिणार्धं परैक्षेतागन्त पितरः पितृमानहं
युष्माभिर्भूयास सुप्रजसो मया यूयम्भूयास्तेति तेभ्य एव नमस्कृत्य सद्ः प्र संपत्यात्मनोऽनात्यै॥ (१५)

मुखो वा अन्तरिक्षात्प्रसर्पन्तन्नयन्निंशच्च॥ [४]

भक्षेहि मा विंश दीर्घायुत्वाय शन्तनुत्वाय रायस्पोषाय वर्चसे सुप्रजास्त्वायेहि वसो पुरोवसो प्रियो
मे हृदोऽस्यश्विनोस्त्वा बाहुभ्यां सध्यासम् नृचक्षंसं त्वा देव सोम सुचक्षा अव ख्येपम् मन्द्राभिर्भूतिः
केतुर्यज्ञानां वाग्जुषाणा सोमस्य तृप्यतु मन्द्रा स्वर्वाच्यदितिरनाहतशीर्ष्णी वाग्जुषाणा सोमस्य तृप्यत्वेहि
विश्वचरणे (१६)

शम्भूर्मयोभूः स्वस्ति मा हरिवर्ण प्र चरं कत्वे दक्षांय रायस्पोषाय सुवीरताये मा मा राजन्वि
बीभिषो मा मे हार्दि त्विषा वधीः। वृषणे शुष्मायारुपे वर्चसे॥ वसुमद्व्रणस्य सोम देव ते मतिविदः
प्रातःसवनस्य गायत्र्यछन्दस इन्द्रपीतस्य नराशंसपीतस्य पितृपीतस्य मधुमत् उपहृतस्योपहृतो भक्षयामि
रुद्रवद्व्रणस्य सोम देव ते मतिविदो मार्यदिनस्य सवनस्य त्रिष्टुप्छन्दस इन्द्रपीतस्य नराशंसपीतस्य (१७)

पितृपीतस्य मधुमत् उपहृतस्योपहृतो भक्षयाम्यादित्यवद्व्रणस्य सोम देव ते मतिविदस्तृतीयस्य सवनस्य
जगतीछन्दस इन्द्रपीतस्य नराशंसपीतस्य पितृपीतस्य मधुमत् उपहृतस्योपहृतो भक्षयामि। आ प्यायस्व

समेतु ते विश्वतः सोम वृष्णिणम्। भवा वाजस्य सङ्गथे। हिन्वं मे गात्रा हरिवो गुणान्मे मा वि तीतृषः। शिवो मे सप्तर्षीनुप तिष्ठस्व मा मेऽवाङ्गाभिमर्ति (१८)

गाः। अपां सोमममृता अभूमादर्शम् ज्योतिरविदाम देवान्। किमस्मान्कृणवदरातिः किमु धूर्तिरमृत मर्त्यस्या। यन्म आत्मनो मिन्दाभृदग्निस्तत्पुनराहर्जातवैदा विचरपणिः। पुनरग्निश्चक्षुरदात्पुनरिन्द्रो बृहस्पतिः। पुनर्मे अश्विना युवं चक्षुरा धत्तमक्ष्योः। इष्टयजुषस्ते देव सोम स्तुतस्तोमस्य (१९)

शस्तोक्थस्य हरिवत् इन्द्रपीतस्य मधुमत उपहूतस्योपहूतो भक्षयामि। आपूर्याः स्था मां पूरयत प्रजयां च धनेन च। एतत्तै तत् ये च त्वामन्वेतत्तै पितामह प्रपितामह ये च त्वामन्वत्र पितरो यथाभागमन्ध्वम् नमो वः पितरो रसाय नमो वः पितरः शुष्माय नमो वः पितरो जीवाय नमो वः पितरः (२०)

स्वधायै नमो वः पितरो मन्यवे नमो वः पितरो घोराय पितरो नमो वो य एतस्मिँल्लोके स्थ यूष्मास्तेऽनु यैस्मिँल्लोके मां तेऽनु य एतस्मिँल्लोके स्थ यूयं तेषां वसिष्ठा भूयास्त यैस्मिँल्लोकेऽहं तेषां वसिष्ठो भूयासम् प्रजापते न त्वदेतान्यन्यो विश्वा जातानि परि ता बभूव (२१)

यत्कामास्ते जुहुमस्तत्रो अस्तु वयं स्याम पतयो रयीणाम्। देवकृतस्यैनसोऽव्यजनमसि मनुयंकृतस्यैनसोऽव्यजनमसि पितृकृतस्यैनसोऽव्यजनमस्यप्सु धौतस्य सोम देव ते नृभिः सुतस्येष्टयजुषः स्तुतस्तोमस्य शस्तोक्थस्य यो भक्षो अश्वसिन्यो गोसनिस्तस्य ते पितृभिर्भक्ष कृतस्योपहूतस्योपहूतो भक्षयामि॥ (२२)

विश्वचरपणे त्रिष्टुफळन्दस इन्द्रपीतस्य नराशंसपीतस्याति स्तुतस्तोमस्य जीवाय नमो वः पितरो बभूव चतुश्चत्वारिंशच्च॥

[५]

महीनाम्योऽसि विश्वेषां देवानां तनूरृध्यासमद्य पृषतीनां ग्रह्मपृषतीनां ग्रहोऽसि विष्णोरहृदयमस्येकमिष विष्णुस्वानु वि चक्रमे भूतिर्द्वा घृतेन वर्धतां तस्य मेष्टस्य वीतस्य द्रविणमा गम्याञ्ज्योतिरसि वैश्वानरं पृथिव्यै दुग्धम् यावती द्यावापृथिवी महित्वा यावच्च सप्त सिन्धवो वितस्युः। तावन्तमिन्द्र ते (२३)

ग्रहं सहोर्जा गृह्णाम्यस्तुतम्। यत्कृष्णशकुनः पृषदाज्यमवमृशेच्छुद्रा अस्य प्रमायुकाः स्युर्यच्छा-
ऽवमृशेत्तृष्पादोऽस्य पशवः प्रमायुकाः स्युर्यथस्कन्देद्यजमानः प्रमायुकः स्यात्पशवो वै पृषदाज्यम्पशवो वा एतस्य स्कन्दन्ति यस्य पृषदाज्यं स्कन्दति यत्पृषदाज्यम्पुनर्गृह्णाति पशून्वास्मै पुनर्गृह्णाति प्राणो वै पृषदाज्यं प्राणो वै (२४)

एतस्य स्कन्दति यस्य पृषदाज्यं स्कन्दति यत्पृषदाज्यम्पुनर्गृह्णाति प्राणमेवास्मै पुनर्गृह्णाति हिरण्यमवधाय गृह्णात्यमृतं वै हिरण्यं प्राणः पृषदाज्यममृतमेवास्य प्राणे दधाति शतमानम्भवति शतायुः पुरुषः शतेन्द्रिय आयुष्येन्द्रिये प्रति तिष्ठत्यश्वमव घ्रापयति प्राजापत्यो वा अश्वः प्राजापत्यः प्राणः स्वादेवास्मै योनैः प्राणं निर्मिमीते वि वा एतस्य यज्ञशिष्टेद्यते यस्य पृषदाज्यं स्कन्दति वैष्णव्यर्चा पुनर्गृह्णाति यज्ञो

वै विष्णुर्यज्ञेनैव यज्ञं सं तनोति॥ (२५)

ते पृषदाज्यं प्राणो वै योनैः प्राणं द्वाविंशतिश्च॥ [६]

देवं सवितरेतते प्राहु तत्र च सुव प्र च यज्ञं बृहस्पतिर्ब्रह्मायुष्मत्या ऋचो मा गांत तनूपाश्वाम्नः सत्या वं आशिषः सन्तु सत्या आकृतय ऋतं च सत्यं च वदत स्तुत देवस्यं सवितुः प्रंसवे स्तुतस्यं स्तुतमस्यूर्जम्मह्यं स्तुतं दुहामा मां स्तुतस्यं स्तुतं गम्याच्छस्त्रस्यं शस्त्रम् (२६)

अस्यूर्जम्मह्यं शस्त्रं दुहामा मां शस्त्रस्यं शस्त्रं गम्यादिन्द्रियावन्तो वनामहे धुक्षीमहिं प्रजामिषम सा मे सत्याशोर्देवेषु भूयात् ब्रह्मवर्चसं मा गम्यात्। यज्ञो बभूव स आ बभूव स प्र जज्ञे स वांवृषे। स देवानामधिपतिर्बभूव सो अस्मां अधिपतीन्करोतु वयं स्याम पतयो रयीणाम्। यज्ञो वा वै (२७)

यज्ञपतिं दुहे यज्ञपतिर्वा यज्ञं दुहे स यः स्तुतशस्त्रयोर्दोहमविद्वान् यजते तं यज्ञो दुहे स इद्धा पापीयान्भवति य एनयोर्दोहं विद्वान् यजते स यज्ञं दुहे स इद्धा वसीयान्भवति स्तुतस्यं स्तुतमस्यूर्जम्मह्यं स्तुतं दुहामा मां स्तुतस्यं स्तुतं गम्याच्छस्त्रस्यं शस्त्रमस्यूर्जम्मह्यं शस्त्रं दुहामा मां शस्त्रस्यं शस्त्रं गम्यादित्याहेष वै स्तुतशस्त्रयोर्दोहस्तं य एवं विद्वान् यजते दुह एव यज्ञमिद्धा वसीयान्भवति॥ (२८)

शस्त्रं वै शस्त्रन्दहान्द्वाविंशतिश्च॥ [७]

श्येनाय पत्वंने स्वाहा वदध्वयमभिगूर्ताय नमो विष्टभ्याय धर्मणे स्वाहा वदध्वयमभिगूर्ताय नमः परिधये जनप्रथनाय स्वाहा वदध्वयमभिगूर्ताय नम ऊर्जे होत्राणां स्वाहा वदध्वयमभिगूर्ताय नमः पर्यसे होत्राणां स्वाहा वदध्वयमभिगूर्ताय नमः प्रजापतये मनवे स्वाहा वदध्वयमभिगूर्ताय नम ऋतमृतपाः सुवर्वादध्वाहा वदध्वयमभिगूर्ताय नमस्तृप्पन्तां होत्रा मधोर्धृतस्यं यज्ञपतिर्मृषं एनसा (२९)

आहुः। प्रजा निर्भक्ता अनुत्प्यमाना मध्व्यौ स्तोकावप तौ रंराधा। सं नस्ताभ्यां सृजतु विश्वकर्म घोरा ऋषयो नमो अस्वेभ्यः। चक्षुष एषाम्मनसश्च संधौ बृहस्पतये महि पद्भ्यमन्नमः। नमो विश्वकर्मणे स उ पात्वस्माननन्यान्धसोमपान्मन्यमानः। प्राणस्यं विद्वान्धसमरे न धीर एनश्चकृवान्महि बद्ध एषाम्। तं विश्वकर्मन् (३०)

प्र मुञ्चा स्वस्तये ये भक्षयन्तो न वसून्यानूहुः। यानग्रयोऽन्वतप्यन्त धिष्ण्या इयं तेषामव्या दुर्गिष्टे स्विष्टिं नस्तां कृणोतु विश्वकर्म। नमः पितृभ्यो अभि ये नो अख्यं यज्ञकृतौ यज्ञक्रामाः सुदेवा अक्रामा वो दक्षिणां न नीनिम मा नस्तस्मादेनसः पापयिष्ट। यावन्तो वै संदस्यास्ते सर्वे दक्षिण्यास्तेभ्यो यो दक्षिणां न (३१)

नयेदैभ्यो वृश्चेतु यद्वैश्वकर्मणानि जुहोति सदस्यानेव तत्प्रीणात्यस्मे देवासो वपुषे चिकिध्वत् यमाशिरा दम्पती वाममंश्रुतः। पुमोन्पुत्रो जायते विन्दते वस्वथ विश्वे अरपा एधते गृहः। आशीर्दाया दम्पती वाममंश्रुतमरिष्टो रायः सचता समोकसा। य आसिंचध्वसदुग्धं कुम्भ्या सहैष्टेन यामन्नमंति जहातु सः। सर्पिर्ग्रीवी (३२)

पीवर्यस्य जाया पीवानः पुत्रा अकृशासो अस्य। सहजानिर्यः सुमखस्यमान इन्द्रायाशिरं सह

कुम्भ्यादात्। आशीर्म ऊर्जमुत सुप्रजास्त्वमिषं दधातु द्रविणं॑ सर्व्वसम्। संजयन्क्षेत्राणि सहसाहमिन्द्र कृष्णानो अन्याः॑ अधरान्त्सपत्नान्। भूतमसि भूते मां धा मुखमसि मुखम्भूयास्म द्यावापृथिवीभ्यां त्वा परि गृह्णामि विश्वे त्वा देवा वैश्वानराः (३३)

प्र च्यावयन्तु दिवि देवां दृ॑हान्तरिक्षे वया॑सि पृथिव्याम्पार्थिवान्भुवं ध्रुवेण हविषाव सोमं नयामसि। यथा नः सर्व्वमिज्जगदयश्च॑ सुमना असंत। यथा न इन्द्र इद्विशः केवलीः सर्वाः समनसः करंत। यथा नः सर्वा इद्विशोऽस्माकं केवलीरसत्रं॥ (३४)

एनसा विश्वकर्मन् यो दक्षिणां न सर्पिर्ग्रीवी वैश्वानराश्चत्वारि॑शब्दः॥ [८]

यद्वे होतौध्वर्युमभ्याह्वयते वज्रमेनमभि प्र वर्तयत्युक्थंशा इत्याह प्रातःसवनम्प्रतिगीर्यं त्रीण्येतान्यक्षराणि त्रिपदां गायत्री गायत्रम्प्रातःसवनं गायत्रियैव प्रातःसवने वज्रमन्तर्धत्त उक्थं वाचीत्याहु माध्यंदिनं॑ सवनं प्रतिगीर्यं चत्वार्येतान्यक्षराणि चतुष्पदा त्रिष्टुष्टैष्टुभ्यमाध्यंदिनं॑ सवनं त्रिष्टुष्टैव माध्यंदिने सवने वज्रमन्तर्धत्ते (३५)

उक्थं वाचीन्द्रायेत्याह तृतीयसवनम्प्रतिगीर्यं सप्तैतान्यक्षराणि सप्तपदा शर्करा शाकरो वज्रो वज्रैणैव तृतीयसवने वज्रमन्तर्धत्ते ब्रह्मवादिनो वदन्ति स त्वा अध्वर्युः स्याद्यो यथासवनम्प्रतिगुरे छन्दा॑सि सम्पादयेत्तेजः प्रातःसवन आत्मन्धत्तेन्द्रियम्माध्यंदिने सवने पशू॑स्तृतीयसवन इत्युक्थंशा इत्याह प्रातःसवनम्प्रतिगीर्यं त्रीण्येतान्यक्षराणि (३६)

त्रिपदां गायत्री गायत्रम्प्रातःसवनम्प्रातःसवन एव प्रतिगुरे छन्दा॑सि सम्पादयत्यथो तेजो वै गायत्री तेजः प्रातःसवनं तेजं एव प्रातःसवन आत्मन्धत्त उक्थं वाचीत्याहु माध्यंदिनं॑ सवनं प्रतिगीर्यं चत्वार्येतान्यक्षराणि चतुष्पदा त्रिष्टुष्टैष्टुभ्यमाध्यंदिनं॑ सवनम्माध्यंदिन एव सवने प्रतिगुरे छन्दा॑सि सम्पादयत्यथो इन्द्रियं वै त्रिष्टुगिन्द्रियम्माध्यंदिनं॑ सवनम् (३७)

इन्द्रियमेव माध्यंदिने सवनं आत्मन्धत्त उक्थं वाचीन्द्रायेत्याह तृतीयसवनम्प्रतिगीर्यं सप्तैतान्यक्षराणि सप्तपदा शर्करा शाकरोः पशवो जागंत तृतीयसवनं तृतीयसवन एव प्रतिगुरे छन्दा॑सि सम्पादयत्यथो पशवो वै जगती पशवस्तृतीयसवनं पशूनेव तृतीयसवन आत्मन्धत्ते यद्वे होतौध्वर्युमभ्याह्वयते आव्यमस्मिन्धाति तद्यत्र (३८)

अपहनीत पुरास्यं संवत्सराद्बृह आ वैवीर्य्यो॑सा मोदं इवेति प्रत्याह्वयते तेनैव तदपं हते यथा वा आयंताम्प्रतीक्षत एवमध्वर्युः प्रतिगुरम्प्रतीक्षते यदभिप्रतिगृणीयाद्यथायंतया समृच्छते तादृगेव तद्यदर्धर्वाल्लुप्येत यथा धावन्द्यो हीर्यते तादृगेव तत्प्रबाहुगवा ऋत्विजामुद्गीथा उद्गीथ एवोद्गातृणाम् (३९)

ऋचः प्रणव उक्थश॑सिनां प्रतिगुरोऽध्वर्युणाम् य एवं विद्वान्प्रतिगृणात्यन्नाद एव भवत्यास्यं प्रजायां वाजी जायत इयम्बै होतासावध्वर्युर्यदासीनः श॑संत्यस्या एव तद्धोता नैत्यास्तं इव हीयमथो इमामेव तेन यजमानो दुहे यत्तिष्ठन्प्रतिगृणात्यमुष्यां एव तदध्वर्युर्नैति (४०)

तिष्ठतीव ह्यसावथो अमुमेव तेन यजमानो दुहे यदासीनः श॑संति तस्मादितःप्रदानं देवा उपं जीवन्ति यत्तिष्ठन्प्रतिगृणाति तस्मादमुतःप्रदानम्मनुष्या उपं जीवन्ति यत्प्राडासीनः श॑संति प्रत्यङ्तिष्ठन्प्रतिगृणाति

तस्मात्प्राचीन् रेतां धीयते प्रतीचीः प्रजा जायन्ते यद्वे होताध्वर्युर्मभ्याह्वयंते वज्रमेनमभि प्र वर्तयति पराडा वर्तते वज्रमेव तन्नि करोति॥ (४१)

सर्वं वज्रमन्तर्धत्ते त्रीण्येतान्यक्षराणीन्द्रियमार्धन्दिन् सर्वं नोद्रातृणामध्वर्युर्नैति वर्तयत्यष्टौ च॥ [९]

उपयामगृहीतोऽसि वाक्षसदसि वाक्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृहाम्युपयामगृहीतोऽस्युत्सदसि चक्षुष्पाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृहाम्युपयामगृहीतोऽसि श्रुत्सदसि श्रोत्रपाभ्यां त्वा क्रतुपाभ्यामस्य यज्ञस्य ध्रुवस्याध्यक्षाभ्यां गृहामि देवेभ्यस्त्वा विश्वदेवेभ्यस्त्वा विश्वेभ्यस्त्वा देवेभ्यो विष्णवुरुक्रमेण ते सोमस्त रक्षस्व (४२)

तं तं दुक्षक्षा मावं ख्यत् मयि वसुः पुरोवसुर्वाक्पा वाचं मे पाहि मयि वसुर्विदद्वंसुक्षक्षुष्पाश्चक्षुं मे पाहि मयि वसुः संयद्वंसुः श्रोत्रपाः श्रोत्रं मे पाहि भूरसि श्रेष्ठो रश्मीनामप्राणपाः प्राणं मे पाहि धूरसि श्रेष्ठो रश्मीनामपानपा अपानं मे पाहि यो न इन्द्रवायू मित्रावरुणावश्विनावभिदासंति भ्रातृव्य उत्पिपीते शुभस्पती इदमहं तमधरम्पादयामि यथेन्द्राहमुत्तमक्षेतयानि॥ (४३)

रक्षस्व भ्रातृव्यस्त्रयोदश च॥ [१०]

प्र सो अग्ने तवोतिभिः सुवीराभिस्तरति वाजंकर्मभिः। यस्य त्वं सख्यमाविधा प्र होत्रं पूव्यं वचोऽग्रये भरता बृहत्। विपां ज्योतींषि बिभ्रते न वेधसे। अग्ने त्री ते वाजिना त्री पृथस्थां तिस्रस्ते जिह्वा ऋतजात पूर्वीः। तिस्र उं ते तनुवो देववातास्ताभिर्नः पाहि गिरो अप्रयुच्छन्। सं वां कर्मणा समिषा (४४)

हिनोमीन्द्राविष्णु अपंसस्यारे अस्या जुषेथां यज्ञं द्रविणं च धत्तमरिष्टैर्नः पृथिभिः पारयन्ता। उभा जिग्यथुर्न परां जयेथे न परां जिग्ये कतरश्चनैर्नोः। इन्द्रश्च विष्णो यदपंसृधेथां त्रेधा सहस्रं वि तदैरयेथाम्। त्रीण्यारूँषि तवं जातवेदस्तिस्त्र आजानीरुषसंस्ते अग्ने। तार्भिर्देवानामवो यक्षि विद्वानथं (४५)

भुव यजमानाय शं योः। अग्निस्त्रीणि त्रिधातून्या क्षेति विदथां कविः। स त्रींशेकादशा इह। यक्षच्च पिप्रयच्च नो विप्रो दूतः परिष्कृतः नभन्तानमन्यके संमे। इन्द्राविष्णु दृहिताः शम्बरस्य नव पुरो नवति च श्रथिष्टम्। शतं वर्चिनः सहस्रं च साकं ह्यो अप्रत्यसुरस्य वीरान्। उत माता महिषमन्वेनदमी त्वां जहति पुत्र देवाः। अथाब्रवीद्वृत्रमिन्द्रो हनिष्यन्सखे विष्णो वितुरं वि क्रमस्व (४६)

इषाऽथं त्वा त्रयोदश च॥ [११]

[यो वै स्फ्यः स्वस्तिः स्वधायै नमः प्र मुञ्च तिष्ठतीव षट्त्वारिंशत्॥४६॥ यो वै पवमानानां वि क्रमस्व॥]

अग्ने तेजस्विन्वायुर्वसवस्त्वैतद्वा अपां वायुरसि प्राणो नाम देवा वै यद्यज्ञेन न प्रजापतिर्देवासुरानायुर्दा एतं युवान् सूर्यो देव इदं वामेकादश॥ [१२]

॥तृतीयः प्रश्नः॥

॥तैत्तिरीयसंहितायां तृतीयकाण्डे तृतीयः प्रश्नः॥

अग्ने तेजस्विन्तेजस्वी त्वं देवेषु भूयास्तेजस्वन्तम्मामायुष्मन्तं वर्चस्वन्तम्मनुष्येषु कुरु दीक्षार्यं च त्वा तपंसश्च तेजसे जुहोमि तेजोविदसि तेजो मा मा हासीन्माऽहं तेजो हासिषं मा मां तेजो हासीदिन्द्रौजस्विन्नोजस्वी त्वं देवेषु भूया ओजस्वन्तम्मामायुष्मन्तं वर्चस्वन्तम्मनुष्येषु कुरु ब्रह्मणश्च त्वा क्षत्रस्यं च (१)

ओजसे जुहोम्योजोविदस्योजो मा मा हासीन्माहमोजो हासिषं मा मामोजो हासीन्मूर्यं भ्राजस्विन्भ्राजस्वी त्वं देवेषु भूया भ्राजस्वन्तम्मामायुष्मन्तं वर्चस्वन्तम्मनुष्येषु कुरु वायोश्च त्वाऽपां च भ्राजसे जुहोमि सुवर्विदसि सुवर्मा मा हासीन्माहं सुवर्हासिषं मा मां सुवर्हासीन्मरियं मेधाम्मरियं प्रजाम्मयन्निस्तेजो दधातु मरियं मेधाम्मरियं प्रजाम्मयीन्द्रं इन्द्रियं दधातु मरियं मेधाम्मरियं प्रजाम्मरियं सूर्यो भ्राजो दधातु॥ (२)

क्षत्रस्यं च मरियं त्रयोविंशतिश्च॥ [१]

वायुरहिर्कृताऽग्निः प्रस्तोता प्रजापतिः साम बृहस्पतिरुद्राता विश्वे देवा उपगातारो मरुतः प्रतिहृताः इन्द्रो निधनं ते देवाः प्राणभृतः प्राणम्मरियं दधत्वेतद्वै सर्वमध्वर्युरपाकुर्वन्नृद्रातृभ्यं उपाकरोति ते देवाः प्राणभृतः प्राणम्मरियं दधत्विताहितदेव सर्वमात्मन्तं इडां देवहूर्मनुर्यज्ञीर्बृहस्पतिरुक्थामदानि शंसिषद्विश्वे देवाः (३)

सूक्तवाचः पृथिवि मातर्मा मां हिंसीमधुं मनिष्ये मधुं जनिष्ये मधुं वक्ष्यामि मधुं वदिष्यामि मधुमतीं देवेभ्यो वाचमुद्यासं शश्रुषेण्याम्मनुष्येभ्यस्तम्मा देवा अंवन्तु शोभार्यं पितरोऽनु मदन्तु॥ (४)

शंसिषद्विश्वे देवा अष्टाविंशतिश्च॥ [२]

वसंवस्त्वा प्र वृहन्तु गायत्रेण छन्दसाऽग्नेः प्रियम्पाथ उपेहि रुद्रास्त्वा प्र वृहन्तु त्रैष्टुभेन छन्दसेन्द्रस्य प्रियम्पाथ उपेह्यादित्यास्त्वा प्र वृहन्तु जागतेन छन्दसा विश्वेषां देवानां प्रियम्पाथ उपेहि मान्दासु ते शुक्र शुक्रमा धूनोमि भृन्दनासु कोतनासु नूतनासु रेशीषु मेपीषु वाशीषु विश्वभृत्सु माध्वीषु ककुहासु शकरीषु (५)

शुक्रासु ते शुक्र शुक्रमा धूनोमि शुक्रं ते शुक्रेण गृह्णाम्यहो रूपेण सूर्यस्य रश्मिभिः। आऽस्मिन्नुग्रा अचुच्यवुदिवो धारा असश्चता ककुहं रूपं वृषभस्य रोचते बृहत्सोमः सोमस्य पुरोगाः शुक्रः शुक्रस्य पुरोगाः यत्ते सोमादभ्यं नाम जागृवि तस्मै ते सोम सोमाय स्वाहोशिक्षं देव सोम गायत्रेण छन्दसाऽग्नेः (६)

प्रियम्पाथो अपीहि वशी त्वं देव सोम त्रैष्टुभेन छन्दसेन्द्रस्य प्रियम्पाथो अपीह्यस्मत्संखा त्वं देव सोम जागतेन छन्दसा विश्वेषां देवानां प्रियम्पाथो अपीह्या नः प्राण एतु परावत् आन्तरिक्षाद्विस्परि।

आयुः पृथिव्या अध्यमृतमसि प्राणाय त्वा। इन्द्राग्नी मे वर्चः कृणुतां वर्चः सोमो बृहस्पतिः। वर्चो मे विश्वे देवा वर्चो मे धत्तमश्विना। दधन्वे वा यदीमनु वोचद्ब्रह्माणि वेरु तत्। परि विश्वानि काव्या नेमिश्चक्रमिवाभवत्॥ (७)

शक्ररीष्वग्नेर्बृहस्पतिः पञ्चविंशतिश्च॥ [३]

एतद्वा अपां नामधेयं गुह्यं यदाधावा मान्दासु ते शुक्र शुक्रमा धूनेमीत्याहापामेव नामधेयेन गुह्येन दिवो वृष्टिमव रुद्धे शुक्रं तं शुक्रेण गृह्णामीत्याहेतद्वा अह्नो रूपं यद्रात्रिः सूर्यस्य रश्मयो वृष्टा ईशतेऽहं एव रूपेण सूर्यस्य रश्मिर्भेदिवो वृष्टिं च्यावयत्याऽस्मिन्नुग्राः (८)

अचुच्यवुरित्याह यथायजुरेवैतत्ककुहं रूपं वृषभस्य रोचते बृहदित्याहेतद्वा अस्य ककुहं रूपं यद्वृष्टी रूपेणैव वृष्टिमव रुद्धे यत्तं सोमादाभ्यं नाम जागृवीत्याहेष ह वै हविषां हविर्यजति योऽदाभ्यं गृहीत्वा सोमाय जुहोति परा वा एतस्यायुः प्राण एति (९)

योऽंशुं गृह्णात्या नः प्राण एतु परावत इत्याहायुरेव प्राणमात्मन्यत्तेऽमृतमसि प्राणाय त्वेति हिरण्यमभि व्यनित्यमृतं वै हिरण्यमायुः प्राणोऽमृतं नैवायुरात्मन्यत्ते शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठत्यप उप स्पृशति भेषजं वा आपो भेषजमेव कुरुते॥ (१०)

उग्रा एत्यापस्त्रीणि च॥ [४]

वायुरसि प्राणो नाम सवितुराधिपत्येऽपानं मे दाश्चक्षुरसि श्रोत्रं नाम धातुराधिपत्य आयुर्मे दा रूपमसि वर्णो नाम बृहस्पतेराधिपत्ये प्रजां मे दा ऋतमसि सत्यं नामेन्द्रस्याधिपत्ये क्षत्रं मे दा भूतमसि भव्यं नाम पितृणामाधिपत्येऽपामोषधीनां गर्भं धा ऋतस्य त्वा व्योमन ऋतस्य (११)

त्वा विभूमन ऋतस्य त्वा विधर्मण ऋतस्य त्वा सत्यायुतस्य त्वा ज्योतिषे प्रजापतिर्विराजंमपश्यत्तया भूतं च भव्यं चासृजत तामृषिभ्यस्तिरोऽदधात्तां जमदग्निस्तपसाऽपश्यत्तया वै स पृथ्वीन्कामानसृजत तत्पृथ्वीनां पृथित्वम् यत्पृथ्व्यो गृह्यन्ते पृथ्वीनेव तैः कामान् यजमानोऽवं रुद्धे वायुरसि प्राणः (१२)

नामेत्याह प्राणापानावेवावं रुद्धे चक्षुरसि श्रोत्रं नामेत्याहायुरेवावं रुद्धे रूपमसि वर्णो नामेत्याह प्रजामेवावं रुद्धे ऋतमसि सत्यं नामेत्याह क्षत्रमेवावं रुद्धे भूतमसि भव्यं नामेत्याह पशवो वा अपामोषधीनां गर्भः पशूनेव (१३)

अवं रुद्ध एतावद्वै पुरुषम्परितस्तदेवावं रुद्ध ऋतस्य त्वा व्योमन इत्याह्यं वा ऋतस्य व्योमेमामेवाभि जयत्यृतस्य त्वा विभूमन इत्याहान्तरिक्षं वा ऋतस्य विभूमान्तरिक्षमेवाभि जयत्यृतस्य त्वा विधर्मण इत्याह द्यौर्वा ऋतस्य विधर्म दिवंमेवाभि जयत्यृतस्य (१४)

त्वा सत्यायेत्याह दिशो वा ऋतस्य सत्यं दिशं एवाभि जयत्यृतस्य त्वा ज्योतिष इत्याह सुवर्गो वै लोक ऋतस्य ज्योतिः सुवर्गमेव लोकमभि जयत्येतावन्तो वै देवलोकस्तानेवाभि जयति दश सम्पद्यन्ते

दशाक्षरा विराडन्नं विराड्विराज्येवात्राद्ये प्रति तिष्ठति॥ (१५)

व्योमन ऋतस्य प्राणः पशूनेव विधर्मं दिवंमेवाभि जयत्यृतस्य षट्त्वारिंशच्च॥ [५]

देवा वै यद्यज्ञेन नावारुन्धत् तत्परैरवारुन्धत् तत्पराणां परत्वम् यत्परं गृह्यन्ते यदेव यज्ञेन नावरुन्धे तस्यावरुद्धे यम्प्रथमं गृह्णातीममेव तेन लोकमभि जयति यं द्वितीयंमन्तरिक्षं तेन यं तृतीयंमममेव तेन लोकमभि जयति यदेते गृह्यन्ते एषां लोकानामभिजित्यै (१६)

उत्तरेष्वहःस्वमुतोऽर्वाश्चौ गृह्यन्तेऽभिजित्यैवेमाँल्लोकान्युनरिमं लोकम्प्रत्यवरोहन्ति यत्पूर्वेष्वहःस्वितः पराँश्चौ गृह्यन्ते तस्मादितः पराँश्च इमे लोका यदुत्तरेष्वहःस्वमुतोऽर्वाश्चौ गृह्यन्ते तस्मादमुतोऽर्वा च इमे लोकास्तस्माद-यातायान्नो लोकान्मनुष्या उप जीवन्ति ब्रह्मवादिनो वदन्ति कस्मात्सत्यादृष्ट्य ओषधयः सम्भवन्त्योषधयः (१७)

मनुष्याणामन्नं प्रजापतिं प्रजा अनु प्र जायन्त इति परान्विति ब्रूयाद्यद्ब्रह्मात्यद्ब्रह्मस्वोपधीभ्यो गृह्णामीति तस्मादृष्ट्य ओषधयः सम्भवन्ति यद्ब्रह्मात्योपधीभ्यस्त्वा प्रजाभ्यो गृह्णामीति तस्मादोषधयो मनुष्याणामन्नम् यद्ब्रह्माति प्रजाभ्यस्त्वा प्रजापतये गृह्णामीति तस्मात्प्रजापतिं प्रजा अनु प्र जायन्ते॥ (१८)

अभिजित्या ओषधयोऽष्टाचत्वारिंशच्च॥ [६]

प्रजापतिर्देवासुरानंमृजत् तदनु यज्ञोऽमृज्यत यज्ञं छन्दांसि ते विष्वंश्चो व्यक्रामन्सोऽसुराननु यज्ञोऽपौक्रामद्यज्ञं छन्दांसि ते देवा अमन्यन्तामी वा इदमभूवन् यद्वयस्म इति ते प्रजापतिमुपाधावन्त्सो-ऽब्रवीत्प्रजापतिश्छन्दसां वीर्यमादाय तद्वः प्र दास्यामीति स छन्दसां वीर्यम् (१९)

आदाय तदैभ्यः प्रायच्छत्तदनु छन्दांस्यपौक्रामञ्छन्दांसि यज्ञस्ततो देवा अभवन्परासुरा य एवं छन्दसां वीर्यं वेदा श्रावयास्तु श्रौषड्यज्ञ ये यजामहे वषट्कारो भवत्यात्मना पराँस्य भ्रातृभ्यो भवति ब्रह्मवादिनो वदन्ति कस्मै कर्मध्वर्युरा श्रावयतीति छन्दसां वीर्यायेति ब्रूयादेतद्वै (२०)

छन्दसां वीर्यमा श्रावयास्तु श्रौषड्यज्ञ ये यजामहे वषट्कारो य एवं वेद सर्वैर्यैव छन्दोभिरर्चति यत्किं चार्चति यदिद्वौ वृत्रमहंरुमेध्यं तद्यद्यतोनापावपदमेध्यं तदथ कस्मादिन्द्रो यज्ञ आ सःस्थितोरित्याहुरिन्द्रस्य वा एषा यज्ञियां तनूर्यद्यज्ञस्तामेव तद्यजन्ति य एवं वेदोपैनं यज्ञो नमति॥ (२१)

स छन्दसां वीर्यं वा एव तदष्टौ च॥ [७]

आयुर्दा अग्ने हविषो जुषाणो घृतप्रतीको घृतयोनिरिषि। घृतम्पीत्वा मधु चारुं गव्यं पितेवं पुत्रमभि रक्षतादिमम्। आ वृक्ष्यते वा एतद्यजमानोऽग्निभ्यां यदेनयोः शृतंकृत्याथान्यत्रावभृथमवैत्यायुर्दा अग्ने हविषो जुषाण इत्यवभृथमवैष्यञ्जुहुयादाहुत्यैवैनौ शमयति नार्तिमाच्छति यजमानो यत्कुसीदम् (२२)

अप्रतीत्तमयि येन यमस्य बलिना चरामि। इहैव सन्निरवन्दये तदेतत्तदग्ने अनुणो भवामि। विश्वलोप विश्वदावस्य त्वासञ्जुहोम्यग्धादेकौऽहुतादेकः समसनादेकः। ते नः कृषन्तु भेषजं सदः सहो वरैण्यम्। अयं नो नर्भसा पुरः सःस्फानो अभि रक्षतु। गृहाणामसमत्यै बहवो नो गृहा असन्ना। स त्वं नः (२३)

नभसस्पत ऊर्जं नो धेहि भद्रया। पुनर्नो नष्टमा कृधि पुनर्नो रयिमा कृधि। देवं सःस्फान सहस्रपोषस्थेशिषे स नो रास्वाज्यानि१ रायस्पोष२ सुवीर्य३ संवत्सरीणा३ स्वस्तिम्। अग्निर्वाव यम इयं यमी कुसीदं वा एतद्यमस्य यजमान आ दत्ते यदोषधीभिर्वेदि३ स्तृणाति यदनुपौष्य प्रयायाद्वावबद्धमेनम् (२४)

अमुष्मिँल्लोके नैनीयेरन् यत्कुसीदमप्रतीतम्मयीत्युपौषतीहेव सन् यमं कुसीदं निरवदायानृणः सुवर्गं लोकमेति यदि मिश्रमिव चरेदञ्जलिना सकृन्प्रदाव्यं जुहुयादेष वा अग्निर्वैश्वानरो यत्प्रदाव्यः स एवैनं स्वदयत्यह्ना विधान्यामेकाष्टकायामपूपं चतुःशरावम्पक्त्वा प्रातरेतेन कक्षमुपौषद्यादि (२५)

दहति पुण्यसमम्भवति यदि न दहति पापसममेतेन ह स्म वा ऋषयः पुरा विज्ञानेन दीर्घसूत्रमुपं यन्ति यो वा उपद्रष्टारमुपश्रोतारमनुख्यातारं विद्वान् यजते सममुष्मिँल्लोक इष्टापूतेन गच्छतेऽग्निर्वा उपद्रष्टा वायुरुपश्रोताऽऽदित्याऽनुख्याता तान् य एवं विद्वान् यजते सममुष्मिँल्लोक इष्टापूतेन गच्छतेऽयं नो नभसा पुरः (२६)

इत्याहाऽग्निर्वै नभसा पुरोऽग्निमेव तदाहेतन्मे गोपायेति स त्वं नो नभसस्पत इत्याह वायुर्वै नभसस्पतिर्वायुमेव तदाहेतन्मे गोपायेति देवं सःस्फानेत्याहासौ वा आदित्यो देवः सःस्फान आदित्यमेव तदाहेतन्मे गोपायेति॥ (२७)

कुसीदन्त्वन्न एनमोषेद्यादि पुर आदित्यमेव तदाहेतन्मे गोपायेति॥ [८]

एतं युवानं परि वो ददामि तेन क्रीडन्तीश्वरत प्रियेण। मा नः शास जनुषां सुभागा रायस्पोषेण समिषा मदेमा नमो महिन्न उत चक्षुषे ते मरुताम्पितस्तदहं गृणामि। अनु मन्यस्व सुयजा यजाम जुष्टं देवानामिदमस्तु हव्यम्। देवानामेष उपनाह आसीदपां गर्भ ओषधीषु न्यक्तः। सोमस्य द्रप्समंवृणीत पूषा (२८)

बृहन्नद्रिरभवत्तदेवाम्। पिता वृथ्सानाम्पतिरग्निरयानामथो पिता मंहतां गर्गराणाम्। वृथ्सो जरायुं प्रतिधुक्पीयूषं आमिक्षा मस्तु घृतमस्य रेतः। त्वां गावोऽवृणत राज्याय त्वा१ हवन्त मरुतः स्वर्काः। वर्ष्मन्श्चरस्यं ककुभिं शिश्रियानस्ततो न उग्रो वि भंजा वसूनि व्यद्धेन वा एष पशुनां यजते यस्येतानि न क्रियन्त एष ह त्वे समृद्धेन यजते यस्येतानि क्रियन्त॥ (२९)

पूषा क्रियन्त एषोऽष्टौ च॥ [९]

सूर्यो देवो दिविपञ्चो धाता क्षत्राय वायुः प्रजाभ्यः। बृहस्पतिस्त्वा प्रजापतये ज्योतिष्मती जुहोतु। यस्यांस्ते हरितो गर्भोऽथो योनिर्हरिण्ययी। अङ्गान्यहुता यस्ये तां देवैः समजीगमम्। आ वर्तन वर्तय नि निवर्तन वर्तयेन्द्र नर्दबुद। भूम्याश्चतस्रः प्रदिशस्ताभिरा वर्तया पुनः। वि तं भिनन्ति त्करीं वि योनिं वि गवीन्यौ। वि (३०)

मातरं च पुत्रं च वि गर्भं च जरायुं च। बहिस्ते अस्तु बालिति। उरुद्रप्सो विश्वरूप इन्दुः पर्वमानो धीर आनञ्ज गर्भम्। एकपदी द्विपदी त्रिपदी चतुष्पदी पञ्चपदी षट्पदी सप्तपद्यष्टापदी भुवनान्

प्रथताꣳ स्वाहा॥ मही द्यौः पृथिवी च न इमं यज्ञमिमिक्षताम्। पिपृतां नो भरीमभिः॥ (३१)

गवीन्यौ वि चतुश्चत्वारिंशच्च॥

[१०]

इदं वांमास्यं हविः प्रियमिन्द्राबृहस्पती। उक्थम्मदंश्च शस्यते। अयं वां परिं पिच्यते सोमं इन्द्राबृहस्पती। चारुमदाय पीतये। अस्मे इन्द्राबृहस्पती रयिं धत्तं शतृग्विनम्। अश्वावन्तं सहस्रिणम्। बृहस्पतिर्नः परिं पातु पश्चादुतोत्तरस्मादधरादघायोः। इन्द्रः पुरस्तादुत मध्यतो नः सखा सखिभ्यो वरिवः कृणोतु। वि ते विष्वग्वातंजूतासो अग्ने भामांसः (३२)

शुचे शुचयश्चरन्ति। तुविम्रक्षासौ दिव्या नवग्वा वनां वनन्ति धृषता रुजन्तः। त्वामग्ने मानुषीरीडते विशो होत्राविदं विविचिं रत्नधातमम्। गुहा सन्तं सुभग विश्वदर्शतं तुविष्मणसं सुयजं घृतश्रियम्। धाता ददातु नो रयिमीशानो जगत्स्पतिः। स नः पूर्णेन वावनत। धाता प्रजायां उत राय ईशे धातेदं विश्वम्भुवनं जजान। धाता पुत्रं यजमानाय दातां (३३)

तस्मां उ हव्यं घृतवद्विधेम। धाता ददातु नो रयिम्राचीं जीवातुमिक्षताम्। वयं देवस्य धीमहि सुमतिं सत्यराधसः। धाता ददातु दाशुषे वसूनि प्रजाकामाय मीदुषे दुरोणे। तस्मै देवा अमृताः सं व्ययन्तां विश्वे देवासो अर्दतिः सजोषाः। अनु नोऽद्यानुमतिर्यज्ञं देवेषु मन्यताम्। अग्निश्च हव्यवाहनो भवंतां दाशुषे मयः। अन्विदनुमते त्वम् (३४)

मन्यासे शं च नः कृधि। ऋत्वे दक्षांय नो हिनु प्र ण आयूरपि तारिषः। अनु मन्यतामनुमन्यमाना प्रजावन्तं रयिमक्षीयमाणम्। तस्यै वयं हेडसि मापि भूम सा नो देवी सुहवा शर्म यच्छतु। यस्यामिदम्प्रदिशि यद्विरोचतेऽनुमतिं प्रति भूषन्त्यायवं। यस्यां उपस्थं उर्वन्तरिक्षं सा नो देवी सुहवा शर्म यच्छतु (३५)

राकामहं सुहवां सुष्टुती हुवे शृणोतु नः सुभगा बोधंतु त्वना। सीव्यत्वपः सूच्याऽच्छिद्यमानया ददातु वीरं शतदायमुक्थ्यम्। यास्ते राके सुमतयः सुपेशसो याभिर्ददांसि दाशुषे वसूनि। तामिनीं अद्य सुमनां उपागहि सहस्रपोषं सुभगे रराणा। सिनीवालि या सुपाणिः। कुहूमहं सुभगा विद्वानापसमस्मिन् यज्ञे सुहवां जोहवीमि। सा नो ददातु श्रवणम्यितृणां तस्यास्ते देवि हविषां विधेम। कुहूर्देवानाममृतस्य पत्नी हव्या नो अस्य हविषश्चिकेतु। सं दाशुषे किरतु भूरिं वामं रायस्पोषं चिकितुषे दधातु॥ (३६)

भामांसो दाता त्वमन्तरिक्षं सा नो देवी सुहवा शर्म यच्छतु श्रवणं चतुर्विंशतिश्च॥

[११]

वि वा एतस्या वांयो इमे वै चित्तञ्चाग्निभूतानां देवा वा अभ्यातानानृतापाङ्गाष्टकामाय देविका वास्तोष्पते त्वमग्ने बृहदेकादश॥ वि वा एतस्येत्याह मृत्युर्गन्धर्वोऽव रुन्धे मध्युतस्त्वमग्ने बृहध्वद्वत्वारिंशत्॥ 46॥ वि वा एतस्यं प्रियासः॥

[१२]

॥चतुर्थः प्रश्नः॥

॥तैत्तिरीयसंहितायां तृतीयकाण्डे चतुर्थः प्रश्नः॥

वि वा एतस्यं यज्ञं ऋध्यते यस्यं हविरंतिरिच्यंते सूर्यो देवो दिविपञ्च इत्याहु बृहस्पतिना चैवास्यं प्रजापतिना च यज्ञस्य व्यृद्धमपि वपति रक्षांसि वा एतत्पशुं संचन्ते यदेकदेवत्यं आलब्धो भूयान्भवति यस्यास्ते हरितो गर्भं इत्याहु देवत्रैवेनां गमयति रक्षंसामपहत्या आ वर्तन वर्तयेत्याहु (१)

ब्रह्मणैवेनमा वर्तयति वि तं भिनद्धि तकुरीमित्याहु यथायजुरेवेतदुरुद्रप्सो विश्वरूप इन्दुरित्याहु प्रजा वै पशव इन्दुः प्रजयैवेनंमृशभिः समर्धयति दिवं वै यज्ञस्य व्यृद्धं गच्छति पृथिवीमतिरिक्तन्तद्यत्र शमयेदार्तिमाच्छेद्यजमानो मही द्यौः पृथिवी च न इति (२)

आहु द्यावापृथिवीभ्यामेव यज्ञस्य व्यृद्धं चातिरिक्तं च शमयति नार्तिमाच्छेति यजमानो भस्मनाभि समूहति स्वगाकृत्या अथो अनयोर्वा एष गर्भोऽनयोरेवेनं दधाति यदवद्येदति तद्रेचयेद्यत्रावद्येत्पशोरालब्धस्य नावं द्येत् पुरस्तान्नाभ्यां अन्यदवद्येदुपरिष्टादन्यत्पुरस्ताद्वै नाभ्यै (३)

प्राण उपरिष्टादपानो यावानेव पशुस्तस्यावं द्यति विष्णवे शिपिविष्टाय जुहोति यद्वै यज्ञस्यातिरिच्यंते यः पशोर्भूमा या पुष्टिस्तद्विष्णुः शिपिविष्टोऽतिरिक्त एवातिरिक्तं दधात्यतिरिक्तस्य शान्त्या अष्टाप्रद्विरण्यं दक्षिणाऽष्टापदी ह्येषात्मा नवमः पशोरास्यां अन्तरकोश उष्णीषेणाविष्टितम्भवत्येवमिव हि पशुलम्बमिव चर्मव मांसमिवास्थीव यावानेव पशुस्तमात्वाव रुद्धे यस्येषा यज्ञे प्रायश्चित्तिः क्रियत इष्ट्वा वसीयान्भवति॥ (४)

वर्तयेत्याहु न इति वै नाभ्या उत्लम्बमिवैकविंशतिश्च॥ [१]

आ वायो भूष शुचिपा उपं नः सहस्रं ते नियुतो विश्ववारा उपो ते अन्धो मद्यमयामि यस्यं देव दधिषे पूर्वपेयम्। आकृत्यै त्वा कामाय त्वा समूर्धं त्वा किक्किटा ते मनः प्रजापतेय स्वाहां किक्किटा ते प्राणं वायवे स्वाहां किक्किटा ते चक्षुः सूर्याय स्वाहां किक्किटा ते श्रोत्रं द्यावापृथिवीभ्यां स्वाहां किक्किटा ते वाचं सरस्वत्यै स्वाहां (५)

त्वं तुरीयां वशिनीं वशासिं सकृद्यत्वा मनसा गर्भं आशयत्। वशा त्वं वशिनीं गच्छ देवान्भूत्याः संतु यजमानस्य कामाः। अजासिं रयिष्ठा पृथिव्यां सौदोर्ध्वान्तरिक्षमुपं तिष्ठस्व दिवि तं बृहद्वा। तन्तु त्वन्नजंसो भानुमन्विहि ज्योतिष्मतः पथो रक्ष धिया कृतान्। अनुत्पूषं वयत् जोगुं वामपो मनुर्भव जनया देव्यं जनम्। मनसो हविरंसि प्रजापतेर्वर्णो गात्राणां ते गात्रभाजो भूयास्म॥ (६)

सरस्वत्यै स्वाहा मनुष्योदश च॥ [२]

इमे वै सहास्तान्ते वायुर्व्यवाते गर्भमदधातान् सोमः प्राजनयदग्रिंरसत् स एतं प्रजापतिराग्नेयमृष्टाकपालमपश्यत् निर्वपत्तेनैवेनामग्नेरधि निर्ऋतीनात्तस्मादप्यन्यदेवत्यामालम्भमान आग्नेयमृष्टाकपालम्युरस्तान्निर्वपेदग्नेरैवेनामधि निष्क्रिया लभते यत् (७)

वायुर्व्यवाप्तस्माद्वायव्यां यदिमे गर्भमदधातां तस्माद्वावापृथिव्यां यथोमः प्राजनयदग्निरग्रंसतु तस्मादग्नीषोमीया यदनयोर्वियत्योर्वागवेदत्तस्मात्सारस्वती यत्प्रजापतिरग्रेरधि निरक्रीणात्तस्मात्प्राजापत्या सा वा एषा संवदवत्यां यदजा वशा वायव्यामा लभेत भूतिकामो वायुर्वै क्षेपिष्ठा देवता वायुमेव स्वेन (८)

भागधेयेनोपं धावति स एवैनम्भूतिं गमयति द्यावापृथिव्यामा लभेत कृषमाणः प्रतिष्ठाकामो दिव एवास्मै पर्जन्यो वरपति व्यस्यामोपंधयो रोहन्ति समर्धकमस्य सुस्यम्भवत्यग्नीषोमीयामा लभेत यः कामयेतान्नवानन्नादः स्यामित्यग्निनेवान्नमरु रुद्धे सोमैनान्नाद्यमन्नवानेवान्नादो भवति सारस्वतीमा लभेत यः (९)

ईश्वरो वाचो वर्दितोः सन्वाचं न वदेद्वाग्वै सरस्वती सरस्वतीमेव स्वेन भागधेयेनोपं धावति सैवास्मिन्वाचं दधाति प्राजापत्यामा लभेत यः कामयेतानभिजितमभि जयेयमिति प्रजापतिः सर्वा देवता देवताभिरेवानभिजितमभि जयति वायव्ययोपाकरोति वायोरेवेनामवर्ध्या लभेत आकूत्यै त्वा कामाय त्वा (१०)

इत्याह यथायजुरेवैतत्किंकिटाकारं जुहोति किंकिटाकारेण वै ग्राम्याः पशवो रमन्ते प्रारण्याः पतन्ति यत्किंकिटाकारं जुहोति ग्राम्याणां पशूनां धृत्यै पर्यग्नौ क्रियमाणे जुहोति जीवन्तीमेवेनाः सुवर्गं लोकङ्गमयति त्वं तुरीयां वशिनीं वशासीत्याह देवत्रैवेनां गमयति सत्याः संन्तु यजमानस्य कामा इत्याहुष वै कामः (११)

यजमानस्य यदनार्त उदहं गच्छति तस्मादेवमाहाजासि रयिष्ठेत्याहुष्वेवेनां लोकेषु प्रति स्थापयति दिवि ते बृहद्वा इत्याह सुवर्ग एवास्मै लोके ज्योतिर्दधाति तन्तुं तन्वत्रजंसो भानुमन्दिहीत्याहुमानेवास्मै लोकां ज्योतिष्मतः करोत्यनुत्बुणं वयत जोगुवामप इति (१२)

आह यदेव यज्ञ उल्बणं क्रियते तस्यैवैषा शान्तिर्मनुर्भव जनया दैव्यं जनमित्याह मानव्यो वै प्रजास्ता एवाद्याः कुरुते मनसो हविरसीत्याह स्वगाकूत्यै गात्राणां ते गात्रभाजौ भूयास्मेत्याहाशिषमेवेतामा शांस्ते तस्यै वा एतस्या एकमेवादवयजनं यदालंब्यायामभ्रः (१३)

भवति यदालंब्यायामभ्रः स्यादप्सु वा प्रवेशयेत्सर्वा वा प्राश्रीयद्यदप्सु प्रवेशयेद्यज्ञवेशंसं कुर्यात्सर्वामेव प्राश्रीयदिन्द्रियमेवात्मन्ते सा वा एषा त्रयाणामेवावैरुद्धा संवत्सरसदः सहस्रयाजिनो गृहमेधिनस्त एवैतया यजेरन्तेषामेवैषाता॥१४॥

यथस्वेन सारस्वतीमा लभेत यः कामाय त्वा कामोऽप इत्युभो द्विचत्वारिंशच्च॥ [३]

चित्तं च चित्तिश्चाकूतं चाकूतिश्च विज्ञातं च विज्ञानं च मनश्च शक्नोश्च दर्शश्च पूर्णमासश्च बृहच्च रथन्तरं च प्रजापतिर्जयानिन्द्राय वृष्णे प्रायच्छदुग्रः पृतनाज्येषु तस्मै विशः समनमन्त सर्वाः स उग्रः स हि हव्यो बभूव देवासुराः संयता आसन्त्स इन्द्रः प्रजापतिमुपाधावत्तस्मा एताञ्जयान्प्रायच्छुतानंजुहोततो वै देवा असुरानजयन् यदजयन्तञ्जयानां जयत्वः स्पर्धमानेनेते हौतव्या जयत्येव तां पृतनाम्॥ (१५)

उप पञ्चविंशतिश्च॥ [४]

अग्निभूतानामधिपतिः स मावत्विन्द्रो ज्येष्ठानां यमः पृथिव्या वायुरन्तरिक्षस्य सूर्यो दिवश्चन्द्रमा नक्षत्राणाम्बृहस्पतिर्ब्रह्मणो मित्रः सत्यानां वरुणोऽपाः समुद्रः स्रोत्यानामन्नः साम्राज्यानामधिपति तन्मावतु

सोम ओषधीनां सविता प्रंसवानां रुद्रः पशूनां त्वष्टा रूपाणां विष्णुः पर्वतानाम् रुतों गुणानामधिपतयस्ते मावन्तु पितरः पितामहाः परेऽवरे ततोस्ततामहा इह मावता अस्मिन्ब्रह्मन्स्मिन्क्षत्रेऽस्यामशिष्यस्याम्पुरोधायां मस्मिन्कर्मन्त्रस्यां देवहूत्याम् ॥ (१६)

अवरे सप्तदश च ॥ [५]

देवा वै यद्यज्ञेऽकुर्वन्त तदसुरा अकुर्वन्ते ते देवा एतान्भ्यातानानपश्यन्तान्भ्यातन्वन्त यदेवानां कर्मासीदार्थं तद्यदसुराणां न तदार्थं येन कर्मणेश्चैतन्न होतव्यां ऋभ्रोत्येव तेन कर्मणा यद्विश्वे देवाः समभरन्तस्मादभ्याताना वैश्वदेवा यत्प्रजापतिर्जयान्नायच्छुत्तस्माञ्जयाः प्राजापत्याः (१७)

यद्राष्ट्रभृद्भ्राता राष्ट्रमाददत् तद्राष्ट्रभृता राष्ट्रभृत्वन्ते देवा अभ्यातानैरसुरान्भ्यातन्वन्त जयैरजयत्राष्ट्रभृद्भ्राता राष्ट्रमाददत् यदेवा अभ्यातानैरसुरान्भ्यातन्वन्त तदभ्यातानानामभ्यातानन्व यज्ञयैरजयन्तञ्जयानां जयत्वं यद्राष्ट्रभृद्भ्राता राष्ट्रमाददत् तद्राष्ट्रभृता राष्ट्रभृत्वन्ततो देवा अभवन्परासुरा यो भ्रातृव्यावश्यास एताञ्जुह्यादभ्यातानैरेव भ्रातृव्यान्भ्यातन्तु जयैर्जयति राष्ट्रभृद्भ्राता राष्ट्रमा दत्ते भवत्यात्मना परास्य भ्रातृव्यो भवति ॥ (१८)

प्राजापत्याः सौष्टादश च ॥ [६]

ऋतापादृतधामाग्निर्गन्धर्वस्तस्योषधयोऽप्सरस ऊर्जो नाम स इदं ब्रह्म क्षत्रं पातु ता इदं ब्रह्म क्षत्रं पातु तस्मै स्वाहा ताम्यः स्वाहा संहितो विश्वसामा सूर्यो गन्धर्वस्तस्य मरीचयोऽप्सरस आयुवः सुपुत्रः सूर्यरश्मिश्चन्द्रमा गन्धर्वस्तस्य नक्षत्राण्यप्सरसो वेकुरयो भुज्युः सुपर्णो यज्ञो गन्धर्वस्तस्य दक्षिणा अप्सरसः स्तवाः प्रजापतिर्विश्वकर्मा मनः (१९)

गन्धर्वस्तस्यर्षामान्यप्सरसो वह्न्य इषिरो विश्वव्यचा वातो गन्धर्वस्तस्यापोऽप्सरसो मुदा भुवनस्य पते यस्य त उपरि गृहा इह च। स नो रास्वाज्यानि रायस्योष सुवीर्य संवध्मरीणा स्वस्तिम्। परमेष्ठपतिर्मृत्युर्गन्धर्वस्तस्य विश्वमप्सरसो भुवः सुक्षितिः सुभूतिर्भद्रकृत्सुर्वान्यर्जन्यो गन्धर्वस्तस्य विद्युतोऽप्सरसो रुचो दूरेहेतिरमृडयः (२०)

मृत्युर्गन्धर्वस्तस्य प्रजा अप्सरसो भीरुवश्चारुः कृपणकाशी कामो गन्धर्वस्तस्याधयोऽप्सरसः शोचयन्तीनाम् स इदं ब्रह्म क्षत्रं पातु ता इदं ब्रह्म क्षत्रं पातु तस्मै स्वाहा ताम्यः स्वाहा स नो भुवनस्य पते यस्य त उपरि गृहा इह च। उरु ब्रह्मणेऽस्मै क्षत्राय महि शर्म यच्छ ॥ (२१)

मनोऽमृडयष्वद्वत्वारिंशच्च ॥ [७]

राष्ट्रकामाय होतव्या राष्ट्रं वै राष्ट्रभृतो राष्ट्रेणैवास्मै राष्ट्रमव रुद्धे राष्ट्रमेव भवत्यात्मन होतव्या राष्ट्रं वै राष्ट्रभृतो राष्ट्रं प्रजा राष्ट्रमश्वो राष्ट्रं यच्छेष्टो भवति राष्ट्रेणैव राष्ट्रमव रुद्धे वसिष्ठः समानानां भवति ग्रामकामाय होतव्या राष्ट्रं वै राष्ट्रभृतो राष्ट्रं संजाता राष्ट्रेणैवास्मै राष्ट्रं संजातानव रुद्धे ग्रामी (२२)

एव भवत्यधिदेवेन जुहोत्यधिदेवेन एवास्मै सजातानव रुद्धे त एनमवरुद्धा उप तिष्ठन्ते रथमुख

ओजस्कामस्य होतॄणां ओजो वै राष्ट्रभूत ओजो रथ ओजसैवास्मा ओजोऽव रुन्द्र ओजस्व्यैव भवति यो राष्ट्रादपभूतः स्यात्तस्मै होतॄणां यावन्तोऽस्य रथाः स्युस्तान्ब्रूयाद्युद्धमिति राष्ट्रमेवास्यै युनक्ति (२३)

आहुतयो वा एतस्याङ्गता यस्य राष्ट्रं न कल्पते स्वरथस्य दक्षिणं चक्रम्प्रवृद्धं नाडीमभि जुहुयादाहुतीवास्यं कल्पयति ता अस्य कल्पमाना राष्ट्रमनु कल्पते सङ्ग्रामे संयन्ते होतॄणां राष्ट्रं वै राष्ट्रभूतो राष्ट्रे खलु वा एते व्यायच्छन्ते ये सङ्ग्रामं संयन्ति यस्य पूर्वस्य जुह्वति स एव भवति जयति तं सङ्ग्रामं मौन्धुक इध्मः (२४)

भुवत्यङ्गारा एव प्रतिवेष्टमाना अमित्राणामस्य सेनां प्रति वेष्टयन्ति य उन्माद्येत्तस्मै होतॄणां गन्धर्वाप्सरसो वा एतमुन्मादयन्ति य उन्माद्येत्येते खलु वै गन्धर्वाप्सरसो यद्राष्ट्रभूतस्तस्मै स्वाहा ताभ्यः स्वाहेति जुहोति तेनेवैनच्छमयति नैयग्रोध औदुम्बर आश्वत्थः प्लाक्ष इतीधो भवत्येते वै गन्धर्वाप्सरसां गृहाः स्व एवेनान् (२५)

आयतने शमयत्यभिचरता प्रतिलोमं होतॄणां प्राणानेवास्यं प्रतीचः प्रति योति तं ततो येन केन च स्तृणुते स्वकृत इरिणे जुहोति प्रदरे वैतद्वा अस्यै निरृतिगृहीतं निरृतिगृहीत एवेनं निरृतिगृहीत ग्राहयति यद्वाचः क्रूरन्तेन वर्षद्वरोति वाच एवेनं क्रूरेण प्र वृश्चति ताजगार्तिमाच्छति यस्य कामयैतान्नाद्यम् (२६)

आ ददीयेति तस्य सभायांमुत्तानो निपद्य भुवनस्य पत इति तृणानि सं गृहीयात्प्रजापतिर्वै भुवनस्य पतिः प्रजापतिनेवास्यान्नाद्यमा दत्त इदमहममुष्यामुष्यायणस्यान्नाद्यं हरामीत्याहान्नाद्यमेवास्यं हरति पङ्क्तिरहरति पङ्क्ता कृतवः प्रजापतिनेवास्यान्नाद्यमादायतवोऽस्मा अनु प्र यच्छन्ति (२७)

यो ज्येष्ठबन्धुरपभूतः स्यात्तं स्थलेऽवसाय्यं ब्रह्मोदनं चतुःशरावम्पुक्ता तस्मै होतॄणां वर्षं वै राष्ट्रभूतो वर्षं स्थलं वर्षणैवेनं वर्षं समानानां गमयति चतुःशरावो भवति दिक्ष्वैव प्रति तिष्ठति क्षीरे भवति रुचमेवासिन्धधात्युद्धरति श्रुतत्वाय सर्पिष्वान्भवति मेध्यत्वाय चत्वारं आरुषेयाः प्राश्रन्ति दिशामेव ज्योतिषि जुहोति॥ (२८)

ग्रामी युनक्तीध्मः स्व एवेनान्नाद्यं यच्छन्त्येकान्नपञ्चाशच्च॥ [८]

देविका निर्वपेत्प्रजाकामश्छन्दांसि वै देविकाश्छन्दांसि खलु वै प्रजाश्छन्दांभिरेवास्यै प्रजाः प्र जनयति प्रथमं धातारं करोति मिथुनी एव तेन करोत्यन्वेवास्मा अनुमतिर्मन्यते राते राका प्र सिनीवाली जनयति प्रजास्वेव प्रजातासु कुह्वा वाचं दधात्येता एव निर्वपेत्पशुकामश्छन्दांसि वै देविकाश्छन्दांसि (२९)

इव खलु वै पशवश्छन्दांभिरेवास्यै पशून् जनयति प्रथमं धातारं करोति प्रैव तेन वापयत्यन्वेवास्मा अनुमतिर्मन्यते राते राका प्र सिनीवाली जनयति पशून् प्रजातां कुह्वा प्रतिं छापयत्येता एव निर्वपेद्गामकामश्छन्दांसि वै देविकाश्छन्दांसि खलु वै ग्रामश्छन्दांभिरेवास्यै ग्रामम् (३०)

अव रुन्दे मध्यतो धातारं करोति मध्यत एवेनं ग्रामस्य दधात्येता एव निर्वपेज्योगामयावी छन्दांसि वै देविकाश्छन्दांसि खलु वा एतमभि मन्यन्ते यस्य ज्योगामयति छन्दांभिरेवेनमगदं करोति मध्यतो

धातारं करोति मध्यतो वा एतस्याङ्कृतं यस्य ज्योगामयति मध्यत एवास्य तेन कल्पयत्येता एव निः (३१)

वपेद्यं यज्ञो नोपनमेच्छन्दांसि वै देविकाश्छन्दांसि खलु वा एतं नोपं नमन्ति यं यज्ञो नोपनमति प्रथमं धातारं करोति मुखत एवास्मै छन्दांसि दधात्युपैतं यज्ञो नमत्येता एव निर्वपेदीजानश्छन्दांसि वै देविका यातयामानीव खलु वा एतस्य छन्दांसि य ईजान उतमं धातारं करोति (३२)

उपरिष्ठादेवास्मै छन्दांस्ययातयामान्यवं रुद्ध उपैतमुत्तरो यज्ञो नमत्येता एव निर्वपेद्यम्मेधा नोपनमेच्छन्दांसि वै देविकाश्छन्दांसि खलु वा एतं नोपं नमन्ति यम्मेधा नोपनमति प्रथमं धातारं करोति मुखत एवास्मै छन्दांसि दधात्युपैतम्मेधा नमत्येता एव निर्वपेत् (३३)

रुक्कामश्छन्दांसि वै देविकाश्छन्दांसीव खलु वै रुक्छन्दांभिरेवास्मिन्नुचं दधाति क्षीरे भवन्ति रुचमेवास्मिन्दधति मध्यतो धातारं करोति मध्यत एवैनं रुचो दधाति गायत्री वा अनुमतिस्त्रिष्टुग्राका जगंती सिनीवाल्यनुष्टुप्कुहूर्धाता वषट्कारः पूर्वपक्षो राकापरपक्षः कुहूरमावास्यां सिनीवाली पौर्णमास्यनुमतिश्चन्द्रमा धाताऽष्टौ (३४)

वसवोऽष्टाक्षरा गायत्र्येकादश रुद्रा एकादशाक्षरा त्रिष्टुब्बादशादित्या द्वादशाक्षरा जगंती प्रजापतिरनुष्टुब्धाता वषट्कार एतद्वै देविकाः सर्वाणि च छन्दांसि सर्वाश्च देवता वषट्कारस्ता यत्सह सर्वा निर्वपेदीश्वरा एनम्प्रवहो द्वे प्रथमे निरुप्य धातुस्तृतीयं निर्वपेत्तथो एवोत्तरे निर्वपेत्तथैनं न प्र दहन्त्यथो यस्मै कामाय निरुप्यन्ते तमेवाभिरुपाप्नोति ॥ (३५)

पशुकामश्छन्दांसि वै देविकाश्छन्दांसि ग्रामङ्कल्पयत्येता एव निरुत्तमन्धातारं करोति मेधा नमत्येता एव निर्वपेदष्टौ दहन्ति नवं च (९) देविकाः प्रजाकामो मिथुनी पशुकामः ॥ [९]

वास्तोष्पते प्रति जानीह्यस्मान्स्वावेशो अनमीवो भवा नः। यत्स्वेमहे प्रति तत्रो जुषस्व शं नं एधि द्विपदे शं चतुष्पदे। वास्तोष्पते शुग्मयां सुस्सदां ते सक्षीमहि र्णवयां गातुमत्यां। आवः क्षेम उत योगे वरं नो यूयम्मात स्वस्तिभिः सदां नः। यत्स्यायम्प्रातरग्निहोत्रं जुहोत्याहुतीष्टका एव ता उपं धत्ते (३६)

यजमानोऽहोरात्राणि वा एतस्येष्टका य आहिताग्निर्यथायम्प्रातर्जुहोत्यहोरात्राण्येवास्वेष्टकाः कृत्वोपं धत्ते दशं समानत्रं जुहोति दशाक्षरा विराड्विराजमेवास्वेष्टकां कृत्वोपं धत्तेऽथो विराज्येव यज्ञमप्रीति चित्यंश्चित्योऽस्य भवति तस्माद्यत्र दशोषित्वा प्रयाति तद्यज्ञवास्त्ववास्त्वेव तद्यत्ततोऽर्वाचीनम् (३७)

रुद्रः खलु वै वास्तोष्पतिर्यदहत्वा वास्तोष्पतीयम्रयायाद्रुद्र एनम्भूत्वाग्निरनूत्थाय हन्याद्वास्तोष्पतीयं जुहोति भागधेयैर्नैवेनं शमयति नार्तिमाच्छति यजमानो यद्युक्ते जुहुयाद्यथा प्रयाति वास्तावाहुतिं जुहोति तादृगेव तद्यद्युक्ते जुहुयाद्यथा क्षेम आहुतिं जुहोति तादृगेव तदहत्तमस्य वास्तोष्पतीयं स्यात् (३८)

दक्षिणो युक्तो भवति सव्योऽयुक्तोऽथ वास्तोष्पतीयं जुहोत्युभयमेवाकुरपरिवर्गमेवैनं शमयति यदेकया जुहुयाद्विहोमं कुर्यात्पुरोनुवाक्यामनूच्य याज्यया जुहोति सदेवत्वाय यद्धुत आदध्याद्रुद्रं गृहानन्वारोहयेद्यदवक्षाणान्यसम्प्रक्षाय्य प्रयायाद्यथा यज्ञवेशसं वादहनं वा तादृगेव तदयं ते योनिरऋत्विय इत्यर्ण्याः

समारोहयति (३९)

एष वा अग्नेर्योनिः स्व एवैनं योनौ समारोहयत्यथो खत्वाहुर्यदरण्योः समारूढो नश्येदुदस्याग्निः
सीदत्युनराधेयः स्यादिति या तै अग्ने यज्ञियां तनूस्तयेह्या रोहेत्यात्मन्समारोहयते यजमानो वा अग्नेर्योनिः
स्वायामेवैनं योन्यां समारोहयते॥ (४०)

धृत्तेऽर्वाचीनं स्यात्समारोहयति पञ्चचत्वारिंशच्च॥ [१०]

त्वमग्ने बृहद्वयो दधांसि देव दाशुषैः कविर्गृहपतिर्युवाँ॥ हव्यवाडग्निरजरः पिता नो विभुर्विभावां
सुहृशीको अस्मे। सुगार्हपत्याः समिपो दिदीह्यस्मद्रियंस्मिमीहि श्रवांसि। त्वं च सोम नो वशो
जीवातुं न मरामहे। प्रियस्तोत्रो वनस्पतिः। ब्रह्मा देवानां पदवीः कवीनामृषिर्विप्राणाम्महिषो मृगाणाम्। श्येनो
गृध्राणां स्वर्धतिर्वनानां सोमः (४१)

पवित्रमत्यैति रेभन्। आ विश्वदेव सत्पतिः सूक्तैरद्या वृणीमहे। सत्यसंव सवितारम्॥ आ
सत्येन रजसा वर्तमानो निवेशयन्नमृतममृत्यं च। हिरण्ययेन सविता रथेना देवो याति भुवना विपश्यन्।
यथा नो अर्दितिः करत्पश्चे नृभ्यो यथा गवैः यथा तोकाय रुद्रियम्। मा नस्तोके तनये मा न आयुषि
मा नो गोषु मा (४२)

नो अश्वेषु रीरिषः। वीरान्मा नो रुद्र भामितो वंधीरहविष्मन्तो नमसा विधेम ते। उदप्रुतो न
वयो रक्षमाणा वावदतो अभ्रियस्येव घोषाः। गिरिभ्रजो नोर्मयो मदन्तो बृहस्पतिर्मभ्यंका अनावन्। हंसैरिव
सखिभिर्वावदद्विरश्मन्मयानि नहना व्यस्यन्। बृहस्पतिरभि कर्निकदद्वा उत प्रास्तोदुच्चं विद्वा अंगायत्। एन्द्र
सानसि रयिम् (४३)

सजित्वानं सदासहम्। वर्षिष्ठमृतये भर। प्र संसाहिषे पुरुहूत शत्रूञ्ज्येष्ठस्ते शुष्मं इह रातिरंस्तु।
इन्द्रा भर दक्षिणेना वसूनि पतिः सिन्धूनामसि रेवतीनाम्। त्वं सुतस्य पीतये सद्यो वृद्धो अजायथाः।
इन्द्र ज्येष्ठाय सुक्रतो। भुवस्त्वमिन्द्र ब्रह्मणा महान्भुवो विश्वेषु सर्वनेषु यज्ञियः। भुवो नृश्च्यौबो विश्वस्मिन्ने
ज्येष्ठश्च मन्त्रः (४४)

विश्वचरणे। मित्रस्य चरणौधृतः श्रवो देवस्य सानसिम्। सत्यं चित्रश्रवस्तमम्। मित्रो जनानं
यातयति प्रजानन्मित्रो दाधार पृथिवीमुत द्याम्। मित्रः कृष्टीरनिमिषाभि चण्डे सत्यायं हव्यं घृतवद्विधेम। प्र
स मित्र मतो अस्तु प्रयस्वान् यस्त आदित्य शिष्वति व्रतेन। न हन्यते न जीयते त्वोतो नैनमंहो
अश्रोत्यन्तितो न दूरात्। यत् (४५)

चिद्धि ते विशो यथा प्र देव वरुण व्रतम्। मिनीमसि द्यविद्यवि। यत्किं चेदं वरुण दैव्ये
जनैऽभिद्रोहमन्नुष्याश्वरामसि। अर्चिती यत्तव धर्मा युयोपि मा नस्तस्मादेनसो देव रीरिषः। कित्वासो
यद्विरिपुर्न दीवि यद्वा घा सत्यमुत यन्न विद्वा। सर्वा ता वि प्यं शिथिरेवं देवाथा ते स्याम वरुण

प्रियासः॥ (४६)

सोमो गोषु मा रयिं मञ्जो यच्छिथिरा सत च॥ [११]

पूर्णरूपयोऽग्निना ये देवाः सूर्यो मा सन्त्वा नह्यामि वषट्कारः स खंदिर उपयामगृहीतोऽसि यां वै त्वे क्रतुम् देवमेकादश॥ [१२] पूर्णा संहजान्तवाग्ने प्राणैरेव पट्विंशत्॥३६॥ पूर्णा सन्ति देवाः॥

॥पञ्चमः प्रश्नः॥

॥तैत्तिरीयसंहितायां तृतीयकाण्डे पञ्चमः प्रश्नः॥

पूर्णा पश्चादुत पूर्णा पुरस्तादुन्मध्यतः पौर्णमासी जिगाया। तस्यां देवा अधि संवसन्त उत्तमे नाकं इह मांदयन्ताम्। यतै देवा अदधुर्भागधेयममावास्ये संवसन्तो महित्वा। सा नो यज्ञमिपृहि विश्वारे रयिं नो धेहि सुभगे सुवीरम्। निवेशनी संगमनी वसूनां विश्वा रूपाणि वसून्त्यावेशयन्ती। सहस्रपोषः सुभगा रराणा सा न आ गन्वर्चसा (१)

संविदना। अग्नीषोमो प्रथमो वीर्येण वसून्नुद्धानादित्यानिह जिन्वतम्। माध्यः हि पौर्णमासं जुषेथां ब्रह्मणा वृद्धो संकृतेन सातावथास्मभ्यः सहवीराः रयिं नि यच्छतम्। आदित्याश्चाङ्गिरसश्चाग्नीनादधत ते दर्शपूर्णमासौ प्रैप्सन्तेपामाङ्गिरसां निरुतः हविरासीदथादित्या एतौ होमावपश्यन्तावजुहवुस्ततो वै ते दर्शपूर्णमासौ (२)

पूर्व आलभन्त दर्शपूर्णमासावालभमान एतौ होमौ पुरस्ताद्ब्रुहयाध्माक्षादेव दर्शपूर्णमासावा लभते ब्रह्मवादिनो वदन्ति स त्वे दर्शपूर्णमासावालभेत य एनयोरनुलोमं च प्रतिलोमं च विद्यादित्यमावास्याया ऊर्ध्वं तदनुलोममपौर्णमास्यै प्रतीचीनं तत्प्रतिलोमं यत्पौर्णमासीमुर्वापालभेत प्रतिलोममेनावा लभेतामुर्मपक्षीयमाणमन्वपे (३)

क्षीयेत सारस्वतौ होमौ पुरस्ताद्ब्रुहयादमावास्यां वै सरस्वत्यनुलोममेवैनावा लभतेऽमुमाप्यायमानमन्वा प्यायत आग्नावैष्णवमेकादशकपालम्पुरस्तात्रिवैपथ्यसरस्वत्यै चरुः सरस्वते द्वादशकपालं यदाग्नेयो भवत्यग्निर्वै यज्ञमुखं यज्ञमुखमेवर्द्धिम्पुरस्ताद्धते यद्वैष्णो भवति यज्ञो वै विष्णुर्यज्ञमेवारभ्य प्र तनुते सरस्वत्यै चरुर्भवति सरस्वते द्वादशकपालोऽमावास्यां वै सरस्वती पूर्णमासः सरस्वान्तावेव साक्षादा रभत ऋध्नोत्याभ्यां द्वादशकपालः सरस्वते भवति मिथुनत्वाय प्रजात्यै मिथुनौ गावौ दक्षिणा समृद्धौ॥ (४)

वर्चसा वै ते दर्शपूर्णमासावप तनुते सरस्वत्यै पञ्चविंशतिश्च॥ [१]

ऋपयो वा इन्द्रमप्रत्यक्षं नापश्यन्तं वसिष्ठः प्रत्यक्षमपश्यत्सोऽब्रवीद्ब्राह्मणं ते वक्ष्यामि यथा त्वत्पुरोहिताः प्रजाः प्रजनिष्यन्तेऽथ मेतरेभ्य ऋषिभ्यो मा प्र वोच इति तस्मा एतान्स्थतोर्मभागानब्रवीत्ततो वसिष्ठपुरोहिताः प्रजाः प्राजायन्त तस्माद्वासिष्ठो ब्रह्मा कार्यः प्रैव जायते रश्मिरसि क्षयाय त्वा क्षयं जिन्वेति (५)

आह देवा वै क्षयों देवेभ्य एव यज्ञम्राह प्रेतिरसि धर्माय त्वा धर्मं जिन्वेत्याह मनुष्या वै धर्मो मनुष्येभ्य एव यज्ञम्राहान्वितिरसि दिवे त्वा दिवं जिन्वेत्याहैभ्य एव लोकेभ्यो यज्ञम्राहं विष्टम्भोऽसि वृष्टौ त्वा वृष्टिं जिन्वेत्याह वृष्टिमेवाव (६)

रुद्धे प्रवास्यनुवासीत्याह मिथुनत्वायोशिर्गसि वसुभ्यस्त्वा वसूञ्जिन्वेत्याहाष्टौ वसंव एकादश रुद्रा द्वादशादित्या एतावन्तो वै देवास्तेभ्य एव यज्ञम्राहौजोऽसि पितृदयस्त्वा पितृञ्जिन्वेत्याह देवानेव पितृननु सं तनोति तन्तुरसि प्रजाभ्यस्त्वा प्रजा जिन्व (७)

इत्याह पितृनेव प्रजा अनु सं तनोति पृतनापाडसि पशुभ्यस्त्वा पशूञ्जिन्वेत्याह प्रजा एव पशूननु सं तनोति रेवदस्योपधीभ्यस्त्वोपधीजिन्वेत्याहोपधीष्वेव पशून्मतिं षापयत्यभिजिदसि युक्तग्रावेन्द्राय त्वेन्द्र जिन्वेत्याहभिजित्या अधिपतिरसि प्राणाय त्वा प्राणम् (८)

जिन्वेत्याह प्रजास्वेव प्राणान्दधाति त्रिवृदसि प्रवृदसीत्याह मिथुनत्वाय सःरोहोऽसि नीरोहोऽसीत्याह प्रजात्यै वसुकोऽसि वेपथिरसि वस्यष्टिरसीत्याह प्रतिष्ठित्यै (९)

जिन्वेत्यव प्रजा जिन्व प्राणञ्चिश्च॥ [२]

अग्निना देवेन पृतना जयामि गायत्रेण छन्दसा त्रिवृता स्तोमैर्न रथन्तरेण साम्ना वषट्कारेण वज्रेण पूर्वजान्मातृव्यान्धरान्यादयाम्यवैनान्धाधे प्रत्येनानुदेऽस्मिन्क्षयेऽस्मिन्भूमिलोके योऽस्मान्द्वेष्टि यं च वयं द्विष्णोः क्रमेणात्येनाक्रामामीन्द्रेण देवेन पृतना जयामि त्रैष्टुभेन छन्दसा पञ्चदशेन स्तोमैर्न बृहता साम्ना वषट्कारेण वज्रेण (१०)

सहजान् विश्वैर्भेदेवेभिः पृतना जयामि जागतेन छन्दसा सप्तदशेन स्तोमैर्न वामदेव्येन साम्ना वषट्कारेण वज्रेणापरजानिन्द्रेण सयुजो वयं सांसह्याम् पृतन्यतः। घ्नन्तो वृत्राण्यप्रति। यत्तं अग्ने तेजस्तेनाह तेजस्वी भूयासं यत्तं अग्ने वर्चस्तेनाह वर्चस्वी भूयासं यत्तं अग्ने हरस्तेनाह हरस्वी भूयासम्॥ (११)

बृहता साम्ना वषट्कारेण वज्रेण पद्वत्वारिश्च॥ [३]

ये देवा यज्ञहनों यज्ञमुपः पृथिव्यामध्यासंते। अग्निर्मा तेभ्यो रक्षतु गच्छेम सुकृतो वयम्। आगन्म मित्रावरुणा वरेण्या रात्रीणाम्भानो युवयोर्यो अस्ति। नार्कं गृह्णानाः सुकृतस्य लोके तृतीयं पृष्ठे अधि रोचने दिवः। ये देवा यज्ञहनों यज्ञमुपोऽन्तरिक्षेऽध्यासंते। वायुर्मा तेभ्यो रक्षतु गच्छेम सुकृतो वयम्। यास्ते रात्रीः सवितः (१२)

देवयानीरन्तरा द्यावापृथिवी विरन्ति। गृहैश्च सर्वैः प्रजया न्वग्ने सुवो रुहाणास्तरता रजांसि। ये देवा यज्ञहनों यज्ञमुपो दिव्यध्यासंते। सूर्यो मा तेभ्यो रक्षतु गच्छेम सुकृतो वयम्। येनेन्द्राय समभरः पयांस्युत्तमेन हविषा जातवेदः। तेनाग्ने त्वमुत वर्धयेम संजातानां श्रेष्ठ आ धैह्येनम्। यज्ञहनों वै देवा यज्ञमुपः (१३)

सन्ति त एषु लोकेष्वासत आददाना विमथाना यो ददाति यो यजते तस्य। ये देवा यज्ञहनः

पृथिव्यामध्यासन्ते ये अन्तरिक्षे ये दिव्याहमानेव लोकाः स्तीर्त्वा सगृहः सपंशुः सुवर्गं लोकमेत्यपु वै सोमेनेजानाद्देवतांश्च यज्ञश्च कामन्त्याग्नेयं पञ्चकपालमुदवसानायं निर्वपेदग्निः सर्वा देवताः (१४)

पाङ्क्तौ यज्ञो देवतांश्चैव यज्ञं चाव रुद्धे गायत्रो वा अग्निर्गायत्रछन्दास्तं छन्दसा व्यर्धयति यत्पञ्चकपालं करोत्यष्टाकपालः कार्योऽष्टाक्षरा गायत्री गायत्रोऽग्निर्गायत्रछन्दाः स्वेनैवेनं छन्दसा समर्धयति पङ्क्तौ याज्यानुवाक्यं भवतः पाङ्क्तौ यज्ञस्तेनैव यज्ञात्रेति॥ (१५)

सवितुर्देवा यज्ञमुपः सर्वा देवतास्त्रिचत्वारिंशच्च॥ [४]

सूर्यो मा देवो देवेभ्यः पातु वायुरन्तरिक्षाद्यजमानोऽग्निर्मा पातु चक्षुषः। सक्ष शूष सवितुर्विश्वं चरण एतेभिः सोमं नामभिर्विधेम ते तेभिः सोमं नामभिर्विधेम ते। अहम्परस्तादहमवस्तादहं ज्योतिषा वि तमो ववार। यदन्तरिक्षं तदं मे पिताभूदहं सूर्यमुभयतो ददर्शाहम्भ्यासमुत्तमः संमानानाम् (१६)

आ संमुद्रादाऽन्तरिक्षात्प्रजापतिरुदधिं च्यावयातीन्द्रः प्र स्त्रौतु मरुतो वर्षयन्तून्नंभय पृथिवीमिन्द्रीदं दिव्यं नमः। उद्रो दिव्यस्य नो देहीशानो वि सृजा दितिम्। पशवो वा एते यदादित्य एष रुद्रो यदग्निरोपधीः प्रास्याग्नावादित्यं जुहाति रुद्रादेव पशून्तर्दधात्यथो ओपधीष्वेव पशून् (१७)

प्रतिं छापयति क्विर्यज्ञस्य वि तनोति पन्थां नाकस्य पृष्ठे अधि रोचने दिवः। येनं हव्यं वहंसि यासिं दूत इतः प्रचेता अमुतः सनीयान्। यास्ते विश्वाः समिधः सन्त्यग्ने याः पृथिव्याम्बुरहिषि सूर्ये याः। तास्ते गच्छन्त्वाहुतिं घृतस्य देवायते यजमानाय शर्म। आशासानः सुवीर्यं रायस्पोषु स्वश्वियम्। बृहस्पतिना राया स्वगाकृतो मह्यं यजमानाय तिष्ठ॥ (१८)

समानानामोपधीष्वेव पशून्मह्यं यजमानायैकञ्च॥ [५]

सं त्वां नह्यामि पर्यसा घृतेन सं त्वां नह्याम्यप ओपधीभिः। सं त्वां नह्यामि प्रजयाहमद्य सा दीक्षिता संनवो वाजंमस्मे। प्रेतु ब्रह्मणस्पती वेदिं वर्णेन सीदतु। अथाहमंनुकामिनी स्वे लोके विशा इह। सुप्रजसंस्त्वा वयं सुपत्नीरुपं सेदिम। अग्नें सपत्नदम्भनमदब्धासो अदाभ्यम्। इमं वि प्यामि वरुणस्य पाशम् (१९)

यमबध्रीत सविता सुकेतः। धातुश्च योनौ सुकृतस्य लोके स्योनं मे सह पत्यां करोमि। प्रेह्युदेह्युतस्यं वामीरन्वग्निस्तेऽग्ने नयत्वदिर्तिर्मध्यं ददता रुद्रावसृष्टासि युवा नाम मा मां हिंसीवसुभ्यो रुद्रेभ्य आदित्येभ्यो विश्वेभ्यो वो देवेभ्यः पुत्रेजनीगृह्णामि यज्ञाय वः पुत्रेजनीः सादयामि विश्वस्य ते विश्वावतो वृष्णिंयावतः (२०)

तवाग्ने वामीरनुं सुन्दशि विश्वा रेतारसि धिषीयागं देवान् यज्ञो नि देवोदेवेभ्यो यज्ञमंशिपन्नस्मिन्धुन्वति यजमान आशिषः स्वाहाकृताः समुद्रेष्टा गन्धर्वमा तिष्ठताऽनु। वातस्य पत्मन्निड ईडिताः॥ (२१)

पाशं वृष्णिंयावतस्त्रिंशच्च॥ [६]

वृषद्वारो वै गायत्रियै शिरोऽच्छिनत्तस्यै रसः परापतत्स्य पृथिवीम्राविशत्स्य खदिरोऽभवद्यस्य खादिरः सुवो भवति छन्दसामेव रसेनाव द्यति सरंसा अस्याहुतयो भवन्ति तृतीयस्यामितो दिवि सोमं आसीत् गांयत्र्याहुतस्य पूर्णमच्छिद्यत् तत्पूर्णोऽभवत्तत्पूर्णस्य पूर्णत्वं यस्य पूर्णमयी जुहूः (२२)

भवन्ति सौम्या अस्याहुतयो भवन्ति जुषन्तऽस्य देवा आहुतीर्देवा वै ब्रह्मन्वदन्त तत्पूर्ण उपांशृणोथ्सुश्रवा वै नाम यस्य पूर्णमयी जुहूर्भवति न पापश् श्लोकश् शृणोति ब्रह्म वै पूर्णो विष्मरुतोऽन्नं विष्मार्कतोऽश्वत्थो यस्य पूर्णमयी जुहूर्भवत्याश्वत्थ्युपभृद्ब्रह्मणैवान्नमव रुद्धेऽथो ब्रह्मं (२३)

एव विश्वध्यूहति राष्ट्रं वै पूर्णो विडंश्वत्थो यत्पूर्णमयी जुहूर्भवत्याश्वत्थ्युपभृद्वाष्ट्रमेव विश्वध्यूहति प्रजापतिर्वा अंजुहोत्सा यत्राहुतिः प्रत्यतिष्ठत्तो विकङ्कत उदतिष्ठत्तः प्रजा असृजत् यस्य वैकङ्कती ध्रुवा भवन्ति प्रत्येवास्याहुतयस्तिष्ठन्त्यथो प्रैव जायत एतद्वै सुचाश् रूपं यस्यैव रूपः सुचो भवन्ति सर्वाण्येवैनं रूपणि पशूनामुप तिष्ठन्ते नास्यापरूपमात्मजायते॥ (२४)

जुहूरथो ब्रह्म सुचाश् सप्तदश च॥ [७]

उपयामगृहीतोऽसि प्रजापतये त्वा ज्योतिष्मते ज्योतिष्मन्तं गृह्णामि दक्षाय दक्षवृधे रातं देवेभ्योऽग्निजिह्वेभ्यस्वर्तायुभ्य इन्द्रज्येष्ठेभ्यो वरुणराजभ्यो वार्तापिभ्यः पर्जन्यात्मभ्यो दिवे त्वान्तरिक्षाय त्वा पृथिव्यै त्वापैन्द्र द्विप्तो मनोऽप जिज्यासतो जह्वप यो नोऽरातीयति तं जंहि प्राणाय त्वापानाय त्वा व्यानय त्वा सते त्वासते त्वान्नस्वोपधीभ्यो विश्वेभ्यस्त्वा भूतेभ्यो यतः प्रजा अक्खिन्द्रा अजायन्त तस्मै त्वा प्रजापतये विभृदात्रे ज्योतिष्मते ज्योतिष्मन्तं जुहोमि॥ (२५)

ओपधीभ्यश्चतुर्दश च॥ [८]

यां वा अध्वर्युश्च यजमानश्च देवतामन्तरितस्तस्या आ वृश्चेते प्राजापत्यं दधिग्रहं गृहीयात्प्रजापतिः सर्वा देवता देवताभ्य एव नि हुंवाते ज्येष्ठो वा एष ग्रहाणां यस्येष गृह्यते ज्येष्ठमेव गच्छति सर्वासां वा एतद्देवतानां रूपं यदेष ग्रहो यस्येष गृह्यते सर्वाण्येवैनं रूपणि पशूनामुप तिष्ठन्त उपयामगृहीतः (२६)

असि प्रजापतये त्वा ज्योतिष्मते ज्योतिष्मन्तं गृह्णामीत्याहु ज्योतिरेवैनं समानानां करोत्यग्निजिह्वेभ्यस्वर्तायुभ्य इत्याहेतावतीर्वै देवतास्ताभ्य एवेनं सर्वाभ्यो गृह्णात्यपैन्द्र द्विप्तो मन इत्याहं भ्रातृव्यापनुत्यै प्राणाय त्वापानाय त्वेत्याह प्राणानेव यजमाने दधाति तस्मै त्वा प्रजापतये विभृदात्रे ज्योतिष्मते ज्योतिष्मन्तं जुहोमि (२७)

इत्याहं प्रजापतिः सर्वा देवताः सर्वाभ्य एवेनं देवताभ्यो जुहोत्याज्यग्रहं गृहीयातेजस्कामस्य तेजो वा आज्यं तेजस्यैव भवति सोमग्रहं गृहीयाद्ब्रह्मवर्चस्कामस्य ब्रह्मवर्चसं वै सोमो ब्रह्मवर्चस्यैव भवति दधिग्रहं गृहीयात्पशुकामस्योगवै दध्युर्पशवं ऊर्जैवास्मा ऊर्जं पशूनवं रुद्धे॥ (२८)

उपयामगृहीतो जुहोमि त्रिचत्वारिंशच्च॥ [९]

त्वे क्रतुमपि वृञ्जति विश्वे द्विर्यदिते त्रिर्बन्त्यूमः। स्वादोः स्वादीयः स्वादुनां सृजा समतं ऊ

पु मधु मधुनाभि योधि। उपयामगृहीतोऽसि प्रजापतये त्वा जुष्टं गृह्णाम्येष ते योनिः प्रजापतये त्वा। प्राणग्रहाङ्गह्रात्येतावद्वा अस्ति यावदेते ग्रहाः स्तोमाश्छन्दांसि पृष्ठानि दिशो यावदेवास्ति तत् (२९)

अवं रुन्दे ज्येष्ठा वा एतान्ब्राह्मणाः पुरा विद्वामकृन्तस्मात्तेपा५ सर्वा दिशोऽभिजिता अभूवन् यस्यैते गृह्यन्ते ज्येष्ठमेव गच्छत्यभि दिशो जयति पञ्च गृह्यन्ते पञ्च दिशः सर्वास्वेव दिक्ष्वभ्रुवन्ति नवनव गृह्यन्ते नव वै पुरुषे प्राणाः प्राणानेव यजमानेषु दधति प्रायणीये चोदयनीये च गृह्यन्ते प्राणा वै प्राणग्रहाः (३०)

प्राणैरेव प्रयन्ति प्राणैरुद्यन्ति दशमेऽहंनृह्यन्ते प्राणा वै प्राणग्रहाः प्राणेभ्यः खलु वा एतत्प्राजा यन्ति यद्वामदेव्यं योनेश्चवते दशमेऽहंनृह्यन्ते योनेश्चवते यदशमेऽहंनृह्यन्ते प्राणेभ्य एव तत्प्राजा न यन्ति॥ (३१)

तत्प्राणग्रहाः सत्त्रिंशच्च॥ [१०]

प्र देवं देव्या धिया भरता जातवेदसम्। हव्या नो वक्षदानुपक्। अयमु प्य प्र देवयुरहोता यज्ञाय नीयते। रथो न योरभीवृते घृणीवाश्चेतति त्मना। अयमग्निरुप्यत्यमृतादिव जन्मनः। सहसश्चिथ्सर्हीया देवो जीवातवे कृतः। इडायास्त्वा पदे वयं नाभां पृथिव्या अधि। जातवेदो नि धीमह्यग्रे हव्याय वोढवे। (३२)

अग्रे विश्वेभिः स्वनीक देवैरूणावन्तम्प्रथमः सीद योनिम्। कुलायिनं घृतवन्तं सवित्रे यज्ञं नयं यजमानाय साधु। सीदं होतः स्व उं लोके चिकित्वात्सादया यज्ञं सुकृतस्य योनौ। देवावीर्देवान हविषा यज्ञस्यग्रे बृहद्यजमाने वयो धाः। नि होता होतृपदेने विदानस्त्वेपो दीदिवा५ असदथ्सुदक्षः। अदब्धव्रतप्रमतिर्वसिष्ठः सहस्रम्भुरः शुचिजिह्वो अग्निः। त्वं दूतस्त्वम् (३३)

उ नः परस्यास्त्वं वस्य आ वृषभ प्रणेता। अग्रे लोकस्यं नुस्तने तनूनामप्रयुच्छन्दीद्यद्वेधि गोपाः। अभि त्वां देव सवितरीशानां वार्याणाम्। सदावन्भागमीमहे। मही द्यौः पृथिवी च न इमं यज्ञमिमिक्षताम्। पिपृतां नो भरीमभिः। त्वामग्रे पुष्करादध्ययवां निरमन्थत। मूर्ध्नी विश्वस्य वाघतः। तमुं (३४)

त्वा दध्यङ्कृषिः पुत्र ईधे अथर्वणः। वृत्रहणं पुरन्दरम्। तमुं त्वा पाथ्यो वृषा समीधे दस्युहन्तमम्। धनंजय५ रणेरणे। उत ब्रुवन्तु जन्तव उदग्निरवृत्रहाजनि। धनंजयो रणेरणे। आ य५ हस्ते न खादिन५ शिशु जातं न बिभ्रति। विशामग्नि५ स्वध्वरम्। प्र देवं देववीतये भरता वसुवित्तमम्। आ स्वे योनौ नि पीदतु। आ (३५)

जातं जातवेदसि प्रिय५ शिशोतातिथिम्। स्योन आ गृहपतिम्। अग्निनाऽग्निः समिध्यते क्विर्गृहपतिर्युवा। हव्यवाङ्मुह्यस्यः। त्व५ ह्यग्रे अग्निना विप्रो विप्रैण सन्धस्ता। सखा सख्यां समिध्यसे। तम्मर्जयन्त सुकृतं पुरोयार्वानमाजिषु। स्वेषु क्षयेषु वाजिनम्। यज्ञेन यज्ञमयजन्त देवास्तानि धर्माणि प्रथमान्यांसन्। ते हु नाकम्महिमानः सचन्ते यत्र पूर्वं साध्याः सन्ति देवाः (३६)

वोढवे दूतस्त्वन्तमुं सीदत्वा यत्र चत्वारि च॥ [११]

युञ्जान इमामगृभ्णं देवस्य सन्ते वि पाजंसा वसंवस्त्वा समीस्त्वोर्ध्वा अस्याकुंति यदग्रे यान्यग्रे यं यज्ञमेकादश॥11॥ युञ्जानो वर्म च स्थ आदित्यास्त्वा भारती स्वा५ अह५ षट्त्वारिंशत्॥46॥ युञ्जानो

वाजेवाजे॥

[१२]

॥ काण्डम् ४ ॥

॥ प्रथमः प्रश्नः ॥

॥ तैत्तिरीयसंहितायां चतुर्थकाण्डे प्रथमः प्रश्नः ॥

युञ्जानः प्रथमम्नस्तत्वाय सविता धियः। अग्निं ज्योतिर्निचाय्यं पृथिव्या अध्याभरत्। युक्ताय मनसा देवान्स्ववर्त्यतो धिया दिवम्। बृहज्ज्योतिः करिष्यतः सविता प्र सुवति तान्। युक्तेन मनसा वयं देवस्य सवितुः स्वे। सुवर्गेयाय शक्त्यै। युञ्जते मन उत युञ्जते धियो विप्रा विप्रस्य बृहतो विपश्चितः। वि होत्रा दधे वयुनाविदेक इत् (१)

मही देवस्य सवितुः परिष्टुतिः। युजे वां ब्रह्मं पूर्वं नमोभिर्वि श्लोकां यन्ति पृथ्वेव सूरः। शृण्वन्ति विश्वे अमृतस्य पुत्रा आ ये धामानि दिव्यानि तस्थुः। यस्य प्रयाणमन्वन्य इद्युर्देवा देवस्य महिमानमर्चतः। यः पार्थिवानि विममे स एतशो रजांसि देवः सविता महित्वना। देवं सवितुः प्र सुव यज्ञम्प्र सुव (२)

यज्ञपतिम्भगाय दिव्यो गन्धर्वः। केतपूः केत नः पुनातु वाचस्पतिर्वाचमद्य स्वदाति नः। इमं नो देव सवितर्यज्ञं प्र सुव देवायुवः सखिविदः सत्राजितं धनजितं सुवर्जितम्। ऋचा स्तोमः समर्धय गायत्रेण रथन्तरम्। बृहद्वायत्रवर्तनि। देवस्य त्वा सवितुः प्रसवैऽश्विनोर्बाहुभ्यां पूष्णो हस्ताभ्यामायुत्रेण छन्दसाऽऽददेऽङ्गिरस्वदभिरसि नारिः (३)

असि पृथिव्याः सधस्थादग्निम्पुरीष्यमङ्गिरस्वदा भर त्रैष्टुभेन त्वा छन्दसाऽऽददेऽङ्गिरस्वद्वभिरसि नारिरसि त्वया वयः सधस्थ आग्निः शंकेम खनिंतुं पुरीष्यं जागतेन त्वा छन्दसाऽऽददेऽङ्गिरस्वद्वस्तं आधाय सविता विभ्रदभिरिः हिरण्ययीम्। तया ज्योतिरजस्रमिदग्निं खात्वी न आ भ्रानुष्टुभेन त्वा छन्दसाऽऽददेऽङ्गिरस्वत्॥

इद्यज्ञं प्र सुव नारिरानुष्टुभेन त्वा छन्दसा त्रीणि च॥ [१]

इमामंगृष्णन्नशनामृतस्य पूर्वं आयुषि विदथेषु क्व्या। तया देवाः सुतमा बभूवुरकृतस्य सामन्त्सरमारपन्ती। प्रतूतं वाजिन्ना ब्रव वरिष्ठामनु संवतम्। दिवि ते जन्म परममन्तरिक्षे नाभिः पृथिव्यामधि योनिः। युञ्जाथाः रासं युवमस्मिन् यामे वृषण्वसू। अग्निम्भरन्तमस्मयुम्। योगयोगे त्ववस्तं वाजेवाजे हवामहे। सखाय इन्द्रमृत्यै। प्रतूर्वत्र (५)

एह्यक्वामन्नशस्ती रुद्रस्य गाणपत्यान्मयोभूरेहि। उर्वन्तरिक्षमन्विहि स्वस्तिगव्यतिरभयानि कुण्वन्। पूष्णा सयुजा सह। पृथिव्याः सधस्थादग्निम्पुरीष्यमङ्गिरस्वदच्छैऽह्यग्निम्पुरीष्यमङ्गिरस्वदच्छैऽग्निम्पुरीष्यमङ्गिर-

स्वद्वरिण्यामोऽग्निमुरीष्यमङ्गिरस्वद्वरामः। अन्वग्निरुपसामग्रमख्यदन्वहानि प्रथमो जातवेदाः। अनु सूर्यस्य (६)

पुरुत्रा च रश्मीननु द्यावापृथिवी आ तताना। आगत्य वाज्यध्वनः सर्वा मृधो वि धूनुते। अग्निः सधस्थे महति चक्षुषा नि चिकीषते। आक्रम्य वाजिमृथिवीमग्निमिच्छ रुचा त्वम्। भूम्या वृत्वाय नो ब्रूहि यतः खनाम् तं वयम्। द्यौस्ते पृष्ठं पृथिवी सधस्थमात्मानतरिक्षं समुद्रस्ते योनिः। विख्याय चक्षुषा त्वमभि तिष्ठ (७)

पुतन्यतः। उक्ताम महते सौभगायास्मादास्थानाद्वविणोदा वाजित्र। वयः स्याम समतौ पृथिव्या अग्निं खनिष्यन्त उपस्थे अस्याः। उदक्रमीद्वविणोदा वाज्यर्वाकः स लोकः सुकृतं पृथिव्याः। ततः खनेम सुप्रतीकमग्निं सुवो रुहाणा अधि नाकं उत्तमे। अपो देवीरुपं सृज मधुमतीरयक्ष्माय प्रजाभ्यः। तासां स्थानादुज्जिहतामोषधयः सुपिप्पलाः जिघर्मि (८)

अग्निमनसा घृतेन प्रतिक्ष्यन्तम्बुनानि विश्वा। पृथुं तिरिक्षा वयंसा बृहन्तं व्यचिष्टमन्नं रभसं विदानम्। आ त्वा जिघर्मि वचसा घृतेनारक्षसा मनसा तद्भुपस्व। मर्यश्रीः स्पृहयद्वर्णो अग्निर्नाभिमुखं तनुवा जर्हृषाणः। परि वाजंपतिः कविरग्निरह्वया न्यक्रमीत्। दधद्रत्नानि दाशुषे। परि त्वाग्ने पुरं वयं विप्रं सहस्य धीमहि। धृषद्वर्णं दिवेदिवे भेत्तारंम्भङ्गुरावतः। त्वमग्ने द्युभिस्त्वमांशुशुक्षणिस्त्वमन्त्रस्त्वमशमंनस्परि। त्वं वनेभ्यस्त्वमोषधीभ्यस्त्वं नृणां नृपते जायसे शुचिः॥ (९)

प्रतूर्वन्थसूर्यस्य तिष्ठ जिघर्मि भेत्तारं विंशतिश्च॥ [२]

देवस्य त्वा सवितुः प्रसवैऽश्विनौर्बाहुभ्यां पृष्णो हस्ताभ्यां पृथिव्याः सधस्थेऽग्निमुरीष्यमङ्गिरस्वत्बनामि। ज्योतिष्यन्तं त्वाग्ने सुप्रतीकमजंसेण भानुना दीद्यानम्। शिवं प्रजाभ्योऽहिंसन्तं पृथिव्याः सधस्थेऽग्निं पुरीष्यमङ्गिरस्वत्बनामि। अपां पृष्ठमसि सप्रथा उर्वग्निरम्भरिष्यदपरावपिष्ठम्। वर्धमानम्मह आ च पुष्करं दिवो मात्रया वरिणा प्रथस्व। शर्म च स्थः (१०)

वर्म च स्थो अच्छिद्रे बहुले उभे। व्यचंस्वती सं वंसाथाम्भर्तमग्निमुरीष्यम्। सं वंसाथाः सुवविदां समीची उरंसा त्मना। अग्निमन्तर्भरिष्यन्ती ज्योतिष्यन्तमजंस्त्रमिन्। पुरीष्योऽसि विश्वभराः। अथर्वा त्वा प्रथमो निरंमन्थदग्ने। त्वमग्ने पुष्करादध्यथर्वा निरंमन्थता। मूर्धो विश्वस्य वाघतः। तमु त्वा दध्यङ्कृषिः पुत्र ईधे (११)

अथर्वणः। वृत्रहणं पुरन्दरम्। तमु त्वा पाथ्यो वृषा समीधे दस्युहन्तंमम्। धनंजयः रणेरणे। सीदं होतः स्व उ लोके चिकित्वांश्वादायां यज्ञः सुकृतस्य योनौ। देवावीर्देवान् हविषा यज्ञास्यग्ने बृहद्यजमाने वयो धाः। नि होतां होतृषदने विदानस्त्वेपो दीदिवाः अंसदध्मुदक्षः। अदब्धव्रतप्रमतिर्वसिष्ठः सहस्रम्भरः शुचिजिह्वो अग्निः सः सीदस्व महाः अंसि शोचंस्व (१२)

देववीतमः। वि धूममग्ने अरुषमिमेध्य सृज प्रशस्त दश्शतम्। जनिष्वा हि जेन्यो अग्ने अह्वाः हितो हितेष्वरूपो वनेषु। दमेदमे सप्त रत्ना दधानोऽग्निरहोता नि पंसादा यजीयान्॥ (१३)

स्थ ईधे शोचंस्व सप्तविंशतिश्च॥ [३]

स तं वायुर्मातरिश्वा दधातूतानाद्यै हृदयं यद्विलिष्टम्। देवानां यश्चरति प्राणयेन तस्मै च देवि वषडस्तु तुभ्यम्। सुजातो ज्योतिषा सह शर्म वरूथ्मासदः सुवः। वासो अग्रे विश्वरूपः सं व्ययस्व विभावसो। उदु तिष्ठ स्वधरावा नो देव्या कृपा। दृशे च भासा बृहता सुशुक्निराग्रे याहि सुशुस्तिभिः। (१४)

ऊर्ध्व ऊ पु णं ऊतये तिष्ठा देवो न संविता। ऊर्ध्वो वाजस्य सनिता यदञ्जिभिर्वाघद्विर्विह्वयामहे। स जातो गर्भो असि रोदस्योरग्रे चारुर्विभृत ओषधीषु। चित्रः शिशुः परि तमाङ्गस्युक्तः प्र मातृभ्यो अधि कर्निक्रदद्वाः। स्थिरो भव वीङ्मङ्ग आशुर्भव वाज्यर्वत्र। पृथुर्भव सुषदस्त्वमग्रेः पुरीषवाहनः। शिवो भव (१५)

प्रजाभ्यो मानुषीभ्यस्त्वमङ्गिरः। मा द्यावापृथिवी अभि शंशुचो मान्तरिक्षं मा वनस्पतीनां। प्रेतुं वाजी कर्निक्रदन्नानदद्वासंभः पत्वा। भरन्नग्निम्पुरीष्यं मा पाद्यायुषः पुरा। रासंभो वां कर्निक्रदथ्युयुक्तो वृषणा रथै। स वांमग्निम्पुरीष्यमाशुर्दुतो वहादितः। वृषाग्निं वृषणम्भरन्नपां गर्भं समुद्रियम्। अग्न आ याहि (१६)

वीतयं ऋतं सत्यम्। ओषधयः प्रति गृह्णीताग्निमेतं शिवमायन्तमभ्यत्र युष्मान्। व्यस्यन्विश्वा अमतीररातीर्निषीदन्नो अपं दुर्मतिं हनन्। ओषधयः प्रति मोदध्वमेनमुष्णावतीः सुपिप्पलाः। अयं वो गर्भं ऋत्वियः प्रब्रं सुधस्थ्मासदत्॥ (१७)

सुशुस्तिभिः शिवो भव याहि पट्विंशच्च॥ [४]

वि पाजसा पृथुना शोशुचानो वार्धस्व द्विपो रक्षसो अमीवाः। सुशर्मणो बृहतः शर्मणि स्यामग्रेरहं सुहवस्य प्रणीतौ। आपो हि ष्ठा मंयोभुवस्ता न ऊर्जे दधातन। महे रणांय चक्षसे। यो वः शिवतमो रसस्तस्य भाजयतेह नः। उशतीरिव मातरः। तस्मा अरं गमाम वो यस्य क्षयांय जिन्वथ। आपो जनयथा च नः मित्रः (१८)

संसृज्यं पृथिवीम्भूमिं च ज्योतिषा सह। सुजातं जातवेंदसमग्निं वैश्वानरं विभुम्। अयक्ष्माय त्वा स संजामि प्रजाभ्यः। विश्वं त्वा देवा वैश्वानराः स संजन्त्वानृष्टभेन छन्दसाङ्गिरस्वत्। रुद्राः सम्भृत्यं पृथिवीम्बृहज्योतिः समीधरे। तेषां भानुरजसं इच्छुक्रो देवेषु रोचते। स संष्टां वसुमी रुद्रेधिरैः कर्मण्याम्मदम्। हस्ताभ्याम्मुद्वीं कृत्वा सिनीवाली करोतु (१९)

ताम्। सिनीवाली सुकपर्दं सुकुरीरा स्वौपशा। सा तुभ्यमदिते मह ओखां दधातु हस्तयोः। उखां करोतु शक्त्या बाहुभ्यामदितिर्धिया। माता पुत्रं यथोपस्थे साग्निर्विभर्तु गर्भ आ मुखस्य शिरोंऽसि यज्ञस्यं पदे स्थः। वसंवस्त्वा कृण्वन्तु गायत्रेण छन्दसाङ्गिरस्वत्पृथिव्यसि रुद्रास्त्वा कृण्वन्तु त्रैष्टुभेन छन्दसाङ्गिरस्वदन्तरिक्षमसि (२०)

आदित्यास्त्वा कृण्वन्तु जागतेन छन्दसाङ्गिरस्वद्वौरंसि विश्वं त्वा देवा वैश्वानराः कृण्वन्त्वानृष्टभेन छन्दसाङ्गिरस्वद्विशोंऽसि ध्रुवासि धारया मयि प्रजां रायस्पोषं गौपत्यं सुवीर्यं सजातान् यजमानान्यादित्ये रास्त्रास्यदितिस्ते बिलं गृह्णातु पाङ्केन छन्दसाङ्गिरस्वत्। कृत्वाय सा महीमुखामृन्मयीं योनिमग्रयै। ताम्पुत्रेभ्यः सम्प्रायच्छुददितिः श्रपयानिति॥ (२१)

मित्रः करोत्वन्तरिक्षमसि प्र चत्वारिं च॥ [५]

वसंवस्त्वा धूपयन्तु गायत्रेण छन्दसाङ्गिरस्वद्रुद्रास्त्वा धूपयन्तु त्रैष्टुभेन छन्दसाङ्गिरस्वदादित्यास्त्वा धूपयन्तु जागतेन छन्दसाङ्गिरस्वद्विधे त्वा देवा वैश्वानरा धूपयन्त्वानुष्टुभेन छन्दसाङ्गिरस्वदिन्द्रस्त्वा धूपयत्वङ्गिरस्वद्विष्णुस्त्वा धूपयत्वङ्गिरस्वद्वरुणस्त्वा धूपयत्वङ्गिरस्वददितस्त्वा देवी विश्वदैव्यावती पृथिव्याः सधस्थेऽङ्गिरस्वत्खनत्ववट देवानां त्वा पत्नीः (२२)

देवीविश्वदैव्यावतीः पृथिव्याः सधस्थेऽङ्गिरस्वदधतूखे धिषणास्त्वा देवीविश्वदैव्यावतीः पृथिव्याः सधस्थेऽङ्गिरस्वदभीर्यतामुखे ग्रास्त्वा देवीविश्वदैव्यावतीः पृथिव्याः सधस्थेऽङ्गिरस्वच्छूपयन्तूखे वरूत्रयो जनयस्त्वा देवीविश्वदैव्यावतीः पृथिव्याः सधस्थेऽङ्गिरस्वत्पचन्तूखे मित्रेतामुखाम्यंचेषा मा भेदि। एतां ते परि ददाम्यभिच्यै। अभीमाम् (२३)

महिना दिवम्मित्रो बभूव सप्रथाः। उत श्रवंसा पृथिवीम्। मित्रस्य चरणधीतः श्रवो देवस्य सानुसिम्। द्युमं चित्रश्रवंस्तमम्। देवस्त्वां सवितोद्वपतु सुपाणिः स्वङ्गुरिः। सुबाहुरुत शक्त्या। अपद्यमाना पृथिव्याशा दिश आ पृण। उत्तिष्ठ बृहती भंवोर्ध्वा तिष्ठ ध्रुवा त्वम्। वसंवस्त्वाच्छन्दन्तु गायत्रेण छन्दसाङ्गिरस्वद्रुद्रास्त्वा च्छन्दन्तु त्रैष्टुभेन छन्दसाङ्गिरस्वदादित्यास्त्वा च्छन्दन्तु जागतेन छन्दसाङ्गिरस्वद्विधे त्वा देवा वैश्वानरा आच्छन्दन्त्वानुष्टुभेन छन्दसाङ्गिरस्वत्॥ (२४)

पत्नीरिमा रुद्रास्त्वाच्छन्दन्त्वेकात्रविंशतिश्च॥ [६]

समांस्त्वाग्ना ऋतवो वर्धयन्तु संवत्सरा ऋषयो यानि सत्या। सं दिव्येन दीदिहि रोचनेन विश्वा आ भांहि प्रदिशः पृथिव्याः। सं चेध्यस्वाग्ने प्र च बोधयेन्मुचं तिष्ठ महते सौभगाय। मा च रिपदुपसत्ता तं अग्ने ब्रह्माणस्ते यशसः सन्तु मान्ये। त्वामग्ने वृणते ब्राह्मणा इमे शिवो अग्ने (२५)

संवर्णे भवा नः। सप्तब्रह्म नो अभिमातिजिच्च स्वे गये जागृह्यप्रयुच्छत्र। इहैवाग्ने अर्धे धारया रयि मा त्वा नि क्रन्तुर्वचितो निकारिणः। क्षत्रमग्ने सुयममस्तु तुभ्यमुपसत्ता वर्धतां ते अनिष्टतः। क्षत्रेणाग्ने स्वायुः स रभस्व मित्रेणाग्ने मित्रधेयं यतस्व। सजातानाम्मध्यमस्था एधि राज्ञामग्ने विहव्यो दीदिहीह। अति (२६)

निहो अति स्मिधोऽत्यर्चित्तिमत्यरातिमग्ने। विश्वा हग्ने दुरिता सहस्वाथास्मभ्य रुहवीरा रुयि दाः। अनाधृष्यो जातवेदा अनिष्टतो विराडग्ने क्षत्रभृद्दीदिहीह। विश्वा आशाः प्रमुञ्चन्मानुषीर्भियः शिवाभिर्द्य परि पाहि नो वृधे। बृहस्पते सवितर्बोधयेन् रु सशितं चिह्नसन्तरा रु स रु शिंशाधि। वर्धयेन्ममहते सौभगाय (२७)

विश्व एनमनु मदन्तु देवाः। अमुत्रभूयादध यद्यमस्य बृहस्पते अभिशंस्तोरमुञ्चः। प्रत्यौहतामश्विनां मृत्युमंस्माद्देवानामग्ने भिषजा शचीभिः। उद्वयं तमसस्परि पश्यन्तो ज्योतिरुत्तरम्। देवं देवत्रा सूर्यमगन्तु ज्योतिरुत्तमम्॥ (२८)

इमे शिवो अग्नेऽति सौभगाय चतुस्त्रिंशच्च॥ [७]

ऊर्ध्वा अस्य समिधो भवन्त्यूर्ध्वा शुक्रा शोचीष्यग्नेः। द्युमत्तमा सुप्रतीकस्य सूतोः। तनूनपादसुरो विश्ववेदा देवो देवेषु देवः। पथ आनक्ति मर्धा घृतेन। मर्धा यज्ञं नक्षसे प्रीणानो नराशरुसो अग्ने। सुकृद्देवः सविता विश्ववारः। अच्छायमैति शवंसा घृतेनैडानो वह्निर्मंसा। अग्नि रु सुचो अह्वरेषु प्रयथ्सु।

स यक्षदस्य महिमानंमग्नेः सः (२९)

ई मन्द्रासु प्रयसः। वसुश्चेतिष्ठो वसुधातमश्च। द्वारो देवीरन्वस्य विश्वे व्रता ददन्ते अग्नेः। उरुव्यचसो धाम्ना पत्यमानाः। ते अस्य योषणे दिव्ये न योनावुपासानक्ताः। इमं यज्ञमवतामध्वरं नः। देव्यां होतारावूर्ध्वमध्वरं नोऽग्नेर्जिह्वामभि गृणीतम्। कृणुतं नः स्विष्टिम्। तिस्रो देवीर्बर्हिरेदं सन्दन्विडा सरस्वती (३०)

भारती। मही गृणाना। तन्नस्तुरीपमद्धतं पुरुक्षु त्वष्टा सुवीरम्। रायस्पोषं वि ष्यतु नभिम्स्मे। वनस्पतेऽव सृजा रराणस्त्वनां देवेषु। अग्निरह्व्यं शमिता सूदयाति। अग्ने स्वाहा कृणुहि जातवेद इन्द्राय हव्यम्। विश्वे देवा हविरिदं जुषन्ताम्। हिरण्यगर्भः समवर्तताग्ने भूतस्य जातः पतिरेक आसीत्। स दाधार पृथिवीं द्याम् (३१)

उतेमां कस्मै देवाय हविषा विधेमा। यः प्राणतो निमिषतो महित्वैक इद्राजा जगतो बभूव। य ईशे अस्य द्विपदश्चतुष्पदः कस्मै देवाय हविषा विधेमा। य आत्मदा बलदा यस्य विश्वं उपासते प्रशिषं यस्य देवाः। यस्य छायामृतं यस्य मृत्युः कस्मै देवाय हविषा विधेमा। यस्येमे हिमवन्तो महित्वा यस्य समुद्रं रसायं सह (३२)

आहुः। यस्येमाः प्रदिशो यस्य बाहू कस्मै देवाय हविषा विधेमा। यं क्रन्दसी अवसा तस्तभाने अथ्येक्षताम्मनसा रेजमाने। यत्राधि सूर उदितौ व्येति कस्मै देवाय हविषा विधेमा। येन द्यौरुग्रा पृथिवी च दृढे येन सुवं स्तभितं येन नाकः। यो अन्तरिक्षे रजसो विमानः कस्मै देवाय हविषा विधेमा। आपो ह यन्महतीर्विश्वम् (३३)

आयन्दक्षं दधाना जनयन्तीरग्निम्। ततो देवानां निरवर्ततासुरेकः कस्मै देवाय हविषा विधेमा। यश्चिदापो महिना पर्यपश्यदक्षं दधाना जनयन्तीरग्निम्। यो देवेष्वधि देव एक आसीत्कस्मै देवाय हविषा विधेमा॥ (३४)

अग्नेः स सरस्वती द्यां सह विश्वश्चतुस्त्रिंशश्च॥ [८]

आकूतिमग्निम्रयुजुः स्वाहा मनो मेधामग्निम्रयुजुः स्वाहा चित्तं विज्ञातमग्निम्रयुजुः स्वाहा वाचो विधूतिमग्निम्रयुजुः स्वाहा प्रजापतये मनवे स्वाहाग्रये वैश्वानराय स्वाहा विश्वे देवस्य नेतुर्मतो वृणीत सुख्यं विश्वे राय इंध्यसि द्युमं वृणीत पुष्यसे स्वाहा मा सु भित्था मा सु रिपो दृंहंस्व वीडयंस्व सु। अम्बं धृष्णु वीरयंस्व (३५)

अग्निश्चेदं करिष्यथः। दृंहंस्व देवि पृथिवि स्वस्तय आसुरी माया स्वधया कृतासि। जुष्टं देवानामिदमस्तु हव्यमरिष्टा त्वमुदिहि यज्ञे अस्मिन्। मित्रेतामुखां तपैषा मा भेदि। एतान्ते परि ददाम्यभित्थै। द्धन्त्रं सर्पिरासुतिः प्रलो होता वरेण्यः। सहसस्पुत्रो अद्भुतः। परस्या अघि संवतोऽवरा अभ्या (३६)

तुर। यत्राहमस्मि तां अंवा परमस्याः परावतो रोहिदंश्च इहा गंहि। पुरीष्यः पुरुप्रियोऽग्ने त्वं तंरा मृषः। सीद त्वं मातुरस्या उपस्थे विश्वान्यग्ने वयुनानि विद्वान्। मैनामर्षिषा मा तपसाभि शूशुचोऽन्तरस्यां शुकज्योतिर्वि भाहि। अन्तरग्ने रुचा त्वमुखायै सदेन स्वे। तस्यास्त्वं हरंसा तपज्ञातवेदः शिवो भव।

शिवो भूत्वा मह्यमग्नेऽथौ सीद शिवस्त्वम्। शिवाः कृत्वा दिशः सर्वाः स्वां योनिमिहासदः॥ (३७)

वीरयस्वा तपन्विशतिश्च॥

[९]

यदग्ने यानि कानि चा ते दारूणि दध्मसि। तदस्तु तुभ्यमिद्धृतं तक्षुषस्व यविष्ठा। यदत्युपजिह्विका यद्वम्रो अतिसर्पति। सर्वं तदस्तु ते घृतं तक्षुषस्व यविष्ठा। रात्रिः रात्रिमप्रयावम्भरन्तोऽश्वायेव तिष्ठते घासमस्मे। रायस्पोषेण समिषा मदन्तोऽग्ने मा ते प्रतिवेशा रिषाम। नाभौ (३८)

पृथिव्याः समिधानमग्निः रायस्पोषाय बृहते हवामहे। इरम्दम्बृहदुक्थं यजत्रं जेतामग्निं पृतनासु सासहिम्। याः सेनां अभीत्वरीराव्याधिनीरुगणा उत। ये स्तेना ये च तस्करास्तास्ते अग्नेऽपि दधाम्यास्यौ। दष्ट्र्याभ्याम्मलिमृञ्जम्भ्यैस्तस्कराः उत। हनूयास्तेनाभंगवस्तास्त्वं खाद सुखादितान्। ये जनैषु मलिह्वः स्तेनासस्तस्करा वनौ। ये (३९)

कक्षेष्वाधायस्तास्ते दधामि जम्भयोः। यो अस्मभ्यमरातीयाद्यश्च नो द्वेपते जनः। निन्दाद्यो अस्मान् दिपसाच्च सर्वं तम्मस्मसा कुरु। सशितं मे ब्रह्म सशितं वीर्यं बलम्। सशितं क्षत्रं जिष्णु यस्याहमस्मि पुरोहितः। उदेषाम्बाहू अतिरमुद्वर्ध उदू बलम्। क्षिणोमि ब्रह्मणामित्रानुन्नयामि (४०)

स्वाः अहम्। दृशानो रुक्म उर्व्या व्यद्यौर्दुर्मरुपमायुः श्रिये रुचानः। अग्निरमृतो अभवद्वयौभिर्यदेनं द्यौरजनयथसुरेताः। विश्वा रूपाणि प्रति मुञ्चते कविः प्रासांवाद्भद्रं द्विपदे चतुष्पदे। वि नाकमख्यधसवित्ता वरेण्योऽनु प्रयाणमुपसो वि राजति। नक्तोपासा समनसा विरूपे धापयते शिशुमेकः समीची। द्यावा क्षामा रुक्मः (४१)

अन्तर्वि भाति देवा अग्निं धारयन्द्रविणोदाः। सुपर्णोऽसि गुरुत्मात्रिवृते शिरो गायत्रं चक्षुः स्तोमं आत्मा सामं ते तनूर्वामेद्व्यम्बहद्रथन्तरे पक्षौ यज्ञायज्ञियमुच्छं छन्दाऽस्यङ्गानि धिष्ण्याः शुफा यजूंषि नाम। सुपर्णोऽसि गुरुत्मान्दिवं गच्छ सुवः पतः (४२)

नाभा वने येनं यामि क्षामा रुक्मोऽष्टात्रिशच॥

[१०]

अग्ने यं यज्ञमध्वरं विश्वतः परिभूरसि। स इद्वेपुं गच्छति। सोम यास्ते मयोभुवं ऊतयः सन्ति दाशुषौ। तभिर्नोऽविता भवा अग्निर्मूर्धा भुवं। त्वं नः सोम या ते धामानि। तधसवितुर्वरेण्यम्भर्गो देवस्य धीमहि। धियो यो नः प्रचोदयात्। अचिन्ती यच्चकृमा दैव्ये जने दीनैर्दक्षैः प्रभृती पुरुषत्वता। (४३)

देवेषु च सवितुर्मनुषेषु च त्वं नो अत्र सुवतादनांगसः। चोदयित्री सूनृतांनां चेतन्ती सुमतीनाम्। यज्ञं दधे सरस्वती। पावीरवी कन्या चित्रायुः सरस्वती वीरपत्नी धियं धात। ग्राभिरच्छिद्रं शरणं सजोषा दुराधरषं गुणते शर्म यसत्। पूषा गा अन्वेतु नः पूषा रक्षत्वर्वतः। पूषा वाजं सनोत नः। शुक्रं तं अन्यद्यज्ञतं तं अन्यत् (४४)

विपुरुषे अहनी द्यौरवासि। विश्वा हि माया अवसि स्वधावो भद्रा तं पूषन्निह रतिरस्तु। तैऽवर्धन्त स्वतंसो महित्वना नाकं तस्थुरु रुचिरे सदः। विष्णुर्द्विधावद्वर्षणम्मदच्युतं वयो न सीदन्नधि

बृहर्षिं प्रिये। प्र चित्रमर्कं गृणते तुराय मारुताय स्वतवसे भरध्वम्। ये सहांसि सहसा सहन्ते (४५)

रेजन्ते अग्रे पृथिवी मुखेभ्यः। विश्वे देवा विश्वे देवाः। द्यावां नः पृथिवी इमं सिध्मद्य दिविस्पृशाम्। यज्ञं देवेषु यच्छताम्। प्र पूर्वजे पितरा नव्यसीभिर्गीभिः कृणुध्वं सदनं ऋतस्य। आ नो द्यावापृथिवी दैव्येन जनैन यातुम्महि वां वरूथम्। अग्निं स्तोमेन बोधय समिधानो अमर्त्यम्। हव्या देवेषु नो दधत। स हव्यवाडमर्त्य उशिग्दूतश्चनोहितः। अग्निर्धिया समृण्वति। शं नो भवन्तु वाजेवाजे॥ (४६)

पूरुषत्वतां यजतन्ते अन्यथ्सहन्ते चनोहितोऽष्टौ च॥ [११]

विष्णोः क्रमोऽसि दिवस्पर्यत्रपतेऽपेतं समितं या जाता मा नो हिंसीद्वुवाऽस्यादित्यङ्गभूमिन्द्राग्नी रोचनैकादश॥ [१२]

विष्णोरस्मिन् हव्येति त्वाऽहं धीतिभिर्होत्रां अष्टाचत्वारिंशत्॥४८॥ विष्णोः क्रमोऽसि स त्वत्रो अग्रे॥

॥द्वितीयः प्रश्नः॥

॥तैत्तिरीयसंहितायां चतुर्थकाण्डे द्वितीयः प्रश्नः॥

विष्णोः क्रमोऽस्यभिमातिहा गांयत्रं छन्द आ रोह पृथिवीमनु वि क्रमस्व निर्भक्तः स यं द्विष्णो विष्णोः क्रमोऽस्यभिशास्तिहा त्रैष्टुभं छन्द आ रोहान्तरिक्षमनु वि क्रमस्व निर्भक्तः स यं द्विष्णो विष्णोः क्रमोऽस्यरातीयतो हुन्ता जागतं छन्द आ रोह दिवमनु वि क्रमस्व निर्भक्तः स यं द्विष्णो विष्णोः (१)

क्रमोऽसि शत्रूयतो हुन्तानुष्टुभं छन्द आ रोह दिशोऽनु वि क्रमस्व निर्भक्तः स यं द्विष्मः। अक्रन्ददग्निः स्तनयन्निव द्यौः क्षामा रेरिहद्वीरुधः समञ्जः। सद्यो जज्ञानो वि हीमिद्धो अख्यदा रोदसी भानुना भात्यन्तः। अग्नेऽभ्यावर्तित्रभि न आ वर्तस्वायुषा वर्चसा सुन्या मेधया प्रजया धनेन। अग्ने (२)

अङ्गिरः शतं तै सन्त्वावृतः सहस्रं त उपावृतः। तासाम्योषस्य पोषेण पुनर्नो नष्टमा कृधि पुनर्नो रयिमा कृधि। पुनरूर्जा नि वर्तस्व पुनरग्न इपायुषा। पुनर्नः पाहि विश्वतः। सह रय्या नि वर्तस्वाग्ने पिन्वस्व धारया। विश्वस्मिन्ना विश्वतस्परि। उदुत्तमं वरुण पाशंस्मदवाधुमम् (३)

वि मध्यमं श्रथाय। अथा वयमादित्य व्रते तवानांगसो अदितये स्याम। आ त्वांहारपमन्तरभूर्भुवस्तिष्ठा- विंचाचलिः। विशंस्त्वा सर्वा वाञ्छन्त्वस्मिन्नाष्टमधि श्रया अग्ने बृहन्नृपसामूध्वो अस्थान्निर्जग्मिवान्तमसो ज्योतिषागात्। अग्निर्भानुना रुशता स्वङ्ग आ जातो विश्वा सद्यान्यप्राः। सीद त्वं मातुरस्याः (४)

उपस्थे विश्वान्यग्रे वयुनानि विद्वान्। मैनामर्चिषा मा तपसाभि शूशुचोऽन्तरस्यां शूक्रज्योतिर्वि भाहि। अन्तरग्रे रुचा त्वमुखायै सदनं स्वे। तस्यास्त्वं हरसा तपजातवेदः शिवो भव। शिवो भूत्वा

मह्यमग्रेऽथो सीद शिवस्त्वम्। शिवाः कृत्वा दिशः सर्वाः स्वं योनिमिहासदः। हृ॒ःसः शुचिपद्मसुनन्तरिक्षसद्धोतां
वेदिपदतिथिर्दुरोणसत्। नृपद्वरसदृतसद्धोमसद्भा गोजा ऋतजा अद्रिजा ऋतम्बुहत्॥ (५)

दिवमनु वि क्रमस्व निर्भक्तः स यं द्विष्मो विष्णोर्धनेनाग्नेऽधममस्याः शुचिपथोऽंश च॥ [१]

दिवस्परि प्रथमं जज्ञे अग्निस्मद्वितीयं परि जातवेदाः। तृतीयमप्सु नृमणा अजस्रमिन्धान एनं जस्ते
स्वाधीः। विद्या ते अग्ने त्रेधा त्रयाणि विद्या ते सद्य विभृतं पुरुत्रा। विद्या ते नामं परमं गुहा यद्विद्या
तमुत्सं यतं आजगन्थं। समुद्रे त्वां नृमणा अप्स्वन्तनृचक्षा ईधे दिवो अग्न ऊधत्रं। तृतीयं त्वा (६)

रजसि तस्थिवा॑संमृतस्य योनौ महिषा अहिन्वत्र। अक्रन्दग्निः स्तनयन्निव द्यौः क्षामा रेरिहद्विरुधः
समञ्जत्र। सद्यो जज्ञानो वि हीमिद्धो अख्यदा रोदसी भानुनां भात्यन्तः। उशिक्षावको अरतिः सुमेधा
मर्तैष्वग्निर्मृतो निधायि। इयति धूममरुपम्भरिभ्रदुच्छुकेण शोचिषा द्यामिन्क्षत्। विश्वस्य केतुर्भुवनस्य गर्भ
आ (७)

रोदसी अपृणाञ्जयमानः। वीहुं चिदद्रिमभिनत्परायञ्जना यदग्निमयजन्त पञ्च। श्रीणामुदारो धरुणो
रयीणाम्मनीषाणाम्प्रापणः सोमगोपाः। वसोः सूनुः सहसो अप्सु राजा वि भात्यग्र उपसामिधानः। यस्तै
अद्य कृणवद्भद्रशोचोऽपूपं देव घृतवन्तमग्रे। प्र तं नय प्रतरां वस्यो अच्छाभि द्युमं देवभक्तं यविष्ठ। आ (८)

तम्भज सौश्रवसेष्वंज उक्थउक्थ आ भज शस्यमाने। प्रियः सूर्यं प्रियो अग्रा भवात्युञ्जातेनं
भिनद्दुञ्जनिवैः। त्वामग्रे यजमाना अनु द्यून् विश्वा वसूनि दधिरे वार्याणि। त्वया सह द्रविणमिच्छमाना व्रजं
गोमन्तमुशिशो वि वंरुः। दृशानो रुक्म उर्या व्यद्यौद्गुर्मरुमायुः श्रिये रूचानः। अग्निर्मृतो अभवद्वयौभिर्यदेनं
द्यौरजनयथ्युरेतैः॥ (९)

तृतीयं त्वा गर्भ आ यंविष्टा यच्चत्वारि च॥ [२]

अन्नपतेऽन्नस्य नो देह्यनमीवस्य शुष्मिणः। प्रप्रदातारं तारिष ऊर्जं नो धेहि द्विपदे चतुष्पदे। उदं
त्वा विश्वं देवा अग्ने भरन्तु चित्तिभिः। स नो भव शिवतमः सप्रतीको विभावसुः। प्रेदग्रे ज्योतिष्मान्
याहि शिवेभिरर्चिभिस्त्वम्। बृहद्विभानुभिर्भासन्मा हि॑सीस्तनुवां प्रजाः। समिधाग्निं दुवस्यत घृतैर्वाधयतातिथिम्।
आ (१०)

अस्मिन् हुव्या जुहोतन। प्रप्रायमग्निर्भरतस्यं शृण्वे वि यथ्मूर्यो न रोचन्ते बृहद्भाः। अभि यः पूरुम्
पुतनासु तस्थौ दीदाय दैव्यो अतिथिः शिवो नः। आपो देवीः प्रति गृह्णात भस्मेतथ्योने कृणुध्व॑ सुरभावं
लोके। तस्मै नमन्तां जनयः सुपर्णीमतिवं पुत्रम्बिभृता स्वेनम्। अप्सवग्रे सपिष्टवं (११)

सौपंधीरनुं रुध्यसे। गर्भे सञ्जायसे पुनः। गर्भो अस्योपंधीनां गर्भो वनस्पतीनाम्। गर्भो विश्वस्य
भूतस्याग्रे गर्भो अपामसि। प्रसद्य भस्मना योनिमपश्च पृथिवीमग्रे। स॒सृज्यं मातृभिस्त्वं ज्योतिष्मा॑न्यपुनरासदः।
पुनरासद्य सदनमपश्च पृथिवीमग्रे। शेषं मातुर्यथोपस्थेऽन्तरस्या॑ शिवतमः। पुनरूर्जा (१२)

नि वर्तस्व पुनरग्न इषायुषा। पुनर्नः पाहि विश्वतः। सह रय्या नि वर्तस्वाग्ने पिन्वस्व धारया।

विश्वस्मिन् विवश्वतस्परि। पुनस्त्वादित्या रुद्रा वसवः समिन्धताम्पुनर्ब्रह्माणो वसुनीथ यज्ञैः। घृतेन त्वं तनुवो वर्धयस्व सत्याः संतु यजमानस्य कामाः। बोधा नो अस्य वचसो यविष्ठ मंहिष्ठस्य प्रभृतस्य स्वधावः। पीर्यति त्वो अनु त्वो गृणाति वन्दारुस्ते तनुवो वन्दे अग्ने। स बोधि सूरिर्मघवा वसुदावा वसुपतिः। युयोध्यस्मद्वेषांसि॥ (१३)

आ तवोर्जाऽनु षोडश च॥ [३]

अपेत वीत वि च सर्पतातो येऽत्र स्थ पुराणा ये च नूतनाः। अदादिदं यमोऽवसानं पृथिव्या अक्रन्निमम् पितरो लोकमस्मै। अग्नेर्भस्मास्यग्नेः पुरीषमसि संज्ञानमसि कामधरणम्मयि ते कामधरणम्भूयात्। सं या वः प्रियास्तनुवः सम्प्रिया हृदयानि वः। आत्मा वो अस्तु (१४)

सम्प्रियः सम्प्रियास्तनुवो मम। अयं सो अग्निर्यस्मिन्सोममिन्द्रः सुतं दधे जठरे वावशानः। सहस्रियं वाज्रमत्यं न सति ससवान्यस्यस्तूयसे जातवेदः। अग्ने दिवो अर्णमच्छा जिगास्यच्छा देवा ऊचिषे धिष्णिष्या ये। याः परस्ताद्रोचने सूर्यस्य याश्चावस्तादुपतिष्ठन्त आपः। अग्ने यत्तं दिवि वर्चः पृथिव्यां यदोषधीषु (१५)

अप्सु वा यजत्र। येनान्तरिक्षमुर्वीततन्त्र त्वेपः स भानुरर्णवो नृचक्षाः। पुरीष्यासो अग्रयः प्रावणेभिः सजोषसः। जुषन्ता हव्यमाहुतमनमीवा इषो महीः। इडामग्ने पुरुदसं सनि गोः शश्वत्तमं हवमानाय साध। स्यात्रः सुनुस्तनयो विजावाग्ने सा तं सुमतिभूत्वस्मे। अयं ते योनिर्ऋत्वियो यतो जातो अरोचथाः। तं जानत्र (१६)

अग्र आ रोहाथा नो वर्धया रयिम्। चिदसि तया देवतयाङ्गिरस्वद्ध्रुवा सीद परिचिदसि तया देवतयाऽङ्गिरस्वद्ध्रुवा सीद लोकं पूण छिद्रं पूणार्थो सीद शिवा त्वम्। इन्द्राग्नी त्वा बृहस्पतिरस्मिन् योनावसीपदत्र। ता अस्य सूरदोहसः सोमं श्रीणन्ति पृथ्रयः। जन्म देवानां विशस्त्रिष्वा रौचने दिवः॥ (१७)

अस्त्वोषधीषु जानन्नष्टाचत्वारिंशच्च॥ [४]

समितं सं कल्पेथां सम्प्रियौ रोचिषू सुमनस्यमानौ। इषमूर्जमभि संवसानौ सं वाम्मनांसि सं व्रता समु चित्तान्याकरम्। अग्ने पुरीष्याधिपा भवा त्वं नः। इषमूर्जं यजमानाय धेहि। पुरीष्यस्त्वमग्ने रयिमान्यष्टिमांसि। शिवाः कृत्वा दिशः सर्वाः स्वां योनिर्मिहासदः। भवतं नः समनसौ समौकसौ (१८)

अरेपसौ। मा यज्ञं हिंसिष्टं मा यज्ञपतिं जातवेदसौ शिवौ भवतमद्य नः। मातेवं पुत्रं पृथिवी पुरीष्यमग्निं स्वे योनावभारुखा। तां विश्वदैवैरऋतुभिः संविदानः प्रजापतिर्विश्वकर्मा वि मुञ्चतु। यदस्य पारे रजसः शुक्रं ज्योतिरजायत। तन्नः परस्पदति द्विषोऽग्ने वैश्वानर स्वाहा। नमः सु ते निरऋते विश्वरूपे (१९)

अयस्मयं वि चृता बन्धमेतम्। यमेन त्वं यम्यां संविदानोत्तमं नाकुमधि रोहयेमम्। यत्तं देवी निरऋतिरा बबन्ध दामं ग्रीवास्वविचर्त्यम्। इदं ते तद्वि प्याम्यायुषो न मध्यादथा जीवः पितुमद्वि प्रमुक्तः। यस्यास्ते अस्याः क्रूर आसङ्गुहोम्येषाम्बन्धानामवसर्जनाय। भूमिरिति त्वा जनां विदुर्निरऋतिः (२०)

इति त्वाहं परि वेद विश्वतः। असुन्वन्तमयजमानमिच्छ स्तेनस्येत्यां तस्करस्यान्वेषि। अन्यमस्मदिच्छ

सा तं इत्या नमो देवि निरुक्ते तुभ्यमस्तु। देवीमहं निरुक्तिं वन्दमानः पितेवं पुत्रं दंसये वचोभिः। विश्वस्य या जायमानस्य वेद शिरःशिरः प्रति सूरी वि चष्टे। निवेशनः संगमनो वसूनां विश्वा रूपाभि चष्टे (२१)

शर्वाभिः। देव इव सविता सत्यधर्मेन्द्रो न तस्थौ समरे पथीनाम्। सं वरत्रा दधातु न निराहावान्कृणोतन। सिञ्चामहा अवटमुद्रिणं वयं विश्वाहादस्तमक्षितम्। निष्कृताहावमवटः सुवत्रः सुपेचनम्। उद्रिणः सिञ्चे अक्षितम्। सीरा युञ्जन्ति क्वयों युगा वि तन्वते पृथक्। धीरां देवेषु सुभ्या। युनक्त सीरा वि युगा तनोत कृते योनौ वपतेह (२२)

बीजम्। गिरा च श्रुष्टिः सभरा असन्नो नेदीय इध्मृण्यां पृक्मायत्। लाङ्गलम्पवीरवः सुशेवः सुमतिथ्सरु। उदित्कृषति गामविम्प्रफर्व्यं च पीवरीम्। प्रस्थावद्रथवाहनम्। शुनं नः फाला वि तुदन्तु भूमिः। शुनं कीनाशां अभि यन्तु वाहान्। शुनम्पर्जन्यो मधुना पर्योभिः शुनांसीरा शुनमुस्मासुं धत्तम्। कामं कामदुधे धुक्ष्व मित्राय वरुणाय च। इन्द्रायाग्नये पृष्ण ओषधीभ्यः प्रजाभ्यः। घृतेन सीता मधुना समक्ता विश्वेदेवैरनुमता मरुद्भिः। ऊर्जस्वती पर्यसा पिन्वमानास्मान्धसीते पर्यसाभ्याववृथ्स्व॥ (२३)

समौकसौ विश्वरूपे विदुर्निरुक्तिरभि चष्ट इह मित्राय द्वाविंशतिश्च॥ [५]

या जाता ओषधयो देवेभ्यस्त्रियुगम्पुरा। मन्दांमि बभ्रूणांमहः शतं धामानि सप्त च। शतं वो अम्ब धामानि सहस्रमुत वो रुहः। अथां शतक्रत्वो यूयमिमं मे अगदं कृता। पुष्पावतीः प्रसूवतीः फलिनीरफला उता। अथां इव सजित्वरीर्वीरुधः पारयिष्णवः। ओषधीरिति मातरस्तद्वो देवीरुपं ब्रुवो। रपांसि विघ्नतीरित रपः (२४)

चातर्यमानाः। अश्वत्थे वो निषदनम्पर्णे वो वसतिः कृता। गोभाज इत्किलांसथ यथ्सनवथ पूरुषम्। यदहं वाजयन्निमा ओषधीरहस्तं आदधे। आत्मा यक्षमस्य नश्यति पुरा जीवगृभो यथा। यदोषधयः संगच्छन्ते राजानः समिताविवा विप्रः स उच्यते भिषग्नक्षोहार्मीवचातनः। निष्कृतिनांम वो मातायां यूयः स्थ सङ्कतोः। सराः पतत्रिणीः (२५)

स्थन यदामयति निष्कृता। अन्या वो अन्यामवत्वन्यान्यस्या उपावता। ताः सर्वा ओषधयः संविदाना इदम्मे प्रावता वचः। उच्छुष्मा ओषधीनां गावो गोष्ठादिवरेते। धनः सनिष्यन्तीनामात्मानं तव पूरुष। अति विश्वाः परिष्ठाः स्तेन इव व्रजमक्रमुः। ओषधयः प्राचुच्यवुर्यत् किं च तनुवाः रपः। याः (२६)

त आत्स्थुरात्मानं या आविविशुः परुःपरुः। तास्ते यक्षं वि बाधन्तामुग्रो मध्यमशीरिवा। साकं यक्षं प्र पंत श्येनेनं किकिदीविना। साकं वारतस्य ध्राज्यां साकं नश्य निहाकया। अश्वावतीः सोमवतीमूर्जयन्ती-मुदौजसम्। आ विंस्ति सर्वा ओषधीरस्मा अरिष्टतातये। याः फलिनीर्या अफला अपुष्पा याश्च पुष्पिणीः। बृहस्पतिप्रसूतास्ता नो मुञ्चन्त्वहंसः। याः (२७)

ओषधयः सोमराज्ञीः प्रविष्टाः पृथिवीमनु। तासां त्वमस्युत्तमा प्र णौ जीवातवे सुवा। अवपतन्तीरवदन्दिवा ओषधयः परि। यं जीवमश्रवांमहै न स रिष्याति पूरुषः। याश्चेदमुपशृण्वन्ति याश्च दूरं परागताः। इह संगत्य ताः सर्वा अस्मे सं दंत भेषजम्। मा वो रिपत्खनिता यस्मै चाहं खनामि वः। द्विपचतुष्पदस्माक्

सर्वमस्त्वनातुरम्। ओषधयः सं वदन्ते सोमैः सह राज्ञां। यस्मै कुरोति ब्राह्मणस्तस्मात् राजन्यारयामसि॥ (२८)

रपः पतत्रिणीर्या अहंसो याः खनामि वोऽष्टादश च॥ [६]

मा नो हिंसीकृन्तिता यः पृथिव्या यो वा दिवस् सत्यधर्मा ज्ञानं। यश्चापश्चन्द्रा बृहतीर्जानं कस्मै देवाय हुविषां विधेम। अभ्यावर्तस्व पृथिवि यज्ञेन पर्यसा सह। वषां ते अग्निरिषितोऽव सर्पतु। अग्ने यत्ते शुक्रं यच्चन्द्रं यत्पूतं यद्यज्ञियम्। तद्देवेभ्यो भरामसि। इषमूर्जमहमित आ (२९)

दद ऋतस्य धाम्नो अमृतस्य योनैः। आ नो गोषु विशत्वोषधीषु जहामि सेदिमनिराममीवाम्। अग्ने तव श्रवो वयो महिं भ्राजन्त्यर्चयो विभावसो। बृहद्भानो शवसा वाजमुक्थ्यं दधांसि दाशुपे कवे। इरज्यत्रग्ने प्रथयस्व जन्तुभिरस्मे रायो अमर्त्य। स दंशतस्य वपुषो वि राजसि पृणक्षिं सानसि रयिम्। ऊर्जा नपाज्जातवेदः सुशस्तिभिर्मन्दस्व (३०)

धीतिभिर्हितः। त्वे इषः सं दधुर्भूरितसश्चित्रोतयो वामजाताः। पावकवर्चाः शूक्रवर्चा अनूनवर्चा उदियरपि भानुना। पुत्रः पितरां विचरन्नुपावस्युभे पृणक्षि रोदसी। ऋतावानम्महिषं विश्वचरपणिमग्निं सुम्नायं दधिरे पुरो जनाः। श्रुत्कर्णं सप्रथस्तं त्वा गिरा दैव्यम्मानुषा युगा। निष्कर्तारंमध्वरस्य प्रचेतसं क्षयन्तं राधसे महे। रातिभृगूणामुशिजं क्विक्रतुं पृणक्षिं सानसिम् (३१)

रयिम्। चितः स्थ परिचितं ऊर्ध्वचितः श्रयध्वं तयां देवतयाङ्गिरस्वद् ध्रुवाः सीदत। आ प्यायस्व समेतु ते विश्वतः सोम वृष्णिष्यम्। भवा वाजस्य सङ्गथे। सं ते पयांसि समु यन्तु वाजाः सं वृष्णियान्यभिमातिषाहं। आप्यायमानो अमृताय सोम दिवि श्रवांस्युत्तमानि धिष्व॥ (३२)

आ मन्दस्व सानसिमैकान्नचत्वारिंशच्च॥ [७]

अभ्यस्थाद्विश्वाः पृतना अरांतीस्तदग्निराहु तदु सोमं आह। बृहस्पतिः सविता तन्म आह पुषा मांथाधुसुकृतस्य लोके। यदक्रन्दः प्रथमं जायमान उद्यन्त्यसमुद्रादुत वा पुरीषात्। श्येनस्य पक्षा हरिणस्य बाहू उपस्तुतं जनिम् तत्ते अर्वत्र। अपां पृष्ठमसि योनिर्ग्रेः समुद्रमभितः पिबमानम्। वर्धमानम्महः (३३)

आ च पुष्करं दिवो मात्रया वरिणा प्रथस्व। ब्रह्म जज्ञानम्रथमम्पुरस्ताद्वि सीमतः सुरुचो वेन आंवः। स बुध्निया उपमा अस्य विष्टाः सतश्च योनिमसंतश्च विवः। हिरण्यगर्भः समवर्तताग्रे भूतस्य जातः पतिरेकं आसीत्। स दाधार पृथिवीं द्यामुतेमां कस्मै देवाय हुविषां विधेम। द्रप्सश्चस्कन्द पृथिवीमनु (३४)

द्यामिमं च योनिमनु यश्च पूर्वः। तृतीयं योनिमनु सञ्चरन्तं द्रप्सं जुहोम्यनु सप्त होत्राः। नमो अस्तु सर्पेभ्यो ये के च पृथिवीमनु। ये अन्तरिक्षे ये दिवि तेभ्यः सर्पेभ्यो नमः। यैऽदो रौचने दिवो ये वा सूर्यस्य रश्मिषु। येषामप्सु सदैः कृतं तेभ्यः सर्पेभ्यो नमः। या इषवो यातुधानानां ये वा वनस्पती रनु। ये वावटेषु शेरते तेभ्यः सर्पेभ्यो नमः॥ (३५)

महोऽनु यातुधानानामेकादश च॥ [८]

ध्रुवासि धरुणास्तृता विश्वकर्मणा सुकृता। मा त्वां समुद्र उद्वधीन्मा संपूर्णोऽव्यथमाना पृथिवीं
दृ॒ह। प्रजापतिस्त्वा सादयतु पृथिव्याः पृष्ठे व्यचस्वतीम्रथस्वतीम्रथोऽसि पृथिव्यंसि भूरसि भूमिरस्यदितिरसि
विश्वधाया विश्वस्य भुवनस्य धूर्त्री पृथिवीं यच्छ पृथिवीं दृ॒ह पृथिवीं मा हि॒सीर्विश्वस्मे प्राणायापानाय
व्यानार्योदानाय प्रतिष्ठायै (३६)

चरित्रायाग्निस्त्वाभि पांतु मद्वा स्वस्त्या छुर्दिषा शन्तमेन तया देवतयाङ्गिरस्वद्धवा सीद। काण्डात्काण्डात्
प्रोहन्ती परुषःपरुषः परि। एवा नो दूर्वे प्र तनु सहस्रेण शतेन च। या शतेन प्रतनोषि सहस्रेण
विरोहसि। तस्यास्ते देवीष्टके विधेम हविषा वयम्। अपाढासि सहमाना सहस्वारातीः सहस्वारातीयतः
सहस्व पृतनाः सहस्व पृतन्यतः। सहस्रवीर्या (३७)

असि सा मा जिन्वा मधु वातां ऋतायते मधु क्षरन्ति सिन्धवः। माध्वीनः सन्त्वोपधीः। मधु
नक्तमुतोषसि मधुमत्पार्थिव॑ रजः। मधु द्यौरस्तु नः पिता। मधुमान्नो वनस्पतिर्मधुमा॑ अस्तु सूर्यः।
माध्वीर्गावो भवन्तु नः। मही द्यौः पृथिवी च न इमं यज्मिमिक्षताम्। पिपुतां नो भरीमभिः। तद्विष्णाः
परम् (३८)

पद॑ सदां पश्यन्ति सूरयः। दिवीव चक्षुराततम्। ध्रुवासि पृथिवि सहस्व पृतन्यतः। स्यूता
देवेभिरमृतेनागाः। यास्तं अग्ने सूर्यं रुचं उद्यतो दिवमातुन्वन्ति रश्मिभिः। ताभिः सर्वाभी रुचे जनाय
नस्कृधि। या वो देवाः सूर्यं रुचो गोष्पक्षेषु या रुचः। इन्द्राग्नी ताभिः सर्वाभी रुचं नो धत्त बृहस्पते।
विराट् (३९)

ज्योतिरधारयथ्सम्राड्ज्योतिरधारयथ्स्रवाड्ज्योतिरधारयत्। अग्ने युक्ष्वा हि ये तवाश्वासो देव साधवः। अरं
वहन्त्याशवः। युक्ष्वा हि देवहूतमा॑ अश्वा॑ अग्ने रथीरिवा नि हातां पूर्यः संदः। द्रप्सश्चस्कन्द पृथिवीमनु
द्यामिमं च योनिमनु यश्च पूर्वः। तृतीयं योनिमनु सश्चरन्तं द्रप्सं जुहोम्यनु सप्त (४०)

होत्राः। अभूदिदं विश्वस्य भुवनस्य वाजिनमग्नेर्वैश्वानरस्य च। अग्निज्योतिषा ज्योतिष्मान्नुक्त्रो वर्चसा
वर्चस्वान्। ऋचे त्वा रुचे त्वा समिधश्चवन्ति सरितो न धेनः। अन्तरहृदा मनसा पूयमानाः। घृतस्य धारा
अभि चांक्षामि। हिरण्ययो वेत्सो मध्य आसाम्। तस्मिन्मृषणो मधुकृत्कुलायी भजन्नास्ते मधु देवताभ्यः।
तस्यासते हरयः सप्त तीरै स्वधां दुहाना अमृतस्य धाराम्॥ (४१)

प्रतिष्ठायै सहस्रवीर्या परम् विराट्सप्त तीरै चत्वारि च॥ [९]

आदित्यं गर्भम्पयसा समञ्जसह्रस्वस्य प्रतिमां विश्वरूपम्। परि वृद्धिं हरसा माभि मृक्षः शतायुषं
कृणुहि चीयमानः। इमं मा हि॒सीद्विपदम्पशूना॑ सहस्राक्ष मेध आ चीयमानः। मयुमारण्यमनु ते दिशामि
तेन चिन्वानस्तनुवो नि षीद। वातस्य ध्राजिं वरुणस्य नाभिमश्वं जज्ञान॑ सरिरस्य मध्यै शिशुं नदीना॑
हरिमद्रिबुद्धमग्ने मा हि॒सीः (४२)

परमे व्योमत्र। इमं मा हि॒सीरेकशफम्पशूनां कनिक्रदं वाजिनं वाजिनेषु। गौरमारण्यमनु ते
दिशामि तेन चिन्वानस्तनुवो नि षीद। अजंस्मिन्दंमरुषम्भूरण्यमुग्निमीडे पूर्वचित्तौ नमोभिः। स पर्वभिरऋतुशः
कल्पमानो गां मा हि॒सीरदिति विराजम्। इमं॑ संमुद्रं शतधारमुत्सं व्यच्यमानम्भुवनस्य मध्यै घृतं

दुहानामर्दिति जनायाग्ने मा (४३)

हिंसीः परमे व्योमन्। गव्यमारण्यमनु ते दिशामि तेन चिन्वानस्तनुवो नि षीद। वरूत्रि त्वष्टुर्वरुणस्य नाभिमवि जज्ञानां रजंसः परस्मात्। महीं साहस्रीमसुरस्य मायामग्ने मा हिंसीः परमे व्योमन्। इमामूर्णायुं वरुणस्य मायां त्वचम्पशूनां द्विपदां चतुष्पदाम्। त्वष्टुः प्रजानां प्रथमं जनित्रमग्ने मा हिंसीः परमे व्योमन्। उष्ट्रमारण्यमनु (४४)

ते दिशामि तेन चिन्वानस्तनुवो नि षीद। यो अग्निरग्नेस्तपसोऽधि जातः शोचात्पृथिव्या उत वा दिवस्परि। येन प्रजा विश्वकर्मा व्यानद्वमग्ने हेडः परि ते वृणक्तु। अजा ह्यग्नेरजनिष्ट गर्भाध्मा वा अपश्यज्जनितारमग्ने। तया रोहमायन्नुप मेध्यासस्तया देवा देवतामग्र आयन्। शरभमारण्यमनु ते दिशामि तेन चिन्वानस्तनुवो नि षीद॥ (४५)

अग्ने मा हिंसीरग्ने मोष्ट्रमारण्यमनु शरभं नवं च॥ [१०]

इन्द्राग्नी रोचना दिवः परि वाजेषु भूषथः। तद्वा चेति प्र वीर्यम्। श्रथद्वत्रमुत संनोति वाजमिन्द्रा यो अग्नी सहस्री सपर्यात्। इरज्यन्ता वसव्यस्य भूरेः सहस्रमा सहसा वाज्यन्ता। प्र चरषणिभ्यः पृतना हवेषु प्र पृथिव्या रिरिचाथे दिवश्च। प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या। मरुतो यस्य हि (४६)

क्षये पाथा दिवो विमहसः। स सुगोपातमो जनः। यज्ञैर्वा यज्ञवाहसो विप्रस्य वा मतीनाम्। मरुतः शृणुता हवम्। श्रियसे कम्भानुभिः सम्मिमिक्षिरे ते रश्मिभिस्त ऋक्भिः सुखादयः। ते वाशीमन्त इष्मिणो अभीरवो विद्रे प्रियस्य मारुतस्य धाम्नः। अवं ते हेड उदुत्तमम्। कया नश्चित्र आ भुवदूतो सदावृधः सखा। कया शचिष्ठया वृता। (४७)

को अद्य युङ्क्ते धुरि गा ऋतस्य शिमीवतो भूमिनो दुरहणायून। आसन्निपून् हृथ्वसो मयोभून् य एषाम् भृत्यामृणध्वस जीवात्। अग्ने नया देवानां शं नो भवन्तु वाजेवाजे। अपस्वग्ने सधिष्टव सौपधीरन् रुध्यसे। गर्भे सज्जायसे पुनः। वृषां सोम द्युमां असि वृषां देव वृषव्रतः। वृषा धर्माणि दधिषे। इमं मे वरुण तत्त्वा यामि त्वं नो अग्ने स त्वं नो अग्ने। (४८)

हि वृता म एकादश च॥ [११]

अपां त्वेमन्नयं पुरो भुवः प्राची ध्रुवक्षितिष्यविरिन्द्राग्नी मा छन्द आशुस्त्रिवृदग्नेर्भागोऽस्येकयेयमेव सा याग्ने जातानग्निर्वृत्राणि त्रयोदश॥ [१२] अपां त्वेन्द्राग्नी इयमेव देवताता पद्विंशत्॥ 36॥ अपां त्वेमन् हविषा वर्धनेन॥

॥तृतीयः प्रश्नः॥

॥तैत्तिरीयसंहितायां चतुर्थकाण्डे तृतीयः प्रश्नः॥

अ॒पां त्वे॒मन्त्सा॒दयाम्य॒पां त्वो॒द्भन्त्सा॒दयाम्य॒पां त्वा॒ भस्म॑न्त्सा॒दयाम्य॒पां त्वा॒ ज्योति॑पि सा॒दयाम्य॒पां त्वा॒यने॑ सा॒दयाम्य॒र्ण॒वे स॒दने॑ सी॒द स॒मुद्रे॑ स॒दने॑ सी॒द स॒लिले॑ स॒दने॑ सी॒दापां॑ क्ष॒ये सी॒दापां॑ स॒धिषि॑ सी॒दापां॑ त्वा॒ स॒दने॑ सा॒दयाम्य॒पां त्वां स॒धस्थे॑ सा॒दयाम्य॒पां त्वा॒ पू॒रीषे॑ सा॒दयाम्य॒पां त्वा॒ यो॒नौ सा॒दयाम्य॒पां त्वा॒ पा॒थसि॑ सा॒दयामि॑ गा॒यत्री छ॒न्दस्त्रि॑ष्टु॒ष्ट्वन्दो॑ जग॑ती छ॒न्दोऽनु॑ष्टु॒ष्ट्वन्दः॑ प॒ङ्क्तिश्छ॒न्दः॑ ॥ (१)

यो॒नौ पञ्च॑दश च॥

[१]

अ॒यम्पु॒रो भु॒वस्तस्य॑ प्रा॒णो भौ॒वाय॑नो व॑स॒न्तः प्रा॒णाय॑नो गा॒यत्री वा॑स॒न्ती गा॒यत्रि॑ये गा॒यत्रं गा॒यत्रा॑दु॒पां शु॒रुपां॑ शु॒शस्त्रि॑वृ॒तौ रथ॑न्तरं र॒थन्तरा॑द्वसि॒ष्ठ ऋषिः॑ प्र॒जाप॑तिगृही॒तया॑ त्वया॑ प्रा॒णं गृ॒ह्णामि॑ प्र॒जाभ्यो॑ऽयं दक्षि॒णा वि॒श्वक॑र्मा तस्य॑ म॒नो वै॒श्वक॑र्मणं ग्री॒ष्मो मा॑न॒सस्त्रि॑ष्टु॒ग्रेष्मी त्रि॑ष्टुभं ऐ॒डमे॒डाद॑न्त्या॒मौऽन्त्या॑मात् पञ्च॑दशः पञ्च॑दशाद्बृहद्बृ॒हतो भ॒रद्वा॑ज ऋषिः॑ प्र॒जाप॑तिगृही॒तया॑ त्वया॑ म॒नः ॥ (२)

गृ॒ह्णामि॑ प्र॒जाभ्यो॑ऽयम्प॒श्चाद्वि॒श्वव्य॑वा॒स्तस्य॑ चक्षुर्वै॒श्वव्य॑च॒सं व॒र्षाणि॑ चाक्षु॒षाणि॑ जग॑ती वा॒र॒षी जग॑त्या॒ ऋक्षं॑म॒क्षमा॑च्छु॒क्रः शु॒क्रात्सं॑द॒शः सं॑स॒दशा॑द्वैरु॒पं वैरु॑पाद्वि॒श्वामि॑त्रं ऋषिः॑ प्र॒जाप॑तिगृही॒तया॑ त्वया॑ चक्षुर्गृ॒ह्णामि॑ प्र॒जाभ्य॑ इ॒दम॑त्तरा॒थमु॑व॒स्तस्य॑ श्रोत्रं सौ॒व श॒रच्छौ॒त्र्यनु॑ष्टु॒ष्ट्वार॑द्यनु॒ष्टुभः॑ स्वा॒र स्व॒रा॒न्मन्थी॑ म॒न्थिनं॑ एकविंश ए॒कवि॑ंशद्वैरा॒जं वैरा॑जा॒ज्जम॑दग्निर॒ऋषिः॑ प्र॒जाप॑तिगृही॒तया॑ ॥ (३)

त्वया॑ श्रोत्रं गृ॒ह्णामि॑ प्र॒जाभ्य॑ इ॒यमु॑परि म॒तिस्तस्यै॑ वाङ्मा॒ती हे॑म॒न्तो वा॑च्याय॒नः प॒ङ्क्तिर्हे॑म॒न्ती प॒ङ्क्तौ नि॒धनं॑व॒न्निध॑न॒वत॑ आग्र॒यण॑ आ॒ग्रय॑णा॒न्निण॑व॒त्रय॑स्त्रिंशौ त्रि॒णव॑त्रयस्त्रिंशाभ्यां॑ शा॒क्ररै॑व॒ते शा॑क्ररै॒वता॑भ्यां॑ वि॒श्वक॑र्म॒र्षिः प्र॒जाप॑तिगृही॒तया॑ त्वया॑ वाचं गृ॒ह्णामि॑ प्र॒जाभ्यः॑ ॥ (४)

त्वया॑ म॒नो ज॑म॒दग्निर॑ऋषिः॑ प्र॒जाप॑तिगृही॒तया॑ त्रिंशच्च॑॥

[२]

प्रा॒ची दि॒शां व॑स॒न्त ऋ॒तूना॑म॒ग्निर्दे॒वता॑ ब्रह्म॑ द्रवि॒णं त्रि॒वृश्तो॑मः स उ॑ पञ्च॑दशव॒र्तनि॒र्य्यवि॑र्वयः॒ कृत॑म॒या॒नां पु॒रोवा॑तो वा॒तः सा॒न॒गं ऋषि॑दक्षि॒णा दि॒शां ग्री॒ष्म ऋ॒तूना॑मि॒न्द्रो दे॒वता॑ क्षत्रं द्रवि॒णं पञ्च॑दशः स्तोमः स उ॑ स॒प्तद॑शव॒र्तनि॑र्दि॒त्यवा॒ङ्मय॑स्त्रेता॒या॒नां दक्षि॑णाद्वा॒तो वा॒तः स॒ना॒त॒न ऋषिः॑ प्र॒तीचीं॑ दि॒शां व॒र्षा ऋ॒तूनां॑ वि॒श्वे दे॒वा दे॒वता॑ वि॒द ॥ (५)

द्रवि॒णं स॒प्तद॑शः स्तोमः स उ॑वे॒कवि॑ंशव॒र्तनि॒स्त्रि॒वृश्तो॑ व॒यो द्वा॒प॒रोऽया॑नाम्प॒श्चाद्वा॑तो वा॒तोऽह॑भू॒न ऋषि॑रु॒दीची॑ दि॒शा श॒रद॑तूना॒मि॒त्राव॑रु॒णो दे॒वता॑ पु॒ष्टं द्रवि॑णमे॒कवि॑ंशः स्तोमः स उ॑ त्रि॒णव॑व॒र्तनि॒स्तुर्य॑वाङ्म॒य आ॑स्क॒न्दोऽया॑ना॒मुत्तरा॑द्वा॒तो वा॒तः प्र॒क्ष ऋषि॑रू॒र्ध्वा दि॒शा हे॑म॒न्तशि॑रि॒रावृ॑तूना॒म्वृह॑स्पतिर्दे॒वता॑ व॒चो द्रवि॑णं त्रि॒णवः॑ स्तोमः स उ॑ त्रयस्त्रिंशव॒र्तनिः॑ प॒ष्टवा॒द्ययो॑ऽभि॒भूर॑या॒नां वि॒ष्वग्वा॑तो वा॒तः सु॒पर्ण ऋषिः॑ पि॒तरः॑ पि॒ताम॑हाः प॒रेऽव॑रे॒ ते नः॑ पा॒न्तु ते नो॑ऽव॒न्त्वस्मि॑न्ब्रह्म॒न्नस्मि॑न्क्ष॒त्रेऽस्या॑मा॒शिष्य॑स्या॒म्पु॒रोधा॑या॒मस्मि॑न्क॒र्मन्त्र॑स्यां दे॒वहू॑त्याम् ॥ (६)

वि॒द्वृष्ट॑वाङ्मयोऽष्टाविंशतिश्च॑॥

[३]

ध्रुवक्षितिर्ध्रुवयोनिरध्रुवासि ध्रुवं योनिमा सीद साध्या। उख्यंस्य केतुम्रथमम्पुरस्तादक्षिनाध्वर्युं सांदयतामिह त्वा। स्वे दक्षे दक्षपितेह सीद देवत्रा पृथिवी बृहती रराणा। स्वासस्था तनुवा सं विशस्व पितेवैधि सूनव आ सुशेवाश्विनाध्वर्युं सांदयतामिह त्वा। कुलायिनो वसुमती वयोधा रयि नो वर्ध बहुलः सुवीरम्। (७)

अपामंति दुर्मतिम्बाधमाना रायस्पोषे यज्ञपतिमाभजन्ती सुवर्धेहि यजमानाय पोषमश्विनाध्वर्युं सांदयतामिह त्वा। अग्नेः पुरीषमसि देवयानी तां त्वा विश्वे अभि गृणन्तु देवाः। स्तोमं पृष्टा घृतवंतीह सीद प्रजावदस्मे द्रविणा यजस्वाश्विनाध्वर्युं सांदयतामिह त्वा। दिवो मूर्धासि पृथिव्या नाभिर्विष्टम्भनो दिशामधिपत्नी भुवनानाम्। (८)

ऊर्मिर्द्रप्सो अपामंसि विश्वकर्मा त ऋषिरश्विनाध्वर्युं सांदयतामिह त्वा। सजूरऋतुभिः सजूर्विधाभिः सजूर्वसुभिः सजू रुद्रेः सजुरादित्यैः सजूर्विश्वेदेवैः सजूर्देवैः सजूर्देवैर्योनाधेरग्नये त्वा वैश्वानरायाश्विनाध्वर्युं सांदयतामिह त्वा। प्राणं मे पाह्यपानं मे पाहि व्यानं मे पाहि चक्षुर्म उर्व्या वि भाहि श्रोत्रं मे श्लोकयापस्मिन्वोपधीजिन्व द्विपात्पाहि चतुष्पादव दिवो वृष्टिमेरया। (९)

सुवीरं भुवनानामुर्व्या सप्तदश च॥ [४]

त्र्यविर्यस्त्रिष्टुष्ट्यन्दो दित्यवाङ्मयो विराड्द्वन्दः पञ्चाविर्यो गायत्री छन्दस्त्रिष्टुष्ट्यो वयं उष्णिहा छन्दस्तुर्ववाङ्मयोऽनुष्टुप्छन्दः षष्ठ्याद्वयो बृहती छन्द उक्षा वयः सतोबृहती छन्द ऋगभो वयः ककुच्छन्दो धेनुर्वयो जगती छन्दोऽनुज्ञान वयः पङ्क्तिश्छन्दो वस्तो वयो विवलं छन्दो वृष्णिर्वयो विशालं छन्दः पुरुषो वयस्तन्द्रं छन्दो व्याघ्रो वयोऽनोष्टुष्टं छन्दः सिंहो वयश्छुदिश्छन्दो विष्टम्भो वयोऽधिपतिश्छन्दः क्षत्रं वयो मर्यदं छन्दो विश्वकर्मा वयः परमेष्ठी छन्दो मूर्धा वयः प्रजापतिश्छन्दः॥ (१०)

पुरुषो वयष्पङ्क्तिश्शतिश्च॥ [५]

इन्द्राग्नी अव्यंथमानामिष्टकां दहन्त युवम्। पृष्ठेन द्यावापृथिवी अन्तरिक्षं च वि बांधताम्। विश्वकर्मा त्वा सादयत्वन्तरिक्षस्य पृष्ठे व्यचंस्वतीम्रयंस्वतीम्भास्वतीं सूरिमतीमा या द्याम्भास्या पृथिवीमोर्वन्तरिक्षमन्तरिक्षं यच्छान्तरिक्षं दहन्तान्तरिक्षं मा हिंसीर्विश्वस्मे प्राणायापानाय व्यानार्योदानाय प्रतिष्ठाय चरित्राय वायुस्त्वामि पांतु मद्या स्वस्त्या छुर्दिषां (११)

शन्तमेन तया देवतयाङ्गिरस्वद्धवा सीद। राज्यसि प्राची दिग्विराडसि दक्षिणा दिख्सम्राडसि प्रतीची दिख्स्वराडस्युर्दीची दिगधिपत्यसि बृहती दिगार्युमे पाहि प्राणं मे पाह्यपानं मे पाहि व्यानं मे पाहि चक्षुर्मे पाहि श्रोत्रं मे पाहि मनो मे जिन्व वाचं मे पिन्वात्मानं मे पाहि ज्योतिर्मे यच्छ॥ (१२)

छुर्दिषां पिन्व षट्॥ [६]

मा छन्दः प्रमा छन्दः प्रतिमा छन्दोऽस्त्रीविश्छन्दः पङ्क्तिश्छन्द उष्णिहा छन्दो बृहती छन्दोऽनुष्टुप्छन्दो विराड्छन्दो गायत्री छन्दस्त्रिष्टुष्ट्यन्दो जगती छन्दः पृथिवी छन्दोऽन्तरिक्षं छन्दो द्यौश्छन्दः समाश्छन्दो नक्षत्राणि छन्दो मनश्छन्दो वाक्छन्दः कृपिश्छन्दो हिरण्यं छन्दो गौश्छन्दोऽजा छन्दोऽश्वश्छन्दः। अग्निर्देवता (१३)

वातो देवता सूर्यो देवता चन्द्रमा देवता वसवो देवता रुद्रा देवतादित्या देवता विश्वे देवा देवता मरुतो देवता बृहस्पतिर्देवतेन्द्रो देवता वरुणो देवता मूर्धासि राङ्गुवासि धरुणां युञ्ज्यसि यमित्रेणे त्वोजं त्वा कृष्ये त्वा क्षेमाय त्वा यज्ञी राङ्गुवासि धरणी धृज्यसि धरित्र्यायुषे त्वा वर्चसे त्वोजसे त्वा बलाय त्वा॥ (१४)

देवताऽऽयुषे त्वा षट्॥ [७]

आशुस्त्रिवृद्धान्तः पञ्चदशो व्योम सप्तदशः प्रतूर्तिरष्टादशस्तपो नवदशोऽभिवर्तः सविशो धरुण एकविशो वचो द्वाविशः सम्भरणस्त्रयोविशो योनिश्चतुर्विशो गर्भो पञ्चविश ओजस्त्रिणवः क्रतुरेकत्रिशः प्रतिष्ठा त्रयस्त्रिशो ब्रह्मस्य विष्टपं चतुस्त्रिशो नाकः षट्त्रिशो विवर्तोऽष्टाचत्वारिंशो धृत्रश्चतुष्टोमः॥ (१५)

आशुः सप्तत्रिंशत्॥ [८]

अग्नेर्भागोऽसि दीक्षाया आधिपत्यं ब्रह्म स्पृतं त्रिवृधस्तोम इन्द्रस्य भागोऽसि विष्णोराधिपत्यं क्षत्रं स्पृतम्पञ्चदशः स्तोमो नृचक्षसांभागोऽसि धातुराधिपत्यं जनित्रं स्पृतं सप्तदशः स्तोमो मित्रस्य भागोऽसि वरुणस्याधिपत्यं दिवो वृष्टिर्वातोः स्पृता एकविशः स्तोमोऽदित्ये भागोऽसि पूष्ण आधिपत्यमोजः स्पृतं त्रिणवः स्तोमो वसूनाम्भागोऽसि (१६)

रुद्राणामाधिपत्यं चतुष्पाथस्पृतं चतुर्विशः स्तोम आदित्यानां भागोऽसि मरुतामाधिपत्यं गर्भोः स्पृताः पञ्चविशः स्तोमो देवस्य सवितुर्भागोऽसि बृहस्पतेराधिपत्यं समीचीर्दिशः स्पृताश्चतुष्टोमः स्तोमो यावानामभागोऽस्ययावानामाधिपत्यं प्रजाः स्पृताश्चतुश्चत्वारिंशः स्तोमं ऋभूनाम्भागोऽसि विश्वेषां देवानामाधिपत्यम्भूतं निशान्तं स्पृतं त्रयस्त्रिंशः स्तोमः॥ (१७)

वसूनां भागोऽसि षट्त्वारिंशच्च॥ [९]

एकयास्तुवत प्रजा अधीयन्त प्रजापतिरधिपतिरासीत्तिसुभिरस्तुवत ब्रह्मांसृज्यत ब्रह्मणस्पतिरधिपतिरासीत् पञ्चभिरस्तुवत भूतान्यंसृज्यन्त भूतानाम्पतिरधिपतिरासीत्सप्तभिरस्तुवत सप्तर्षयोऽंसृज्यन्त धाताधिपतिरासीन्नवभिरस्तुवत पितरोऽंसृज्यन्तादितिरधिपत्यासीदेकादशभिरस्तुवतर्तवोऽंसृज्यन्तार्तवोऽधिपतिरासीत् त्रयोदशभिरस्तुवत मासां असृज्यन्त संवत्सरोऽधिपतिः (१८)

आसीत्पञ्चदशभिरस्तुवत क्षत्रमंसृज्यतेन्द्रोऽधिपतिरासीत्सप्तदशभिरस्तुवत पशवोऽंसृज्यन्त बृहस्पतिरधिपतिरासीन्नवदशभिरस्तुवत शूद्रार्यावंसृज्येतामहोरात्रे अधिपत्नी आस्तामेकविंशत्यास्तुवतैकशफाः पशवोऽंसृज्यन्त वरुणोऽधिपतिरासीन्नयोविंशत्यास्तुवत क्षुद्राः पशवोऽंसृज्यन्त पूषाधिपतिरासीत्पञ्चविंशत्यास्तुवतारुणः पशवोऽंसृज्यन्त वायुरधिपतिरासीत्सप्तविंशत्यास्तुवत द्यावापृथिवी वि (१९)

ऐतां वसवो रुद्रा आदित्या अनु व्यायन्तेषामाधिपत्यमासीन्नवविंशत्यास्तुवत वनस्पतयोऽंसृज्यन्त सोमोऽधिपतिरासीदेकत्रिंशतास्तुवत प्रजा असृज्यन्त यावानां चायावानां चाधिपत्यमासीन्नयस्त्रिंशतास्तुवत भूतान्यशाम्यन्प्रजापतिः परमेष्ठ्यधिपतिरासीत्॥ (२०)

सं वत्सरोऽधिपतिर्वि पञ्चत्रिंशच्च॥ [१०]

इयमेव सा या प्रथमा व्योच्छदन्तरस्यां चरति प्रविष्टा। वृधूर्जान नवगङ्गनित्री त्रयं एनाम्महिमानः सचन्ते॥ छन्दस्वती उपसा पेषिषाने समानं योनिमनुं सुञ्चरन्ती। सूर्यपत्नी वि चरतः प्रजान्ती केतुं कृण्वाने अजरे भूरिरतसा॥ ऋतस्य पन्थामनुं तिस्र आगुञ्जयो घर्मासो अनु ज्योतिषागुः। प्रजामेका रक्षत्यूर्जमेका (२१)

व्रतमेका रक्षति देवयूनाम्॥ चतुष्टोमो अभवद्या तुरीयां यज्ञस्य पक्षावृषयो भवन्ती। गायत्रीं त्रिष्टुभं जगतीमनुष्टुभम्बृहदकं युञ्जानाः सुवराभरन्निदम्॥ पञ्चभिर्धाता वि दधाविदं यतासाः स्वसृजनयत्पञ्च। तासामु यन्ति प्रयवेण पञ्च नानां रूपाणि क्रतवो वसानाः। त्रिंशत्स्वसार उपं यन्ति निष्कृतं संमानं केतुमप्रतिमुञ्चमानाः। (२२)

ऋतूस्तन्वते कवयः प्रजान्तीर्मध्येछन्दसः परि यन्ति भास्वतीः। ज्योतिष्मती प्रति मुञ्चते नभो रात्रीं देवी सूर्यस्य व्रतानि। वि पश्यन्ति पशवो जायमाना नानारूपा मातुरस्या उपस्थे। एकाष्टका तपसा तप्यमाना जजान् गर्भम्महिमानमिन्द्रम्। तेन दस्युर्व्यसहन्त देवा हन्तासुराणामभवच्छचीभिः। अनानुजामनुजाम्मामकर्त सत्यं वदन्त्यन्विच्छ एतत्। भूयासम् (२३)

अस्य सुमतौ यथा यूयमन्या वो अन्यामति मा प्र युक्त। अभून्मम सुमतौ विश्वेदा आष्ट प्रतिष्ठामविदद्धि गाधम्। भूयासमस्य सुमतौ यथा यूयमन्या वो अन्यामति मा प्र युक्त। पञ्च व्युंथीरनु पञ्च दोहा गां पञ्चान्नीमृतवोऽनु पञ्च। पञ्च दिशः पञ्चदशेन क्लृप्ताः संमानमूर्ध्वरिभि लोकमेकम् (२४)

ऋतस्य गर्भः प्रथमा व्युपप्यपामेका महिमानम्बिभर्ति। सूर्यस्यैका चरति निष्कृतेषु घर्मस्यैका सवितेका नि यच्छति। या प्रथमा व्योच्छत्सा धेनुरभवल्लमे। सा नः पर्यस्वती धुक्ष्वोत्तरामुत्तरां समाम्। शुक्रपेभाम् नभसा ज्योतिषागद्विधिरूपा शबलीरग्निकेतुः। समानमर्थं स्वपस्यमाना बिभ्रती जरामजर उप आगाः। ऋतूनाम्पत्नीं प्रथमेयमागादह्ना नेत्री जनित्री प्रजानाम्। एका सती बहुधोपो व्युच्छस्यजीर्णा त्वं जरयसि सर्वमन्यत्॥ (२५)

ऊर्जमेका प्रतिमुञ्चमाना भूयासमेकं पत्येकात्रविंशतिश्च॥ [११]

अग्रे जातान्त्र णुंदा नः सपत्नान्प्रत्यजाताज्ञातवेदो नुदस्व। अस्मे दीदिहि सुमना अहेडन्तव स्यां शमन्निवरूथ उद्वित्। सहसा जातान्त्र णुंदा नः सपत्नान्प्रत्यजाताज्ञातवेदो नुदस्व। अधि नो ब्रूहि सुमन्स्यमानो वयं स्याम प्र णुंदा नः सपत्नान्। चतुश्चत्वारिंशः स्तोमो वचो द्रविणं पोडशः स्तोम ओजो द्रविणं पृथिव्याः पुरीषमसि (२६)

अपसो नाम। एवश्छन्दो वरिवश्छन्दः शम्भूश्छन्दः परिभूश्छन्द आच्छच्छन्दो मनश्छन्दो व्यचश्छन्दः सिन्धुश्छन्दः समुद्रं छन्दः सलिलं छन्दः संयच्छन्दो वियच्छन्दो बृहच्छन्दो रथन्तरं छन्दो निकायश्छन्दो विवधश्छन्दो गिरश्छन्दो भ्रजश्छन्दः सृष्ट्यच्छन्दोऽनुष्टुप्छन्दः ककुच्छन्दस्त्रिककुच्छन्दः काव्यं छन्दोऽङ्कुपं छन्दः (२७)

पदपङ्क्तिश्छन्दोऽक्षरपङ्क्तिश्छन्दो विष्टारपङ्क्तिश्छन्दः क्षुरो भुज्वाञ्छन्दः प्रच्छच्छन्दः पक्षश्छन्द एवश्छन्दो वरिवश्छन्दो वयश्छन्दो वयस्कृच्छन्दो विशालं छन्दो विपर्धाश्छन्दश्छुदिश्छन्दो दूरोहणं छन्दस्तन्द्रं छन्दोऽङ्काङ्कं

छन्दः॥ (२८)

अस्यङ्कुपञ्चन्दस्त्रयस्त्रिंशच्च॥

[१२]

अग्निवृत्राणि जङ्घनद्वविणस्युर्विपन्यया। समिद्धः शुक्र आहुतः॥ त्वं सौमासि सत्पतिस्त्वं राजोत
वृत्रहा। त्वं भद्रो असि क्रतुः॥ भद्रा तै अग्ने स्वनीक सन्दग्धोरस्य सतो विपुणस्य चारुः। न यत्तं
शोचिस्तमसा वरन्त न ध्वस्मानस्तनुवि रेप आ धुः॥ भद्रं तै अग्ने सहसिन्ननीकमुपाक आ रौचते
सूर्यस्य। (२९)

रुशद्दृशे ददृशे नक्त्या चिदरूक्षितं दृश आ रूपे अन्नम्। सैनानीकेन सुविदत्रो अस्मे यष्टा देवा
आयजिष्ठः स्वस्ति। अदब्धो गोपा उत नः परस्या अग्ने द्युमदुत रेवर्दिदीहि। स्वस्ति नो दिवो अग्ने
पृथिव्या विश्वायुर्धेहि यजथाय देवा यथसीमहि दिविजात प्रशस्तं तदस्मासु द्रविणं धेहि चित्रम्। यथा
होतर्मनुषः (३०)

देवताता यजेभिः सूनो सहसो यजांसि। एवानो अद्य संमना संमानानुशन्नं उशतो यक्षि देवान्॥
अग्निमीडे पुरोहितं यज्ञस्य देवमृत्विजम्। होतां रत्नधातमम्॥ वृषा सोम द्युमा अंसि वृषा देव वृषव्रतः।
वृषा धर्माणि दधिषे॥ सान्तपना इदं हविर्मरुतस्तज्जुष्टन। युष्माकोती रिंशादसः॥ यो नो मतो वसवो
दुरह्णायुस्तिरः सत्यानि मरुतः (३१)

जिघांसात्। द्रुहः पाशं प्रति स मुंचीष्ट तपिष्ठेन तपसा हन्तान्। तम्। संवत्सरीणां मरुतः स्वर्का
उरुक्षयाः सगंगा मानुषेषु। तैऽसत्पाशान् प्रमुञ्चन्त्वहंसः सान्तपना मंदिरा मादयिष्णवः। पिप्रोहि देवा
उशतो यविष्ठ विद्रा ऋतू र्ऋतुपते यजेह। ये दैव्या ऋत्विजस्तेभिरेग्ने त्वं होतृणामस्यायजिष्ठः। अग्ने
यद्य विशो अध्वरस्य होतुः पार्वक (३२)

शोचे वेद्वं हि यज्वा। ऋता यजांसि महिना वि यद्भूरहव्या वह यविष्ठ या तै अद्या अग्निना
रयिमंश्रवत्पोषमेव दिवेदिवे। यशसं वीरवन्तमम्। गयस्फानो अमीवहा वंसुवित्पुष्टिर्वधनः। सुमित्रः सोम नो
भवा गृहमेधास आ गंत मरुतो मापं भूतना प्रमुञ्चन्तो नो अहंसः। पूर्वाभिर्हि दंदाशिम शर्द्धिमरुतो
वयम्। महोभिः (३३)

चरुष्णीनाम्। प्र बुध्निया ईरते वो महांसि प्र णामानि प्रयज्यवस्तिरध्वम्। सहस्रियं दम्यम्भागमेतं
गृहमेधीयमरुतो जुषध्वम्। उप यमेति युवतिः सुदक्षं दोषा वस्तोरहविष्मती घृतावी। उप स्वैनमरमतिर्वसूयुः।
इमो अग्ने वीततमानि हव्याजस्रो वक्षि देवतातिमच्छं। प्रति न ईं सुरभीणि वियन्तु। क्रीडं वः शर्धो
मारुतमनुर्वाणं रथेशुभम्। (३४)

कणां अभि प्र गांयत। अत्यासो न ये मरुतः स्वर्ध्वो यक्षदृशो न शुभयन्त मर्याः। ते हर्म्येष्टाः
शिशवो न शुभ्रा वत्सासो न प्रक्रीडिनः पयोधाः। प्रेषामज्मेषु विथुरेवं रेजते भूमिर्यामेषु यद्धं युञ्जते शुभे।
ते क्रीडयो धुनयो भ्राजदृष्टयः स्वयं महित्वं पनयन्त धृतयः। उपह्वरेषु यदचिध्वं ययि वयं इव मरुतः
केन (३५)

चित्पथा। श्रोतन्ति कोशा उप वो रथेष्व्वा घृतमुक्षता मधुवर्णमर्चते। अग्निमग्निं हवीमभिः सदा हवन्त विस्पतिम्। हव्यवाहं पुरुप्रियम्। तं हि शश्वन्त ईडते सुचा देवं घृतश्रुतां। अग्निं हव्याय वोढेव। इन्द्राग्नी रोचना दिवः श्रथद्वत्रमिन्द्र वो विश्वतुस्परीन्द्रं नरो विश्वकर्मन् हविषा वावृधानो विश्वकर्मन् हविषा वर्धनेन॥ (३६)

सूर्यस्य मनुषो मरुतः पावक महोभी रथेशुभं केन पद्वत्वारिंशच्च॥ [१३]

रश्मिरसि राज्यस्ययं पुरो हरिकेशोऽग्निमूर्धेन्द्राग्निभ्यां बृहस्पतिर्भूयस्कृदस्यग्निना विश्वापाद्वजापतिर्मनसा कृत्तिका मधुश्च समिदिशां द्वादश॥ [१४] रश्मिरसि प्रति धेनुमसि स्तनयितुसनिरस्यादित्यानां सप्तत्रिंशत्॥ ३७॥ रश्मिरसि को अद्य युङ्क्ते॥

॥चतुर्थः प्रश्नः॥

॥तैत्तिरीयसंहितायां चतुर्थकाण्डे चतुर्थः प्रश्नः॥

रश्मिरसि क्षयाय त्वा क्षयं जिन्व प्रेतिरसि धर्माय त्वा धर्मं जिन्वान्वितिरसि दिवे त्वा दिवं जिन्व संधिरस्यन्तरिक्षाय त्वान्तरिक्षं जिन्व प्रतिधिरसि पृथिव्ये त्वा पृथिवीं जिन्व विष्टम्भोऽसि वृष्टे त्वा वृष्टिं जिन्व प्रवास्यहे त्वाहंजिन्वानुवासि रात्रिये त्वा रात्रिं जिन्वोशिगंसि (१)

वसुभ्यस्त्वा वसूञ्जिन्व प्रकेतोऽसि रुद्रेभ्यस्त्वा रुद्राञ्जिन्व सुदीतिरस्यादित्येभ्यस्त्वाऽऽदित्याञ्जिन्वौजोऽसि पितृभ्यस्त्वा पितृञ्जिन्व तन्तुरसि प्रजाभ्यस्त्वा प्रजा जिन्व पृतनापाडंसि पशुभ्यस्त्वा पशूञ्जिन्व रेवदस्योपंधीभ्यस्त्वोपंधीर्जिन्वाभिजिदंसि युक्तग्रावेन्द्राय त्वेन्द्रं जिन्वार्धिपतिरसि प्राणायं (२)

त्वा प्राणं जिन्व यन्तास्यपानाय त्वापानं जिन्व सःसर्पोऽसि चक्षुषे त्वा चक्षुर्जिन्व वयोधा असि श्रोत्राय त्वा श्रोत्रं जिन्व त्रिवृदसि प्रवृदसि संवृदसि विवृदसि सःरोहोऽसि नीरोहोऽसि प्ररोहोऽस्यनुरोहोऽसि वसुकोऽसि वेपथ्रिरसि वस्यष्टिरसि॥ (३)

उशिगंसि प्राणाय त्रिचत्वारिंशच्च॥ [१]

राज्यसि प्राची दिग्वसंवस्ते देवा अधिपतयोऽग्निरहेतीनामप्रतिधर्ता त्रिवृत्वा स्तोमः पृथिव्याश् श्रयत्वाज्यमुक्थमव्यंथयध्स्तभ्रातु रथन्तरं साम प्रतिष्ठित्यै विराडसि दक्षिणा दिश्रुद्रास्तै देवा अधिपतय इन्द्रो हेतीनामप्रतिधर्ता पञ्चदशस्त्वा स्तोमः पृथिव्याश् श्रयतु प्रउंगमुक्थमव्यंथयध्स्तभ्रातु बृहत्साम प्रतिष्ठित्यै सम्राडसि प्रतीची दिक् (४)

आदित्यास्तै देवा अधिपतयः सोमो हेतीनामप्रतिधर्ता सप्तदशस्त्वा स्तोमः पृथिव्याश् श्रयतु मरुत्वतीयमुक्थमव्यंथयध्स्तभ्रातु वैरूपं साम प्रतिष्ठित्यै स्वराडस्युदीची दिग्विधे ते देवा अधिपतयो वरुणा

हेतीनाम्रतिधृतेकविंशस्त्वा स्तोमः पृथिव्याऽ श्रयतु निष्कैवल्यमुक्थमव्यथयथस्तभ्रातु वैराजः साम् प्रतिष्ठित्या अधिपव्यसि बृहती दिङ्मरुतस्ते देवा अधिपतयः (५)

बृहस्पतिरहेतीनाम्रतिधृता त्रिणवत्रयस्त्रिंशौ त्वा स्तोमौ पृथिव्याऽ श्रयतां वैश्वदेवाग्निमारुते उक्थे अव्यथयन्ती स्तभ्रीताः शाकरैर्वते सामनी प्रतिष्ठित्या अन्तरिक्षायर्षयस्त्वा प्रथमजा देवेषु दिवो मात्रया वरिणा प्रथन्तु विधृता चायमधिपतिश्च ते त्वा सर्वे संविदाना नाकस्य पृष्ठे सुवर्गे लोके यजमानं च सादयन्तु॥ (६)

प्रतीची दिङ्मरुतस्ते देवा अधिपतयश्चत्वारिंशच्च॥ [२]

अयम्पुरो हरिकेशः सूर्यरश्मिस्तस्य रथगृथश्च रथौजाश्च सेनानिग्रामण्यौ पुञ्जिकस्थला च कृतस्थला चाप्सरसौ यातुधानां हेतो रक्षांसि प्रहेतिर्यं दक्षिणा विश्वकर्मा तस्य रथस्वनश्च रथेचित्रश्च सेनानिग्रामण्यौ मेनका च सहजन्त्या चाप्सरसौ दङ्गवः पशवो हेतिः पौरुषेयो वधः प्रहेतिर्यम्पश्चाद्विश्वव्यास्तस्य रथप्रोत्तश्चासंमरथश्च सेनानिग्रामण्यौ प्रमोचन्ती च (७)

अनुमोचन्ती चाप्सरसौ सर्पा हेतिव्याघ्राः प्रहेतिर्यमुत्तराध्वंस्यद्वंसुस्तस्य सेनजिच्च सुषेणश्च सेनानिग्रामण्यौ विश्वावी च घृतावी चाप्सरसावापो हेतिर्वातः प्रहेतिर्यमुपर्यर्वाग्वंसुस्तस्य तार्क्ष्यश्चारिष्टनेमिश्च सेनानिग्रामण्यावुर्वशी च पूर्वचित्तिश्चाप्सरसौ विद्वद्धेतिरव्सूर्जन्प्रहेतिस्तेभ्यो नमस्ते नो मृडयन्तु ते यम् (८)

द्विष्मो यश्च नो द्वेष्टि तं वो जम्भे दधाम्यायोस्त्वा सदेने सादयाम्यवन्तश्छायायां नमः समुद्राय नमः समुद्रस्य चक्षसे परमेष्ठी त्वा सादयतु दिवः पृष्ठे व्यचस्वतीम्प्रथंस्वतीं विभूमतीम्प्रभूमतीं परिभूमतीं दिवं यच्छु दिवं दृह दिवं मा हिंसीर्विश्वस्मे प्राणायापानाय व्यानायादौदानाय प्रतिष्ठायै चरित्राय सूर्यस्त्वाभि पांतु मृह्या स्वस्त्या छुदिषा शन्तमेन तया देवतयाङ्गिरस्वद्धुवा सौदा प्रोथदश्चो न यवसे अविष्यन् यदा मृहः संवरणाढ्यस्थात् आदस्य वातो अनु वाति शोचिरधं स्म ते व्रजनं कृष्णमस्ति॥ (९)

प्रमोचन्ती च यः स्वस्त्याष्टाविंशतिश्च॥ [३]

अग्निमूर्धा दिवः ककुत्पतिः पृथिव्या अयम् अपाः रेतांसि जिन्वति॥ त्वामग्ने पुष्करादप्यथर्वा निरमन्यता मूर्धो विश्वस्य वाधतः॥ अयमग्निः संहस्त्रिणो वाजस्य शतितनस्पतिः मूर्धा कवी रयीणाम्॥ भुवो यज्ञस्य रजसश्च नेता यत्रा नियुद्धिः सचसे शिवाभिः॥ दिवि मूर्धानं दधिषे सुवर्षां जिह्वामग्ने चकृषे हव्यवाहम्॥ अबोध्यग्निः समिधा जनानाम् (१०)

प्रति धेनुमिवायतीमुपासम। यद्वा इव प्र वयामुज्जिहानाः प्र भानवः सिस्त्रते नाक्मच्छ। अवोचाम क्वये मेध्याय वचो वन्दारं वृषभाय वृष्णौ। गर्विष्ठिरो नमसा स्तोममग्ने दिवोव रुक्ममुव्यञ्चमश्रेत्। जनस्य गोपा अंजनिष्ट जागृविग्निः सुदक्षः सुविताय नव्यसे। घृतप्रतीको बृहता दिविस्पृशा द्युमद्वि भाति भरतेभ्यः शुचिः। त्वामग्ने अङ्गिरसः (११)

गुहां हितमन्विन्दज्जिश्त्रियाणं वनेवने। स जायसे मथ्यमानः सहो महत्त्वामाहुः सहसस्पुत्रमङ्गिरः। यज्ञस्य केतुमप्रथमम्पुरोहितमग्निं नरस्त्रिषधस्थे समिन्यते। इन्द्रेण देवैः सुरथः स बर्हिषि सीदन्नि होतां

यजथाय सुक्रतुः। त्वं चित्रश्रवस्तम् हवन्ते विक्षु जन्तवः। शोचिष्केशं पुरुप्रियाग्रै हव्याय वोढवे। सखायः
सं वः सम्यश्चमिषम् (१२)

स्तोमं चाग्रयै। वर्षिष्ठाय क्षितीनामूर्जो नग्ने सहस्वते। स॥समिद्युवसे वृषन्नग्ने विश्वान्यर्य आ।
इडस्पदे समिध्यसे स नो वसून्त्या भर। एना वो अग्निं नमसोर्जो नपातमा हुवे। प्रियं चेतिष्ठमरतिः
स्वध्वरं विश्वस्य दूतममृतम्। स योजते अरुषो विश्वभौजसा स दुद्रवध्वाहुतः। सुब्रह्मा यज्ञः सुशर्म (१३)

वसूनां देव॥ राधो जनानाम्। उदस्य शोचिरस्थादाजुह्वानस्य मीदुषः। उद्धूमासो अरुषासो दिविस्पृशः
समग्निर्मिन्धते नरः। अग्ने वाजंस्य गोमंत ईशानः सहसो यहो। अस्मे धेहि जातवेदो महि श्रवः। स
इधानो वसुष्कविरग्निरिडेन्यो गिरा। रेवदस्मभ्यं पुर्वणीक दीदिहि। क्षपो राजन्वृत त्मनाग्ने वस्तोरुतोपसः। स
तिग्मजम्भ (१४)

रक्षसो दह प्रति। आ तं अग्र इधोमहि द्युमन्तं देवाजरम्। यद्ध स्या ते पर्नीयसी समिदीदयति
द्यवीप३ स्तोतृभ्य आ भर। आ तं अग्र ऋचा हुविः शुक्रस्यं ज्योतिषस्पते। सुश्वन्द्र दस्मं विस्पते
हव्यवाद्भ्य३ हयत इप३ स्तोतृभ्य आ भर। उभे सुश्वन्द्र सर्पिषो दर्वी श्रीणीष आसनि। उतो न
उत्पुपूर्याः (१५)

उक्थेपुं शवसस्पत इप३ स्तोतृभ्य आ भर। अग्ने तमद्याश्वं न स्तोमैः क्रतुं न भद्र॥ हृदिस्पृशम्।
ऋध्यामां त ओहैः। अथा ह्यग्ने क्रतौर्भद्रस्य दक्षस्य साधोः। रथोरऋतस्यं बृहतो बभूथ। आभिष्टे अद्य
गिर्भिर्गृणन्तोऽग्ने दाशेम। प्र तं दिवो न स्तनयन्ति शुष्माः। एभिर्नो अर्कैर्भवां नो अर्वाङ् (१६)

सुवर्नं ज्योतिः। अग्ने विश्वेभिः सुमना अनीकैः। अग्नि॥ होतारम्मन्ये दास्वन्तं वसोः सूनु॥ सहसो
जातवेदसम्। विप्रं न जातवेदसम्। य ऊर्ध्वयां स्वध्वरो देवो देवाच्यां कृपा। घृतस्य विभ्राष्टिमनुं शुक्रशोचिष
आजुह्वानस्य सर्पिषः। अग्ने त्वन्नो अन्तमः। उत त्राता शिवो भव वरूथ्यः। तं त्वां शोचिष्ठ दीदिवः।
सुम्राय नूनमीमहे सखिभ्यः। वसुरग्निर्वसुश्रवाः। अच्छा नक्षि द्युमन्तमो रयिं दाः॥ (१७)

जनानामङ्गिरस् इप३ सुशर्म तिग्मजम्भ पुपूर्या अर्वाङ्गसुश्रवाः पञ्च च॥ [४]

इन्द्राग्निभ्यां त्वा सयुजां युजा युनज्याधाराभ्यां तेजसां वर्चसोक्थेभिः स्तोमैर्भिश्छन्दोभी रय्यै
पोषाय सजातानाम्मध्यमस्थेयां मयां त्वा सयुजां युजा युनज्यम्बा दुला नितबिरभ्रयन्ती मेघयन्ती
वर्षयन्ती चुपुणीका नामासि प्रजापतिना त्वा विश्वाभिर्धीभिरुप दधामि पृथिव्युदपुरमन्त्रेन विष्टा मनुष्यास्ते
गोतारोऽग्निर्वियन्तोऽस्यां तामहम्प्र पद्ये सा (१८)

मे शर्म च वर्म चास्त्वधिद्यौरन्तरिक्षं ब्रह्मणा विष्टा मरुतस्ते गोतारो वायुर्वियन्तोऽस्यां तामहम्प्र
पद्ये सा मे शर्म च वर्म चास्तु द्यौरपराजितामृतेन विष्टादित्यास्ते गोतारः सूर्यो वियन्तोऽस्यां तामहम्प्र
पद्ये सा मे शर्म च वर्म चास्तु॥ (१९)

साऽष्टाचत्वारि॥श्च॥ [५]

बृहस्पतिस्त्वा सादयतु पृथिव्याः पृष्ठे ज्योतिष्मतीं विश्वस्मै प्राणायानाय विश्वं ज्योतिर्यच्छाग्निस्ते-
ऽधिपतिर्विश्वकर्मा त्वा सादयत्वन्तरिक्षस्य पृष्ठे ज्योतिष्मतीं विश्वस्मै प्राणायानाय विश्वं ज्योतिर्यच्छ
वायुस्तेऽधिपतिः प्रजापतिस्त्वा सादयतु दिवः पृष्ठे ज्योतिष्मतीं विश्वस्मै प्राणायानाय विश्वं ज्योतिर्यच्छ
परमेष्ठी तेऽधिपतिः पुरोवात्सर्निरस्यभ्रसर्निरसि विद्युत्सर्निः (२०)

असि स्तनयिबुसर्निरसि वृष्टिसर्निरस्यग्नेर्यान्यसि देवानामग्नेर्यान्यसि वायोर्यान्यसि देवानां
वायोयान्यस्यन्तरिक्षस्य यान्यसि देवानामन्तरिक्षयान्यस्यन्तरिक्षमस्यन्तरिक्षाय त्वा सलिलाय त्वा सर्णीकाय
त्वा सर्तीकाय त्वा केताय त्वा प्रचैतसे त्वा विवस्वते त्वा दिवस्त्वा ज्योतिष आदित्येभ्यस्त्वर्चं त्वा रुचे
त्वा द्युते त्वा भासे त्वा ज्योतिषे त्वा यशोदां त्वा यशसि तेजोदां त्वा तेजसि पयोदां त्वा पर्यसि
वर्षोदां त्वा वर्षसि द्रविणोदां त्वा द्रविणे सादयामि तेनर्षिणा तेन ब्रह्मणा तया देवतयाङ्गिरस्वद्धुवा
सीद॥ (२१)

विद्युत्सर्निर्द्युत्वैकान्त्रिंशच्च॥ [६]

भूयस्कृदसि वरिवस्कृदसि प्राच्यस्यूर्ध्वास्यन्तरिक्षसदस्यन्तरिक्षे सीदाप्सुषदसि श्येनसदसि गृध्रसदसि
सुपर्णसदसि नाकसदसि पृथिव्यास्त्वा द्रविणे सादयाम्यन्तरिक्षस्य त्वा द्रविणे सादयामि दिवस्त्वा द्रविणे
सादयामि दिशां त्वा द्रविणे सादयामि द्रविणोदां त्वा द्रविणे सादयामि प्राणं मे पाह्यपानं मे पाहि
व्यानम् (२२)

पाह्यायुर्मे पाहि विश्वायुर्मे पाहि सर्वायुर्मे पाह्यग्ने यत्ते परं हन्ताम् तावेहि सः रंभावहे
पाञ्चजन्येष्वप्यैश्वर्ये यावा अयांवा एवा ऊमाः सद्दः सगरः सुमेकः॥ (२३)

व्यानम्मे द्वात्रिंशच्च॥ [७]

अग्निना विश्वापादधूम्येण स्वराद्रुत्वा शचीपतिरुक्प्रभेण त्वष्टां यज्ञेन मघवान्दक्षिणया सुवर्गो मन्युनां
वृत्रहा सौहार्द्वेन तनूधा अत्रेन गयः पृथिव्यासंनोदृग्भिरन्नादो वषट्कारेणर्द्धः साम्नो तनूपा विराजा ज्योतिष्मान्
ब्रह्मणा सोमपा गोभिर्यज्ञं दाधार क्षत्रेण मनुष्यान्श्वेन च रथेन च वज्र्यतुभिः प्रभुः संवत्सरेण परिभूस्तपसानाधृष्टः
सूर्यः सन्तनूभिः॥ (२४)

अग्निनैकान्नपञ्चाशत्॥ [८]

प्रजापतिर्मनसान्धोऽच्छेतो धाता दीक्षायाः सविता भृत्वां पूषा सौमक्रयण्यां वरुण उपनद्धोऽसुरः
क्रीयमाणो मित्रः क्रीतः शिंपिविष्ट आसादितो नरन्धिषः प्रोह्यमाणोऽधिपतिरागतः प्रजापतिः प्रणीयमानोऽग्निराग्नीध्रे
बृहस्पतिराग्नीध्रात्प्रणीयमान् इन्द्रो हविर्धनेऽदितिरासादितो विष्णुरुपावह्नियमाणोऽथर्वोपेतो यमोऽभिपुतोऽपृतपा
आधूयमानो वायुः पूयमानो मित्रः क्षीरश्रीर्मन्थी संक्षुश्रीर्वैश्वदेव उत्रीतो रुद्र आहुतो वायुरावृत्तो नृचक्षाः
प्रतिग्व्यातो भक्ष आगतः पितृणां नाराशंसोऽसुरात्तः सिन्धुरवभृथमवप्रयन्त्यसमुद्रोऽवंगतः सलिलः प्रप्लुतः
सुवर्कृद्दक्ष गतः॥ (२५)

रुद्र एकविंशतिश्च॥ [९]

कृत्तिका नक्षत्रमग्निदेवताग्रे रुचः स्थ प्रजापतेर्धातुः सोमस्यर्चं त्वां रुचे त्वां द्युते त्वां भासे त्वां ज्योतिषे त्वा रोहिणी नक्षत्रं प्रजापतिर्देवता मृगशीर्षं नक्षत्रं सोमो देवताद्रा नक्षत्रं रुद्रो देवता पुनर्वसु नक्षत्रमर्दिर्देवता तिष्यो नक्षत्रम्बहुस्पतिर्देवताश्रेषा नक्षत्रं सर्पा देवता मघा नक्षत्रम्पितरो देवता फल्गुनी नक्षत्रम् (२६)

अर्यमा देवता फल्गुनी नक्षत्रम्भगो देवता हस्तो नक्षत्रं सविता देवता चित्रा नक्षत्रमिन्द्रो देवता स्वाती नक्षत्रं वायुर्देवता विशाखे नक्षत्रमिन्द्राग्नी देवताऽनूराधा नक्षत्रम्मित्रो देवता रोहिणी नक्षत्रमिन्द्रो देवता विचित्रौ नक्षत्रम्पितरो देवतापाढा नक्षत्रमापो देवतापाढा नक्षत्रं विश्वे देवा देवता श्रोणा नक्षत्रं विष्णुर्देवता श्रविष्ठा नक्षत्रं वसवः (२७)

देवता शतभिषङ्गक्षत्रमिन्द्रो देवता प्रोष्ठपदा नक्षत्रमज एकपाद्देवता प्रोष्ठपदा नक्षत्रमहिर्बुध्नियो देवता रेवती नक्षत्रं पूषा देवताश्वयुजौ नक्षत्रमश्विनौ देवतापुभरणीर्नक्षत्रं यमो देवता पूर्णा पश्चाद्यत्तै देवा अर्द्धः॥ (२८)

फल्गुनी नक्षत्रं वसंवस्त्रयस्त्रिंशच्च॥ [१०]

मधुश्च माधवश्च वासन्तिकावृतू शुक्रश्च शुचिश्च ग्रैष्मावृतू नभश्च नभस्यश्च वार्षिकावृतू इष्यश्चोर्जश्च शारदावृतू सहश्च सहस्यश्च हेमन्तिकावृतू तपश्च तपस्यश्च शैशिरावृतू अग्रैरन्तःश्रेणोऽसि कल्पेतां द्यावापृथिवी कल्पन्तामाप ओषधीः कल्पन्तामग्नयः पृथङ्म ज्यैष्ठ्याय सव्रताः (२९)

यैऽग्नयः समनसोऽन्तरा द्यावापृथिवी शैशिरावृतू अभि कल्पमाना इन्द्रमिव देवा अभि सं विंशन्तु संयच्च प्रचेताश्चाग्रेः सोमस्य सूर्यस्योग्रा च भीमा च पितृणां यमस्येन्द्रस्य ध्रुवा च पृथिवी च देवस्य सवितुर्मरुतां वरुणस्य धर्त्री च धरित्री च मित्रावरुणयोर्मित्रस्य धातुः प्राची च प्रतीची च वसूनां रुद्राणाम् (३०)

आदित्यानान्ते तेऽधिपतयस्तेभ्यो नमस्ते नो मृडयन्तु ते यं द्विष्यो यश्च नो द्वेष्टि तं वो जम्भे दधामि सहस्रस्य प्रमा अंसि सहस्रस्य प्रतिमा अंसि सहस्रस्य विमा अंसि सहस्रस्योन्मा अंसि साहस्रोऽसि सहस्राय त्वेमा मे अग्न इष्टका धेनवः सन्त्वेकां च शतं च सहस्रं चायुतं च (३१)

नियुतं च प्रयुतं चार्बुदं च न्यर्बुदं च समुद्रश्च मध्यं चान्तश्च परार्धश्चेमा मे अग्न इष्टका धेनवः सन्तु षष्टिः सहस्रमयुतमक्षीयमाणा ऋतस्थाः स्थर्तावृधो घृतश्रुतो मधुश्रुत ऊर्जस्वतीः स्वधाविनीस्ता मे अग्न इष्टका धेनवः सन्तु विराजो नाम कामदुषां अमुत्रामुर्भिर्लोकैः॥ (३२)

सव्रता रुद्राणामयुतं च पञ्चचत्वारिंशच्च॥ [११]

स्मिद्दिशामाशयां नः सुर्विन्मधोरतो माधवः पात्वस्मान् अग्निर्देवो दुष्टरीतुरदौभ्य इदं क्षत्रं रक्षतु पात्वस्मान् रथंतरं सामभिः पात्वस्मान्नायत्री छन्दसां विश्वरूपा त्रिवृत्रो विष्टया स्तोमो अह्नां समुद्रो वातं इदमोजः पिपतु उग्रा दिशामभिभूतिर्वयोधाः शुचिः शुक्रे अह्न्योजसनीं इन्द्राधिपतिः पिपृतादतो नो मर्हि (३३)

क्षत्रं विश्वतो धारयेदम्। बृहत्सामं क्षत्रभृद्वृद्धवृष्णिं त्रिष्टुभौजः शुभितमुग्रवीरम्। इन्द्र स्तोमैर्न पञ्चदशेन मध्यमिदं वातेन सगरेण रक्षा प्राचीं दिशां सहयशा यशस्वती विश्वे देवाः प्रावृषाहा सुर्व्वती। इदं क्षत्रं दुष्टरमस्त्वोजोऽनाधृष्टं सहस्रियं सहस्वत्। वैरूपे सामन्निह तच्छेकेम जगत्येनं विक्षा वैश्यामः। विश्वे देवाः सप्तदशेन (३४)

वर्च इदं क्षत्रं सल्लिलावातमुग्रम्। धृत्रीं दिशां क्षत्रमिदं दाधारोपस्थाशानाम्मित्रवदस्त्वोजः। मित्रावरुणा शरदाह्नां चिकित्वा अस्मे राष्ट्राय महि शर्म यच्छतम्। वैराजे सामत्रधिं मे मनीषानुष्टमा सम्भृतं वीर्यं सहः। इदं क्षत्रमित्रवदाद्र्ददानु मित्रावरुणा रक्षतमाधिपत्यैः। सम्प्राङ्दिशां सहसाम्नी सहस्वत्युत्तुरहेमन्तो विष्टया नः पिपतु। अवस्युवाताः (३५)

बृहतीनु शक्ररीरिमं यज्ञमवन्तु नो घृताचीः। सुर्व्वती सुदुधा नः पयस्वती दिशां देव्यवतु नो घृताचीं। त्वं गोपाः पुंरपुतोत पश्चाद्ब्रह्मस्ते याम्या युङ्क्ति वाचम्। ऊर्ध्वा दिशां रन्तिराशौपधीना संवत्सरेण सविता नो अह्वाम्। रेवत्सामातिच्छन्दा उ छन्दोजातशत्रुः स्योना नो अस्तु। स्तोमत्रयस्त्रिंशे भुवनस्य पत्नि विवस्वद्वाते अग्नि नः (३६)

गृणाहि। घृतवती सवितरार्धिपत्यैः पयस्वती रन्तिराशां नो अस्तु। ध्रुवा दिशां विष्णुपत्न्यघोरास्येशाना सहसो या मनोता। बृहस्पतिर्मातरिश्वेत वायुः संधुवाना वाता अग्नि नो गृणन्तु। विष्टम्भो दिवो धरुणः पृथिव्या अस्थेशाना जगतो विष्णुपत्नी। विश्वव्यचा इपयन्ती सुभूतिः शिवा नो अस्वदितिरुपस्थैः। वैश्वानरो न ऊत्या पृष्टो दिव्यनु नोऽद्यानुमतिरन्विदनुमते त्वङ्कयां नश्चित्र आ भुवत्को अद्य युङ्क्ते॥ (३७)

महि सप्तदशेनावस्युवाता अग्नि नोऽनु नश्चतुर्दश च॥ [१२]

नमस्ते रुद्र नमो हिरण्यबाहवे नमः सहमानाय नम आख्याधिनीभ्यो नमो भवाय नमो ज्येष्ठाय नमो दुन्दुभ्याय नमः सोमाय नम इरिण्याय द्रापे सहस्राण्याकादश॥ [१३] नमस्ते रुद्र नमो भवाय द्रापे सप्तविंशतिः॥ 27॥ नमस्ते रुद्र तं वो जम्भे दधामि॥

॥पञ्चमः प्रश्नः॥

॥तैत्तिरीयसंहितायां चतुर्थकाण्डे पञ्चमः प्रश्नः॥

नमस्ते रुद्र मन्यवं उतो त इपवे नमः। नमस्ते अस्तु धन्वेन बाहुभ्यामुत ते नमः। या त इपुः शिवतमा शिवम्बभूवं ते धनुः। शिवा शरव्यां या तव तयां नो रुद्र मृडया। या तै रुद्र शिवा तनूरघोरापापकाशिनी। तयां नस्तनुवा शन्तमया गिरिशन्ताभि चांकशीहि। यामिषु गिरिशन्त हस्तै (१)

बिभर्ष्यस्तेव। शिवां गिरित्र तां कुरु मा हिंसीः पुरुषं जगत्। शिवेन वचसा त्वा गिरिशाच्छां वदामसि। यथा नः सर्वमिज्जगदयक्ष्मं सुमना असत्। अय्यवोचदधिवक्ता प्रथमो देव्यो भिषक्। अहींश्च

सर्वाङ्गमभ्यन्तस्वांश्च यातुधान्यः। असौ यस्ताम्रो अरुण उत बभ्रुः सुमङ्गलः। ये चेमां रुद्रा अभितो दिक्षु (२)

श्रिताः सहस्रशोऽवैपां हेड ईमहे। असौ योऽवसर्पति नीलग्रीवो विलोहितः। उत्तेन गोपा अदृशन्नदंशन्नदहार्यः। उत्तेन विश्वा भूतानि स दृष्टो मृडयाति नः। नमो अस्तु नीलग्रीवाय सहस्राक्षाय मीढुषे। अथो ये अस्य सत्त्वानोऽहं तेभ्योऽकरं नमः। प्र मुञ्च धन्वंनस्त्वमुभयोरान्नियोर्ज्याम्। याश्च ते हस्त इपवः (३)

परा ता भंगवो वपा। अवतत्य धनुस्त्वं सहस्राक्ष शतैपुधे। निशीर्य शल्यानाम्मुखां शिवो नः सुमनां भव। विज्यं धनुः कपर्दिनो विशाल्यो बाणवां उत। अनैशन्नस्येपव आभुरस्य निषङ्गयिः। या तै हेतिर्मादुष्टम् हस्तै बभूव ते धनुः। तयास्मान् विश्वतस्त्वमयक्षमया परिं भुज। नमस्ते अस्वायुधायानां तताय धृष्णवा। उभाभ्यामुत ते नमो बाहुभ्यां तव धन्वने। परिं ते धन्वनो हेतिरस्मान्वृणक्तु विश्वतः। अथो य इपुधिस्तवारे अस्मन्नि धैहि तम्॥ (४)

हस्तै दिक्ष्वपव उभाभ्यां द्वाविंशतिश्च॥ [१]

नमो हिरण्यबाहवे सेनान्यै दिशां च पतये नमो नमो वृक्षेभ्यो हरिकेशेभ्यः पशूनाम्पतये नमो नमः सुस्विञ्जराय त्विषीमते पथीनाम्पतये नमो नमो बभ्रुशाय विव्याधिनेऽज्ञानाम्पतये नमो नमो हरिकेशायोपवीतिनै पुष्टानाम्पतये नमो नमो भवस्य हेत्यै जगताम्पतये नमो नमो रुद्रायां तताविने क्षेत्राणाम्पतये नमो नमः सूतायाहन्त्याय वनानाम्पतये नमो नमः (५)

रोहिताय स्थपतये वृक्षाणाम्पतये नमो नमो मन्त्रिणै वाणिजाय कक्षाणाम्पतये नमो नमो भुवन्तये वारिवस्कृतायौषधीनाम्पतये नमो नम उच्चैर्घोषायाऋदयंते पत्नीनाम्पतये नमो नमः कृश्ववीताय धावते सत्त्वंनाम्पतये नमः॥ (६)

वनानाम्पतये नमो नम एकात्रिंशच्च॥ [२]

नमः सहमानाय निव्याधिने आव्याधिनीनाम्पतये नमो नमः ककुभाय निषङ्गिणै स्तेनानाम्पतये नमो नमो निषङ्गिण इपुधिमते तस्कराणाम्पतये नमो नमो वञ्चते परिवञ्चते स्तायूनाम्पतये नमो नमो निचेरवे परिचरयारण्यानाम्पतये नमो नमः सूकाविभ्यो जिघांसद्भ्यो मृण्णूनाम्पतये नमो नमोऽसिमद्भ्यो नक्तं चरद्भ्यः प्रकृन्तानाम्पतये नमो नम उष्णीषिणै गिरिचराय कुलुञ्चानाम्पतये नमो नमः (७)

इपुमद्भ्यो धन्वाविभ्यश्च वो नमो नम आतन्वानेभ्यः प्रतिदधानेभ्यश्च वो नमो नम आयच्छद्भ्यो विसृजद्भ्यश्च वो नमो नमोऽस्यद्भ्यो विध्यद्भ्यश्च वो नमो नम आसीनेभ्यः शयानेभ्यश्च वो नमो नमः स्वपद्भ्यो जाग्रद्भ्यश्च वो नमो नमस्तिष्ठद्भ्यो धावद्भ्यश्च वो नमो नमः सभाभ्यः सभापतिभ्यश्च वो नमो नमो अश्वेभ्योऽश्वपतिभ्यश्च वो नमः॥ (८)

कुलुञ्चानाम्पतये नमो नमोऽश्वपतिभ्यस्त्रीणि च॥ [३]

नमो आव्याधिनीभ्यो विविध्यन्तीभ्यश्च वो नमो नम उगणाभ्यस्तुहतीभ्यश्च वो नमो नमो गृध्रेभ्यो
गृध्रपतिभ्यश्च वो नमो नमो व्रातैभ्यो व्रातपतिभ्यश्च वो नमो नमो गणेभ्यो गणपतिभ्यश्च वो नमो नमो
विरूपेभ्यो विश्वरूपेभ्यश्च वो नमो नमो महद्भ्यः क्षुल्लकेभ्यश्च वो नमो नमो रथिभ्योऽरथेभ्यश्च वो नमो
नमो रथैभ्यः (९)

रथपतिभ्यश्च वो नमो नमः सेनाभ्यः सेनानिभ्यश्च वो नमो नमः क्षत्तृभ्यः सङ्ग्रहीतृभ्यश्च वो नमो
नमस्तक्ष्मभ्यो रथकारेभ्यश्च वो नमो नमः कुलालेभ्यः कुमरिभ्यश्च वो नमो नमः पुञ्जिष्ठैभ्यो निषादेभ्यश्च वो
नमो नमः इषुकृद्भ्यो धन्वकृद्भ्यश्च वो नमो नमो मृगयुभ्यः श्वनिभ्यश्च वो नमो नमः श्वभ्यः श्वपतिभ्यश्च
वो नमः॥ (१०)

रथैभ्यः श्वपतिभ्यश्च द्वे च॥ _____ [४]

नमो भुवाय च रुद्राय च नमः शर्वाय च पशुपतये च नमो नीलंग्रीवाय च शितिकण्ठाय च
नमः कपर्दिने च व्युप्तकेशाय च नमः सहस्राक्षाय च शतधन्वने च नमो गिरिशाय च शिपिविष्टाय च
नमो मीढुष्टमाय चेषुमते च नमो ह्रस्वाय च वामनाय च नमो बृहते च वर्षीयसे च नमो वृद्धाय च
संवृध्वने च (११)

नमो अग्निष्याय च प्रथमाय च नमः आशवे चाजिराय च नमः शीघ्रिष्याय च शीभ्याय च नमः
ऊर्माय चावस्वत्याय च नमः स्रोतस्याय च द्वीप्याय च॥ (१२)

सं वृध्वने च पञ्चविंशतिश्च॥ _____ [५]

नमो ज्येष्ठाय च कनिष्ठाय च नमः पूर्वजाय चापरजाय च नमो मध्यमाय चापगल्भाय च नमो
जघन्याय च बुध्निष्याय च नमः सोभ्याय च प्रतिसर्पाय च नमो याम्याय च क्षेम्याय च नमः उर्वर्याय
च खल्याय च नमः श्लोक्याय चावसान्याय च नमो वन्याय च कक्ष्याय च नमः श्रवाय च प्रतिश्रवाय
च (१३)

नमः आशुषेणाय चाशुरंथाय च नमः शूराय चावभिन्दते च नमो वर्मिणे च वरूथिने च नमो
बिल्मिने च कवचिने च नमः श्रुताय च श्रुतसेनाय च॥ (१४)

प्रतिश्रवाय च पञ्चविंशतिश्च॥ _____ [६]

नमो दुन्दुभ्याय चाहन्याय च नमो धृष्णवे च प्रमृशाय च नमो दूताय च प्रहिताय च नमो
निष्ङ्गिणे चेषुधिमते च नमस्तीक्ष्णेपवे चायुधिने च नमः स्वायुधाय च सुधन्वने च नमः स्नुत्याय च
पथ्याय च नमः काट्याय च नीप्याय च नमः सूद्याय च सरस्याय च नमो नाद्याय च वैशन्ताय
च (१५)

नमः कूप्याय चावट्याय च नमो वर्ष्याय चावर्ष्याय च नमो मेघ्याय च विद्युत्याय च नमः
ईध्रियाय चातप्याय च नमो वात्याय च रेप्थियाय च नमो वास्तव्याय च वास्तुपाय च॥ (१६)

वैशन्ताय च त्रिंशच्च॥ _____ [७]

नमः सोमाय च रुद्राय च नमस्ताम्राय चारुणाय च नमः शंगाय च पशुपतये च नम उग्राय च भीमाय च नमो अग्नेवधाय च दूरेवधाय च नमो हुत्रे च हनीयसे च नमो वृक्षेभ्यो हरिकेशेभ्यो नमस्ताम्राय नमः शम्भवे च मयोभवे च नमः शङ्कराय च मयस्कराय च नमः शिवाय च शिवतराय च (१७)

नमस्तीर्थाय च कूल्याय च नमः पार्याय चावार्याय च नमः प्रतरणाय चोत्तरणाय च नम आतार्याय चालाद्याय च नमः शण्याय च फेन्याय च नमः सिकत्याय च प्रवाह्याय च॥ (१८)

शिवतराय च त्रिंशच्च॥ [८]

नम इरिण्याय च प्रपथ्याय च नमः किशिलाय च क्षयणाय च नमः कपर्दिने च पुलस्तये च नमो गोघ्राय च गृहाय च नमस्तल्प्याय च गेह्याय च नमः काट्याय च गह्वरेष्टाय च नमो हृदयाय च निवेष्ट्याय च नमः पांसव्याय च रजस्याय च नमः शुष्क्याय च हरित्याय च नमो लोप्याय चोलप्याय च (१९)

नम ऊर्व्याय च सूम्याय च नमः पूर्णाय च पर्णश्रद्धाय च नमोऽपगुरमाणाय चाभिघ्नते च नम आक्खदते च प्रक्खदते च नमो वः किरिकेभ्यो देवानां हृदयेभ्यो नमो विक्षीणकेभ्यो नमो विचिन्वत्केभ्यो नम अनिरहतेभ्यो नम आमीवत्केभ्यः॥ (२०)

उलुप्याय च त्रयस्त्रिंशच्च॥ [९]

ब्रापे अन्धसस्पते दरिद्रनीललोहिता एषां पुरुषाणामेषाम्पशूनां मा भेमारो मो एषां किं चानाममत। या ते रुद्र शिवा तनूः शिवा विश्वाहंभेपजी। शिवा रुद्रस्य भेपजी तयां नो मृड जीवसे। इमां रुद्राय तवसे कपर्दिने क्षयद्वीराय प्र भंगमहे मतिम्। यथा नः शमसंष्टिपदे चतुष्पदे विश्वम्पृष्टम्प्राप्ते अस्मिन् (२१)

अनांतुरम्। मृडा नो रुद्रोत नो मयस्कृधि क्षयद्वीराय नमसा विधेम ते। यच्छं च योश्च मनुरायजे पिता तदश्याम् तवं रुद्र प्रणीतो। मा नो महान्तमुत मा नो अर्भकं मा न उक्षन्तमुत मा न उक्षितम्। मा नो वधीः पितरम्नोत मातरम्प्रिया मा नस्तनुवः (२२)

रुद्र रीरिषः। मा नस्तोके तनये मा न आयुषि मा नो गोषु मा नो अश्वेषु रीरिषः। वीरान्मा नो रुद्र भामितो वधीरहविष्मन्तो नमसा विधेम ते। आराते गोघ्न उत पूरुषघ्ने क्षयद्वीराय सुभ्रमस्मे तै अस्तु। रक्षां च नो अधि च देव ब्रूहधां च नः शर्म यच्छ द्विवर्हाः। स्तुहि (२३)

श्रुतं गर्तसदं युवानम्मृगं न भीममुपहृत्तुमुग्रम्। मृडा जंरित्रे रुद्र स्तवानो अन्यं तै अस्मन्नि वपन्तु सेनाः। परि णो रुद्रस्य हेतिवृणक्तु परि त्वेषस्य दुर्मतिरघायोः। अव स्थिरा मघवंद्व्यस्तनुष्व मीढ्वस्तोकाय तनयाय मृडया। मीढ्वष्टम् शिवंतम शिवो नः सुमनां भवा परमे वृक्ष आयुधं निधाय कृत्तिं वसान् आ चर पिनाकम् (२४)

विभ्रदा गंहि। विकिरिद् विलोहित नमस्ते अस्तु भगवः। यास्तै सहस्रं हेतयोऽन्यमस्मन्नि वपन्तु

ताः। सहस्राणि सहस्रधा बाहुवोस्तवं हेतयः। तासामीशानो भगवः पराचीना मुखा कृधि॥ (२५)

अस्मि३ स्तनुवः स्तुहि पिनाकमेकान्नत्रि३शब्॥ [१०]

सहस्राणि सहस्रशो ये रुद्रा अधि भूम्याम्। तेषां सहस्रयोजनेऽव धन्वानि तन्मसि। अस्मिन्महत्यर्णव-
न्तरिक्षे भवा अधि। नीलग्रीवाः शितिकण्ठाः शर्वा अधः क्षमाचराः। नीलग्रीवाः शितिकण्ठा दिवः रुद्रा
उपश्रिताः। ये वृक्षेषु सस्पर्शरा नीलग्रीवा विलोहिताः। ये भूतानामधिपतयो विशिखासः कपर्दिनः। ये
अन्नं विविध्यन्ति पात्रेषु पिबन्तो जनान्। ये पथाम्यधिरक्षय ऐलवृदा व्युधः। ये तीर्थानि (२६)

प्रचरन्ति सूकावन्तो निषङ्गिणः। य एतावन्तश्च भूयांसश्च दिशो रुद्रा वितस्थिरे। तेषां सहस्रयोजनेऽव
धन्वानि तन्मसि। नमो रुद्रेभ्यो ये पृथिव्यां यैस्तरिक्षे ये दिवि येषामन्नं वातो वर्षमिषं वस्तेभ्यो दश
प्राचीर्दश दक्षिणा दश प्रतीचीर्दशोर्दचीर्दशोर्ध्वास्तेभ्यो नमस्ते नो मृडयन्तु ते यं द्विष्मो यश्च नो द्वेष्टि तं
वो जम्भे दधामि (२७)

तीर्थानि यश्च पद्व॥ [११]

[अश्मन् य इमोर्देनमाशुः प्राचीं जीमूतस्य यदक्रन्दो मा नो मित्रो ये वाजिनं नवं (९)
अश्मन्मनोयुजं प्राचीमनु शर्म यच्छतु तेषामभिर्गूतिः पद्वत्वारि३शत्। अश्मन् हविष्मान्॥]

॥षष्ठमः प्रश्नः॥

॥तैत्तिरीयसंहितायां चतुर्थकाण्डे षष्ठमः प्रश्नः॥

अश्मन्नृजं पर्वते शिश्रियाणां वातो पर्जन्ये वरुणस्य शुष्मै। अद्भ्य ओषधीभ्यो वनस्पतिभ्योऽधि
सम्भृतां तां न इषमूर्जं धत्त मरुतः स३रराणाः। अश्म३स्ते क्षुदम् ते शुर्गच्छतु यं द्विष्मः। समुद्रस्य
त्वाऽवाकायाग्ने परि व्ययामसि। पावको अस्मभ्य३ शिवो भव। हिमस्य त्वा जरायुणाग्ने परि व्ययामसि।
पावको अस्मभ्य३ शिवो भव। उपं (१)

जमनृप वेतसेऽवन्तरं नदीष्वा। अग्ने पित्तमपामसि। मण्डूकि ताम्रिा गंहि सेमं नो यज्ञम्। पावकवर्ण३
शिवं कृधि। पावक आ चितयन्त्या कृपा। क्षामन्नरुच उपसो न भानुना। तूर्वन्न यामन्नेतशस्य नू रण
आ यो घृणे। न तंतृपाणो अजरः। अग्ने पावक रोचिषा मन्द्रयां देव जिह्या। आ देवान् (२)

वृक्षि यक्षि चा स नः पावक दीदिवोऽग्ने देवा३ इहा वह। उपं यज्ञ३ हविश्च नः। अपामिदं
न्ययन३ समुद्रस्य निवेशनम्। अन्यं तं अस्मत्तपन्तु हेतयः पावको अस्मभ्य३ शिवो भव। नमस्ते हरंसे
शोचिषे नमस्ते अस्त्वचिषां। अन्यं तं अस्मत्तपन्तु हेतयः पावको अस्मभ्य३ शिवो भव। नृषदे वद (३)

अप्सुषदे वड्मनसदे वड्मरुहिषदे वदथ्सुवर्दि वद। ये देवा देवानां यज्ञियां यज्ञियांना३ संवत्सरीणमुपं
भागमासते। अहुतादौ हविषो यज्ञे अस्मिन्स्वयं जुहुध्वम्मधुनो घृतस्य। ये देवा देवेष्वधि देवत्वमायन्

ये ब्रह्मणः पुरपुतारो अस्या येभ्यो नर्ते पवन्ते धाम किं च न ते दिवो न पृथिव्या अधि स्रुषु।
प्राणदाः (४)

अपानदा व्यानदाश्चक्षुर्दा वचोदा वरिवोदाः। अन्यं ते अस्मत्तपन्तु हेतयः पावको अस्मभ्यं शिवो
भवं। अग्निस्तिग्मेन शोचिषा यस्मिन् द्विष्यं न्यत्रिणम्। अग्निर्न वसते रयिम्। सैनानीकेन सुविदत्रो अस्मे
यथा देवा आर्यजिष्ठः स्वस्ति। अदब्धो गोपा उत नः परस्या अग्ने द्युमदुत रेवदिदीहि॥ (५)

उप देवान् वद्वाणदाश्चतुश्चत्वारिंशच्च॥ [१]

य इमा विश्वा भुवनानि जुहुदपरिहोता निषसादा पिता नः। स आशिषा द्रविणमिच्छमानः
परमच्छदो वर आ विवेश। विश्वकर्मा मनसा यद्विहाया धाता विधाता परमोत सन्दक्। तेषामिष्टानि
समिषा मन्दन्ति यत्र सप्तर्षीन्पुन एकमाहुः। यो नः पिता जनिता यो विधाता यो नः सतो अभ्या
सञ्जजान। (६)

यो देवानां नामधा एक एव तस्मै सम्प्रजम्भुवना यन्त्यन्या। त आर्यजन्तु द्रविणं समस्मा
ऋषयः पूर्वं जरितारो न भूना। असूर्ता सूर्ता रजसो विमाने ये भूतानि समकृष्वन्निमानि। न तं विदाथ
य इदं जजानान्यद्युष्माकमन्तरम्भवाति। नीहारेण प्रावृता जल्प्या चासुतुप उक्थशासंश्चरन्ति। पुरो दिवा
पुर पुना (७)

पृथिव्या पुरो देवेभिरसुरैर्गुहा यत्। कश्चिद्वर्धं प्रथमं दध्र आपो यत्र देवाः समगच्छन्त विश्वे।
तमिदमप्रथमं दध्र आपो यत्र देवाः समगच्छन्त विश्वे। अजस्य नाभावध्येकमपितं यस्मिन्निदं विश्वम्भुवनमधि
श्रितम्। विश्वकर्मा ह्यजनिष्ट देव आदिन्द्रस्यो अंभवद्वितीयः। तृतीयः पिता जनितौपधीनाम् (८)

अपां गर्भं व्यदधात्पुरुषा। चक्षुषः पिता मनसा हि धीरो घृतमेन अजन्तन्नमाने। यदेदन्ता अददहन्त
पूर्वं आदिद्यावापृथिवी अंप्रथेताम्। विश्वतश्चक्षुरुत विश्वतोमुखो विश्वतोहस्त उत विश्वतस्पात्। सं बाहुभ्यां
नमन्ति सम्पतत्रैर्द्यावापृथिवी जनय देव एकः। किं स्विदासीदधिष्ठानमारम्भं कतमश्विक्किमासीत्। यदी
भूमिं जनयन् (९)

विश्वकर्मा वि द्यामौर्णान्महिना विश्वचक्षाः। किं स्विद्वनं क उ स वृक्ष आसीद्यतो द्यावापृथिवी
निष्टतक्षुः। मनीषिणो मनसा पृच्छतेदु तद्यदध्यतिष्ठद्भवानि धारयन्। या ते धामानि परमाणि यावमा
या मध्यमा विश्वकर्मनृतेमा। शिक्षा सखिभ्यो हविषिं स्वधावः स्वयं यजस्व तनुवं जुषाणः। वाचस्पतिं
विश्वकर्माणमुतये (१०)

मनोयुजं वाजं अद्या हुवेमा। स नो नेदिष्टा हवनानि जोषते विश्वशम्भूरवसे साधुकर्मा। विश्वकर्मन्
हविषां वावुधानः स्वयं यजस्व तनुवं जुषाणः। मुह्यन्त्वन्ये अभितः सपत्ना इहास्माकम्भुगवा सूरिरस्तु।
विश्वकर्मन् हविषा वधेन त्रातामिन्द्रमकृणोरवध्यम्। तस्मै विशः समनमन्त पूर्वीर्यमुग्रो विह्व्यो यथासत्।
समुद्राय वयुनाय सिन्धूनाम्पतये नमः। नदीनां सर्वासाम्पित्रे जुहुता विश्वकर्मणे विश्वाहामर्त्यं हविः॥ (११)

जज्ञानैर्नौपधीनां भूमिं जनयन्नृतये नमो नवं च॥ [२]

उदेनमुत्तरां नयाग्रे घृतेनाहुत। रायस्पोषेण स० सृज प्रजयां च धनेन च। इन्द्रेमम्रतरां कृधि सजातानामसद्वशी। समेनं वर्चसा सृज देवेभ्यो भागधा अंसत्। यस्य कुर्मो हविर्गृहे तमग्रे वर्धया त्वम्। तस्मै देवा अधि ब्रवन्नयं च ब्रह्मणस्पतिः। उदु त्वा विश्वे देवाः (१२)

अग्रे भरन्तु चित्तिभिः। स नो भव शिवतमः सुप्रतीको विभावसुः। पञ्च दिशो देवीर्यज्ञमवन्तु देवीरपामतिं दुर्मतिम्बाधमानाः। रायस्पोषे यज्ञपतिमाभजन्तीः। रायस्पोषे अधि यज्ञो अस्थात्समिद्धे अग्रावधिं मामहानः। उक्थपत्र ईड्यो गृभीतस्तं घर्मं परिगृह्णायजन्त। ऊर्जा यद्यज्ञमशमन्त देवा दैव्याय धर्त्रे जोष्ट्रै। देवश्रीः श्रीमणाः शतपंथाः (१३)

परिगृह्य देवा यज्ञमायन्न। सूर्यरश्मिरहरिकेशः पुरस्तात्सविता ज्योतिरुदया० अजंस्त्रम्। तस्य पूषा प्रसवं याति देवः सम्पश्यन्विश्वं भुवनानि गोपाः। देवा देवेभ्यो अध्वर्यन्तो अस्थुर्वीत० शमित्रे शमिता यजध्वै। तुरीयो यज्ञो यत्र हव्यमेति ततः पावका आशिषो नो जुपन्ताम्। विमान एष दिवो मय्य आस्त आपप्रिवान्नोदसी अन्तरिक्षम्। स विश्वाचौरभि (१४)

चष्टे घृताचौरन्तरा पूर्वमपरं च केतुम्। उक्षा समुद्रो अरुणः संपूर्णः पूर्वस्य योनिंम्यितुरा विवेश। मय्यै दिवो निहितः पृश्निरश्मा वि चक्रमे रजसः पात्यन्तौ। इन्द्रं विश्वा अवीवृधन्समुद्रव्यं चसं गिरः। रथीतम० रथीनां वाजानां० सत्यंतिम्यतिम्। सुमहूर्यज्ञो देवा० आ च वक्षद्यक्षदग्निदेवो देवा० आ च वक्षत्। वाजस्य मा प्रसवेनोद्गमेधोदग्रभीत्। अथां सपत्न्या० इन्द्रो मे निग्राभेणार्धरा० अकः। उद्ग्राभं च निग्राभं च ब्रह्म देवा अवीवृधन्। अथां सपत्नानिन्द्राग्नी मे विपूचीनान्व्यस्यताम्॥ (१५)

देवाः शतपंथा अभि वाजस्य पङ्क्तिं शतिश्च॥ [३]

आशुः शिशानो वृषभो न युष्मो घनाघनः क्षोभणश्चरषणीनाम्। सङ्क्रन्दनोऽनिमिष एकवीरः शत० सेनां अजयत्सकमिन्द्रः। संक्रन्दनेनानिमिषेण जिष्णुनां युत्कारेण दुश्चवनेन धृष्णुनां। तदिन्द्रेण जयत तत्सहध्वं युधो नर इपुहस्तेन वृष्णां। स इपुहस्तेः स निपङ्क्तिर्भिवशी स० संष्टा स युध इन्द्रो गणेन। स० सृष्टजिह्वोमपा बाहुशर्ध्वधन्वा प्रतिहिताभिरस्तां। बृहस्पते परि दीय (१६)

रथेन रक्षोहामित्रा० अपबाधमानः। प्रभञ्ज्यसेनाः प्रमृणो युधा जयन्त्रस्माकमेध्वविता रथानाम्। गोत्रभिदं गोविदं वज्रबाहुं जयन्तमज्मं प्रमृणन्मोजंसा। इम० संजाता अनु वीरयध्वमिन्द्र० सखायोजु स० रभध्वम्। बलविज्ञायः स्थविरः प्रवीरः सहस्वान् वाजी सहमान उग्रः। अभिर्वीरो अभिसत्वा सहोजा जैत्रमिन्द्र रथमा तिष्ठ गोवित्। अभि गोत्राणि सहसा गाहमानोऽदायः (१७)

वीरः शतमन्युरिन्द्रः। दुश्चवः पृतनापाडयुधोऽस्माक० सेनां अवतु प्र युधु। इन्द्रं आसां नेता बृहस्पतिर्दक्षिणा यज्ञः पुर एतु सोमः। देवसेनानामभिभञ्जतीनां जयन्तीनाममृतो यन्त्रग्रे। इन्द्रस्य वृष्णो वरुणस्य राज्ञ आदित्यानाममरुता० शर्ध उग्रम्। महार्मनसाम्भुवनच्यवानां घोषो देवानां जयतामुदस्थात्। अस्माकमिन्द्रः समृतेषु ध्वजेष्वस्माकं या इषवस्ता जयन्तु। (१८)

अस्माकं वीरा उत्तरे भवन्त्वस्मान् देवा अवता हवेषु। उद्धरष्य मघवन्नारुधान्युध्मत्वंनामाम्कानाम्हा० सि। उद्धृहन्वाजिनां वाजिनान्युद्धवानां जयतामेतु घोषः। उप प्रेत जयता नरः स्थिरा वः सन्तु बाहवः। इन्द्रो

वः शर्म यच्छत्वनाधृष्या यथासंथा अवसृष्टा परा पतु शरंव्ये ब्रह्मसंशिता। गच्छामित्रान्म (१९)

विश मैपां कं चनोच्छिपः। मर्माणि ते वर्मभिश्छादयामि सोमस्त्वा राजामृतैनाभि वंस्ताम्। उरोर्वरीयो वरिवस्ते अस्तु जयन्तं त्वामनु मदन्तु देवाः। यत्र बाणाः सम्पतन्ति कुमारा विशिखा इवा इन्द्रो नस्तत्र वृत्रहा विश्वाहा शर्म यच्छतु॥ (२०)

दीया दायो जयन्त्वमित्रान्म चत्वारिंशच्च॥ [४]

प्राचीमनुं प्रदिशम्रेहि विद्वानग्रेरग्रे पुरो अग्निर्भवह। विश्वा आशा दीद्यानो वि भाह्युर्जं नो धेहि द्विपदे चतुष्पदे। क्रमध्वमग्निना नाकमुख्यं हस्तेषु विभ्रतः। दिवः पृष्ठं सुवर्गत्वा मिश्रा देवमिराद्धम्। पृथिव्या अहमुदन्तरिक्षमारुहमुदन्तरिक्षादिवमारुहम्। दिवो नाकस्य पृष्ठाभ्युज्योतिरगाम् (२१)

अहम्। सुवर्यन्तो नापैक्षन्तु आ द्यां रोहन्ति रोदसी। यज्ञं ये विश्वतोधारं सुविद्धांसो वितेनिरे। अग्रे प्रेहिं प्रथमो देवयतां चक्षुर्देवानामुत मर्त्यानाम्। इयंक्षमाणा भृगुभिः सजोषाः सुवर्यन्तु यजमानाः स्वस्ति। नक्तोषासा समनसा विरूपे धापयन्ते शिशुमेकं समीची। द्यावा क्षामां रुक्मो अन्तर्विभाति देवा अग्निं धारयन्द्रविणोदाः। अग्रे सहस्राक्ष (२२)

शतमूर्धच्छतं तै प्राणाः सहस्रमपानाः। त्वं साहस्रस्य राय ईशिषे तस्मै ते विधेम वाजाय स्वाहा। सुपर्णांसि गुरुत्मानृथिव्यां सीद पृष्ठे पृथिव्याः सीद भासान्तरिक्षमा पृण ज्योतिषा दिवमुत्तभान् तेजसा दिश उदृंह। आजुह्वानः सुप्रतीकः पुरस्तादग्रे स्वां योनिमा सीद साध्या। अस्मिन्सधस्थे अद्युत्तरस्मिन्विश्वे देवाः (२३)

यजमानश्च सीदत। प्रेद्धौ अग्रे दीदिहि पुरो नोऽजंस्रया सूर्या यविष्ठ। त्वं शश्वन्त उपं यन्ति वाजाः। विधेम ते परमे जन्मन्ग्रे विधेम स्तोमैरवरे सधस्थै। यस्माद्योनैरुदारिथा यजे तम् त्वे हवीर्षि जुहुरे समिद्धे। तां संवितुर्वरेण्यस्य चित्रामाहं वृणे सुमति विश्वजन्याम्। यामस्य कण्वो अदुहृत्प्रपीनां सहस्रेधाराम् (२४)

पर्यसा महीं गाम्। सप्त तै अग्रे समिधः सप्त जिह्वाः सप्तरषयः सप्त धाम प्रियाणि। सप्त होत्राः सप्तधा त्वां यजन्ति सप्त योनीरा पृणस्वा घृतेन। ईदङ्वाद्यादङ्वाद्यादङ्वा प्रतियङ्वा मितश्च सम्मितश्च सभराः। शुक्रज्योतिश्च चित्रज्योतिश्च सत्यज्योतिश्च ज्योतिष्माश्च सत्यश्चर्तुपाशायत्यंहाः। (२५)

ऋतजिच्च सत्यजिच्च सेनुजिच्च सुपेणश्चान्त्यमित्रश्च दूरेअमित्रश्च गुणः। ऋतश्च सत्यश्च ध्रुवश्च धरुणश्च धर्ता च विधर्ता च विधारयः। ईदक्षांस एतादक्षांस ऊ पु णः सदक्षांसः प्रतिसदक्षांस एतना। मितासंश्च सम्मितासश्च न ऊतये सभरसो मरुतो यजे अस्मिन्निन्द्रं देवीर्विशो मरुतोऽनुवर्त्मानो यथेन्द्रं देवीर्विशो मरुतोऽनुवर्त्मान एवमिमं यजमानं देवींश्च विशो मानुषीश्वानुवर्त्मानो भवन्तु॥ (२६)

अगां सहस्राक्ष देवाः सहस्रेधारामत्यंहा अनुवर्त्मानः षोडश च॥ [५]

जीमूतस्येव भवति प्रतीकं यद्वर्मी याति समदामुपस्थै। अनाविद्धया तनुवां जय त्वं स त्वा वर्मणो महिमा पिपर्तु। धन्वंना गा धन्वंनाजिं जयेम धन्वंना तीव्राः समदौ जयेम। धनुः शत्रौरपकामं

कुणोति धन्वना सर्वाः प्रदिशो जयेम। वक्ष्यन्तीवेदा गनीगन्ति कर्णम्रियं सखायं परिपस्वजाना। योषेव शिङ्गे वितताधि धन्वन् (२७)

ज्या इयं समने पारयन्ती। ते आचरन्ती समनेव योषा मातेवं पुत्रम्बिभृतामुपस्थै। अप शत्र न्विध्यता संविदाने आर्त्ता इमे विष्फुरन्ती अमित्रान्। बह्वीनाम्पिता बहुरस्य पुत्रश्चिक्षा कुणोति समनावगत्या। इपुधिः सङ्गाः पृतनाश्च सर्वाः पृष्ठे निनद्धो जयति प्रसूतः। रथे तिष्ठन्नयति वाजिनः पुरो यत्रयत्र कामयते सुपारथिः। अभीशूनाम्महिमानम् (२८)

पनायत मनः पश्चादनु यच्छन्ति रश्मयः। तीब्रान्योषान्कृण्वते वृषपाणयोऽश्वा रथेभिः सह वाजयन्तः। अवक्रामन्तः प्रपदैरमित्रान्क्षिणन्ति शत्रून् रनपव्ययन्तः। रथवाहनं हविरस्य नाम यत्रायुधं निहितमस्य वर्म। तत्रा रथमुप शम्भं सदेम विश्वाहा वयं सुमनस्यमानाः। स्वादुषसदः पितरो वयोधाः कृच्छ्रश्रितः शक्तीवन्तो गभीराः। चित्रसेना इषुबला अमृध्राः सुतोवीरा उरवो ब्रातसाहाः। ब्राह्मणासः (२९)

पितरः सोम्यांसः शिवे नो द्यावापृथिवी अनेहसा। पूषा नः पातु दुरितादृतावृधो रक्षा मार्किनो अधशरंस ईशता। सुपर्ण वंस्ते मृगो अस्या दन्तो गोभिः सन्नद्धा पतति प्रसूता। यत्रा नरः सं च वि च ब्रवन्ति तत्रास्मभ्यमिषवः शर्म यंसत्र। ऋजीति परि वृद्धि नोऽश्मा भवतु नस्तनूः। सोमो अधि ब्रवीतु नोऽर्दितिः (३०)

शर्म यच्छतु। आ जङ्घन्ति सान्वेषां जुघनां उप जिघ्रते। अश्वाजनि प्रचेतसोऽश्वान्स्मभ्यं चोदया। अहिरिव भोगैः पर्यति बाहु ज्यायां हेति परिबाधमानः। हस्तघ्नो विश्वा वयुनानि विद्वान्मुमाम्मुमांसं परि पातु विश्वतः। वनस्पते वीङ्गङ्गो हि भूया अस्मत्सखा प्रतरणः सुवीरः। गोभिः सन्नद्धो असि वीडयस्वास्थाता तै जयतु जेत्वानि। दिवः पृथिव्याः परि (३१)

ओज उद्धृतं वनस्पतिभ्यः पर्याभृतं सहः। अपामोज्मानं परि गोभिरावृतमिन्द्रस्य वज्रं हविषा रथं यजा। इन्द्रस्य वज्रो मरुतामनीकमित्रस्य गर्भो वरुणस्य नाभिः। सेमां नो हव्यदाति जुषाणो देवं रथ प्रति हव्या गृभाय। उप श्वासय पृथिवीमुत द्याम्युत्रा तै मनुतां विष्टितं जगत्। स दुन्दुभे सजूरिन्द्रेण देवेर्दृगात् (३२)

दवीयो अप सेध शत्रून्। आ क्रन्दय बलमोजो न आ धा नि दृनिहि दुरिता बाधमानः। अप प्रोथ दुन्दुभे दुच्छुना इत इन्द्रस्य मुष्टिरसि वीडयस्वा। आमूरज प्रत्यावर्तयेमाः कैतुमहुन्दुभिर्वावदिति। समर्थपर्णाश्चरन्ति नो नरोऽस्माकमिन्द्र रथिनो जयन्तु॥ (३३)

धन्वन्महिमानं ब्राह्मणांसोर्दितिः पृथिव्याः परि दूरादेकचत्वारिंशच्च॥ [६]

यदक्रन्दः प्रथमं जायमान उद्यन्त्समुद्रादुत वा पुरीपात्। श्येनस्य पक्षा हरिणस्य बाहू उपस्तुत्यम्महि जातं तै अर्वन्। यमेन दत्तं त्रित एनमायुनगिन्द्र एणमप्रथमो अय्यतिष्ठत्। गन्धर्वो अस्य रशनामंगुणाध्मरुदध्वं वसवो निरतष्ट। असि यमो अस्यादित्यो अर्वन्नसि त्रितो गुह्येन व्रतेन। असि सोमेन समया विपुक्तः (३४)

आहुस्ते त्रीणि दिवि बन्धनानि। त्रीणि त आहुर्दिवि बन्धनानि त्रीण्यप्सु त्रीण्यन्तः समुद्रे। उतेवं मे

वरुणश्छन्त्यस्यर्वन् यत्रां त आहुः परंमं जनित्रम्। इमा ते वाजिन्नवमार्जनानीमा शफानां सन्तितुर्निधानां। अत्रां ते भद्रा रशना अपश्यमृतस्य या अभिरक्षन्ति गोपाः। आत्मानं ते मनसा रादजानाम्बो दिवा (३५)

पुतयन्तम्पतंगम्। शिरो अपश्यम्पथिभिः सुगोभिररेणुभिर्जहमानम्पतत्रि। अत्रां ते रूपमुत्तममपश्यं जिगीषमाणमिष आ पदे गोः। यदा ते मर्तो अनु भोगमान्डादिद्विसिष्ट ओषधीरजीगः। अनु त्वा रथो अनु मर्यो अर्वन्ननु गावोऽनु भगः कनीनाम्। अनु व्रातांसुस्तवं सख्यमीयुरनु देवा ममिरे वीर्यम् (३६)

ते। हिरण्यशृङ्गोऽयो अस्य पादा मनोजवा अवर् इन्द्र आसीत्। देवा इदस्य हविरद्यमायन् यो अर्वन्तम्प्रथमो अध्यतिष्ठत्। ईर्मान्तासः सिलिकमध्यमासः स शूरणासो दिव्यासो अत्याः। हुसा इव श्रेणिशो यतन्ते यदाक्षिपुर्दिव्यमज्ममथाः। तव शरीरम्पतयिष्वर्वन्तव चित्तं वार्त इव ध्रजमान्। तव शृङ्गाणि विष्टिता पुरुत्रारण्येषु जर्भुराणा चरन्ति। उप (३७)

प्रागाच्छसं वाज्यवा देवद्रीचा मनसा दीध्यानः। अजः पुरो नीयते नाभिरस्यानु पश्चात्कवयो यन्ति रेभाः। उप प्रागात्परमं यथस्थमर्वा अच्छा पितरम्मातरं च। अद्या देवां जुष्टमो हि गुम्या अथा शास्ते दाशुषे वार्याणि॥ (३८)

विपृक्तो दिवा वीर्यमुपैकान्नचत्वारिंशच्च॥ [७]

मा नो मित्रो वरुणो अर्यमायुरिन्द्रं ऋभुक्षा मरुतः परि ख्यन्। यद्वाजिनो देवजातस्य सप्तः प्रवक्ष्यामो विदथे वीर्याणि। यत्रिणिजा रेक्पांसा प्रावृतस्य रातिं गृभीताम्मुखतो नयन्ति। सुप्राङ्जो मेम्यद्विश्वरूप इन्द्रापृष्णोः प्रियमय्येति पार्थः। एष च्छागः पुरो अश्वेन वाजिनो पृष्णो भागो नीयते विश्वदैव्यः। अभिप्रियं यत्पुरोडाशमर्वा त्वष्टेत् (३९)

एन सौश्रवसाय जिन्वति। यद्धविष्यमृतुशो देव्यान् त्रिर्मानुषाः पर्यश्वं नयन्ति। अत्रां पृष्णः प्रथमो भाग एति यज्ञं देवेभ्यः प्रतिवेदयन्नजः। होताध्वर्युरावया अग्निमन्यो ग्रावग्राभ उत शक्ता सुविप्रः। तेन यज्ञेन स्वं कृतेन स्विष्टेन वक्षणा आ पृणध्वम्। यूपवस्का उत ये यूपवाहाश्चालं ये अश्वयूपाय तक्षति। ये चार्वाते पचनं सम्भरन्त्युतो (४०)

तेषामभिर्गतिर्नि इन्वतु। उप प्रागात्सुमन्मंसायि मन्मं देवानामाशा उप वीतपृष्ठः। अन्वेनं विप्रा ऋषयो मदन्ति देवानां पुष्टे चक्रमा सुबन्धुम्। यद्वाजिनो दामं सदान्मर्वातो या शौरपण्यां रशना रङ्गुरस्या। यद्वा घास्य प्रभृतमास्ये तृणं सर्वा ता ते अपि देवेष्वस्तु। यदश्वस्य ऋविषः (४१)

मक्षिकाश्च यद्वा स्वरो स्वर्धितौ रिसमस्ति। यद्धस्तयोः शमितुर्यन्नखेषु सर्वा ता ते अपि देवेष्वस्तु। यदूर्ध्वमुदरस्यापवाति य आमस्यं ऋविषो गन्धो अस्ति। सुकृता तच्छमितारः कृण्वन्तु मेधं श्रुत्पाकं पचन्तु। यत्ते गात्रादग्निना पच्यमानादभि शूलं निहतस्यावधावन्ति। मा तद्धम्यामा श्रिषन्मा तृणेषु देवेभ्यस्तदुशश्च्यो रातमस्तु॥ (४२)

इदुतो ऋविषः श्रिषथ्स च॥ [८]

ये वाजिनं परिपश्यन्ति पक्वं य ईमाहुः सुरभिर्निरहुरेति। ये चार्वतो मांसमभिक्षामुपासन्त उतो तेषामभिर्गूर्तिर्न इन्वतु। यन्नीक्षणम्मांसस्पचन्या उखाया या पात्राणि यूष्ण आसेचनानि। ऊष्मण्यापिधानां चरूणामङ्गाः सूनाः परि भूपन्त्यश्वम्। निक्रमणं निषदनं विवर्तनं यच्च पङ्क्तिशमर्वतः। यच्च पपौ यच्च घासिम् (४३)

जघासु सर्वा ता ते अपि देवेष्वस्तु। मा त्वाग्निध्वनयिद्धमगन्धिर्मोखा भ्राजन्त्यभि विक्तु जग्निः। इष्टं वीतमभिर्गूर्तिं वर्षद्वृतं तं देवासुः प्रति गृभ्णन्त्यश्वम्। यदश्वाय वासं उपस्तृणन्त्यधीवासं या हिरण्यान्यस्मे। संदानमर्वन्तम्पङ्क्तिशम्रिया देवेष्व यांमयन्ति। यत्तं सादे महसा शूकृतस्य पाणिंया वा कशंया (४४)

वा तुतोद। सुचेव ता हविषो अध्वरेषु सर्वा ता ते ब्रह्मणा सूदयामि। चतुस्त्रिंशद्वाजिनो देवबन्धोर्वङ्गीरश्वस्य स्वधितिः समेति। अच्छिद्रा गात्रा वयुनां कृणोत परंष्परुरनुघुष्या वि शंस्ता। एकस्त्वष्टुरश्वस्या विशस्ता द्वा यन्तारा भवतस्तथर्तुः। या ते गात्राणामृतुथा कृणोमि ताता पिण्डानाम्प्र जुहोम्यग्ने। मा त्वा तपत् (४५)

प्रिय आत्मापियन्त मा स्वधितिस्तनुव आ तिष्ठिपत्ते। मा तै गृध्रुरविशस्तातिहाय छिद्रा गात्राण्यसिना मिथुं कः। न वा उ वेतन्म्रियसे न रिष्यसि देवा इदेषि पृथिभिः सुगेभिः। हरी ते युञ्जा पृषंती अभूतामुपांस्थाद्वाजी धुरि रासंभस्या। सुगव्यं नो वाजी स्वधियम्युसः पुत्रा उत विश्वापुष रयिम्। अनागास्त्वं नो अदितिः कृणोत क्षत्रं नो अश्वो वनता हविष्मान् (४६)

घासिं कशंया तपद्रयिं नवं च॥

[१]

॥सप्तमः प्रश्नः॥

॥तैत्तिरीयसंहितायां चतुर्थकाण्डे सप्तमः प्रश्नः॥

अग्नाविष्णू सजोषंसेमा वर्धन्तु वां गिरः। द्युन्नेर्वाजैर्भिरागतम्। वाजंश्च मे प्रसवश्च मे प्रयतिश्च मे प्रसितिश्च मे धीतिश्च मे क्रतुश्च मे स्वरश्च मे श्लोकश्च मे श्रावश्च मे श्रुतिश्च मे ज्योतिश्च मे सुवश्च मे प्राणश्च मेऽपानः (१)

च मे व्यानश्च मेऽसुश्च मे चित्तं च म आधीतं च मे वाक् च मे मनश्च मे चक्षुश्च मे श्रोत्रं च मे दक्षश्च मे बलं च म ओजश्च मे सहश्च म आयुश्च मे जरा च म आत्मा च मे तनूश्च मे शर्म च मे वर्म च मेऽङ्गानि च मेऽस्थानि च मे परूषि च मे शरीराणि च मे॥ (२)

अपानस्तनूश्च मेऽष्टादश च॥

[१]

ज्यैष्ठ्यं च म आधिपत्यं च मे मन्युश्च मे भामश्च मेऽमंश्च मेऽम्भंश्च मे जेमा च मे महिमा च मे वरिमा च मे प्रथिमा च मे वर्ष्मा च मे द्राघुया च मे वृद्धं च मे वृद्धिश्च मे सत्यं च मे श्रद्धा

चं मे जगच्च (३)

मे धनं च मे वशश्च मे त्विषिश्च मे क्रीडा च मे मोदश्च मे जातं च मे जनिष्यमाणं च मे सुक्तं च मे सुकृतं च मे वित्तं च मे वेद्यं च मे भूतं च मे भविष्यच्च मे सुगं च मे सुपथं च म ऋद्धं च म ऋद्धिश्च मे क्लृप्तं च मे क्लृप्तिश्च मे मृतिश्च मे सुमृतिश्च मे॥ (४)

जगच्चर्द्धिश्चतुर्दश च॥ [२]

शं चं मे मयश्च मे प्रियं चं मेऽनुकामश्च मे कामश्च मे सौमनसश्च मे भद्रं चं मे श्रेयश्च मे वस्यश्च मे यशश्च मे भगश्च मे द्रविणं च मे यन्ता चं मे धृता चं मे क्षेमश्च मे धृतिश्च मे विश्वं च (५)

मे महश्च मे संविच्च मे ज्ञात्रं च मे सूश्च मे प्रसूश्च मे सीरं च मे लयश्च म ऋतं चं मेऽमृतं च मेऽयक्ष्मं च मेऽनामयच्च मे जीवातुश्च मे दीर्घायुत्वं च मेऽनमित्रं च मेऽभयं च मे सुगं चं मे शयनं च मे सूषा चं मे सुदिनं च मे॥ (६)

विश्वं च शयनमष्टौ च॥ [३]

ऊर्कं मे सूनृतां च मे पयश्च मे रसश्च मे घृतं चं मे मधुं च मे सग्धिश्च मे सपीतिश्च मे कृषिश्च मे वृष्टिश्च मे जैत्रं च म औद्धिद्यं च मे रयिश्च मे रायश्च मे पुष्टं चं मे पुष्टिश्च मे विभुं च (७)

मे प्रभु चं मे बहु चं मे भूयश्च मे पूर्णं चं मे पूर्णतरं च मेऽक्षितिश्च मे कूर्यवाश्च मेऽन्नं च मेऽक्षुच्च मे ब्रीहयश्च मे यवांश्च मे मापांश्च मे तिलांश्च मे मुद्राश्च मे खल्वांश्च मे गोधूमांश्च मे मसुरांश्च मे प्रियङ्गवश्च मेऽणवश्च मे श्यामाकांश्च मे नीवारांश्च मे॥ (८)

विभु चं मसुराश्चतुर्दश च॥ [४]

अश्मां च मे मृत्तिका च मे गिरयश्च मे पर्वताश्च मे सिकताश्च मे वनस्पतयश्च मे हिरण्यं च मेऽयश्च मे सीसं च मे त्रपुंश्च मे श्यामं चं मे लोहं चं मेऽग्निश्च म आपंश्च मे वीरुधंश्च म ओषधयश्च मे कृष्टपच्यं चं (९)

मेऽकृष्टपच्यं चं मे ग्राम्याश्च मे पशवं आरण्याश्च यजेनं कल्पन्तां वित्तं चं मे वित्तिश्च मे भूतं चं मे भूतिश्च मे वसुं च मे वसतिश्च मे कर्म च मे शक्तिश्च मेऽयश्च म एमंश्च म इतिश्च मे गतिश्च मे॥ (१०)

कृष्टपच्यश्चाष्टाचत्वारिंशच्च॥ [५]

अग्निश्च म इन्द्रश्च मे सोमंश्च म इन्द्रश्च मे सविता चं म इन्द्रश्च मे सरस्वती च म इन्द्रश्च मे पूषा चं म इन्द्रश्च मे बहुस्पतिश्च म इन्द्रश्च मे मित्रश्च म इन्द्रश्च मे वरुणश्च म इन्द्रश्च मे त्वष्टां च (११)

म इन्द्रश्च मे धाता चं म इन्द्रश्च मे विष्णुश्च म इन्द्रश्च मेऽश्विनौ च म इन्द्रश्च मे मरुतश्च
म इन्द्रश्च मे विश्वे च मे देवा इन्द्रश्च मे पृथिवी चं म इन्द्रश्च मेऽन्तरिक्षश्च म इन्द्रश्च मे द्यौश्च म
इन्द्रश्च मे दिशश्च म इन्द्रश्च मे मूर्धा चं म इन्द्रश्च मे प्रजापतिश्च म इन्द्रश्च मे॥ (१२)

त्वष्टां च द्यौश्चं म एकविंशतिश्च॥ [६]

अशुश्च मे रश्मिश्च मेऽदाभ्यश्च मेऽधिपतिश्च म उपाशुश्च मेऽन्तर्यामश्च म ऐन्द्रवायवश्च मे
मैत्रावरुणश्च मे आश्विनश्च मे प्रतिप्रस्थानश्च मे शुक्रश्च मे मन्थी चं म आग्रयणश्च मे वैश्वदेवश्च मे
ध्रुवश्च मे वैश्वानरश्च म ऋतुग्रहाश्च (१३)

मेऽतिग्राह्याश्च म ऐन्द्राग्रश्च मे वैश्वदेवश्च मे मरुत्वतीयाश्च मे माहेन्द्रश्च म आदित्यश्च मे सावित्रश्च
मे सारस्वतश्च मे पौष्णश्च मे पालीवतश्च मे हारियोजनश्च मे॥ (१४)

ऋतुग्रहाश्च चतुस्त्रिंशच्च॥ [७]

इध्मश्च मे बरहिश्च मे वेदिश्च मे धिष्ण्याश्च मे सुचंश्च मे चमसाश्च मे ग्रावाणश्च मे स्वरंश्च म
उपरवाश्च मेऽधिषवणे च मे द्रोणकलशश्च मे वायव्यानि च मे पूतभृच्चं म आधवनीयश्च म आग्नीध्रं च
मे हविर्धानं च मे गृहाश्च मे सदश्च मे पुरोडाशाश्च मे पचताश्च मेऽवभृथश्च मे स्वगाकारश्च मे॥ (१५)

गृहाश्च षोडश च॥ [८]

अग्निश्च मे घर्मश्च मेऽर्कश्च मे सूर्यश्च मे प्राणश्च मेऽश्वमेधश्च मे पृथिवी च मेऽदितिश्च मे दितिश्च
मे द्यौश्च मे शकरीरङ्गुलंयो दिशश्च मे यज्ञेन कल्पन्तामृक्च मे सामं च मे स्तोमश्च मे यजुश्च मे दीक्षा
चं मे तपश्च म ऋतुश्च मे व्रतं चं मेऽहोरात्रयौर्वृष्टा बृहद्रथन्तरे चं मे यज्ञेन कल्पेताम्॥ (१६)

दीक्षाऽष्टादश च॥ [९]

गर्भाश्च मे वथ्साश्च मे त्र्यविश्च मे त्र्यवी चं मे दित्यवाद् च मे दित्यौही चं मे पश्चांविश्च मे
पश्चावी चं मे त्रिवथ्सश्च मे त्रिवथ्सा चं मे तुर्यवाद् च मे तुर्यौही चं मे पष्ठवाचं मे पष्ठौही चं म उक्षा
चं मे वशा चं म ऋषभश्च (१७)

मे वेहचमेऽनुङ्गां चं मे धेनुश्च म आर्युर्यज्ञेन कल्पतां प्राणो यज्ञेन कल्पतामपानो यज्ञेन कल्पताव्यानो
यज्ञेन कल्पतां चक्षुर्यज्ञेन कल्पतां श्रोत्रं यज्ञेन कल्पताममनो यज्ञेन कल्पतां वाग्यज्ञेन कल्पतामात्मा
यज्ञेन कल्पतां यज्ञो यज्ञेन कल्पताम्॥ (१८)

ऋषभश्च चत्वारिंशच्च॥ [१०]

एकां च मे तिस्रश्च मे पञ्चं च मे सप्तं चं मे नवं च म एकादशं च मे त्रयोदशं च मे
पञ्चदशं च मे सप्तदशं च मे नवदशं च म एकविंशतिश्च मे त्रयोविंशतिश्च मे पञ्चविंशतिश्च मे
सप्तविंशतिश्च मे नवविंशतिश्च म एकत्रिंशच्च मे त्रयस्त्रिंशच्च (१९)

मे चतस्रश्च मेऽष्टौ चं मे द्वादशं च मे षोडशं च मे विंशतिश्च मे चतुर्विंशतिश्च मेऽष्टाविंशतिश्च मे

द्वात्रिंशच्च मे षट्त्रिंशच्च मे चत्वारिंशच्च मे चतुश्चत्वारिंशच्च मेऽष्टाचत्वारिंशच्च मे वाजंश्च प्रसूवश्चापिजश्च
 क्रतुश्च सुवंश्च मूर्धा च व्यश्रियश्चान्त्यायानश्चान्त्यंश्च भौवनश्च भुवनंश्चाधिपतिश्च॥ (२०)

त्रयंस्त्रिंशच्च व्यश्रियं एकादश च॥ [११]

वाजो नः सप्त प्रदिशश्चतस्रो वा परावतः। वाजो नो विश्वेदैवैर्धनंसाताविहावतु। विश्वे अद्य मरुतो
 विश्वं ऊती विश्वे भवन्त्वग्नयः समिद्धाः। विश्वे नो देवा अवसा गमन्तु विश्वमस्तु द्रविणं वाजो अस्मे।
 वाजस्य प्रसवं देवा रथैर्याता हिरण्यैः। अग्निरिन्द्रो बृहस्पतिर्मरुतः सोमपीतये। वाजंवाजेऽवत वाजिनो नो
 धनेषु (२१)

विप्रा अमृता ऋतज्ञाः। अस्य मध्वः पिबत मादयेध्वं तृसा यात पृथिभिर्देवयानैः। वाजः पुरस्तादुत
 मध्यतो नो वाजो देवाः ऋतुभिः कल्पयाति। वाजस्य हि प्रसवो नन्नमीति विश्वा आशा वाजंपतिर्भवेयम्।
 पर्यः पृथिव्याम्यय ओषधीषु पर्यो दिव्यन्तरिक्षे पर्यो धाम्। पर्यस्वतीः प्रदिशः सन्तु मह्यम्। सम्मां सृजामि
 पर्यसा घृतेन सम्मां सृजाम्यपः (२२)

ओषधीभिः। सौऽहं वाजं सनेयमग्ने। नक्तोपासा समनसा विरूपे धापयेंते शिशुमेकं समीची।
 द्यावा क्षामां रुक्मो अन्तर्वि भाति देवा अग्निं धारयन्द्रविणोदाः। समुद्रोऽसि नभस्वानाद्रदानुः शम्भूर्मयोभूरभि
 मां वाहि स्वाहां मारुतोऽसि मरुतां गणः शम्भूर्मयोभूरभि मां वाहि स्वाहावस्युरसि दुवंस्वाच्छम्भूर्मयोभूरभि
 मां वाहि स्वाहा॥ (२३)

धनेष्वपो दुवंस्वाच्छम्भूर्मयोभूरभि मा द्वे च॥ [१२]

अग्निं युनज्मि शवंसा घृतेन दिव्यं सुंपूर्णं वयंसा बृहन्तम्। तेन वयं पतेम ब्रध्नस्यं विष्टपुं
 सुवो रुहाणा अधि नाकं उत्तमे। इमौ ते पक्षावजरौ पतत्रिणो याभ्यां रक्षास्यपहस्यग्ने। ताभ्यां पतेम
 सुकृतांमु लोके यत्ररपयः प्रथमजा ये पुराणाः। चिदसि समुद्रयोनिरिन्दुर्दक्षः श्येन ऋतावा। हिरण्यपक्षः
 शकुनो भुरण्युर्महान्सधस्थे ध्रुवः (२४)

आ निषंतः। नमस्ते अस्तु मा मां हिंसीर्विश्वस्य मूर्धन्नधिं तिष्ठसि श्रितः। समुद्रे ते
 हृदयमन्तरायुर्द्यावापृथिवी भुवनेष्वर्पिते। उद्रो दंतोदधिभिन्त दिवः पर्जन्यादन्तरिक्षात्पृथिव्यास्ततो नो वृष्ट्यावत।
 दिवो मूर्धासि पृथिव्या नाभिर्रूर्गपाभोषधीनाम्। विश्वायुः शर्म सप्रथा नमस्पथे। येनरपयस्तपसा सन्नम् (२५)

आसतेन्धाना अग्निं सुवंराभरन्तः। तस्मिन्नहं नि दधे नाकं अग्निमेतं यमाहुर्मनवः स्तीर्णवर्हिषम्।
 तम्पत्नीभिरनु गच्छेम देवाः पुत्रैर्भ्रातृभिर्भुत वा हिरण्यैः। नाकं गृह्णानाः सुकृतस्यं लोके तृतीयं पृष्ठे अर्धि
 रोचने दिवः। आ वाचो मध्यमरुहद्भुरण्युरयमग्निः सत्पतिश्चेकितानः। पृष्ठे पृथिव्या निर्हितो दविद्युतदधस्पदं
 कृणुते (२६)

ये पृतन्यवः। अयमग्निर्वीरतमो वयोधाः संहस्त्रियो दीप्यतामप्रयुच्छन्। विभ्राजमानः सरिरस्य मध्य
 उप्र प्र यात दिव्यानि धामा। सम्प्र च्यवध्वमनु सम्प्र याताग्ने पथो देवयानांकृणुध्वम्। अस्मिन्सधस्थे
 अध्युत्तरस्मिन्विश्वे देवा यजमानश्च सीदत। येनां सहस्रं बहसि येनाग्ने सर्ववेदसम्। तेनेमं यज्ञं नो वह

देव्यानो यः (२७)

उत्तमः। उद्ध्व्यस्वाग्ने प्रति जागृह्येनमिष्टापूर्ते सःसृजेथामयं च। पुनः कृण्वस्त्वां पितरं युवानमन्वाताःसीत् त्वयि तन्तुमेतम्। अयं ते योनिर्ऋत्वियो यतो जातो अरोचथाः। तं जानन्नग्र आ रोहाथां नो वर्धया रयिम्॥ (२८)

ध्रुवः सत्रं कृणुते यः सप्तत्रिंशच्च॥ [१३]

ममाग्ने वर्चो विह्वेष्वस्तु वयं त्वेभ्यानास्तनुवम्पुषेम। मह्यं नमन्ताम्रदिशश्चतस्रस्त्वयाध्यक्षेण पृतना जयेम। मम देवा विह्वे संन्तु सर्व इन्द्रावन्तो मरुतो विष्णुरग्निः। ममान्तरिक्षमुरु गोपमस्तु मह्यं वातेः पवतां कामे अस्मिन्। मयि देवा द्रविणमा यजन्ताममय्याशीरस्तु मयि देवहूतिः। देव्या होतांरा वनिपन्त (२९)

पूर्वेऽरिष्टाः स्याम तनुवां सुवीराः। मह्यं यजन्तु मम् यानि हव्याकूतिः सत्या मनसो मे अस्तु। एनो मा नि गां कतमच्चनाहं विश्वे देवासो अधि वोचता मे। देवाः षड्वीरुरु णः कृणोत विश्वे देवास इह वीरयध्वम्। मा हास्महि प्रजया मा तनूभिर्मा रधाम द्विपते सोम राजन्। अग्निर्मन्युम्रतिनुदन्पुरस्तात् (३०)

अदब्धो गोपाः परि पाहि नस्त्वम्। प्रत्यञ्चो यन्तु निगुतः पुनस्तंऽमेषां चित्तम्प्रबुधा वि नैशत्। धाता धातृणाम्बुवनस्य यस्पतिर्देवः सवितारमभिमातिपाहम्। इमं यज्ञमश्विनोभा बृहस्पतिर्देवाः पातु यजमानं न्यथात्। उरुव्यचां नो महिषः शर्म यःसदस्मिन् हवे पुरुहूतः पुरुक्षु। स नः प्रजायै हर्यश्च मृडयेन्द्र मा (३१)

नो रीरिषो मा परां दाः। ये नः सपत्ना अप ते भवन्त्विन्द्राग्निभ्यामव बाधामहे तान्। वसवो रुद्रा आदित्या उपरिस्पृशम्मोग्रं चेतांरमधिराजमक्रन्। अर्वाश्चमिन्द्रममुतो हवामहे यो गोजिद्धंनजिदंश्चजिद्यः। इमं नो यज्ञं विह्वे जुषस्वास्य कुर्मो हरिवो मेदिनं त्वा॥ (३२)

वनिपन्त पुरस्तान्मा त्रिचत्वारिंशच्च॥ [१४]

अग्नेर्मन्वे प्रथमस्य प्रचेतसो यम्पाञ्चजन्यम्बृहवः समिन्धतै। विश्वस्यां विशि प्रविशिशिवाःसमीमहे स नो मुश्रत्वःहंसः। यस्येदं प्राणन्निमिषद्यदेजति यस्य जातं जनमानं च केवलम्। स्तौम्यग्निं नाथितो जोहवीमि स नो मुश्रत्वःहंसः। इन्द्रस्य मन्ये प्रथमस्य प्रचेतसो वृत्रघ्नः स्तोमा उप मामुपागुः। यो दाशुषः सुकृतो हवमुप गन्तां (३३)

स नो मुश्रत्वःहंसः। यः सङ्ग्रमं नयति सं वशी युधे यः पुष्टानि सःसृजति त्रायाणि। स्तौमीन्द्रं नाथितो जोहवीमि स नो मुश्रत्वःहंसः। मन्वे वाग्मित्रावरुणा तस्य वित् सत्यौजसा दृहणा यं नुदेयै। या राजानं सूरथं याथ उग्रा ता नो मुश्रत्मागंसः। यो वा रथं ऋजुरग्निमि सत्यधर्मा मिथुश्चरन्तमुपयाति दूषयन्। स्तौमि (३४)

मित्रावरुणा नाथितो जोहवीमि तौ नो मुश्रत्मागंसः। वायोः सवितुर्विदधानि मन्महे यावात्स्मन्वद्विभृतो यो च रक्षतः। यो विश्वस्य परिभू बभूवतुस्तौ नो मुश्रत्मागंसः। उप श्रेष्ठां न आशिषो देवयोधर्मं

अस्थिरन्। स्तौमि वायुं संवितारं नाथितो जौहवीमि तौ नौ मुञ्चतुमागंसः। रथीतमौ रथीनामह ऊतये शुभं गर्मिष्ठौ सुयमैभिरथैः। ययोः (३५)

वां देवौ देवेष्वनिशितमोजस्तौ नौ मुञ्चतुमागंसः। यदयातं बहुतुं सूर्यायांश्चिक्रेणं सुसदमिच्छमानौ। स्तौमि देवावश्विनौ नाथितो जौहवीमि तौ नौ मुञ्चतुमागंसः। मरुताम्मन्वे अधि नो ब्रुवन्तु प्रेमां वाचं विश्वामवन्तु विश्वैः। आशून् हुवे सुयमानूतये ते नौ मुञ्चन्त्वेनंसः। तिग्ममायुधं वीडितं सहस्वद्विव्यं शर्धः (३६)

पृतनासु जिष्णु। स्तौमि देवान्मरुतौ नाथितो जौहवीमि ते नौ मुञ्चन्त्वेनंसः। देवानांम्मन्वे अधि नो ब्रुवन्तु प्रेमां वाचं विश्वामवन्तु विश्वैः। आशून् हुवे सुयमानूतये ते नौ मुञ्चन्त्वेनंसः। यदिदम्माभिःशोचंति पौरुषेयेण दैव्येन। स्तौमि विश्वां देवान्नाथितो जौहवीमि ते नौ मुञ्चन्त्वेनंसः। अनु नोऽद्यानुमतिरनुं (३७)

इदंनुमते त्वं वैश्वानरो न ऊत्या पृष्टो दिवि। ये अप्रथेताममितेभिरोजौभिर्ये प्रतिष्ठे अभवतां वसूनाम्। स्तौमि द्यावापृथिवी नाथितो जौहवीमि ते नौ मुञ्चतुमागंसः। उर्वी रोदसी वरिवः कृणोतं क्षेत्रस्य पत्नी अधि नो ब्रूयातम्। स्तौमि द्यावापृथिवी नाथितो जौहवीमि ते नौ मुञ्चतुमागंसः। यत्ते वयं पुरुषत्रा यविष्ठाविद्वांसश्चक्रुमा कञ्चन (३८)

आगं। कृधी स्वस्मा अदितेरनागा व्येनांसि शिश्रथो विष्वगग्ने। यथा ह तद्वसवो गौर्यं चित्पदि पिताममुञ्चता यजत्राः। एवा त्वमस्मत्प्र मुञ्चा व्यःहुः प्रातार्यग्ने प्रतरां न आयुः (३९)

गन्तां दृषयन्स्तौमि ययोः शर्धोऽनुमतिरनुं चन चतुस्त्रिंशच्च॥ [१५]

अग्निद्वां वामश्वो द्विचत्वारिंशच्च॥ [१६]

॥ काण्डम् ५ ॥

॥ प्रथमः प्रश्नः ॥

॥ तैत्तिरीयसंहितायां पञ्चमकाण्डे प्रथमः प्रश्नः ॥

सावित्राणि जुहोति प्रसूत्यै चतुर्गृहीतेन जुहोति चतुष्पादः पशवः पशून्वावं रुद्धे चतस्रो दिशो दिक्ष्वेव प्रति तिष्ठति छन्दांसि देवेभ्योऽपक्रामन् वंभागानि हव्यं वक्ष्याम् इति तेभ्य एतच्चतुर्गृहीतमधारयन् पुरोनुवाक्याये याज्याये देवताये वषट्काराय यच्चतुर्गृहीतं जुहोति छन्दांस्येव तत्प्रीणाति तान्यस्य प्रीतानि देवेभ्यो हव्यं वहन्ति यं कामयेत (१)

पापीयान्भ्यादित्येकैकं तस्य जुहुयादाहुतीभिरेवेनमपं गृह्णाति पापीयान्भवति यं कामयेत

वर्सीयान्ध्यादिति सर्वाणि तस्यानुद्वत्यं जुहुयादाहुत्यैवैनमभि क्रमयति वर्सीयान्भवत्यथो यज्ञस्यैवेषाभिक्रान्तिरेति वा एष यंजमुखादृष्ट्या योऽग्नेर्देवताया एत्यष्टावेतानि सावित्राणि भवन्त्यष्टाक्षरा गायत्री गांयत्रः (२)

अग्निस्तेनैव यंजमुखादृष्ट्या अग्नेर्देवतायै नैत्यष्टौ सावित्राणि भवन्त्याहुतिर्नवमी त्रिवृतमेव यंजमुखे वि यातयति यदि कामयैतं छन्दांसि यज्ञयशसेनापयेयमित्युचमन्तामां कुर्याच्छन्दांस्येव यंजयशसेनापयति यदि कामयैतं यजमानं यज्ञयशसेनापयेयमिति यजुरन्तमं कुर्याद्यजमानमेव यंजयशसेनापयत्युवा स्तोमं समर्धयेति (३)

आहु समृद्धौ चतुर्भिरभिमा दन्ते चत्वारि छन्दांसि छन्दोभिरेव देवस्य त्वा सवितुः प्रंसव इत्याहु प्रसूत्या अग्निर्देवेभ्यो निलायत स वेणुम्राविश्वस एतामूतिमनु समचरद्यद्वेणोः सुषिरं सुषिराग्निर्भवति सयोनित्वाय स यत्रयत्रावसत्तकृष्णमभवत्कल्माषी भवति रूपसमृद्ध्या उभयतः क्षणूर्वतीतश्चामुतश्चाकस्यावरुद्धे व्याममात्री भवेत्येतावद्धे पुरुषे वीर्यं वीर्यसम्मिताऽपरिमिता भवत्यपरिमितस्यावरुद्धे यो वनस्पतीनाम्फलग्रहिः स एषां वीर्यावान्फलग्रहिर्वेणुर्वेणवी भवति वीर्यस्यावरुद्धे॥ (४)

कामयैतं गायत्रौऽर्धयेति च ससविंशतिश्च॥ [१]

व्युद्धं वा एतद्यज्ञस्य यदयजुष्केण क्रियत इमान्गृभ्णत्रशनामृतस्येत्यंश्वाभिधानीमा दन्ते यजुष्कृत्यै यज्ञस्य समृद्धौ प्रतृतं वाजिन्ना द्रवेत्यंश्मभि दधाति रूपमेवास्येतन्महिमानं व्याचष्टे युञ्जाथां रासंभं युवमिति गर्दभमसत्येव गर्दभं प्रतिं षापयति तस्मादश्वाद्गर्दभोऽसत्तरो योगेयोगे त्वस्तर्मित्याह (५)

योगेयोग एवैनं युक्ते वाजंवाजे हवामह इत्याहान्नं वै वाजोऽन्नमेवाव रुद्धे सखाय इन्द्रमृत्यु इत्याहेन्द्रियमेवाव रुद्धेऽग्निर्देवेभ्यो निलायत तं प्रजापतिरन्विदत्वाजापत्योऽश्वोऽश्वेन सम्भरत्यनुवित्यै पापवस्यं वा एतत्क्रियते यच्छेयंसा च पापीयसा च समानं कर्म कुर्वन्ति पापीयान् (६)

ह्यश्वाद्गर्दभोऽश्वमूर्ध्वं नयन्ति पापवस्यसस्य व्यावृत्यै तस्माच्छेयांसम्पापीयान्श्चादन्वैति बृहवै भवंतो भ्रातृव्यो भवंतीव खलु वा एष योऽग्निं चिनुते वज्रधरैः प्रतूर्वत्रैह्यंक्रामन्नशस्तीरित्याह वज्रैणैव पाप्मानम्भ्रातृव्यमव क्रामति रुद्रस्य गाणपत्यादित्याह रौद्रा वै पशवो रुद्रादेव (७)

पशुत्रिर्याच्यात्मने कर्म कुरुते पूष्णा स्युजां सहेत्याह पूषा वा अध्वनां सन्नेता समष्ट्यै पुरीषायतनो वा एष यदग्निरङ्गिरसो वा एतमग्नै देवतानां समभरन्मृथिव्याः सधस्थादग्निम्पुरीष्यमङ्गिरस्वदच्छेहीत्याह सायंतनमेवैनं देवताभिः सम्भरत्यग्निम्पुरीष्यमङ्गिरस्वदच्छेम् इत्याह येन (८)

संगच्छते वाजमेवास्यं वृद्धे प्रजापतये प्रतिप्रोच्याग्निः सम्भृत्य इत्याहुरियं वै प्रजापतिस्तस्या एतच्छ्रोत्रं यद्वल्मीकोऽग्निम्पुरीष्यमङ्गिरस्वदग्निप्याम् इति वल्मीकवपामुप तिष्ठते साक्षादेव प्रजापतये प्रतिप्रोच्याग्निः सम्भरत्यग्निम्पुरीष्यमङ्गिरस्वद्वराम् इत्याह येन संगच्छते वाजमेवास्यं वृद्धेऽन्वस्मिन्पुषसामग्रम् (९)

अख्यदित्याहानुख्यात्या आगत्यं वाज्यध्वन आक्रम्यं वाजिन्मृथिवीमित्याहेच्छत्यैवैनमूर्ध्वया विन्दत्युत्तरया द्वाभ्यामा क्रमयति प्रतिष्ठित्या अनुरूपाभ्यान्तस्मादनुरूपाः पशवः प्र जायन्ते द्यौस्ते पृष्ठं पृथिवी सधस्थमित्याहेभ्यो वा एतं लोकेभ्यः प्रजापतिः समैरयद्रूपमेवास्येतन्महिमानं व्याचष्टे वज्री वा एष यदश्वो दद्विरन्यतोदद्यौ

भूयाल्लौमंभिरुभयादंष्ट्रो यं द्विष्यात्तमंधस्पदं ध्यायेद्वज्रैणैवेनं स्तृणुते॥10॥

अह पापीयान्द्रादेव येनाग्रं वज्री वै समदश च॥ [२]

उत्क्रामोदक्रमीदिति द्वाभ्यामुत्क्रमयति प्रतिष्ठित्या अनुरूपाभ्यान्तस्मादनुरूपाः पशवः प्र जायन्तेऽप उपं सृजति यत्र वा आपं उपगच्छन्ति तदोपंधयः प्रति तिष्ठन्त्योपंधीः प्रति तिष्ठन्तीः पशवोऽनु प्रति तिष्ठन्ति पशून् यज्ञो यज्ञं यजमानो यजमानं प्रजास्तस्मादप उपं सृजति प्रतिष्ठित्यै यदध्वर्युरनग्नावाहुतिं जुहुयादन्धोऽध्वर्युः (११)

स्याद्रक्षांसि यज्ञं हन्युरहिरण्यमुपास्यं जुहोत्यग्निवत्येव जुहोति नाभ्योऽध्वर्युर्भवति न यज्ञं रक्षांसि प्रान्ति जिघर्म्यग्निम्नंसा घृतेनेत्याह मनसा हि पुरुषो यजर्मभिगच्छति प्रतिक्ष्यन्तम्भुवनानि विश्वेत्याह सर्वं ह्येप प्रत्यङ्केति पृथुं तिरश्चा वयंसा बृहन्तमित्याहात्यो ह्येप जातो महान् (१२)

भवति व्यष्टिमन्त्रं रभसं विद्वान्मित्याहात्रमेवासमं स्वदयति सर्वमस्मै स्वदते य एवं वेदा त्वा जिघर्मि वचसा घृतेनेत्याह तस्माद्यत्पुरुषो मनसाभिगच्छति तद्वाचा वंदत्यरक्षसेत्याह रक्षसामपंहत्यै मर्यश्रीः स्पृहयद्वर्णो अग्निरित्याहापचितिमेवासमिन्दधात्यपचितिमान्भवति य एवं (१३)

वेद मनसा त्वे तामासुमरहति यामध्वर्युरनग्नावाहुतिं जुहोति मनस्वतीभ्यां जुहोत्याहुत्योरास्यै द्वाभ्यां प्रतिष्ठित्यै यज्ञमुखेयंजमुखे वै क्रियमाणे यज्ञं रक्षांसि जिघांसन्त्येतरहि खलु वा एतद्यंजमुखं यरह्येनदाहुतिरश्नुते परि लिखति रक्षसामपंहत्यै तिसृभिः परि लिखति त्रिवृद्धा अग्निर्यावाग्नेवाग्निस्तस्माद्रक्षांस्यपं हन्ति (१४)

गायत्रिया परि लिखति तेजो वै गायत्री तेजसैवेनं परि गृह्णाति त्रिष्टुभा परि लिखतीन्द्रियं वै त्रिष्टुगिन्द्रियेणैवेनम् परि गृह्णात्यनुष्टुभा परि लिखत्यनुष्टुप्सर्वाणि छन्दांसि परिभूः पर्याप्त्यै मध्यतोऽनुष्टुभा वाग्वा अनुष्टुप्सम्मान्मध्यतो वाचा वंदामो गायत्रिया प्रथमया परि लिखत्यथानुष्टुभाय त्रिष्टुभा तेजो वै गायत्री यज्ञोऽनुष्टुगिन्द्रियं त्रिष्टुमेजसा चैवेन्द्रियेण चोभयतो यज्ञं परि गृह्णाति॥ (१५)

अन्धोऽध्वर्युर्महान्भवति त्रिष्टुभा तेजो वै गायत्री त्रयोदश च॥ [३]

देवस्य त्वा सवितुः प्रसव इति खनति प्रसूत्या अथौ धूममेवैतेनं जनयति ज्योतिष्मन्तं त्वाग्ने सुप्रतीकमित्याह ज्योतिरैवैतेनं जनयति सौऽग्निर्जातः प्रजाः शुचारप्यतं देवा अर्धर्चैनांशमयच्छिवं प्रजाभ्योऽहिंसन्तमित्याह प्रजाभ्यं एवैनं शमयति द्वाभ्यां खनति प्रतिष्ठित्या अपां पृष्ठमसीति पुष्करपर्णमा (१६)

हृत्यपां वा एतत्पृष्ठं यत्पुष्करपर्णं रूपेणैवेनदा हरति पुष्करपर्णेन सम्भरति योनिर्वा अग्नेः पुष्करपर्णं सयोननिमेवाग्निं सम्भरति कृष्णाजिनेन सम्भरति यज्ञो वै कृष्णाजिनं यज्ञेनैव यज्ञं सम्भरति यद्वाभ्याणां पशूनां चर्मणा सम्भरद्वाभ्याम्यशूच्छुचारप्येत्कृष्णाजिनेन सम्भरत्यारण्यानेव पशून् (१७)

शुचारप्यति तस्मात्समावत्पशूनां प्रजायमानानामारण्याः पशवः कनीयांसः शुचा हृता लोमतः सम्भरत्यतो ह्यस्य मेध्यं कृष्णाजिनं च पुष्करपर्णं च सः स्तृणातीयं वै कृष्णाजिनमसौ

पुष्करपुष्पमाभ्यामेवैनमुभयतः परि गृह्णात्यग्निर्देवेभ्यो निलायत तमथर्वान्वपश्यदथर्वा त्वा प्रथमो निरमन्थदग्निं इति (१८)

आहु य एवैनमन्वपश्यत्तेनैवन् सम्भरति त्वामग्ने पुष्करादधीत्याह पुष्करपुष्पे ह्येनमुपश्रितमविन्दतम् त्वा दध्यङ्कृषिरित्याह दध्यङ्का आथर्वणस्तेजस्यासीत्तेज एवास्मिन्दधाति तमु त्वा पाथ्यो वृषेत्याहु पूर्वमेवोदितमुत्तरेणाभि गृणाति (१९)

चतसृभिः सम्भरति चत्वारि छन्दांसि छन्दोभिरेव गायत्रीभिर्ब्राह्मणस्य गायत्रो हि ब्राह्मणस्त्रिष्टुभ्यो राजन्यस्य त्रैष्टुभ्यो हि राजन्यो यं कामयेत् वसीयान्स्यादित्युभयीभिस्तस्य सम्भरेत्तेजश्चैवास्मा इन्द्रियं च समीचीं दधात्यष्टाभिः सम्भरत्यष्टाक्षरा गायत्री गायत्रौऽग्निर्यावानेवाग्निस्त सम्भरति सीदं होतरित्याह देवता एवास्मै स सदिदयति नि होतेति मनुष्यान्थ स सीदस्वेति वयांसि जनिष्व हि जेन्यो अग्ने अह्नामित्याह देवमनुष्यानेवास्मै स संत्रान्म जनयति॥ (२०)

ऐव पशूनिर्ति गृणाति होतरिति सप्तविंशतिश्च॥ [४]

कुरमिव वा अस्या एतत्करोति यत्खनत्यप उप सृजत्यापो वै शान्ताः शान्ताभिरेवास्यै शुचं शमयति सं ते वायुर्मातरिश्वा दधात्वित्याह प्राणो वै वायुः प्राणेनैवास्यै प्राणं सं दधाति सं ते वायुरित्याहु तस्माद्वायुप्रच्युता दिवो वृष्टिरीते तस्मै च देवि वषडस्तु (२१)

तुभ्यमित्याहु षड्वा ऋतवं ऋतुष्वेव वृष्टिं दधाति तस्मात्सर्वानृतून वरपति यद्वपद्भ्याद्रक्षांसि यज्ञं हन्युर्वडित्याह परोक्षमेव वषट्करोति नास्यं यातयामा वषट्कारो भवति न यज्ञं रक्षांसि घ्नन्ति सुजातो ज्योतिषा सहत्यनुष्टुभोप नह्यत्यनुष्टुप् (२२)

सर्वाणि छन्दांसि छन्दांसि खलु वा अग्नेः प्रिया तनूः प्रिययेवेन तनुवा परि दधाति वेदुको वासो भवति य एवं वेदं वारुणो वा अग्निरुपनद्ध उदं तिष्ठ स्वध्वरोर्ध्व ऊ पु णं ऊतय इति सावित्रीभ्यामुत्तिष्ठति सवितृप्रसूत एवास्योर्ध्वा वरुणमेनिमुध्मंजति द्वाभ्यां प्रतिष्ठित्यै स जातो गर्भो असि (२३)

रोदस्योरित्याहुमे वै रोदसी तयोरप गर्भो यदग्निस्तस्मादेवमाहाग्ने चारुर्विभृत ओषधीष्वित्याह यदा ह्येतं विभरन्त्यथ चारुतरो भवति प्र मातृभ्यो अधि कर्निक्रदद्वा इत्याहोषधयो वा अस्य मातरस्ताभ्य एवेनम्प च्यावयति स्थिरो भव वोड्वङ्ग इति गर्दभ आ सादयति (२४)

सं नह्यत्येवैनमेतयां स्थग्ने गर्दभेन सम्भरति तस्माद्गर्दभः पशूनाम्भारभारितमो गर्दभेन सम्भरति तस्माद्गर्दभोऽप्यनालेशेत्यन्यान्पशून्मैद्यत्यन्नं ह्येनेनार्कं सम्भरन्ति गर्दभेन सम्भरति तस्माद्गर्दभो द्विरताः सन्कनिष्ठम्पशूनाम्प जायतेऽग्निर्ह्यस्य योनिं निर्दहति प्रजासु वा एष एतरह्यारूढः (२५)

स ईश्वरः प्रजाः शुचा प्रदहः शिवो भव प्रजाभ्य इत्याह प्रजाभ्य एवैनं शमयति मानुषीभ्यस्त्वमङ्किर इत्याह मानव्यो हि प्रजा मा द्यावापृथिवी अभि शूशुचो मान्तरिक्षं मा वनस्पतीनित्याहुभ्य एवैनं लोकेभ्यः शमयति प्रेतुं वाजी कर्निक्रददित्याह वाजी ह्येष नानंदद्रासंभः पत्वेति (२६)

आह् रासंभ इति ह्येतमुपयोऽवदन्भरन्नग्निर्मुनीष्यामित्याहाग्निः ह्येष भरति मा पाद्यायुषः पुरेत्याहायुरेवास्मिन्दधाति तस्माद्ब्रह्मः सर्वमायुरेति तस्माद्ब्रह्मे पुरायुषः प्रसीते बिभ्यति वृषाग्निं वृषणम्भरन्त्रित्याह वृषा ह्येष वृषाग्निरपां गर्भम् (२७)

समुद्रियमित्याहापाः ह्येष गर्भो यदग्निरग्न आ याहि वीतय इति वा इमौ लोकौ व्येतामग्न आ याहि वीतय इति यदाहानयौर्लोकयोर्वीत्ये प्रच्युतो वा एष आयतनादगतः प्रतिष्ठाः स एतर्ह्यध्वर्युं च यजमानं च ध्यायत्युतः सत्यमित्याहेयं वा ऋतमसौ (२८)

सत्यमनयोरिवेनं प्रतिष्ठापयति नार्तिमाच्छत्यध्वर्युर्न यजमानो वरुणो वा एष यजमानमभ्येति यदग्निरुपनद्ध ओषधयः प्रति गृहीताग्निमेतमित्याह शान्त्ये व्यस्यन्विश्वा अमतीररांतीरित्याह रक्षंसामपंहत्ये निषीदन्त्रो अपं दुर्मतिः हनदित्याह प्रतिष्ठित्या ओषधयः प्रति मोदध्वम्॥ (२९)

अस्त्वनुष्टुबसि सादयत्यारूढः पत्वेति गर्भमसौ मोदध्वं द्विचत्वारिंशच्च॥ [५]

एनमित्याहोषधयो वा अग्नेर्भागधेयं ताभिरिवेनः समर्धयति पुष्पावतीः सुपिप्पला इत्याह तस्मादोषधयः फलं गृह्णत्ययं वो गर्भं ऋत्विग्यः प्रब्रः सधस्थमासददित्याह याभ्यं एवेनम्प्रच्यावयति तास्वेवेनं प्रतिष्ठापयति द्वाभ्यामुपावहरति प्रतिष्ठित्ये (०)॥ [६]

वारुणो वा अग्निरुपनद्धो वि पाजसेति वि स्रःसयति सवितृप्रसूत एवास्य विपूचीं वरुणमेनि वि सृजत्यप उपं सृजत्यापो वै शान्ताः शान्ताभिरिवास्य शुचः शमयति तिसृभिरुपं सृजति त्रिवृद्धा अग्निर्वावानेवाग्निस्तस्य शुचः शमयति मित्रः सःसृज्य पृथिवीमित्याह मित्रो वै शिवो देवानान्तेनैव (३१)

एनः सः सृजति शान्त्ये यद्वाभ्याणां पात्राणां कपालैः सःसृजेद्वाभ्याणि पात्राणि शुचाप्येदमकपालैः सः सृजत्येतानि वा अनुपजीवनीयानि तान्येव शुचाप्ययति शर्कराभिः सः सृजति धृत्या अथो शंत्वायांजलोमैः सः सृजत्येषा वा अग्नेः प्रिया तनूर्यदजा प्रिययैवेनं तनुवा सः सृजत्यथो तेजसा कृष्णाजिनस्य लोमभिः सम् (३२)

सृजति यज्ञो वै कृष्णाजिनं यज्ञेनैव यज्ञः सः सृजति रुद्राः सम्भृत्य पृथिवीमित्याहेता वा एतं देवता अग्ने समभरं ताभिरिवेनः सम्भरति मुखस्य शिरोऽसीत्याह यज्ञो वै मुखस्तस्यैतच्छिरो यदुखा तस्मादेवमाह यज्ञस्य पदे स्थ इत्याह यज्ञस्य ह्येते (३३)

पदे अथो प्रतिष्ठित्ये प्राण्याभिर्यच्छ्रुत्यन्वयैर्मन्त्रयते मिथुनत्वाय त्र्युद्धिं करोति त्रयं इमे लोका एषां लोकानामास्ये छन्दोभिः करोति वीर्यं वै छन्दांसि वीर्येणैवेनां करोति यजुषा बिलं करोति व्यावृत्या इयेतीं करोति प्रजापतिना यज्ञमुखेन सम्मितां द्विस्तनां करोति द्वावापृथिव्योर्दोहाय चतुः स्तनां करोति पशूनां दोहायाष्टस्तनां करोति छन्दसां दोहाय नवांश्रिमभिचरतः कुर्यात्त्रिवृतमेव वज्रं सम्भृत्य भ्रातृव्याय प्र हरति स्तुत्यै कृत्वाय सा महीमुखामिति नि दधाति देवतास्वेवेनां प्रतिष्ठापयति॥ (३४)

तेनैव लोमभिः समेते अभिचरन्त एकविंशतिश्च॥ [७]

सप्तभिर्धूपयति सप्त वै शीर्षण्याः प्राणाः शिरं एतद्यज्ञस्य यदुखा शीर्षण्नेव यज्ञस्य प्राणान्दधाति तस्मात्सप्त शीर्षण्प्राणा अंशश्चकेन धूपयति प्राजापत्यो वा अंशः सयोनित्वायादितिस्वेत्याहियं वा अदितिरदित्यैवादित्यां खनत्यस्या अक्रूरङ्काराय न हि स्वः स्वः हिनस्ति देवानां त्वा पत्नीरित्याह देवानाम् (३५)

वा एताम्यन्नयोऽग्नेऽकुर्वन्ताभिरेवेना दधाति धिषणास्त्वेत्याह विद्या वै धिषणां विद्याभिरेवेनामभीन्दे ग्रास्त्वेत्याह छन्दांसि वै ग्राश्छन्दोभिरेवेनाऽश्रपयति वरूत्रयस्त्वेत्याह होत्रा वै वरूत्रयो होत्राभिरेवेना पचति जनयस्त्वेत्याह देवानां वै पत्नीः (३६)

जनयस्ताभिरेवेना पचति पङ्क्तिः पंचति पङ्क्ता ऋतव ऋतुभिरेवेना पचति द्विः पचन्वित्याह तस्माद्विः संवत्सरस्य सस्यमपच्यते वारुण्यखाभीद्धा मैत्रियोपैति शान्त्यै देवस्त्वा सवितोद्वपत्वित्याह सवितुप्रसूत एवेना ब्रह्मणा देवताभिर्द्वपत्यपद्यमाना पृथिव्याश दिश आ पृण (३७)

इत्याह तस्मादग्निः सर्वा दिशोऽनु वि भात्युत्तिष्ठ बृहती भवोर्ध्वा तिष्ठ ध्रुवा त्वमित्याह प्रतिष्ठित्या असुर्यम्पात्रमनाच्छृण्णा च्छृणति देवत्राकरजक्षीरेणा च्छृणति परमं वा एतत्पयो यदजक्षीरं परमेणैवेनाम्ययसा च्छृणति यजुषा व्यावृत्त्यै छन्दोभिरा च्छृणति छन्दोभिर्वा एषा क्रियते छन्दोभिरेव छन्दाऽस्या च्छृणति॥ (३८)

आह देवानां वै पत्नीः पृणेषा पद्व॥ [८]

एकविंशत्या मापैः पुरुषशीर्षमच्छैत्यमेध्या वै मापां अमेध्यम्पुरुषशीर्षममेध्यैरेवास्यामेध्यं निरवदाय मेध्यं कृत्वा हरत्येकविंशतिर्भवन्त्येकविंशो वै पुरुषः पुरुषस्यात्यै व्यृद्धं वा एतत्प्राणैरमेध्यं यत्पुरुषशीर्षं संस्था वितृण्णां बल्मीकवपां प्रति नि दधाति सप्त वै शीर्षण्याः प्राणाः प्राणैरेवेनध्मसमर्धयति मेध्यत्वाय यावन्तः (३९)

वै मृत्युबन्धवस्तेषां यम आधिपत्यं परीयाय यमगाथाभिः परि गायति यमादेवेनद्वङ्के तिसृभिः परि गायति त्रयं द्रमे लोका एभ्य एवेनलोकेभ्यो वृङ्के तस्माद्गायते न देयङ्गाथा हि तद्वृङ्केऽग्निभ्यः पशूना लभते कामा वा अग्नयः कामानेवाव रुन्दे यत्पशून्नालभेतानवरुद्धा अस्य (४०)

पशवः स्युर्यत्पर्यग्निकृतानुध्मुजद्वजवेशं कुर्यादध्संस्थापयैद्यातयामानि शीर्षाणि स्युर्यत्पशूनालभते तेनैव पशूनव रुन्दे यत्पर्यग्निकृतानुध्मजति शीर्षामयातयामत्वाय प्राजापत्येन सऽस्थापयति यज्ञो वै प्रजापतिर्यज्ञ एव यज्ञं प्रति धापयति प्रजापतिः प्रजा असृजत स रिचिर्चानोऽमन्यत स एता अप्रोरोपश्यताभिर्वै स मुखतः (४१)

आत्मानमाप्रीणीत यदेता आप्रियो भवन्ति यज्ञो वै प्रजापतिर्यज्ञमेवेताभिर्मुखत आ प्रीणात्यपरिमितछन्दसो भवन्त्यपरिमितः प्रजापतिः प्रजापतेरास्या ऊनातिरिक्ता मिथुनाः प्रजात्यै लोमशं वै नामैतच्छन्दः प्रजापतेः पशवो लोमशाः पशूनेवाव रुन्दे सर्वाणि वा एता रूपाणि सर्वाणि रूपाण्यग्नौ चित्यं क्रियन्ते तस्मादेता अग्नेश्चित्यस्य (४२)

भवन्त्येकविंशतिः सामिधेनीरन्वाह रुग्वा एकविंशो रुचमेव गच्छत्यथो प्रतिष्ठामेव प्रतिष्ठा

ह्येकविंशश्चतुर्विंशतिमन्वाहु चतुर्विंशतिरर्धमासाः संवत्सरः संवत्सरोऽग्निर्वैश्वानरः साक्षादेव वैश्वानरमव रुन्दे परांचीरन्वाहु परांडिव हि सुवर्गो लोकः समांस्वाग्र ऋतवो वर्धयन्वित्याहु समाभिरेवाग्निं वर्धयति (४३)

ऋतुभिः संवत्सरं विश्वा आ भाहि प्रदिशः पृथिव्या इत्याहु तस्मादग्निः सर्वा दिशोऽनु वि भाति प्रत्यौहतामश्विना मृत्युमंस्मादित्याहु मृत्युमेवास्मादप नुदत्युद्वयं तमसस्परीत्याहु पाप्मा वै तमः पाप्मानमेवास्मादप हन्त्यगन्म ज्योतिरुत्तममित्याहासौ वा आदित्यो ज्योतिरुत्तममादित्यस्यैव सायुज्यं गच्छति न संवत्सरस्तिष्ठति नास्य श्रीस्तिष्ठति यस्येताः क्रियन्ते ज्योतिष्मतीमुत्तमामन्वाहु ज्योतिरेवास्मा उपरिष्टादधाति सुवर्गस्य लोकस्यानुख्यात्ये॥ (४४)

यावन्तोऽस्य मुखतश्चित्यस्य वर्धयत्यादित्याऽष्टाविंशतिश्च॥ [९]

पृद्धिर्दीक्षयति पङ्का ऋतवं ऋतुभिरेवैनं दीक्षयति सप्तभिर्दीक्षयति सप्त छन्दांसि छन्दांभिरेवैनं दीक्षयति विश्वं देवस्य नेतुरित्यनुष्टुभोत्तमया जुहोति वाग्वा अनुष्टुप्तस्मात्प्राणानां वागुत्तमैकस्मादक्षरादनांसमप्रथमम्पदम् तस्माद्यद्वाचोऽनांसं तन्मनुष्या उप जीवन्ति पूर्णया जुहोति पूर्ण इव हि प्रजापतिः (४५)

प्रजापतेरास्य न्यूनया जुहोति न्यूनाद्धि प्रजापतिः प्रजा असृजत प्रजानां सृष्टे यदचिषिं प्रवृद्धाद्भूतमव रुन्धीत यदङ्गारेषु भविष्यदङ्गारेषु प्र वृणक्ति भविष्यदेवाव रुन्दे भविष्यद्धि भूयो भूताद्वाभ्याम्प्र वृणक्ति द्विपाद्यजमानः प्रतिष्ठित्ये ब्रह्मणा वा एषा यजुषा सम्भृता यदुखा सा यद्विद्येतातिमाच्छेत् (४६)

यजमानो ह्युयेतास्य यज्ञो मित्रेतामुखां तपेत्याहु ब्रह्म वै मित्रो ब्रह्मन्नेवैनं प्रति षापयति नार्तिमाच्छेति यजमानो नास्य यज्ञो हन्यते यदि भिद्येत तेरेव कपालैः सः सृज्यन्मैव ततः प्रायश्चित्तियो गतश्रोः स्यान्मथित्वा तस्याव दध्याद्भूतो वा एष स स्वां (४७)

देवतामुपैति यो भूतिकामः स्याद्य उखायै सम्भवेत्स एव तस्य स्यादतो ह्येष सम्भवंत्येष वै स्वयम्भूर्नाम भवंत्येव यं कामयेत भ्रातृव्यमस्मै जनयेयमित्यन्यतस्तस्याहृत्याव दध्याध्माक्षादेवास्मै भ्रातृव्यं जनयत्यम्बरीपादन्नकामस्याव दध्यादम्बरीपे वा अन्नंभ्रियते संयौयेवान्नम् (४८)

अव रुन्दे मुञ्जानव दधात्यूर्ग्वै मुञ्जा ऊर्जमेवास्मा अपि दधात्यग्निर्देवेभ्यो निलायत स क्रुमुकम्प्राविशत क्रुमुकमव दधाति यदेवास्य तत्र न्यक्तं तदेवाव रुन्द आज्येन सं यौत्येतद्वा अग्नेः प्रियं धाम यदाज्यं प्रियेणैवैनं धाम्ना समर्धयत्यथो तेजसा चतुस्त्रिंशच्च॥ [१०]

वैकंतीमा दधाति भा एवाव रुन्दे शमीमयीमा दधाति शान्त्यै सीद त्वं मातुरस्या उपस्थ इति तिसृभिर्जातमुप तिष्ठते त्रयं इमे लोका एष्वेव लोकेष्वविदं गच्छत्यथो प्राणानेवात्मन्यन्ते॥ (५०)

प्रजापतिरुच्छेत्स्वामेवात्र तेजसा चतुस्त्रिंशच्च॥ [१०]

न ह स्म वै पुराग्निरपरशुवृक्णं दहति तदस्मै प्रयोग एवरपिरस्वदयद्यदग्ने यानि कानि चेति समिधमा दधात्यपरशुवृक्णमेवास्मै स्वदयति सर्वमस्मै स्वदते य एवं वेदौदम्बरीमा दधात्यूर्गवा उदुम्बर ऊर्जमेवास्मा अपि दधाति प्रजापतिरग्निमसृजत तः सृष्टः रक्षांसि (५१)

अजिघांसस्य एतद्राक्षोग्रमंपश्यत्तेन वै स रक्षाः स्यापाहतं यद्राक्षोग्रम्वत्यग्नेरेव तेन जाताद्रक्षाः स्यपं हन्त्याश्वत्थीमा दधात्यश्वत्थो वै वनस्पतीनां सपत्नसाहो विजित्यै वैकङ्कतीमा दधाति भा एवाव रुन्धे शमीमयीमा दधाति शान्त्यै सशितम्मे ब्रह्मोदेषाम्बाहू अंतरिमित्युत्तमे औदुम्बरी (५२)

वाचयति ब्रह्मणैव क्षत्रं सः शयति क्षत्रेण ब्रह्म तस्माद्ब्राह्मणो राजन्यवानत्यन्यम्ब्राह्मणं तस्माद्राजन्यो ब्राह्मणवानत्यन्यं राजन्यं मृत्युर्वा एष यदग्निरमृतं हिरण्यं रुक्ममन्तरं प्रति मुञ्चतेऽमृतमेव मृत्योरन्तर्धत्त एकविंशतिनिर्बाधो भवत्येकविंशतिर्वै देवलोकं द्वादश मासाः पञ्चतवस्य इमे लोका असावादित्यः (५३)

एकविंश एतावन्तो वै देवलोकस्तेभ्य एव भ्रातृव्यमन्तरंति निर्बाधैर्देवा असुरान्निर्बाधेऽकुर्वन्त तन्निर्बाधानां निर्बाधत्वन्निर्बाधो भवति भ्रातृव्यानेव निर्बाधे कुरुते सावित्रिया प्रति मुञ्चते प्रसूत्यै नक्तोपासेत्युत्तरयाहोरात्राभ्यामेवेनमुद्यच्छते देवा अग्निं धारयन्ब्रविणोदा इत्याह प्राणा वै देवा ब्रविणोदा अहोरात्राभ्यामेवेनमुद्यत्यं (५४)

प्राणैर्दाधारासीनः प्रति मुञ्चते तस्मादासीनाः प्रजाः प्र जायन्ते कृष्णाजिनमुत्तरन्तेजो वै हिरण्यं ब्रह्म कृष्णाजिनन्तेजसा चैवेन ब्रह्मणा चोभयतः परि गृह्णाति षडुद्यामं शिक्वम्भवति षड्वा ऋतवै ऋतुभिरेवेनमुद्यच्छते यद्वादशोद्यामं संवत्सरेणैव मौञ्जम्भवत्यूर्वै मुञ्जा ऊर्जैवेन समर्धयति सुपर्णाऽसि गरुत्मानित्यैवैक्षते रूपमेवास्यैतन्महिमानं व्याचष्टे दिवं गच्छ सुवः पतेत्याह सुवर्गमेवेन लोकं गमयति॥ (५)

रक्षाः स्यौदुम्बरी आदित्य उद्यत्य सञ्चतुर्विंशतिश्च॥ [११]

समिद्धो अञ्जन्कदरम्मतीनां घृतमग्ने मधुमत्पिन्वमानः। वाजी वहन्वाजिनं जातवेदो देवानां वक्षि प्रियमा सधस्थम्। घृतेनाञ्जन्सम्पथो देवानां नृजानन्वाज्यप्येतु देवान्। अर्नु त्वा सप्ते प्रदिशः सचन्ताऽस्वधामस्मै यजमानाय धेहि। ईडुश्चासि वन्द्यश्च वाजिन्नाशुश्चासि मेध्यश्च सप्ते। अग्निष्ट्वा (५६)

देवैर्वसुभिः सजोषाः प्रीतं वह्निं वहतु जातवेदाः। स्तीर्णम्बर्हिः सुष्टीमा जुषाणोरु पृथु प्रथमानं पृथिव्याम्। देवभिर्युक्तमदितिः सजोषाः स्योनं कृण्वाना सुविते दधातु। एता उ वः सुभगा विश्वरूपा वि पक्षोभिः श्रयमाणा उदारैः। ऋष्याः स्तीः कवपः शुम्भमाना द्वारो देवीः सुप्रायणा भवन्तु। अन्तरा मित्रावरुणा चरन्ती मुखं यज्ञानामभि संविदाने। उपासां वाम् (५७)

सुहिरण्ये सुशिल्पे ऋतस्य योनाविह सांदयामि। प्रथमा वाः सर्थिनां सुवर्णां देवो पश्यन्तो भुवनानि विश्वा। अपिप्रयं चोदना वाम्मिमाना होतां ज्योतिः प्रदिशां दिशन्ता। आदित्यैर्नो भारती वष्ट यज्ञं सरस्वती सह रुद्रैर्न आवीत्। इडोपहूता वसुभिः सजोषा यज्ञं नो देवीरमृतेषु धत्ता त्वष्टा वीरं देवकामं जजान त्वष्टुर्वा जायत आशुरश्वः। (५८)

त्वष्टेदं विश्वम्भुवनं जजान बहोः कर्तारमिह यक्षि होतः। अश्वौ घृतेन त्मन्या समंक्त उपं देवाः ऋतुशः पार्थ एतु। वनस्पतिर्देवलोकम्रजानन्नग्निना हव्या स्वदितानि वक्षत्। प्रजापतेस्तपसा वावृधानः सद्यो

जातो दधिषे यज्ञमग्ने। स्वाहाकृतेन हविषा पुरोगा याहि साध्या हविरदन्तु देवाः॥ (५९)

अग्निर्द्वा वामश्वो द्विचत्वारिंशच्च॥ [१२]

विष्णुमुखा अन्नपते यावती वि वै पुरुषमात्रेणाग्ने तव श्रवो ब्रह्म जज्ञानं स्वयमातृणामेषां वै पशुर्गायत्री कस्त्वा द्वादश॥ [१३] विष्णुमुखा अपचिदिमान् वि वा एतावन्ने तवं स्वयमातृणां विपूचीनानि गायत्री चतुष्पष्टिः॥६४॥ विष्णुमुखास्तनुवै भुवत्॥

॥द्वितीयः प्रश्नः॥

॥तैत्तिरीयसंहितायां पञ्चमकाण्डे द्वितीयः प्रश्नः॥

विष्णुमुखा वै देवाश्छन्दोभिरिमाल्लोकाननपज्यमभ्यजयन् यद्विष्णुक्रमानक्रमते विष्णुरिव भूत्वा यजमानश्छन्दोभिरिमाल्लोकाननपज्यमभि जयति विष्णोः क्रमोऽस्यभिमातिहेत्याह गायत्री वै पृथिवी त्रैलोक्यमन्तरिक्षम् जागती द्यौरानुष्टुभीर्दिशश्छन्दोभिरेवेमाल्लोकान् यथापूर्वमभि जयति प्रजापतिरग्निमसृजत सोऽस्मात्सृष्टः (१)

पराङ्मतेतयान्वेदक्रन्ददिति तया वै सोऽग्नेः प्रियं धामावांरुन्द्र यदेताम्बाहाग्नेरेवैतयां प्रियं धामावं रुन्द्र ईश्वरो वा एष पराङ्मदघो यो विष्णुक्रमानक्रमते चतसृभिरा वतते चत्वारि छन्दांसि छन्दांसि खलु वा अग्नेः प्रिया तनूः प्रियामेवास्यं तनुवमभि (२)

पर्यावतते दक्षिणा पर्यावतते स्वमेव वीर्यमनु पर्यावतते तस्माद्वक्षिणोऽर्थ आत्मानो वीर्यावत्तरोऽर्थो आदित्यस्यैवावृत्तमनु पर्यावतते शुनःशेपमाजीगर्ति वरुणोऽगृह्णाथ्स एतां वारुणीमपश्यत्तया वै स आत्मानं वरुणपाशादमृश्चद्वरुणो वा एतं गृह्णाति य उखाम्प्रतिमुञ्चत उदुत्तमं वरुण पाशमस्मदित्याहात्मानमेवैतयां (३)

वरुणपाशान्मुञ्चत्या त्वाहार्षमित्याहा ह्येनं हरति ध्रुवस्तिष्ठविचाचलिरित्याह प्रतिष्ठित्यै विशंस्त्वा सर्वा वाञ्छन्वित्याह विशैवेनं समर्धयत्यस्मिन्नाष्टमधि श्रयेत्याह राष्ट्रमेवास्मिन्ध्रुवमर्क्यं कामयैत राष्ट्रं स्यादिति तम्मनसा ध्यायेद्वाष्टमेव भवति (४)

अग्ने बृहन्पुषसामूर्ध्वो अस्थादित्याहाग्रमेवेनं समानानां करोति निर्जग्मिवान्तमसु इत्याह तम एवास्मादप हन्ति ज्योतिषागादित्याह ज्योतिरेवासिन्दधाति चतसृभिः सादयति चत्वारि छन्दांसि छन्दोभिरेवातिछन्दसोत्तमया वर्ष्म वा एषा छन्दसां यदतिच्छन्दा वर्ष्मैवेनं समानानां करोति सद्वती (५)

भुवति सत्त्वमेवेनं गमयति वात्सप्रेणोपं तिष्ठत एतेन वै वंत्सप्रोर्भालन्दनोऽग्नेः प्रियं धामावांरुन्द्राग्नेरेवैतेनं प्रियं धामावं रुन्द्र एकादशम्वत्येकधेव यजमाने वीर्यं दधाति स्तोमं वै देवा अस्मिह्येनं आर्ध्ववृच्छन्दोभिर्मुष्मिन्स्तोमस्येव खलु वा एतद्रूपं यद्वत्सप्रम्यद्वात्सप्रेणोपतिष्ठते (६)

इममेव तेन लोकमभि जयति यद्विष्णुक्रमान्क्रमतेऽमुमेव तैर्लोकमभि जयति पूर्वद्युः प्र क्रामत्युत्तरेद्युरपि तिष्ठते तस्माद्योगेऽन्यासां प्रजानाम्मनः क्षेमोऽन्यासान् तस्माद्यायावरः क्षेम्यस्येशे तस्माद्यायावरः क्षेम्यमध्यवस्यति मुष्टी करोति वाचं यच्छति यज्ञस्य धृत्यै॥ (७)

सृष्टोऽभ्येतयां भवति सद्ब्रह्मपुतिष्ठते द्विचत्वारिंशच्च॥ [१]

अन्नपतेऽन्नस्य नो देहीत्याहाग्निर्वा अन्नपतिः स एवास्मा अन्नम्प्र यच्छत्यनमीवस्यं शुष्मिण इत्याहायक्षमस्येति वावैतदाह प्र प्रदातारं तारिष ऊर्जं नो धेहि द्विपदे चतुष्पदे इत्याहाशिषमेवेतामा शास्त उदु त्वा विश्वे देवा इत्याह प्राणा वै विश्वे देवाः (८)

प्राणैरेवैनमुद्यच्छतेऽग्ने भरन्तु चित्तिभिरित्याह यस्मा एवैनं चित्तायोद्यच्छते तेनैवैवः समर्धयति चतुस्रभिरा सांदयति चत्वारि छन्दांसि छन्दाभिरेवातिच्छन्दसोत्तमया वर्ष्म वा एषा छन्दासां यदतिच्छन्दा वर्ष्मैवैनं समानानां करोति सद्ब्रती भवति सत्त्वमेवैनं गमयति प्रेदग्ने ज्योतिष्मान् (९)

याहीत्याह ज्योतिरेवास्मिन्दधाति तनुवा वा एष हिंनस्ति यः हिंनस्ति मा हिंसीस्तनुवा प्रजा इत्याह प्रजाभ्यं एवेनं शमयति रक्षांसि वा एतद्यज्ञं संचन्ते यदनं उध्मर्जत्यक्रन्ददित्यन्वाह रक्षसामपहत्या अनंसा बहुन्त्यपचितिमेवास्मिन्दधाति तस्मादनस्वी च रथी चातिथोनामपचिततमौ (१०)

अपचितिमान्भवति य एवं वेदं समिधाऽग्निं दुवस्यतेति घृतानुषित्कामवसिते समिधमा दधाति यथातिथय आगताय सर्पिष्वदातिथ्यं क्रियते तादृगेव तद्वायत्रिया ब्राह्मणस्यं गायत्रो हि ब्राह्मणस्त्रिष्टुभा राजन्यस्य त्रैष्टुभो हि राजन्योऽप्सु भस्म प्र वंशयत्यप्सुयोनिरा अग्निः स्वामेवैनं योनिं गमयति तिसृभिः प्र वंशयति त्रिवृद्धे (११)

अग्निर्वाग्नेवाग्निस्तम्प्रतिष्ठां गमयति परा वा एषोऽग्निं वपति योऽप्सु भस्मं प्रवेशयति ज्योतिष्मतीभ्यामव दधाति ज्योतिरेवास्मिन्दधाति द्वाभ्यां प्रतिष्ठित्यै परा वा एष प्रजां पशून् वपति योऽप्सु भस्मं प्रवेशयति पुनरूर्जा सह रय्येति पुनरुदेति प्रजामेव पशूनात्मन्धत्ते पुनस्त्वादित्याः (१२)

रुद्रा वसवः समिन्धतामित्याहिता वा एतं देवता अग्ने समिन्धत ताभिरेवैनं समिन्द्रे बोधा स बोधीत्युप तिष्ठते बोधयत्येवैनन्तस्माध्मुत्वा प्रजाः प्र बुध्यन्ते यथास्थानमुप तिष्ठते तस्माद्यथास्थानमपशवः पुनरेत्योप तिष्ठन्ते॥ (१३)

वै विश्वे देवा ज्योतिष्मानपचिततमौ त्रिवृद्धा आदित्या द्विचत्वारिंशच्च॥ [२]

यावती वै पृथिवी तस्यै यम आधिपत्यं परीयाय यो वै यमं देवयजनमस्या अनिर्याच्याग्निं चिनुते यमार्यैः स चिनुतेऽपेत्यध्यवसाययति यममेव देवयजनमस्यै निर्याच्यात्मनेऽग्निं चिनुत इष्वग्रेण वा अस्या अनामृतमिच्छन्तो नाविन्दन्ते देवा एतद्यजुरपश्यन्नपेतेति यदेतेनाध्यवसाययति (१४)

अनामृत एवाग्निं चिनुत उद्धन्ति यदेवास्या अमेध्यं तदपं हन्त्यपोऽवोक्षति शान्त्यै सिकंता नि वपत्येतद्वा अग्नेर्वैश्वानरस्यं रूपं रूपेणैव वैश्वानरमवं रुद्ध ऊपाग्निं वपति पुष्टिर्वा एषा प्रजननं यदूपाः पुष्टामिव प्रजननेऽग्निं चिनुतेऽथो संज्ञान एव संज्ञानं ह्येतत् (१५)

पशूनां यदपा द्यावापृथिवी सहास्तान्ते विंयती अंब्रतामस्त्वेव नौ सह यज्ञियमिति यदमुष्या यज्ञियमासीत्तदस्यामदधात् ऊषां अभवन् यदस्या यज्ञियमासीत्तदमुष्यामदधात्तददधश्चन्द्रमसि कृष्णमूपात्रिवपन्नदो ध्यायेद्यावापृथिव्योरेव यज्ञियेऽग्निं चिनुतेऽयं सो अग्निरिति विश्वामित्रस्य (१६)

सूक्तम्भवत्येतेन वै विश्वामित्रेऽग्नेः प्रियं धामावांरुद्धाग्नेरैवैतेन प्रियं धामावं रुद्धे छन्दोभिर्वै देवाः सुवर्गं लोकमायञ्चतस्रः प्राचीरुपं दधाति चत्वारि छन्दांसि छन्दोभिरेव तद्यजमानः सुवर्गं लोकमेति तेषां सुवर्गं लोकं यतां दिशः समंघ्नीयन्त ते द्वे पुरस्तात्समीची उपादधत् द्वे (१७)

पश्चात्समीची ताभिर्वै ते दिशोऽहं हन् यद्वे पुरस्तात्समीची उपदधाति द्वे पश्चात्समीची दिशां विधृत्या अथो पशवो वै छन्दांसि पशूनेवासमै समीचीं दधात्यष्टावुपं दधात्यष्टाक्षरा गायत्री गायत्रीऽग्निर्यावांनेवाग्निस्तं चिनुतेऽष्टावुपं दधात्यष्टाक्षरा गायत्री गायत्री सुवर्गं लोकमञ्जसा वेद सुवर्गस्य लोकस्य (१८)

प्रज्ञात्यै त्रयोदश लोकं पृष्ठा उपं दधात्येकविंशतिः सम्पद्यन्ते प्रतिष्ठा वा एकविंशः प्रतिष्ठा गार्हपत्य एकविंशस्यैव प्रतिष्ठा गार्हपत्यमनु प्रति तिष्ठति प्रत्यग्निं चिक्रान्तिष्ठति य एवं वेद पञ्चचितीकं चिन्वीत प्रथमं चिन्वानः पाङ्क्तो यज्ञः पाङ्क्तो पशवो यज्ञमेव पशूनं रुद्धे त्रिचितीकं चिन्वीत द्वितीयं चिन्वानस्य इमे लोका एष्वेव लोकेषु (१९)

प्रति तिष्ठत्येकचितीकं चिन्वीत तृतीयं चिन्वान एकधा वै सुवर्गो लोक एकवृत्तेव सुवर्गं लोकमेति पुरीषेण्यहति तस्मान्मासेनास्थिं छन्नन्न दुश्कर्मा भवति य एवं वेद पञ्च चित्तयो भवन्ति पञ्चभिः पुरीषेभ्यहति दश सम्पद्यन्ते दशाक्षरा विराडन्न विराड्विराज्येवान्नाद्ये प्रति तिष्ठति॥ (२०)

अद्ध्यवसाययति ह्येतद्विश्वामित्रस्यादधत् द्वे लोकस्य लोकेषु सूतचत्वारिंशच्च॥ [३]

वि वा एतौ द्विपाते यश्च पुराग्निर्यश्चोखायां समितमिति चतसृभिः सं नि वंपति चत्वारि छन्दांसि छन्दांसि खलु वा अग्नेः प्रिया तनूः प्रिययैवैनौ तनुवा सः शास्ति समितमित्याह तस्माद्ब्रह्मणा क्षत्रं समेति यत्संन्युष्यं विहरति तस्माद्ब्रह्मणा क्षत्रं व्यैत्युत्तुभिः (२१)

वा एतं दीक्षयन्ति स ऋतुभिरेव विमुच्यो मातेवं पुत्रं पृथिवी पुरीष्यमित्याहुर्तुभिरेवैनं दीक्षयित्वतुभिर्वि मुञ्चति वैश्वानर्या शिक्रमा दन्ते स्वदयत्येवेनैरऋतोः कृष्णास्तिस्रस्तुपंपक्वा भवन्ति निर्ऋत्ये वा एतद्भागधेयं यत्तुषा निर्ऋत्यै रूपं कृष्णं रूपेणैव निर्ऋतिं निरवदयत इमां दिशं यन्त्येषा (२२)

वै निर्ऋत्ये दिख्वायामेव दिशि निर्ऋतिं निरवदयते स्वकृत इरिणु उपं दधाति प्रदरे वैतद्वै निर्ऋत्या आयतनं स्व एवायतनं निर्ऋतिं निरवदयते शिक्रमभ्युपं दधाति नैरऋतो वै पाशः साक्षादेवैनं निर्ऋतिपाशान्मुञ्चति तिस्र उपं दधाति त्रेधाविहितो वै पुरुषो यावांनेव पुरुषस्तस्मान्निरऋतिमव यजते पराचीरुपं (२३)

दधाति पशवीमेवास्मान्निरऋतिम्व णुदतेऽप्रतीक्षमा यन्ति निर्ऋत्या अन्तरहित्यै मार्जयित्वोपं तिष्ठन्ते मेध्यत्वाय गार्हपत्यमुपं तिष्ठन्ते निर्ऋतिलोक एव चरित्वा पूता देवलोकमुपार्वन्त एक्योपं तिष्ठन्त एकधेव यजमाने वीर्यं दधति निवेशनः संगमनो वसूनामित्याह प्रजा वै पशवो वसुं प्रजयैवेनम्पशुभिः

समर्धयन्ति॥ (२४)

ऋतुभिरेषा पराचीरुपाष्टाचत्वारिंशच्च॥ [४]

पुरुषमात्रेण वि मिमीते यज्ञेन वै पुरुषः सम्मितो यज्ञपुरुषैवेन वि मिमीते यावान्युरुष ऊर्ध्वबाहुस्तावांभवत्येतावद्वै पुरुषे वीर्यं वीर्यैवेन वि मिमीते पक्षी भवति न ह्यपक्षः पतितुमर्हत्यरुबिना पक्षौ द्राघीयांसौ भवतस्तस्मात्पक्षप्रवयांसि वयांसि व्याममात्रौ पक्षौ च पुच्छं च भवत्येतावद्वै पुरुषे वीर्यम् (२५)

वीर्यसम्मितो वेणुना वि मिमीत आग्नेयो वै वेणुः सयोनित्वाय यजुषा युनक्ति यजुषा कृपति व्यावृत्त्यै पङ्कवेन कृपति षड्वा ऋतवं ऋतुभिरेवेन कृपति यद्वा दशगवेन संवत्सरेणैवेयं वा अग्नेरतिदाहादंबिभेत्सैतद्विगुणमपश्यत्कृष्टं चाकृष्टं च ततो वा इमां नार्यदहद्यत्कृष्टं चाकृष्टं च (२६)

भवत्यस्या अनतिदाहाय द्विगुणं त्वा अग्निमुद्यन्तुमर्हतीत्याहुयत्कृष्टं चाकृष्टं च भवत्यग्नेरुद्यत्या एतावन्तो वै पशवो द्विपादश्च चतुष्पादश्च तान् यत्प्राचं उथ्मृजेद्रुद्रायापि दध्याद्यद्वक्षिणा पितृभ्यो नि धुवेद्यत्पतीचो रक्षांसि हन्युरुदीच उथ्मृजत्येषा वै देवमनुष्याणां शान्ता दिक् (२७)

तामेवेनाननूथ्मृजत्यथो खल्विमां दिशमुथ्मृजत्यसौ वा आदित्यः प्राणः प्राणमेवेनाननूथ्मृजति दक्षिणा पुर्यावर्तन्ते स्वमेव वीर्यमनु पुर्यावर्तन्ते तस्माद्वक्षिणोऽर्ध आत्मनो वीर्यावत्तरोऽर्धो आदित्यस्यैवावृतमनु पुर्यावर्तन्ते तस्मात्परांश्च पशवो वि तिष्ठन्ते प्रत्यं च आ वर्तन्ते तिस्रस्तिष्ठः सीताः (२८)

कृपति त्रिवृत्मेव यज्ञमुखे वि यातयत्योषधीर्वपति ब्रह्मणान्नमवं रुद्धेऽर्कैर्ऽर्कश्चीयते चतुर्दशभिर्वपति सप्त ग्राम्या ओषधयः सप्तारण्या उभयीषामवरुद्धा अन्नस्यान्नस्य वपत्यन्नस्यान्नस्यावरुद्धे कृष्टे वपति कृष्टे ह्योषधयः प्रतितिष्ठन्त्यनुसीतं वपति प्रजात्यै द्वादशसु सीतांसु वपति द्वादश मासाः संवत्सरः संवत्सरेणैवास्मा अन्नम्पचति यदग्निचित् (२९)

अनवरुद्धस्याश्नीयादवरुद्धेन व्युद्येत ये वनस्पतीनामफलग्रहयस्तानिध्मेऽपि प्रोक्षेदनवरुद्धस्यावरुद्धे दिग्भ्यो लोष्टान्धसमस्यति दिशामेव वीर्यमवरुध्यं दिशां वीर्येऽग्निं चिनुते यं द्विप्याद्यत्र स स्यात्तस्यै दिशो लोष्टमा हरेदिपमूर्जमहमित आ दद इतीपमेवोर्जं तस्यै दिशोऽव रुद्धे क्षोभंको भवति यस्तस्यां दिशि भवत्युत्तरवेदिमुप वपत्युत्तरवेद्यां ह्यग्निश्चीयतेऽर्धो पशवो वा उत्तरवेदिः पशून्वाव रुद्धेऽर्धो यज्ञपुरुषोऽनन्तरित्यै॥ (३०)

च भवत्येतावद्वै पुरुषे वीर्यं यत्कृष्टञ्चाकृष्टं च दिग्सीतां अग्निचिदव पञ्चविंशतिश्च॥ [५]

अग्ने तव श्रवो वय इति सिकता नि वपत्येतद्वा अग्नेवैश्वानरस्यं सूक्तं सूक्तेनैव वैश्वानरमव रुद्धे षड्विनि वपति षड्वा ऋतवं संवत्सरः संवत्सरोऽग्निवैश्वानरः साक्षादेव वैश्वानरमव रुद्धे समुद्रं वै नामैतच्छब्दः समुद्रमनु प्रजाः प्र जायन्ते यदेतेन सिकता निवपति प्रजानां प्रजननायेन्द्रः (३१)

वृत्राय वज्रम्राहर्धस त्रेधा व्यभवत्स्पर्शस्तृतीयं रथस्तृतीयं यूपस्तृतीयं येऽन्तःशरा अशीर्यन्त ताः

शर्करा अभवन्तच्छर्कराणां शर्करत्वं वज्रो वै शर्कराः पशुरग्निर्यच्छर्कराभिरग्निं परिमिनोति वज्रंैवास्यै पशून्परि गृह्णाति तस्माद्वज्रेण पशवः परिगृहीतास्तस्मात्स्थेयानस्थेयसो नोप हरते त्रिसृताभिः (३२)

पशुकामस्य परि मिन्याश्मस वै शीरषण्याः प्राणाः प्राणाः पशवः प्राणैरेवास्यै पशून्वं रुद्धे त्रिणवाभि-
भ्रातृव्यवतस्त्रिवृतमेव वज्रं सम्भृत्य भ्रातृव्याय प्र हरति स्त्व्या अपरिमिताभिः परि मिन्यादपरिमितस्यावर्द्धे
यं कामयैतापशुः स्यादित्यपरिमित्य तस्य शर्कराः सिकता व्यूहेदपरिगृहीत एवास्यं विपूचीनं रेतः परा
सिञ्चत्यपशुदेव भवति (३३)

यं कामयैत पशुमान्धस्यादिति परिमित्य तस्य शर्कराः सिकता व्यूहेत्परिगृहीत एवास्यै समीचीनं
रेतः सिञ्चति पशुमानेव भवति सोम्या व्यूहति सोमो वै रेतोधा रेत एव तदधाति गायत्रिया ब्राह्मणस्य गायत्रो
हि ब्राह्मणिष्ठाभा राजन्यस्य त्रैष्टुभो हि राजन्यः शं युम्भारहस्पत्यम्मेधो नोपानमन्थसोऽग्निम्प्राविशत् (३४)

सौऽग्नेः कृष्णो रूपं कृत्वोदायत् सोऽश्वम्प्राविशत्सोऽश्वस्यावान्तरशफोऽभवद्यदश्वमाक्रमयति य एव
मेधोऽश्वम्प्राविशत्तमेवावं रुद्धे प्रजापतिनाग्निश्चेतव्यं इत्याहुः प्राजापत्योऽश्वो यदश्वमाक्रमयति प्रजापतिनेवाग्निं
चिनुते पुष्करपर्णमुपं दधाति योनिर्वा अग्नेः पुष्करपर्णं सयोनिमेवाग्निं चिनुतेऽपां पृष्ठमसीत्युपं दधात्युपां
वा एतपृष्ठं यत्पुष्करपर्णं रूपेणैव नदुपं दधाति॥ (३५)

इन्द्रः पशुकामस्य भवत्यविश्वस्योनिं विंशतिश्च॥ [६]

ब्रह्मं जज्ञानमिति रुक्ममुपं दधाति ब्रह्मंमुखा वै प्रजापतिः प्रजा असृजत् ब्रह्मंमुखा एव तत्प्रजा
यजमानः सृजते ब्रह्मं जज्ञानमित्याहु तस्माद्ब्राह्मणो मुख्यो मुख्यो भवति य एवं वेद ब्रह्मवादिनो वदन्ति न
पृथिव्यां नान्तरिक्षे न दिव्यग्निश्चेतव्यं इति यत्पृथिव्यां चिन्वीत पृथिवीं शुचार्पयेन्नोपधयो न वनस्पतयः (३६)

प्र जायेरन् यदन्तरिक्षे चिन्वीतान्तरिक्षं शुचार्पयेन्न वयांसि प्र जायेरन् यद्विवि चिन्वीत
दिवं शुचार्पयेन्न पर्जन्यो वर्षेद्रुक्ममुपं दधात्यमृतं वै हिरण्यममृतं एवाग्निं चिनुते प्रजातये हिरण्यं
पुरुषमुपं दधाति यजमानलोकस्य विधृत्यै यदिष्टकाया आतृण्णमनूपध्यात्पशूनां च यजमानस्य च प्राणमपि
दध्यादक्षिणतः (३७)

प्राश्चमुपं दधाति दाधारं यजमानलोकत्र पशूनां च यजमानस्य च प्राणमपि दधात्यथो खल्विष्टकाया
आतृण्णमनूपं दधाति प्राणानामुध्मृष्टै द्रप्सश्चस्कन्देत्यभि मृशति होत्रास्वेवेनं प्रति षापयति सुचावुपं
दधात्याज्यस्य पूर्णौ कार्प्यमयीं दध्नः पूर्णामौदम्बरीमियं वै कार्प्यमय्यसावोदम्बरीमे एवोपं धते (३८)

तूष्णीमुपं दधाति न हीमे यजुषातुमरहति दक्षिणां कार्प्यमयीमुत्तरामौदम्बरीन्तस्मादस्या
असावुत्तराज्यस्य पूर्णौ कार्प्यमयीं वज्रो वा आज्यं वज्रः कार्प्यो वज्रेणैव यज्ञस्य दक्षिणतो रक्षास्यपं
हन्ति दध्नः पूर्णामौदम्बरीम्पशवो वै दध्यूर्गुदम्बरः पशुष्वेवोर्जं दधाति पूर्णो उपं दधाति पूर्ण एवेनम् (३९)

अमुष्मिन्नौक उपं तिष्ठते विराज्यग्निश्चेतव्यं इत्याहुः सुग्वै विराड्यशुचावुपदधाति विराज्येवाग्निं चिनुते
यज्ञमुखेयज्ञमुखे वै क्रियमाणे यज्ञं रक्षांसि जिघांसन्ति यज्ञमुखं रुक्मो यद्रुक्मं व्याधारयति यज्ञमुखादेव
रक्षास्यपं हन्ति पञ्चभिर्व्याधारयति पाङ्क्तौ यज्ञो यावानेव यज्ञस्तस्माद्रक्षास्यपं हन्त्यक्षण्या व्याधारयति

तस्मादक्षण्या पशवोऽङ्गानि प्र हरन्ति प्रतिष्ठित्यै॥ (४०)

वनस्पतयो दक्षिणतो धत्त एनन्तस्मादक्षण्या पञ्च च॥ [७]

स्वयमातृणामुपं दधातीयं वै स्वयमातृणामामेवोपं धत्तेऽश्वमुपं प्रापयति प्राणमेवास्यां दधात्यथो प्राजापत्यो वा अश्वः प्रजापतिर्नैवाग्निं चिनुते प्रथमेष्टकोपधीयमाना पशूनां च यजमानस्य च प्राणमपि दधाति स्वयमातृणा भवति प्राणानामुत्सृष्ट्या अथो सुवर्गस्य लोकस्यानुख्यात्या अग्रावग्निश्चेत्तव्यं इत्याहुरेष वै (४१)

अग्निर्वैश्वानरो यद्वाह्यणस्तस्मै प्रथमामिष्टकां यजुष्कृताम्प्र यच्छेत्ताम्राह्यणश्चोपं दध्यातामग्रावेव तदग्निं चिनुत ईश्वरो वा एष आर्तिमार्तोर्योऽविद्वानिष्टकामुपदधाति त्रीन् वरान्दद्यान्नयो वै प्राणाः प्राणानां स्पृत्यै द्रावेव देयो द्वौ हि प्राणावेकं एव देय एको हि प्राणः पशुः (४२)

वा एष यदग्निं खलु वै पशव आर्यवसे रमन्ते दूर्वेष्टकामुपं दधाति पशूनां धृत्यै द्वाभ्यां प्रतिष्ठित्यै काण्डात्काण्डात्प्ररोहन्तीत्याहु काण्डेनकाण्डेन ह्येषा प्रतिष्ठित्येवा नो दूर्वे प्र तनु सुहस्रेण शतेन चेत्याह साहस्रः प्रजापतिः प्रजापतेरास्यै देवलक्ष्मं वै त्र्यालिखिता तामुत्तरलक्षमाणं देवा उपादधत्ताधरलक्षमाणमसुरा यम् (४३)

कामयैतु वसीयान्श्र्यादित्युत्तरलक्षमाणं तस्योपं दध्याद्वसीयानेव भवति यं कामयैतु पापीयान्श्र्यादित्यधरलक्षमाणं तस्योपं दध्यादसुरयोनिमेवैनमनु परा भावयति पापीयान्भवति त्र्यालिखिता भवतीमे वै लोकाः त्र्यालिखितेभ्य एव लोकेभ्यो भ्रातृव्यमन्तरेत्यङ्गिरसः सुवर्गं लोकं यतः पुरोडाशः कूर्मो भूत्वानु प्रासर्पत् (४४)

यत्कूर्ममुपदधाति यथा क्षेत्रविदञ्जसा नयत्येवमेवैनं कूर्मः सुवर्गं लोकमञ्जसा नयति मेधो वा एष पशूनां यत्कूर्मो यत्कूर्ममुपदधाति स्वमेव मेधम्पश्यन्तः पशव उपं तिष्ठन्ते श्मशानं वा एतत्क्रियते यन्मृतानां पशूनां शीरषायुपधीयन्ते यज्ञीवन्तं कूर्ममुपदधाति तेनाश्मशानचिद्वास्तव्यो वा एष यत् (४५)

कूर्मो मधु वाता ऋतायत इति दध्ना मधुमिश्रेणाभ्यनक्ति स्वदयत्येवैनं ग्राम्यं वा एतदन्नं यद्दध्यारण्यम्मधु यद्दध्ना मधुमिश्रेणाभ्यनक्त्युभयस्यावर्नुद्धौ मही द्यौः पृथिवी च न इत्याहाभ्यामेवैनमुभयतः परि गृह्णाति प्राश्नमुपं दधाति सुवर्गस्य लोकस्य समष्ट्यै पुरस्तात्प्रत्यश्चमुपं दधाति तस्मात् (४६)

पुरस्तात्प्रत्यश्चः पशवो मेधमुपं तिष्ठन्ते यो वा अपंनाभिमाग्निं चिनुते यजमानस्य नाभिमनु प्र विंशति स एनमीश्वरो हि संसितोरूलूखलमुपं दधात्येषा वा अग्नेर्नाभिः सनाभिमेवाग्निं चिनुतेऽहिंसाया औदम्बरम्भवत्यूर्वा उदुम्बर ऊर्जमेवाव रुद्धे मध्यत उपं दधाति मध्यत एवास्मा ऊर्जं दधाति तस्मान्मध्यत ऊर्जा भुञ्जत इयं द्रवति प्रजापतिना यज्ञमुखेन सम्मितमव हन्यन्नमेवाकं वैष्णव्यर्चोपं दधाति विष्णुर्वै यज्ञो वैष्णवा वनस्पतयो यज्ञ एव यज्ञं प्रति प्रापयति॥ (४७)

एष वै पशुर्यमसर्पदेव यत्तस्मात्तस्मात्सुसविंशतिश्च॥ [८]

एषां वा एतल्लोकानां ज्योतिः सम्भूतं यदुखा यदुखामुपदधात्येभ्य एव लोकेभ्यो ज्योतिरव रुद्धे मध्यत उपं दधाति मध्यत एवास्मै ज्योतिर्दधाति तस्मान्मध्यतो ज्योतिरुपास्महे सिकताभिः पूरयत्येतद्वा

अग्नेर्वैश्वानरस्य रूपं रूपेणैव वैश्वानरमव रुन्दे यं कामयेत् क्षोधुकः स्यादित्यूनां तस्योपं (४८)

दध्यात्क्षोधुक एव भवति यं कामयेतानुपदस्यदन्नमद्यादिति पूर्णां तस्योपं दध्यादनुपदस्यदेवानमति सहस्रं वै प्रति पुरुषः पशूनां यच्छति सहस्रमन्ये पशवो मय्यं पुरुषशीर्षमुपं दधाति सवीर्यत्वायोखायामपि दधाति प्रतिष्ठामेवेन्द्रमयति व्युद्धं वा एतत्प्राणैरमेध्यं यत्पुरुषशीर्षममृतं खलु वै प्राणाः (४९)

अमृतं हिरण्यं प्राणेषु हिरण्यशल्कान्प्रत्यस्यति प्रतिष्ठामेवेन्द्रमयित्वा प्राणैः समर्धयति दध्ना मधुमिश्रेण पूरयति मध्व्योऽसानीति श्रुतातुङ्गो न मेध्यत्वायं ग्राम्यं वा एतदन्नं यद्व्यारण्यम्मधु यद्वद्वा मधुमिश्रेण पूरयत्युभयस्यावरुद्धे पशुशीर्षाण्युपं दधाति पशवो वै पशुशीर्षाणि पशूनेवाव रुन्दे यं कामयेतापशुः स्यादिति (५०)

विषूचीनानि तस्योपं दध्याद्विषूच एवास्मात्पशून्दधात्यपशुरेव भवति यं कामयेत् पशुमान्स्यादिति समीचीनानि तस्योपं दध्यात्समीचं एवास्मै पशून्दधाति पशुमानेव भवति पुरस्तात्प्रतीचीनमश्वस्योपं दधाति पश्चात्प्राचीनमृषभस्यापशवो वा अन्ये गौअश्वेभ्यः पशवो गोअश्वानेवास्मै समीचीनं दधात्येतान्तो वै पशवः (५१)

द्विपादश्च चतुष्पादश्च तान् वा एतदग्नौ प्र दधाति यत्पशुशीर्षाण्युपदधात्यमुमारण्यमनु ते दिशामीत्याह ग्राम्येभ्य एव पशूभ्य आरण्यान्पशून्चुचमनून्मृजति तस्मात्समावत्पशूनां प्रजायमानानामारण्याः पशवः कनीयाः सः शुचा हृताः संपशोर्षमुपं दधाति येव सर्पे त्विप्सितामेवाव रुन्दे (५२)

यत्समीचीनम्पशुशीर्षैरुपदध्याद्वाग्न्यान्पशून्दधुःशुकाः स्युर्यद्विषूचीनमारण्यान् यजुरेव वदेद्व तां त्विप्सिं रुन्दे या सर्पे न ग्राम्यान्पशून् हिनास्ति नारण्यानथो खलूपधेयमेव यदुपदधाति तेन तां त्विप्सिमव रुन्दे या सर्पे यद्यजुर्वदति तेन शान्तम्॥ (५३)

ऊनान्तस्योपं प्राणाः स्यादिति वै पशवो रुन्दे चतुश्चत्वारिंशच्च॥ [९]

पश्वा एष यदग्निर्योनिः खलु वा एषा पशोर्वि क्रियते यत्प्राचीनमैष्टकाद्यजुः क्रियते रेतोऽपस्या अपस्या उपं दधाति योनाविव रेतो दधाति पश्चोपं दधाति पाङ्गाः पशवः पशूनेवास्मै प्र जनयति पञ्च दक्षिणतो वज्रो वा अपस्या वज्रैणैव यज्ञस्य दक्षिणतो रक्षाऽस्यपं हन्ति पञ्च पश्चात् (५४)

प्राचीरुपं दधाति पश्चाद्वै प्राचीनं रेतो धीयते पश्चादेवास्मै प्राचीनं रेतो दधाति पञ्च पुरस्तात्प्रतीचीरुपं दधाति पञ्च पश्चात्प्राचीस्तस्मात्प्राचीनं रेतो धीयते प्रतीचीः प्रजा जायन्ते पश्चात्तरतश्छन्दस्याः पशवो वै छन्दस्याः पशूनेव प्रजातान्श्वमायतनमभि पर्यहत इयं वा अग्नेरतिदाहादविभेद्यैताः (५)

अपस्या अपश्यता उपोदत्त ततो वा इमां नार्यदहृद्यदपस्या उपदधात्यस्या अनंतिदाहायोवाचं हेयमददिश्वं ब्रह्मणान्नं यस्यैता उपधीयान्ते य उ चैना एव वेददिति प्राणभृत उपं दधाति रेतस्येव प्राणान्दधाति तस्माद्वदन्प्राणन्यश्यञ्छुण्वन्यशुजायतेऽयम्पुरः (५६)

भुव इति पुरस्तादुपं दधाति प्राणमेवैताभिर्दधारायं दक्षिणा विश्वकुर्मति दक्षिणतो मनं एवैताभिर्दधारायम्पश्चाद्विश्वव्यं चा इति पश्चाच्चक्षुरेवैताभिर्दधारेदमुत्तरात्सुविरित्युत्तरतः श्रोत्रमेवैताभिर्दधारैयमुपरि मतिरित्युपरिष्ठाद्वाचमेवैताभिर्दधार दशदशोपं दधाति सवीर्यत्वायाक्षण्या (५७)

उपं दधाति तस्मादक्षण्या पशवोऽङ्गानि प्र हरन्ति प्रतिष्ठित्यै याः प्राचीस्ताभिर्वसिष्ठ आर्धोद्या दक्षिणा तामिर्भरद्वाजो याः प्रतीचीस्ताभिर्विश्वामित्रो या उदीचीस्ताभिर्जमदग्निर्या ऊर्ध्वास्ताभिर्विश्वकर्मा य एवमेतासामृद्धिं वेदधोत्येव य आसामेवम्ब्युतां वेद बन्धुमान्भवति य आसामेवं कृतिं वेद कल्पते (५८)

अस्मै य आसामेवमायतनं वेदायतनवान्भवति य आसामेवमप्रतिष्ठां वेद प्रत्येव तिष्ठति प्राणभृतं उपधाय संयत उपं दधाति प्राणानेवास्मिन्धित्वा संयद्विः सं यच्छति तथ्संयतां संयत्त्वमथो प्राण एवापातं दधाति तस्मात्प्राणापानौ सं चरतो विपूचीरुपं दधाति तस्माद्विष्वञ्चो प्राणापानौ यद्वा अग्नेरसं यतम् (५९)

असुवर्ग्यमस्य तथ्सुवर्ग्योऽग्निर्यथ्सं यतं उपदधाति समेवेनं यच्छति सुवर्ग्यमेवाकस्यविवर्ग्यः कृतमयानमित्याहु वयोभिरेवायानवं रुन्देऽयैर्वयांसि सर्वतो वायुमतीर्भवन्ति तस्माद्यः सर्वतः पवते॥ (६०)

पश्चादेताः पुरोऽक्षण्या कल्पतेऽसं यतं पञ्चत्रिंशच्च॥ [१०]

गायत्री त्रिष्टुब्जगत्यनुष्टुप्पङ्क्ता सह। बृहत्युष्णिहां ककुथ्सूचीभिः शिम्यन्तु त्वा। द्विपदा या चतुष्पदा त्रिपदा या च पददा। सछन्दा या च विच्छन्दाः सूचीभिः शिम्यन्तु त्वा। महानांम्री रेवतयो विश्वा आशाः प्रसूवरीः। मेघ्या विद्युतो वाचः सूचीभिः शिम्यन्तु त्वा। रजता हरिणीः सीसा युजो युज्यन्ते कर्मभिः। अश्वस्य वाजिनस्त्वचि सूचीभिः शिम्यन्तु त्वा। नारीः (६१)

ते पत्नयो लोम वि चिन्वन्तु मनीषया। देवानाम्पत्नीर्दिशः सूचीभिः शिम्यन्तु त्वा। कुविदङ्ग यवमन्तो यवं चिद्यथा दान्त्यनुपूर्वं वियूय। इहेहैषां कृणुत भोजनानि ये बर्हिषो नमोवृक्तिं न जग्मुः॥ (६२)

नारीश्चिंशच्च॥ [११]

कस्त्वा छति कस्त्वा वि शास्ति कस्ते गात्राणि शिम्यति। क उ ते शमिता कविः। ऋतवन्स्त ऋतुधा परः शमितारो वि शासतु। संवथ्सुरस्य धार्यसा शिमीभिः शिम्यन्तु त्वा। दैव्या अध्वर्यवस्त्वा छन्तु वि च शासतु। गात्राणि पर्वशस्ते शिमाः कृण्वन्तु शिम्यन्तः। अर्धमासाः परूपि ते मासाश्छन्तु शिम्यन्तः। अहोरात्राणि मरुतो विलिष्टं (६३)

सूदयन्तु ते। पृथिवी तेऽन्तरिक्षेण वायुश्छिद्रम्विपज्यतु। द्यौस्ते नक्षत्रैः सह रूपं कृणोतु साधुया। शं ते परम्यो गात्रेभ्यः शमस्त्ववरेभ्यः। शमस्थभ्यो मञ्जभ्यः शमु ते तनुवं भुवत् (६४)

विलिष्टत्रिंशच्च॥ [१२]

उथ्सन्नयज्ञ इन्द्रांम्री देवा वा अक्षण्यास्तोमीया अग्नेर्गांोऽस्यग्ने जाताश्शिमरिति नाकसद्विष्वन्दांसि सर्वाभ्यो वृष्टिसनीर्देवासुराः कर्नीयांसः प्रजापतेरक्षि द्वादश॥ [१३] उथ्सन्नयज्ञो देवा वै यस्य मुख्यवतीर्नाकसद्विरेवैताभिर्ष्टाचत्वारिंशत्॥ 48॥ उथ्सन्नयज्ञः सर्वत्वाय॥

॥ तृतीयः प्रश्नः ॥

॥ तैत्तिरीयसंहितायां पञ्चमकाण्डे तृतीयः प्रश्नः ॥

उत्सन्नयज्ञो वा एष यदग्निः किं वाहृतस्यं क्रियते किं वा न यद्वै यज्ञस्यं क्रियमाणस्यान्त्यन्ति
पूर्यति वा अस्य तदाश्चिनोरुपं दधात्युच्चिनो वै देवानां भिषजौ ताभ्यामेवासमै भेषजं करोति पञ्चोपं दधाति
पाङ्क्तौ यज्ञो यावानेव यज्ञस्तस्मै भेषजं करोत्यृतव्या उपं दधात्यृतानां कृत्यै (१)

पञ्चोपं दधाति पञ्च वा ऋतवो यावन्त एवर्तवस्तान्कल्पयति समानप्रभृतयो भवन्ति
समानोदकास्तस्मात्समाना ऋतव एकेन पदेन व्यावर्तन्ते तस्मादृतवो व्यावर्तन्ते प्राणभृत उपं दधात्यृतवैव
प्राणान्दधाति तस्मात्समानाः सन्त ऋतवो न जीर्यन्त्यथो प्र जनयत्येवानानेष वै वायुर्यत्प्राणो यदृतव्या
उपधाय प्राणभृतः (२)

उपदधाति तस्मात्सर्वानृताननु वायुरा वरीवर्त्ति वृष्टिसनीरुपं दधाति वृष्टिमेवावं रुद्धे यदेकधोपं दध्यादेकमृतं
वरपेदनुपरिहारं सादयति तस्मात्सर्वानृतान् वरपति यत्प्राणभृत उपधाय वृष्टिसनीरुपदधाति तस्माद्वायुप्रच्युता
दिवो वृष्टिरीते पशवो वै वयस्यां नानामनसः खलु वै पशवो नानाव्रतास्तस्य एवाभि समनसः (३)

यं कामयेतापशुः स्यादिति वयस्यांस्तस्योपधायोपस्यां उपं दध्यादसंज्ञानमेवासमै पशुभिः करोत्यपशुरेव
भवेति यं कामयेत पशुमान्स्यादित्यपस्यांस्तस्योपधाय वयस्यां उपं दध्यादसंज्ञानमेवासमै पशुभिः करोति
पशुमानेव भवेति चतस्रः पुरस्तादुपं दधाति तस्माच्चत्वारि चक्षुषो रूपाणि द्वे शुक्ले द्वे कृष्णे (४)

मूर्धन्वतीर्भवन्ति तस्मात्पुरस्तान्मूर्धा पञ्च दक्षिणायाः श्रोण्यामुपं दधाति पञ्चोत्तरस्यां तस्मात्पश्चाद्वर्षीयान्
पुरस्तात्प्रवणः पशुर्वस्तो वय इति दक्षिणेऽस्स उपं दधाति वृष्णिर्वय इत्युत्तरेऽस्सावेव प्रति दधाति व्याघ्रो
वय इति दक्षिणे पक्ष उपं दधाति सिंहो वय इत्युत्तरे पक्षयोरैव वीर्यं दधाति पुरुषो वय इति मध्ये
तस्मात्पुरुषः पशूनामर्पिपतिः ॥ (५)

कृत्या उपधाय प्राणभृतः समनसः कृष्णे पुरुषो वय इति पञ्च च ॥ [१]

इन्द्राग्नी अव्यथमानामिति स्वयमातृणामुपं दधातीन्द्राग्निभ्यां वा इमौ लोकौ विधृतावनयोर्लोकयोर्विधृत्या
अधृतेव वा एषा यन्मध्यमा चित्तिरन्तरिक्षमिव वा एषेन्द्राग्नी इत्याहिन्द्राग्नी वै देवानामोजोभृतावोजसैवेनामन्तरिक्षे
चिनुते धृत्यै स्वयमातृणामुपं दधात्यन्तरिक्षं वै स्वयमातृणान्तरिक्षमेवोपं धत्तेऽश्वमुपं (६)

घ्रापयति प्राणमेवास्यो दधात्यथो प्राजापत्यो वा अश्वः प्रजापतिनैवाग्निं चिनुते स्वयमातृणा भवेति
प्राणानामुत्प्रेष्टा अथो सुवर्गस्य लोकस्यानुख्यात्ये देवानां वै सुवर्गं लोकं यतां दिशः समं गीयन्त त
एता दिश्या अपश्यन्ता उपादधत् ताभिर्वै ते दिशोऽदृहन्त्यदिश्या उपदधाति दिशां विधृत्यै दशं प्राणभृतः
पुरस्तादुपं (७)

दधाति नव वै पुरुषे प्राणा नाभिर्दशमी प्राणानेव पुरस्ताद्धत्ते तस्मात्पुरस्तात्प्राणा ज्योतिष्मतीमुत्तमामुपं
दधाति तस्मात्प्राणानां वाग्ज्योतिरुत्तमा दशोपं दधाति दशाक्षरा विराड्विराट्पुण्ड्रसं ज्योतिर्ज्योतिरेव पुरस्ताद्धत्ते
तस्मात्पुरस्ताज्योतिरुपास्महे छन्दांसि पशुष्वजिमयुस्तान्वहृत्युदजयत्तस्माद्वारहताः (८)

पशवं उच्यन्ते मा छन्द इति दक्षिणत उपं दधाति तस्माद्दक्षिणावृतो मासाः पृथिवी छन्द इति पश्चात्प्रतिष्ठित्या अग्निदेवतेत्युत्तरत ओजो वा अग्निरोज एवोत्तरतो धत्ते तस्मादुत्तरतोभिप्रयायी जयति षट्त्रिंशत्सम्पद्यन्ते षट्त्रिंशदक्षरा बृहती बारहताः पशवो बृहत्येवास्मै पशूनवं रुद्धे बृहती छन्दसां सु स्वाराज्यं परीयायु यस्यैताः (९)

उपधीयन्ते गच्छन्ति स्वाराज्यं सप्त बालखिल्याः पुरस्तादुपं दधाति सप्त पश्चात्सप्त वै शीर्षण्याः प्राणा द्वाववांश्चौ प्राणानां सवीर्यत्वाय मूर्धासि राडिति पुरस्तादुपं दधाति यत्रो राडिति पश्चात्प्राणानेवास्मै समीचो दधाति॥ (१०)

अश्वमुपं पुरस्तादुप बारहता एताश्चतुस्त्रिंशच्च॥ [२]

देवा वै यद्यज्ञेऽकुर्वन्त तदसुरा अकुर्वन्त ते देवा एता अक्षण्यास्तोमीया अपश्यन्ता अन्यथानूच्यान्यथोपादधत् तदसुरा नान्ववायन्ततो देवा अभवन्वरासुरा यदक्षण्यास्तोमीया अन्यथानूच्यान्यथोपादधाति भ्रातृव्याभिभूत्ये भवन्त्यात्मना परास्य भ्रातृव्यो भवत्याशुस्त्रिवृदिति पुरस्तादुपं दधाति यज्ञमुखं वै त्रिवृत् (११)

यज्ञमुखमेव पुरस्ताद्वि यांतयति व्योम सप्तदश इति दक्षिणतोऽन्नं वै व्योमान्नं सप्तदशोऽन्नमेव दक्षिणतो धत्ते तस्माद्दक्षिणेनान्नमद्यते धरुण एकविंश इति पश्चात्प्रतिष्ठा वा एकविंशः प्रतिष्ठित्ये भान्तः पञ्चदश इत्युत्तरत ओजो वै भान्त ओजः पञ्चदश ओज एवोत्तरतो धत्ते तस्मादुत्तरतोभिप्रयायी जयति प्रतूर्तिरष्टादश इति पुरस्तात् (१२)

उपं दधाति द्वौ त्रिवृतांभिमूर्ध्वं यज्ञमुखे वि यांतयत्यभिवर्तः सविंश इति दक्षिणतोऽन्नं वा अभिवर्तोऽन्नं सविंशोऽन्नमेव दक्षिणतो धत्ते तस्माद्दक्षिणेनान्नमद्यते वर्चो द्वाविंश इति पश्चाद्यद्विंशतिर्द्वे तेन विराजो यद्वे प्रतिष्ठा तेन विराजोरेवामिपूर्वमन्नाद्ये प्रति तिष्ठति तपो नवदश इत्युत्तरतस्तस्मात्सव्यः (१३)

हस्तयोस्तपस्वितरो योनिश्चतुर्विंश इति पुरस्तादुपं दधाति चतुर्विंशत्यक्षरा गायत्री गायत्री यज्ञमुखम् यज्ञमुखमेव पुरस्ताद्वि यांतयति गर्भाः पञ्चविंश इति दक्षिणतोऽन्नं वै गर्भा अन्नं पञ्चविंशोऽन्नमेव दक्षिणतो धत्ते तस्माद्दक्षिणेनान्नमद्यत ओजस्मिण्व इति पश्चादिमे वै लोकास्मिण्व एष्वेव लोकेषु प्रति तिष्ठति सम्भरणस्त्रयोविंश इति (१४)

उत्तरतस्तस्मात्सव्यो हस्तयोः सम्भार्यतरः क्रतुरेकत्रिंश इति पुरस्तादुपं दधाति वाग्वै क्रतुर्यज्ञमुखं वाग्यज्ञमुखमेव पुरस्ताद्वि यांतयति ब्रध्नस्यं विष्टपं चतुस्त्रिंश इति दक्षिणतोऽसौ वा आदित्यो ब्रध्नस्यं विष्टपम् ब्रह्मवर्चसमेव दक्षिणतो धत्ते तस्माद्दक्षिणोऽर्धो ब्रह्मवर्चसितरः प्रतिष्ठा त्रयस्त्रिंश इति पश्चात्प्रतिष्ठित्ये नाकः षट्त्रिंश इत्युत्तरतः सुवर्गो वै लोको नाकः सुवर्गस्य लोकस्य समष्टौ॥ (१५)

वै त्रिवृदिति पुरस्तात्सव्यस्त्रयोविंश इति सुवर्गो वै पञ्च च॥ [३]

अग्नेर्भागोऽसीति पुरस्तादुपं दधाति यज्ञमुखं वा अग्निर्यज्ञमुखं दीक्षा यज्ञमुखं ब्रह्मं यज्ञमुखं त्रिवृद्यज्ञमुखमेव पुरस्ताद्वि यांतयति नृवक्षंसाम्भागोऽसीति दक्षिणतः शश्रुवांसो वै नृवक्षसोऽन्नं धाता

जातायैवास्मा अन्नमपि दधाति तस्माद्जातोऽन्नमिति जनित्रं स्पृतं संतदशः स्तोम इत्याहानं वै जनित्रम् (१६)

अन्नं संतदशोऽन्नमेव दक्षिणतो धत्ते तस्मादक्षिणेनान्नमद्यते मित्रस्य भागोऽसीति पश्चात्प्राणो वै मित्रोऽपानो वरुणः प्राणापानावेवास्मिन्दधाति दिवो वृष्टिर्वातोः स्पृता एकविंशः स्तोम इत्याह प्रतिष्ठा वा एकविंशः प्रतिष्ठित्या इन्द्रस्य भागोऽसीत्युत्तरत ओजो वा इन्द्र ओजो विष्णुरोजः क्षत्रमोजः पञ्चदशः (१७)

ओजं एवोत्तरतो धत्ते तस्मादुत्तरतोभिप्रयायी जयति वसूनाम्भागोऽसीति पुरस्तादुपं दधाति यज्ञमुखं वै वसवो यज्ञमुखं रुद्रा यज्ञमुखं चतुर्विंशो यज्ञमुखमेव पुरस्ताद्वि यांतयत्यादित्यानां भागोऽसीति दक्षिणतोऽन्नं वा आदित्या अन्नंमरुतोऽन्नं गर्भा अन्नं पञ्चविंशोऽन्नमेव दक्षिणतो धत्ते तस्मादक्षिणेनान्नमद्यतेऽदित्यै भागः (१८)

असीति पश्चात्प्रतिष्ठा वा अदितिः प्रतिष्ठा पूषा प्रतिष्ठा त्रिणवः प्रतिष्ठित्यै देवस्य सवितुर्भागोऽसीत्युत्तरतो ब्रह्म वै देवः सविता ब्रह्म बृहस्पतिर्ब्रह्म चतुष्टोमो ब्रह्मवर्चसमेवोत्तरतो धत्ते तस्मादुत्तरतोऽर्धो ब्रह्मवर्चसितरः सावित्रवती भवति प्रसूत्यै तस्माद्ब्राह्मणानामुदीची सनिः प्रसूता धृत्रश्चतुष्टोम इति पुरस्तादुपं दधाति यज्ञमुखं वै धृत्रः (१९)

यज्ञमुखं चतुष्टोमो यज्ञमुखमेव पुरस्ताद्वि यांतयति यावानांभागोऽसीति दक्षिणतो मासा वै यावा अर्धमासा अयावास्तस्मादक्षिणावृत्तो मासा अन्नं वै यावा अन्नं प्रजा अन्नमेव दक्षिणतो धत्ते तस्मादक्षिणेनान्नमद्यत ऋभूनाम्भागोऽसीति पश्चात् प्रतिष्ठित्यै विवर्तोऽष्टाचत्वारिंश इत्युत्तरतोऽनयोर्लोकयोः सवीर्यत्वाय तस्मादिमौ लोको समावद्दीर्यौ (२०)

यस्य मुख्यवतीः पुरस्तादुपधीयन्ते मुख्य एव भवत्यास्य मुख्यो जायते यस्यान्नवतीर्दक्षिणतोऽत्यन्नामास्यान्नादो जायते यस्य प्रतिष्ठावतीः पश्चात्प्रत्येव तिष्ठति यस्यौजस्वतीरुत्तरत औजस्व्येव भवत्यास्यौजस्वी जायतेऽर्को वा एष यदग्निस्तस्यैतदेव स्तोत्रमेतच्छृण्वं यदेषा विधा (२१)

विधीयतेऽर्क एव तदकर्मनु विधीयतेऽत्यन्नामास्यान्नादो जायते यस्येषा विधा विधीयते य उं चैनामेवं वेद सृष्टीरुपं दधाति यथासृष्टमेवावं रुद्धे न वा इदं दिवा न नक्तमासीदव्यावृत्तन्ते देवा एता व्यृष्टीरपश्यन्ता उपादधत् ततो वा इदं व्यृच्छुद्यस्येता उपधीयन्ते व्यैवास्मा उच्छृत्यथो तम एवापं हते॥ (२२)

वै जनित्रं पञ्चदशोऽदित्यै भागो वै धृत्रः समावद्दीर्यौ विधा ततो वा इदं चतुर्दश च॥ [४]

अग्रे जातान्म णुंदा नः सपत्नानिति पुरस्तादुपं दधाति जातानेव भ्रातृव्यान्म णुंदते सहसा जातानिति पश्चादग्निष्यमाणानेव प्रति नुदते चतुश्चत्वारिंशः स्तोम इति दक्षिणतो ब्रह्मवर्चसं वै चतुश्चत्वारिंशो ब्रह्मवर्चसमेव दक्षिणतो धत्ते तस्मादक्षिणोऽर्धो ब्रह्मवर्चसितरः षोडशः स्तोम इत्युत्तरत ओजो वै षोडश ओजं एवोत्तरतो धत्ते तस्मात् (२३)

उत्तरतोभिप्रयायी जयति वज्रो वै चतुश्चत्वारिंशो वज्रः षोडशो यदेते इष्टके उपदधाति जाताश्चैव जनिष्यमाणाश्च भ्रातृव्यान्प्रणुद्य वज्रमनु प्र हरति स्तृत्यै पुरीषवतीम्मध्य उपं दधाति पुरीषं वै मध्यमात्मनः

सात्मानमेवाग्निं चिन्तु सात्मानमुष्मिँल्लोके भवति य एवं वेदेता वा अंसपत्ना नामेष्टंका यस्यैता उपधीयन्ते (२४)

नास्यं सपत्नौ भवति पशुर्वा एष यदग्निर्विराजं उत्तमायां चित्यामुपं दधाति विराजंमेवोत्तमाम्पशुपुं दधाति तस्मात्पशुमानुत्तमां वाचं वदति दशदशोपं दधाति सवीर्यत्वायैक्षण्योपं दधाति तस्मादक्षण्या पशवोऽङ्गानि प्र हरन्ति प्रतिष्ठित्यै यानि वै छन्दांसि सुवर्ग्याण्यासन्तेर्देवाः सुवर्गं लोकमायन्तेनर्पयः (२५)

अश्राम्यन्ते तपोऽतप्यन्त तानि तपसापश्यन्तेभ्यं एता इष्टंका निरमिमतेवश्छन्दो वरिवश्छन्द इति ता उपादधत् ताभिर्वै ते सुवर्गं लोकमायन् यदेता इष्टंका उपदधाति यान्येव छन्दांसि सुवर्ग्याणि तेरेव यजमानः सुवर्गं लोकमेति यजेन् वै प्रजापतिः प्रजा अंसृजत् ताः स्तोमभागेरेवासृजत् यत् (२६)

स्तोमभागा उपदधाति प्रजा एव तद्यजमानः सृजते बृहस्पतिर्वा एतद्यज्ञस्य तेजः समभरद्यथस्तोमभागा यथस्तोमभागा उपदधाति सतेजसमेवाग्निं चिन्तु बृहस्पतिर्वा एतां यज्ञस्यं प्रतिष्ठामपश्यद्यथस्तोमभागा यथस्तोमभागा उपदधाति यज्ञस्य प्रतिष्ठित्यै सप्तसप्तोपं दधाति सवीर्यत्वायै तिस्रो मध्ये प्रतिष्ठित्यै॥ (२७)

उत्तरतो धत्ते तस्मादुपधीयन्त ऋषयोऽसृजत् यन्निचंत्वारिंशच्च॥ [५]

रश्मिरित्येवाऽऽदित्यमंसृजत् प्रेतिरिति धर्ममन्वितिरिति दिवः संधिरित्यन्तरिक्षं प्रतिधिरिति पृथिवीं विष्टम्भ इति वृष्टिम्प्रवेत्यहंरनुवेति रात्रिमुशिति वसून्प्रकेत इति रुद्रान्सुदीतिरित्यादित्यानोज इति पितृस्स्तनुरिति प्रजाः पृतनापाडिति पशून्नेवदित्योपधीरभिजिदसि युक्तग्रावा (२८)

इन्द्राय त्वेन्द्रं जिवेत्येव दक्षिणतो वज्रं पर्यौहदभिजित्यै ताः प्रजा अपंप्राणा असृजत् तास्वधिपतिरसीत्येव प्राणमंदाद्यन्तेत्यपानं सः सर्प इति चक्षुर्वयोधा इति श्रोत्रन्ताः प्रजाः प्राणतीरपानतीः पश्यन्तीः शृण्वतोर्न मिथुनी अभवन्तासु त्रिवृदसीत्येव मिथुनमंदात्ताः प्रजा मिथुनी (२९)

भवन्तीर्न प्राजायन्त ताः सःरोहोऽसि नीरोहोऽसीत्येव प्राजंनयताः प्रजाः प्रजाता न प्रत्यतिष्ठन्ता वंसुकोऽसि वेपथ्रिरसि वस्यंष्टिरसीत्येवैषु लोकेषु प्रत्यस्थापयद्यदाहं वंसुकोऽसि वेपथ्रिरसि वस्यंष्टिरसीति प्रजा एव प्रजाता एषु लोकेषु प्रति द्यापयति सात्मानन्तरिक्षं रोहति सप्राणोऽमुष्मिँल्लोके प्रति तिष्ठत्यव्यधुक्तः प्राणापानाभ्यां भवति य एवं वेद॥ (३०)

युक्तग्रावा प्रजा मिथुन्यन्तरिक्षं द्वादश च॥ [६]

नाक्सद्विर्वै देवाः सुवर्गं लोकमायन्तत्राकसदा नाक्सत्त्वं यत्राकसद उपदधाति नाक्सद्विरेव तद्यजमानः सुवर्गं लोकमेति सुवर्गो वै लोको नाको यस्यैता उपधीयन्ते नास्मा अकम्भवति यजमानायतनं वै नाक्सदो यत्राकसद उपदधात्यायतनमेव तद्यजमानः कुरुते पृष्ठानां वा एतत्तेजः सम्भृतं यत्राकसदो यत्राकसदः (३१)

उपदधाति पृष्ठानामेव तेजोऽवं रुद्धे पञ्चचोडा उपं दधात्यप्सरसं एवैनमेता भूता अमुष्मिँल्लोक उपं शेरेऽथो तनूपानीरेवेता यजमानस्य यं द्विष्यात्तमुपदधंद्वायेदेताभ्यं एवैनं देवताभ्यं आ वृश्चति ताजगातिमार्च्छत्युत्तरा नाक्सद्व्य उपं दधाति यथा जायामानीयं गृहेषु निषादयति तादृगेव तत् (३२)

पश्चात्प्राचींमुत्तमामुपं दधाति तस्मात्पश्चात्प्राची पव्यन्वास्ते स्वयमातृणां च विकर्णी चोत्तमे उपं दधाति प्राणो वै स्वयमातृणायुर्विकर्णी प्राणं चैवायुश्च प्राणानामुत्तमौ धत्ते तस्मात्प्राणश्चायुश्च प्राणानामुत्तमौ

नान्यामुत्तरांमिष्टं कामुपं दध्याद्यदन्यामुत्तरांमिष्टं कामुपदध्यात्पशूनाम् (३३)

च यजमानस्य च प्राणं चायुश्चापि दध्यात्तस्मान्नान्योत्तरेष्टकोपधेयाँ स्वयमातृणामुपं दधात्यसौ वै स्वयमातृणामुमेवोपं धत्तेऽश्वमुपं घ्रापयति प्राणमेवास्याँ दधात्यथो प्राजापत्यो वा अश्वः प्रजापतिर्नैवाग्निं चिनुते स्वयमातृणा भवति प्राणानामुभ्युष्टा अथो सुवर्गस्य लोकस्यानुख्यात्या एषा वै देवानां विक्रान्तिर्यद्विकर्णी यद्विकर्णीमुपदधाति देवानामेव विक्रान्तिमनु वि क्रमत उत्तरत उपं दधाति तस्मादुत्तरत उपचारोऽग्निर्वायुमती भवति समिद्धौ॥ (३४)

सम्भृतं यन्नाकसदो यन्नाकसदस्तत्पशूनामेपां वै द्वाविंशतिश्च॥ [७]

छन्दाऽस्युपं दधाति पशवो वै छन्दांसि पशूनेवावं रुद्धे छन्दांसि वै देवानां वामम्पशवो वाममेव पशूनवं रुद्ध एतां ह वै यजसेनश्चेत्रियायणश्चित् विदां चकार तथा वै स पशूनवारुद्ध यदेतामुपदधाति पशूनेवावं रुद्धे गायत्रीः पुरस्तादुपं दधाति तेजो वै गायत्री तेज एव (३५)

मुखतो धत्ते मूर्धन्वतीर्भवन्ति मूर्धानमेवेनं समानानां करोति त्रिष्टुभ उपं दधातीन्द्रियं वै त्रिष्टुगिन्द्रियमेव मध्यतो धत्ते जगतीरुपं दधाति जागतां वै पशवः पशूनेवावं रुद्धेऽनुष्टुभ उपं दधाति प्राणा वा अनुष्टुप्प्राणानामुभ्युष्टे बृहतीरुष्णिहाः पङ्कीरक्षरपङ्कीरिति विपुरुषाणि छन्दाऽस्युपं दधाति विपुरुषा वै पशवः पशवः (३६)

छन्दांसि विपुरुषानेव पशूनवं रुद्धे विपुरुषमस्य गृहे दृश्यते यस्येता उपधीयन्ते य उं चैना एवं वेदातिच्छन्दसमुपं दधात्यतिच्छन्दा वै सर्वाणि छन्दांसि सर्वेभिरेवेनं छन्दोभिश्चिनुते वर्ष्म वा एषा छन्दसां यदतिच्छन्दा यदतिच्छन्दसमुपदधाति वर्ष्मेवेनं समानानां करोति द्विपदा उपं दधाति द्विपाद्यजमानः प्रतिष्ठित्यै॥ (३७)

तेज एव पशवः पशवो यजमान एकश्च॥ [८]

सर्वाभ्यो वै देवताभ्योऽग्निश्चीयते यथस्युजो नोपदध्याद्देवता अस्याग्निं वृक्षीरन् यथस्युजं उपदधात्यात्मनेवेनं स्युजं चिनुते नाग्निना व्यृध्यतेऽथो यथा पुरुषः सार्वभिः सन्तत एवमेवैताभिर्ऋग्निः सन्ततोऽग्निना वै देवाः सुवर्गं लोकमायन्ता अमूः कृत्तिका अभवन् यस्येता उपधीयन्ते सुवर्गमेव (३८)

लोकमेति गच्छति प्रकाशं चित्रमेव भवति मण्डलेष्टका उपं दधातीमे वै लोका मण्डलेष्टका इमे खलु वै लोका देवपुरा देवपुरा एव प्र विंशति नातिमाच्छत्यग्निं चिक्यानो विश्वज्योतिष उपं दधातीमानेवैताभिर्लोकां ज्योतिष्मतः कुरुतेऽथो प्राणानेवैता यजमानस्य दाघ्रत्येता वै देवताः सुवर्ग्यास्ता एवान्वाऋभ्यं सुवर्गं लोकमेति॥ (३९)

सुवर्गमेव ता एव चत्वारि च॥ [९]

वृष्टिसनीरुपं दधाति वृष्टिमेवावं रुद्धे यदेकधोपदध्यादेकमृतं वरूपेदनुपरिहारं सादयति तस्मात्सर्वानृतून् वरूपति पुरोवातसर्निरसीत्याहेतद्वै वृष्टै रूपं रूपेणैव वृष्टिमवं रुद्धे संयानीभिर्वै देवा

इमाल्लौकान्धर्मयुस्तथसंयानीनां संयानित्वं यथसंयानीरुपदधाति यथाप्सु नावा संयात्येवम् (४०)

एवेताभिर्यजमान इमाल्लौकान्धर्मं याति प्लुवो वा एषोऽग्नेर्यथसंयानीर्यथसंयानीरुपदधाति प्लुवमेवैतमग्नय उपं दधात्युत यस्यैतासूपहितास्वापोऽग्निः हरन्त्यहृत एवास्याग्निरादित्येष्टका उपं दधात्यादित्या वा एतम्भूत्ये प्रतिं नुदन्ते योऽलम्भूत्ये सन्भूतिं न प्राप्नोत्यादित्याः (४१)

एवेनम्भूतिं गमयन्त्यसौ वा एतस्यादित्यो रुचमा दन्ते योऽग्निं चित्वा न रोचन्ते यदादित्येष्टका उपं दधात्युतसावेवास्मिन्नादित्यो रुचं दधाति यथासौ देवानां रोचन्त एवमेवैष मनुष्याणां रोचन्ते घृतेष्टका उपं दधात्येतद्वा अग्नेः प्रियं धाम यद्धृतमिष्येणेवैनं धाम्ना समर्धयति (४२)

अथो तेजसानुपरिहारं सादयत्यपरिवर्गमेवास्मिन्तेजो दधाति प्रजापतिरग्निमचिनुत स यशसा व्याधृत स एता यशोदा अपश्यन्ता उपाधत्त ताभिर्वै स यशं आत्मन्नधत् यद्यशोदा उपं दधाति यशं एव ताभिर्यजमान आत्मन्धत्ते पञ्चोपं दधाति पाङ्कः पुरुषो यावानेव पुरुषस्तस्मिन् यशो दधाति॥ (४३)

एवं प्राप्नोत्यादित्या अर्धयत्येकान्नपञ्चाशच्च॥ [१०]

देवासुराः संयन्ता आसन्कनीयांसो देवा आसन्भूयांसोऽसुरास्ते देवा एता इष्टका अपश्यन्ता उपाधत्त भूयस्कृदसीत्येव भूयांसोऽभवन्वन्स्पतिभिरोपधीभिर्विरवस्कृदसीतीमामंजयन्प्राच्यसीति प्राचीं दिशमंजयन्तूर्ध्वाससीत्यमूमंजयन्तरिक्षदस्यन्तरिक्षे सीदित्यन्तरिक्षमंजयन्ततो देवा अभवन् (४४)

परासुरा यस्यैता उपधीयन्ते भूयानेव भवत्यभीमाल्लौकाञ्जयति भवत्यात्मना परास्य भ्रातृव्यो भवत्यप्सुपदंसि श्येनसदसीत्याहेतद्वा अग्ने रूपं रूपेणैवाग्निमव रुद्धे पृथिव्यास्त्वा द्रविणे सादयामीत्याहेमानुवैताभिलोकान् द्रविणावतः कुरुत आयुष्या उपं दधात्यायुरेव (४५)

अस्मिन्धात्यग्ने यत्ते परं हन्नामेत्याहेतद्वा अग्नेः प्रियं धाम प्रियमेवास्य धामोपाप्नोति तावेहि स रंभावहा इत्याह व्यैवैनेन परि धत्ते पाञ्चजन्येष्वप्यैध्यग्र इत्याहेप वा अग्निः पाञ्चजन्यो यः पञ्चचितीकस्तस्मादेवमार्हर्तव्या उपं दधात्येतद्वा ऋतूनामिष्यं धाम यदृतव्या ऋतूनामेव प्रियं धामाव रुद्धे सुमेक् इत्याह संवत्सरो वै सुमेकः संवत्सरस्यैव प्रियं धामोपाप्नोति॥ (४६)

अभ्वन्नायुरेवर्तव्या उप पङ्क्तिं शतिश्च॥ [११]

प्रजापतेरक्षयश्चयत्तपरापतत्तदश्वोऽभवद्यदश्वयत्तदश्वस्याश्वत्तन्तद्देवा अश्वमेधेनैव प्रत्यदधुरेप वै प्रजापतिः सर्वं करोति योऽश्वमेधेन यजन्ते सर्व एव भवति सर्वस्य वा एषा प्रायश्चित्तिः सर्वस्य भेषजं सर्वं वा एतेन पाप्मानं देवा अंतरत्रपि वा एतेन ब्रह्महत्यामंतरन्सर्वम्पाप्मानम् (४७)

तरति तरति ब्रह्महत्यां योऽश्वमेधेन यजन्ते य उ चैनमेवं वेदोत्तरं वै तत्प्रजापतेरक्षयश्चयत्तस्मादश्वस्योत्तरतोऽवं द्यन्ति दक्षिणतोऽन्येषां पशूनाम्वैतसः कटो भवत्यप्सुयोनिरा अश्वोऽप्सुजो वैतसः स्व एवेनं योनौ प्रतिं षापयति चतुष्टोमः स्तोमो भवति स्रङ्गु वा अश्वस्य

सक्थ्यावृहत्तद्देवाश्चतुष्टोमेनैव प्रत्यदधुर्यच्चतुष्टोमः स्तोमो भवत्यश्वस्य सर्वत्वाय॥ (४८)

सर्वं पाप्मानंमवृहद्वादश च॥ _____ [१२]

देवासुराः तेनर्तव्यां रुद्रोऽश्मन्नुपदे वडुदेनं प्राचीमिति वसोर्धारांमग्निर्देवेभ्यः सुवर्गाय यत्राकृताय छन्दश्चितं पर्वस्व द्वादश॥ _____ [१३] देवासुरा अजायां वै शुमुष्टिः प्रथमो देवयतामेतद्वै छन्दसामृध्रोत्यष्टौ पञ्चाशच्च॥ 58॥ देवासुराः सर्वं जयति॥

॥चतुर्थः प्रश्नः॥

॥तैत्तिरीयसंहितायां पञ्चमकाण्डे चतुर्थः प्रश्नः॥

देवासुराः संयत्ता आसन्ते न व्यजयन्त स एता इन्द्रस्तनूरपश्यन्ता उपाधत्ता ताभिर्वै स तनुवमिन्द्रियं वीर्यमात्मन्नेधत् ततो देवा अभवन्परासुरा यदिन्द्रतनूरुपदधाति तनुवमेव ताभिरिन्द्रियं वीर्यं यजमान आत्मन्तेऽथो सेन्द्रमेवाग्निं सतनुं चिनुते भवत्यात्मना परास्य भ्रातृव्यः (१)

भवति यज्ञो देवेभ्योऽप्राक्रामत्तमवरुधं नाशंक्नुवन्त एता यज्ञतनूरपश्यन्ता उपाधत्ता ताभिर्वै ते यज्ञमवारुन्धत् यद्यज्ञतनूरुपदधाति यज्ञमेव ताभिर्यजमानोऽवं रुन्दे त्रयस्त्रिंशत्तमुप दधाति त्रयस्त्रिंशद्वै देवता देवता एवाव रुन्देऽथो सात्मानमेवाग्निं सतनुं चिनुते सात्मानमुष्मिन्नौके (२)

भवति य एवं वेद ज्योतिष्मतीरुप दधाति ज्योतिरेवास्मिन्दधात्येताभिर्वा अग्निश्चितो ज्वलति ताभिरिवैनं समिन्द्र उभयोरस्मै लोकयोर्ज्योतिर्भवति नक्षत्रेष्टका उप दधात्येतानि वै दिवो ज्योतींषि तान्येवाव रुन्दे सुकृता वा एतानि ज्योतींषि यन्नक्षत्राणि तान्येवाप्रोत्यथो अनूकाशमेवैतानि (३)

ज्योतींषि कुरुते सुवर्गस्य लोकस्यानुख्यात्यै यत्संस्पृष्टा उपदध्याद्वृष्टै लोकमपि दध्यादवर्षुकः पर्जन्यः स्यादसंस्पृष्टा उप दधाति वृष्ट्या एव लोकं करोति वर्षुकः पर्जन्यो भवति पुरस्तादध्याः प्रतीचीरुप दधाति पश्चादध्याः प्राचीस्तस्मात्प्राचीनानि च प्रतीचीनानि च नक्षत्राण्या वर्तन्ते॥ (४)

भ्रातृव्यो लोक एवेतान्येकचत्वारिंशच्च॥ _____ [१]

ऋतव्या उप दधात्यृतूनां कृत्यै द्वंद्वमुप दधाति तस्माद्द्वंद्वमृतवोऽधृतेव वा एषा यन्मध्यमा चित्तिरन्तरिक्षमिव वा एषा द्वंद्वमन्यासु चित्तीषूप दधाति चतस्रो मध्ये धृत्या अन्तःश्लेषणं वा एताश्चित्तीनां यदृतव्यां यदृतव्यां उपदधाति चित्तीनां विधृत्या अवकांमनूप दधात्येषा वा अग्नेर्योनिः सयोनिम् (५)

एवाग्निं चिनुत उवाच ह विश्वामित्रोऽददिथ्स ब्रह्मणान् यस्येता उपधीयान्ते य उं चैना एवं वेददिति संवत्सरो वा एतमप्रतिष्ठायै नुदते योऽग्निं चित्त्वा न प्रतितिष्ठति पञ्च पूर्वाश्रितयो भवन्त्यथ षष्ठीं चितिं चिनुते षड्वा ऋतवः संवत्सुर ऋतुष्वेव संवत्सुरे प्रति तिष्ठत्येता वै (६)

अधिपत्नीनामिष्टका यस्यैता उपधीयन्तेऽधिपतिरेव संमानानां भवति यं द्विष्यात्तमुपदधं दद्यादेताभ्यं एवैनं देवताभ्य आ वृश्चति ताजगार्तिमाच्छत्यङ्गिरसः सुवर्गं लोकं यन्तो या यज्ञस्य निष्कृतिरासीत्तामृषिभ्यः प्रत्यौहन् तद्विरण्यमभवच्चद्विरण्यशल्कैः प्रोक्षति यज्ञस्य निष्कृत्या अथो भेषजमेवासौ करोति (७)

अथो रूपेणैवैनं समर्पयत्यथो हिरण्यज्योतिषैव सुवर्गं लोकमेति साहस्रवंता प्रोक्षति साहस्रः प्रजापतिः प्रजापतेरास्या इमा मे अग्न इष्टका धेनवः सन्त्वित्याह धेनूरेवैनोः कुरुते ता एनं कामदुघां अमुत्रामुष्मिल्लोकं उप तिष्ठन्ते॥ (८)

सयोनितेता वै करोत्येकान्नचत्वारिंशच्च॥ [२]

रुद्रो वा एष यदग्निः स एतर्हि जातो यर्हि सर्वश्चितः स यथा वृश्चो जातः स्तनम्प्रेप्सत्येवं वा एष एतर्हि भागधेयम्प्रेप्सति तस्मै यदाहुतिं न जुहुयादध्वर्युं च यजमानं च ध्यायेच्छतरुद्रीयं जुहोति भागधेयैर्नैवेनं शमयति नार्तिमाच्छत्यध्वर्युं यजमानो यद्वाय्माणां पशूनाम् (९)

पर्यसा जुहुयाद्वाय्मान्पशून्क्षुचाप्येद्यदारण्यानामारण्याञ्जितिलयवाग्वां वा जुहुयाद्रवीधुकयवाग्वां वा न ग्राम्यान्पशून् हिनस्ति नारण्यानथो खल्वाहुरनाहुतिर्वै जर्तिलांश्च ग्वीधुकाश्चेत्यंजक्षीरेण जुहोत्याग्नेयी वा एषा यद्दाहुत्येव जुहोति न ग्राम्यान्पशून् हिनस्ति नारण्यानङ्गिरसः सुवर्गं लोकं यन्तः (१०)

अजायां घर्मम्प्रासिञ्चन्त्सा शोचन्ती पूर्णं पराजिहीतु सो ऽर्कोऽभवत्तदकस्यां कृत्वमर्कपुर्णेन जुहोति सयोनित्वायोदङ्घ्रिष्ठोहोत्येषा वै रुद्रस्य दिख्स्वायांमेव दिशि रुद्रं निरवदयते चरमायामिष्टकायां जुहोत्यन्तत एव रुद्रं निरवदयते त्रेधाविभक्तं जुहोति त्रयं इमे लोका इमानेव लोकान्स्मामावद्वीर्यान्करोतीत्यत्रै जुहोति (११)

अथेयत्यथेयति त्रयं इमे लोका एभ्य एवैनं लोकेभ्यः शमयति तिस्र उत्तरा आहुतीर्जुहोति षट्शम्पद्यन्ते षड्वा ऋतवं ऋतुभिरेवेनं शमयति यदनुपरिक्रामं जुहुयादन्तरवचारिणं रुद्रं कुर्यादथो खल्वाहुः कस्यां वाहं दिशि रुद्रः कस्यां वेत्यनुपरिक्राममेव हौतव्यमपरिवर्गमेवेनं शमयति (१२)

एता वै देवताः सुवर्गा या उत्तमास्ता यजमानं वाचयति ताभिरेवेनं सुवर्गं लोकं गमयति यं द्विष्यात्तस्य सञ्चरे पशूनां न्यस्येद्यः प्रथमः पशुरभिषिष्टति स आर्तिमाच्छति॥ (१३)

पशूनां यन्तोऽग्ने जुहोत्यपरिवर्गमेवेनं शमयति त्रिंशच्च॥ [३]

अश्मन्नूर्जमिति परि पिञ्चति मार्जयत्येवेनमथो तर्पयत्येव स एनं तृतोऽक्षुध्यन्नशोचन्नमुष्मिल्लोकं उप तिष्ठते तृप्यति प्रजयां पशुभिर्य एवं वेद् तां न इषमूर्जं धत्त मरुतः सःशराणा इत्याहानं वा ऊर्गन्नम्मरुतोऽन्नमेवाव रुन्देऽश्मंस्ते क्षुदमुं ते शुक् (१४)

ऋच्छतु यं द्विप्म इत्याहु यमेव द्वेष्टि तमस्य क्षुधा च शुचा चापयति त्रिः परिपिञ्चन्येयति त्रिवृद्धा अग्निर्यावानेवाग्निस्तस्य शुचं शमयति त्रिः पुनः पर्यति षट्शम्पद्यन्ते षड्वा ऋतवं ऋतुभिरेवास्य शुचं शमयत्युपां वा एतत्पुष्पं यद्वैतसौऽपाम् (१५)

शरोऽवका वेतसशाखया चावकाभिश्च वि कर्षत्यापो वै शान्ताः शान्ताभिरेवास्य शुचः शमयति यो वा अग्निं चितप्रथमः पशुरधिक्रामतीश्वरो वै तं शुचा प्रदहो मण्डूकेन वि कर्षत्येष वै पशूनामनुपजीवनीयो न वा एष ग्राम्येषु पशुषु हितो नारण्येषु तमेव शुचार्यत्यष्टाभिर्वि कर्षति (१६)

अष्टाक्षरा गायत्री गांयत्रोऽग्निर्यावानेवाग्निस्तस्य शुचः शमयति पावकवंतीभिरन्नं वै पावकोऽन्नैरेवास्य शुचः शमयति मृत्युर्वा एष यदग्निर्ब्रह्मण एतद्रूपं यत्कृष्णाजिनम् कार्ष्णी उपानहावुपं मुञ्चते ब्रह्मणैव मृत्योरन्तर्धत्तेऽन्तर्मृत्योर्धत्तेऽन्तरत्राद्यादित्याहुर्न्यामुपमुञ्चतेऽन्यां नान्तः (१७)

एव मृत्योर्धत्तेऽवात्राद्यं रुद्धे नमस्ते हरंसे शोचिष इत्याह नमस्कृत्य हि वसीयांसमुपचरन्त्यन्यं तं अस्मत्तपन्तु हेतय इत्याह यमेव द्वेष्टि तमस्य शुचार्ययति पावको अस्मभ्यः शिवो भवेत्याहान्नं वै पावकोऽन्नमेवाव रुद्धे द्वाभ्यामपि क्रामति प्रतिष्ठित्या अपस्यं वतीभ्यां शान्त्यै॥ (१८)

शुर्वेतसोऽपामष्टाभिर्विकर्षति नान्तरेकात्रपञ्चाशच्च॥ [४]

नृपदे वडिति व्याघारयति पङ्क्याहुत्या यज्ञमुखमा रभतेऽक्षण्या व्याघारयति तस्मादक्षण्या पशवोऽङ्गानि प्र हरन्ति प्रतिष्ठित्ये यद्वषट्कुर्याद्घातयामास्य वषट्कारः स्याद्यन्न वषट्कुर्याद्रक्षांसि यज्ञं हन्युर्वडित्याह परोक्षमेव वषट्करोति नास्य यातयामा वषट्कारो भवति न यज्ञं रक्षांसि घ्नन्ति हुतादो वा अन्ये देवाः (१९)

अहुतादोऽन्ये तानग्निचिदेवोभयान्प्रीणाति ये देवा देवानामिति दध्ना मधुमिश्रेणावोक्षति हुतादंश्चैव देवानहुतादंश्च यजमानः प्रीणाति ते यजमानम्प्रीणन्ति दध्नेव हुतादः प्रीणाति मधुपाहुतादो ग्राम्यं वा एतदन्नं यद्वध्यारण्यम्पधु यद्वध्ना मधुमिश्रेणावोक्षत्युभयस्यावरुद्धौ शुमुष्टिनावोक्षति प्राजापत्यः (२०)

वै शुमुष्टिः संयोनित्वाय द्वाभ्यां प्रतिष्ठित्या अनुपरिचारमवोक्षत्यपरिवर्गमेवैनान्प्रीणाति वि वा एष प्राणैः प्रजयां पशुभिर्ऋध्यते योऽग्निं चिन्वन्नधिक्रामति प्राणदा अपानदा इत्याह प्राणानेवात्मन्धत्ते वचोदा वरिवोदा इत्याह प्रजा वै वर्चः पशवो वरिवः प्रजामेव पशूनात्मन्धत्त इन्द्रो वृत्रमंहन्त वृत्रः (२१)

हुतः षोडशभिर्भोगैरसिनात्स एतामग्नयेऽनीकवत् आहुतिमपश्यतामजुहोतस्याग्निरनीकवान्ध्वेनं भागधेयेन प्रीतः षोडशधा वृत्रस्य भोगानप्यदहद्वैश्वकर्मणेन पाप्मनो निर्मुच्यत यदग्नयेऽनीकवत् आहुतिं जुहोत्यग्निरैवास्यानीकवान्ध्वेनं भागधेयेन प्रीतः पाप्मानमपि दहति वैश्वकर्मणेन पाप्मनो निर्मुच्यते यं कामयेत चिरम्पाप्मनः (२२)

निर्मुच्येत्येकैकं तस्य जुहुयाच्चिरमेव पाप्मनो निर्मुच्यते यं कामयेत ताजक्पाप्मनो निर्मुच्येतेति सर्वाणि तस्यानुद्वृत्य जुहुयात्ताजगेव पाप्मनो निर्मुच्यतेऽथो खलु नानेव सूक्ताभ्यां जुहोति नानेव सूक्तयोर्वीर्यं दधात्यथो प्रतिष्ठित्यै॥ (२३)

देवाः प्राजापत्यो वृत्रश्चिरं पाप्मनश्चत्वारिंशच्च॥ [५]

उदैनमुत्तरां नयेति समिध आ दधाति यथा जनं यतेश्वसं करोति तादृगेव तत्तिष्ठ आ दधाति

त्रिवृद्धा अग्निर्यावानेवाग्निस्तस्मै भागधेयं करोत्यौदुम्बरीर्भवन्त्यूर्वा उदुम्बर ऊर्जमेवासाम् अपि दधात्युदं त्वा विश्वे देवा इत्याह प्राणा वै विश्वे देवाः प्राणैः (२४)

एवेनमुद्यच्छतेऽग्ने भरन्तु चित्तिभिरित्याह यस्मा एवेन चित्तायोद्यच्छते तेनैवेन९ समर्धयति पञ्च दिशो देवीर्यज्ञमवन्तु देवीरित्याह दिशो ह्येषोऽनु प्रच्यवतेऽपामतिं दुर्मतिम्बाधमाना इत्याह रक्षसामपंहत्यै रायस्पोषे यज्ञपतिमाभजन्तीरित्याह पशवो वै रायस्पोषः (२५)

पशुनेवावं रुद्धे पङ्क्तिर्हरति षड्धा ऋतवं ऋतुभिरेवेन९ हरति द्वे परिगृह्यवती भवतो रक्षसामपंहत्यै सूर्यश्मिर्हरिकेशः पुरस्तादित्याह प्रसूत्यै ततः पावका आशिषो नो जुषन्तामित्याहान्नं वै पावकोऽन्नमेवावं रुद्धे देवासुराः संयत्ता आसन्ते देवा एतदप्रतिरथमपश्यन्ते न तैः तैःऽप्रति (२६)

असुरानजयन्तदप्रतिरथस्याप्रतिरथत्वं यदप्रतिरथं द्वितीयो होतान्वाहाप्रत्येव तेन यजमानो भ्रातृव्याञ्जयत्यथो अनंभजितमेवाभि जयति दशर्चम्भवति दशाक्षरा विराड्ब्रह्माज्ये लोको विधृतावन्तर्लोकयोर्विधृत्या अथो दशाक्षरा विराडन्नं विराड्ब्रह्माज्येवात्राद्ये प्रति तिष्ठत्यसदिव वा अन्तरिक्षमन्तरिक्षमिवाग्नीध्रमाग्नीध्रे (२७)

अश्मानं नि दधाति सत्त्वाय द्वाभ्यां प्रतिष्ठित्यै विमानं एष दिवो मध्यं आस्तु इत्याह व्यैवैतयां मिमीते मध्यं दिवो निहिंतः पृश्निरश्मेत्याहान्नं वै पृश्न्यन्नमेवावं रुद्धे चतसृभिः पुच्छादिति चत्वारि छन्दांसि छन्दांभिरेवेन्द्र विश्वां अवीवृधन्त्रित्याह वृद्धिमेवोपावर्तते वाजाना९ सत्पतिम्पतिम् (२८)

इत्याहान्नं वै वाजोऽन्नमेवावं रुद्धे सुभ्रह्मर्यज्ञो देवा९ आ चं वक्षदित्याह प्रजा वै पशवः सुभ्रं प्रजामेव पशूनात्मन्धते यक्षदग्निदेवो देवा९ आ चं वक्षदित्याह स्वर्गाकृत्यै वाजस्य मा प्रसवेनोद्गमिणोदग्नर्भोदित्याहासौ वा आदित्य उद्यद्युद्गम एष निम्नोचन्निग्नाभो ब्रह्मणैवात्मानमद्रुहति ब्रह्मणा भ्रातृव्यं नि गृह्णाति॥ (२९)

प्राणैः पोषोऽप्रत्याग्नीध्रे पतिमेप दशं च॥ [६]

प्राचीमनु प्रदिशमेहि विद्वानित्याह देवलोकमेवैतयोपावर्तते क्रमध्वमग्निना नाकमित्याहेमानेवैतयां लोकाक्रमते पृथिव्या अहमुदन्तरिक्षमारुहमित्याहेमानेवैतयां लोकान्स्मरारोहति सुवर्चन्तो नापैक्षन्त इत्याह सुवर्गमेवैतयां लोकमेत्यग्ने प्रेहि (३०)

प्रथमो देवयतामित्याहोभयंष्वेवैतयां देवमनुष्येषु चक्षुर्दधाति पञ्चभिर्धिं क्रामति पाङ्क्तो यज्ञो यावानेव यज्ञस्तेन सह सुवर्गं लोकमेति नक्तोपासेति पुरोनुवाक्यामन्वाह प्रत्या अग्ने सहस्राक्षेत्याह साहस्रः प्रजापतिः प्रजापतेरात्यै तस्मै ते विधेम वाजाय स्वाहेत्याहान्नं वै वाजोऽन्नमेवावं (३१)

रुद्धे दध्नः पूर्णामौदुम्बरी९ स्वयमातृणायौ जुहोत्यूर्ग्वे दध्यूर्गुदुम्बरोऽसौ स्वयमातृणामुष्यामेवोर्जं दधाति तस्मादमुतोऽर्वाचीमूर्जमुप जीवामस्तिस्मिभिः सादयति त्रिवृद्धा अग्निर्यावानेवाग्निस्तस्मिन्निष्ठां गमयति प्रेद्धो अग्ने दीदिहि पुरो न इत्यौदुम्बरीमा दधात्येषा वै सूमी कर्णकावत्येतयां ह स्म (३२)

वै देवा असुराणा९ शतरहरा९स्तु९हन्ति यदेतयां समिधमादधाति वज्रमेवैतच्छतघ्नी यजमानो भ्रातृव्याय प्र हरति स्तुत्या अलम्बद्धारं विधेम ते परमे जन्मन्नग्न इति वैकङ्कतीमा दधाति भा एवावं रुद्धे ता९

संवितुर्वरेण्यस्य चित्रामिति शमीमयी९ शान्त्या अग्निर्वा ह वा अग्निचितं दुहँऽग्निचिद्वाग्निं दुहे ताम् (३३)

संवितुर्वरेण्यस्य चित्रामित्याहेष वा अग्नेर्दोहस्तमस्य कण्वं एव श्रायसोऽवेत्तेन ह स्मैन्९ स दुहे यदेतया समिधमादधात्यग्निचिदेव तदग्निं दुहे सप्त तं अग्ने समिधः सप्त जिह्वा इत्याह सप्तैवास्य साप्तानि प्रीणाति पूर्णया जुहोति पूर्ण इव हि प्रजापतिः प्रजापतेः (३४)

आस्ये न्यूनया जुहोति न्यूनान्धि प्रजापतिः प्रजा असृजत प्रजाना९ सृष्ट्या अग्निर्देवेभ्यो निलायत स दिशोऽनु प्राविशद्ब्रह्मन्मनसा दिशो ध्यायेद्विभ्य एवेनमव रुन्दे दध्रा पुरस्ताद्ब्रह्मोत्याज्येनोपरिष्ठातेजश्चेवास्मा इन्द्रियं च समीचीं दधाति द्वादशकपालो वैश्वानरो भवति द्वादश मासाः संवत्सरः संवत्सरोऽग्निर्वैश्वानरः साक्षात् (३५)

एव वैश्वानरमव रुन्दे यत्प्रयाजानूयाजान्कुर्याद्विकस्तिः सा यज्ञस्यं दर्बिहोमं करोति यज्ञस्य प्रतिष्ठित्यै राष्ट्रं वै वैश्वानरो विष्मरुतो वैश्वानर९ हुत्वा मारुताञ्जुहोति राष्ट्र एव विशमनुं बभ्रात्युच्चैर्वैश्वानरस्या श्रावयत्युपा९शु मारुताञ्जुहोति तस्माद्वाष्ट्रं विशमतिं वदति मारुता भवन्ति मरुतो वै देवानां विशो देवविशेनेवास्मै मनुष्यविशमव रुन्दे सप्त भवन्ति सप्तगणा वै मरुतो गणश एव विशमव रुन्दे गुणेनं गुणमनुब्रुवत्यं जुहोति विशमेवास्मा अनुवर्त्मानं करोति॥ (३६)

अग्ने प्रेहव स्म दुहे तां प्रजापतेः साक्षान्मनुष्यविशमेकविंशतिश्च॥ [७]

वसोर्धारां जुहोति वसोर्मे धारांसदिति वा एषा हंयते घृतस्य वा एनमेषा धारामुष्मिंल्लोके पिन्वमानोप तिष्ठत् आज्येन जुहोति तेजो वा आज्यं तेजो वसोर्धारा तेजसेवास्मै तेजोऽव रुन्देऽथो कामा वै वसोर्धारा कामानेवाव रुन्दे यं कामयेत प्राणानस्यान्नाद्यं वि (३७)

छिन्द्यामिति विग्राहं तस्यं जुहुयात्प्राणानेवास्यान्नाद्यं विच्छिनत्ति यं कामयेत प्राणानस्यान्नाद्य९ सं तनूयामिति सन्ततां तस्यं जुहुयात्प्राणानेवास्यान्नाद्य९ सं तनोति द्वादश द्वादशानि जुहोति द्वादश मासाः संवत्सरः संवत्सरेणैवास्मा अन्नमव रुन्देऽन्नं च मेऽक्षुच्च म् इत्याहेतद्वै (३८)

अन्नस्य रूप९ रूपेणैवान्नमव रुन्देऽग्निश्च म् आपश्च म् इत्याहेषा वा अन्नस्य योनिः सयौन्येवान्नमव रुन्देऽर्धेन्द्राणि जुहोति देवतां एवाव रुन्दे यत्सर्वेषामधीमन्द्रः प्रति तस्मादिन्द्रो देवतांन्मूयिष्ठभाक्तम् इन्द्रमुत्तरमाहेन्द्रियमेवास्मिन्नुपरिष्ठादधाति यज्ञायुधानि जुहोति यज्ञः (३९)

वै यज्ञायुधानि यज्ञमेवाव रुन्देऽथो एतद्वै यज्ञस्यं रूप९ रूपेणैव यज्ञमव रुन्देऽवभृथश्च मे स्वगाकारश्च म् इत्याह स्वगाकृत्या अग्निश्च मे घर्मश्च म् इत्याहेतद्वै ब्रह्मवर्चसस्यं रूप९ रूपेणैव ब्रह्मवर्चसमव रुन्दे ऋक् मे सामं च म् इत्याह (४०)

एतद्वै छन्दसा९ रूप९ रूपेणैव छन्दा९स्यव रुन्दे गर्भाश्च मे वत्साश्च म् इत्याहेतद्वै पशूना९ रूप९ रूपेणैव पशूनव रुन्दे कल्पाञ्जुहोत्यक्लृप्तस्य क्लृप्त्यै युग्मदयुजे जुहोति मिथुनत्वायौत्तरावती भवतोऽभिक्रान्त्या एकां च मे तिस्रश्च म् इत्याह देवछन्दसं वा एकां च तिस्रश्च (४१)

मनुष्यछन्दसं चतस्रश्चाष्टौ च देवछन्दसं चैव मनुष्यछन्दसं चाव रुन्दे आ त्रयस्त्रिंशतो जुहोति

त्रयस्त्रिंशद्वे देवतां देवता एवाव रुन्द आष्टाचत्वारिंशतो जुहोत्यष्टाचत्वारिंशदक्षरा जगती जागताः पशवो जगत्यैवास्मै पशूनव रुन्दे वाजंश्च प्रसवश्चेति द्वादशं जुहोति द्वादश मासाः संवत्सरः संवत्सर एव प्रति तिष्ठति॥ (४२)

वि वै यज्ञः सामं च म इत्याह च तिस्रश्चैकान्नपञ्चाशच्च॥ [८]

अग्निर्देवभ्योऽपौकामद्वागधेयमिच्छमानस्तं देवा अंब्रवन्नुपं न आ वर्तस्व हव्यं नो वहति सौऽब्रवीद्वरं वृणै मह्यमेव वाजप्रसवीयं जुहवन्निति तस्मादग्नये वाजप्रसवीयं जुहति यद्वाजप्रसवीयं जुहोत्यग्निमेव तद्वागधेयं न समर्धयत्यथो अभिषेक एवास्य स चतुर्दशभिर्जुहोति सप्त ग्राम्या ओषधयः सप्त (४३)

आरण्या उभयीषामवरुद्धा अन्नस्यान्नस्य जुहोत्यन्नस्यान्नस्यावरुद्धा औदम्बरेण सुवेणं जुहोत्यूर्वा उदुम्बर ऊर्गन्नमूर्जैवास्मा ऊर्जमन्नमव रुन्देऽग्निर्वै देवानामभिषिक्तोऽग्निचिन्मनुष्याणान्तस्मादग्निचिद्वरपति न धावेदवरुद्धं ह्यस्यान्नमन्नमिव खलु वै वर्षं यद्वावेदन्नाद्यावेदुपावर्तेतान्नाद्यमेवाभि (४४)

उपावर्तते नक्तोपासेति कृष्णायै श्वेतवन्थायै पर्यसा जुहोत्यह्वैवास्मै रात्रिम्प दांपयति रात्रियाहंरहोरात्रे एवास्मै प्रते काममन्नाद्यं दहाते राष्ट्रभृतां जुहोति राष्ट्रमेवाव रुन्दे षड्विजुहोति षड्वा ऋतवं ऋतुष्वेव प्रति तिष्ठति भुवनस्य पत् इति रथमुखे पश्चाहृतीजुहोति वज्रो वै रथो वज्रैणैव दिशः (४५)

अभि जयत्यग्निचितं ह वा अमुष्मिँल्लोके वातोऽभि पवते वातनामानि जुहोत्यभ्येवैनममुष्मिँल्लोके वातः पवते त्रीणि जुहोति त्रयं इमे लोका एभ्य एव लोकेभ्यो वातमव रुन्दे समुद्रौऽसि नभस्वानित्याहुतद्वे वातस्य रूपं रूपेणैव वातमव रुन्देऽञ्जलिनां जुहोति न ह्येतेषामन्यथाहुतिरवकल्पते॥ (४६)

ओषधयः सुप्ताभि दिशोऽन्यथा द्वे च॥ [९]

सुवर्गाय वै लोकाय देवरथो युज्यते यत्राकृताय मनुष्यरथ एष खलु वै देवरथो यदग्निरग्निं युनज्मि शवंसा घृतेनेत्याह युनक्त्येवैनं स एनं युक्तः सुवर्गं लोकमभि वहति यत्सर्वाभिः पञ्चभिर्युञ्ज्याद्युक्तोऽस्याग्निः प्रच्युतः स्यादप्रतिष्ठिता आहुतयः स्युरप्रतिष्ठिताः स्तोमा अप्रतिष्ठितान्युक्थानि तिसृभिः प्रातःसवनेऽभि मृशति त्रिवृत् (४७)

वा अग्निर्वावानेवाग्रिस्तं युनक्ति यथानसि युक्त आधीयत एवमेव तत्प्रत्याहुतयस्तिष्ठन्ति प्रति स्तोमाः प्रत्युक्थानि यज्ञायज्ञियस्य स्तोत्रे द्वाभ्यामभि मृशत्येतावान् वै यज्ञो यावानग्निष्टोमो भूमा त्वा अस्यात ऊर्ध्वः क्रियते यावानेव यज्ञस्तमन्ततोऽन्वारोहति द्वाभ्यां प्रतिष्ठित्या एक्याप्रस्तुतम्भवत्यथ (४८)

अभि मृशत्युपैन्मुत्तरो यज्ञो नमत्यथो सन्तत्ये प्र वा एषोऽस्माल्लोकाध्यवते योऽग्निं चिनुते न वा एतस्यानिष्टक आहुतिरव कल्पते यां वा एषोऽनिष्टक आहुतिं जुहोति सर्वति वै सा तां सर्वन्ती यज्ञोऽनु परा भवति यज्ञं यजमानो यत्पुनश्चित् चिनुत आहुतीनां प्रतिष्ठित्ये प्रत्याहुतयस्तिष्ठन्ति (४९)

न यज्ञः पराभवति न यजमानोऽष्टावुपं दधात्यष्टाक्षरा गायत्री गांयत्रेणैवैनं छन्दसा चिनुते यदेकादश त्रैष्टुभेन यद्वादश जागतेन छन्दोभिरेवैनं चिनुते नपात्को वै नामैषोऽग्निर्यत्पुनश्चित् एव विद्वान्युनश्चित्ति

चिनुत आ तृतीयात्पुरुपादन्नमिति यथा वै पुनराधेयं एवम्पुनश्चितिर्योऽग्राधेयं न (५०)

ऋध्नोति स पुनराधेयमा धत्ते योऽग्निं चित्वा नध्नोति स पुनश्चितिं चिनुते यत्पुनश्चितिं चिनुत ऋध्ना अथो खल्वाहुर्न चैतव्येति रुद्रो वा एष यदग्निर्यथा व्याघ्रः सुसम्बोधयति तादृगेव तदथो खल्वाहुश्चेतव्येति यथा वसीयाः सम्भागेधेयं बोधयति तादृगेव तन्मनुर्गन्धिं चिनुत तेन नार्धोऽथ एताम्पुनश्चितिं पश्यतामं चिनुत तया वै स आर्धोऽद्यत्पुनश्चितिं चिनुत ऋध्ने॥ (५१)

त्रिवृदथ तिष्ठन्त्यग्राधेयं न चिनुत सप्तदश च॥ [१०]

छन्दश्चितं चिन्वीत पशुकामः पशवो वै छन्दांसि पशुमानेव भवति श्येनचितं चिन्वीत सुवर्गकामः श्येनो वै वयंसाम्पतिष्ठः श्येन एव भूत्वा सुवर्गं लोकम्पतति कङ्कचितं चिन्वीत यः कामयते शीरपण्वानमुष्मिह्लौके स्यामिति शीरपण्वानेवामुष्मिह्लौके भवत्यलजचितं चिन्वीत चतुःसीतं प्रतिष्ठाकामश्चतस्रो दिशो दिक्ष्वेव प्रति तिष्ठति प्रउगचितं चिन्वीत भ्रातृव्यवान् (५२)

एव भ्रातृव्यानुदत उभयतःप्रउगं चिन्वीत यः कामयते प्र जातान्भ्रातृव्यानुदेयं प्रतिजनिष्यमाणानिति प्रैव जातान्भ्रातृव्यानुदेतो प्रति जनिष्यमाणान्प्रथचक्रचितं चिन्वीत भ्रातृव्यवान् वज्रो वै रथो वज्रमेव भ्रातृव्येभ्यः प्र हंरति द्रोणचितं चिन्वीतात्रकामो द्रोणे वा अन्नंभ्रियते सयोन्येवान्नमव रुद्धे समूहं चिन्वीत पशुकामः पशुमानेव भवति (५३)

परिचाव्यं चिन्वीत ग्रामकामो ग्राम्येव भवति श्मशानचितं चिन्वीत यः कामयते पितृलोकं ऋध्रयामिति पितृलोक एवध्नोति विश्वामित्रजमदग्री वसिष्ठेनासर्पेताः स एता जमदग्निर्विह्व्या अपश्यता उपाधत्ता ताभिर्वै स वसिष्ठस्येन्द्रियं वीर्यमवृङ्क्ते यद्विह्व्या उपदधातीन्द्रियमेव ताभिर्वीर्यं यजमानो भ्रातृव्यस्य वृङ्क्ते होतुर्धिष्णिय उपां दधाति यजमानायतनं वै (५४)

होता स्व एवास्मां आयतनं इन्द्रियं वीर्यमव रुद्धे द्वादशोपां दधाति द्वादशाक्षरा जगती जागताः पशवो जगत्त्रैवास्मै पशूनव रुद्धेऽष्टावष्टाव्येषु धिष्णियेषूप दधात्यष्टाशफाः पशवः पशूनेवाव रुद्धे षण्माजालीये षड्वा ऋतवं ऋतवः खलु वै देवाः पितरं ऋतूनेव देवान्पितृम्रीणाति॥ (५)

प्र भवति यजमानायतनं वा अष्टाचत्वारिंशच्च॥ [११]

पवंस्व वाजसातय इत्यनुष्टुक्प्रतिपद्वति तिस्रोऽनुष्टुभश्चतस्रो गायत्रियो यत्तिस्रोऽनुष्टुभस्तस्मादः श्वस्त्रिभिस्तिष्ठः स्तिष्ठति यच्चतस्रो गायत्रियस्तस्मात्सर्वाः श्वतुरः पदः प्रतिदधत्पलायते परमा वा एषा छन्दसां यदनुष्टुक्परमश्चतुष्टोमः स्तोमानां परमस्त्रिरात्रो यजानां परमोऽश्वः पशूनां परमेणैवेनं परमतां गमयत्येकविंशमर्भवति (५६)

यस्मिन्नश्वं आलभ्यते द्वादश मासाः पश्वर्तव्यं इमे लोका असावादित्य एकविंश एष प्रजापतिः प्राजापत्योऽश्वस्तमेव साक्षादध्नोति शक्ररयः पृष्ठम्भवन्यन्यदन्यच्छन्दोऽन्ये वा एते पशव आ लभ्यन्त उतेवं ग्राम्या उतेवारण्या यच्छक्ररयः पृष्ठम्भवन्यश्वस्य सर्वत्वाय पार्थुरश्मम्ब्रह्मसामम्भवति रश्मिना वा अश्वः (५७)

यत् ईश्वरो वा अश्वोऽयतोऽप्रतिष्ठितः परां परावतं गन्तोर्त्पाथूरश्मम्ब्रह्मसामम्भवत्यश्वंस्य यत्यै धृत्यै सङ्कृत्यच्छावाकसामम्भवत्युत्सन्नयज्ञो वा एष यदश्वमेधः कस्तद्वेदेत्याहुर्यदि सर्वा वा क्रियते न वा सर्व इति यत्सङ्कृत्यच्छावाकसामम्भवत्यश्वंस्य सर्वत्वाय पर्याप्त्या अनन्तरायाय सर्वस्तोमोऽतिरात्र उत्तममहर्भवति सर्वस्यात्यै सर्वस्य जित्यै सर्वमेव तेनाऽऽप्नोति सर्वं जयति॥ (५८)

अहर्भवति वा अश्वोऽहर्भवति दशं च॥ [१२]

यदेकैः प्रजापतिः प्रेणानु यजुषापो विश्वकर्माग्न आ याहि सुवर्गाय वज्रो गायत्रेणाग्न उदधे समीचीन्द्राय मयुरपां बलाय पुरुषमृगः सौरी पृषतः शका रुंरलजः संपूर्ण आग्नेयोऽश्वोऽग्नयेऽनीकवते चतुर्विंशतिः॥ [१३] यदेकैः स पापीयानेतद्वा अग्नेर्धनुस्तद्देवास्त्वेन्द्रज्येष्ठा अपां नप्रेऽश्वस्तूपरो द्विपंष्टिः॥ 62॥ यदेकैः कशितिपात्येत्वं॥

॥ पञ्चमः प्रश्नः ॥

॥ तैत्तिरीयसंहितायां पञ्चमकाण्डे पञ्चमः प्रश्नः ॥

यदेकैः सऽस्थापरयति यज्ञस्य सन्तत्या अविच्छेदायेन्द्राः पशवो ये मुष्करा यदेन्द्राः सन्तोऽग्निभ्य आलभ्यन्ते देवताभ्यः समदं दधात्याग्नेयीस्त्रिष्टुभो याज्यानुवाक्याः कुर्याद्यदाग्नेयीस्तेनाग्नेया यन्निष्टुभस्तेनैन्द्राः समृद्धौ न देवताभ्यः समदं दधाति वायवे नियुत्वन्ते तूपरमा लभते तेजोऽग्नेर्वायुस्तेजस एष आ लभ्यते तस्माद्यद्रियंङ्वायुः (१)

वार्ति तद्रियंङ्वाग्निर्दहति स्वमेव ततेजोऽन्वेति यन्न नियुत्वन्ते स्यादन्माद्येद्यजमानो नियुत्वन्ते भवति यजमानस्यानुन्मादाय वायुमर्तं श्वेतवन्ती याज्यानुवाक्यं भवतः सतेजस्त्वायं हिरण्यगर्भः समवर्तताग्न इत्याधारमा धारयति प्रजापतिर्वै हिरण्यगर्भः प्रजापतेरनुरूपत्वाय सर्वाणि वा एष रूपाणि पशूनाम्प्रत्या लभ्यते यच्चंश्रुणुस्तत् (२)

पुरुषाणां रूपं यत्तूपरस्तदश्वाणां यदन्यतोदन्तद्रवां यदव्या इव शूफास्तदवीनां यदजस्तदजानां वायुर्वै पशूनाम्प्रियं धाम यद्वायव्यो भवत्येतमेवैनमभि संजानानाः पशव उपं तिष्ठन्ते वायव्यः कार्या (३) प्राजापत्या (३) इत्याहुर्वायव्यं कुर्यात्प्रजापतेरियाद्यत्प्राजापत्यं कुर्याद्वायोः (३)

इयाद्यद्वायव्यः पशुर्भवति तेन वायोर्नैति यत्प्राजापत्यः पुरोडाशो भवति तेन प्राजापतेर्नैति यद्वादश-कपालस्तेन वैश्वानराग्नेत्याग्नावैष्णवमेकादशकपालं निर्वपति दीक्षिष्यमाणोऽग्निः सर्वा देवता विष्णुर्यज्ञो देवताश्चैव यज्ञं चारंभतेऽग्निर्वमो देवतानां विष्णुः परमो यदाग्नावैष्णवमेकादशकपालं निर्वपति देवताः (४)

एवोभयतः परिगृह्य यजमानोऽव रुद्धे पुरोडाशेन वै देवा अमुष्मिँल्लोक आर्धुवं चरुणास्मिन् यः कामयतामुष्मिँल्लोकं ऋध्यामिति स पुरोडाशं कुर्वतामुष्मिन्नेव लोकं ऋध्नोति यदष्टाकपालस्तेनाग्नेयो

यत्रिकपालस्तेन वैष्णवः समृद्धेयः कामयेतास्मिन्नौक ऋध्र्यामिति स चरुं कुर्वीताग्नेधृतं विष्णोस्तण्डुलास्तस्मात् (५)

चरुः कार्याऽस्मिन्नेव लोकं ऋध्रोत्यादित्यो भवतीत्यं वा अदितिरस्यामेव प्रति तिष्ठत्यथो अस्यामेवाधि यज्ञं तनुते यो वै संवत्सरमुख्यमभूत्वाग्निं चिनुते यथा सामि गर्भोऽवपद्यते तादृगेव तदार्तिमाच्छेद्वैश्वानरं द्वादशकपालम् पुरस्तात्रिवपेथसंवत्सरो वा अग्निर्वैश्वानरो यथा संवत्सरमात्वा (६)

काल आगते विजायत एवमेव संवत्सरमात्वा काल आगतेऽग्निं चिनुते नार्तिमाच्छेद्वैष्णो वा अग्नेः प्रिया तनूर्यद्वैश्वानरः प्रियामेवास्यं तनुवमवं रुद्धे त्रीण्येतानि हवीरपि भवन्ति त्रयं इमे लोका एषां लोकानां रोहायां (७)

यद्रियङ्गायुर्यच्छ्रुणस्तद्वायोनिर्वपति देवतास्तस्मादात्वाष्टत्रिंशच्च॥ [१]

प्रजापतिः प्रजाः सृष्ट्वा प्रेणान् प्राविशत्ताभ्यः पुनः सम्भवितुं नाशक्रोत्सोऽब्रवीदब्रवद्विष्य यो मेतः पुनः सञ्चिनवदिति तं देवाः समचिन्वन्ततो वै त और्ध्वन् यथ्समचिन्वन्तचित्यस्य चित्यत्वम् य एवं विद्वानग्निं चिनुत ऋध्रोत्येव कस्मै कमग्निश्चीयत इत्याहुरग्निवान् (८)

असानीति वा अग्निश्चीयतेऽग्निवानेव भवति कस्मै कमग्निश्चीयत इत्याहुर्देवा मां वेदन्निति वा अग्निश्चीयते विदुरेन देवाः कस्मै कमग्निश्चीयत इत्याहुर्गृह्यसानीति वा अग्निश्चीयते गृह्येव भवति कस्मै कमग्निश्चीयत इत्याहुः पशुमानसानीति वा अग्निः (९)

चीयते पशुमानेव भवति कस्मै कमग्निश्चीयत इत्याहुः सप्त मा पुरुषा उपं जीवानिति वा अग्निश्चीयते त्रयः प्राञ्चस्त्रयः प्रत्यं च आत्मा संस्रम एतावन्त एवेनममुष्मिन्नौक उपं जीवन्ति प्रजापतिरग्निमचिकीषत तं पृथिव्यब्रवीन्न मय्यग्निं चैष्यसेति मा धक्ष्यति सा त्वातिदह्यमाना वि धंविष्ये (१०)

स पापीयान्भविष्यसीति सोऽब्रवीत्तथा वा अहं करिष्यामि यथा त्वा नातिधक्ष्यतीति स इमामभ्यमृशत् प्रजापतिस्त्वा सादयतु तया देवतयाङ्गिरस्वद्ध्रुवा सीदतीमामेवेष्टकां कृत्वोपाधत्तानतिदाहाय यत्प्रत्यग्निं चिन्वीत तदग्निं मृशेत्प्रजापतिस्त्वा सादयतु तया देवतयाङ्गिरस्वद्ध्रुवा सीद (११)

इतीमामेवेष्टकां कृत्वोपं धत्तेऽनतिदाहाय प्रजापतिरकामयत् प्र जायेयेति स एतमुख्यमपश्यत् संवत्सरमभिभूस्ततो वै स प्राजायत तस्मात्संवत्सरमभ्यः प्रैव जायते तं वसंवोऽब्रुवन् त्वमंजनिष्ठा वयं प्र जायामहा इति तं वसुभ्यः प्रायच्छुतं त्रीण्यहान्यविभरुस्तेन (१२)

त्रीणि च शतान्यसृजन्त त्रयस्त्रिंशतं च तस्मात्त्र्यहमभ्यः प्रैव जायते तान्नुद्रा अंब्रुवन् यूयमंजनिद्वं वयं प्र जायामहा इति तं रुद्रेभ्यः प्रायच्छुतं पडहान्यविभरुस्तेन त्रीणि च शतान्यसृजन्त त्रयस्त्रिंशतं च तस्मात्पडहमभ्यः प्रैव जायते तानादित्या अंब्रुवन् यूयमंजनिद्वं वयं (१३)

प्र जायामहा इति तमादित्येभ्यः प्रायच्छुतं द्वादशाहान्यविभरुस्तेन त्रीणि च शतान्यसृजन्त त्रयस्त्रिंशतं च तस्माद्वादशहमभ्यः प्रैव जायते तेनैव ते सहस्रमसृजन्तोऽखा सहस्रतमीं य एवमुख्यं साहस्रं वेद

प्र सहस्रं पृश्नानां प्रोति॥ (१४)

अग्निवान्पशुमानं सानीति वा अग्निर्धविष्ये मृशेत्प्रजापतिस्त्वा सादयतु तया देवतयाङ्गिरस्वद्ध्रुवा सीदतेन तानादित्या अंब्रवन्म यूयमंजनिङ् वयञ्चत्वारिंशच्च॥ [२]

यजुषा वा एषा क्रियते यजुषा पच्यते यजुषा वि मुच्यते यदुखा सा वा एषैतरहिं यातयाम्नी सा न पुनः प्रयुज्येत्याहुरग्ने युक्ष्वा हि ये तवं युक्ष्वा हि देवहूतमां इत्युखायां जुहोति तेनैवेनाम्पुनः प्र युङ्क्ते तेनायातयाम्नी यो वा अग्निं योग आगते युनक्ति युङ्क्ते युञ्जानेष्वग्ने (१५)

युक्ष्वा हि ये तवं युक्ष्वा हि देवहूतमां इत्याहिष वा अग्नेर्योगस्तेनैवेन युनक्ति युङ्क्ते युञ्जानेषु ब्रह्मवादिनो वदन्ति न्यङ्कुशश्चेतव्या (३) उताना (३) इति वयसां वा एष प्रतिमयां चीयते यदग्निर्यञ्चं चिनुयात्यष्टित एनमाहुतय ऋच्छेयुर्यदुत्तानं न पतितुं शक्यादसुवर्ग्योऽस्य स्यात्प्राचीनमुत्तानम् (१६)

पुरुषशीर्षमुपं दधाति मुखत एवेनमाहुतय ऋच्छन्ति नोत्तानं चिनुते सुवर्ग्योऽस्य भवति सौर्या जुहोति चक्षुरेवास्मिन्प्रति दधाति द्विर्जुहोति द्वे हि चक्षुषी समान्या जुहोति समानं हि चक्षुः समृद्धौ देवासुराः संयन्ता आसन्ते वामं वसु सं न्यदधत तदेवा वामभृतावृज्जत तद्द्वामभृतां वामभृत्त्वं यद्द्वामभृतमुपदधाति वाममेव तया वसु यजमानो भ्रातृव्यस्य वृङ्क्ते हिरण्यमूर्ध्नी भवति ज्योतिर्वै हिरण्यं ज्योतिर्वामं ज्योतिर्वैवास्य ज्योतिर्वामं वृङ्क्ते द्वियजुर्भवति प्रतिष्ठित्यै॥ (१७)

युञ्जानेष्वग्ने प्राचीनमुत्तानं वामभृत्तश्चतुर्विंशतिश्च॥ [३]

आपो वरुणस्य पत्न्य आसन्ता अग्निरभ्यध्यायताः समभवत्तस्य रेतः परापतत्तदियमभवद्यद्वितीयम्परापतत्तदसा वंभवदियं वै विराडसौ स्वराड्यद्विराजावुपदधातीमे एवोपं धत्ते यद्वा असौ रेतः सिञ्चति तदस्यां प्रति तिष्ठति तत्र जायते ता ओषधयः (१८)

वीरुषो भवन्ति ता अग्निरंति य एवं वेद प्रैव जायतेऽन्नादो भवति यो रेतस्वी स्यात्प्रथमायां तस्य चित्यामुभे उपं दध्यादिमे एवास्यै समीची रेतः सिञ्चतो यः सिक्तरैताः स्यात्प्रथमायां तस्य चित्यामन्यामुपं दध्यादुत्तमायां न्यां रेतं एवास्यै सिक्त्तमाभ्यामुभयतः परिं गृह्णाति संवत्सरं न कम् (१९)

च न प्रत्यवरोहेत्र हीमे कं च न प्रत्यवरोहत्स्तदेनयोर्व्रतं यो वा अपंशीर्षाणमग्निं चिनुतेऽपंशीर्षामुष्मिँल्लोके भवति यः सशीर्षाणं चिनुते सशीर्षामुष्मिँल्लोके भवति चितिं जुहोमि मनसा घृतेन यथा देवा इहागमन्वीतिहोत्रा ऋतावृधः समुद्रस्य वयुनस्य पत्नं जुहोमि विश्वकर्मणे विश्वाहामर्त्यं हविरंति स्वयमातृणामुपधाय जुहोति (२०)

एतद्वा अग्नेः शिरः सशीर्षाणमेवाग्निं चिनुते सशीर्षामुष्मिँल्लोके भवति य एवं वेदं सुवर्गाय वा एष लोकाय चीयते यदग्निस्तस्य यदयथापूर्वं क्रियतेऽसुवर्ग्यमस्य तथ्सुवर्ग्योऽग्निश्चितिमुपधायामि मृशेच्छितिमर्चितं चिनवद्दि विद्वान्युष्टेवं वीता वृजिना च मर्तात्राये च नः स्वपत्यायं देव दितिं च रास्वादितिमुरूप्येति

यथापूर्वमेवेनामुप धत्ते प्राञ्चमेनं चिनुते सुवर्ग्योऽस्य भवति॥ (२१)

ओषधयः कञ्जुहेति स्वपत्यायाष्टादश च॥ [४]

विश्वकर्मा दिशाम्यतिः स नः पशून्पातु सौऽस्मान्पातु तस्मै नमः प्रजापती रुद्रो वरुणोऽग्निर्दिशाम्यतिः स नः पशून्पातु सौऽस्मान्पातु तस्मै नमः एता वै देवता एतेषां पशूनामधिपतयस्ताभ्यो वा एष आ वृश्च्यते यः पशुशोषाण्युपदधाति हिरण्येष्टका उपं दधात्येताभ्यं एव देवताभ्यो नमस्करोति ब्रह्मवादिनः (२२)

वदन्त्यग्नौ ग्राम्यान्पशून् दधाति शुचार्णयानर्पयति किं तत् उच्छिष्टं षतीति यद्विरण्येष्टका उपदधात्यमृतं वै हिरण्यममृतं नैव ग्राम्येभ्यः पशूभ्यो भेषजं करोति नैनां हिनस्ति प्राणो वै प्रथमा स्वयमातृणा व्यानो द्वितीयापानस्तृतीयानु प्राण्यात्प्रथमाऽ स्वयमातृणामुपधायां प्राणेनैव प्राणः समर्धयति व्यन्यात् (२३)

द्वितीयामुपधायां व्यानेनैव व्यानः समर्धयत्यपान्यात्तृतीयामुपधायापानेनैवापानः समर्धयत्यथो प्राणैरवेनः समिन्दे भूर्भुवः सुवरिति स्वयमातृणा उपं दधातीमे वै लोकाः स्वयमातृणा एताभिः खलु वै व्याहृतीभिः प्रजापतिः प्राजायत यदेताभिर्व्याहृतीभिः स्वयमातृणा उपदधातीमानेव लोकानुपधायेषु (२४)

लोकेष्वधि प्र जायते प्राणायं व्यानायापानाय वाचे त्वा चक्षुषे त्वा तया देवतयाङ्गिरस्वद्ध्रुवा सीदाग्निना वै देवाः सुवर्गं लोकमजिगाः सन्तेन पतितुं नाशं कृवन्त एताश्चतस्रः स्वयमातृणा अपश्यन्ता दिक्षुपादधत् तेन सर्वतश्चक्षुषा सुवर्गं लोकमायन्यच्चतस्रः स्वयमातृणा दिक्षुपदधाति सर्वतश्चक्षुषैव तदग्निना यजमानः सुवर्गं लोकमेति॥ (२५)

ब्रह्मवादिनो व्यन्यादेषु यजमानस्त्रिणि च॥ [५]

अग्न आ याहि वीतय इत्याहाह्वैतैवेनमग्निं दूतं वृणीमहु इत्याह हूत्वैवेन वृणीतेऽग्निनाग्निः समिध्यत इत्याह समिन्द एवेनमग्निर्वृत्राणि जङ्घनदित्याह समिद्ध एवास्मिन्निन्द्रियं दधात्यग्नेः स्तोममन्नामह इत्याह मनुत एवेनमेतानि वा अह्नाः रूपाणि (२६)

अन्वहमेवेनं चिनुतेऽवाहाः रूपाणि रुन्दे ब्रह्मवादिनो वदन्ति कस्मात्सत्याद्यातयाग्नीरन्या इष्टका अयातयाग्नी लोकं पृणेत्येन्द्राग्नी हि वारहस्पत्येति ब्रूयादिन्द्राग्नी च हि देवानाम्बृहस्पतिश्चायातयामानोऽनुचरवन्ती भवत्यजामित्वायानुष्टमानुं चरत्यात्मा वै लोकं पृणा प्राणोऽनुष्टप्तस्मात्प्राणः सर्वाण्यङ्गान्यनुं चरति ता अस्य सूददोहसः (२७)

इत्याह तस्मात्परुषिपरुषि रसः सोमऽ श्रीणन्ति पृश्नय इत्याहात्रं वै पृश्नयन्मेवाव रुन्देऽर्को वा अग्निर्कोऽन्नमन्त्रमेवाव रुन्दे जन्म देवानां विशंस्त्रिष्व रौचने दिव इत्याहेमानेवासमै लोकां ज्योतिष्मतः करोति यो वा इष्टकानां प्रतिष्ठां वेद प्रत्येव तिष्ठति तया देवतयाङ्गिरस्वद्ध्रुवा सीदेत्याहेषा वा इष्टकानां प्रतिष्ठा य एवं वेद प्रत्येव तिष्ठति॥ (२८)

रूपाणि सूददोहसस्तया षोडश च॥ [६]

सुवर्गाय वा एष लोकाय चीयते यदग्निर्वज्रं एकादशिनी यद्ग्रावैकादशिनीमिनुयाद्वज्रैर्गैः सुवर्गालोका-

दन्तर्दध्याद्यन्न मिन्नुयाध्वरुभिः पृश्न्यर्धयेदेकयूपमिन्नोति नैनं वज्रेण सुवर्गाहोकादन्तर्दधाति न स्वरुभिः
पृश्न्यर्धयति वि वा एष इन्द्रियेण वीर्येणर्धयते योऽग्निं चिन्वन्नधिक्रामत्येन्द्रिया (२९)

ऋचाक्रमणम्रतीष्टकामुपं दध्यान्नेन्द्रियेण वीर्येण व्युध्यते रुद्रो वा एष यदग्निस्तस्य तिस्रः शरव्याः
प्रतीचीं तिरश्चनूचीं ताभ्यो वा एष आ वृश्चते योऽग्निं चिनुतेऽग्निं चित्वा तिसृधन्वमयाचितम्राह्मणांयं
दद्यात्ताभ्यं एव नमस्करोत्यथो ताभ्यं एवात्मानं निष्क्रीणीते यत्तं रुद्र पुरः (३०)

धनुस्तद्वातो अनुं वातु ते तस्मै ते रुद्र संवत्सरेण नमस्करोमि यत्तं रुद्र दक्षिणा धनुस्तद्वातो
अनुं वातु ते तस्मै ते रुद्र परिवत्सरेण नमस्करोमि यत्तं रुद्र पश्चादनुस्तद्वातो अनुं वातु ते तस्मै ते
रुद्रेदावत्सरेण नमस्करोमि यत्तं रुद्रोत्तरादनुस्तत् (३१)

वातो अनुं वातु ते तस्मै ते रुद्रेदुवत्सरेण नमस्करोमि यत्तं रुद्रोपरि धनुस्तद्वातो अनुं वातु ते
तस्मै ते रुद्र वत्सरेण नमस्करोमि रुद्रो वा एष यदग्निः स यथा व्याघ्रः क्रुद्धस्तिष्ठत्येवं वा एष एतरहि
सञ्चितमेतैरुपं तिष्ठते नमस्कारैरेवेन५ शमयति यैऽग्नयः (३२)

पुरीष्याः प्रविष्टाः पृथिवीमनु। तेषां त्वमस्युत्तमः प्र णो जीवातवे सुवा आपं त्वाऽग्ने मनसापं
त्वाऽग्ने तपसापं त्वाग्ने दीक्षयापं त्वाग्ने उपसद्विरापं त्वाग्ने सत्ययापं त्वाऽग्ने दक्षिणाभिरापं त्वाग्नेऽवभृथेनापं
त्वाग्ने वशयापं त्वाग्ने स्वगाकारेणेत्याहेषा वा अग्नेरास्तिस्तयैवैनमाप्रोति॥ (३३)

ऐन्द्रिया पुर उत्तरादनुस्तदग्नयं आहाष्टौ च॥ [७]

गायत्रेण पुरस्तादुपं तिष्ठते प्राणमेवास्मिन्दधाति बृहद्रथन्तराभ्यां पक्षावोजं एवास्मिन्दधात्युत्स्थायज्ञायज्ञियेन
पुच्छंमृतुष्वेव प्रति तिष्ठति पृष्टेरुपं तिष्ठते तेजो वै पृष्ठानि तेजं एवास्मिन्दधाति प्रजापतिरग्निर्मसृजत्
सोऽस्माध्मुष्टः पराङ्गितं वारवन्तीर्येनावारयत् तद्वारवन्तीर्यस्य वारवन्तीयत्वञ् श्येतेन श्येती अंकुरुत् तच्छ्रैतस्य
श्यैतत्वम् (३४)

यद्वारवन्तीर्येनोपतिष्ठते वारयंत एवेनञ् श्येतेन श्येती कुरुते प्रजापतेरुहृदयेनापिपक्षम्रत्युपं तिष्ठते
प्रेमाणमेवास्य गच्छति प्राच्यां त्वा दिशा सांदयामि गायत्रेण छन्दसाग्निना देवतयाग्नेः शीष्णाग्नेः शिर् उपं
दधामि दक्षिणया त्वा दिशा सांदयामि त्रैष्टुभेन छन्दसेन्द्रेण देवतयाग्नेः पक्षेणाग्नेः पक्षमुपं दधामि प्रतीच्यां
त्वा दिशा सांदयामि (३५)

जागतेन छन्दसा सवित्रा देवतयाग्नेः पुच्छेनाग्नेः पुच्छमुपं दधाम्युदीच्या त्वा दिशा सांदयाम्यानुष्टुभेन
छन्दसा मित्रावरुणाभ्यां देवतयाग्नेः पक्षेणाग्नेः पक्षमुपं दधाम्युर्ध्वयां त्वा दिशा सांदयामि पाङ्केन छन्दसा
बृहस्पतिना देवतयाग्नेः पृष्ठेनाग्नेः पृष्ठमुपं दधामि यो वा अपात्मानमग्निं चिनुतेऽपात्मानमुष्मिँल्लोके भवति
यः सात्मानं चिनुते सात्मानमुष्मिँल्लोके भवत्यात्मेष्टका उपं दधात्येष वा अग्नेरात्मा सात्मानमेवाग्निं चिनुते
सात्मानमुष्मिँल्लोके भवति य एवं वेद॥ (३६)

श्यैतत्वं प्रतीच्यां त्वा दिशा सांदयामि यः सात्मानञ्चिनुते द्वाविंशतिश्च॥ [८]

अग्रं उदधे या त इषुर्बुवा नाम तथा नो मृड तस्यास्ते नमस्तस्यास्त उप जीवन्तो भूयास्माग्ने

दुधं गह्व किंशिल वन्य या तु इषुर्व्युवा नाम तथा नो मृड तस्यास्ते नमस्तस्यास्त उप जीवन्तो भूयास्म पञ्च वा एतैऽग्नयो यच्चितय उदधिरेव नाम प्रथमो दुधः (३७)

द्वितीयो गह्वस्तृतीयः किंशिलश्चतुर्थो वन्यः पञ्चमस्तेभ्यो यदाहुतीर्न जुहुयादध्वर्युं च यजमानं च प्र दहेयुर्यदेता आहुतीर्जुहोति भागधेयैर्नैवनाञ्छमयति नार्तिमाच्छत्यध्वर्युं यजमानो वाङ्म आसन्नसोः प्राणोऽक्षयोश्चक्षुः कर्णयोः श्रोत्रम्बाहुवोर्बलमूरुवोरोजोऽरिष्टा विश्वान्यङ्गानि तनूः (३८)

तनुवां मे सह नमस्ते अस्तु मा मां हिंसीरपु वा एतस्मात्प्राणाः क्रांमन्ति योऽग्निं चिन्वन्नधिक्रामन्ति वाङ्म आसन्नसोः प्राण इत्याह प्राणानेवात्मन्धत्ते यो रुद्रो अग्नौ यो अप्सु य ओषधीषु यो रुद्रो विश्वा भुवनाविवेश तस्मै रुद्राय नमो अस्त्वाहुतिभागा वा अन्ये रुद्रा हविर्भागाः (३९)

अन्ये शतरुद्रीयः हुत्वा गांवीधुकं चरुमेतेन यजुषा चरमायामिष्टकायां नि दध्याद्वागधेयैर्नैवः शमयति तस्य त्वे शतरुद्रीयः हुतमित्याहुयस्येतदग्नौ क्रियत इति वसंवस्त्वा रुद्रैः पुरस्तात्पान्तु पितरंस्त्वा यमराजानः पितृभिर्दक्षिणतः पान्त्वादित्यास्त्वा विश्वैर्देवैः पश्चात्पान्तु द्युतानस्त्वा मारुतो मरुद्भिर्रुत्तरतः पान्तु (४०)

देवास्तेन्द्रज्येष्ठा वरुणराजानोऽधस्ताच्चोपरिष्टाच्च पान्तु न वा एतेन पूतो न मेध्यो न प्रोक्षितो यदेनमतः प्राचीनं प्रोक्षति यत्सञ्चितमाज्येन प्रोक्षति तेन पूतस्तेन मेध्यस्तेन प्रोक्षितः॥ (४१)

दुधस्तनूरहविर्भागाः पातु द्वात्रिंशच्च॥ [९]

समीची नामांसि प्राची दिक्तस्यास्तेऽग्निरधिपतिरसितो रक्षिता यश्चाधिपतिर्यश्च गोप्ता ताभ्यां नमस्तौ नो मृडयतान्ते यं द्विष्मो यश्च नो द्वेष्टि तं वां जम्भे दधाम्योजस्विनी नामांसि दक्षिणा दिक्तस्यास्त इन्द्रोऽधिपतिः पृदांकुः प्राची नामांसि प्रतीची दिक्तस्यास्ते (४२)

सोमोऽधिपतिः स्वर्जोऽवस्थावा नामास्युदीची दिक्तस्यास्ते वरुणोऽधिपतिस्तिरश्चराजिरधिपत्नी नामांसि बृहती दिक्तस्यास्ते बृहस्पतिरधिपतिः श्वित्रो वशिनी नामासीयं दिक्तस्यास्ते यमोऽधिपतिः कल्माषघ्नीवो रक्षिता यश्चाधिपतिर्यश्च गोप्ता ताभ्यां नमस्तौ नो मृडयतान्ते यं द्विष्मो यश्च (४३)

नो द्वेष्टि तं वां जम्भे दधाम्येता वै देवता अग्निं चितः रक्षन्ति ताभ्यो यदाहुतीर्न जुहुयादध्वर्युं च यजमानं च ध्यायेयुर्यदेता आहुतीर्जुहोति भागधेयैर्नैवनाञ्छमयति नार्तिमाच्छत्यध्वर्युं यजमानो हेतयो नाम स्थ तेषां वः पुरो गृहा अग्निर्व इषवः सलिलो निलिम्पा नाम (४४)

स्थ तेषां वो दक्षिणा गृहाः पितरौ व इषवः सगरौ वज्रिणो नाम स्थ तेषां वः पश्चाद्गृहाः स्वप्नो व इषवो गह्वरोऽवस्थावानो नाम स्थ तेषां व उत्तराद्गृहा आपो व इषवः समुद्रोऽधिपतयो नाम स्थ तेषां व उपरि गृहा वरुणं व इषवोऽवस्वान्कृव्या नाम स्थ पारिवास्तेषां व इह गृहाः (४५)

अन्नं व इषवो निमिषो वातनामन्तेभ्यो वो नमस्ते नो मृडयत ते यं द्विष्मो यश्च नो द्वेष्टि तं वो जम्भे दधामि हुतादो वा अन्ये देवा अहुतादोऽन्ये तानग्निदेवोभयान्प्रीणाति द्वा मधुमिश्रेणैता आहुतीर्जुहोति भागधेयैर्नैवनाप्नीणात्यथो खल्वाहरिष्टका वै देवा अहुताद् इति (४६)

अनुपरिक्रामं जुहोत्यपरिवर्गमेवैनान्म्रीणातीम् ३ स्तनमूर्जस्वन्तं धयापाम्प्रप्यातमग्ने सरिरस्य मध्ये। उथ्सं जुषस्व मधुमन्तमूर्वं समुद्रिय ५ सदनमा विशस्वा। यो वा अग्निम्ययुज्य न विमुञ्चति यथाश्वो युक्तोऽविमुच्यमानः क्षुध्यन्पराभवंत्येवमस्याग्निः परा भवति तं पराभवंतं यजमानोऽनु परा भवति सोऽग्निं चित्वा लृक्षः (४७)

भृतीम् ३ स्तनमूर्जस्वन्तं धयापामित्याज्यस्य पूर्णा ३ स्रुचं जुहोत्येव वा अग्नेर्विमोको विमुच्यैवास्मा अन्नमपि दधाति तस्मादाहुयश्चैवं वेद यश्च न सुधाय ५ ह वै वाजी सुहितो दधातीत्यग्निर्वाव वाजी तमेव तत्प्रीणाति स एनम्प्रीतः प्रीणाति वसीयान्भवति॥ (४८)

प्रतीची दित्तस्यास्ते द्विष्मो यश्च नलिम्पा नामेह गृहा इति लृक्षो वसीयान्भवति॥ [१०]

इन्द्राय राज्ञे सूकरो वरुणाय राज्ञे कृष्णो यमाय राज्ञ ऋश्यं ऋषभाय राज्ञे गवयः शार्दूलाय राज्ञे गौरः पुरुषराजाय मर्कटः क्षिप्रश्येनस्य वर्तिका नीलगोः क्रिमिः सोमस्य राज्ञः कुलुङ्गः सिन्धोः शिःशुमारो हिमवतो हस्ती॥ (४९)

इन्द्रायष्टाविंशतिः॥ [११]

मयुः प्राजापत्य ऊलो हलीक्ष्णो वृषदंशस्ते धातुः सरस्वत्यै शारिः श्येता पुरुषवाक्सरस्वते शुक्रः श्येतः पुरुषवागारण्योऽजो नकुलः शका ते पोष्णा वाचे क्रौञ्चः॥ (५०)

मयुस्त्रयोविंशतिः॥ [१२]

अपां नम्रे जपो नाक्रो मकरः कुलीकयस्तेऽकूपारस्य वाचे पैङ्गराजो भगाय कुपीतक आती बांहसो दर्विदा ते वायव्या दिग्भ्यश्चक्रवाकः॥ (५१)

अपामेकान्नविंशतिः॥ [१३]

बलायाजगर आखुः सृजया शयण्डकस्ते मैत्रा मृत्यवेऽसितो मन्यवे स्वजः कुम्भीनसः पुष्करसादो लोहिताहिस्ते त्वाष्ट्राः प्रतिश्रुत्वायै बाहुसः॥ (५२)

[१४]

पुरुषमृगश्चन्द्रमंसे गोधा कालंका दार्वाघाटस्ते वनस्पतीनामेण्यहे कृष्णो रात्रियै पिकः क्ष्विङ्का नीलशीर्ष्णो तैऽर्यग्णे धातुः कत्कटः॥ (५३)

[१५]

सौरी बलाकश्यो मयूरः श्येनस्ते गन्धर्वाणां वसूनां कपिञ्जलो रुद्राणां तित्तिरी रोहित्कुण्डुणाचीं गोलत्तिका ता अप्सरसामरण्याय सृमरः॥ (५४)

[१६]

पृषतो वैश्वदेवः पित्वो न्यङ्कुः कशस्तेऽनुमत्या अन्यवापौऽर्धमासानाम्मासां कश्यपः क्रयिः कुटर्दार्त्वाहस्ते
सिनीवाल्यै बृहस्पतये शित्पुटः॥ (५)

[१७]

शकां भौमी पात्रः कशौ मान्थीलवस्ते पितृणामृतानां जहंका संवत्सराय लोपां कपोत उलूकः
शशस्ते नैर्ऋताः कृकवाकुः सावित्रः॥ (५६)

[१८]

बलाय पुरुषमृगः सौरी पृषतः शकाष्टादशाष्टादशः॥
रुरु रौद्रः कृकलासः शकुनिः पिप्पका ते शरव्यायै हरिणो मारुतो ब्रह्मणे शार्गस्तरक्षुः कृष्णः
श्वा चतुरक्षो गर्दभस्त इतरज्जनानामग्नये धृङ्गा॥ (५७)

[१९]

रुरुर्विशतिः॥
अलज आन्तरिक्ष उद्रो मद्गुः प्लवस्तैऽपामर्दित्यै हंससाचिरेन्द्राण्यै कीरशा गृध्रः शितिकक्षी
वार्ध्राणसस्ते दिव्या द्यावापृथिव्यां श्वावित्॥ (५८)

[२०]

सुपर्णः पार्जन्यो हंसो वृको वृषदशस्त ऐन्द्रा अपामुद्रौऽर्यम्यो लोपाशः सिंहो नकुलो व्याघ्रस्ते
महेन्द्राय कामाय परस्वान्॥ (५९)

[२१]

अलजः सुपर्णौऽष्टादशाष्टादशः॥
आग्नेयः कृष्णग्रीवः सारस्वती मेषी बभ्रुः सौम्यः पौष्णः श्यामः शितिपृष्ठो बार्हस्पत्यः शिल्पो
वैश्वदेव ऐन्द्रोऽरुणो मारुतः कल्माष ऐन्द्राग्नः संहितोऽधोरांमः सावित्रो वारुणः पेतवः॥ (६०)

[२२]

आग्नेयो द्वाविंशतिः॥
अश्वस्तूपरो गौमृगस्ते प्राजापत्या आग्नेयौ कृष्णग्रीवौ त्वाष्टौ लोमशसक्थौ शितिपृष्ठौ बार्हस्पत्यौ
धात्रे पृषोदरः सौर्यो बलक्षुः पेतवः॥ (६१)

[२३]

अश्वष्पोऽष्टादशः॥
अग्नयेऽनीकवते रोहिताञ्जिरनुङ्गानधोरांमौ सावित्रौ पौष्णौ रजतनांभौ वैश्वदेवौ पिशङ्गौ तूपरो मारुतः
कल्माष आग्नेयः कृष्णोऽजः सारस्वती मेषी वारुणः कृष्ण एकशितिपात्पेतवः॥ (६२)

[२४]

अग्नयेऽनीकवते द्वाविंशतिः॥
हिरण्यवर्णा अपां ग्रहान्भूतेष्टकाः स्रजः संवत्सरं प्रजापतिः स क्षुरपविरग्नेर्वै दीक्षयां सुवर्गाय तं
यत्र सूर्यतं प्रजापतिरुत्तुमी रोहितः पृश्निः शितिबाहरुन्नतः कर्णाः शुण्ठा इन्द्रायादित्यै सौम्या वारुणाः

सोमायैकादश पिशङ्गास्त्रयोविंशतिः ॥ [२५] हिरण्यवर्णा भूतेष्टकाश्छन्दो
यत्कनीयाः सन्निवृद्धाग्निर्वारुणाश्चतुःपञ्चाशत् ॥ 54 ॥ हिरण्यवर्णा निर्वक्षसः ॥

॥ पष्ठमः प्रश्नः ॥

॥ तैत्तिरीयसंहितायां पञ्चमकाण्डे षष्ठमः प्रश्नः ॥

हिरण्यवर्णाः शुचयः पावका यासु जातः कश्यपो यास्विन्द्रः। अग्निं या गर्भं दधिरे विरूपास्ता
न आपः शः स्योना भवन्तु। यासां राजा वरुणो याति मध्ये सत्यानृते अवपश्यञ्जानानाम्। मधुश्चतुः
शुचयो याः पावकास्ता न आपः शः स्योना भवन्तु। यासां देवा दिवि कृण्वन्ति भक्षं या अन्तरिक्षे
बहुधा भवन्ति। याः पृथिवीम्पयसोन्दन्ति (१)

शुक्रास्ता न आपः शः स्योना भवन्तु। शिवेन मा चक्षुषा पश्यतापः शिवया तनुवोपं स्पृशत
त्वचंमे। सर्वाः अग्नीः रंस्पुपदो हुवे वो मयि वर्षो बलमोजो नि धत्त। यददः सम्प्रयतीरहावनं दता
हते। तस्मादा नद्यो नाम स्थ ता वो नामानि सिन्धवः। यत्प्रेषिता वरुणेन ताः शोभः समवल्गता। (२)

तदाप्रोदिन्द्रो वो यतीस्तस्मादापो अनु स्थन। अपकामः स्यन्दमाना अवीवरत वो हिकम। इन्द्रो
वः शक्तिभिर्देवीस्तस्माद्वाणाम वो हितम्। एको देवो अप्यतिष्ठस्यन्दमाना यथावशम्। उदानीषुर्महारिति
तस्मादुदकमुच्यते। आपो भद्रा घृतमिदापं आसुरग्नीषोमौ बिभ्रत्याप इत्ताः। तीव्रो रसो मधुपृचाम् (३)

अरुंगम आ मा प्राणेन सह वर्चसा गन्। आदित्पश्याम्युत वां शृणोम्या मा घोषो गच्छति वाङ्
आसाम्। मन्ये भेजानो अमृतस्य तर्हि हिरण्यवर्णा अतुपं यदा वः। आपो हि छा मयोभुवस्ता न ऊर्जे
दधातन। मुहे रणाय चक्षसे। यो वः शिवतमो रसस्तस्य भाजयतेह नः। उशतीरिव मातरः। तस्मा अरं
गमाम वो यस्य क्षयाय जिन्वथा आपो जनयथा च नः। दिवि श्रयस्वान्तरिक्षे यतस्व पृथिव्या सम्भवं
ब्रह्मवर्चसमसि ब्रह्मवर्चसाय त्वा॥ (४)

उन्दन्ति समवल्गता मधुपृचाम्मातरो द्वाविंशतिश्च ॥ [१]

अपां ग्रहान्गृह्णात्येतद्वाव राजसूयं यदेते ग्रहाः सवोऽग्निर्वरुणसवो राजसूयमग्निस्वक्षित्यस्ताभ्यामेव
सूयतेऽथो उभावेव लोकावभि जयति यश्च राजसूयेनेजानस्य यश्चाग्निचित् आपो भवन्त्यापो वा अग्नेर्भ्रातृव्या
यदपोऽग्नेरधस्तादुपदधाति भ्रातृव्याभिभूत्यै भवत्यात्मना परास्य भ्रातृव्यो भवत्युमतम् (५)

वा आपस्तस्मादद्विरवतान्तमभि पिञ्चन्ति नार्तिमाच्छति सर्वमायुरेति यस्यैता उपधीयन्ते य उ चैना
एवं वेदान् वा आपः पशव आपोऽन्नमृशवोऽन्नादः पशुमान्भवति यस्यैता उपधीयन्ते य उ चैना एवं वेद
द्वादश भवन्ति द्वादश मासाः संवत्सरः संवत्सरेणैवास्मै (६)

अन्नमव रुद्धे पात्राणि भवन्ति पात्रे वा अन्नमद्यते सयोन्येवान्नमव रुद्ध आ द्वादशात्युरुपादन्नमृत्यथो

पात्रात्र छिद्यते यस्यैता उपधीयन्ते य उं चैना एव वेदं कुम्भाश्च कुम्भीश्च मिथुनानि भवन्ति मिथुनस्य प्रजात्यै प्र प्रजयां पशुभिर्मिथुनैर्जायते यस्यैता उपधीयन्ते य उं (७)

चैना एव वेद शुक्वा अग्निः सौध्वर्यं यजमानं प्रजाः शुचार्पयति यदप उपदधाति शुचमेवास्यं शमयति नार्तिमार्च्छत्यध्वर्यं यजमानः शाम्यन्ति प्रजा यत्रैता उपधीयन्तेऽपां वा एतानि हृदयानि यदेता आपो यदेता अप उपदधाति दिव्याभिरवेनाः स सृजति वरपुङ्कः पर्जन्यः (८)

भवति यो वा एतासामायतनं कृतिं वेदायतनवान्भवति कल्पतेऽस्मा अनुसीतमुपं दधात्येतद्वा आसामायतनमेवा कृतिर्य एव वेदायतनवान्भवति कल्पतेऽस्मै द्वन्द्वमन्या उपं दधाति चतस्रो मध्ये धृत्या अन्नं वा इष्टका एतत्खलु वै साक्षादन्नं यदेष चरुयदेतं चरुमुपदधाति साक्षात् (९)

एवास्मा अन्नमव रुन्दे मध्यत उपं दधाति मध्यत एवास्मा अन्नं दधाति तस्मान्मध्यतोऽन्नमद्यते बारहस्पत्यो भवति ब्रह्म वै देवानाम्बृहस्पतिर्ब्रह्मणैवास्मा अन्नमव रुन्दे ब्रह्मवर्चसमसि ब्रह्मवर्चसाय त्वेत्याह तेजस्वी ब्रह्मवर्चसी भवति यस्येष उपधीयते य उं चैनमेवं वेदं॥ (१०)

अमृतमस्मै जायते यस्यैता उपधीयन्ते य उं पर्जन्यं उपदधाति साक्षात्सप्तचत्वारिंशच्च॥ [२]

भूतेष्टका उपं दधात्यत्रात्र वै मृत्युर्जायते यत्रयत्रैव मृत्युर्जायते तत एवैनमव यजते तस्मादग्निच्छिन्सर्वमायुरिति सर्वे हंस्य मृत्यवोऽवैष्टास्तस्मादग्निचिन्नाभिचरितवै प्रत्यगैनमभिचारः स्तुणुते सृयते वा एष योऽग्निं चिनुते दैवसुवामेतानि हवीरपि भवन्त्येतावन्तो वै देवानां स्वास्त एव (११)

अस्मै स्वान्न यच्छन्ति त एनं सुवन्ते सर्वोऽग्निरवृणुसवो राजसूर्यं ब्रह्मसवश्चित्यो देवस्यं त्वा सवितुः प्रंसव इत्याह सवितुःप्रसूत एवेनं ब्रह्मणा देवताभिरग्निं पिश्वत्यन्नस्यान्नस्याग्निं पिश्वत्यन्नस्यान्नस्यावृणुते पुरस्तात्प्रत्यश्चमभि पिश्वति पुरस्ताद्धि प्रतीचीनमन्नमद्यते शीरपतोऽभि पिश्वति शीरपतो ह्यन्नमद्यत आ मुखादन्ववसावयति (१२)

मुखत एवास्मा अत्राद्यं दधात्यग्नेस्त्वा साम्राज्येनाभि पिश्वामीत्याहैष वा अग्नेः स्वस्तेनैवेनमभि पिश्वति बृहस्पतैस्त्वा साम्राज्येनाभि पिश्वामीत्याह ब्रह्म वै देवानाम्बृहस्पतिर्ब्रह्मणैवेनमभि पिश्वतोऽन्नस्य त्वा साम्राज्येनाभि पिश्वामीत्याहेन्द्रियमेवास्मिन्नुपरिष्टादधात्येतत् (१३)

वै राजसूर्यस्य रूपं य एव विद्वानग्निं चिनुत उभावैव लोकावभि जयति यश्च राजसूर्येनेजानस्य यश्चाग्निचित् इन्द्रस्य सुपुत्राणस्यं दशधेन्द्रियं वीर्यं परापततद्देवाः सौत्रामण्या समभरन्सृयते वा एष योऽग्निं चिनुतेऽग्निं चित्वा सौत्रामण्या यजेतेन्द्रियमेव वीर्यं सम्भृत्यात्मन्धत्ते॥ (१४)

त एवान्ववसावयत्येतदष्टचत्वारिंशच्च॥ [३]

सजूरब्दोऽयावभिः सजरूपा अरुणीभिः सजुः सूर्य एतशेन सजोर्पावश्चिना दसौभिः सजूरग्निर्वैश्वानर इडाभिर्धृतेन स्वाहा संवत्सरो वा अब्दो मासा अयावा उपा अरुणी सूर्य एतश इमे अश्विनां संवत्सरोऽग्निर्वैश्वानरः पशव इडा पशवो घृतं संवत्सुरम्पशवोऽनु प्र जायन्ते संवत्सुरणैवास्यै पशून् जनयति

दर्भस्तम्बे जुहोति यत् (१५)

वा अस्या अमृतं यद्वीर्यं तद्भास्तस्मिञ्जुहोति प्रैव जायतेऽन्नादो भवति यस्यैवं जुह्वत्येता वै देवता अग्नेः पुरस्ताद्वागास्ता एव प्रीणात्यथो चक्षुरेवाग्नेः पुरस्तात्प्रति दधात्यनन्धो भवति य एवं वेदापो वा इदमग्नें सलिलमासीत्स प्रजापतिः पुष्करपर्णे वारतो भूतोऽलेलायत्सः (१६)

प्रतिष्ठां नाविन्दत स एतदपां कुलार्यमपश्यत्तस्मिन्त्रिभिर्मचिनुत् तदियमभवत्ततो वै स प्रत्यतिष्ठद्याम्पुरस्तादुपादधात्तच्छिरौऽभवत्सा प्राची दिग्यां दक्षिणत उपादधात्स दक्षिणः पक्षौऽभवत्सा दक्षिणा दिग्याम्पश्चादुपादधात्तपुच्छमभवत्सा प्रतीची दिग्यामुत्तरत उपादधात् (१७)

स उत्तरः पक्षौऽभवत्सोर्दीची दिग्यामुपरिष्ठादुपादधात्तपृष्ठमभवत्सोर्ध्वा दिगियं वा अग्निः पञ्चैष्टकस्तस्माद्यदस्यां खनन्त्यभीष्टकां तदन्त्यभि शर्करां सर्वा वा इयं वयोभ्यो नक्तं दृशे दीप्यते तस्मादिमां वयांसि नक्तं नाध्यासते य एवं विद्वानग्निं चिनुते प्रत्येव (१८)

तिष्ठत्यभि दिशो जयत्याग्नेयो वै ब्राह्मणस्तस्माद्ब्राह्मणाय सर्वासु दिक्ष्वर्धुकुः स्वामेव तद्विशमन्वेत्यपां वा अग्निः कुलायन्तस्मादापोऽग्निं हारुकाः स्वामेव तद्योनिम्नं विंशन्ति॥ (१९)

यदलेलायत्स उत्तरत उपादधादेव द्वात्रिंशच्च॥ [४]

संवत्सरमुख्यम्भृत्वा द्वितीयै संवत्सर आग्नेयमष्टाकपालं निर्वपेदेन्द्रमेकादशकपालं वैश्वदेवं द्वादशकपालम् बारहस्पत्यं चक्र वैष्णवं त्रिकपालं तृतीयै संवत्सरेऽभिजिता यजेत यदष्टाकपालो भवत्यष्टाक्षरा गायत्र्याग्नेयं गायत्रमप्रातःसवनम् प्रातःसवनमेव तेन दाधार गायत्रं छन्दो यदेकादशकपालो भवत्येकादशाक्षरा त्रिष्टुगेन्द्रं त्रैष्टुभ्मार्ध्यादिनं सवनं म्मार्ध्यादिनमेव सवनं तेन दाधार त्रिष्टुभम् (२०)

छन्दो यद्द्वादशकपालो भवति द्वादशाक्षरा जगती वैश्वदेवं जागतं तृतीयसवनन्तृतीयसवनमेव तेन दाधार जगती छन्दो यद्बारहस्पत्यक्षरुर्भवति ब्रह्म वै देवानाम्बृहस्पतिर्ब्रह्मैव तेन दाधार यद्वैष्णवस्त्रिकपालो भवति यज्ञो वै विष्णुर्यज्ञमेव तेन दाधार यत्तृतीयै संवत्सरेऽभिजिता यजतेऽभिजित्यै यत्संवत्सरमुख्यम्बिभर्ताममेव (२१)

तेन लोकं स्पृणोति यद्वितीयै संवत्सरेऽग्निं चिनुतैऽन्तरिक्षमेव तेन स्पृणोति यत्तृतीयै संवत्सरे यजतेऽमुमेव तेन लोकं स्पृणोत्येतं वै परं आद्धारः कक्षीवां औशिजो वीतहव्यः श्रायसस्त्रसदस्युः पौरुकुथ्यः प्रजाकामा अचिन्वत् ततो वै ते सहस्रं सहस्रम्पुत्रानविन्दन्त प्रथते प्रजयां पशुभिस्ताम्रात्रामाप्रोति यां तेऽगच्छन् य एवं विद्वानेतमग्निं चिनुते॥ (२२)

दाधार त्रिष्टुभमिममेवैवं चत्वारि च॥ [५]

प्रजापतिरग्निर्मचिनुत् स क्षुरपविर्भूत्वातिष्ठत्त देवा बिभ्यतो नोपायन्ते छन्दोभिस्ताम्रानं छादयित्वापोयन्तच्छन्दसां छन्दस्त्वं ब्रह्म वै छन्दांसि ब्रह्मण एतद्रूपं यत्कृष्णाजिनङ्काणी उपानहावुपं मुञ्चते छन्दोभिरेवात्मानं छादयित्वाग्निमुपं चरत्यात्मनोऽहिंसायै देवनिधिर्वा एष नि धीयते यदग्निः (२३)

अन्ये वा वै निधिमगुप्तं विन्दन्ति न वा प्रति प्र जानात्युखामा क्रामत्यात्मानमेवाधिपां कुरुते

गुप्त्या अथो खल्वानुनाक्रम्येति नैरऋत्युखा यदाक्रामेन्निरऋत्या आत्मानमपि दध्यात्तस्मान्नाक्रम्यां पुरुषशीर्षमुप
दधाति गुप्त्या अथो यथा ब्रूयादेतन्मै गोपायेति तादृगेव तत् (२४)

प्रजापतिर्वा अयंवाग्निरेव दध्यङ्गाथर्वणस्तस्येष्टका अस्थान्येत॥ ह वाव तदृषिर्भ्यनूवाचेन्द्रो दधीचो
अस्थभिरिति यदिष्टकाभिर्गग्निं चिनोति सात्मानमेवाग्निं चिनुते सात्मानमुष्मिँल्लोके भवति य एवं वेद शरीरं
वा एतदग्रेयचिन्त्यं आत्मा वैश्वानरो यच्चिते वैश्वानरं जुहोति शरीरमेव सःस्कृत्यं (२५)

अभ्यारोहति शरीरं वा एतद्यजमानः सःस्कुरुते यदग्निं चिनुते यच्चिते वैश्वानरं जुहोति शरीरमेव
सःस्कृत्यात्मनाभ्यारोहति तस्मात्तस्य नावं द्यन्ति जीवन्नेव देवानर्प्येति वैश्वानर्यर्चा पुरीषमुप दधातीयं वा
अग्निर्वैश्वानरस्तस्येषा चितिर्यत्पुरीषमग्निमेव वैश्वानरं चिनुत एषा वा अग्नेः प्रिया तनूर्यद्वैश्वानरः प्रियामेवास्यं
तनुवमव रुद्धे॥ (२६)

अग्निस्तथ्सःस्कृत्याग्नेर्दशं च॥ [६]

अग्नेर्वै दीक्षया देवा विराजंमाप्नुवन्तिस्त्रो रात्रौर्दीक्षितः स्यान्त्रिपदां विराड्विराजंमाप्नोति षड्रात्रौर्दीक्षितः
स्यात् पद्वा ऋतवः संवत्सरः संवत्सरो विराड्विराजंमाप्नोति दश रात्रौर्दीक्षितः स्याद्दशशिक्षरा विराड्विराजंमाप्नोति
द्वादश रात्रौर्दीक्षितः स्याद्द्वादश मासाः संवत्सरः संवत्सरो विराड्विराजंमाप्नोति त्रयोदश रात्रौर्दीक्षितः
स्यात्रयोदश (२७)

मासाः संवत्सरः संवत्सरो विराड्विराजंमाप्नोति पञ्चदश रात्रौर्दीक्षितः स्यात्पञ्चदश वा अर्धमासस्य
रात्रयोऽर्धमासः संवत्सरः आप्यते संवत्सरो विराड्विराजंमाप्नोति सप्तदश रात्रौर्दीक्षितः स्याद्द्वादश मासाः
पञ्चतवः स संवत्सरः संवत्सरो विराड्विराजंमाप्नोति चतुर्विंशतिः रात्रौर्दीक्षितः स्याच्चतुर्विंशतिरर्धमासाः
संवत्सरः संवत्सरो विराड्विराजंमाप्नोति त्रिंशत् रात्रौर्दीक्षितः स्यात् (२८)

त्रिंशदक्षरा विराड्विराजंमाप्नोति मासं दीक्षितः स्याद्यो मासः स संवत्सरः संवत्सरो विराड्विराजंमाप्नोति
चतुरो मासो दीक्षितः स्याच्चतुरो वा एतस्मासो वसवोऽबिभरुस्ते पृथिवीमार्जयन्नायत्रीं छन्दोऽष्टौ रुद्रास्तै-
ऽन्तरिक्षमार्जयन्निष्टुभं छन्दो द्वादशादित्यास्ते दिवमार्जयङ्गर्तां छन्दस्ततो वै ते व्यावृत्तमगच्छच्छ्रेष्ठं देवानाम्
तस्माद्द्वादश मासो भूत्वाग्निं चिन्वीत् द्वादश मासाः संवत्सरः संवत्सरोऽग्निश्चित्यस्तस्याहोरात्राणीष्टका आसेष्टकमेनं
चिनुतेऽथो व्यावृत्तमेव गच्छति श्रेष्ठं समानानाम्॥ (२९)

स्यात्रयोदश त्रिंशत् रात्रौर्दीक्षितः स्याद्वै तैऽष्टाविंशतिश्च॥ [७]

सुवर्गाय वा एष लोकाय चीयते यदग्निस्तं यन्नान्वारोह्यसुवर्गाल्लोकाद्यजमानो हीयेत पृथिवीमार्कमिषं
प्राणो मा मा हांसीदन्तरिक्षमार्कमिषं प्रजा मा मा हांसीद्विवाकमिषं सुवर्गन्मेत्याहेष वा अग्नेरन्वारोहस्तेनैवेन-
मन्वारोहति सुवर्गस्य लोकस्य समष्टौ यत्पक्षसंमितामिनुयात् (३०)

कर्नया॥सं यज्ञक्रतुमुपैयात्पापीयस्यस्यात्मनः प्रजा स्याद्वैदिसंमितामिनोति ज्याया॥समेव यज्ञक्रतुमुपैति
नास्यात्मनः पापीयसी प्रजा भवति साहस्रं चिन्वीत प्रथमं चिन्वानः सहस्रसंमितिं वा अयं लोक इममेव

लोकमभि जयति द्विपाहसं चिन्वीत द्वितीयं चिन्वानो द्विपाहसं वा अन्तरिक्षमन्तरिक्षमेवाभि जयति त्रिपाहसं चिन्वीत तृतीयं चिन्वानः (३१)

त्रिपाहसो वा असौ लोकौऽमुमेव लोकमभि जयति जानुदघ्नं चिन्वीत प्रथमं चिन्वानो गायत्रियैवेमं लोकमभ्यारोहति नाभिदघ्नं चिन्वीत द्वितीयं चिन्वानस्त्रिष्टुभेवान्तरिक्षमभ्यारोहति ग्रीवदघ्नं चिन्वीत तृतीयं चिन्वानो जगत्त्रैवामं लोकमभ्यारोहति नाभिं चित्वा रामामुपेयादयो नौ रेतो धास्यामीति न द्वितीयं चित्वा न्यस्य स्त्रियम् (३२)

उपेयात्र तृतीयं चित्वा कां चनोपेयाद्रेतो वा एतन्नि धत्ते यदग्निं चिनुते यदुपेयाद्रेतं व्यध्येताथो खल्वाहुरप्रजस्यं तद्यत्रोपेयादिति यद्रेतःसिचावुपदधाति ते एव यजमानस्य रेतो विभूतस्तस्मादुपेयाद्रेतसोऽस्कन्दाय त्रीणि वाव रेतारंसि पिता पुत्रः पौत्रः (३३)

यद्वे रेतःसिचावुपदध्याद्रेतोऽस्य विच्छिन्द्यात्तिस्त्र उपं दधाति रेतसः सन्तत्या इयं वाव प्रथमा रेतःसिग्वाग्वा इयं तस्मात्पश्यन्तीमाम्पश्यन्ति वाचं वदन्तीमन्तरिक्षं द्वितीया प्राणो वा अन्तरिक्षं तस्मान्नान्तरिक्षम्पश्यन्ति न प्राणमसौ तृतीया चक्षुर्वा असौ तस्मात्पश्यन्त्यमूम्पश्यन्ति चक्षुर्यजुषेमां चं (३४)

अमूं चोपं दधाति मनसा मध्यमामेषां लोकानां क्लृप्ता अथो प्राणानामिष्टो यजो भृगुभिराशीर्दा वसुभिस्तस्यं त इष्टस्यं वीतस्यं द्रविणेह भक्षीयेत्याह स्तुतशस्त्रे एवैतेन दुहे पिता मातरिश्वाच्छिद्रा पदा धा अच्छिद्रा उशिजः पदानुं तक्षुः सोमो विश्ववित्रेता नैपद्ब्रह्मस्पतिरुक्थामदानि शसिपदित्याहेतद्वा अग्रेरुक्थन्तेनैवेनमनुं शसति॥ (३५)

मिनुयात्तृतीयं चिन्वानस्त्रियं पौत्रश्च वै सप्तदश च॥ [८]

सूयते वा एषोऽग्नीनां य उखायां भ्रियते यदधः सादयेद्गर्भः प्रपादुकाः स्युरथो यथा सवात्प्रत्यवरोहति तादृगेव तदासन्दी सादयति गर्भाणां धृत्या अप्रपादायाथो सुवमेवैनं करोति गर्भो वा एष यदुख्यो योनिः शिक्यं यच्छिक्वादुखां निरूहेद्योनेर्गर्भं निरहण्याथ्यदुद्यामं शिक्यम्भवति षोढाविहितो वै (३६)

पुरुष आत्मा च शिरश्च चत्वार्यङ्गान्यात्मन्नेवैनम्बिभर्ति प्रजापतिर्वा एष यदग्निस्तस्योखा चोलुखलं च स्तनो तावस्य प्रजा उपं जीवन्ति यदुखां चोलुखलं चोपदधाति ताभ्यामेव यजमानोऽमुष्मिहोक्तेऽग्निं दुहे संवत्सरो वा एष यदग्निस्तस्यं त्रेधाविहिता इष्टकाः प्राजापत्या वैष्णवीः (३७)

वैश्वकर्मणीरहोरात्राण्येवास्यं प्राजापत्या यदुख्यम्बिभर्ति प्राजापत्या एव तदुपं धत्ते यत्समिधं आदधाति वैष्णवा वै वनस्पतयो वैष्णवीरेव तदुपं धत्ते यदिष्टकाभिरग्निं चिनोतीयं वै विश्वकर्मा वैश्वकर्मणीरेव तदुपं धत्ते तस्मादाहुस्त्रिवृदग्निरिति तं वा एतं यजमान एव चिन्वीत यदस्यान्यक्षिनुयाद्यत्तं दक्षिणाभिर्न राधयेदग्निमस्य वृञ्जीत योऽस्याग्निं चिनुयात्तं दक्षिणाभी राधयेदग्निमेव तथस्पृणोति॥ (३८)

षोढाविहितो वै वैष्णवीरन्यो विंशतिश्च॥ [९]

प्रजापतिरग्निमचिनुतर्तुभिः संवत्सरं वसन्तेनैवास्यं पूर्वार्धमचिनुत ग्रीष्मेण दक्षिणम्पक्षं वर्षाभिः पुच्छं शरदोत्तरम्पक्षं हेमन्तेन मध्यं ब्रह्मणा वा अस्य तत्पूर्वार्धमचिनुत क्षत्रेण दक्षिणम्पक्षम्शुभिः पुच्छं

विशोत्तरम्यक्षमाशया मध्यं य एवं विद्वानग्निं चिनुत ऋतुभिर्वै न चिनुतेऽथो एतदेव सर्वमव (३९)

रुन्दे शृण्वन्त्येनमग्निं चिक्रानमत्यन्त्रं रोचत इयं वाव प्रथमा चित्तिरोषधयो वनस्पतयः पुरीषमन्तरिक्षं द्वितीया वयांसि पुरीषमसौ तृतीया नक्षत्राणि पुरीषं यज्ञश्चतुर्थी दक्षिणा पुरीषं यजमानः पञ्चमी प्रजा पुरीषं यन्निर्चितोक्तं चिन्वीत यज्ञं दक्षिणामात्मानं प्रजामन्तरियात्तस्मात्पञ्चचितोक्तश्चेतव्यं एतदेव सर्वं स्पृणोति यत्तिस्त्रितयः (४०)

त्रिवृद्धाग्निर्यद्वे द्विपाद्यजमानः प्रतिष्ठित्यै पञ्च चित्तयो भवन्ति पाङ्कः पुरुष आत्मानमेव स्पृणोति पञ्च चित्तयो भवन्ति पञ्चभिः पुरीषैरभ्युहति दश सम्पद्यन्ते दशाक्षरो वै पुरुषो यावानेव पुरुषस्तं स्पृणोत्यथो दशाक्षरा विराडन्न विराड्विराज्येवात्राद्ये प्रति तिष्ठति संवत्सरो वै षष्ठी चित्तिर्ऋतवः पुरीषं पद्वित्तयो भवन्ति पद्वीपाणि द्वादश सम्पद्यन्ते द्वादश मासाः संवत्सरः संवत्सर एव प्रति तिष्ठति॥ (४१)

अव चित्तयः पुरीषं पञ्चदश च॥ [१०]

रोहितो धूमरोहितः कर्कन्धुरोहितस्ते प्राजापत्या बभ्रुररुणबभ्रुः शुक्वभ्रुस्ते रौद्राः श्येतः श्येताक्षः श्येतग्रीवस्ते पितृदेवत्यास्तिस्त्रः कृष्णा वशा वारुण्यस्तिस्त्रः श्वेता वशा सौर्या मैत्राबारहस्पत्या धूम्रललामास्तृपराः॥ (४२)

[११]

पृश्निस्तिरश्चीनपृश्निरूर्ध्वपृश्निस्ते मारुताः फल्गूलोहितोर्णी बलक्षी ताः सांरस्वत्यः पृषती स्थूलपृषती क्षुद्रपृषती ता वैश्वदेव्यस्तिस्त्रः श्यामा वशा पौण्यिग्यस्तिस्त्रो रोहिणीवशा मैत्रियं ऐन्द्राबारहस्पत्या अरुणललामास्तृपराः॥ (४३)

रोहितः पृश्निष्पृश्निश्शतिष्पृश्निश्शतिः॥ [१२]

शित्तिबाहुरन्यतःशित्तिबाहुः समन्तशित्तिबाहुस्त ऐन्द्रवायुवाः शित्तिरन्ध्रोऽन्यतःशित्तिरन्ध्रः समन्तशित्तिरन्ध्रस्ते मैत्रावरुणाः शुद्धवालः सर्वशुद्धवालो मणिवालस्त आश्विनास्तिस्त्रः शिल्पा वशा वैश्वदेव्यस्तिस्त्रः श्येनीः परमेष्ठिनं सोमापौष्णाः श्यामललामास्तृपराः॥ (४४)

[१३]

उन्नत ऋषभो वामनस्त ऐन्द्रावरुणाः शित्तिककुच्छित्तिपृष्ठः शित्तिभस्त ऐन्द्राबारहस्पत्याः शित्तिपाच्छित्त्योष्ठः शित्तिश्रुस्त ऐन्द्रावैष्णवास्तिस्त्रः सिध्मा वशा वैश्वकर्मण्यस्तिस्त्रो धात्रे पृषोदरा ऐन्द्रापौष्णाः श्येतललामास्तृपराः॥ (४५)

शित्तिबाहुरुन्नतः पञ्चविंशतिः पञ्चविंशतिः॥ [१४]

कर्णास्त्रयो यामाः सौम्यास्त्रयः श्वितिज्ञा अग्नये यविष्ठाया त्रयो नकुलास्तिस्त्रो रोहिणीस्त्रयव्यस्ता

वसूनान्तिस्त्रोऽरुणा दित्यौह्यस्ता रुद्राणां सोमैन्द्रा बभ्रुललामास्तूपराः॥ (४६)

कर्णास्त्रयोविंशतिः॥ [१५]

शुण्ठास्त्रयो वैष्णवा अंधीलोधकर्णास्त्रयो विष्णव उरुकृमायं लप्सुदिनस्त्रयो विष्णव उरुगायाय पञ्चावीस्तिस्त्र आदित्यानां त्रिवृत्सास्तिस्त्रोऽङ्गिरसामैन्द्रावैष्णवा गौरललामास्तूपराः॥ (४७)

शुण्ठा विंशतिः॥ [१६]

इन्द्राय राज्ञे त्रयः शितिपृष्ठा इन्द्रायाधिराजाय त्रयः शितिककुद इन्द्राय स्वराज्ञे त्रयः शितिभसदस्तिस्त्रस्त्यौह्यः साध्यानां त्रिस्त्र पंष्टौह्यो विश्वेषां देवानां माग्नेन्द्राः कृष्णललामास्तूपराः॥ (४८)

इन्द्राय राज्ञे द्वाविंशतिः॥ [१७]

अदित्ये त्रयो रोहितैता इन्द्राण्यै त्रयः कृष्णैताः कुह्वै त्रयोऽरुणैतास्तिस्त्रो धेनवो राकायै त्रयोऽनङ्गाहः सिनीवाल्या आग्नावैष्णवा रोहितललामास्तूपराः॥ (४९)

अदित्या अष्टादशः॥ [१८]

सौम्यास्त्रयः पिशङ्गाः सोमाय राज्ञे त्रयः सारङ्गाः पार्जन्या नभोरूपास्तिस्त्रोऽजा मलुहा इन्द्राण्यै त्रिस्त्रो मेघ्य आदित्या द्यावापृथिव्या मालङ्गास्तूपराः॥ (५०)

सौम्या एकान्नविंशतिः॥ [१९]

वारुणास्त्रयः कृष्णललामा वरुणाय राज्ञे त्रयो रोहितोललामा वरुणाय रिशादसे त्रयोऽरुणललामाः शिल्पास्त्रयो वैश्वदेवास्त्रयः पृश्नयः सर्वदेवत्या ऐन्द्रासूराः श्येतललामास्तूपराः॥ (५१)

वारुणा विंशतिः॥ [२०]

सोमाय स्वराज्ञेऽनोवाहावंङ्गाहाविन्द्राग्निभ्यामोजोदाभ्यामुष्टाराविन्द्राग्निभ्या बलदाभ्यां सीरवाहाववी द्वे धेनू भौमी दिभ्यो वडवे द्वे धेनू भौमी वैराजी पुरुषी द्वे धेनू भौमी वायवं आरोहणवाहावंङ्गाहौ वारुणी कृष्णे वशे अराड्यौ दिव्यावृषभौ परिमरौ॥ (५२)

सोमाय स्वराज्ञे चतुस्त्रिंशत्॥ [२१]

एकादश प्रातर्गव्याः पशव आ लभ्यन्ते छगलः कल्माषः किकिदीर्विदीगयस्ते त्वाष्ट्राः सौरीरनवं श्वेता वशा अनूबन्ध्या भवन्त्याग्नेय ऐन्द्राग्ना आश्विनस्ते विशालयूप आ लभ्यन्ते॥ (५३)

एकादश पञ्चविंशतिः॥ [२२]

पिशङ्गास्त्रयो वासन्ताः सारङ्गास्त्रयो ग्रेष्माः पृषन्तस्त्रयो वार्षिकाः पृश्नयस्त्रयः शारदाः पृश्निसक्थास्त्रयो

हेमन्तिका अवलिप्तान्नयः शैशिराः संवत्सराय निर्वक्षसः (५४)

पिशङ्गा विशतिः॥ [२३]

यो वा अयंथादेवतन्वामग्ने इन्द्रस्य चित्तिं यथा वै वयो वै यदाकूताद्यास्तै अग्ने मयि गृह्णामि प्रजापतिः सोऽस्मात्थेतान् वाजं कूर्मान् योक्त्रं मित्रावरुणाविन्द्रस्य पूष्ण ओजं आनन्दमहर्ग्रेवायोः पन्थाङ्कमैद्यौस्तेऽग्निः पशुरासीत्थद्विःशतिः॥ [२४] यो वा एवाहुतिमभवन्पथिभिर्वरुध्यानन्दमष्टौपञ्चाशत्॥ ५४॥ यो वा अयंथादेवतं यद्यवजिघ्रंसी॥

॥सप्तमः प्रश्नः॥

॥तैत्तिरीयसंहितायां पञ्चमकाण्डे सप्तमः प्रश्नः॥

यो वा अयंथादेवतमग्निं चिनुत आ देवताभ्यो वृश्चते पार्ष्णीयान्भवति यो यंथादेवतं न देवताभ्य आ वृश्चते वसीयान्भवत्याग्नेय्या गायत्रिया प्रथमां चितिंमभि मृशेत्रिष्टुभां द्वितीयां जगत्या तृतीयामनुष्टुभां चतुर्थीम्पङ्क्या पञ्चमीं यंथादेवतमेवाग्निं चिनुते न देवताभ्य आ वृश्चते वसीयान्भवतीडाये वा एषा विभक्तिः पशव इडां पशुभिरेनम् (?)

चिनुते यो वै प्रजापतये प्रतिप्रोच्याग्निं चिनोति नार्तिमाच्छृत्यश्वावभितस्तिष्ठेतां कृष्ण उत्तरतः श्वेतो दक्षिणस्तावालभ्येष्टंका उपं दध्यादेतद्वै प्रजापते रूपम्प्राजापत्योऽश्वः साक्षादेव प्रजापतये प्रतिप्रोच्याग्निं चिनोति नार्तिमाच्छृत्येतद्वा अहो रूपं यच्छ्वेतोऽश्वो रात्रियै कृष्ण एतदहः (?)

रूपं यदिष्टंका रात्रियै पुरीषमिष्टंका उपधास्यञ्छ्वेतमश्वमभि मृशेतुरीषमुपधास्यन्कृष्णमहोरात्राभ्यामेवैनं चिनुते हिरण्यपात्रम्मधोः पूर्णं दंदाति मध्व्योऽसानीति सौर्या चित्रवत्यावैक्षते चित्रमेव भवति मध्यन्दिनेऽश्वमव प्रापयत्यसौ वा आदित्य इन्द्र एष प्रजापतिः प्राजापत्योऽश्वस्तमेव साक्षादभ्रोति॥ (३)

एनमेतदहोऽष्टाचत्वारिंशच्च॥ [१]

त्वामग्ने वृषं चेकितानमुनर्युवानञ्जनयन्नुपागाम्। अस्थुरि णो गारुहपत्यानि सन्तु तिग्मेन नो ब्रह्मणा सः शिंशाधि। पशवो वा एते यदिष्टंकाश्चित्याचित्यामृषभमुपं दधाति मिथुनमेवास्य तद्यज्ञे करोति प्रजननाय तस्माद्युधेयूथ ऋषभः। संवत्सरस्य प्रतिमां यां त्वां राज्युपासते। प्रजाः सुवीरां कृत्वा विश्वमायुर्व्यश्नवत्। प्राजापत्याम् (?)

एतामुपं दधातीयं वावैषेकाष्टका यदेवैकाष्टकायामन्नं क्रियते तदेवैतयावं रुन्द्र एषा वै प्रजापतेः कामदुघा तयैव यजमानोऽमुष्मिहोक्तैऽग्निं दुहे येन देवा ज्योतिषोर्ध्वा उदायन् येनादित्या वसवो येन रुद्राः। येनाङ्गिरसो महिमानमानुशस्तेनैतु यजमानः स्वस्ति। सुवर्गाय वा एष लोकाय (?)

चीयते यदग्निर्येन देवा ज्योतिषोर्ध्वा उदायन्नित्युख्यं समिन्द्र इष्टंका एवैता उपं धत्ते वानस्पत्याः सुवर्गस्य लोकस्य समष्टौ शतायुधाय शतवीर्याय शतोतयेऽभिमातिषाहे। शतं यो नः शरदो अजीतानिन्द्रो नेषदति दुरितानि विश्वा। ये चत्वारः पथयो देवयानां अन्तरा द्यावापृथिवी वियन्ति। तेषां यो अज्यानिमर्जीतिमा वहात्तस्मै नो देवाः (६)

परि दत्तेह सर्व। ग्रीष्मो हेमन्त उत नो वसन्तः शरद्वर्षाः सुवितं नो अस्तु। तेषामृतूनां शतशारदानां निवात एषामभये स्याम। इदुवश्मराय परिवश्मराय संवश्मराय कृणुता बृहन्नमः। तेषां वयं सुमतौ यज्ञियानां ज्योगर्जाता अहताः स्याम। भद्रात्रः श्रेयः समनैष्ट देवास्त्वयावसेन समशीमहि त्वा। स नो मयोभूः पितो (७)

आ विशस्व शं तोकायं तनुवै स्योनः। अज्यानीरेता उपं दधात्येता वै देवता अपराजितास्ता एव प्र विशति नैव जीयते ब्रह्मवादिनो वदन्ति यदर्धमासा मासां ऋतवः संवश्मर ओषधीः पचन्त्यथ कस्मादन्याभ्यो देवताभ्य आग्रयणं निरूप्यत इत्येता हि तद्देवता उदजयन् यदृतूभ्यो निर्वपेद्देवताभ्यः समदं दध्यादाग्रयणं निरूप्येता आहुतीर्जुहोत्यर्धमासानेव मासानृतून्संवश्मरम्रीणाति न देवताभ्यः समदं दधाति भद्रात्रः श्रेयः समनैष्ट देवा इत्याह हुताद्याय यजमानस्यापराभावाय॥ (८)

प्राजापत्याल्लोकाय देवाः पितो दध्यादाग्रयणं पञ्चविंशतिश्च॥ [२]

इन्द्रस्य वज्रोऽसि वार्ध्नस्तनूपा नः प्रतिस्पृशः। यो नः पुरस्ताद्वक्षिणतः पश्चादुत्तरतोऽघायुरभिदासत्येतं सोऽश्मानमृच्छतु। देवासुराः संयन्ता आसन्तेऽसुरा दिग्भ्य आवाधन्त तां देवा इप्षां च वज्रेण चापानुदन्त यद्वज्रिणीरुपदधातीष्वा चैव तद्वज्रेण च यजमानो भ्रातृव्यानपं नुदते दिक्षूपं (९)

दधाति देवपुरा एवैतास्तनूपानीः पर्यहतेऽग्राविष्णू सजोषसेमा वर्धन्तु वां गिरः। द्युमैर्वाजैर्भिरा गंतम्। ब्रह्मवादिनो वदन्ति यत्र देवतायै जुहुत्यथ किन्देवत्यां वसोर्धरित्यग्निर्वसुस्तस्येषा धारा विष्णुर्वसुस्तस्येषा धाराग्रावैष्णव्यर्चा वसोर्धारा जुहोति भागधेयेनैवेनौ समर्धयत्यथो एताम् (१०)

एवाहुतिमायतनवतीं करोति यत्काम एनां जुहोति तदेवाव रुद्धे रुद्रो वा एष यदग्निस्तस्यैते तनुवौ घोराण्या शिवान्या यच्छतृद्रीयं जुहोति यैवास्यं घोरा तनूस्तां तेनं शमयति यद्वसोर्धारा जुहोति यैवास्यं शिवा तनूस्तां तेनं प्रीणाति यो वै वसोर्धारायै (११)

प्रतिष्ठां वेद प्रत्येव तिष्ठति यदाज्यमुच्छिष्येत तस्मिन्ब्रह्मोदनमपंचेतम्ब्राह्मणाश्चत्वारः प्राश्नीयुरेष वा अग्निर्वैश्वानरो यद्ब्राह्मण एषा खलु वा अग्नेः प्रिया तनूर्यद्वैश्वानरः प्रियायामैवेना तनुवां प्रति ष्ठापयति चतस्रो धेनूर्दद्यात्तामिरेव यजमानोऽमुष्मिल्लोकैऽग्निं दुहे॥ (१२)

उपेतान्धारायै षट्त्वारिंशच्च॥ [३]

चित्तिञ्जुहोमि मनसा घृतेनेत्याहादाभ्या वै नामैषाहुतिर्वैश्वकर्मणी नैनं चिक्यान्मभ्रातृव्यो दभ्नोत्यथो देवता एवाव रुद्धेऽग्ने तमर्धेति पङ्क्ता जुहोति पङ्क्ताहुत्या यजमुखमारभते सप्त तै अग्ने समिधः सप्त जिह्वा इत्याह होत्रा एवाव रुद्धेऽग्निर्देवभ्योऽपोकामद्वागधेयम् (१३)

इच्छमानस्तस्मां एतद्भागधेयम्प्रायच्छन्नेतद्वा अग्रेरग्निहोत्रमेतर्हि खलु वा एष जातो यरहि सर्वश्चितो जातायेवास्मा अत्रमपि दधाति स एनम्प्रीतः प्रीणाति वसीयान्भवति ब्रह्मवादिनो वदन्ति यदेष गार्हपत्यश्चीयतेऽथ कौस्याहवनीय इत्युसावादित्य इति ब्रूयादेतस्मिन् हि सर्वान्यो देवताभ्यो जुह्वति (१४)

य एवं विद्वानग्निं चिनुते साक्षादेव देवतां ऋभ्रोत्यग्रे यशस्विन् यशसेममर्पयेन्द्रावतीमपचितीमिहा वह। अयम्पूर्वा परमेष्ठी सुवचाः समानानामुत्तमश्लोको अस्तु। भद्रम्पश्यन्त उपं सेदुरग्रे तपो दीक्षामर्पयः सुवर्विदः। ततः क्षत्रम्बलमोजंश्च जातं तदस्मै देवा अभि सं नमन्तु। धाता विधाता परमा (१५)

उत सन्दकप्रजापतिः परमेष्ठी विराजा। स्तोमाश्छन्दांसि निविदो म आहुरेतस्मै राष्ट्रमभि सं नमाम। अन्यावर्तध्वमुप मेतं साकमुयः शास्ताधिपतिर्वो अस्तु। अस्य विज्ञानमनु सः रभध्वमिमम्पश्चादनु जीवाथ सर्व। राष्ट्रभृतं एता उपं दधात्येषा वा अग्नेश्चितौ राष्ट्रभृत्यैवास्मिन्नाष्ट्रं दधाति राष्ट्रमेव भवति नास्माद्राष्ट्रम्भरंशते॥ (१६)

भागधेयजुह्वति परमा राष्ट्रं दधाति सप्त च॥ [४]

यथा वै पुत्रो जातो म्रियतं एवं वा एष म्रियते यस्याग्निरुख्यं उद्धारयति यन्निर्मन्थं कुर्याद्विच्छिन्नाद्धारुव्यमस्मै जनयेत्स एव पुनः परीध्यः स्वादेवेनं योनैर्जनयति नास्मै भ्रातृव्यं जनयति तमो वा एतं गृह्णाति यस्याग्निरुख्यं उद्धारयति मृत्युस्तमः कृष्णं वासः कृष्णा धेनुर्दक्षिणा तमसा (१७)

एव तमो मृत्युमपं हते हिरण्यं ददाति ज्योतिर्वै हिरण्यं ज्योतिषैव तमोऽपं हतेऽथो तेजो वै हिरण्यन्तेज एवात्मन्त्यते सुवर्न धर्मः स्वाहा सुवर्नार्कः स्वाहा सुवर्न शुकः स्वाहा सुवर्न ज्योतिः स्वाहा सुवर्न सूर्यः स्वाहार्को वा एष यदग्निरसावादित्यः (१८)

अश्वमेधो यदेता आहृतीर्जुहोत्यर्काश्वमेधयोरेव ज्योतीरपि सं दधात्येष ह त्वा अर्काश्वमेधी यस्येतद्ग्नौ क्रियत आपो वा इदमग्रे सलिलमांसीत्स एतां प्रजापतिः प्रथमां चितिमपश्यत्तामुपाधत् तदियमभवत् विश्वकर्माब्रवीदुप त्वायानीति नेह लोकौऽस्तीति (१९)

अब्रवीत्स एतां द्वितीयां चितिमपश्यत्तामुपाधत् तदन्तरिक्षमभवत्स यज्ञः प्रजापतिमब्रवीदुप त्वायानीति नेह लोकौऽस्तीत्यब्रवीत्स विश्वकर्माणमब्रवीदुप त्वायानीति केन मोपैष्यसीति दिश्याभिरित्यब्रवीत्तन्दिश्याभिरुपैता उपाधत् ता दिशः (२०)

अभवत्स परमेष्ठी प्रजापतिमब्रवीदुप त्वायानीति नेह लोकौऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति नेह लोकौऽस्तीत्यब्रूताः स एतां तृतीयां चितिमपश्यत्तामुपाधत् तदसावभवत्स आदित्यः प्रजापतिमब्रवीदुप त्वा (२१)

आयानीति नेह लोकौऽस्तीत्यब्रवीत्स विश्वकर्माणं च यज्ञं चाब्रवीदुप वामायानीति नेह लोकौऽस्तीत्यब्रूताः स परमेष्ठिनमब्रवीदुप त्वायानीति केन मोपैष्यसीति लोकं पृणयेत्यब्रवीत् लोकं पृणोयैतस्मादयातायग्री लोकं पृणाऽयातयामा हंसौ (२२)

आदित्यस्तानृषयोऽब्रुवन्नुप व आयामेति केन न उपैष्यथेति भूमेत्यब्रुवन्तां द्वाभ्यां चितौभ्यामुपायन्त्स पञ्चचितिकः समपद्यत य एवं विद्वानग्निं चिनुते भूयानेव भवत्यभीमाश्लोकाञ्जयति विदुरेनं देवा अथो

एतासांमेव देवतांनां सायुज्यं गच्छति॥ (२३)

तमसाऽऽदित्योऽस्तीति दिशं आदित्यः प्रजापतिमब्रवीदुपं त्वाऽसौ पञ्चचत्वारिंशच्च॥ [५]

वयो वा अग्निर्यदग्निचित्यक्षिणोऽश्नीयात्तमेवाग्निर्मद्यादातिमाच्छ्वंसवत्सरं व्रतं चरेत्स्ववत्सरं हि व्रतं नातिं पशुर्वा एष यदग्निरहिंनस्ति खलु वै तम्पशुर्य एनम्पुरस्तात्प्रत्यश्चमुपचरति तस्मात्पश्चात्प्राङ्मुपचर्य आत्मनोऽहिंसायै तेजोऽसि तेजो मे यच्छ पृथिवीं यच्छ (२४)

पृथिव्ये मां पाहि ज्योतिरसि ज्योतिर्मै यच्छान्तरिक्षं यच्छान्तरिक्षान्मा पाहि सुवरसि सुवर्मे यच्छ दिवं यच्छ दिवो मां पाहीत्याहेताभिर्वा इमे लोका विधृता यदेता उपदधात्येषां लोकानां विधृत्यै स्वयमातृणा उपधाय हिरण्येष्टका उपं दधातीमे वै लोकाः स्वयमातृणा ज्योतिरहिरण्यं यत्स्वयमातृणा उपधाय (२५)

हिरण्येष्टका उपदधातीमानेवेताभिर्लोकां ज्योतिष्मतः कुरुतेऽथो एताभिरेवास्मां इमे लोकाः प्र भान्ति यास्तै अग्ने सूर्ये रुचं उद्यतो दिवंमातृवन्ति रश्मिभिः। ताभिः सर्वाभी रुचे जनाय नस्कृधि। या वो देवाः सूर्ये रुचो गोष्वश्वेषु या रुचः। इन्द्राग्नी ताभिः सर्वाभी रुचं नो धत्त बृहस्पते। रुचं नो धेहि (२६)

ब्राह्मणेषु रुचं राजंसु नस्कृधि। रुचं विशयेषु शूद्रेषु मरियं धेहि रुचा रुचम्। द्वेधा वा अग्निं चिक्यानस्य यश इन्द्रियं गच्छत्यग्निं वा चितमीजानं वा यदेता आहुतीर्जुहोत्यात्मन्नेव यश इन्द्रियं धत्त ईश्वरो वा एष आतिमातोयौऽग्निं चिन्वन्नधिक्रामति तत्त्वां यामि ब्रह्मणा वन्दमान इति वारुण्यर्चा (२७)

जुहुयाच्छान्तिरेवैपाग्रेगतिरात्मनो हविष्कृतो वा एष यौऽग्निं चिनुते यथा वै हविः स्कन्दत्येवं वा एष स्कन्दति यौऽग्निं चित्वा स्त्रियमुपैति मैत्रावरुणयामिक्षया यजेत मैत्रावरुणतामेवोपैत्यात्मनोऽस्कन्दाय यो वा अग्निर्मृतुस्थां वेदतुरक्रतुरस्मै कल्पमान एति प्रत्येव तिष्ठति संवत्सरो वा अग्निः (२८)

ऋतुस्थास्तस्य वसन्तः शिरो ग्रीष्मो दक्षिणः पक्षो वर्षाः पुच्छं शरदुत्तरः पक्षो हेमन्तो मध्यम्पूर्वपक्षाश्चितयोऽपरपक्षाः पुरीषमहोरात्राणीष्टका एष वा अग्निर्ऋतुस्था य एवं वेदतुरक्रतुरस्मै कल्पमान एति प्रत्येव तिष्ठति प्रजापतिर्वा एतं ज्यैष्ठ्यकामो न्यधत् ततो वै स ज्यैष्ठ्यमगच्छद्य एवं विद्वानग्निं चिनुते ज्यैष्ठ्यमेव गच्छति॥ (२९)

पृथिवीं यच्छ यत्स्वयमातृणा उपधाय धेहृचाग्निश्चिनुते त्रीणि च॥ [६]

यदाकृताथ्समसुश्रोद्धुदो वा मनंसो वा सम्भृतं चक्षुषो वा। तमनु प्रेहिं सुकृतस्य लोकं यत्ररपयः प्रथमजा ये पुराणाः। एतं संधस्थं परि ते ददामि यमावहाच्छेवधिं जातवेदाः। अन्वागन्ता यज्ञपतिर्वो अत्र तं स्म जानीत परमे व्योमन्। जानीतादेनं परमे व्योमन्देवाः सधस्था विद रूपमस्या। यदागच्छात् (३०)

पृथिभिर्देवयानैरिष्टापूर्ते कृणुतादविरस्मै। सम्प्र च्यवध्वमनु सम्प्र याताग्ने पृथो देवयानान्कृणुध्वम्। अस्मिन्सधस्थे अधुतंरस्मिन्विश्वे देवा यजमानश्च सीदत। प्रस्तरेण परिधिनां सुचा वेद्यां च ब्रहिष्णां ऋचेमं यज्ञं नो वह सुवर्देवेषु गन्तवे। यदिष्टं यत्परादानं यदुत्तं या च दक्षिणा। तत् (३१)

अग्निर्वैश्वकर्माः सुवर्देवेषु नो दधत्। येनां सहस्रं वहसि येनाग्ने सर्ववेदसम्। तेनेमं यज्ञं नो वह

सुवर्देवेषु गन्तवे। येनाग्निं दक्षिणा युक्ता यज्ञं वहन्त्युत्विजः। तेनेमं यज्ञं नो वह सुवर्देवेषु गन्तवे। येनाग्निं सुकृतः पथा मधोर्धारां व्यानशुः। तेनेमं यज्ञं नो वह सुवर्देवेषु गन्तवे। यत्र धारा अनपेता मधोर्धृतस्य च याः। तदग्निर्वैश्वकर्मणः सुवर्देवेषु नो दधत्॥ (३२)

आगच्छात्तद्व्यानशुस्तेनेमं यज्ञं नो वह सुवर्देवेषु गन्तवे चतुर्दश च॥ [७]

यास्ते अग्ने समिधो यानि धाम या जिह्वा जातवेदो यो अर्चिः। ये ते अग्ने मेडयो य इन्द्रवस्तेभिर्गत्मानं चिनुहि प्रजानन्। उध्सन्नयज्ञो वा एष यदग्निः किं वाहेतस्य क्रियते किं वा न यद्वा अध्वर्युरग्नेश्विन्वन्नन्तरेत्यात्मनो वै तदन्तरंति यास्ते अग्ने समिधो यानि (३३)

धामेत्याहुषा वा अग्नेः स्वयञ्छितिरग्निरेव तदग्निं चिनोति नाध्वर्युरात्मनोऽन्तरंति चतस्र आशाः प्र चरन्त्वग्नयं इमं नो यज्ञं नयतु प्रजानन्। घृतम्पिन्वन्नजरं सुवीरं ब्रह्मं समिद्धवत्याहुतीनाम्। सुवर्गाय वा एष लोकायोपं धीयते यत्कूर्मश्चतस्र आशाः प्र चरन्त्वग्नय इत्याह (३४)

दिशं एवैतेन प्र जानातीमं नो यज्ञं नयतु प्रजानन्त्रित्याह सुवर्गस्य लोकस्याभनीत्यै ब्रह्मं समिद्धवत्याहुतीनामित्याह ब्रह्मणा वै देवाः सुवर्गं लोकमायन् यद्ब्रह्मण्वत्योपदधाति ब्रह्मणैव तद्यजमानः सुवर्गं लोकमेति प्रजापतिर्वा एष यदग्निस्तस्य प्रजाः पशवश्छन्दांसि रूपं सर्वान् वर्णानिष्टकानां कुर्याद्रूपेणैव प्रजां पशुश्छन्दांस्यव रुद्धेऽथो प्रजाभ्यं एवैनम्पशुभ्यश्छन्दाभ्योऽवृच्छं चिनुते॥ (३५)

यान्यग्नय इत्याहेष्टकानां षोडश च॥ [८]

मयिं गृह्णाम्यग्ने अग्निं रायस्पोषाय सुप्रजास्त्वाय सुवीर्याय। मयिं प्रजाम्मयि वर्चो दधाम्यरिष्टाः स्याम तनुवां सुवीराः। यो नो अग्निः पितरो हृथ्वन्तरमर्त्यो मर्त्याः आविवेश। तमात्मन्परि गृह्णीमहे व्यं मा सो अस्मा अंवहाय परां गात्। यदध्वर्युरात्मन्त्रग्निमर्गहीत्वाग्निं चिनुयाद्योऽस्य स्वोऽग्निस्तमपि (३६)

यजमानाय चिनुयादग्निं खलु वै पशवोऽनूपं तिष्ठन्तेऽपक्रामुका अस्मात्पशवः स्युर्मयिं गृह्णाम्यग्ने अग्निमित्याहात्मन्नेव स्वमग्निं दाधार नास्मात्पशवोऽपं क्रामन्ति ब्रह्मवादिनो वदन्ति यन्मृचापश्चाग्नेरनाद्यमथ कस्मान्मृदा चाद्विश्वाग्निश्चैयत् इति यद्विः संयौति (३७)

आपो वै सर्वा देवतां देवताभिरेवेन स संजति यन्मुदा चिनोतीयं वा अग्निर्वैश्वानरोऽग्निनैव तदग्निं चिनोति ब्रह्मवादिनो वदन्ति यन्मुदा चाद्विश्वाग्निश्चैयतेऽथ कस्मादग्निश्चैयत् इति यच्छन्दांभिश्चिनोत्यग्नयो वै छन्दांसि तस्मादग्निश्चैयतेऽथो इयं वा अग्निर्वैश्वानरो यत् (३८)

मृदा चिनोति तस्मादग्निश्चैयते हिरण्येष्टका उपं दधाति ज्योतिर्वै हिरण्यं ज्योतिरेवास्मिन्दधात्यथो तेजो वै हिरण्यं तेजं एवात्मन्ते यो वा अग्निं सर्वतोमुखं चिनुते सर्वासु प्रजास्वन्नमन्ति सर्वा दिशोऽभि जयति गायत्रीम्पुरस्तादुपं दधाति त्रिष्टुभं दक्षिणतो जगतीम्पश्चादनुष्टुभमुत्तरतः पङ्क्तिम्मध्यं एष वा अग्निः सर्वतोमुखस्तं य एवं विद्वाश्चिनुते सर्वासु प्रजास्वन्नमन्ति सर्वा दिशोऽभि जयत्यथो दिश्येव दिशम्प वयति

तस्माद्दिशि दिक्प्रोता॥ (३९)

अपि सं यौति वैश्वानरो यदेष्ट वै पञ्चविंशतिश्च॥ [९]

प्रजापतिरग्निमंसृजत् सौऽस्मात्सृष्टः प्राङ्माद्वत्तस्मा अश्वम्प्रत्यास्यत्स दक्षिणावर्तत् तस्मै वृष्णिम्प्रत्यास्यत्स प्रत्यङ्मावर्तत् तस्मा ऋषभम्प्रत्यास्यत्स उदङ्मावर्तत् तस्मै वस्तम्प्रत्यास्यत्स ऊर्ध्वोऽद्रवत्तस्मै पुरुषम्प्रत्यास्यत् यत्पशुशीर्षाण्युपदधाति सर्वत एवेनम् (४०)

अवरुध्यं चिनुत एता वै प्राणभृतश्चक्षुष्मतीरिष्टका यत्पशुशीर्षाणि यत्पशुशीर्षाण्युपदधाति तर्भिरेव यजमानोऽमुष्मिँल्लोके प्राणित्यथो तर्भिरेवास्मा इमे लोकाः प्र भौन्ति मृदाभिलिप्योपं दधाति मेध्यत्वायं पशुर्वा एष यदग्निरन्नम्पशवे एष खलु वा अग्निर्यत्पशुशीर्षाणि यं कामयत् कनीयोऽस्यान्नम् (४१)

स्यादिति सन्तरां तस्यं पशुशीर्षाण्युपं दध्यात्कनीय एवास्यान्नम्भवति यं कामयत् समावदस्यान्नं स्यादिति मध्यतस्तस्योपं दध्यात्समावदवास्यान्नम्भवति यं कामयत् भूयोऽस्यान्नं स्यादित्यन्तैषु तस्यं व्युदह्योपं दध्यादन्त एवास्मा अन्नमव रुद्धे भूयोऽस्यान्नम्भवति॥ (४२)

एनमस्यान्नम्भूयोऽस्यान्नम्भवति॥ [१०]

स्तेगान्दृष्टीभ्याम्पण्डकाञ्जमयेभिरादकां खादेनोर्जं ससूदेनारण्यं जाम्बीलेन मृदम्बस्वैभिः शर्कराभिरवकांमवकाभिः शर्करामुत्सादेन जिह्वामवक्रन्देन तालुं सरस्वतीं जिह्वग्रेण॥ (४३)

स्तेगान्द्वाविंशतिः॥ [११]

वाजं हनूभ्याम्प आस्येनादित्याञ्चश्रुभिरुपयाममधरेणोष्ठेन सदुत्तरेणान्तरेणानूकाशम्रकाशेन बाह्वं स्तनयिलुं निर्बाधेन सूर्याग्नी चक्षुर्भ्यां विद्युतौ कनानकाभ्यामशनिम्स्तिष्केण बलम्पुञ्जभिः॥ (४४)

वाजं पञ्चविंशतिः॥ [१२]

कूर्माञ्छफैरच्छलाभिः कपिञ्जलान्श्याम् कुष्ठिकाभिर्जवं जङ्घाभिरगदं जानुभ्यां वीर्यं कुहाभ्यां भयम्रं चालाभ्याम् गुहोपपक्षाभ्यामश्विनावसाभ्यामर्दिति शीर्ष्णा निरुक्तं निजाल्मकेन शीर्ष्णा॥ (४५)

कूर्मान्नयोविंशतिः॥ [१३]

योक्त्रं ग्रामाभिर्युगमानंतेन चित्तम्न्याभिः सङ्कोशान्प्राणैः प्रकाशेन त्वचं पराकाशेनान्तराम्मशकात्केशैरिन्द्रं स्वपंसा वह्नेन बृहस्पतिं शकुनिसादेन रथमुष्णिहांभिः॥ (४६)

योक्त्रमेकविंशतिः॥ [१४]

मित्रावरुणौ श्रोणीभ्यामिन्द्राग्नी शिखण्डाभ्यामिन्द्राबृहस्पती ऊरुभ्यामिन्द्राविष्णू अष्टीवज्रा सवितारमुच्छेन गन्धर्वाञ्छेपेनाप्सरसो मुष्काभ्याम्यवमानम्यायुनां पवित्रम्पोत्राभ्यामाक्रमणं स्थूराभ्यां

प्रतिक्रमणं कुष्ठाभ्याम्॥ (४७)

[१५]

इन्द्रस्य क्रोडोऽदित्यै पाजस्यन्दिशां जत्रवो जीमूतान्हृदयोपशाभ्यामन्तरिक्षं पुरितता नभं
उदर्येणेन्द्राणिम्नीहा वल्मीकाङ्क्लोन्ना गिरीन्मृशिभिः समुद्रमुदरेण वैश्वानरम्भस्मना॥ (४८)

[१६]

मित्रावरुणाविन्द्रस्य द्वाविंशतिर्द्वाविंशतिः॥

पूष्णो वनिष्ठुरन्याहेः स्थूरगुदा सर्पान्गुदाभिर्ऋतून्पृष्टीभिर्दिवं पृष्ठेन वसूनाम्प्रथमा कीकसा रुद्राणां
द्वितीयादित्यानां तृतीयाङ्गिरसां चतुर्थी साध्यानां पञ्चमी विश्वेषां देवानां षष्ठी॥ (४९)

[१७]

पूष्णश्चतुर्विंशतिः॥

ओजो ग्रीवाभिर्निर्ऋतिमस्थभिरिन्द्रं स्वपसा वहैन रुद्रस्य विचलः स्कन्धोऽहोरात्रयोर्द्वितीयोऽर्धमासानां
तृतीयो मासां चतुर्थ ऋतूनाम्पञ्चमः संवत्सरस्य षष्ठः॥ (५०)

[१८]

ओजो विंशतिः॥

आनन्दं नन्दथुना कामम्रत्यासाभ्यां भुयः शितीमभ्यां प्रशिपम्रशासाभ्यां सूर्याचन्द्रमसौ वृक्षाभ्यां
श्यामशबलौ मतस्त्राभ्याव्यष्टिं रूपेण निर्मुक्तिमरूपेण॥ (५१)

[१९]

आनन्दं षोडशः॥

अहर्मासेन रात्रिम्पीवसापो यूषेण घृतं रसेन श्यां वसया दूषीकाभिर्हृदुनिमश्रुभिः पृष्वान्दिवं
रूपेण नक्षत्राणि प्रतिरूपेण पृथिवीं चर्मणा छुवीं छुव्योपाकृताय स्वाहालब्धाय स्वाहा हुताय स्वाहा॥ (५२)

[२०]

अहर्गृष्टाविंशतिः॥

अग्नेः पञ्क्षतिः सरस्वत्यै निपञ्क्षतिः सोमस्य तृतीयापां चतुर्थ्योपधीनां पञ्चमी संवत्सरस्य षष्ठी मरुतां
सप्तमी बृहस्पतेरष्टमी मित्रस्य नवमी वरुणस्य दशमीन्द्रस्यैकादशी विश्वेषां देवानां द्वादशी द्यावापृथिव्योः
पार्श्वं यमस्य पाटुरः॥ (५३)

[२१]

अग्नेरेकात्रिंशत्॥

वायोः पञ्क्षतिः सरस्वतो निपञ्क्षतिश्चन्द्रमसस्तृतीया नक्षत्राणां चतुर्थी संवितुः पञ्चमी रुद्रस्य षष्ठी
सर्पाणां सप्तम्यर्यम्णांऽष्टमी त्वष्ट्रं नवमी धातुर्दशमीन्द्राण्या एकादश्यदित्यै द्वादशी द्यावापृथिव्योः पार्श्वं यम्यै
पाटुरः॥ (५४)

[२२]

वायोरष्टाविंशतिः॥

पन्यामनूवृग्भ्या९ सन्तति९ स्नावन्याभ्या९ शुका॑न्पित्तेन॑ हरिमाणं॑ यक्रा हली॑क्षान्यापवातेन॑ कृशमाञ्छकभिः॑
शव॑र्तानूव॑ध्येन॒ शुनो॑ विश॑सनेन॒ सर्प॑ल्लोहितग॒न्धेन॒ वय॑र॒सि प॑क्कग॒न्धेन॑ पिपी॒लि॒काः प्र॑शादेन॑॥ (५)

पन्थान्द्वावि॑शतिः॥ [२३]

क्रमै॑रत्य॑क्रमीद्वाजी विशै॑र्दैवैर्य॑ज्ञियैः॑ संवि॑दानः। स नो॑ नय सुकृतस्य॑ लोकं तस्य॑ ते वय॑स् स्व॒धया॑
मदे॑म॥ (५६)

क्रमै॑रष्टादशः॥ [२४]

द्यौस्ते॑ पृ॒ष्ठं पृ॑थि॒वी स॒धस्थ॑मात्मान्तरि॑क्ष९ समु॒द्रो योनिः॑ सूर्य॑स्ते चक्षु॑र्वातः॒ प्राणश्च॑न्द्रमाः॒
श्रोत्र॑म्मासा॑श्चार्धमा॒साश्च॒ पर्वा॑ण्यु॒तवो॑ङ्गानि॒ संव॑त्स॒रो म॑हिमा॥ (५७)

द्यौः पञ्च॑वि॒शतिः॥ [२५]

अग्निः॑ प॒शुरा॑सीत्तेना॒यजन्त॑ स एतं॑ लोकम॑जय॒द्यस्मिन्त्र॑ग्निः स ते॑ लोक॑स्तं जै॒ष्यस्य॑थाव॑ जिघ्र वा॒युः
प॒शुरा॑सीत्तेना॒यजन्त॑ स एतं॑ लोकम॑जय॒द्यस्मिन्वा॒युः स ते॑ लोक॑स्तस्मा॑त्त्वान्तरै॒ष्यामि॑ यदि॒ नाव॑जिघ्र॑स्यादित्यः॒
प॒शुरा॑सीत्तेना॒यजन्त॑ स एतं॑ लोकम॑जय॒द्यस्मिन्ना॒दित्यः स ते॑ लोक॑स्तं जै॒ष्यसि॑ यद्य॑वजिघ्र॑सि॥ (५८)

यस्मिन्त्र॑ष्टौ च॑॥ [२६]

प्रा॒चीन॑व॒शं याव॑न्त ऋ॒क्सामे॑ वाग्वै दे॒वेभ्यो॑ दे॒वा वै दे॒व्यज॑नङ्क॒द्रूश्च॑ तद्वि॒र॒ण्य९ प॒द॒दानि॑ ब्रह्मवा॒दिनो॑
वि॒चित्यो॑ यत्क॒लया॑ ते वा॒रु॒णो वै क्री॑तः सोम॑ एका॒दश॥ [२७]

॥ काण्डम् ६ ॥

॥ प्रथमः प्रश्नः ॥

॥ तैत्तिरीयसंहितायां षष्ठमकाण्डे प्रथमः प्रश्नः ॥

प्रा॒चीन॑व॒शं करो॑ति दे॒वमनु॑ष्या दि॒शो व्य॑भजन्त॒ प्राचीं॑ दे॒वा दक्षि॑णा पि॒तरः प्र॑तीची॑म्मनु॒ष्या उ॒दीची॑
रू॒द्रा यत्प्रा॑चीन॑व॒शं करो॑ति दे॒वलोक॑मे॒व तद्य॑जमान॒ उपा॑वर्तते॒ परि॑ श्रयत्य॒न्तर॑हितो हि दे॒वलोक॑ो म॒नुष्य॑लो॒का॒
न्नास्मा॑ल्लो॒कात्स्वे॒तव्य॑मि॒वेत्याहुः॑ को हि॒ तद्वे॒द यद्य॑मु॒ष्मि॒ल्लोके॑ऽस्ति वा॒ न वेति॑ दि॒क्ष्वती॑का॒शान्करो॑ति (१)

उ॒भयो॑र्लोकयो॑रभिजित्यै॒ केश॑श्मश्रु॒ वप॑ते न॒खानि॑ नि कु॒न्तते॑ मृ॒ता वा ए॒षा त्वग॑मे॒ध्या यत्के॑शश्मश्रु॒
मृ॒तामे॒व त्वच॑ममे॒ध्याम॑प॒हत्य॑ य॒ज्ञियो॑ भू॒त्वा मे॒धमु॑पैत्यङ्कि॒रसः॑ सु॒वर्गं॑ लोकं॒ यन्तो॑ऽप्सु दी॒क्षात॑पसी॒ प्राव॑शयन्न॒प्सु
स्ना॑ति सा॒क्षादे॒व दी॒क्षात॑पसी॒ अवं रु॒न्दे ती॒र्थे स्ना॑ति ती॒र्थे हि॒ ते ताम्प्रा॑व॑शयन्ती॒र्थे स्ना॑ति (२)

तीर्थमेव संमानानां भवत्युपोऽश्नात्यन्तरत एव मेध्या भवति वासंसा दीक्षयति सौम्यं वै क्षौमं देवतया सोममेष देवतामुपैति यो दीक्षते सोमस्य तनूरसि तनुवं मे पाहीत्याह स्वामेव देवतामुपेत्यथो अशिषंमेवैतामा शास्तेऽग्नेस्तूपाधानं वायोर्वातपानंम्यितृणात्रीविरोपंधीनामप्रधातः (३)

आदित्यानां प्राचीनतानो विश्वेषां देवानामोतुर्नक्षत्राणामतीकाशास्तद्वा एतथ्सर्वदेवत्यं यद्वासो यद्वासंसा दीक्षयति सर्वाभिरुवेनं देवताभिर्दीक्षयति बहिःप्राणो वै मनुष्यस्तस्याशनं प्राणीऽश्नाति सप्राण एव दीक्षत आशितो भवति यावानेवास्यं प्राणस्तेन सह मेधमुपैति घृतं देवानाम्मस्तु पितृणान्निष्कम्पनुष्याणान्तद्वै (४)

एतथ्सर्वदेवत्यं यन्नवंनीतं यन्नवंनीतेनाभ्युक्ते सर्वा एव देवताः प्रीणाति प्रच्युतो वा एषोऽस्माल्लोकादगतो देवलोकं यो दीक्षितोऽन्तरेव नवनीततस्मान्नवंनीतेनाभ्युक्तेऽनुलोमं यजुषां व्यावृत्त्या इन्द्रो वृत्रमंहन्तस्य कनीनिका परापतत्तदाञ्जनमभवद्यदाङ्के चक्षुरेव भ्रातृव्यस्य वृङ्के दक्षिणम्पूर्वमाङ्कं (५)

सव्यं हि पूर्वमनुष्या आञ्जते न नि धावते नीव हि मनुष्या धावन्ते पञ्च कृत्व आङ्के पञ्चाक्षरा पङ्क्तिः पाङ्क्तो यज्ञो यज्ञमेवावं रुद्धे परिमितमाङ्केऽपरिमितं हि मनुष्या आञ्जते सतूलयाङ्केऽपतूलया हि मनुष्या आञ्जते व्यावृत्त्यै यदपतूलयाञ्जीत वज्रं इव स्यात्सतूलयाङ्कं मित्रत्वाय (६)

इन्द्रो वृत्रमहन्त्योऽऽ पोऽऽ भ्यंग्रियत तासां यन्मेध्यां यजियुः सदेवमासीत्तदपोदक्रामत्ते दुर्भा अभवन् यदभपुञ्जीलैः पवयति या एव मेध्यां यजियाः सदेवा आपस्ताभिरुवेनंमपवयति द्वाभ्यां पवयत्यहोरात्राभ्यामेवेनंमपवयति त्रिभिः पवयति त्रयं इमे लोका एभिरुवेनं लोकैः पवयति पञ्चभिः (७)

पवयति पञ्चाक्षरा पङ्क्तिः पाङ्क्तो यज्ञो यज्ञायैवेनंमपवयति पङ्क्तिः पवयति षड्वा ऋतवं ऋतुभिरुवेनंमपवयति सप्तभिः पवयति सप्त छन्दांसि छन्दोभिरुवेनंमपवयति नवभिः पवयति नव वै पुरुषे प्राणाः सप्राणमेवेनंमपवयत्येकविंशत्या पवयति दश हस्त्या अङ्गुलयो दश पद्या आत्मैकविंशो यावानेव पुरुषस्तमपरिवर्गम् (८)

पवयति चित्पतिस्त्वा पुनात्वित्याह मनो वै चित्पतिर्मनसैवेनंमपवयति वाक्पतिस्त्वा पुनात्वित्याह वाचैवेनंमपवयति देवस्त्वा सविता पुनात्वित्याह सवितुप्रसूत एवेनंमपवयति तस्य ते पवित्रपते पवित्रेण यस्मै कम्पुने तच्छक्रेयमित्याहशिषंमेवैतामा शास्ते॥ (९)

अतीकाशाकरोत्यवशयन्तीर्थे स्नाति प्रधातो मनुष्याणान्तद्वा आङ्कं मित्रत्वायं पञ्चभिरपरिवर्गमष्टाचत्वारिंशच्च॥

यावन्तो वै देवा यज्ञायापुनत त एवाभवन् य एवं विद्वान् यज्ञाय पुनीते भवत्येव बहिः पवयित्वान्तः प्र पादयति मनुष्यलोके एवेनंमपवयित्वा पृतन्दवलोकम्प गयत्यदीक्षित एक्याहुत्येत्याहुः सुवेण चतस्रो जुहोति दीक्षितत्वायं सुचा पञ्चमी पञ्चाक्षरा पङ्क्तिः पाङ्क्तो यज्ञो यज्ञमेवावं रुद्ध आकृत्यै प्रयुजेऽग्नये (१०)

स्वाहेत्याहाकृत्या हि पुरुषो यज्ञमभि प्रयुङ्के यजेयेति मेधायै मनसेऽग्नये स्वाहेत्याह मेधया हि मनसा पुरुषो यज्ञमभिगच्छति सरस्वत्यै पूष्णेऽग्नये स्वाहेत्याह वाग्वै सरस्वती पृथिवी पूषा वाचैव पृथिव्या यज्ञम्प यङ्कु आपो देवीर्बृहतीर्विश्वशम्भुव इत्याह या वै वर्ष्यास्ताः (११)

आपो देवीर्बृहतीर्विश्वशम्भुवो यदेतद्यजुर्न ब्रूयाद्विव्या आपोऽशान्ता इमल्लोकमा गच्छेयुरापो

देवीर्बृहतीर्विश्वसम्भुव इत्याहास्मा एवैनां लोकाय शमयति तस्माच्छान्ता इमल्लोकमा गच्छन्ति द्यावापृथिवी इत्याहु द्यावापृथिव्योरहि यज्ञ उर्वन्तरिक्षमित्याहान्तरिक्षे हि यज्ञो बृहस्पतिर्नो हविषां वृधातु (१२)

इत्याहु ब्रह्म वै देवानाम्बृहस्पतिर्ब्रह्मणैवासमै यज्ञमव रुन्दे यद्रूपाद्विधेरिति यज्ञस्थानुर्मुच्छेद्वधात्वित्याह यज्ञस्थानुमेव परि वृणक्ति प्रजापतिर्यज्ञमसृजत् सोऽस्मात्सृष्टः पराङ्मुखः प्र यजुरर्ह्वानात्प्र साम तमृगुदयच्छुद्यदृगुदयच्छुत्तदौद्रहणस्यौद्रहणत्वमृचा (१३)

जुहोति यज्ञस्योद्यत्या अनुष्टुप्छन्दसामुदयच्छुदित्याहुस्तस्मादनुष्टुभा जुहोति यज्ञस्योद्यत्यै द्वादश वाथ्सबन्धान्युदयच्छुत्रित्याहुस्तस्माद्द्वादशभिर्वाथ्सबन्धविदो दीक्षयन्ति सा वा एषर्गनुष्टुग्वार्गनुष्टुग्यदेतयर्चा दीक्षयति वाचैवैनं सर्वया दीक्षयति विश्वे देवस्य नेतुरित्याह सावित्र्येतेन मतो वृणीत सख्यम् (१४)

इत्याह पितृदेवत्यैतेन विश्वे राय इंपुष्यसीत्याह वैश्वदेव्यैतेन द्युम्रं वृणीत पुष्यस इत्याह पौष्ण्यैतेन सा वा एषर्खसर्वदेवत्यां यदेतयर्चा दीक्षयति सर्वाभिरेवेन देवताभिर्दीक्षयति सप्ताक्षरम्प्रथमम्पदमष्टाक्षराणि त्रीणि यानि त्रीणि तान्यष्टावुपं यन्ति यानि चत्वारि तान्यष्टौ यदष्टाक्षरा तेन (१५)

गायत्री यदेकादशाक्षरा तेन त्रिष्टुग्यद्वादशाक्षरा तेन जगती सा वा एषर्खसर्वाणि छन्दांसि यदेतयर्चा दीक्षयति सर्वाभिरेवेन छन्दाभिर्दीक्षयति सप्ताक्षरम्प्रथमम्पदं सप्तपदा शक्करी पशवः शक्करी पशुनेवाव रुन्दे एकस्मादक्षरादनामप्रथमम्पदन्तस्माद्यद्वाचोऽनासन्तन्मनुष्या उपं जीवन्ति पूर्णया जुहोति पूर्ण इव हि प्रजापतिः प्रजापतेरास्यै न्यूनया जुहोति न्यूनान्दि प्रजापतिः प्रजा असृजत प्रजानां सृष्टौ॥ (१६)

अग्नये ता वृधात्वृचा सख्यन्तेन जुहोति पञ्चदश च॥ [२]

ऋक्सामे वै देवेभ्यो यज्ञायातिष्ठमाने कृष्णो रूपं कृत्वापक्रम्यातिष्ठतान्तैऽमन्यन्त यं वा इमे उपावथ्स्यतः स इदं भविष्यतीति ते उपांश्चयन्त ते अहोरात्रयोर्महिमानमपनिधाय देवानुपावर्ततामेष वा ऋचो वर्णो यच्छुक्लं कृष्णाजिनस्येष साम्नो यत्कृष्णमृक्सामयोः शिल्पै स्थ इत्याहर्क्सामे एवाव रुन्ध एषः (१७)

वा अहो वर्णो यच्छुक्लं कृष्णाजिनस्येष रात्रिया यत्कृष्णं यदेवेनयोस्तत्र न्यक्तं तदेवाव रुन्दे कृष्णाजिनेन दीक्षयति ब्रह्मणो वा एतद्रूपं यत्कृष्णाजिनं ब्रह्मणैवेन दीक्षयतीमान्धियं शिक्षमाणस्य देवेत्याह यथायजुरेवैतद्रभो वा एष यदीक्षित उल्बं वासः प्रोर्णुते तस्मात् (१८)

गर्भाः प्रावृता जायन्ते न पुरा सोमस्य क्रयादपोर्ण्वीत यत्पुरा सोमस्य क्रयादपोर्ण्वीत गर्भाः प्रजानां परापातुकाः स्युः क्रीते सोमेषोर्णुते जायत एव तदथो यथा वसीयांसमप्रत्यपोर्णुते तादृगेव तदङ्गिरसः सुवर्गं लोकं यन्त ऊर्जं व्यभजन्त ततो यदत्यशिष्यत् ते शरा अभवन्नृग्वै शरा यच्छंरमयी (१९)

मेखला भवत्यूर्जमेवाव रुन्दे मध्यतः सन्नहति मध्यत एवास्मा ऊर्जं दधाति तस्मान्मध्यत ऊर्जा भुञ्जत ऊर्ध्वं वै पुरुषस्य नाभ्यै मेध्यमवाचीनंममेध्यं यन्मध्यतः संनहति मेध्यं चैवास्यामेध्यं च व्यावर्तयतीन्द्रो वृत्राय वज्रम्प्राहर्त्स त्रेधा व्यभवथ्सफ्यस्तृतीयं रथस्तृतीयं यूपस्तृतीयम् (२०)

यैऽन्तःशरा अशीर्यन्त ते शरा अभवन्तच्छुराणां शरत्वं वज्रो वै शराः क्षुत्खलु वै मनुष्यस्य भ्रातृव्यो यच्छरमयी मेखला भवति वज्रैणैव साक्षात्क्षुभ्रातृव्यम्भ्यतोऽपि हते त्रिवृद्धवति त्रिवृद्धे प्राणस्त्रिवृतमेव प्राणम्भ्यतो यजमाने दधाति पृथ्वी भवति रज्जुनार्व्यावृत्त्यै मेखलाया यजमानन्दीक्षयति योक्त्रेण पत्नीमिथुनत्वाय (२१)

यज्ञो दक्षिणामभ्यध्यायतां समभवत्तदिन्द्रोऽचायुत्सोऽमन्यत यो वा इतो जनिष्यते स इदम्भविष्यतीति ताम्प्राविशत्तस्या इन्द्र एवाजायत सोऽमन्यत यो वै मदितोऽपरो जनिष्यते स इदम्भविष्यतीति तस्या अनुमृश्य योनिमाच्छिन्त्वा सूतवशाभवत्तत्सूतवशायै जन्म (२२)

तां हस्ते न्यवेष्टयत ताम्मुगेषु न्यदधात्सा कृष्णविषाणार्भवदिन्द्रस्य योनिंरसि मा मां हिंसीरिति कृष्णविषाणाम्प्र यच्छति सयौनिमेव यज्ञं करोति सयौनिन्द्रक्षिणां सयौनिमिन्द्रं सयोनित्वाय कृष्ये त्वां सुसस्याया इत्याह तस्मादकृष्टपृच्या ओषधयः पच्यन्ते सुपिप्पलाभ्यस्त्वौषधीभ्य इत्याह तस्मादोषधयः फलं गृह्णन्ति यद्धस्तैन (२३)

कण्डूयेत पामनम्भावुकाः प्रजाः स्युर्यथ्मयैत नम्रम्भावुकाः कृष्णविषाणयां कण्डूयतेऽपिगृह्यं स्मयते प्रजानां गोपीधाय न पुरा दक्षिणाम्यो नेताः कृष्णविषाणामवं चृतेद्यत्पुरा दक्षिणाम्यो नेताः कृष्णविषाणामवंचृतेद्योनिः प्रजानां परापातुका स्यान्नीतासु दक्षिणासु चात्वाले कृष्णविषाणाम्प्रास्यति योनिर्वै यज्ञस्य चात्वालं योनिः कृष्णविषाणा योनावेव योनिन्दधाति यज्ञस्य सयोनित्वाय॥ (२४)

रुन्ध एष तस्माच्छरमयी यूपस्तृतीयमिथुनत्वाय जन्म हस्तेनाष्टाचत्वारिंशच्च॥ [३]

वाग्वै देवेभ्योऽपौक्रामद्यज्ञायतिष्ठमाना सा वनस्पतीन्प्राविशत्तस्यैषा वाग्वनस्पतिषु वदति या दुन्दुभौ या तूण्वे या वीणायां यदीक्षितदण्डमयच्छति वाचमेवावं रुन्ध औदुम्बरो भवत्यूर्वा उदुम्बर ऊर्जमेवावं रुन्धे मुखेन सम्मितो भवति मुखत एवास्मा ऊर्जं दधाति तस्मान्मुखत ऊर्जा भुञ्जते (२५)

क्रीते सोमं मैत्रावरुणाय दण्डम्र यच्छति मैत्रावरुणो हि पुरस्तादृत्विभ्यो वाचं विभजति तामृत्विजो यजमाने प्रति षापयन्ति स्वाहा यज्ञम्मनसेत्याह मनसा हि पुरुषो यज्ञमभिगच्छति स्वाहा द्यावापृथिवीभ्यामित्याह द्यावापृथिव्योर्हि यज्ञः स्वाहोरोरन्तरिक्षादित्याहान्तरिक्षे हि यज्ञः स्वाहा यज्ञं वातादारभ इत्याहयम् (२६)

वाव यः पवते स यज्ञस्तमेव साक्षादा रभते मुष्टी करोति वाचं यच्छति यज्ञस्य धृत्या अदीक्षितायम्राह्मण इति त्रिरुपांश्वाह देवेभ्य एवैनम्राह त्रिरुचैरुभयैभ्य एवैनं देवमनुष्येभ्यः प्राह न पुरा नक्षत्रेभ्यो वाचं वि सृजेद्यत्पुरा नक्षत्रेभ्यो वाचं विसृजेद्यज्ञं विच्छिन्द्यात् (२७)

उदितेषु नक्षत्रेषु व्रतं कृणुतेति वाचं वि सृजति यज्ञव्रतो वै दीक्षितो यज्ञमेवाभि वाचं वि सृजति यदि विसृजेद्वैष्णवीमृचमनु ब्रूयाद्यज्ञो वै विष्णुर्यज्ञेनैव यज्ञं सं तनोति दैवीन्धियम्मनामह इत्याह यज्ञमेव तन्मदयति सुपारा नो असद्वश इत्याह व्युष्टिमेवावं रुन्धे (२८)

ब्रह्मवादिनो वदन्ति होतव्यं दीक्षितस्य गृहा(३)इ न होतव्या(३)मिति हविर्वै दीक्षितो यज्ञहुयाद्यजमानस्यावदाय जुहुयाद्यन्न जुहुयाद्यज्ञपरुरन्तरियाद्ये देवा मनोजाता मनोयुज इत्याह प्राणा वै

देवा मनोजाता मनोयुजस्तेष्वेव परोक्षं जुहोति तत्रेवं हुतं नेवाहुतं स्वपन्तं वै दीक्षितं रक्षांसि जिघांसन्त्यग्निः (२९)

खलु वै रक्षोहाग्ने त्वं सु जांगृहि वयं सु मन्दिषीमहीत्याहाग्निमेवाधिपां कृत्वा स्वपिति रक्षंसामपंहत्या अब्रत्यमिव वा एष करोति यो दीक्षितः स्वपिति त्वमग्ने व्रतपा असीत्याहाग्निर्वै देवानां व्रतपतिः स एवैनं व्रतमालम्भयति देव आ मर्त्येष्वेत्याह देवः (३०)

ह्येष सन्मर्त्येषु त्वं यज्ञेष्वीड्य इत्याहेतं हि यज्ञेष्वीड्यतेऽपु वै दीक्षिताध्वमुपुपुषं इन्द्रियं देवताः कामन्ति विश्वं देवा अभि मामावंबृत्रन्नित्याहेन्द्रियेणैवैनं देवताभिः सं नयति यदेतद्यजुर्न ब्रूयाद्यावन्त एव पशून्भि दीक्षन्त तावन्तोऽस्य पशवः स्यू रास्वेयन्त (३१)

सोमा भूयो भूरेत्याहापरिमितानेव पशून्वं रुन्दे चन्द्रमसि मम भोगाय भवेत्याह यथादेवतमेवेनाः प्रति गृह्णाति वायवं त्वा वरुणाय त्वेति यदेवमेता नानुदिशेदयथादेवतं दक्षिणा गमयेदा देवताभ्यो वृश्चते यदेवमेता अनुदिशति यथादेवतमेव दक्षिणा गमयति न देवताभ्य आ (३२)

वृश्चते देवीरापो अपां नपादित्याह यद्वो मेध्यं यजियुः सदेवं तद्वो मावं क्रमिपमिति वावैतदाहाच्छिन्नं तन्तुं पृथिव्या अनुं गेषमित्याह सेतुमेव कृत्वात्येति॥ (३३)

भुञ्जतेऽयजिच्छेन्द्याद्वन्धेऽग्निराह देव इयं देवताभ्य आ त्रयस्त्रिंशच्च॥ [४]

देवा वै दैवयजनमध्यवसाय दिशो न प्राजानन्तेऽइ न्योन्यमुपाधान्वन्वया प्र जानाम त्वयेति तेऽदित्याः समग्निन्त त्वया प्र जानामेति साब्रवीद्वरं वृणे मत्प्रायणा एव वो यज्ञा मदुदयना असन्निति तस्मादादित्यः प्रायणीषो यज्ञानामादित्य उदयनीयः पञ्च देवता यजति पञ्च दिशो दिशाम्प्राज्ञात्यै (३४)

अथो पञ्चक्षरा पङ्क्तिः पाङ्क्तौ यज्ञो यज्ञमेवावं रुन्दे पथ्याः स्वस्तिमयजन्प्राचीमेव तथा दिशम्प्राजानन्नग्निना दक्षिणा सोमेन प्रतीचीः सवित्रोदीचीमदित्योर्ध्वाम्पथ्याः स्वस्तिं यजति प्राचीमेव तथा दिशम्प्रा जानाति पथ्याः स्वस्तिमिद्विप्रीपोमौ यजति चक्षुषी वा एते यज्ञस्य यदग्नीपोमौ ताभ्यामेवानु पश्यति (३५)

अग्नीपोमांविद्वा सवितारं यजति सवितृप्रसूत एवानु पश्यति सवितारमिद्विदिति यजतीयं वा अदितिरस्यामेव प्रतिष्ठायानु पश्यत्यदितिमिद्वा मारुतीमृचमन्वाह मरुतो वै देवानां विशो देवविशं खलु वै कल्पमानमनुष्यविशमनु कल्पते यन्मारुतीमृचमन्वाह विशां कृत्यं ब्रह्मवादिनो वदन्ति प्रयाजवदननूयाजम्प्रायणीयं कार्यमनूयाजवन्त (३६)

अप्रयाजमुदयनीयमितीमे वै प्रयाजा अमी अनूयाजाः सैव सा यज्ञस्य सन्ततिस्तत्था न कार्यमात्मा वै प्रयाजाः प्रजानूयाजा यत्प्रयाजानन्तरियादात्मानमन्तरियाद्यदनूयाजानन्तरियात्प्रजामन्तरियाद्यत् खलु वै यज्ञस्य वितन्तस्य न क्रियते तदनु यज्ञः परा भवति यज्ञं पराभवन्तं यजमानोऽनु (३७)

परा भवति प्रयाजवदेवानूयाजवत्प्रायणीयं कार्यम्प्रायाजवदनूयाजवदुदयनीयं नात्मानमन्तरेति न प्रजां न यज्ञः पराभवति न यजमानः प्रायणीयस्य निष्कास उदयनीयमभि निर्वपति सैव सा यज्ञस्य सन्ततिर्याः

प्रांयणीयस्य याज्यां यत्ता उदयनीयस्य याज्याः कुर्यात्पराङ्मुं लोकमा रोहेत्प्रमार्युकः स्याद्वाः प्रांयणीयस्य पुरोनुवाक्यास्ता उदयनीयस्य याज्याः करोत्यस्मिन्नेव लोके प्रति तिष्ठति॥ (३८)

प्रजाँत्यै पश्यत्यनूयाजवच्चजमानोऽनु पुरोनुवाक्यास्ता अष्टौ च॥ [५]

कद्रश्च वै सुपर्णी चाँत्मरूपयोरस्पर्धेताः सा कद्रः सुपर्णीमजयत्साब्रवीत्तृतीयस्यामितो दिवि सोमस्तमा हर् तेनात्मानं निष्क्रीणीष्वेतीयं वै कद्रसौ सुपर्णी छन्दांसि सौपर्णेयाः साब्रवीदस्मै वै पितरौ पुत्रान्भूतस्तृतीयस्यामितो दिवि सोमस्तमा हर् तेनात्मानं निष्क्रीणीष्व (३९)

इति मा कद्रवोचदिति जगत्पुदपतच्चतुर्दशाक्षरा सती साप्राप्य न्यवर्तत तस्यै द्वे अक्षरे अमीयेताः सा पशुभिश्च दीक्षया चागच्छत्तस्माज्जगती छन्दसाम्पश्रव्यतमा तस्मात्पशुमन्तं दीक्षोपं नमति त्रिष्टुगुदपतत्रयोदशाक्षरा सती साप्राप्य न्यवर्तत तस्यै द्वे अक्षरे अमीयेताः सा दक्षिणाभिश्च (४०)

तपसा चागच्छत्तस्मात्रिष्टुभौ लोके माध्यदिने सवने दक्षिणा नीयन्त एतत्खलु वाव तप इत्याहुयः स्वं ददातीति गायत्र्युदपतच्चतुरक्षरा सत्यजया ज्योतिषा तमस्या अजाभ्यरुद्ध तदजाया अजत्वः सा सोमं चाहर्चत्वारि चाक्षराणि साष्टाक्षरा समपद्यत ब्रह्मवादिनो वदन्ति (४१)

कस्मात्सत्याद्वायत्री कनिष्ठा छन्दसाः सती यज्ञमुखं परीयायेति यदेवादः सोममाहर्तस्माद्यज्ञमुखं पर्येत तस्मात्तेजस्विनीतमा पृच्छां द्वे सवने समगृह्णान्मुखेनैकं यन्मुखं समगृह्णातदधयत्तस्माद्द्वे सवने श्रुक्वती प्रातःसवनं च माध्यदिनं च तस्मात्तृतीयसवनं ऋजोपमभि पुण्वन्ति धीतमिव हि मन्यन्ते (४२)

आशिरमवं नयति सश्रुत्वायाथो सम्भरत्येवैनत्तः सोममाह्रियमाणं गन्धर्वो विश्वावंसुः पर्यमुष्णात्स तिस्रो रात्रोः परिमुषितोऽवसत्तस्मात्तिस्रो रात्रोः क्रीतः सोमो वसति ते देवा अब्रुवन्स्त्रीकामा वै गन्धर्वाः स्त्रिया निष्क्रीणामेति ते वाचः स्त्रियमेकहायनीं कृत्वा तया निरक्रीणन्त्सा रोहिद्रूपं कृत्वा गन्धर्वेभ्यः (४३)

अपक्रम्यातिष्ठत्तद्रोहितो जन्म ते देवा अब्रुवन्नपं युष्मदक्रमीन्नास्मानुपावर्तते वि ह्वयामहा इति ब्रह्मं गन्धर्वा अवदन्नगायं देवाः सा देवान्नायंत उपावर्तत तस्माद्गायन्तः स्त्रियः कामयन्ते कामुका एनः स्त्रियो भवन्ति य एवं वेदाथो य एवं विद्वानपि जन्येषु भवति तेभ्य एव ददत्युत यद्बहुतयाः (४४)

भवन्येकहायन्या क्रीणाति वाचैवैनः सर्वया क्रीणाति तस्मादेकहायना मनुष्यां वाचं वदन्त्यकूटयाऽकर्णयाऽकाणयाऽश्लोणयाऽसंशफया क्रीणाति सर्वयैवैनं क्रीणाति यच्छ्रुतया क्रीणीयाद्दृश्मं यजमानः स्याद्यत्कृष्णयानुस्तरणी स्यात्प्रमार्युको यजमानः स्याद्यद्विरूपया वात्रेणी स्यात्स वाचं जिनीयातं वान्यो जिनीयादरुणया पिङ्गाक्षया क्रीणात्येतद्वै सोमस्य रूपः स्वयैवैनं देवतया क्रीणाति॥ (४५)

निष्क्रीणीष्व दक्षिणाभिश्च वदन्ति मन्यन्ते गन्धर्वेभ्यो बहुतयाः पिङ्गाक्षया दशं च॥ [६]

तद्विरण्यमभवत्तस्मादश्वो हिरण्यम्पुनन्ति ब्रह्मवादिनो वदन्ति कस्मात्सत्यादनस्थिकेन प्रजाः प्रवीयन्तेऽस्थन्वतीर्जायन्त इति यद्विरण्यं घृतेऽवधाय जुहोति तस्मादनस्थिकेन प्रजाः प्रवीयन्तेऽस्थन्वतीर्जायन्त एतद्वा अग्नेः प्रियं धाम यद्धत तेजो हिरण्यमियं तै श्रुक् तनूरिदं वर्च इत्याहु सतैजसमेवैनः सतनुम् (४६)

करोत्यथो सम्भरत्येवैनं यदबद्धमवदध्याद्रभः प्रजानां परापातुकाः स्युर्बद्धमव दधाति गर्भाणां धृत्यै निष्टक्यम्बभ्राति प्रजानां प्रजननाय वाग्वा एषा यथ्सोमक्रयणी जूरसीत्याह यद्धि मनसा जवते तद्वाचा वदति धृता मनसेत्याह मनसा हि वाग्धृता जुष्टा विष्णव इत्याह (४७)

यज्ञो वै विष्ण्युज्जायैवेनां जुष्टां करोति तस्यांस्ते सत्यसंवसः प्रसव इत्याह सवितृप्रसूतामेव वाचमव रुद्धे काण्डेकाण्डे वै क्रियमाणे यज्ञं रक्षांसि जिघांसन्त्येष खलु वा अरक्षोहतः पन्था योऽग्नेश्च सूर्यस्य च सूर्यस्य चक्षुरारुहमग्नेरक्षः कनीनिकामित्याह य एवारक्षोहतः पन्थास्तं समारोहति (४८)

वाग्वा एषा यथ्सोमक्रयणी चिदसि मनासीत्याह शास्त्येवैनामेतत्तस्माच्छिष्टाः प्रजा जायन्ते चिदसीत्याह यद्धि मनसा चेतयते तद्वाचा वदति मनासीत्याह यद्धि मनसाभिगच्छति तत्करोति धीरसीत्याह यद्धि मनसा ध्यायति तद्वाचा (४९)

वदति दक्षिणासीत्याह दक्षिणा ह्येषा यज्ञियासीत्याह यज्ञियामेवेनां करोति क्षत्रियासीत्याह क्षत्रिया ह्येषादितिरस्युभयतःशीर्ष्णीत्याह यदेवाऽऽदित्यः प्रायणीयो यज्ञानामादित्य उदयनीयस्तस्मादेवमाह यदबद्धा स्यादयता स्याद्यत्पदिवद्धानुस्तरणी स्यात्प्रमार्युको यजमानः स्यात् (५०)

यत्कर्णगृहीता वार्त्रघ्नी स्याथ्स वान्यं जिनीयात् वान्यो जिनीयान्मित्रस्त्वां पदि बभ्रात्वित्याह मित्रो वै शिवो देवानान्तेनैवेनां पदि बभ्राति पूषाध्वनः पात्वित्याह्यं वै पूषेवामेवास्यां अधिपामकः समष्ट्या इन्द्रायार्थंक्षायेत्याहेन्द्रमेवास्या अर्धशं करोति (५१)

अनु त्वा माता मन्यतामानुं पितेत्याहानुमतयैवेनया क्रीणाति सा दैवि देवमच्छेहीत्याह देवी ह्येषा देवः सोम इन्द्राय सोममित्याहेन्द्राय हि सोम आह्रियते यदेतद्यजुर्न ब्रूयात्पराच्येव सोमक्रयणीयाद्रुद्रस्त्वा वर्तयत्वित्याह रुद्रो वै क्रूरः (५२)

देवानान्तमेवास्यै परस्ताद्वधात्यावृत्त्यै क्रूरमिव वा एतत्करोति यद्रुद्रस्य कीर्तयति मित्रस्य पथेत्याह शान्त्यै वाचा वा एष वि क्रीणीते यः सोमक्रयण्या स्वस्ति सोमसखा पुनरेहि सह रय्येत्याह वाचैव विक्रीय पुनरात्मन्वाच धत्तेऽनुपदासुकास्य वाग्भवति य एवं वेद॥ (५३)

सतनुं विष्णव इत्याह समारोहति ध्यायति तद्वाचा यजमानः स्यात्करोति क्रूरो वेद॥ [७]

षट्दान्यनु नि क्रामति षडहं वाङ्गाति वदत्युत संवत्सरस्यायने यावत्येव वाक्तामव रुद्धे सप्तमे पदे जुहोति सप्तपदा शक्करी पशवः शक्करी पशूनेवाव रुद्धे सप्त ग्राम्याः पशवः सप्तरण्याः सप्त छन्दांस्युभयस्यावरुद्धे वस्यंसि रुद्रासीत्याह रूपमेवास्या एतन्महिमानम् (५४)

व्याचष्टे बृहस्पतिस्त्वा सुमे रण्वत्वित्याह ब्रह्म वै देवानाम्बृहस्पतिर्ब्रह्मणैवास्मै पशूनव रुद्धे रुद्रो वसुभिरा चिकेत्वित्याहावृत्त्यै पृथिव्यास्त्वा मूर्धन्ना जिघर्मि देवयजन् इत्याह पृथिव्या ह्येष मूर्धा यदैवयजन्मिडायाः पद इत्याहेडाये ह्येतत्पदं यथ्सोमक्रयण्यै घृतवति स्वाहा (५)

इत्याह यदेवास्यै पदाद्धृतमपीड्यत् तस्मादेवमाह यदध्वर्युरनग्रावाहुति जुहुयादन्धोऽध्वर्युः स्याद्रक्षांसि यज्ञं हन्युरहिरण्यमुपास्य जुहोत्यग्निवत्येव जुहोति नान्योऽध्वर्युर्भवति न यज्ञं रक्षांसि प्रन्ति काण्डेकाण्डे वै

क्रियमाणे यज्ञः रक्षारसि जिघांसन्ति परिलिखितः रक्षः परिलिखिता अरांतय इत्याह रक्षसामपंहत्यै (५६)

इदमहः रक्षसो ग्रीवा अपि कृन्तामि यौऽस्मान्द्वेष्टि यं च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरवानन्तराय ग्रीवाः कृन्तति पशवो वै सोमक्रयण्यै पदं यावत्सूतः सं वपति पशून्नेवावं रुन्देऽस्मे राय इति सं वपत्यात्मानमेवाध्वर्युः (५७)

पशुभ्यो नान्तरिति त्वे राय इति यजमानाय प्र यच्छति यजमान एव रयिं दधाति तोते राय इति पत्न्या अप्यौ वा एष आत्मनो यत्पत्नी यथा गृहेषु निधत्ते तादृगेव तत्त्वष्टीमती ते सपेयेत्याह त्वष्टा वै पशूनामिन्धुनानां रूपकद्रूपमेव पशुषु दधात्यस्मे वै लोकाय गार्हपत्य आ धीयतेऽमुष्मा आहवनीयो यद्गार्हपत्य उपवपेदस्मिन्नौके पशुमान्स्थ्याद्यदाहवनीयेऽमुष्मिन्नौके पशुमान्स्थ्यादुभयोरुप वपत्युभयोरिवैनौकयोः पशुमन्तं करोति॥ (५८)

महिमानः स्वाहापंहत्या अध्वर्युधीयते चतुर्विंशतिश्च॥ [८]

ब्रह्मवादिनो वदन्ति विचित्यः सोमा (३) न विचित्या (३) इति सोमो वा ओपधीना राजा तस्मिन् यदापत्रं ग्रसितमेवास्य तद्यद्विचिनुयाद्यथास्याद्वसितं निष्खिदति तादृगेव तद्यत्र विचिनुयाद्यथाक्षत्रापत्रं विधार्वति तादृगेव तत्क्षोर्धुकोऽध्वर्युः स्यात्क्षोर्धुको यजमानः सोमविक्रयिन्सोमः शोधयेत्येव ब्रूयाद्यदीतरम् (५९)

यदीतरमुभयैरेव सोमविक्रयिणमर्पयति तस्मात्सोमविक्रयी क्षोर्धुकोऽरुणो ह स्माहोपवेशिः सोमक्रयण एवाह तृतीयसवनमवं रुन्ध इति पशूनां चर्मन्मिमीते पशून्नेवावं रुन्दे पशवो हि तृतीयः सवनं यद्धामयेतापशुः स्यादित्यृक्षतस्तस्य मिमीतक्षं वा अपशव्यमपशुरेव भवति यं कामयेत पशुमान्स्थ्यात् (६०)

इति लोमस्तस्तस्य मिमीतैतद्वै पशूनां रूपः रूपेणैवास्मै पशूनवं रुन्दे पशुमानेव भवत्यपामन्तं क्रीणाति सरंसमेवेन क्रीणात्यमात्योऽसीत्याहमैवेन कुरुते शुक्रस्ते ग्रह इत्याह शुक्रो ह्यस्य ग्रहोऽनसाच्छं याति महिमानमेवास्यच्छं यात्यनसा (६१)

अच्छं याति तस्मादनोवाह्यः समे जीवनं यत्र खलु वा एतः शीरष्णा हरन्ति तस्माच्छीरपहार्यं गिरो जीवनमभि त्यं देवः संवितारमित्यतिछन्दसर्चा मिमीतेऽतिच्छन्दा वै सर्वाणि छन्दांसि सर्वेभिरवेन छन्दोभिर्मिमीते वरुण वा एषा छन्दसां यदतिच्छन्दा यदतिच्छन्दसर्चा मिमीते वरुणैवेन समानानां करोत्येकैकयोऽर्धसर्गम् (६२)

मिमीतेऽयातयान्नियायातयान्नियैवेनमिमीते तस्मान्नानावीर्या अङ्गुलयः सर्वास्वङ्गुष्ठमुप नि गृह्णाति तस्मात्समावद्वीर्योऽन्याभिरङ्गुलिभिस्तस्मात्सर्वा अनु सं चरति यत्सह सर्वाभिर्मिमीत सञ्ज्ञिष्टा अङ्गुलयो जायेरन्नेकैकयोऽर्धसर्गमिमीते तस्माद्विभक्ता जायन्ते पञ्च कृत्वो यजुषा मिमीते पञ्चाक्षरा पङ्क्तिः पाङ्क्तौ यज्ञो यज्ञमेवावं रुन्दे पञ्च कृत्वस्तृष्णीम् (६३)

दश सम्पद्यन्ते दशाक्षरा विराडत्र विराड्विराजैवान्नाद्यमवं रुन्दे यद्यजुषा मिमीते भूतमेवावं रुन्दे यत्तृष्णीम्विष्यद्यद्वै तावानेव सोमः स्याद्यावन्तमिमीते यजमानस्येव स्यान्नापि सदस्यानां प्रजाभ्यस्त्वेत्युप

समूहति सदस्यानेवान्वाभजति वासुसोपं नहति सर्वदेवत्यं वै (६४)

वासः सर्वाभिरवेनं देवताभिः समर्धयति पशवो वै सोमः प्राणाय त्वेत्युपं नहति प्राणमेव पशुषु दधाति व्यानाय त्वेत्यनुं शृण्यति व्यानमेव पशुषु दधाति तस्मात्स्वपन्तं प्राणा न जंहति॥ (६५)

इतरम्पशुमान्स्याद्यात्यनसोऽध्वसर्गन्तूष्णीं सर्वदेवत्यं वै त्रयस्त्रिंशच्च॥ [९]

यत्कलयां ते शफेनं ते क्रीणानीति पणेतार्गोअर्घं सोमं कुर्यादार्गोअर्घं यजमानमर्गोअर्घमध्वर्युङ्क्षोस्तु मंहिमानं नावं तिरद्ववां ते क्रीणानीत्येव ब्रूयादोअर्घमेव सोमं करोति गोअर्घं यजमानं गोअर्घमध्वर्युञ्ज गोमंहिमानमव तिरत्यजयां क्रीणाति सतपसमेवेनं क्रीणाति हिरण्येन क्रीणाति सशुक्रमेव (६६)

एनं क्रीणाति धेन्वा क्रीणाति साशिरमेवेनं क्रीणात्युपमेणं क्रीणाति सेन्द्रमेवेनं क्रीणात्यनुडुहां क्रीणाति वह्निवा अंनङ्गान् वह्निनैव वह्निं यज्ञस्यं क्रीणाति मिथुनाभ्यां क्रीणाति मिथुनस्यावरुद्धे वासंसा क्रीणाति सर्वदेवत्यं वै वासः सर्वाभ्य एवेनं देवताभ्यः क्रीणाति दश सम्पद्यन्ते दशाक्षरा विराडन्नं विराड्विराजैवान्नाद्यमव रुद्धे (६७)

तपसस्तनूरंसि प्रजापतेर्वर्ण इत्याह पशुभ्यं एव तदध्वर्युनि हुत आत्मनोऽनां ब्रस्काय गच्छति श्रियं प्र पशूनांप्रोति य एवं वेदं शुक्रं तं शुक्लेण क्रीणामीत्याह यथायजुरेवैतदेवा वै येन हिरण्येन सोममक्रीणन्तदभीपहा पुनराददत् को हि तेजसा विक्रेष्यत् इति येन हिरण्येन (६८)

सोमं क्रीणीयात्तदभीपहा पुनरा ददीत् तेजं एवात्मन्यत्तेऽस्मे ज्योतिः सोमविक्रयिणि तम् इत्याह ज्योतिरेव यजमाने दधाति तमंसा सोमविक्रयिणमर्पयति यदनुपग्रथ्य हुन्यादन्दशूकास्ता समा सर्पाः स्युरिदमहं सर्पाणां दन्दशूकानां ग्रीवा उपं ग्रभामीत्याहादन्दशूकास्ता समा सर्पा भवन्ति तमंसा सोमविक्रयिणं विधयति स्वानं (६९)

भ्राजेत्याहेते वा अमुष्मिँल्लोके सोममरक्षन्तेभ्योऽधि सोममाहरन् यदेतेभ्यः सोमक्रयणात्रानुदिशेदकीतोऽस्य सोमः स्यान्नाच्येतंऽमुष्मिँल्लोके सोमं रक्षेयुर्यदेतेभ्यः सोमक्रयणाननुदिशति कीतोऽस्य सोमो भवत्येतंऽस्यामुष्मिँल्लोके सोमं रक्षन्ति॥ (७०)

सशुक्रमेव रुन्ध इति येन हिरण्येन स्वानं चतुश्चत्वारिंशच्च॥ [१०]

वारुणो वै कीतः सोम उपनद्धो मित्रो न एहि सुमित्रथा इत्याह शान्त्या इन्द्रस्योरुमा विश दक्षिणमित्याह देवा वै यं सोममक्रीणन्तमिन्द्रस्योरौ दक्षिण आसादयत्रेप खलु वा एतर्हीन्द्रो यो यजते तस्मादिवमाहोदायुषा स्वायुषेत्याह देवता एवान्वाभ्योत् (७१)

तिष्ठत्युर्वन्तरिक्षमन्विहीत्याहान्तरिक्षदेवत्यो ३ ह्येतरहि सोमोऽदित्याः सदोऽस्यदित्याः सद आ सीदेत्याह यथायजुरेवैतद्वि वा एनमेतदधयति यद्वारुणं सन्तमेत्रं करोति वारुण्यर्चा सादयति स्वयैवेनं देवतया समर्धयति वासंसा पर्यानहति सर्वदेवत्यं वै वासः सर्वाभिरवे (७२)

एनं देवताभिः समर्धयत्यथो रक्षंसामपहत्यै वनेषु व्यन्तरिक्षं ततानेत्याह वनेषु हि व्यन्तरिक्षं ततान

वाजुमर्वथ्वित्याह वाजुः५ ह्यर्वथ्सु पयो अघ्नियास्वित्याह पयो ह्यघ्नियासु ह्थ्सु ऋतुमित्याह ह्थ्सु हि ऋतु वरुणो विक्ष्वंश्निमित्याह वरुणो हि विक्ष्वंश्निन्दिवि सूर्यम् (७३)

इत्याह दिवि हि सूर्यः५ सोममद्रावित्याह ग्रावाणो वा अद्रयस्तेषु वा एष सोमं दधाति यो यजंते तस्मादेवमाहोदु त्वं जातवेदसमिति सौर्यर्वा कृष्णाजिनम्प्रत्यानह्यति रक्षसामपंहत्या उन्नावेतं धूरपाहवित्याह यथायजुरेवेतत्प्र च्यवस्व भुवस्पत इत्याह भूतानाः५ हि (७४)

एष पतिर्विश्वान्यभि धामानीत्याह विश्वानि ह्ये ३ षोऽभि धामानि प्रच्यवन्ते मा त्वां परिपरी विददित्याह यदेवादः सोममाह्नियमाणं गन्धर्वो विश्वावंसुः पर्यमुष्णात्तस्मादेवमाहापरिमोषाय यजमानस्य स्वस्त्ययन्यसीत्याह यजमानस्यैवेष यज्ञस्यान्वारम्भोऽनवच्छित्यै वरुणो वा एष यजमानमभ्यैति यत् (७५)

क्रीतः सोम उपनद्धो नमो मित्रस्य वरुणस्य चक्षंस इत्याह शान्त्या आ सोमं वहन्त्यग्निना प्रति तिष्ठते तौ सम्भवन्तौ यजमानमभि सम्भवतः पुरा खलु वावैष मेधायात्मानमारभ्यं चरति यो दक्षितो यदग्नीषोमीयम्पशुमालभत आत्मनिष्करण एवास्य स तस्मात्तस्य नाशयं पुरुषनिष्करण इव ह्यथो खल्वाहुरग्नीषोमीभ्यां वा इन्द्रो वृत्रमहत्रिति यदग्नीषोमीयम्पशुमालभते वात्रघ्न एवास्य स तस्माद्वाशयं वारुण्यर्वा परि चरति स्वयैवेन देवतया परि चरति॥ (७६)

अन्वारभ्योत्सर्वाभिरेव सूर्यं भूतानाः५ ह्येति यदाहुः सप्तविंशतिश्च॥ [११]

यदुभौ देवासुरा मिथस्तेषां५ सुवर्गं यद्वा अनीशानः पुरोहविषि तेभ्यः सोत्तरवेदिर्बद्धं देवस्याग्निः५ शिरो वा एकादशः॥ [१२] यदुभावित्याह देवानां यज्ञो देवेभ्यो न रथाय यजमानाय पुरस्तादर्वाचीन्नवपञ्चाशत्॥ 59॥ यदुभौ दुह एवैनौ॥

॥द्वितीयः प्रश्नः॥

॥तैत्तिरीयसंहितायां षष्ठमकाण्डे द्वितीयः प्रश्नः॥

यदुभौ विमुच्यातिथ्यं गृहीयाद्यज्ञं विच्छिन्द्याद्यदुभावविमुच्य यथानांगतायातिथ्यं क्रियते तादृगेव तद्विमुक्तोऽन्योऽन्यद्वाभिवत्यविमुक्तोऽन्योऽथातिथ्यं गृह्णाति यज्ञस्य सन्तत्यै पत्यन्वारभते पत्नी हि पारीणह्यस्येशे पत्नियैवानुमतं निर्वपति यद्वै पत्नी यज्ञस्यं करोति मिथुनं तदथो पत्निया एव (१)

एष यज्ञस्यान्वारम्भोऽनवच्छित्यै यावद्विर्वै राजानुचरैरागच्छति सर्वेभ्यो वै तेभ्यं आतिथ्यं क्रियते छन्दांसि खलु वै सोमस्य राजाऽनुचराण्यग्नेरातिथ्यमसि विष्णवे त्वेत्याह गायत्रिया एवैतेन करोति सोमस्यातिथ्यमसि विष्णवे त्वेत्याह त्रिष्टुभं एवैतेन करोत्यतिथेरातिथ्यमसि विष्णवे त्वेत्याह जगत्यै (२)

एवैतेन करोत्यग्नये त्वा रायस्पोषदात्रे विष्णवे त्वेत्याहानुष्टुभं एवैतेन करोति श्येनाय त्वा सोमभृते विष्णवे त्वेत्याह गायत्रिया एवैतेन करोति पञ्च कृत्वौ गृह्णाति पञ्चाक्षरा पङ्क्तिः पाङ्क्तौ यज्ञो यज्ञमेवाव

रुद्धे ब्रह्मवादिनो वदन्ति कस्मात्सत्याद्वायत्रिया उभयत आतिथ्यस्य क्रियत् इति यदेवादः सोममा (३)

अर्हत्तस्माद्वायत्रिया उभयत आतिथ्यस्य क्रियते पुरस्ताच्चोपरिष्ठाच्च शिरो वा एतद्यज्ञस्य यदातिथ्यं नवकपालः पुरोडाशो भवति तस्मान्नवधा शिरो विष्युत्तन्नवकपालः पुरोडाशो भवति ते त्रयस्त्रिकपालास्त्रिवृता स्तोमैः सम्मितास्तेजस्त्रिवृतेज एव यज्ञस्य शीर्षं दधाति नवकपालः पुरोडाशो भवति ते त्रयस्त्रिकपालास्त्रिवृता प्राणेन सम्मितास्त्रिवृद्वै (४)

प्राणस्त्रिवृतमेव प्राणमभिपूर्वं यज्ञस्य शीर्षं दधाति प्रजापतेर्वा एतानि पक्षाणि यदश्ववाला ऐक्ष्वी तिरश्ची यदाश्ववालः प्रस्तरो भवत्येक्ष्वी तिरश्ची प्रजापतेरेव तच्चक्षुः सम्मरति देवा वै या आहूतीरजुहवुस्ता असुरा निष्कावमादन्ते देवाः कार्पम्यमपश्यन्कर्मण्यो वै कर्मनेन कुर्वीतेति ते कार्पम्यमयान्परिधीन् (५)

अकुर्वत् तैर्वै ते रक्षाऽस्यप्राप्तं यत्कार्पम्यमाः परिधयो भवन्ति रक्षसामपहत्यै सःस्पर्शयति रक्षसामनन्वचाराय न पुरस्तात्परि दधात्यादित्यो ह्येवाद्यन्पुरस्ताद्रक्षाऽस्यपहत्यूर्ध्वं समिधावा दधात्युपरिष्ठादेव रक्षाऽस्यपहन्ति यजुषान्यां तूष्णीमन्यामिन्धुनत्वाय द्वे आ दधाति द्विपाद्यजमानः प्रतिष्ठित्यै ब्रह्मवादिनो वदन्ति (६)

अग्निश्च वा एतौ सोमश्च कथा सोमायातिथ्यं क्रियते नाग्नय इति यदग्नावग्निमथित्वा प्रहरति तेनैवाग्नयं आतिथ्यं क्रियतेऽथो खल्वाहुरग्निः सर्वा देवता इति यद्वविरासाद्याग्निमन्यति हव्यायेवासन्नाय सर्वा देवता जनयति॥ (७)

परिष्या एव जगत्या आ त्रिवृद्वै परिधीन् वदन्त्येकचत्वारिंशच्च॥ [१]

देवासुराः संयत्ता आसन्ते देवा मिथो विप्रिया आसन्तेऽ ३ न्योन्यस्मै ज्यैष्ठ्यायातिष्ठमानाः पञ्चधा व्यक्रामन्त्रिर्वसुभिः सोमो रुद्रेन्द्रो मरुद्विर्वरुण आदित्यैर्वृहस्पतिर्विश्वेदेवैस्तेऽमन्यन्तासुरेभ्यो वा इदम्रातृव्येभ्यो रध्यामो यन्मिथो विप्रियाः स्मो या न इमाः प्रियास्तनुवस्ताः समवधामहे ताम्यः स निर्ऋच्छाद्यः (८)

नः प्रथमोऽ ३ न्योन्यस्मै द्रव्यादिति तस्माद्यः सतानूनत्रिणाम्प्रथमो द्रव्यंति स आर्तिमाच्छति यतानूनत्रं समवधति भ्रातृव्यामिभृत्यै भवत्यात्मना परास्य भ्रातृव्यो भवति पञ्च कृत्वोऽव द्यति पञ्चधा हि ते तथ्समवाद्यन्ताथो पञ्चाक्षरा पङ्क्तिः पाङ्क्तो यज्ञो यज्ञमेवाव रुद्ध आपतये त्वा गृह्णामीत्याह प्राणो वै (९)

आपतिः प्राणमेव प्रीणाति परिपतय इत्याह मनो वै परिपतिर्मन एव प्रीणाति तनूनत्र इत्याह तनुवो हि ते ताः समवाद्यन्त शक्रायेत्याह शक्त्यै हि ते ताः समवाद्यन्त शक्नोत्रोजिष्टायेत्याहोजिष्टं हि ते तदात्मनः समवाद्यन्तानाधृष्टमस्यनाधृष्यमित्याहानाधृष्टं ह्येतदनाधृष्यं देवानामोजः (१०)

इत्याह देवानां ह्येतदोजोऽभिशस्तिपा अनभिशस्तेन्यमित्याहभिशस्तिपा ह्येतदनभिशस्तेन्यमनु मे दीक्षा दीक्षापतिर्मन्यतामित्याह यथायजुरेवैतद्धृतं वै देवा वज्रं कृत्वा सोममग्नन्नन्तिकमिव खलु वा अस्यैतच्चरन्ति यतानूनत्रेण प्रचरन्त्यंशुरंशुस्ते देव सोमा प्यायतामित्याह यत् (११)

एवास्यापुवायते यन्मीयते तदेवास्यैतेना प्याययत्या तुभ्यमिन्द्रः प्यायतामा त्वमिन्द्राय प्यायस्वेत्याहोभावेवेन्द्रं च सोमं चा प्याययत्या प्यायय सखीन्सन्त्या मेधयेत्याहृत्विजो वा अस्य

सखायस्तानेवा प्याययति स्वस्ति ते देव सोम सुत्यामंशीय (१२)

इत्याहशिषमेवेतामा शास्ते प्र वा एतस्माल्लोकाच्चवन्ते ये सोममाप्याययन्त्यन्तरिक्षदेवत्यो हि सोम आप्यायित एष्टा रायः प्रेपे भगयेत्याहु द्यावापृथिवीभ्यामेव नमस्कृत्यास्मिन्नल्लोके प्रति तिष्ठन्ति देवासुराः संयन्ता आसन्ते देवा बिभ्यन्तोऽग्निम्राविशन्तस्मादाहुरग्निः सर्वा देवता इति ते (१३)

अग्निमेव वरूथं कृत्वासुरानभ्यभवन्नग्निमिव खलु वा एष प्र विशति योऽवान्तरदीक्षामुपैति भ्रातृव्याभिभूत्ये भवंत्यात्मना परास्य भ्रातृव्यो भवत्यात्मानमेव दीक्षया पति प्रजामवान्तरदीक्षया सन्तराम्मेखलाः समायच्छते प्रजा ह्यात्मनोऽन्तरतरा तसन्नतो भवति मदन्तीभिर्माजयते निर्ह्यग्निः शीतेन वारयति समिद्धे या ते अग्रे रुद्रिया तनुरित्याहु स्वयेवैन्देवतया व्रतयति सयोनित्वाय शान्त्यै॥ (१४)

यो वा ओज आहु यदशीयेति तैऽग्न एकादश च॥ [२]

तेषामसुराणान्तिस्रः पुरं आसन्नयस्मव्यं वमाऽथ रजताऽथ हरिणी ता देवा जेतुन्नाशंकुवन्ता उपसदेवाजिगीषन्तस्मादाहुर्यश्चैवं वेद यश्च नोपसदा वै मंहापुरं जयन्तीति त इषुः समंस्कुर्वताग्निमर्नाकः सोमः शृत्यं विष्णुन्तेजन्तैऽब्रुवन्क इमामसिष्यतीति (१५)

रुद्र इत्यब्रवन्नृद्रो वै क्रूरः सौऽस्यत्विति सौऽब्रवीद्वरं वृणा अहमेव पशूनामधिपतिरसानीति तस्माद्बुधः पशूनामधिपतिस्ताः रुद्रोऽवांसृजत्स तिस्रः पुरो भित्त्वैभ्यो लोकेभ्योऽसुरान्नाणुदत् यदुपसदं उपसद्यन्ते भ्रातृव्यपराणुत्यै नान्यामाहुतिम्पुरस्ताञ्जुहुयाद्यदन्यामाहुतिम्पुरस्ताञ्जुहुयात् (१६)

अन्यन्मुखं कुर्यात्श्रुवेणाधारमा धारयति यज्ञस्य प्रज्ञात्यै पराङ्कितकम्यं जुहोति परांच एवैभ्यो लोकेभ्यो यजमानो भ्रातृव्यान्त्र णुदते पुनरत्याक्रम्योपसदं जुहोति प्रणुद्यैवैभ्यो लोकेभ्यो भ्रातृव्याञ्जित्वा भ्रातृव्यलोकमभ्यारोहति देवा वै याः प्रातरुपसदं उपासीदन्नहस्ताभिरसुरान्नाणुदन्त याः सायः रात्रियै ताभिर्यथायम्रातरुपसदः (१७)

उपसद्यन्तैऽहोरात्राभ्यामेव तद्यजमानो भ्रातृव्यान्त्र णुदते याः प्रातर्याज्याः स्युस्ताः सायम्पुरोनुवाक्याः कुर्यादयांतयामत्वाय तिस्र उपसद उपैति त्रयं इमे लोका इमानेव लोकान्प्रीणाति षट्थस्मपद्यन्ते षड्वा ऋतवं ऋतुनेव प्रीणाति द्वादशाहीने सोम उपैति द्वादश मासाः संवत्सरः संवत्सरेमेव प्रीणाति चतुर्विंशतिः सम् (१८)

पद्यन्ते चतुर्विंशतिरर्धमासा अर्धमासानेव प्रीणात्यारोग्रामवान्तरदीक्षामुपैयाद्यः कामयैतास्मिन्मे लोकेऽर्धकं स्यादित्येकमग्रे द्वे द्वे त्रीनथ चतुर एषा वा आरोग्रामवान्तरदीक्षास्मिन्नेवास्मै लोकेऽर्धकम्भवति पुरोवरीयसीमवान्तरदीक्षामुपैयाद्यः कामयैतामुष्मिन्मे लोकेऽर्धकं स्यादिति चतुरोऽग्रेऽथ त्रीनथ द्ववथैकमेपा वै पुरोवरीयस्यवान्तरदीक्षामुष्मिन्नेवास्मै लोकेऽर्धकम्भवति॥ (१९)

असिष्यतीति जुहुयात्सायम्रातरुपसदश्चतुर्विंशतिः सञ्चतुरोऽग्रे षोडश च॥ [३]

सुवर्गं वा एते लोकं यन्ति य उपसदं उपयन्ति तेषां य उन्नयन्ते हीयन्त एव स नोदनेषीति सूत्रीयमिव यो वै स्वार्थेतां यताः श्रान्तो हीयन्त उत स निष्ठायं सह वंसति तस्मात्सुकृदुन्नय

नापरमुन्नयेत दधोन्नयेतैतद्वै पशूनां रूपं रूपेणैव पशूनां रुद्धे (२०)

यज्ञो देवेभ्यो निलायत विष्णू रूपं कृत्वा स पृथिवीम्राविशत देवा हस्तान्धस्त्र्यैच्छन्तमिन्द्र उपर्युपर्यत्यंक्रामन्ध्रौऽब्रवीत्को मायमुपर्युपर्यत्यंक्रमीदित्यहं दुर्गे हन्तेत्यथ कस्त्वमित्यहं दुर्गादाहतेति सौऽब्रवीद्दुर्गे वै हन्तावोचथा वराहोऽयं वाममोपः (२१)

सप्तानां गिरीणाम्परस्ताद्वित्तं वेद्यमसुराणाम्भित्तिं तं जंहु यदि दुर्गे हन्तासीति स दर्भपुञ्जीलमुद्ध्वंस सप्त गिरीन्निज्वा तमहन्सौऽब्रवीद्दुर्गाद्वा आहन्तावोचथा एतमा हरेति तमेभ्यो यज्ञ एव यज्ञमाहर्द्यतद्वित्तं वेद्यमसुराणामविन्दन्त तदेकं वेद्यै वेदित्वमसुराणाम् (२२)

वा इयमग्रं आसीद्यावदासीनः परापश्यति तावद्देवानान्ते देवा अंब्रवन्नस्त्वेव नोऽस्यामपीति कियंद्वो दास्याम् इति यार्वदियं सलावृकी त्रिः परिक्रामति तावन्नो दत्तेति स इन्द्रः सलावृकी रूपं कृत्वेमां त्रिः सर्वतः पर्यक्रामत्तदिमामविन्दन्त यदिमामविन्दन्त तद्वेद्यै वेदित्वम् (२३)

सा वा इयं सर्वैव वेदिरियति शक्ष्यामीति त्वा अंवायं यजन्ते त्रिंशत्पदानि पश्चात्तिरश्चीं भवति पद्विंशत्प्राची चतुर्विंशतिः पुरस्तात्तिरश्ची दशदश सम्पद्यन्ते दशाक्षरा विराडन्नं विराड्विराजैवान्नाद्यमव रुद्ध उद्धन्ति यदेवास्यां अमेध्यं तदपं हन्त्युद्धन्ति तस्मादोषधयः परा भवन्ति बर्हिः स्तृणाति तस्मादोषधयः पुनरा भवन्त्युत्तरम्बरिषे उत्तरबर्हिः स्तृणाति प्रजा वै बर्हियजमान उत्तरबर्हियजमानमेवायजमानादुत्तरं करोति तस्माद्यजमानोऽयजमानादुत्तरः॥ (२४)

रुद्धे वाममोषो वेदित्वमसुराणां वेदित्वं भवन्ति पञ्चविंशतिश्च॥ [४]

यद्वा अनीशानो भारमादत्ते वि वै स लिंशते यद्वादश साहस्योपसदः स्युस्ति सौऽहीनस्य यज्ञस्य विलोमं क्रियेत तिस्र एव साहस्योपसदो द्वादशाहीनस्य यज्ञस्य सर्वायत्वायाथो सलोमं क्रियते वृथस्यैकः स्तनो भागी हि सोऽथैकः स्तनं व्रतमुपैत्यथ द्वावथ त्रीनथ चतुर एतद्वै (२५)

क्षुरपंवि नाम व्रतं येन प्र जातान्भ्रातृव्यावृदते प्रति जनिष्यमाणानथो कनीयसैव भूय उपैति चतुरोऽग्रे स्तनान्नतमुपैत्यथ त्रीनथ द्वावथैकमेतद्वै सुजघनं नाम व्रतं तपस्यं सुवर्ग्यमथो प्रैव जायते प्रजयां पशुभिर्व्यागू राजन्यस्य व्रतं कूरेव वै यवागूः कूर इव (२६)

राजन्यो वज्रस्य रूपं समृद्ध्या आमिक्षा वैश्यस्य पाकयज्ञस्य रूपमुध्रै पर्यो ब्राह्मणस्य तेजो वै ब्राह्मणस्तेजः पयस्तेजसैव तेजः पर्यं आत्मन्धत्तेऽथो पर्यसा वै गर्भं वर्धन्ते गर्भं इव खलु वा एष यद्दीक्षितो यदस्य पर्यो व्रतम्भवत्यात्मानमेव तद्वर्धयति त्रिव्रतो वै मनुरासीद्विव्रता असुरा एकव्रताः (२७)

देवाः प्रातर्मध्यन्दिने सायं तन्मनोव्रतमासीत्पाकयज्ञस्य रूपमुध्रै प्रातश्च सायं चासुराणां निर्मध्यं क्षुधो रूपं ततस्ते पराभवन्मध्यन्दिने मध्यरात्रे देवानां ततस्तेऽभवन्सुवर्गं लोकमायन् यदस्य मध्यन्दिने मध्यरात्रे व्रतम्भवति मध्यतो वा अन्नं भुञ्जते मध्यत एव तदूर्जं धत्ते भ्रातृव्याभिभूत्यै भवत्यात्मानं (२८)

पराऽस्य भ्रातृव्यो भवति गर्भो वा एष यद्दीक्षितो योनिर्दीक्षितविमितं यद्दीक्षितो दीक्षितविमितात्प्रवसेद्यथा योनेर्गर्भः स्कन्दति तादृगेव तत्र प्रवस्तव्यमात्मनो गोपीथायेष वै व्याघ्रः कुलगोपो यदग्निस्तस्माद्यद्दीक्षितः

प्रवसेत्स एनमीश्वरौऽनुत्थाय हन्तोर्न प्रवस्तव्यमात्मनो गुणैर् दक्षिणतः शय एतद्वै यजमानस्यायतनं स्व एवायतने शयेऽग्निमभ्यावृत्य शये देवता एव यज्ञमभ्यावृत्य शये॥ (२९)

एतद्वै क्रूर इवैकव्रता आत्मना यजमानस्य त्रयोदश च॥ [५]

पुरोहविषि देवयजने याजयेद्यं कामयेतोपैनमुत्तरो यज्ञो नमेदभि सुवर्गं लोकं जयेदित्येतद्वै पुरोहविर्देवयजनं यस्य होता प्रातरनुवाकमनुब्रुवन्नग्निमप आदित्यमभि विपश्यत्युपैनमुत्तरो यज्ञो नमत्यभि सुवर्गं लोकं जयत्याप्ते देवयजने याजयेद्वातुव्यवन्तम्पन्थां वाधिस्पर्शयैत्कर्तुं वा यावन्नानसे यातवै (३०)

न रथायैतद्वा आसं देवयजनमाप्नोत्येव भ्रातृव्यं नैनम्भ्रातृव्य आप्नोत्येकौन्नते देवयजने याजयेत्पशुकाममेकौन्नताद्वै देवयजनादङ्गिरसः पशून्सृजन्तान्तरा संदोहविर्धाने उन्नतं स्यादितद्वा एकौन्नतं देवयजनम्पशुमानेव भवति त्र्युन्नते देवयजने याजयेत्सुवर्गकामं त्र्युन्नताद्वै देवयजनादङ्गिरसः सुवर्गं लोकमायन्नन्तराहवनीयं च हविर्धानं च (३१)

उन्नतं स्यादन्तरा हविर्धानं च सदंशान्तरा सदंश्च गार्हपत्यं चेतद्वै त्र्युन्नतं देवयजनं सुवर्गमेव लोकमेति प्रतिष्ठिते देवयजने याजयेत्प्रतिष्ठाकाममेतद्वै प्रतिष्ठितं देवयजनं यथ्सर्वतः समम्प्रत्येव तिष्ठति यत्रान्याअन्या ओषधयो व्यतिपक्ताः स्युस्तद्याजयेत्पशुकाममेतद्वै पशूनां रूपं रूपेणैवासौ पशून् (३२)

अव रुन्दे पशुमानेव भवति निरङ्गतिगृहीते देवयजने याजयेद्यं कामयेत् निरङ्गत्यास्य यज्ञं ग्राहयेयमित्येतद्वै निरङ्गतिगृहीतं देवयजनं यथ्सदृश्यै सत्यां ऋक्षत्रिरङ्गत्यैवास्य यज्ञं ग्राहयति व्यावृत्ते देवयजने याजयेद्वावृत्कामं यम्पात्रे वा तल्पे वा मीमांसेरन्त्याचीनमाहवनीयात्प्रवणं स्यात्प्रतीचीनं गार्हपत्यादेतद्वै व्यावृत्तं देवयजनं वि पाप्मना भ्रातृव्येणा वर्तते नैनम्पात्रे न तल्पे मीमांसन्ते कार्ये देवयजने याजयेद्भूतिकामं कार्या वै पुरुषो भवत्येव॥ (३३)

यातवै हविर्धानंश्च पशून्पाप्मनाऽष्टादश च॥ [६]

तेभ्य उत्तरवेदिः सिंही रूपं कृत्वोभयानन्तरापक्रम्यातिष्ठते देवा अमन्यन्त यत्रान् वा इयमुपावर्धयति त इदम्भविष्यन्तीति तामुपांमत्रयन्त साब्रवीद्वरं वृणे सर्वांमन्या कामान्व्यंशवथ पूर्वा तु माऽग्नेराहुतिरश्ववता इति तस्मादुत्तरवेदिमूर्वामग्नेर्वाधारयन्ति वारेवृतं हंस्ये शम्यया परि मिमीते (३४)

मात्रेवास्ये साऽथो युक्तेनैव युक्तमव रुन्दे वित्तायनी मेऽसीत्याह वित्ता ह्येनानावत्तित्तायनी मेऽसीत्याह तित्तान् ह्येनानावदवतान्मा नाथितमित्याह नाथितान् ह्येनानावदवतान्मा व्यथितमित्याह व्यथितान् ह्येनानावद्विदेरग्निर्भो नामं (३५)

अग्ने अङ्गिर इति त्रिहरति य एवैषु लोकेष्वग्नयस्तानेवाव रुन्दे तूष्णीं चतुर्थं हरत्यनिरुक्तमेवाव रुन्दे सिंहीरसि महिषीरसीत्याह सिंहीरह्येषा रूपं कृत्वोभयानन्तरापक्रम्यातिष्ठदुरु प्रथस्वोरु तं यज्ञपतिः प्रथतामित्याह यजमानमेव प्रजया पशुभिः प्रथयति ध्रुवा (३६)

असीति स ए हन्ति धृत्यै देवेभ्यः शुन्धस्व देवेभ्यः शुम्भस्वेत्यव चोक्षति प्र च किरति शुद्धां इन्द्रघोषस्त्वा वसुभिः पुरस्तात्पात्वित्याह दिग्भ्य एवैनां प्रोक्षति देवाश्चेदुत्तरवेदिरुपावर्ततेहैव वि जयामहा

इत्यसुरा वज्रमुद्यत्य देवानभ्यायन्त तानिन्द्रघोषो वसुभिः पुरस्तादपं (३७)

अनुदत् मनोजवाः पितृभिर्दक्षिणतः प्रचेता रुद्रैः पश्चाद्विश्वकर्मादित्यैरुत्तरतो यदेवमुत्तरवेदिं प्रोक्षति दिग्भ्य एव तद्यजमानो भ्रातृव्यान्प्रणुदत् इन्द्रो यतीन्सालावृकेभ्यः प्रायच्छुतान्दक्षिणत उत्तरवेद्या आदन् यत्प्रोक्षणीनामुच्छिष्यत तर्दक्षिणत उत्तरवेद्ये नि नयेद्यदेव तत्र कूरं तत्तेन शमयति यं द्विष्यात् ध्यायेच्छुचैवैनमर्पयति॥ (३८)

मिमिती नाम ध्रुवाऽपं शुचा त्रीणि च॥ [७]

सोत्तरवेदिरब्रवीत्सर्वान्मया कामान्व्यश्नवथेति ते देवा अकामयन्तासुरान्भ्रातृव्यान्भि भवेमेति तैऽजुहवः सिंहीरंसि सपत्नसाही स्वाहेति तेऽसुरान्भ्रातृव्यान्भ्यंभवन्तेऽसुरान्भ्रातृव्यान्भिभूयांकामयन्त प्रजां विन्देमहीति तैऽजुहवः सिंहीरंसि सुप्रजावनिः स्वाहेति ते प्रजामविन्दन्त ते प्रजां वित्वा (३९)

अकामयन्त पशून् विन्देमहीति तैऽजुहवः सिंहीरंसि रायस्पोषवनिः स्वाहेति ते पशून्विन्दन्त ते पशून् वित्वाऽ कामयन्त प्रतिष्ठां विन्देमहीति तैऽजुहवः सिंहीरंस्यादित्यवनिः स्वाहेति त इमाम्प्रतिष्ठामविन्दन्त त इमाम्प्रतिष्ठां वित्वाकामयन्त देवता आशिष उपेयामेति तैऽजुहवः सिंहीरस्या वह देवान्देवयते (४०)

यजमानाय स्वाहेति ते देवता आशिष उपायन्पञ्च कृत्वो व्याघारयति पञ्चाक्षरा पङ्क्तिः पाङ्क्तौ यज्ञो यज्ञमेवाव रुद्धेऽक्षण्या व्याघारयति तस्मादक्षण्या पशवोऽङ्गानि प्र हरन्ति प्रतिष्ठित्यै भूतेभ्यस्स्वेति सुचमुद्रहाति य एव देवा भूतास्तेषान्द्रागधेयन्तानेव तेन प्रीणाति पौतुद्रवान्परिधीन्परि दधात्येषाम् (४१)

लोकानां विधृत्या अग्नेश्चो ज्यायांसो भ्रातर आसन्ते देवेभ्यो हव्यं वहन्तः प्रामीयन्त सौ-
ऽग्निरबिभेदित्यं वाव स्य आर्तिमारिष्यतीति स निलायत स यां वनस्पतिष्ववसत्ताम्युतुद्रो यामोपधीषु तां
सुगन्धितेजने याम्यशुषु ताम्पेत्वस्यान्तरा शृङ्गे तं देवताः प्रैषमैच्छन्तमन्वविन्दन्तमब्रुवन् (४२)

उपं न आ वर्तस्व हव्यं नो वहेति सौऽब्रवीद्वरं वृणै यदेव गृहीतस्याहुतस्य बहिःपरिधि स्कन्दात्तन्मे
भ्रातृणाम्भागधेयमसदिति तस्माद्यद्रुहीतस्याहुतस्य बहिःपरिधि स्कन्दति तेषान्द्रागधेयं तानेव तेन प्रीणाति
सौऽमन्यतास्थन्तो मे पूर्वं भ्रातरः प्रामेपतास्थानिं शातया इति स यानिं (४३)

अस्थान्यशातयत् तत्पुतुद्रभवद्यन्मसमुपमृतं तद्वल्गुलु यदेतान्सम्भारान्सम्भरत्यग्निमेव तत्सम्भरत्यग्नेः
पुरीषमसीत्याहाग्नेरह्यैतत्पुरीषं यथ्सम्भारा अथो खल्वाहुरेते वावैनं ते भ्रातरः परि शोरे यत्पौतुद्रवाः परिधय
इति॥ (४४)

वित्वा दैवयत् एषामब्रुवन् यानि चतुश्चत्वारिंशच्च॥ [८]

बद्धमवं स्यति वरुणपाशादेवैनं मुञ्चति प्र णेनक्ति मेथ्यं एवैनं करोति सावित्रियर्चा हुत्वा हविर्धाने
प्र वर्तयति सवितुप्रसूत एवैने प्र वर्तयति वरुणो वा एष दुर्वागुभयतो बद्धो यदक्षः स यदुध्सर्ज्जद्यजमानस्य
गृहानभ्युध्सर्ज्जेषुवाग्देवं दुर्याः आ वदेत्याह गृहा वै दुर्याः शान्त्यै पत्नी (४५)

उपानक्ति पत्नी हि सर्वस्य मित्रमित्रत्वाय यद्वै पत्नी यज्ञस्य करोति मिथुनं तदथो पत्न्या
एवैष यज्ञस्यान्वारम्भोऽनवच्छित्यै वर्त्मना वा अन्वित्यं यज्ञं रक्षांसि जिघांसन्ति वैष्णवीभ्यामृभ्यां

वर्त्मनोर्जुहोति यज्ञो वै विष्णुर्यज्ञादेव रक्षाऽस्यपं हन्ति यदध्वर्युरनग्रावाहुतिञ्जुह्यादन्धौऽध्वर्युः स्याद्रक्षाऽसि यज्ञं हन्युः (४६)

हिरण्यमुपास्य जुहोत्यग्निवत्येव जुहोति नान्धौऽध्वर्युर्मवति न यज्ञं रक्षाऽसि घ्नन्ति प्राचीं प्रेतमध्वरं कल्पयन्ती इत्याह सुवर्गमेवैनं लोकं गमयत्यत्र रमेथां वर्त्मन्युधिष्या इत्याह वर्त्म ह्येतत्पुंथिव्या यद्वैवयजन् शिरो वा एतद्यज्ञस्य यद्विधिर्नान्दिवो वा विष्णवुत वा पृथिव्याः (४७)

इत्याशीर्षदयुर्चा दक्षिणस्य हविर्धानस्य मेथीं नि हन्ति शीरपुत एव यज्ञस्य यजमान आशिषोऽवं रुद्धे दण्डो वा औपरस्तुतीयस्य हविर्धानस्य वषट्कारेणाक्षमच्छिन्नद्यतृतीयं छुदिरहविर्धानयोरुदाह्रियतं तृतीयस्य हविर्धानस्यावरुद्धे शिरो वा एतद्यज्ञस्य यद्विधिर्नान् विष्णो रराटमसि विष्णोः पृष्ठमसीत्याह तस्मादेतावद्धा शिरो विष्युतं विष्णोः सूर्यसि विष्णोर्ध्रुवमसीत्याह वैष्णवः हि देवतया हविर्धानं यम्प्रथमं ग्रन्थिं ग्रन्थीयाद्यतं न विस्त्रंसयेदमेहेनाध्वर्युः प्र मीयेत तस्मात्स विस्त्रस्यः॥ (४८)

पत्नीं हन्युर्वा पृथिव्या विष्युतं विष्णोः पङ्क्तिं शतिश्च॥ [९]

देवस्य त्वा सवितुः प्रंसव इत्यग्निमा दत्ते प्रसूत्या अश्विनोर्बाहुभ्यामित्याह अश्विनो हि देवानामध्वर्यु आस्तां पूष्णो हस्ताभ्यामित्याह यत्यै वज्रं इव वा एषा यदभिरभिरसि नारिरसीत्याह शान्त्यै काण्डेकाण्डे वै क्रियमाणे यज्ञं रक्षाऽसि जिघांसन्ति परिलिखितं रक्षः परिलिखिता अरातय इत्याह रक्षसामपहत्यै (४९)

इदमहं रक्षसो ग्रीवा अपि कृन्तामि योऽस्मान्द्वेष्टि यं च वयं द्विष्म इत्याह द्वौ वाव पुरुषौ यं चैव द्वेष्टि यश्चैनं द्वेष्टि तयोरिवानन्तरायं ग्रीवाः कृन्तति दिवे त्वान्तरिक्षाय त्वा पृथिव्यै त्वेत्पाहेभ्य एवैनौक्षौकेभ्यः प्रोक्षति परस्ताद्वर्चां प्रोक्षति तस्मात् (५०)

परस्ताद्वर्चांमनुष्या ऊर्जमुप जीवन्ति क्रूरमिव वा एतत्करोति यत्खनत्यपोऽवं नयति शान्त्यै यवमतीरवं नयत्यूर्ग्वै यव ऊर्गुदुम्बर ऊर्जवोर्जं समर्धयति यजमानेन सम्मितौदुम्बरी भवति यावानेव यजमानस्तावतीमेवास्मिन्नूर्जं दधाति पितृणां सदनमसीति बृहिरवं स्तृणाति पितृदेवत्यम् (५१)

ह्येतद्यन्त्रिखातं यद्वरहिरनवस्तीर्य मिनुयात्पितृदेवत्यां निखाता स्याद्वरहिरनवस्तीर्य मिनोत्यस्यामेवैनौमिनोत्यथौ स्वारुहमेवैनौङ्करोत्युदिवः स्तभानान्तरिक्षं पूणेत्याहेषाङ्गानां विधृत्य द्युतानस्त्वां मारुतो मिनोत्वित्याह द्युतानो हं स्म वै मारुतो देवानामौदुम्बरीमिनोति तेनेव (५२)

एनामिनोति ब्रह्मवर्निं त्वा क्षत्रवन्मिताह यथायजुरेवैतद्धूतेन द्यावापृथिवी आ पूणेत्यामित्यौदुम्बर्या जुहोति द्यावापृथिवी एव रसेनानत्तान्तमन्ववस्त्रायत्यान्तमेव यजमानं तेजसाऽनत्तचैन्द्रमसीति छुदिरधि नि दधात्येन्द्रं हि देवतया सदौ विश्वजनस्य छायेत्याह विश्वजनस्य ह्येषा छाया यत्सदो नवच्छदि (५३)

तेजस्कामस्य मिनुयात्त्रिवृता स्तोमैः सम्मितन्तेजस्त्रिवृत्तेजस्यैव भवत्येकादशछदीन्द्रियकामस्यैकादशाक्षरा त्रिष्टुगिन्द्रियं त्रिष्टुगिन्द्रियायैव भवति पञ्चदशछदि भ्रातृव्यवतः पञ्चदशो वज्रो भ्रातृव्याभिभूत्यै सप्तदशछदि प्रजाकामस्य सप्तदशः प्रजापतिः प्रजापतेरास्या एकविंशतिछदि प्रतिष्ठाकामस्यैकविंशः स्तोमानां प्रतिष्ठा प्रतिष्ठित्या उदरं वै सद ऊर्गुदुम्बरौ मध्यत औदुम्बरीमिनोति मध्यत एव प्रजानामूर्जं दधाति तस्मात् (५४)

मध्यत ऊर्जा भुञ्जते यजमानलोके वै दक्षिणानि छुदीःषिं भ्रातृव्यलोक उत्तराणि दक्षिणान्युत्तराणि करोति यजमानमेवायंजमानादुत्तरं करोति तस्माद्यजमानोऽयंजमानादुत्तरोऽन्तर्वर्तान्करोति व्यावृत्त्यै तस्मादरण्यं प्रजा उप जीवन्ति परि त्वा गिर्वणो गिर इत्याह यथायजुरैवेतदिन्द्रस्य स्यूरसीन्द्रस्य ध्रुवमसीत्याहेन्द्रः हि देवतया सदो यमग्रंथम ग्रन्थिं ग्रन्थीयाद्यत्तं न विस्त्रःसयेदमेहेनाध्वर्युः प्र मीयेत तस्मात्स विस्त्रस्यः॥ (५)

अपहत्यै तस्मात्पितृदेवत्यन्तेनेव नवच्छदि तस्मात्सदः पञ्चदश च॥ [१०]

शिरो वा एतद्यज्ञस्य यद्विधानं प्राणा उपरवा हविर्धानं खायन्ते तस्माच्छीरषन्प्राणा अधस्तात्खायन्ते तस्मादधस्ताच्छीर्ष्णः प्राणा रक्षोहणौ बलगहनौ वैष्णवान्खनामीत्याह वैष्णवा हि देवतयोपरवा असुरा वै निर्यन्तो देवानां प्राणेषु बलगान्खनन्तान्बाहुमात्रेऽन्वविन्दन्तस्माद्बाहुमात्राः खायन्त इदमहं तं बलगमुद्वपामि (५६)

यं नः समानो यमसमानो निचखानेत्याह द्वौ वाव पुरुषौ यश्चैव समानो यश्चासमानो यमेवास्मै तौ बलगं निखनन्तस्तमेवोद्वपति सं तृणति तस्मात्सन्तृण्णा अन्तरतः प्राणा न सम्भिन्ति तस्मादसम्भिन्नाः प्राणा अपोऽव नयति तस्मादाद्रा अन्तरतः प्राणा यवमतीरवं नयति (५७)

ऊर्ध्वै यवः प्राणा उपरवाः प्राणेष्वेवोर्जं दधाति ब्रह्मिरवं स्तृणाति तस्माँल्लोमशा अन्तरतः प्राणा आज्येन व्याघारयति तेजो वा आज्यं प्राणा उपरवाः प्राणेष्वेव तेजो दधाति हनू वा एते यज्ञस्य यदधिपवणे न सं तृणत्यसंतृण हि हनू अथो खलु दीर्घसोमे सन्तृद्ये धृत्यै शिरो वा एतद्यज्ञस्य यद्विधानम् (५८)

प्राणा उपरवा हनू अधिपवणे जिह्वा चर्म ग्रावाणो दन्ता मुखमाहवनीयो नासिकोत्तरवेदिरुदरः सदो यदा खलु वै जिह्वायं दध्वधि खादत्यथ मुखं गच्छति यदा मुखं गच्छत्यथोदरं गच्छति तस्माद्विधानं चर्मत्रधि ग्रावभिरभिपुत्याहवनीये हुत्वा प्रत्यश्वः परेत्य सदसि भक्षयन्ति यो वै विराजो यज्ञमुखे दोहं वेदं दुह एवेनामियं वै विराट्स्वै त्वक्रमोऽधिपवणे स्तना उपरवा ग्रावाणो वध्सा ऋत्विजो दुहन्ति सोमः पयो य एवं वेदं दुह एवेनाम्॥ (५९)

वपामि यवमतीरवं नयति हविर्धानमेव त्रयोविंशतिश्च॥ [११]

चात्वालाध्मुवर्गाय यद्वैसर्जनानि वैष्णव्यर्चा पृथिव्यै साध्या इषे त्वेत्यग्निना पर्यग्नि पशोः पशुमालभ्य मेदंसा सुचावेकादश॥ [१२] चात्वालाद्देवानुपैति मुञ्चति प्रह्रियमाणाय पर्यग्नि पशुमालभ्य चतुष्पादो द्विपष्टिः॥ 62॥ चात्वालात्पशुषु दधाति॥

॥ तृतीयः प्रश्नः ॥

॥ तैत्तिरीयसंहितायां षष्ठमकाण्डे तृतीयः प्रश्नः ॥

चात्वालाद्विणिंयानुपं वपति योनिर्वै यज्ञस्य चात्वालं यज्ञस्यं सयोनित्वाय देवा वै यज्ञं परांजयन्त तमाग्नीध्रात्पुनरर्पाजयन्तेतद्वै यज्ञस्यापराजितं यदाग्नीध्रं यदाग्नीध्राद्विणिंयान् विहरति यदेव यज्ञस्यापराजितं तत एवैनमुपनस्तनुते पराजित्येव खलु वा एते यन्ति ये बहिष्पवमानः सर्पन्ति बहिष्पवमाने स्तुते (१)

आह्वाग्नीध्रीन् वि हरं बरहिः स्तृणाहि पुरोडाशाः अलं कुर्विति यज्ञमेवापजित्य पुनस्तन्वाना यन्त्यङ्गारैर्द्वे सर्वने वि हरति शलाकाभिस्तृतीयः सशक्रत्वायाथो सम्भरत्येवैन्द्विणिंया वा अमुष्मिह्नौके सोममरक्षन्तेभ्योऽधि सोममाहरन्तमन्वायन्त पर्यविशन् य एवं वेदं विन्दते (२)

परिवेष्टारन्ते सोमपीथेन व्याध्दन्त ते देवेषु सोमपीथमैच्छन्त तां देवा अब्रवन्देद्वे नामनी कुरुध्वमथ प्र वाप्स्यथ न वेत्यग्रयो वा अथ धिणिंयास्तस्माद्विनामा ब्राह्मणोऽयुक्स्तेषां ये नेदिष्टम्यर्विशन्ते सोमपीथं प्राप्नुवन्नाहवनीयं आग्नीध्रियो होत्रीयो मार्जालीयस्तस्मात्तेषु जुह्वत्यतिहाय वर्षद्गरोति वि हि (३)

एते सोमपीथेनार्धन्त देवा वै याः प्राचीराहुतीरजुहवुर्ये पुरस्तादसुरा आसन्ताःस्ताभिः प्राणुदन्त याः प्रतीचीर्ये पश्चादसुरा आसन्ताःस्ताभिरपांनुदन्त प्राचीर्या आहुतयो हूयन्ते प्रत्यङ्मासीनो धिणिंयाव्याघारयति पश्चाच्चैव पुरस्ताच्च यजमानो भ्रातृव्याम्न णुदते तस्मात्परांचीः प्रजाः प्र वीयन्ते प्रतीचीः (४)

जायन्ते प्राणा वा एते यद्विणिंया यदध्वर्युः प्रत्यङ्विणिंयानति सपैत्राणान्धं कर्षेत्प्रमायुकः स्यान्नाभिर्वा एषा यज्ञस्य यद्धेतोर्ध्वः खलु वै नाभ्यै प्राणोऽवाडपानो यदध्वर्युः प्रत्यङ्गोतारमति सपैदपाने प्राणं दध्यात् प्रमायुकः स्यान्नाध्वर्युरूपं गायद्वाग्वीर्यो वा अध्वर्युर्दध्वर्युरुपायैदुद्गात्रे (५)

वाचः सम्प्र यच्छेदुपदासुकास्य वाख्यार्द्वहवादिनो वदन्ति नासःस्थिते सोमैध्वर्युः प्रत्यङ्ख्सदोऽतीयादथ कथा दाक्षिणानि होतुमेति यामो हि स तेषां कस्मा अहं देवा यामं वायामं वानुं ज्ञास्यन्तीत्युत्तरेणाग्नीध्रं पुरीत्य जुहोति दाक्षिणानि न प्राणान्धं कर्षति न्यन्ये धिणिंया उप्यन्ते नान्ये यान्निवपति तेन तान्नीणाति यात्र निवपति यदनुदिशति तेन तान् ॥ (६)

स्तुते विन्दते हि वीयन्ते प्रतीचीरुद्गात्र उप्यन्ते चतुर्दश च ॥ [१]

सुवर्गाय वा एतानि लोकाय हूयन्ते यद्वैसर्जनानि द्वाभ्यां गारहपत्ये जुहोति द्विपाद्यजमानः प्रतिष्ठित्या आग्नीध्रे जुहोत्यन्तरिक्ष एवा क्रमत आहवनीये जुहोति सुवर्गमेवेन लोकं गमयति देवान् वै सुवर्गं लोकं यतो रक्षाःस्यजिघांसन्ते सोमैः राजा रक्षाःस्यपहत्यासुमात्मानं कृत्वा सुवर्गं लोकमायत्रक्षंसामनुपलाभायात् सोमो भवत्यथ (७)

वैसर्जनानि जुहोति रक्षंसामपहत्ये त्वः सोम तनूकृद्ध्य इत्याह तनूकृद्धं द्वेषोभ्योऽन्यकृतेभ्य इत्याहान्यकृतानि हि रक्षाःस्युरु यन्तासि वरूथमित्याहोर णस्कृधीति वावैतदाह जुपाणो असुराज्यस्य वेत्वित्याहासुमेव यजमानं कृत्वा सुवर्गं लोकं गमयति रक्षंसामनुपलाभाया सोमं ददते (८)

आ ग्राव्ण आ वायव्यान्वा द्रोणकलशमुत्पत्नीमा नयन्त्यन्वनांसि प्र वर्तयन्ति यावदेवास्यास्ति तेन सह सुवर्गं लोकमेति नयन्त्यर्चाग्रीध्रे जुहोति सुवर्गस्य लोकस्याभिनीत्यै ग्राव्णो वायव्यानि द्रोणकलशमाग्रीध्रे उप वासयति वि ह्येनं तैर्गृह्णते यश्महोपवासयेदपुवायेत सौम्यर्चा प्र पादयति स्वयां (१)

एवैनं देवतया प्र पादयत्यदित्याः सदोऽस्यदित्याः सद आ सीदेत्याह यथायजुरैवैतद्यजमानो वा एतस्य पुरा गोप्ता भवत्येष वो देव सवितः सोम इत्याह सवितुप्रसूत एवैनं देवताभ्यः सम्प्र यच्छत्येतत्त्व सौम देवो देवानुपांगा इत्याह देवो ह्येष सन् (१०)

देवानुपैतीदमहम्मनुष्यो मनुष्यानित्याह मनुष्यो ३ ह्येष सन्मनुष्यानुपैति यदेतद्यजुर्न ब्रूयादप्रजा अपशुर्यजमानः स्यात्सह प्रजां सह रायस्पोषेणेत्याह प्रजयैव पशुभिः सहं लोकमुपावर्तते नमो देवेभ्य इत्याह नमस्कारो हि देवानां स्वधा पितृभ्य इत्याह स्वधाकारो हि (११)

पितृणामिदमहं निर्वर्णस्य पाशादित्याह वरुणपाशादेव निर्मुच्यतेऽग्रे व्रतपत आत्मनः पूर्वा तनूरादेयेत्याहुः को हि तद्वेद यद्वसीयान्स्वे वशे भूते पुनर्वा ददाति न वेति ग्रावाणो वै सोमस्य राज्ञो मल्लिमुसेना य एवं विद्वान्ग्राव्ण आग्रीध्रे उपवासयति नैनम्मल्लिमुसेना विन्दति॥ (१२)

अथ ददते स्वया सन्स्वधाकारो हि विन्दति॥ [२]

वैष्णव्यर्चा हुत्वा यूपमच्छैति वैष्णवो वै देवतया यूपः स्वयैवैनं देवतयाच्छेत्यत्यन्यानां नान्यानुपांगामित्याहाति ह्यन्यानेति नान्यानुपेत्यर्वाक्त्वा परैरविदम्पुरोऽवरैरित्याहर्वाग्येन परैर्विन्दति पुरोवरैस्त त्वा जुषे (१३)

वैष्णवं देवयज्याया इत्याह देवयज्यायै ह्येनं जुषते देवस्त्वा सविता मध्वान्क्षित्याह तेजसैवैनमनक्त्योपधे त्रायस्वेन स्वधितिं नैनं हिंसीरित्याह वज्रो वै स्वधितिः शान्त्यै स्वधितेर्वृक्षस्य बिभ्यतः प्रथमेन शकलेन सह तेजः परा पतति यः प्रथमः शकलः परापतेत्तमया हरैश्चतैजसम् (१४)

एवैनमा हरतीमे वै लोका यूपात्प्रयतो बिभ्यति दिवमग्रेण मा लैखीरन्तरिक्षमध्यैनं मा हिंसीरित्याहैभ्य एवैनं लोकेभ्यः शमयति वनस्पते शतवंलशो वि रोहेत्याब्रश्नने जुहोति तस्मादाब्रश्ननाद्ब्रूषाणाभूयांस उत्तिष्ठन्ति सहस्रंवलशा वि वयं रुहेमेत्याहशिषमेवैतामा शास्तेऽनक्षसङ्गम् (१५)

वृक्षेद्यदक्षसङ्गं वृक्षेदधर्षं यजमानस्य प्रमायुकं स्याद्यं कामयेताप्रतिष्ठितः स्यादित्यारोहं तस्मै वृक्षेदेष्ट वै वनस्पतीनामप्रतिष्ठितोऽप्रतिष्ठित एव भवति यं कामयेतापशुः स्यादित्यपुर्णं तस्मै शुष्काग्रं वृक्षेदेष्ट वै वनस्पतीनामपशुव्योऽपशुर्वेष्ट भवति यं कामयेत पशुमान्स्यादिति बहुपुर्णं तस्मै बहुशाखं वृक्षेदेष्ट वै (१६)

वनस्पतीनामपशुव्यः पशुमानेव भवति प्रतिष्ठितं वृक्षेत्प्रतिष्ठाकामस्यैष्ट वै वनस्पतीनां प्रतिष्ठितो यः समे भूम्यै स्वाद्योने रूढः प्रत्येव तिष्ठति यः प्रत्यङ्मुपनतस्तं वृक्षेत्स हि मेधमभ्युपनतः पञ्चारविं तस्मै वृक्षेद्यं कामयेतापैन्मुत्तरो यज्ञो नमेदिति पञ्चाक्षरा पङ्क्तिः पाङ्क्तौ यज्ञ उपैन्मुत्तरो यज्ञः (१७)

नमति पडरविं प्रतिष्ठाकामस्य पङ्क्ता ऋतवं ऋतुष्वेव प्रति तिष्ठति सप्तारविमशुकांमस्य सप्तपदा शकरी पशवः शकरी पशूनेवावं रुद्धे नवारविं तेजस्कामस्य त्रिवृता स्तोमेन सम्मितं तेजस्त्रिवृत्तैजस्यैव भवत्येका-

दशारत्निमिन्द्रियकामस्यैकादशाक्षरा त्रिष्टुगिन्द्रियं त्रिष्टुगिन्द्रियाव्यैव भवति पञ्चदशारत्निभ्रातृव्यवतः पञ्चदशो वज्रो भ्रातृव्याभिभूत्यै सप्तदशारत्निं प्रजाकामस्य सप्तदशः प्रजापतिः प्रजापतेरास्या एकविंशत्यरत्निं प्रतिष्ठाकामस्यैक-
विंशः स्तोमानां प्रतिष्ठा प्रतिष्ठित्या अष्टाश्रिभवत्यष्टाक्षरा गायत्री तेजो गायत्री गायत्री यज्ञमुखं तेजसेव
गायत्रिया यज्ञमुखेन सम्मितः॥ (१८)

जुपे सतेजसमनक्षसङ्गं बहुशाखं वृश्चेदेष वै यज्ञ उपैन्मुत्तरो यज्ञ आस्या एकात्रविंशतिश्च॥ [३]

पृथिव्यै त्वान्तरिक्षाय त्वा दिवे त्वेत्याहेभ्य एवैनं लोकेभ्यः प्रोक्षति परांश्च प्रोक्षति परांश्च हि
सुवर्गो लोकः क्रूरमिव वा एतत्करोति यत्खनन्त्युपोर्वं नयति शान्त्यै यवमतीरवं नयत्यूग्वै यवो यजमानेन
यूपः सम्मितो यावानेव यजमानस्तावतीमेवास्मिन्नूर्जं दधाति (१९)

पितृणां सदनमसीति बरहिरवस्तृणाति पितृदेवत्य १३ ह्येतद्यन्निखातं यद्वरहिरनवस्तीर्य
मिनुयात्पितृदेवत्यां निखातः स्याद्वरहिरनवस्तीर्य मिनोत्यस्यामेवैनमिनोति यूपशकलमवांस्यति
सतेजसमेवैनमिनोति देवस्त्वा सविता मध्वान्क्वित्याह तेजसेवैनमनक्ति सुपिप्पलाभ्यस्त्वौषधीभ्य इति चपालं
प्रति (२०)

मुश्चति तस्माच्छीरपत ओषधयः फलं गृह्णन्त्यनक्ति तेजो वा आज्यं यजमानेनाग्निष्ठाश्रिः
सम्मितं यदग्निष्ठाश्रिमनक्ति यजमानमेव तेजसान्त्यान्तमनक्त्यान्तमेव यजमानं तेजसानक्ति सर्वतः परि
मृशत्यपरिवर्गमेवास्मिन्तेजो दधात्युदिवं स्तभानान्तरिक्षं पृणेत्याहेषां लोकानां विधृत्यै वैष्णव्यर्चा (२१)

कल्पयति वैष्णवो वै देवतया यूपः स्वयैवैनं देवतया कल्पयति द्वाभ्यां कल्पयति द्विपाद्यजमानः
प्रतिष्ठित्यै यं कामयेत् तेजसेन देवताभिरिन्द्रियेण व्यर्धयेयमित्यग्निष्ठां तस्याश्रिमाहवनीयादित्यं वेत्थ वाति
नावयेत्तेजसेवैनं देवताभिरिन्द्रियेण व्यर्धयति यं कामयेत् तेजसेन देवताभिरिन्द्रियेण समर्धयेयमिति (२२)

अग्निष्ठां तस्याश्रिमाहवनीयेन सम्मिनुयात्तेजसेवैनं देवताभिरिन्द्रियेण समर्धयति ब्रह्मवनिं त्वा
क्षत्रवनिमित्याह यथायजुरेवैतत्परि व्ययत्यूग्वै रश्ना यजमानेन यूपः सम्मितो यजमानमेवोर्जा समर्धयति
नाभिदग्ने परि व्ययति नाभिदग्ने एवास्मा ऊर्जं दधाति तस्मान्नाभिदग्ने ऊर्जा भुञ्जते यं कामयेतोर्जेनम् (२३)

व्यर्धयेयमित्यूर्ध्वा वा तस्यावाचीं वावोहेदूर्जैवेन व्यर्धयति यदि कामयेत् वरपुङ्कः पर्जन्यः
स्यादित्यवाचीमवोहेदूर्ष्टमेव नि यच्छति यदि कामयेतावरपुङ्कः स्यादित्यूर्ध्वा मुदूहेदूर्ष्टमेवोदच्छति पितृणां
निखातम्मनुष्याणामूर्ध्वं निखातादा रश्नाया ओषधीनां रश्ना विश्वेषाम् (२४)

देवानामूर्ध्वं रश्नाया आ चपालादिन्द्रस्य चपालं साध्यानामतिरिक्तं स वा एष संवदित्यो
यद्यूपो यद्यूपमिनोति सर्वा एव देवताः प्रीणाति यज्ञेन वै देवाः सुवर्गं लोकमायन्तंऽमन्यन्त मनुष्या
नोऽन्वाभविष्यन्तीति ते यूपेन योपयित्वा सुवर्गं लोकमायन्तमृषयो यूपेनैवानु प्राजानन्तद्यूपस्य यूपत्वम् (२५)

यद्यूपमिनोति सुवर्गस्य लोकस्य प्रजात्यै पुरस्तान्मिनोति पुरस्ताद्धि यज्ञस्य प्रजायतेऽप्रजातः
हि तद्यदतिपन्न आहुरिदं कार्यमासीदिति साध्या वै देवा यज्ञमत्यमन्यन्त तान् यज्ञो नास्पृशत्तान्
यद्यज्ञस्यातिरिक्तमासीत्तदस्पृशदतिरिक्तं वा एतद्यज्ञस्य यदग्नावग्निमथित्वा प्रहरत्यतिरिक्तमेतत् (२६)

यूपस्य यदूर्ध्वं चपालात्तेषां तद्भागधेयं तानेव तेन प्रीणाति देवा वै सऽस्थिते सोमे प्र सुचोर्हरन्प्र
यूपं तैऽऽमन्यन्त यज्ञवेशंसं वा इदं कुर्म इति ते प्रंस्तरः सुचात्रिन्क्रियणमपश्यन्स्वरुं यूपस्य सऽस्थिते
सोमे प्र प्रंस्तरः हरति जुहोति स्वरुमयज्ञवेशसाय॥ (२७)

दधाति प्रत्युचा समर्धयेयमित्यूजैर्न विश्वेषां यूपत्वमतिरिक्तमेतद्विचत्वारिंशच्च॥ [४]

साध्या वै देवा अस्मिन्नौक आसन्नान्यत्किञ्चन मिषत्तैऽग्निमेवाग्नये मेधायालभन्त न
ह्यन्यदालम्भ्यमविन्दन्ततो वा इमाः प्रजाः प्राजायन्त यद्ग्रावग्निमथित्वा प्रहरति प्रजानां प्रजननाय रुद्रो
वा एष यदग्निर्यजमानः पशुर्यत्पशुमालभ्याग्निमन्यैर्ब्रूवाय यजमानम् (२८)

अपि दध्यात्प्रमायुकः स्यादथो खल्वांहरग्निः सर्वा देवता हविरेतद्यत्पशुरिति यत्पशुमालभ्याग्निमन्यति
हव्यायैवासन्नाय सर्वा देवता जनयत्युपाकृत्यैव मन्थ्यस्तन्नेवालब्धं नेवानालब्धमग्नेर्जनित्रंमसीत्याहाग्नेर्ह्येतज्जनित्रं
वृषणौ स्थ इत्याहु वृषणौ (२९)

ह्यैतावुर्वश्यस्यायुरसीत्याह मिथुनत्वाय घृतेनाक्ते वृषणं दधाथामित्याहु वृषणं ह्यैते दधाते ये
अग्निङ्गायत्रं छन्दोऽनु प्र जायस्वेत्याहु छन्दोभिरेवैनम्प्र जनयत्यग्र्यं मथ्यमानायानु ब्रूहीत्याह सावित्रीमृचमन्वाह
सवितृप्रसूत एवैनमन्थति जातायानु ब्रूहि (३०)

प्रहियमाणायानु ब्रूहीत्याहु काण्डेकाण्ड एवैनं क्रियमाणे समर्धयति गायत्रीः सर्वा अन्वाह गायत्रछन्दा
वा अग्निः स्वेनैवैनं छन्दसा समर्धयत्यग्निः पुरा भवत्यग्निमथित्वा प्र हरति तौ सम्भवन्तौ यजमानमभि
सम्भवतो भवंतं नः समनसावित्याहु शान्त्यै प्रहृत्य जुहोति जातायैवास्मा अन्नमपि दधात्याज्येन जुहोत्येतद्वा
अग्नेः प्रियं धाम यदाज्यमिष्येणैवैनं धाम्ना समर्धयत्यथो तेजसा॥ (३१)

यजमानमाहु वृषणौ जातायानुब्रूह्यप्यष्टादश च॥ [५]

इषे त्वेति बरहिरा दन्त इच्छतं इव ह्येष यो यजन्त उपवीरसीत्याहोप ह्येनानाकरोत्युपो देवान्देवीर्विशः
प्रागुरित्याहु देवीरह्येता विशः सतीर्देवानुपयन्ति वह्नीरुशिज इत्याहुत्विजो वै वह्नय उशिजस्तस्मादेवमाहु
बृहस्पते धारया वसूनीति (३२)

आहु ब्रह्म वै देवानाम्बृहस्पतिर्ब्रह्मणैवास्मै पशूनवं रुद्धे हव्या तैः स्वदन्तामित्याहु स्वदयत्येवैनान्देव
त्वष्टर्वसु रण्वेत्याहु त्वष्टा वै पशूनामिमिथुनानां रूपकद्रूपमेव पशुपुं दधाति रेवती रमध्वमित्याहु पशवो वै
रेवताः पशूनेवास्मै रमयति देवस्य त्वा सवितुः प्रंसव इति (३३)

रशनामा दन्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यु आस्तां पूष्णो हस्ताभ्यामित्याहु
यत्या ऋतस्य त्वा देवहविः पाशेना रभ इत्याहु सत्यं वा ऋतः सत्येनैवैनमृतेना रभतेऽक्षण्या परि हरति
वध्यः हि प्रत्यश्च प्रतिमुञ्चन्ति व्यावृत्त्यै धरपा मानुषानिति नि युनक्ति धृत्या अञ्च (३४)

त्वौषधीभ्यः प्रोक्षामीत्याहाञ्चो ह्येष ओषधीभ्यः सम्भवति यत्पशुरपाप्मेरुसीत्याहैष ह्यंपाम्पाता यो
मेधायारभ्यतैः स्वातं चिन्सदेवः हव्यमापो देवीः स्वदन्तैर्नमित्याहु स्वदयत्येवैनमुपरिष्टात्वोक्षत्युपरिष्टादेवेनममेध्यं

करोति पाययन्त्यन्तरत् एवैनम्मध्यं करोत्यधस्तादुपौक्षति सर्वत एवैनम्मध्यं करोति॥ (३५)

वसूनिर्तिं प्रसव इत्युच्चोऽन्तरत् एवैनदशं च॥ [६]

अग्निना वै होत्रा देवा असुरानभ्यवन्नग्र्यै समिध्यमानायानु ब्रूहीत्याहु भ्रातृव्याभिभूत्यै सप्तदशं
सामिधेनीरन्वाह सप्तदशः प्रजापतिः प्रजापतेरात्यै सप्तदशान्वाह द्वादश मासाः पञ्चतवः स संवत्सरः
संवत्सरं प्रजा अनु प्र जायन्ते प्रजानां प्रजननाय देवा वै सामिधेनीरनूच्य यज्ञं नान्वपश्यन्त्यस
प्रजापतिस्तृष्णीमाधारम् (३६)

आधारयत्ततो वै देवा यज्ञमन्वपश्यन् यत्तृष्णीमाधारमाधारयति यज्ञस्यानुख्यात्या असुरेषु वै यज्ञ आसीत्
देवास्तृष्णीहोमेनावृज्जत यत्तृष्णीमाधारमाधारयति भ्रातृव्यस्यैव तद्यज्ञं वृद्धं परिधीन्त्यस्मादि पुनात्येवेनात्रिभिः
स्मार्दि त्र्यावृद्धि यज्ञोऽथो रक्षसामपहत्यै द्वादश सम्पद्यन्ते द्वादश (३७)

मासाः संवत्सरः संवत्सरमेव प्रीणात्यथो संवत्सरमेवास्मा उप दधाति सुवर्गस्य लोकस्य समष्टौ
शिरो वा एतद्यज्ञस्य यदाधारोऽग्निः सर्वा देवता यदाधारमाधारयति शीरुषत एव यज्ञस्य यजमानः सर्वा देवता
अवं रुद्धे शिरो वा एतद्यज्ञस्य यदाधार आत्मा पशुराधारमाधार्य पशुः समनन्त्यात्मन्नेव यज्ञस्य (३८)

शिरः प्रति दधाति सं तै प्राणो वायुना गच्छतामित्याह वायुदेवत्यो वै प्राणो वायावेवास्यं
प्राणं जुहोति सं यज्ञत्रैरङ्गानि सं यज्ञपतिराशिपेत्याह यज्ञपतिमेवास्यशिषं गमयति विश्वरूपो वै त्वाष्ट्र
उपरिष्ठात्पशुमभ्यवमीत्तस्मादुपरिष्ठात्पशोर्नावं दन्ति यदुपरिष्ठात्पशुः समनन्ति मेध्यमेव (३९)

एनं करोत्यृत्वजो वृणीते छन्दांस्येव वृणीते सप्त वृणीते सप्त ग्राम्याः पशवः सप्तरण्याः सप्त
छन्दांस्युभयस्यावैरुद्धा एकादश प्रयाजान् यजति दश वै पशोः प्राणा आत्मैकादशो यावानेव पशुस्तम्प्र
यजति वपामेकः परि शय आत्मेवात्मानं परि शये वज्रो वै स्वर्धितिवज्रो यूपशकुलो घृतं खलु वै देवा
वज्रं कृत्वा सोममघ्नन्मृतेनात्तौ पशं त्रायेथामित्याह वज्रैणैवेनं वशं कृत्वा लभते॥ (४०)

आधारम्पद्यन्ते द्वादशात्मन्नेव यज्ञस्य मेध्यमेव खलु वा अष्टादशं च॥ [७]

पर्यग्निं करोति सर्वहुतमेवेनं करोत्यस्कन्दायास्कन्त्रं हि तद्यद्भुतस्य स्कन्दति त्रिः पर्यग्निं करोति
त्र्यावृद्धि यज्ञोऽथो रक्षसामपहत्यै ब्रह्मवादिनां वदन्त्यन्वारभ्यः पशु (३) नान्वारभ्या (३) इति मृत्यवे वा
एष नीयते यत्पशुस्तं यदन्वारभेत प्रमायुको यजमानः स्यादथो खत्वाहुः सुवर्गाय वा एष लोकाय नीयते
यत् (४१)

पशुरिति यन्नावारभेत सुवर्गाल्लोकाद्यजमानो हीयेत वपाश्रपणीभ्यामन्वारभते तन्नेवान्वारभ्यं
नेवानन्वारभ्यमुप प्रेष्यं होतरहव्या देवेभ्य इत्याहेषितं हि कर्म क्रियते रेवतीर्यज्ञपतिं प्रियधा विशतेत्याह
यथायजुरेवेतदग्निना पुरस्तादिति रक्षसामपहत्यै पृथिव्याः सम्पृचः पाहीति बर्हिः (४२)

उपास्यत्यस्कन्दायास्कन्त्रं हि तद्यद्बर्हिषि स्कन्दत्यथो बर्हिषदमेवेनं करोति पराडा वर्ततेऽध्वर्युः
पशोः सज्ञप्यमानात्पशुभ्य एव तन्नि हुत आत्मनोनाव्रस्काय गच्छति श्रियं प्र पशूनाप्राप्तिं य एवं वेद

पृश्नाल्लोका वा एषा प्राच्युदानीयते यत्पत्नी नमस्त आतातेत्याहादित्यस्य वै रश्मयः (४३)

आतातास्तेभ्य एव नमस्करोत्यनर्वा प्रेहीत्याहु भ्रातृभ्यो वा अर्वा भ्रातृव्यापनुत्तै घृतस्य कुल्यामनु सह प्रजया सह रायस्पोषेणेत्याहाशिषमेवेतामा शास्त आपो देवीः शुद्धायुव इत्याह यथायजुरेवेतत्॥ (४४)

लोकाय नीयते यद्वरही रश्मयः सप्तत्रिंशच्च॥ [८]

पशोर्वा आलब्धस्य प्राणाच्छुगच्छति वाक् आ प्यायतां प्राणस्त आ प्यायतामित्याह प्राणेभ्य एवास्य शुचः शमयति सा प्राणेभ्योऽधि पृथिवीः शुक्लं विंशति शमहोभ्यामिति नि नयत्यहोरात्राभ्यामेव पृथिव्यै शुचः शमयत्योपधे त्रायस्वेनः स्वधिते मेनः हिंसीरित्याहु वज्रो वै स्वधितिः (४५)

शान्त्यै पार्श्वत आच्छति मध्यतो हि मनुष्या आच्छन्ति तिरश्चीनमा च्छन्त्यनूचीनः हि मनुष्या आच्छन्ति व्यावृत्तै रक्षसाम्भागोऽसीति स्थविमतो बरहिरक्तापास्यत्यस्रैव रक्षांसि निरवदयत इदमहः रक्षोऽधमं तमो नयामि योऽस्मान्द्वेष्टि यं च वयं द्विष्म इत्याहु द्वौ वाव पुरुषौ यं चैव (४६)

द्वेष्टि यश्चैनं द्वेष्टि तावुभावधमं तमो नयतीषे त्वेति वषामुत्खिंदतीच्छत इव ह्येष यो यजते यदुपतृन्धाद्रुद्रोऽस्य पशून्धातुकः स्याद्यन्नोपतृन्धादयता स्यादन्ययोपतृणत्त्यन्यया न धृत्यै घृतेन द्यावापृथिवी प्रोणार्थामित्याहु द्यावापृथिवी एव रसेनानुत्तद्यच्छिन्नः (४७)

रायः सुवीर इत्याह यथायजुरेवैतत्कूरमिव वा एतत्करोति यद्वषामुत्खिंदत्युर्वन्तरिक्षमन्विहीत्याहु शान्त्यै प्र वा एषोऽस्माल्लोकाश्चवते यः पशुमृत्यवे नीयमानमन्वारभते वषाश्रपणी पुनरन्वारभतेऽस्मिन्नेव लोके प्रति तिष्ठत्यग्निना पुरस्तादेति रक्षसामपहत्या अथो देवता एव हव्येन (४८)

अवेति नान्तममङ्गारमति हरेद्यदन्तममङ्गारमतिहरैद्वेवता अति मन्येत वायो वीहिं स्तोकाणामित्याहु तस्माद्विभक्ताः स्तोका अव पद्यन्तेऽग्रं वा एतत्पशूनां यद्वषाग्रमोपधीनाम्बरहिरग्रेणैवाग्रं समर्धयत्यथो ओपधीष्वेव पशून्प्रति धापयति स्वाहाकृतीभ्यः प्रेष्येत्याह (४९)

यज्ञस्य समिधे प्राणापानौ वा एतौ पशूनां यत्पृषदाज्यमात्मा वषा पृषदाज्यमभिधाय वषामभि धारयत्यात्मन्नेव पशूनाम्प्राणापानौ दधाति स्वाहोर्ध्वनभसम्मार्कतं गच्छतमित्याहोर्ध्वनभा ह स्म वै मार्कतो देवानां वषाश्रपणी प्रहरति तेनैवैने प्र हरति विपूची प्र हरति तस्माद्विष्वञ्चौ प्राणापानौ॥ (५०)

स्वधितिश्चैवाच्छिन्नो हव्येनेष्येत्याहु पद्वत्वारिंशच्च॥ [९]

पशुमालभ्यं पुरोडाशं निर्वपति समेधमेवेनमा लभते वषयां प्रचर्य पुरोडाशेन प्र चरत्यूर्गै पुरोडाशं ऊर्जमेव पशूनाम्मध्यतो दधात्यथो पशोरेव छिद्रमपि दधाति पृषदाज्यस्योपहत्य त्रिः पृच्छति शृतः हवीः (३) शमितिरिति त्रिपत्या हि देवा योऽशृतः शृतमाहु स एनसा प्राणापानौ वा एतौ पशूनाम् (५१)

यत्पृषदाज्यम्पशोः खलु वा आलब्धस्य हृदयमात्माभि समेति यत्पृषदाज्येन हृदयमभिधारयत्यात्मन्नेव पशूनाम्प्राणापानौ दधाति पशूना वै देवाः सुवर्गं लोकमायन्तेऽमन्यन्त मनुष्या नोऽन्वाभविष्यन्तीति तस्य शिरश्छित्त्वा मेधम्प्राक्षारयन्स प्रक्षोऽभवत्तत्प्रक्षस्यं प्रक्षत्वं यत्प्रक्षशाखोत्तरबरहिर्भवति समेधस्यैव (५२)

पशोरवं द्यति पशुं वै ह्रियमाणं रक्षास्यनु सचन्तेऽन्तरा यूपं चाहवनीयं च हरति रक्षसामपंहत्यै
पशोर्वा आलब्धस्य मनोऽपं कामति मनोतायै हविषोऽवदीयमानस्यानु ब्रूहीत्याहु मनं एवास्याव रुद्ध
एकादशवादानान्यव द्यति दश वै पशोः प्राणा आत्मैकादशो यावानेव पशुस्तस्याव (५३)

द्यति हृदयस्याग्रेऽव द्यत्यथ जिह्वाया अथ वक्षसो यद्वै हृदयेनाभिगच्छति तज्जिह्वाया वदति
यज्जिह्वाया वदति तदुरसोऽधि निर्वदत्येतद्वै पशोर्यथापूर्वं यस्यैवमवदाय यथाकाममुत्तरपामवद्यति यथापूर्वमेवास्यं
पशोरवन्तभवति मध्यतो गुदस्याव द्यति मध्यतो हि प्राण उत्तमस्याव द्यति (५४)

उत्तमो हि प्राणो यदीतरं यदीतरमुभयमेवाजामि जायमानो वै ब्राह्मणस्त्रिभिर्ऋणवा जायते
ब्रह्मचर्येणरूपिभ्यो यजेन देवेभ्यः प्रजयां पितृभ्य एष वा अनुणो यः पुत्री यज्वा ब्रह्मचारिवासी तदवदानैरेवाव
दयते तदवदानानामवदानत्वदैवासुराः संयन्ता आसन्ते देवा अग्निमब्रुवन्त्वया वीरेणासुरानभि भवामेति (५५)

सोऽब्रवीद्वरं वृषे पशोरुद्धारमुद्धरा इति स एतमुद्धारमुदहरत दोः पूर्वार्धस्य गुदममध्यतः श्रोणं
जघनार्धस्य ततो देवा अर्भवन्परासुरा यत्र्यङ्गाणां समवद्यति भ्रातृव्याभिभूत्यै भवत्यात्मना परास्य भ्रातृव्यो
भवत्यक्षण्याव द्यति तस्मादक्षण्या पशवोऽङ्गानि प्र हरन्ति प्रतिष्ठित्यै॥ (५६)

एतौ पशूनां समेधस्येव तस्यावौत्तमस्याव द्यतीति पञ्चचत्वारिंशच्च॥ [१०]

मेदसां सुचौ प्रोर्णोति मेदोरूपा वै पशवो रूपमेव पशुपुं दधाति यूपन्नवधाय प्रोर्णोति रसो वा
एष पशूनां यद्य रसमेव पशुपुं दधाति पार्श्वेन वसाहोमम्प्र यौति मध्यं वा एतत्पशूनां यत्पार्श्वं रसं एष
पशूनां यद्वसा यत्पार्श्वेन वसाहोमम्प्रयौति मध्यत एव पशूनां रसं दधाति घ्नन्ति (५७)

वा एतत्पशुं यथमज्ञपर्यन्त्यैन्द्रः खलु वै देवतया प्राण ऐन्द्रोऽपान ऐन्द्रः प्राणो अङ्गेअङ्गे नि
दैध्यदित्याह प्राणापानावेव पशुपुं दधाति देवं त्वष्टूर्भिरि ते सःसमेत्वित्याह त्वाष्ट्रा हि देवतया पशवो
विपुरूपा यथसलक्ष्माणो भवथेत्याह विपुरूपा ह्येते सन्तः सलक्ष्माण एतर्हि भवन्ति देवत्रा यन्तर्मा (५८)

अवंसे सखायोऽनु त्वा माता पितरौ मदन्वित्याहानुमतमेवैनम्मात्रा पित्रा सुवर्गं लोकं गमयत्यर्धं
वंसाहोमं जुहोत्यसौ वा अर्धं द्वयमर्धं द्वमे एव रसेनानक्ति दिशौ जुहोति दिशं एव रसेनानक्त्यथो
दिग्भ्य एवोर्जः रसमव रुद्धे प्राणापानौ वा एतौ पशूनां यत्पृषदाज्यं वानस्पत्याः खलु (५९)

वै देवतया पशवो यत्पृषदाज्यस्योपहत्याह वनस्पतयेऽनु ब्रूहि वनस्पतये प्रेष्येति प्राणापानावेव पशुपुं
दधात्यन्यस्यान्यस्य समवत्तं समवद्यति तस्मान्नानारूपाः पशवो यूपोपं सिञ्चति रसो वा एष पशूनां यद्य
रसमेव पशुपुं दधातीडामुपं ह्वयते पशवो वा डडां पशूनेवोपं ह्वयते चतुरुपं ह्वयते (६०)

चतुष्पादो हि पशवो यं कामयतापशुः स्यादित्यमेदस्कं तस्मा आ दध्यान्मेदोरूपा वै पशवो
रूपेणैवैनम्पशुभ्यो निर्भजत्यपशुरेव भवति यं कामयत पशुमान्स्यादिति मेदस्वत्तस्मा आ दध्यान्मेदोरूपा वै
पशवो रूपेणैवस्मै पशूनव रुद्धे पशुमानेव भवति प्रजापतिर्यज्ञमसृजत स आज्यम् (६१)

पुरस्तादसृजत पशुममध्यतः पृषदाज्यमपश्चात्तस्मादाज्येन प्रयाजा इज्यन्ते पशूनां मध्यतः
पृषदाज्येनानूयाजास्तस्मादेतन्मिश्रमिव पश्चात्सृष्टं ह्येकादशानूयाजान् यजति दश वै पशोः प्राणा

आत्मैकादशो यावानेव पशुस्तमनुं यजति घ्नन्ति वा एतत्पशुं यत्संज्ञपर्यन्ति प्राणापानौ खलु वा एतौ पशूनां यत्पृषदाज्यं यत्पृषदाज्येनानूयाजान् यजति प्राणापानावेव पशुपुं दधाति॥ (६२)

घ्नन्ति यन्तं खलु चतुरूपं ह्वयत आज्यं यत्पृषदाज्येन पद्वं॥ [११]

यज्ञेन ता उपयङ्गिर्देवा वै यज्ञमाग्नीध्रे ब्रह्मवादिनः सत्वे देवस्य ग्रावाणं प्राण उपोऽश्वग्रा देवा वा उपोऽशौ वाग्वै मित्रं यज्ञस्य बृहस्पतिर्देवा वा आग्नयणाग्रानेकादश॥ [१२] यज्ञेन लोके पशुमान्स्याध्वसवनं ममाध्यन्दिनं वाग्वा अरिक्तानि तत्प्रजा अभ्येकपञ्चाशत्॥ 51॥ यज्ञेन गौरभि निर्वर्तते॥

॥चतुर्थः प्रश्नः॥

॥तैत्तिरीयसंहितायां षष्ठमकाण्डे चतुर्थः प्रश्नः॥

यज्ञेन वै प्रजापतिः प्रजा असृजत ता उपयङ्गिरेवासृजत यदुपयजं उपयजति प्रजा एव तद्यजमानः सृजते जघनार्धादवं द्यति जघनार्धाद्धि प्रजाः प्रजायन्ते स्थविमतोऽवं द्यति स्थविमतो हि प्रजाः प्रजायन्तेऽसंभिन्दन्नवं द्यति प्राणानामसंभेदाय न पर्यावर्तयति यत्पर्यावर्तयेदुदावर्तः प्रजा ग्राहकः स्याध्वमुद्रं गच्छ स्वाहेत्याह रेतः (१)

एव तदधात्यन्तरिक्षं गच्छ स्वाहेत्याहान्तरिक्षेणैवास्मै प्रजाः प्र जनयत्यन्तरिक्षं ह्यनु प्रजाः प्रजायन्ते देवः सवितारं गच्छ स्वाहेत्याह सवितुप्रसूत एवास्मै प्रजाः प्र जनयत्यहोरात्रे गच्छ स्वाहेत्याहहोरात्राभ्यामेवास्मै प्रजाः प्र जनयत्यहोरात्रे ह्यनु प्रजाः प्रजायन्ते मित्रावरुणौ गच्छ स्वाहा (२)

इत्याह प्रजास्वेव प्रजातासु प्राणापानौ दधाति सोमं गच्छ स्वाहेत्याह सौम्या हि देवतया प्रजा यज्ञं गच्छ स्वाहेत्याह प्रजा एव यज्ञियाः करोति छन्दांसि गच्छ स्वाहेत्याह पशवो वै छन्दांसि पशूनेवावं रुन्दे द्यावापृथिवी गच्छ स्वाहेत्याह प्रजा एव प्रजाता द्यावापृथिवीभ्यामुभयतः परि गृह्णाति नभः (३)

दिव्यं गच्छ स्वाहेत्याह प्रजाभ्यं एव प्रजाताभ्यो वृष्टिं नि यच्छत्यग्निं वैश्वानरं गच्छ स्वाहेत्याह प्रजा एव प्रजाता अस्यां प्रतिं स्थापयति प्राणानां वा एषोऽवं द्यति योऽवद्यति गुदस्य मनो मे हार्दि यच्छेत्याह प्राणानेव यथास्थानमुप ह्वयते पशोर्वा आलब्धस्य हृदयः शुगृच्छति सा हृदयशूलम् (४)

अभि समेति यत्पृथिव्याः हृदयशूलमुद्वासयेत्पृथिवीः शुचापयेद्यदप्सवः शुचापयेच्छुष्कस्य चाद्रस्यं च सन्धावुद्वासयत्युभयस्य शान्त्यै यं द्विष्यात्तं ध्यायेच्छुचैवेनमर्पयति॥ (५)

रेतौ मित्रावरुणौ गच्छ स्वाहा नभौ हृदयशूलं द्वात्रिंशच्च॥ [१]

देवा वै यज्ञमाग्नीध्रे व्यभजन्त ततो यद्यशिश्यत तदब्रुवन्वसन्तु नु न इदमिति तद्वसतीवरीणां वसतीवरित्वम् तस्मिन्प्रातर्न समंशकृवन्तदप्सु प्रावेशयन्ता वसतीवरीरभवन्वसतीवरीर्गृह्णाति यज्ञो वै

वंसतीवरीर्यज्ञमेवारभ्यं गृहीत्वोप वसति यस्यागृहीता अग्निं निम्नोचेदनारब्धोऽस्य यज्ञः स्यात् (६)

यज्ञं वि च्छिन्द्याज्योतिष्यां वा गृहीत्याद्धिरण्यं वावधाय सशुक्राणामेव गृह्णाति यो वा ब्राह्मणो बंह्याजी तस्य कुम्भ्यानां गृहीत्याध्वस हि गृहीतवंसतीवरीको वंसतीवरीर्गृह्णाति पशवो वै वंसतीवरीः पशूनेवारभ्यं गृहीत्वोप वसति यदन्वीपं तिष्ठन्गृहीत्याग्निमार्गुका अस्मात्पशवः स्युः प्रतीपं तिष्ठन्गृह्णाति प्रतिरुध्वैवास्यै पशून्गृह्णातीन्द्रः (७)

वृत्रमंहन्सो ऽपो ऽभ्यग्निं यत् तासां यन्मेध्यं यज्ञियं सदेवमासीत्तदत्यमुच्यत् ता वहन्तीरभवन्वहन्तीनां गृह्णाति या एव मेध्यां यज्ञियाः सदेवा आपस्तासामेव गृह्णाति नान्तमा वहन्तीरतीयाद्यदन्तमा वहन्तीरतीयाद्यज्ञमति मन्येत् न स्थावराणां गृहीत्याद्वरुणगृहीता वै स्थावरा यथ्स्थावराणां गृहीत्यात् (८)

वरुणेनास्य यज्ञं ग्राहयेद्यद्वे दिवा भवत्यपो रात्रिः प्र विंशति तस्मात्ताम्रा आपो दिवा ददश्रे यत्रक्तम्भवत्यपोऽहुः प्र विंशति तस्माच्चन्द्रा आपो नक्तं ददश्रे छायायै चातपतश्च संधौ गृह्णात्यहोरात्रयोरेवास्यै वर्णं गृह्णाति हविष्मतीरिमा आप इत्याह हविष्कृतानामेव गृह्णाति हविष्मा अस्तु (९)

सूर्य इत्याहु सशुक्राणामेव गृह्णात्यनुष्टुभा गृह्णाति वाग्वा अनुष्टुग्वाचैवैनाः सर्वया गृह्णाति चतुष्पदयर्चा गृह्णाति त्रिः सादयति सप्त सम्पद्यन्ते सप्तपदा शक्रौ पशवः शक्रौ पशूनेवाव रुन्देऽस्मै वै लोकाय गार्हपत्य आ धीयतेऽमुष्मा आहवनीयो यद्गार्हपत्य उपसादयेदस्मिन्नौके पशुमान्स्याद्ययदाहवनीयेऽमुष्मिन् (१०)

लोके पशुमान्स्यादुभयोरुप सादयत्युभयोरैवेन लोकयोः पशुमन्तं करोति सर्वतः परि हरति रक्षंसामपंहत्या इन्द्राग्नियोर्भागधेयीः स्थेत्याह यथायजुरेवैतदाग्नीध्र उपं वासयत्येतद्वै यज्ञस्यापराजितं यदाग्नीध्रं यदेव यज्ञस्यापराजितं तदेवैना उपं वासयति यतः खलु वै यज्ञस्य विततस्य न क्रियते तदनु यज्ञः रक्षास्यै चरन्ति यद्वहन्तीनां गृह्णाति क्रियमाणमेव तद्यज्ञस्यं शये रक्षंसामनन्ववचाराय न ह्येता ईलयन्त्या तृतीयसवनात्परि शेरे यज्ञस्य सन्तत्यै (११)

स्यादिन्द्रो गृहीत्यादस्त्वमुष्मिन्क्रियते षड्विंशतिश्च ॥ [१२]

ब्रह्मवादिनो वदन्ति स त्वा अध्वर्युः स्याद्यः सोममुपावहरन्सर्वाभ्यो देवताभ्य उपावहरेदिति हृदे त्वेत्याह मनुष्यैभ्य एवैतेन करोति मनसे त्वेत्याह पितृभ्य एवैतेन करोति दिवे त्वा सूर्याय त्वेत्याह देवेभ्य एवैतेन करोत्येतावतीर्षे देवतास्ताभ्य एवेन सर्वाभ्य उपावहरति पुरा वाचः (१२)

प्रवदितोः प्रातरनुवाकमुपाकरोति यावत्येव वाक्तामव रुन्देऽपोऽग्नेऽभिव्याहरति यज्ञो वा आपो यज्ञमेवाभि वाचं वि सृजति सर्वाणि छन्दास्यन्वाह पशवो वै छन्दांसि पशूनेवाव रुन्दे गायत्रिया तेजस्कामस्य परि दध्यान्निष्टुभैन्द्रियकामस्य जगत्या पशुकामस्यानुष्टुभा प्रतिष्ठाकामस्य पङ्क्षा यज्ञकामस्य विराजात्रकामस्य शृणोत्वग्निः समिधा हवम (१३)

मु इत्याह सवितृप्रसूत एव देवताभ्यो निवेद्यापोऽर्च्येत्यप इष्य होतरित्याहेषितं हि कर्म क्रियते मैत्रावरुणस्य चमसाध्वर्यवा द्रवेत्याह मित्रावरुणौ वा अपां नेतारौ ताभ्यामेवैना अच्छैति देवीरापो अपां

नपादित्याहाहृत्यैवैनां निष्क्रियं गृह्णात्यथो हविष्कृतानामेवाभिधृतानां गृह्णाति (१४)

कार्षिणसीत्याहु शर्मलमेवासामपं प्लावयति समुद्रस्य बोक्षित्या उन्नय इत्याहु तस्मादद्यमानाः पीयमाना आपो न क्षीयन्ते योनिर्वै यज्ञस्य चात्वालं यज्ञो वसतीवरीर्होतृचमसं च मैत्रावरुणचमसं च सःस्पश्य वसतीवरीर्व्यानयति यज्ञस्य सयोनित्वायोथो स्वादेवैना योनेः प्र जनयत्यध्वर्योऽवैरपा (३) इत्याहोतेर्मनत्रमुक्तेमाः पश्येति वावैतदाह यद्यग्निष्टोमो जुहोति यद्युक्थ्यः परिधौ नि माँष्टि यद्यतिरात्रो यजुर्वदन् पद्यते यज्ञकृतानां व्यावृत्त्यै॥ (१५)

वाचो हवमभिधृतानां गृह्णात्युत पञ्चविंशतिश्च॥ [३]

देवस्य त्वा सवितुः प्रंसव इति ग्रावाणमा दन्ते प्रसूत्या अश्विनोर्बाहुभ्यामित्याहाश्विनौ हि देवानामध्वर्यु आस्ताम पूष्णो हस्ताभ्यामित्याहु यत्यै पशवो वै सोमो व्यान उपाशुसर्वनो यदुपाशुसर्वनमभि मिमीते व्यानमेव पशुपुं दधातीन्द्राय त्वेन्द्राय त्वेति मिमीत इन्द्राय हि सोम आहियते पञ्च कृत्वो यजुपा मिमीते (१६)

पञ्चाक्षरा पङ्क्तिः पाङ्क्तौ यज्ञो यज्ञमेवाव रुन्दे पञ्च कृत्वस्तृष्णीन्दश सम्पद्यन्ते दशाक्षरा विराडत्र विराड्विराजैवान्नाद्यमव रुन्दे श्वात्राः स्थं वृत्रतुर इत्याहेप वा अपाशौमपीथो य एवं वेद नापस्वार्तिमाच्छति यतै सोम दिवि ज्योतिरित्याहेभ्य एवैनम् (१७)

लोकेभ्यः सम्भरति सोमो वै राजा दिशोऽभ्यध्यायत्स दिशोऽनु प्राविशत्प्रागपागुदगधरागित्याह दिग्भ्य एवैनः सम्भरत्यथो दिश एवास्मा अव रुन्देऽम्ब नि प्वरेत्याहु कामुका एनः स्त्रियो भवन्ति य एवं वेद यतै सोमादाभ्यं नाम जागृवीति (१८)

आहेप वै सोमस्य सोमपीथो य एवं वेद न सौम्यामार्तिमाच्छति घन्ति वा एतत्सोमं यदभिपुष्वन्त्यशूनपं गृह्णाति त्रायत एवैनं प्राणा वा अशवः पशवः सोमोऽशून्युनरपि सृजति प्राणानेव पशुपुं दधाति द्वौद्वावपि सृजति तस्माद्द्वौ प्राणाः॥ (१९)

यजुपा मिमीत एनं जागृवीति चतुश्चत्वारिंशच्च॥ [४]

प्राणो वा एष यदुपाशुर्द्यदुपाश्वग्रा ग्रहां गृह्यन्ते प्राणमेवानु प्र यन्त्यरुणो ह स्माहोपवेशिः प्रातःसवन एवाहं यज्ञः सःस्थापयामि तेन ततः सःस्थितेन चरामीत्यष्टौ कृत्वोऽग्निं पुणोत्यष्टाक्षरा गायत्री गांयत्रप्रातःसवनम् प्रातःसवनमेव तेनाऽऽप्रोत्येकादश कृत्वौ द्वितीयमेकादशाक्षरा त्रिष्टुष्टैर्द्विभ्यर्धदिनम् (२०)

सर्वनम्भ्यर्धदिनमेव सर्वनं तेनाऽऽप्रोति द्वादश कृत्वस्तृतीयं द्वादशाक्षरा जगती जागतं तृतीयसवनतृतीयसवनमेव तेनाऽऽप्रोत्येता ह वाव स यज्ञस्य सःस्थितिमुवाचास्कन्दायास्कन्त्र हि तद्यद्यज्ञस्य सःस्थितस्य स्कन्दत्यथो खत्वाहुर्गायत्री वाव प्रातःसवनं नातिवाद इत्यनतिवादुक एनम्भ्रातव्यो भवति य एवं वेद तस्मादष्टावष्टौ (२१)

कृत्वोऽभिपुत्य ब्रह्मवादिनो वदन्ति पवित्रवन्तोऽन्ये ग्रहां गृह्यन्ते किमपित्र उपाशुशुरिति वाक्पवित्र इति ब्रूयात् वाचस्पतये पवस्व वाजिन्त्रित्याह वाचैवेनम्पवयति वृष्णो अशुभ्यामित्याहु वृष्णो ह्येतावःशु

यौ सोमस्य गर्भस्तिपूत इत्याह गर्भस्तिना ह्येनम्पवयति देवो देवानां पवित्रमसीत्याह देवो ह्येषः (२२)

सं देवानां पवित्रं येषां भागोऽसि तेभ्यस्त्वेत्याह येषां ह्येष भागस्तेभ्य एनं गृह्णाति स्वां कृतोऽसीत्याह प्राणमेव स्वमंकृत मधुमतीर्न इपस्कृधीत्याह सर्वमेवास्मां इदं स्वदयति विश्वेभ्यस्त्वेन्द्रियेभ्यो दिव्येभ्यः पार्थिवेभ्य इत्याहोभयैष्वेव देवमनुष्येषु प्राणान्धाति मनस्त्वा (२३)

अद्वित्याह मन एवाश्नुत उर्वन्तरिक्षमन्विहीत्याहान्तरिक्षदेवत्यो हि प्राणः स्वाहा त्वा सुभवं सूर्यायेत्याह प्राणा वै स्वभवंसो देवास्तेष्वेव परोक्षं जुहोति देवेभ्यस्त्वा मरीचिपेभ्य इत्याहादित्यस्य वै रश्मयो देवा मरीचिपास्तेषां तद्वाग्धेयन्तानेव तेन प्राणाति यदि कामयेत वरपुङ्कः पर्जन्यः (२४)

स्यादिति नीचा हस्तेन नि मृज्याद्वष्टिमेव नि यच्छति यदि कामयेतावरपुङ्कः स्यादित्युत्तानेन नि मृज्याद्वष्टिमेवोच्छति यद्यभिचरेदमुं जह्यथ त्वा होष्यामीति ब्रूयादाहुतिमेवेनम्रेप्सन् हन्ति यदि दूरे स्यादा तर्मितोस्तिष्ठेत्प्राणमेवास्यानुगत्य हन्ति यद्यभिचरेदमुष्यं (२५)

त्वा प्राणे सादयामीति सादयेदसंज्ञो वै प्राणः प्राणमेवास्यं सादयति षड्विंशं शुभिः पवयति पञ्च ऋतवं ऋतुभिरेवेनम्पवयति त्रिः पवयति त्रयं इमे लोका एभिरेवेनं लोकेः पवयति ब्रह्मवादिनां वदन्ति कस्मात्स्यत्यात्रयः पशूनां हस्तादाना इति यत्रिरूपांशुं हस्तेन विगृह्णाति तस्मात्त्रयः पशूनां हस्तादानाः पुरुषो हस्ती मुर्कटः॥ (२६)

मार्थ्यन्दिनमष्टावष्टावेष मनस्त्वा पर्जन्योऽमुष्य पुरुषो द्वे च॥ [५]

देवा वै यद्यज्ञेऽकुर्वत तदसुरा अकुर्वत ते देवा उपांशौ यज्ञं सृष्ट्याप्यमपश्यन्तमुपांशौ समंस्थापयन्तेऽसुरा वज्रमुद्यत्य देवानभ्यायन्त ते देवा विभ्यत इन्द्रमुपाधावन्तानिन्द्रोऽन्तर्यामिणान्तरधत्त तदन्तर्यामस्यान्तर्यामत्वम् यदन्तर्यामो गृह्यते भ्रातृव्यानेव तद्यजमानोऽन्तरधत्तेऽन्तस्ते (२७)

दधामि द्यावापृथिवी अन्तरुर्वन्तरिक्षमित्याहेभिरेव लोकैर्यजमानो भ्रातृव्यान्तर्धत्ते ते देवा अमन्यन्तेन्द्रो वा इदमभूद्यद्यस्म इति तैऽब्रुवन्मघवन्ननु न आ भजेति सजोषां देवैरवरैः परैश्चेत्यब्रवीद्ये चैव देवाः परे ये चावरैः तानुभयान् (२८)

अन्वाभजत्सजोषां देवैरवरैः परैश्चेत्याह ये चैव देवाः परे य चावरैः तानुभयान्वाभजत्यन्तर्यामि मघवन्मादयस्त्वेत्याह यज्ञादेव यजमानं नान्तरैत्युपयामगृहीतोऽसीत्याहापानस्य धृत्यै यदुभावंपवित्रौ गृह्येयातां प्राणमपानोऽनु नृच्छेत्प्रमायुङ्कः स्यात्पवित्रवानन्तर्यामो गृह्यते (२९)

प्राणापानयोर्विधृत्यै प्राणापानौ वा एतौ यदुपांश्वन्तर्यामौ व्यान उपांशुसर्वानो यं कामयेत प्रमायुङ्कः स्यादित्यसंस्पृष्टौ तस्य सादयेद्व्यानेनैवास्यं प्राणापानौ वि च्छिनन्ति ताजक्प्रमीयते यं कामयेत सर्वमायुरियादिति संस्पृष्टौ तस्य सादयेद्व्यानेनैवास्यं प्राणापानौ सं तनोति सर्वमायुरिति॥ (३०)

त उभयान्गृह्यते चतुश्चत्वारिंशच्च॥ [६]

वाग्वा एषा यदैन्द्रवायवो यदैन्द्रवायवाग्रा ग्रहा गृह्यन्ते वाचमेवानु प्र यन्ति वायुं देवा अब्रुवन्सोमं

राजानं हनामेति सौऽब्रवीद्वरं वृणै मदग्रा एव वो ग्रहां गृह्यान्ता इति तस्मादेन्द्रवायवाग्रा ग्रहां गृह्यन्ते तमग्रन्थोऽपूयत् तं देवा नोपाधृष्णवन्ते वायुमब्रुवन्निमं नः स्वदय (३१)

इति सौऽब्रवीद्वरं वृणै मदेवत्यान्येव वः पात्राण्युच्यान्ता इति तस्मान्नानादेवत्यानि सन्ति वायव्यान्युच्यन्ते तमेभ्यो वायुरेवास्वदयत्तस्माद्यत्पूर्यति तत्पवाते वि पंजन्ति वायुरहि तस्यं पवयिता स्वदयिता तस्यं विग्रहणं नाविन्दन्त्याऽर्दितिरब्रवीद्वरं वृणा अथ मया वि गृहीध्वम्मदेवत्या एव वः सोमाः (३२)

सन्ना असन्त्रित्युपयामगृहीतोऽसीत्याहादितिदेवत्यांस्तेन यानि हि दारुमयाणि पात्राण्यस्यै तानि योनेः सम्भूतानि यानि मृन्मयाणि साक्षात्तान्यस्यै तस्मादेवमाहु वाग्वै पराच्यव्याकृतावदत्ते देवा इन्द्रमब्रुवन्निमां नो वाचं व्याकुर्विति सौऽब्रवीद्वरं वृणै मह्यं चैवैष वायवै च सह गृह्याता इति तस्मादेन्द्रवायवः सह गृह्यते तामिन्द्रो मध्यतोऽवक्रम्य व्याकरोत्तस्मादियं व्याकृता वागृद्यते तस्मात्सकृदिन्द्राय मध्यतो गृह्यते द्विवायवे द्वौ हि स वराववृणीत॥ (३३)

स्वदय सोमाः सुहाष्टविंशतिश्च॥ [७]

मित्रं देवा अंब्रुवन्थोमं राजानं हनामेति सौऽब्रवीन्नाहं सर्वस्य वा अहमित्रमस्मीति तमब्रुवन् हनामैवेति सौऽब्रवीद्वरं वृणै पर्यसेव मे सोमं श्रीणत्रिति तस्मान्मैत्रावरुणम्ययंसा श्रीणन्ति तस्मात्पशवोऽपाक्रामन् मित्रः सन्कूरमकरिति कूरमिव खलु वा एषः (३४)

करोति यः सोमं यजते तस्मात्पशवोऽपं क्रामन्ति यन्मैत्रावरुणम्ययंसा श्रीणाति पशुभिरेव तन्मित्रं संमर्धयति पशुभिर्यजमानमुपरा खलु वावैषमित्रोऽवेदप मत्कूरं चक्रुषः पशवः कमिष्यन्तीति तस्मादेवमवृणीत वरुणं देवा अंब्रुवन्त्वयांशभुवा सोमं राजानं हनामेति सौऽब्रवीद्वरं वृणै मह्यं च (३५)

एवैष मित्राय च सह गृह्याता इति तस्मान्मैत्रावरुणः सह गृह्यते तस्माद्राज्ञा राजानमंशभुवां प्रन्ति वैश्येन वैश्यं शूद्रेण शूद्रन्न वा इदं दिवा न नक्तमासीदव्यावृत्तन्ते देवा मित्रावरुणावब्रुवन्निदं नो वि वांसयत्तमिति तावब्रूतां वरं वृणावहा एकं एवावत्पूर्वो ग्रहो ग्रहो गृह्याता इति तस्मादेन्द्रवायवः पूर्वा मैत्रावरुणाद्गृह्यते प्राणापानौ ह्येतौ यदुपांश्चन्तर्यामौ मित्रोऽहरजंनयद्वरुणो रात्रिन्ततो वा इदं व्यौच्छद्यन्मैत्रावरुणो गृह्यते व्युष्टौ॥ (३६)

एष चैन्द्रवायवो द्वाविंशतिश्च॥ [८]

यज्ञस्य शिरांऽच्छिद्यत् ते देवा अश्विनावब्रुवन्भिषजौ वै स्थं इदं यज्ञस्य शिरः प्रति धत्तमिति तावब्रूतां वरं वृणावहै ग्रहं एव नावत्रापि गृह्यतामिति ताभ्यामेतमाश्विनमगृह्णन्ततो वै तौ यज्ञस्य शिरः प्रत्यधत्ताम् यदाश्विनो गृह्यते यज्ञस्य निष्कृत्यै तौ देवा अंब्रुवन्नपूतो वा इमौ मनुष्यचरो (३७)

भिषजाविति तस्माद्वाहणेन भेषजं न कार्यमपूतो ह्ये ३ पौऽमेध्यो यो भिषक्तौ बहिष्पवमानेन पवयित्वा ताभ्यामेतमाश्विनमगृह्णन्तस्माद्बहिष्पवमाने स्तुत आश्विनो गृह्यते तस्मादेवं विदुषां बहिष्पवमान उपसद्यः पवित्रं वै बहिष्पवमान आत्मानमेव पवयते तयोश्चेधा भेषज्यं वि न्यदधुरग्नौ तृतीयमप्सु तृतीयम्राहणे तृतीयन्तस्मादुदपात्रम् (३८)

उपनिधाय ब्राह्मणं दक्षिणतो निषाद्यं भेषजं कुर्याद्यावदेव भेषजं तेन करोति समर्थकमस्य कृतम्भवति ब्रह्मवादिनो वदन्ति कस्मात्स्यत्यादेकपात्रा द्विदेवत्यां गृह्यन्ते द्विपात्रां हूयन्त इति यदेकपात्रा गृह्यन्ते तस्मादेकोऽन्तरतः प्राणो द्विपात्रां हूयन्ते तस्माद्द्वौ द्वौ बहिष्ठात्राणाः प्राणा वा एते यद्विदेवत्याः पशव इडा यदिडाम्पूर्वा द्विदेवत्येभ्य उपहूयंत (३९)

पशुभिः प्राणानन्तर्दधीत प्रमायुंकः स्याद्विदेवत्यांभक्षयित्वेडामुप हूयते प्राणानेवात्मन्धित्वा पशूनुप हूयते वाग्वा ऐन्द्रवायवश्चक्षुर्मैत्रावरुणः श्रोत्रमाश्विनः पुरस्ताद्विन्द्रवायवम्भक्षयति तस्मात्पुरस्ताद्वाचा वंदति पुरस्तान्मैत्रावरुणं तस्मात्पुरस्ताच्चक्षुषा पश्यति सर्वतः परिहारमाश्विनं तस्मात्सर्वतः श्रोत्रेण शृणोति प्राणा वा एते यद्विदेवत्याः (४०)

अरिक्तानि पात्राणि सादयति तस्मादरिक्ता अन्तरतः प्राणा यतः खलु वै यज्ञस्य वितंतस्य न क्रियते तदनु यज्ञं रक्षास्यैव चरन्ति यदरिक्तानि पात्राणि सादयति क्रियमाणमेव तद्यज्ञस्य शये रक्षंसामनन्ववचाराय दक्षिणस्य हविर्धानस्योत्तरस्यां वर्तन्यां सादयति वाच्यैव वाचं दधात्या तृतीयसवनात्परि शरे यज्ञस्य सन्तत्यै॥ (४१)

मनुष्यचरावुदपात्रमुपहूयंत द्विदेवत्याः षट्त्वारिंशच्च॥ [९]

बृहस्पतिर्देवानां पुरोहित आसीच्छण्डामर्कावसुराणां ब्रह्मण्वन्तो देवा आसुन्ब्रह्मण्वन्तोऽसुरास्ते ऽऽन्योन्यं नाशंक्नुवन्निर्भवितुन्ते देवाः शण्डामर्कावुषामन्नयन्त तावब्रूतां वरं वृणावहै ग्रहावैव नावत्रापि गृह्येतामिति ताभ्यामेतो शुक्रामन्थिनांवगृह्णन्ततो देवा अर्भवन्परासुरा यस्यैव विदुषः शुक्रामन्थिनौ गृह्येते भवत्यात्मना परा (४२)

अस्य भ्रातृव्यो भवति तौ देवा अपनुद्यात्मन् इन्द्रायाजुहवुरपनुतौ शण्डामर्को सहामुनेति ब्रूयाद्यं द्विष्याद्यमेव द्वेष्टि तेनैनौ सहापं नुदते स प्रथमः सङ्कृतिर्विश्वकर्मत्येवैनांवात्मन् इन्द्रायाजुहवुरिन्द्रो ह्येतानि रूपाणि करिकृदचरदसौ वा आदित्यः शुक्रश्चन्द्रमा मन्थ्यपिगृह्य प्राञ्चौ निः (४३)

क्रामतस्तस्मात्प्राञ्चौ यन्तौ न पश्यन्ति प्रत्यश्चावावृत्य जुहुतस्तस्मात्प्रत्यश्चौ यन्तौ पश्यन्ति चक्षुषी वा एते यज्ञस्य यच्छुक्रामन्थिनौ नासिकोत्तरवेदिर्भितः परिक्रम्य जुहुतस्तस्मादभितो नासिकां चक्षुषी तस्मात्त्रासिकया चक्षुषी विधृते सर्वतः परि क्रामतो रक्षंसामपहत्यै देवा वै याः प्राचीराहुतीरजुहवुर्ये पुरस्तादसुरा आसन्ताः स्ताभिः प्र (४४)

अनुदन्त याः प्रतीचीर्यै पश्चादसुरा आसन्ताः स्ताभिरपांनुदन्त प्राचीरन्या आहुतयो हूयन्ते प्रत्यश्चौ शुक्रामन्थिनौ पश्चाच्चैव पुरस्ताच्च यजमानो भ्रातृव्यान्प्र णुदते तस्मात्परांचीः प्रजाः प्र वीयन्ते प्रतीचीर्जायन्ते शुक्रामन्थिनौ वा अनु प्रजाः प्र जायन्तेऽत्रीश्चाद्यांश्व सुवीराः प्रजाः प्रजूनयन्परीहि शुक्रः शुक्रशोचिषा (४५)

सुप्रजाः प्रजाः प्रजूनयन्परीहि मन्थी मन्थिशोचिपेत्याहुता वै सुवीरा या अत्रीरेताः सुप्रजा या आद्यां य एवं वेदाभ्यस्य प्रजा जायते नाद्यां प्रजापतेरक्ष्यंश्चयत्तत्परापतत्तद्विकङ्कतम्प्राविशत्तद्विकङ्कते नारमत तद्यवम्प्राविशत् तद्यवैरमत तद्यवस्य (४६)

यत्वं यद्वैकङ्कतम्मथिपात्रम्भवति सक्तुभिः श्रीणाति प्रजापतिरेव तच्चक्षुः सम्भरति ब्रह्मवादिनो वदन्ति कस्मात्सत्यान्मथिपात्रं सदो नाश्रुत इत्यातपात्रं हीति ब्रूयाद्यदश्रुवीतान्धोऽध्वर्युः स्यादार्तिमाच्छुत्तस्मात्ताश्रुते॥ (४७)

आत्मना परा निष्प शुकशोचिपा यवस्य सप्तत्रिंशच्च॥ [१०]

देवा वै यद्यज्ञेऽकुर्वन्त तदसुरा अकुर्वन्त ते देवा आग्रयणाग्रान्ग्रहानपश्यन्तानगृह्णन्त ततो वै ते-
ऽग्रं पर्यायन् यस्यैवं विदुषं आग्रयणाग्रा ग्रहां गृह्यन्तेऽग्रमेव समानानां पर्येति रुग्णवत्यर्चा भ्रातृव्यवतो
गृह्णीयाद्भ्रातृव्यस्यैव रुक्ताग्रं समानानां पर्येति ये देवा दिव्येकादश स्थेत्याह (४८)

एतावतीर्वै देवतास्ताभ्यं एवैनं सर्वाभ्यो गृह्णात्येष ते योनिर्विश्वेभ्यस्त्वा देवेभ्य इत्याह वैश्वदेवो
ह्येष देवतया वाग्वै देवेभ्योऽर्पाकामद्यज्ञायातिष्ठमाना ते देवा वाच्यपक्रान्तायां तूर्णीं ग्रहानगृह्णन्त साऽमन्यत
वागन्तर्यन्ति वै मेति साग्रयणमप्रत्यागच्छन्तदाग्रयणस्याग्रयणत्वम् (४९)

तस्मादाग्रयणे वाग्वि सृज्यते यत्तूष्णीम्पूर्वे ग्रहां गृह्यन्ते यथा श्मारीयति म आखु इयति नापं
राधस्यामीत्युपावसृजत्येवमेव तदध्वर्युराग्रयणं गृहीत्वा यज्ञमारभ्य वाचं वि सृजते त्रिर्हि करोत्युद्गातृत्वेव
तद्वृणीते प्रजापतिर्वा एष यदाग्रयणो यदाग्रयणं गृहीत्वा हिं करोति प्रजापतिरेव (५०)

तत्प्रजा अभि जिघ्रति तस्माद्वृथं जातं गौरभि जिघ्रत्यात्मा वा एष यज्ञस्य यदाग्रयणः सर्वनेसवने-
ऽभि गृह्णात्यात्मन्नेव यज्ञं सं तनोत्युपरिष्टाद नयति रेतं एव तदधात्यधस्तादुपं गृह्णाति प्र जनयत्येव
तद्ब्रह्मवादिनो वदन्ति कस्मात्सत्याद्वायत्री कनिष्ठा छन्दसा सती सर्वाणि सर्वानि वहतीत्येष वै गांयत्रियै
वृथ्सो यदाग्रयणस्तमेव तदभिनिवर्तं सर्वाणि सर्वानि वहति तस्माद्वृथ्समपाकृतं गौरभि नि वर्तते॥ (५१)

आहाग्रयणत्वं प्रजापतिरेवेति विंशतिश्च॥ [११]

इन्द्रो वृत्राययुर्वै यजेनं सुवर्गायेन्द्रो मरुद्भिरदितिरन्तर्यामपात्रेण प्राण उपोऽशुपात्रेणेन्द्रो वृत्रमहन्तस्य
ग्रहान् वै प्रान्यान्येकादश॥ [१२] इन्द्रो वृत्राय पुनरुक्तुनाह मिथुनम्पशवो नेष्टः
पर्वामुपाऽश्वन्तर्यामयोद्विचत्वारिंशत्॥ 42॥ इन्द्रो वृत्राय पाङ्कत्वम्॥

॥पञ्चमः प्रश्नः॥

॥तैत्तिरीयसंहितायां षष्ठमकाण्डे पञ्चमः प्रश्नः॥

इन्द्रो वृत्राय वज्रमुदयच्छुत्स वृत्रो वज्रादुद्यतादबिभेत्सोऽब्रवीन्मा मे प्र हारस्ति वा इदम्मयि वीर्यं
तत्ते प्र दास्यामीति तस्मा उक्थ्यम्प्रायच्छुत्समै द्वितीयमुदयच्छुत्सोऽब्रवीन्मा मे प्र हारस्ति वा इदं मयि
वीर्यं तत्ते प्र दास्यामीति (१)

तस्मा उक्थ्यमेव प्रायच्छुतस्मै तृतीयमुदयच्छुतं विष्णुरन्वतिष्ठत जहीति सौऽब्रवीन्मा मे प्र हारस्ति वा इदममयि वीर्यं तत्ते प्र दास्यामीति तस्मा उक्थ्यमेव प्रायच्छुतं निर्मायम्भूतमहन् यज्ञो हि तस्य मायासीद्यदुक्थ्यो गृह्यत इन्द्रियमेव (२)

तद्वीर्यं यजमानो भ्रातृव्यस्य वृङ्क्ते इन्द्राय त्वा बृहद्वंते वयंस्वत इत्याहेन्द्राय हि स तम्प्रायच्छुतस्मै त्वा विष्णवे त्वेत्याह यदेव विष्णुरन्वतिष्ठत जहीति तस्माद्विष्णुमन्वाभजति त्रिर्निर्गृह्णाति त्रिर्हि स तं तस्मै प्रायच्छदेष ते योनिः पुनर्हविरसीत्याह पुनःपुनः (३)

हंस्मान्निर्गृह्णाति चक्षुर्वा एतद्यज्ञस्य यदुक्थ्यस्तस्मादुक्थ्यं हुतं सोमा अन्वायन्ति तस्मादात्मा चक्षुरन्वेति तस्मादेकं यन्तम्बृहवोऽनु यन्ति तस्मादेको बहूनाम्ब्रो भवति तस्मादेको बह्वीर्जाया विन्दते यदि कामयैताध्वर्यात्मानं यज्ञयशसेनापयेयमित्यन्तराहवनीयं च हविर्धानं च तिष्ठन्नव नयेत् (४)

आत्मानमेव यज्ञयशसेनापयति यदि कामयैत यजमानं यज्ञयशसेनापयेयमित्यन्तरा संदोहविधाने तिष्ठन्नव नयेद्यजमानमेव यज्ञयशसेनापयति यदि कामयैत सदस्यान् यज्ञयशसेनापयेयमिति सद आलभ्याव नयेत्सदस्यानेव यज्ञयशसेनापयति॥ (५)

इतीन्द्रियमेव पुनःपुनर्येन्नयन्निश्चयः॥ [१]

आयुर्वा एतद्यज्ञस्य यद्धव उक्तमो ग्रहाणां गृह्यते तस्मादायुः प्राणानामुत्तमम्भूर्धानं दिवो अरति पृथिव्या इत्याह मूर्धानमेवैनं समानानां करोति वैश्वानरमृताय जातमग्निमित्याह वैश्वानरं हि देवतयायुर्भूयतोवैश्वानरो गृह्यते तस्मादुभयतः प्राणा अधस्ताच्चोपरिष्टाच्चारिणोऽन्ये ग्रहा गृह्यन्तेऽर्धो ध्रुवस्तस्मात् (६)

अर्धवाङ्मार्गोऽन्येषां प्राणानामुपोऽन्ये ग्रहाः साद्यन्तेऽनुपोसे ध्रुवस्तस्मादस्त्रान्याः प्रजाः प्रतितिष्ठन्ति मासेनान्या असुरा वा उत्तरतः पृथिवीम्यर्वाचिकीरपन्तां देवा ध्रुवेणादहन्तद्ध्रुवस्य ध्रुवत्वं यद्धव उत्तरतः साद्यते धृत्या आयुर्वा एतद्यज्ञस्य यद्धव आत्मा होता यद्वीतृचमसे ध्रुवमवर्णयत्यात्मन्नेव यज्ञस्य (७)

आयुर्दधाति पुरस्तादुक्थस्यावनीय इत्याहः पुरस्ताद्वायुपो भुङ्क्ते मध्यतोऽवनीय इत्याहुर्मध्यमेन ह्यायुपो भुङ्क्ते उत्तरार्धेऽवनीय इत्याहुरुत्तमेन ह्यायुपो भुङ्क्ते वैश्वदेव्यामृचि शस्यमानायामव नयति वैश्वदेव्यो वै प्रजाः प्रजास्वेवायुर्दधाति॥ (८)

ध्रुवस्तस्मादेव यज्ञस्यैकान्नचत्वारिंशच्च॥ [२]

यज्ञेन वै देवाः सुवर्गं लोकमायन्तं समन्यन्त मनुष्या नोऽन्वाभविष्यन्तीति ते संवत्सरं योपयित्वा सुवर्गं लोकमायन्तमप्यं ऋतुग्रहेरेवानु प्राजाननयदंतुग्रहा गृह्यन्ते सुवर्गस्य लोकस्य प्रज्ञात्यै द्वादश गृह्यन्ते द्वादश मासाः संवत्सरः संवत्सरस्य प्रज्ञात्यै सह प्रथमो गृह्यते सहोत्तमो तस्माद्वोद्वावृत उभयतोमुखमतुपात्रम्भवति कः (९)

हि तद्वेद यतं ऋतूनाम्मुखमतुना प्रेष्येति पट्टत्वं आह पञ्चा ऋतवं ऋतूनेव प्रीणात्युतुभिरिति चतुश्चतुष्पद एव पशून्प्रीणाति द्विः पुनरं ऋतूनाह द्विपद एव प्रीणात्युतुना प्रेष्येति पट्टत्वं आह तृभिरिति

चतुस्तस्माच्चतुष्पादः पशवं ऋतुनृपं जीवन्ति द्विः (१०)

पुनर्ऋतुनाह तस्माद्विपादश्चतुष्पदः पशून्पुं जीवन्त्यृतुना प्रेष्येति षट्त्वं आहर्तुभिरिति चतुर्द्विः पुनर्ऋतुनाहाक्रमणमेव तथ्येतुं यजमानः कुरुते सुवर्गस्य लोकस्य समष्टौ नान्योन्यमनु प्र पंचेत यदन्योन्यमनु प्रपंचेततुर्ऋतुमनु प्र पंचेततवो मोहकाः स्युः (११)

प्रसिद्धमेवाध्वर्युर्दक्षिणेन प्र पंचते प्रसिद्धं प्रतिप्रस्थातोत्तरेण तस्मादादित्यः षण्मासो दक्षिणेनैति षडुत्तरेणोपयामगृहीतोऽसि सः सप्तोऽस्य हस्पत्याय त्वेत्याहास्ति त्रयोदशो मास इत्याहुस्तमेव तत्प्रीणाति॥ (१२)

को जीवन्ति द्विः स्युश्चतुस्त्रिंशच्च॥ [३]

सुवर्गाय वा एते लोकाय गृह्यन्ते यदंतुग्रहा ज्योतिरिन्द्राग्नी यदैन्द्राग्नमृतुपात्रेण गृह्णाति ज्योतिरेवास्मा उपरिष्ठादधाति सुवर्गस्य लोकस्यानुरध्यात्या ओजोभूतौ वा एतौ देवानां यदिन्द्राग्नी यदैन्द्राग्नौ गृह्यत ओज एवावं रुन्दे वैश्वदेवः शुक्रपात्रेण गृह्णाति वैश्वदेव्यो वै प्रजा असावादित्यः शुक्रो यद्वैश्वदेवः शुक्रपात्रेण गृह्णाति तस्मादसावादित्यः (१३)

सर्वाः प्रजाः प्रत्यङ्मुदन्ति तस्मात्सर्व एव मन्यते माम्प्रत्युदंगादिति वैश्वदेवः शुक्रपात्रेण गृह्णाति वैश्वदेव्यो वै प्रजास्तेजः शुक्रो यद्वैश्वदेवः शुक्रपात्रेण गृह्णाति प्रजास्वेव तेजो दधाति॥ (१४)

तस्मादसावादित्यस्त्रिंशच्च॥ [४]

इन्द्रो मरुद्विः साविद्येन माध्यन्दिने सवने वृत्रमहन् यन्माध्यन्दिने सवने मरुत्वतीयां गृह्यन्ते वारुणा एव ते यजमानस्य गृह्यन्ते तस्य वृत्रं जघ्रुषं ऋतवोऽमुह्यन्त्यस ऋतुपात्रेण मरुत्वतीयानगृह्णाततो वै स ऋतुन्प्राजानाद्यदंतुपात्रेण मरुत्वतीयां गृह्यन्त ऋतुनाम्प्रज्ञात्यै वज्रं वा एतं यजमानो भ्रातृव्याय प्र हरति यन्मरुत्वतीया उदेव प्रथमेन (१५)

यच्छ्रुति प्र हरति द्वितीयेन स्तृणुते तृतीयेनायुधं वा एतद्यजमानः सः स्फुरते यन्मरुत्वतीया धनुरेव प्रथमो ज्या द्वितीय इपुस्तृतीयः प्रत्येव प्रथमेन धत्ते वि सृजति द्वितीयेन विध्यति तृतीयेनेन्द्रो वृत्रं हत्वा परा परावतमगच्छदपाराधमिति मन्यमानः स हरितोऽभवत्स एतान्मरुत्वतीयानात्मस्पर्णानपश्यतानगृह्णाति (१६)

प्राणमेव प्रथमेनास्पृणुतापानं द्वितीयेनात्मानं तृतीयेनात्मस्पर्णं वा एते यजमानस्य गृह्यन्ते यन्मरुत्वतीयाः प्राणमेव प्रथमेन स्पृणुतेऽपानं द्वितीयेनात्मानं तृतीयेनेन्द्रो वृत्रमहन्त देवा अंब्रवन्महान् वा अयमंब्रूयो वृत्रमवधीदिति तन्महेन्द्रस्य महेन्द्रत्वः स एतन्महेन्द्रमुद्धारमुदहरत वृत्रं हत्वान्यासु देवतास्वधि यन्महेन्द्रो गृह्यत उद्धारमेव तं यजमान उद्धरतेऽन्यासु प्रजास्वधि शुक्रपात्रेण गृह्णाति यजमानदेव्यो वै माहेन्द्रस्तेजः शुक्रो यन्माहेन्द्रः शुक्रपात्रेण गृह्णाति यजमान एव तेजो दधाति॥ (१७)

प्रथमेनागृह्णात देवतास्वष्टाविंशतिश्च॥ [५]

अदितिः पुत्रकामा साध्येभ्यो देवेभ्यो ब्रह्मोदनमपचत्स्यां उच्छेषणमददुस्तत्प्राश्नात्सा रेतोऽधत् तस्यै

चत्वारं आदित्या अंजायन्त सा द्वितीयमपचत्सामन्यतोच्छेपणांम् इमैऽज्ञत यदग्रं प्राशिष्यामीतो मे वसीयांसो जनिष्यन्त इति साग्रे प्राश्रत्सा रेतोऽधत् तस्यै व्युद्धमाण्डमंजायत् सादित्येभ्य एव (१८)

तृतीयमपचद्भोगाय म इदं श्रान्तमस्त्विति तैऽब्रुवन्वरं वृणामहे योऽतो जायाता अस्माकं स एकोऽसृद्योऽस्य प्रजायामृध्याता अस्माकम्भोगाय भवादिति ततो विवस्वानादित्योऽजायत तस्य वा इयं प्रजा यन्मनुष्यास्तास्वैकं एवर्द्धो यो यजते स देवानाम्भोगाय भवति देवा वै यज्ञात् (१९)

रुद्रमन्तरायन्त्स आदित्यान्वाक्रमत् ते द्विदेवत्यान्प्रापद्यन्त तान् प्रति प्रायच्छन्तस्मादपि वध्यम्प्रपन्नं न प्रति प्र यच्छन्ति तस्माद्विदेवत्येभ्य आदित्यो निर्गृह्यते यदुच्छेपणादजायन्त तस्मादुच्छेपणाद्गृह्यते तिसृभिर्ऋग्भिर्गृह्णाति माता पिता पुत्रस्तदेव तन्मिथुनमुल्बं गर्भो जरायु तदेव तत् (२०)

मिथुनम्पशवो वा एते यदादित्य ऊर्गर्धं दध्ना मध्यतः श्रीणात्यूर्जमेव पशूनाममध्यतो दधाति श्रुतातृक्त्रेण मेधुत्वाय तस्मादामा पक्वं दुहे पशवो वा एते यदादित्यः परिश्रित्यं गृह्णाति प्रतिरुध्येवासमै पशून्गृह्णाति पशवो वा एते यदादित्य एष रुद्रो यदग्निः परिश्रित्यं गृह्णाति रुद्रादेव पशून्तर्दधाति (२१)

एष वै विवस्वानादित्यो यदुपांसुसर्वनः स एतमेव सोमपीथं परि शय आ तृतीयसर्वनाद्विवस्व आदित्येष तै सोमपीथ इत्याहु विवस्वन्तमेवाऽऽदित्यं सोमपीथेन समर्धयति या दिव्या वृष्टिस्तया त्वा श्रीणामीति वृष्टिकामस्य श्रीणीयाद्वृष्टिमेवाव रुन्धे यदि ताजकप्रस्कन्देद्वरपंकः पर्जन्यः स्याद्यदि चिरमवंपुको न सांदयत्यसन्नाद्धि प्रजाः प्रजायन्ते नानु वषट्करोति यदनुवषट्कुर्याद्बुधं प्रजा अन्ववसृजेज्ज हत्वान्वीक्षेत यदन्वीक्षेत चक्षुरस्य प्रमार्युकं स्यात्तस्मान्नान्वीक्ष्यः॥ (२२)

एव यज्ञाञ्जरायु तदेव तदन्तर्दधाति न सप्तविंशतिश्च॥ [६]

अन्तर्यामपात्रेण सावित्रमग्रयणाद्गृह्णाति प्रजापतिर्वा एष यदाग्रयणः प्रजानां प्रजननाय न सांदयत्यसन्नाद्धि प्रजाः प्रजायन्ते नानु वषट्करोति यदनुवषट्कुर्याद्बुधं प्रजा अन्ववसृजेदेष वै गांयत्रो देवानां यथ्संवितेष गांयत्रियै लोके गृह्यते यदाग्रयणो यदन्तर्यामपात्रेण सावित्रमग्रयणाद्गृह्णाति स्वादेवेन योनेर्निर्गृह्णाति विश्वं (२३)

देवास्तृतीयं सर्वं नोदयच्छन्ते सवितारम्प्रातःसर्वनागं सन्त तृतीयसर्वनमभि पर्यणयन्ततो वै ते तृतीयं सर्वं नमुदयच्छन्त्यतृतीयसर्वने सावित्रो गृह्यते तृतीयस्य सर्वनस्योद्यत्यै सवितृपात्रेण वैश्वदेवं कलशाद्गृह्णाति वैश्वदेव्यो वै प्रजा वैश्वदेवः कलशः सविता प्रसवानामीशे यथ्संवितृपात्रेण वैश्वदेवं कलशाद्गृह्णाति सवितृप्रसूत एवासमै प्रजाः प्र (२४)

ज्जयति सोमे सोममभि गृह्णाति रेतं एव तर्दधाति सुशर्मासि सुप्रतिष्ठान इत्याहु सोमे हि सोममभिगृह्णाति प्रतिष्ठित्या एतस्मिन्वा अपि ग्रहं मनुष्येभ्यो देवेभ्यः पितृभ्यः क्रियते सुशर्मासि सुप्रतिष्ठान इत्याहु मनुष्येभ्य एवैतेन करोति बृहदित्याहु देवेभ्य एवैतेन करोति नम इत्याहु पितृभ्य एवैतेन करोत्येतावतीर्वै देवतास्ताभ्य एवैनं सर्वाभ्यो गृह्णात्येष ते योनिर्विश्वेभ्यस्त्वा देवेभ्य इत्याहु वैश्वदेवो ह्येषः (२५)

विश्वे प्र पितृभ्य एवैतेन करोत्येकान्रविंशतिश्च॥ [७]

प्राणो वा एष यदुपांशुर्यदुपांशुपात्रेण प्रथमश्चोत्तमश्च ग्रहौ गृह्येते प्राणमेवानु प्रयन्ति प्राणमनुद्यन्ति प्रजापतिर्वा एष यदग्रयणः प्राण उपांशुः पत्नीः प्रजाः प्र जंनयन्ति यदुपांशुपात्रेण पत्नीवतमाग्रयणाद्गृह्णाति प्रजानां प्रजननाय तस्मात्प्राणं प्रजा अनु प्र जायन्ते देवा वा इतद्वतः पत्नीः सुवर्गम् (२६)

लोकमजिगांसते सुवर्गं लोकं न प्राजानन्त एतम्पत्नीवतमपश्यन्तमगृह्णत ततो वै ते सुवर्गं लोकम्प्राजानन् यत्पत्नीवतो गृह्यते सुवर्गस्य लोकस्य प्रजात्यै स सोमो नातिष्ठत स्त्रीभ्यो गृह्यमाणस्तं घृतं वज्रं कृत्वाघ्नन्ति निरिन्द्रियम्भूतमगृह्णन्तस्माच्छ्रियो निरिन्द्रिया अदायादीरपि पापात्युंस उपस्तितरम् (२७)

वदन्ति यद्धृतेन पत्नीवतः श्रीणाति वज्रैर्गैवैनं वशं कृत्वा गृह्णात्युपयामगृहीतोऽसीत्याहुयं वा उपयामस्तस्मादिमां प्रजा अनु प्र जायन्ते बृहस्पतिसुतस्य त इत्याहु ब्रह्म वै देवानाम्बृहस्पतिर्ब्रह्मणैवास्यै प्रजाः प्र जंनयतीन्दो इत्याहु रेतो वा इन्दु रेतं एव तदधातीन्द्रियाव इति (२८)

आहु प्रजा वा इन्द्रियं प्रजा एवास्यै प्र जंनयत्यग्ना(३) इत्याहाग्निर्वै रेतोधाः पत्नीव इत्याहु मिथुनत्वाय सजुदेवेन त्वष्टा सोमंमिबेत्याहु त्वष्टा वै पशूनामिमिथुनानां रूपकद्रूपमेव पशुषु दधाति देवा वै त्वष्टारमजिगांसन्त्स पत्नीः प्रापद्यत तं न प्रति प्रायच्छन्तस्मादपि (२९)

वध्यम्पन्नं न प्रति प्र यच्छन्ति तस्मात्पत्नीवतो त्वष्ट्रेऽपि गृह्यते न सांदयत्यसन्नाद्धि प्रजाः प्रजायन्ते नानु वषट्करोति यदनुवषट्कुर्याद्रुद्रं प्रजा अन्ववसृजेद्यत्रानुवषट्कुर्यादशान्तमग्नीश्वोमम्भक्षयेदुपांश्वनु वषट्करोति न रुद्रं प्रजा अन्ववसृजति शान्तमग्नीश्वोमम्भक्षयत्यग्नीत्रेष्टुंरुपस्थमा सीद (३०)

नेष्टः पत्नीमुदानयेत्याहाग्नीदेव नेष्टरि रेतो दधाति नेष्टा पत्नियामुद्गात्रा सं ख्यापयति प्रजापतिर्वा एष यदुद्गाता प्रजानां प्रजननायाप उप प्र वर्तयति रेतं एव तस्मिंश्चत्यूरुणोप प्र वर्तयत्यूरुणा हि रेतः सिच्यते नश्रंक्रुत्योरुमुप प्र वर्तयति यदा हि नश्र ऊरुर्भवत्यथ मिथुनी भवतोऽथ रेतः सिच्यतेऽथ प्रजाः प्र जायन्ते॥ (३१)

पत्नीः सुवर्गमुपस्तितरमिन्द्रियाव इत्यपि सीद मिथुन्यष्टौ च॥ [८]

इन्द्रो वृत्रमहन्तस्य शीर्षकपालमुदौञ्जत्स द्रोणकलशोऽभवत्तस्मात्सोमः समस्रवत्स हारियोज्जोऽभवत् व्यंकिक्त्सञ्जुह्वानी(३) मा होषा(३) मिति सोऽमन्यत यद्धोष्याम्यामं होष्यामि यत्र होष्यामि यज्ञवेशं कंरिष्यामीति तमधियत होतुः सोऽग्निर्ब्रवीन्न मय्यामं होष्यसीति तं धानाभिरश्रीणात् (३२)

तं शृतम्भूतमजुहोद्यद्वानाभिरहारियोज्जं श्रीणाति शृतत्वाय शृतमेवैनम्भूतं जुहोति बृह्दीभिः श्रीणात्येतावतीरेवास्यामुष्मिन्नौके कामदुघां भवन्त्यथो खल्वाहुरेता वा इन्द्रस्य पृथ्व्यः कामदुघा यद्धारियोज्जनीरिति तस्माद्बृह्दीभिः श्रीणीयादृक्स्वामे वा इन्द्रस्य हरीं सोमपानौ तयोः परिधयं आधानं यदप्रहृत्य परिधीञ्जुह्यादन्तराधानाभ्याम् (३३)

घासम्प्र यच्छेत्प्रहृत्यं परिधीञ्जुहोति निराधानाभ्यामेव घासम्प्र यच्छत्युत्रेता जुहोति यातयामेव ह्यंतरह्यध्वर्युः स्वगाकृतो यदध्वर्युर्जुह्याद्यथा विमुक्तम्पुनर्युनक्ति तादृगेव तच्छीर्षत्रधिनिधाय जुहोति शीर्षतो हि स समर्भवद्विक्रम्य जुहोति विक्रम्य हीन्द्रो वृत्रमहन्त्समृद्धौ पशवो वै हारियोज्जनीयत्संमिन्ध्यादल्पाः (३४)

एनुम्पशवो भुञ्जन्त उपं तिष्ठेरन्यत्र संमिन्धाद्बृहवं एनम्पशवोऽभुञ्जन्त उपं तिष्ठेरन्मनसा सम्बाधत उभयं करोति बृहवं एवैनम्पशवो भुञ्जन्त उपं तिष्ठन्त उन्नेतर्युपहवमिच्छन्ते य एव तत्र सोमपीथस्तेम्बावं रुन्धत उत्तरवेद्यां नि वंपति पशवो वा उत्तरवेदिः पशवो हारियोजनीः पशुष्वेव पशून्प्रतिष्ठापयन्ति॥ (३५)

अश्रीणादन्तराधानाभ्यामल्पाः स्थापयन्ति॥ [९]

ग्रहान् वा अनु प्रजाः पशवः प्र जायन्त उपाश्वन्तर्यामावजावयः शुक्रामन्थिनौ पुरुषा ऋतुग्रहानेकशफा आदित्यग्रहं गावं आदित्यग्रहो भूयिष्ठाभिरऋग्भिर्गृह्यते तस्माद्वावः पशूनाम्भूयिष्ठा यत्रिरुपाश्वः हस्तेन विगृह्णाति तस्माद्द्वौ त्रीन्जा जनयत्यथावयो भूयसीः पिता वा एष यदाग्रयणः पुत्रः कलशो यदाग्रयण उपदस्यैकलशाद्गृह्णीयाद्यथा पिता (३६)

पुत्रं क्षित उपधावति तादृगेव तद्यत्कलश उपदस्येदाग्रयणाद्गृह्णीयाद्यथा पुत्रः पितरं क्षित उपधावति तादृगेव तदात्मा वा एष यज्ञस्य यदाग्रयणो यद्ब्रह्म वा कलशो वोपदस्येदाग्रयणाद्गृह्णीयादात्मन एवाधि यज्ञं निष्करोत्यविज्ञातो वा एष गृह्यते यदाग्रयणः स्थाल्या गृह्णाति वायव्येन जुहोति तस्मात् (३७)

गर्भेणाविज्ञातेन ब्रह्महावभृथमव यन्ति परां स्थालीरस्यन्त्युद्वायव्यानि हरन्ति तस्माच्छ्रियं जातां परास्यन्त्युत्तुमासः हरन्ति यत्पुरुषरुचमाह यथा वस्यस आहरति तादृगेव तद्यद्ब्रह्म गृह्णाति यथा वस्यस आहृत्य ग्राहं तादृगेव तद्यश्मादयति यथा वस्यस उपनिधायपक्रामति तादृगेव तद्यद्वे यज्ञस्य साम्ना यजुषा क्रियते शिथिलं तद्यद्वा तद्दृढम्पुरस्तादुपयामा यजुषा गृह्यन्त उपरिष्टादुपयामा ऋचा यज्ञस्य धृत्यै॥ (३८)

यथा पिता तस्मादपक्रामति तादृगेव तद्यदष्टादश च॥ [१०]

प्रान्यानि पात्राणि युज्यन्ते नान्यानि यानि पराचीनानि प्रयुज्यन्तेऽमुमेव तैर्लोकमभि जयति पराडिव ह्यसौ लोको यानि पुनः प्रयुज्यन्त इममेव तैर्लोकमभि जयति पुनःपुनरिव ह्ययं लोकः प्रान्यानि पात्राणि युज्यन्ते नान्यानि यानि पराचीनानि प्रयुज्यन्ते तान्यन्वोषधयः परा भवन्ति यानि पुनः (३९)

प्रयुज्यन्ते तान्यन्वोषधयः पुनरा भवन्ति प्रान्यानि पात्राणि युज्यन्ते नान्यानि यानि पराचीनानि प्रयुज्यन्ते तान्यन्वारण्याः पशवोऽरण्यमपं यन्ति यानि पुनः प्रयुज्यन्ते तान्यनु ग्राम्याः पशवो ग्राममुपावयन्ति यो वै ग्रहाणां निदानं वेदं निदानवान्भवत्याज्यमित्युक्थं तद्वै ग्रहाणां निदानं यदुपाश्व शंसति तत् (४०)

उपाश्वन्तर्यामयोर्दुष्यैस्तदितरेषां ग्रहाणामेतद्वै ग्रहाणां निदानं य एवं वेदं निदानवान्भवति यो वै ग्रहाणाम्मिथुनं वेदं प्र प्रजया पशुभिर्मिथुनैर्जायते स्थालीभिरन्ये ग्रहा गृह्यन्त वायव्येन्य एतद्वै ग्रहाणाम्मिथुनं य एवं वेदं प्र प्रजया पशुभिर्मिथुनैर्जायत इन्द्रस्त्वष्टुः सोममभीषहापिवथ्स विष्वङ् (४१)

व्याच्छ्रुत्वा आत्मन्नारमणं नाविन्दत्स एताननुसवन्मपुरोडाशानपश्यतां निरवपत्तैर्वै स आत्मन्नारमणमकुरुत तस्मादनुसवन्मपुरोडाशा निरुप्यन्ते तस्मादनुसवन्मपुरोडाशानाम्प्राश्नीयादात्मन्नेवारमणं कुरुते नैनः सोमोऽति पवते ब्रह्मवादिनो वदन्ति नर्चा न यजुषा पङ्क्तिरप्युतेऽथ किं यज्ञस्य पाङ्कत्वमिति धानाः करम्भः परिव्रापः

पुरोडाशः पयस्यां तेनं पङ्क्तिराप्यते तद्यज्ञस्य पाङ्कत्वम्॥ (४२)

भवन्ति यानि पुनः शंसति तद्विष्वङ्कितुर्दश च॥ [११]

सुवर्गाय यद्वाक्षिणानि समिष्टयजूष्यवभृथयजूषि स्थेनं प्रजापतिरेकादशिनीमिन्द्रः पत्न्या घन्ति देवा वा इन्द्रियं देवा वा अदाभ्ये देवा वै प्रबाहुंक्प्रजापतिर्देवेभ्यः स रिश्चानृषोऽशधेकादश॥ [१२] सुवर्गाय यजति प्रजाः सौम्येनं गृह्णीयात्प्रत्यञ्चं गृह्णीयात्प्रजां पशून्निचत्वारिंशत्॥ 4.3॥ सुवर्गाय वज्रस्य रूपं समृद्धौ॥

॥षष्ठमः प्रश्नः॥

॥तैत्तिरीयसंहितायां षष्ठमकाण्डे षष्ठमः प्रश्नः॥

सुवर्गाय वा एतानि लोकाय हूयन्ते यद्वाक्षिणानि द्वाभ्यां गार्हपत्ये जुहोति द्विपाद्यजमानः प्रतिष्ठित्या आग्नीध्रे जुहोत्यन्तरिक्ष एवा क्रमते सदोऽथैति सुवर्गमेवेनं लोकं गमयति सौराभ्यामृग्यां गार्हपत्ये जुहोत्यमुमेवेनं लोकं समारोहयति नयंवत्यर्चाग्नीध्रे जुहोति सुवर्गस्य लोकस्याभिनीत्यै दिवं गच्छ सुवः पतेति हिरण्यम् (?)

हुत्वोद्गृह्णाति सुवर्गमेवेनं लोकङ्गमयति रूपेण वो रूपमभ्यैमीत्याह रूपेण ह्यासां रूपमभ्यैति यद्धिरण्येन तुथो वो विश्ववेदा वि भंजत्वित्याह तुथो हं स्म वै विश्ववेदा देवानां दक्षिणा वि भंजति तेनैवेना वि भंजत्येतत् अग्रे राधः (२)

ऐति सोमच्युतमित्याह सोमच्युतः ह्यस्य राध ऐति तन्मित्रस्य पथा नयेत्याह शान्त्या ऋतस्य पथा प्रेतं चन्द्रदक्षिणा इत्याह सत्यं वा ऋतं सत्येनैवेनां ऋतेन वि भंजति यज्ञस्य पथा सुविता नयन्तीरित्याह यज्ञस्य ह्येताः पथा यन्ति यदक्षिणा ब्राह्मणमद्य राध्यासम् (३)

ऋषिमारुषेयमित्याहेष वै ब्राह्मण ऋषिरारुषेयो यः शुश्रुवान्तस्मादेवमाह वि सुवः पश्य व्यन्तरिक्षमित्याह सुवर्गमेवेनं लोकं गमयति यतस्व सदस्यैरित्याह मित्रत्वायास्मद्वात्रा देवत्रा गच्छत मधुमतीः प्र दातारमा विशतेत्याह व्यमिह प्रदातारः स्मोऽस्मान्मुत्र मधुमतीरा विशतेति (४)

वावेतदाह हिरण्यं ददाति ज्योतिर्वै हिरण्यं ज्योतिरेव पुरस्ताद्धते सुवर्गस्य लोकस्यानुग्यात्या अग्नीध्रे ददात्यग्निमुखानेवर्त्तणीणाति ब्रह्मणे ददाति प्रसूत्यै होत्रे ददात्यात्मा वा एष यज्ञस्य यद्धोतात्मानमेव यज्ञस्य दक्षिणाभिः समर्धयति॥ (५)

हिरण्यं राधो राध्यासममुत्र मधुमतीरा विशतेत्यष्टात्रिंशच्च॥ [१]

समिष्टयजूषि जुहोति यज्ञस्य समिष्टे यद्वै यज्ञस्य कूरं यद्विलिष्टं यदत्येति यन्नात्येति यदतिकूरोति यन्नापि करोति तदेव तैः प्रीणाति नवं जुहोति नवं वै पुरुषे प्राणाः पुरुषेण यज्ञः सम्मिन्तो यावानेव यज्ञस्तम्प्रीणाति पङ्क्तिमयाणि जुहोति षड्वा ऋतवं ऋतूनेव प्रीणाति त्रीणि यजूषि (६)

त्रयं इमे लोका इमानेव लोकान्प्रीणाति यज्ञं यज्ञं गच्छ यज्ञपतिं गच्छेत्याह यज्ञपतिमेवैनं गमयति स्वां योनिं गच्छेत्याह स्वामेवैनं योनिं गमयत्येष तै यज्ञो यज्ञपते सहसूक्तवाकः सुवीर इत्याह यज्ञमान एव वीर्यं दधाति वासिष्ठो ह सात्यहव्यो दैवभाग्यप्रच्छ यथ्सृञ्ज्यान्बहुयाजिनोऽयीयजो यज्ञे (७)

यज्ञम्प्रत्यतिष्ठिपा(३)यज्ञपता(३)विति स होवाच यज्ञपताविति सत्याद्वै सृञ्ज्याः परां बभूवुरिति होवाच यज्ञे वाव यज्ञः प्रतिष्ठाप्य आसीद्यजमानस्यापराभावायेति देवां गातुविदो गातुं वित्त्वा गातुमितेत्याह यज्ञ एव यज्ञं प्रतिं ष्ठापयति यज्ञमानस्यापराभावाय॥ (८)

यजूंषि यज्ञ एकचत्वारिंशच्च॥ [२]

अवभृथयजूंषि जुहोति यदेवावाचीनमेकहायनानदेनः करोति तदेव तैरवं यजतेऽपौऽवभृथमवैत्यप्सु वै वरुणः साक्षादेव वरुणमवं यजते वर्त्मना वा अन्वित्यं यज्ञं रक्षांसि जिघांसन्ति साम्नां प्रस्तोतान्ववैति साम्नां वै रक्षोहा रक्षसामपंहत्यै त्रिनिधनमुपैति त्रयं इमे लोका एभ्य एव लोकेभ्यो रक्षांसि (९)

अपं हन्ति पुरुषःपुरुषो निधनमुपैति पुरुषःपुरुषो हि रक्षस्वी रक्षसामपंहत्या उरुं हि राजा वरुणश्चकारेत्याह प्रतिष्ठित्यै शतं तै राजन्मिपजः सहस्रमित्याह भेषजमेवासमै करोत्यभिष्ठितो वरुणस्य पाश इत्याह वरुणपाशमेवाभि तिष्ठति बरहिरभि जुहोत्याहुतीनां प्रतिष्ठित्या अथो अग्निवत्येव जुहोत्यपंबरहिपः प्रयाजान् (१०)

यजति प्रजा वै बरहिः प्रजा एव वरुणपाशान्मुञ्चत्याज्यभागौ यजति यज्ञस्यैव चक्षुषी नान्तरैति वरुणं यजति वरुणपाशादेवैनम्मुञ्चत्यग्नीवरुणौ यजति साक्षादेवैनं वरुणपाशान्मुञ्चत्यपंबरहिषावनूयाजौ यजति प्रजा वै बरहिः प्रजा एव वरुणपाशान्मुञ्चति चतुरः प्रयाजान् यजति द्वार्वनूयाजौ षट्सम्पद्यन्ते षड्वा ऋतवः (११)

ऋतुष्वेव प्रति तिष्ठत्यवभृथ निचङ्कुणेत्याह यथोदितमेव वरुणमवं यजते समुद्रे ते हृदयम्पस्वन्तरित्याह समुद्रे ह्यन्तर्वरुणः सं त्वां विशन्त्वोपधीरुताप इत्याहद्विरेवैनमोपधीभिः सम्यञ्च दधाति देवीराप एष वो गर्भ इत्याह यथायजुरेवैतत्पशवो वै (१२)

सोमो यद्विन्दूनाम्भक्षयैत्पशुमान्स्थ्याद्वरुणस्त्वेनं गृहीयाद्यन्न भक्षयैदपशुः स्यान्नेनं वरुणो गृहीयादुपस्पृश्यमेव पशुमान्भवति नैनं वरुणो गृह्णाति प्रतियुतो वरुणस्य पाश इत्याह वरुणपाशादेव निर्मुच्यतेऽप्रतीक्षमा यन्ति वरुणस्यान्तरहित्या एधोऽस्येधिपीमहीत्याह समिधेवाग्निं नमस्यन्त उपारयन्ति तेजोऽसि तेजो मयिं धेहीत्याह तेज एवात्मन्यन्ते॥ (१३)

रक्षांसि प्रयाजानृतवो वै नमस्यन्तो द्वादश च॥ [३]

स्फ्येन वेदिमुद्धन्ति रथाक्षेण वि मिमीते यूपम्मिनोति त्रिवृतमेव वज्रं सम्भृत्य भ्रातृव्याय प्र हरति स्तृत्यै यदन्तर्वेदि मिनूयादैवलोकमभि जयेद्यद्वहिवेदि मनुष्यलोकं वैद्यन्तस्यं संधि मिनोत्युभयौलोकयोरभिर्जित्या उपरसम्मितामिनूयात्पितृलोककामस्य रश्नसम्मितामनूष्यलोककामस्य च्पालसम्मितामिन्द्रियकामस्य सर्वांश्स्मान्प्रतिष्ठाकामस्य ये त्रयो मध्यमास्तान्स्मान्पशुकामस्येतान् वै (१४)

अनुं पशव उपां तिष्ठन्ते पशुमानेव भवति व्यतिपजेदितराञ्जयैवेनम्पशुभिर्व्यतिपजति यं कामयेत प्रमार्युकः स्यादिति गर्तमितं तस्य मिनूयादुत्तरार्धं वर्षिष्ठमथ हसीयाऽसमेपा वै गर्तमिद्यस्यैवमिन्नोति ताजकप्र मीयते दक्षिणार्धं वर्षिष्ठमिनुयाथ्सुवर्गकामस्याथ हसीयाऽसमाक्रमणमेव तश्चेतुं यजमानः कुरुते सुवर्गस्य लोकस्य समष्टौ (१५)

यदेकस्मिन् यूपे द्वे रंशने परिर्व्ययति तस्मादेको द्वे जाये विन्दते यत्रैकाऽ रशनां द्वयोर्यूपयोः परिर्व्ययति तस्मान्नैका द्वौ पती विन्दते यं कामयेत स्यस्य जायेतेत्युपान्ते तस्य व्यतिपजेत्स्यैवास्य जायते यं कामयेत पुमानस्य जायेतेत्यान्तं तस्य प्र वैष्टयेत्पुमानेवास्य (१६)

जायतेऽसुरा वै देवान्दक्षिणत उपांनयन्तां देवा उपशयेनेवापांनुदन्त तदुपशयस्योपशयत्वं यदक्षिणत उपशय उपशये भ्रातृव्यापनुच्यै सर्वे वा अन्ये यूपोः पशुमन्तोऽथोपशय एवापशुस्तस्य यजमानः पशुर्यत्र निर्दिशेदार्तिमार्च्छेद्यजमानोऽसौ तं पशुरिति निर्दिशेद्यं द्विष्याद्यमेव (१७)

द्वेष्टि तमस्मै पशुं निर्दिशति यदि न द्विष्यादाखुस्तं पशुरिति ब्रूयात्र ग्राम्यान्पशून् हिनस्ति नारण्यान्प्रापतिः प्रजा असृजत सौऽन्नाद्येन व्याध्यत स एतामैकादशिनीमपश्यत्तया वै सौऽन्नाद्यमवारुन्ध यदश यूपो भवन्ति दशाक्षरा विराडन्नं विराड्विराजैवान्नाद्यमव रुन्धे (१८)

य एकादशः स्तनं एवास्यै स दुह एवेनां तेन वज्रो वा एषा सम्मीयते यदेकादशिनी सेश्वरा पुरस्तात्प्रत्यञ्चं यज्ञः सम्मर्दितोर्यत्प्राणीवतमिन्नोति यज्ञस्य प्रत्युत्तब्धे सयत्वाय॥ (१९)

वै समष्टौ पुमानेवास्य यमेव रुन्धे त्रिःशच्च॥ [४]

प्रजापतिः प्रजा असृजत स रिरिचानोऽमन्यत स एतामैकादशिनीमपश्यत्तया वै स आर्युरिन्द्रियं वीर्यमात्मन्नेधत प्रजा इव खलु वा एष सृजते यो यजते स एतर्हि रिरिचान इव यदेषैकादशिनी भवत्यायुरेव तयैन्द्रियं वीर्यं यजमान आत्मन्धत्ते प्रैवाग्नेयेन वापयति मिथुनः सारस्वत्या करोति रेतः (२०)

सौम्येन दधाति प्र जंनयति पौष्णेन बारहस्पत्यो भवति ब्रह्म वै देवानाम्बृहस्पतिर्ब्रह्मणैवास्मै प्रजाः प्र जंनयति वैश्वदेवो भवति वैश्वदेव्यो वै प्रजाः प्रजा एवास्मै प्र जंनयतीन्द्रियमेवेन्द्रेणावर्नुन्धे विशम्मारुतेनौजो बलमैन्द्राग्नेन प्रसुवायं सावित्रो निर्वरुणत्वाय वारुणो मध्यत ऐन्द्रमा लभते मध्यत एवेन्द्रियं यजमाने दधाति (२१)

पुरस्तादैन्द्रस्य वैश्वदेवमालभते वैश्वदेवं वा अन्नमन्नमेव पुरस्ताद्धते तस्मात्पुरस्तादन्नमद्यत ऐन्द्रमालभ्य मारुतमा लभते विद्वै मरुतो विशमेवास्मा अनुं बभ्राति यदि कामयेत योऽवंगतः सोऽपं रुध्यतां योऽपरुद्धः सोऽवं गच्छत्वित्यैन्द्रस्य लोके वारुणमा लभेत वारुणस्य लोक ऐन्द्रम् (२२)

य एवावंगतः सोऽपं रुध्यते योऽपरुद्धः सोऽवं गच्छति यदि कामयेत प्रजा मुह्येयुरिति पशून्व्यतिपजेत्प्रजा एव मोहयति यदभिवाहृतोऽपां वारुणमालभेत प्रजा वरुणो गृह्णीयादक्षिणत उदंश्चमा लभतेऽपवाहृतोऽपां प्रजानामवरुणग्राहाय॥ (२३)

रेतो यजमाने दधाति लोक ऐन्द्रः सप्तत्रिंशच्च॥ [५]

इन्द्रः पत्न्या मनुमयाजयतां पर्यग्निकृतामुदसृजत्तया मनुराध्नोद्यत्पर्यग्निकृतम्पात्नीवतमुधसृजति यामेव मनुर्ऋद्धिमाध्नोतामेव यजमान ऋध्नोति यज्ञस्य वा अप्रतिष्ठिताद्यज्ञः परा भवति यज्ञं पराभवन्तं यजमानोऽनु परा भवति यदाज्येन पात्नीवतः सःस्थापयति यज्ञस्य प्रतिष्ठित्यै यज्ञम्रतिष्ठन्तं यजमानोऽनु प्रति तिष्ठतोष्टं वृषयां (२४)

भवत्यनिष्टं वृषयाथं पात्नीवतेन प्र चरति तीर्थ एव प्र चरत्यथो एतर्ह्येवास्य यामस्त्वाष्ट्रो भवति त्वष्टा वै रेतसः सितस्य रूपाणि वि करोति तमेव वृषाणाम्पत्नीष्वपि सृजति सोऽस्मै रूपाणि वि करोति॥ (२५)

वृषया पट्विंशच्च॥ [६]

घ्नन्ति वा एतथ्योमं यदभिषुण्वन्ति यथ्योम्यो भवन्ति यथा मृतायानुस्तरणीं घ्नन्ति तादृगेव तद्यदुत्तरार्धं वा मध्यं वा जुहुयाद्देवताभ्यः समदं दध्यादक्षिणार्धं जुहोत्येषा वै पितृणां दिख्स्वायामेव दिशि पितृन्निरवदयत उद्गातृभ्यो हन्ति सामदेवत्यो वै सौम्यो यदेव साम्रश्छम्बद्वन्ति तस्यैव स शान्तिरव (२६)

ईक्षन्ते पवित्रं वै सौम्य आत्मानमेव पवयन्ते य आत्मानं न परिपश्येदितान्सुः स्यादभिददि कृत्वावैक्षेत तस्मिन् ह्यात्मानं परिपश्यत्यथो आत्मानमेव पवयते यो गुतमनाः स्याथ्योवैक्षेत यन्मे मनः परांगतं यद्वा मे अपरागतम्। राज्ञा सोमैः तद्वयमस्मासु धारयामसीति मन एवात्मन्दाधार (२७)

न गुतमना भवत्यप वै तृतीयसवने यज्ञः क्रामतीजानादनीजानमभ्याग्रावैष्णव्यर्चा घृतस्य यजत्यग्निः सर्वा देवता विष्णुर्यज्ञो देवताश्चैव यज्ञं च दाधारोपांशु यंजति मिथुनुत्वायं ब्रह्मवादिनो वदन्ति मित्रो यज्ञस्य स्विष्टं युवते वरुणो दुरिष्टं कं तरहि यज्ञः कं यजमानो भवतीति यन्मैत्रावरुणी वशामालभते मित्रेणैव (२८)

यज्ञस्य स्विष्टः शमयति वरुणेन दुरिष्टं नार्तिमाच्छति यजमानो यथा वै लाङ्गलेनोर्वरां प्रभिन्दन्त्येवमृंस्सामे यज्ञम्र भिन्तो यन्मैत्रावरुणी वशामालभते यज्ञायैव प्रभिन्नाय मृत्यमन्ववांस्यति शान्त्यै यातयामानि वा एतस्य छन्दांसि य ईजानश्छन्दसामेव रसो यद्वशा यन्मैत्रावरुणी वशामालभते छन्दांस्येव पुनरा प्रीणात्ययातयामत्वायाथो छन्दःस्वेव रसं दधाति॥ (२९)

अवं दाधार मित्रेणैव प्रीणाति पद्व॥ [७]

देवा वा इन्द्रियं वीर्यं व्यंभजन्त ततो यदत्यशिष्यत तदतिग्राह्यां अभवन्तदतिग्राह्याणामतिग्राह्यत्वं यदतिग्राह्यां गृह्यन्तं इन्द्रियमेव तद्वीर्यं यजमान आत्मन्धते तेज आग्नेयेन्द्रियमैन्द्रेण ब्रह्मवर्चसः सौर्योणोपस्तम्भं वा एतद्यज्ञस्य यदतिग्राह्यांश्चक्रे पृष्ठानि यत्पृष्ठे न गृहीयात्प्राञ्चं यज्ञं पृष्ठानि सः शृणीयुर्यदुक्थ्यं (३०)

गृहीयात्पत्यञ्च यज्ञमतिग्राह्याः सः शृणीयुर्विश्रजिति सर्वपृष्ठे ग्रहीतव्या यज्ञस्य सवीर्यत्वाय प्रजापतिर्देवभ्यो यज्ञान्यादिशश्व प्रियास्तनूरप न्यधत् तदतिग्राह्यां अभवन्तितनुस्तस्य यज्ञ इत्याहुयस्यातिग्राह्यां न गृह्यन्त इत्यप्यग्निष्टोमे ग्रहीतव्या यज्ञस्य सतनुत्वाय देवता वै सर्वाः सदृशीरासन्ता न व्यावृत्तमगच्छन्ते देवाः (३१)

एत एतान्ग्रहानपश्यन्तानंगृह्णताग्नेयमग्निरैन्द्रमिन्द्रः सौर्यं सूर्यस्ततो वै तैऽन्याभिर्देवताभिर्व्यावृतमगच्छन्
यस्यैवं विदुष एते ग्रहां गृह्यन्तै व्यावृतमेव पाप्मना भ्रातृव्येण गच्छतीमे लोका ज्योतिष्मन्तः समावद्वीर्याः
कार्या इत्याहुराग्नेयेनास्मिँल्लोकं ज्योतिर्धत्त ऐन्द्रेणान्तरिक्षं इन्द्रवायू हि स्युजौ सौर्येणामुष्मिँल्लोकं (३२)

ज्योतिर्धत्ते ज्योतिष्मन्तोऽस्मा इमे लोका भवन्ति समावद्वीर्यानेनान्कुरुत एतान् वै
ग्रहान्ब्रह्मविश्ववयसाववित्तम् ताभ्यामिमिमे लोकाः पराञ्चश्चार्वाञ्चश्च प्राभुर्यस्यैवं विदुष एते ग्रहां गृह्यन्ते प्रास्मा
इमे लोकाः पराञ्चश्चार्वाञ्चश्च भान्ति॥ (३३)

उक्थ्यै देवा अमुष्मिँल्लोकं एकान्नचत्वारिंशच्च॥ [८]

देवा वै यद्यज्ञेऽकुर्वन्त तदसुरा अकुर्वन्त ते देवा अदाभ्ये छन्दांसि सर्वनानि समंस्थापयन्ततो
देवा अभवम्परासुरा यस्यैवं विदुषोऽदाभ्यो गृह्यते भवत्यात्मना परास्य भ्रातृव्यो भवति यद्वै देवा
असुरानदाभ्येनदभ्रवन्तददाभ्यस्यादाभ्यत्वं य एवं वेद दभ्रोत्येव भ्रातृव्यं नैनम्भ्रातृव्यो दभ्रोति (३४)

एषा वै प्रजापतेरतिमोक्षिणी नाम तनूर्यददाभ्य उपनद्धस्य गृह्णात्यतिमुक्त्वा अति पाप्मानम्भ्रातृव्यमुच्यते
य एवं वेद प्रन्ति वा एतथ्सोमं यदभिपुण्वन्ति सोमं हन्यमाने यज्ञो हन्यते यज्ञे यजमानो ब्रह्मवादिनो
वदन्ति किं तद्यज्ञे यजमानः कुरुते येन जीवन्स्सुवर्गं लोकमेतीति जीवग्रहो वा एष यददाभ्योऽनभिषुतस्य
गृह्णाति जीवन्तमेवेनं सुवर्गं लोकं गमयति वि वा एतद्यज्ञं छिन्दन्ति यददाभ्ये सऽस्थापयन्त्यं शूनपि
सृजति यज्ञस्य सन्तत्यै॥ (३५)

दभ्रोत्यनभिषुतस्य गृह्णात्येकान्नविंशतिश्च॥ [९]

देवा वै प्रवाहुग्रहानगृह्णन्त स एतं प्रजापतिरंशमपश्यत्तमंगृह्णीत तेन वै स और्ध्वद्यस्यैवं विदुषो-
ऽंशुर्गृह्यत ऋध्रोत्येव सकृदभिषुतस्य गृह्णाति सकृद्धि स तेनाध्रोन्मनसा गृह्णाति मन इव हि प्रजापतिः
प्रजापतेरास्या औदुम्बरेण गृह्णात्यूर्वा उदुम्बर ऊर्जमेवाव रुद्धे चतुःश्रक्ति भवति दिक्षु (३६)

एव प्रति तिष्ठति यो वा अंशोरायतनं वेदायतनवान्भवति वामदेव्यमिति साम तद्वा अस्यायतनम्ननसा
गार्यमानो गृह्णात्यायतनवानेव भवति यदध्वर्युरंशुं गृह्णन्नायं दुभाभ्यां नर्ध्वेताध्वर्यवे च यजमानाय च
यदध्वर्युदुभाभ्यामध्वेतानवानं गृह्णाति सैवास्यर्द्धिरहिरण्यमभि व्यनित्यमुतं वै हिरण्यमायुः प्राण आयुपैवामृतमभि
धिनाति शतमानम्भवति शतायुः पुरुषः शतेन्द्रिय आयुष्येवेन्द्रिये प्रति तिष्ठति॥ (३७)

दिक्ष्वनिति विंशतिश्च॥ [१०]

प्रजापतिर्देवेभ्यो यज्ञान्व्यादिशस्म परिचानोऽमन्यत स यज्ञानां षोडशधेन्द्रियं वीर्यमात्मानमभि
समंक्खिदत् तथ्योऽंशयमवन्न वै षोडशी नाम यज्ञोऽस्ति यद्वाव षोडशः स्तोत्रं षोडशं शस्त्रं तेन
षोडशी तथ्योऽंशिनः षोडशित्वं तथ्योऽंशी गृह्यत इन्द्रियमेव तद्वीर्यं यजमान आत्मन्यन्ते देवेभ्यो वै सुवर्गो
लोकः (३८)

न प्राभवत् एतं षोडशिनमपश्यन्तमंगृह्णन्त ततो वै तेभ्यः सुवर्गो लोकः प्राभवद्यथ्योऽंशी गृह्यत सुवर्गस्य
लोकस्याभिर्जित्या इन्द्रो वै देवानामानुजावर आसीत्स प्रजापतिमुपाधावत्तस्मा एतं षोडशिनम्प्रायच्छत्तमंगृह्णीत

ततो वै सोऽग्रं देवतानां पर्येद्यस्यैवं विदुषः षोडशी गृह्यते (३९)

अग्रमेव संमानानां पर्यति प्रातःसवने गृह्णाति वज्रो वै षोडशी वज्रः प्रातःसवनं स्वादेवैनं योनेर्निगृह्णाति सर्वनेसवनेऽभि गृह्णाति सर्वनाथ्सवनादेवैनम्र जंनयति तृतीयसवने पशुकामस्य गृहीयाद्वज्रो वै षोडशी पशवंस्तृतीयसवनं वज्रैणैवास्मै तृतीयसवनात्पशूनं रुद्धे नोक्थ्ये गृहीयात्प्रजा वै पशवं उक्थ्यानि यदुक्थ्ये (४०)

गृहीयात्प्रजां पशूनस्य निर्देहेदतिरात्रे पशुकामस्य गृहीयाद्वज्रो वै षोडशी वज्रैणैवास्मै पशूनं वरुध्य रात्रियोपरिष्ठाच्छमयत्यप्यग्निष्टोमे राजन्यस्य गृहीयाद्यावृत्कामो हि राजन्यो यजते साह एवास्मै वज्रं गृह्णाति स एनं वज्रो भूत्या इन्द्रे निर्वा दहत्येकविंशं स्तोत्रम्भवति प्रतिष्ठित्यै हरिवच्छस्यत इन्द्रस्य प्रियं धाम (४१)

उपाप्रोति कर्नीयांसि वै देवेषु छन्दाः स्यासञ्ज्यायाः स्यसुरेषु ते देवाः कर्नीयसा छन्दसा ज्यायश्छन्दोऽभि व्यंशंसन्ततो वै तेऽसुराणां लोकमवृञ्जत यत्कर्नीयसा छन्दसा ज्यायश्छन्दोऽभि विशंसति भ्रातृव्यस्यैव तल्लोकं वृङ्क्ते षडक्षराण्यति रेचयन्ति षड्वा ऋतवं ऋतूनेव प्रीणाति चत्वारि पूर्वाण्यव कल्पयन्ति (४२)

चतुष्पद एव पशूनं रुद्धे द्वे उत्तरे द्विपद एवाव रुद्धेऽनुष्टुभमभि सम्पादयन्ति वाग्वा अनुष्टुप्समात्प्राणानां वागुत्तमा संमयाविषिते सूर्ये षोडशिनः स्तोत्रमुपाकरोत्येतस्मिन्ने लोक इन्द्रो वृत्रमंहन्साक्षादेव वज्रभ्रातृव्याय प्र हरत्यरुणपिशङ्गोऽधो दक्षिणेतद्वे वज्रस्य रूपं समृद्धौ (४३)

लोको विदुषः षोडशी गृह्यते यदुक्थ्ये धाम कल्पयन्ति सप्तचत्वारिंशच्च॥ [११]

॥ काण्डम् ७ ॥

॥ प्रथमः प्रश्नः ॥

॥ तैत्तिरीयसंहितायां सप्तमकाण्डे प्रथमः प्रश्नः ॥

प्रजननं ज्योतिरिर्देवतानां ज्योतिर्विराट्छन्दसां ज्योतिर्विराड्वाचाँऽग्नौ सं तिष्ठते विराजम्भि सम्पद्यते तस्मात्तज्ज्योतिरुच्यते द्वौ स्तोमौ प्रातःसवनं वंहतो यथा प्राणश्चापानश्च द्वौ माध्यंदिनं सर्वनं यथा चक्षुश्च श्रोत्रं च द्वौ तृतीयसवनं यथा वाक् प्रतिष्ठा च पुरुषसम्मितो वा एष यज्ञोऽस्थूरिः (१)

यं कामं कामयते तमेतेनाभ्यंश्नुते सर्वं ह्यस्थूरिणाभ्यंश्नुतेऽग्निष्टोमेन वै प्रजापतिः प्रजा असृजत ता अग्निष्टोमेनैव पर्यगृह्णात्तासां परिगृहीतानामश्वतरोऽत्यं प्रवत तस्यानुहाय रेत आदत्त तद्रदभे न्यमाद्वस्माद्वदभो द्विरेता अथो आहुर्वडबायां न्यमार्डिति तस्माद्वडबा द्विरेता अथो आहुरोपधीषु (२)

न्यमाडिति तस्मादोषधयोऽनभ्यक्ता रेभन्त्यथो आहुः प्रजासु न्यमाडिति तस्माद्यमौ जायेते तस्मादश्वतरो न प्र जायत आत्तरेता हि तस्माद्वरहिष्यनवक्लृप्तः सर्ववेदसे वा सहस्रे वावक्लृप्तोऽति ह्यप्रवत् य एवं विद्वानग्निष्टोमेन यजते प्राजाताः प्रजा जनयति परि प्राजाता गृह्णाति तस्मादाहुर्ज्येष्ठयज्ञ इति (३)

प्रजापतिर्वाव ज्येष्ठः स ह्येतान्नेऽयंजत प्रजापतिरकामयत् प्र जायेयेति स मुखतस्त्रिवृतं निर्मिमीत् तमग्निर्देवतान्वसृज्यत गायत्री छन्दो रथन्तरं सामं ब्राह्मणो मनुष्याणामजः पशूनान्तस्मात्ते मुख्यां मुखतो ह्यसृज्यन्तोऽरसो बाहुभ्यां पञ्चदशं निर्मिमीत् तमिन्द्रो देवतान्वसृज्यत त्रिष्टुप्छन्दो बृहत् (४)

सामं राजन्यो मनुष्याणामविः पशूनान्तस्मात्ते वीर्यावन्तो वीर्याद्यसृज्यन्त मध्यतः सप्तदशं निर्मिमीत् तं विश्वे देवा देवता अन्वसृज्यन्त जर्गती छन्दो वैरूपं सामं वैशयो मनुष्याणां गावः पशूनान्तस्मात् आद्या अन्नधानाद्यसृज्यन्त तस्माद्भूयांसोऽन्येभ्यो भूर्यिष्टा हि देवता अन्वसृज्यन्त प्त एकविंशं निर्मिमीत् तमनुष्टुप्छन्दः [5]

अन्वसृज्यत वैराजं सामं शूद्रो मनुष्याणामश्वः पशूनान्तस्मात्तौ भूतसङ्क्रामिणावश्वं शूद्रश्च तस्माच्छूद्रो यज्ञेऽनवक्लृप्तो न हि देवता अन्वसृज्यत तस्मात्पादावुपं जीवतः प्तो ह्यसृज्येतां प्राणा वै त्रिवृदधमासाः पञ्चदशः प्रजापतिः सप्तदशस्रयं इमे लोका असावादित्य एकविंश एतस्मिन्वा एते श्रिता एतस्मिन्प्रतिष्ठिता य एवं वेदेतस्मिन्नेव श्रयत एतस्मिन्प्रति तिष्ठति॥ (६)

अस्थुरिरोषधीषु ज्येष्ठयज्ञ इति बृहदनुष्टुप्छन्दः प्रतिष्ठिता नव च॥ [१]

प्रातःसवने वै गायत्रेण छन्दसा त्रिवृते स्तोमाय ज्योतिर्दधेति त्रिवृता ब्रह्मवर्चसेन पञ्चदशाय ज्योतिर्दधेति पञ्चदशेनौजंसा वीर्येण सप्तदशाय ज्योतिर्दधेति सप्तदशेन प्राजापत्येन प्रजननेनैकविंशाय ज्योतिर्दधेति स्तोम एव तथ्स्तोमाय ज्योतिर्दधेत्यथो स्तोम एव स्तोममभि प्र णयति यावन्तो वै स्तोमास्तावन्तः कामास्तावन्तो लोकास्तावन्ति ज्योतीश्च्येतावन्त एव स्तोमानेतावन्तः कामानेतावन्तो लोकानेतावन्ति ज्योतीश्च्यव रुन्दे॥ (७)

तावन्तो लोकास्त्रयोदश च॥ [२]

ब्रह्मवादिनो वदन्ति स त्वे यंजेत योऽग्निष्टोमेन यजमानोऽथ सर्वस्तोमेन यजेतेति यस्य त्रिवृतमन्तर्यन्ति प्राणास्तस्यान्तर्यन्ति प्राणेषु मेऽप्यसदिति खलु वै यज्ञेन यजमानो यजते यस्य पञ्चदशमन्तर्यन्ति वीर्यं तस्यान्तर्यन्ति वीर्यं मेऽप्यसदिति खलु वै यज्ञेन यजमानो यजते यस्य सप्तदशमन्तर्यन्ति (८)

प्रजां तस्यान्तर्यन्ति प्रजायाम्मेऽप्यसदिति खलु वै यज्ञेन यजमानो यजते यस्यैकविंशमन्तर्यन्ति प्रतिष्ठां तस्यान्तर्यन्ति प्रतिष्ठायाम्मेऽप्यसदिति खलु वै यज्ञेन यजमानो यजते यस्य त्रिणवमन्तर्यन्त्यृतूश्च तस्य नक्षत्रियां च विराजमन्तर्यन्त्यृतुषु मेऽप्यसन्नक्षत्रियायां च विराजीति (९)

खलु वै यज्ञेन यजमानो यजते यस्य त्रयस्त्रिंशमन्तर्यन्ति देवतास्तस्यान्तर्यन्ति देवतासु मेऽप्यसदिति खलु वै यज्ञेन यजमानो यजते यो वै स्तोमानामवमं परमतां गच्छन्तं वेदं परमतामेव गच्छति त्रिवृद्वै

स्तोमानामवमस्त्रिवृत्परमो य एवं वेदं परमतामेव गच्छति॥ (१०)

सप्तदशमन्तर्यन्ति विराजीति चतुश्चत्वारिंशच्च॥ [३]

अङ्गिरसो वै सूत्रमांसत ते सुवर्गं लोकमायन्तेपाः हविष्माश्च हविष्कृचाहीयेतान्तावकामयेताः सुवर्गं लोकमियावेति तावेतं द्विरात्रमपश्यतान्तमाहंरतान्तेनायजेतान्ततो वै तौ सुवर्गं लोकमैतां य एवं विद्वान्द्विरात्रेण यजन्ते सुवर्गमेव लोकमिति तावैताम्पूर्वेणाऽह्नाऽगच्छतामुत्तरेण (११)

अभिष्टुवः पूर्वमहर्भवति गतिरुत्तरं ज्योतिष्टोमोऽग्निष्टोमः पूर्वमहर्भवति तेजस्तेनावं रुद्धे सर्वस्तोमोऽतिरात्र उत्तरं सर्वस्यास्यै सर्वस्यावरुद्धे गायत्रम्पूर्वहन्त्सामं भवति तेजो वै गायत्री गायत्री ब्रह्मवर्चसं तेज एव ब्रह्मवर्चसमात्मन्यन्ते त्रैष्टुभमुत्तरं ओजो वै वीर्यं त्रिष्टुगोज एव वीर्यमात्मन्यन्ते रथन्तरम्पूर्वं (१२)

अहुन्त्सामं भवतीयं वै रथन्तरमस्यामेव प्रति तिष्ठति बृहदुत्तरंऽसौ वै बृहदमुष्यामेव प्रति तिष्ठति तदाहुः कं जगती चानुष्टुप्तेति वैखानसम्पूर्वेऽहुन्त्सामं भवति तेन जगत्यै नैति षोडश्युत्तरं तेनानुष्टुभोऽथाहुर्यध्समानेऽधमासे स्यातामन्यतरस्याहो वीर्यमनु पद्यतेत्यमावास्यायाम्पूर्वमहर्भवत्युत्तरस्मिन्नुत्तरत्रानैवार्धमासयोर्भवतो नानावीर्यं भवतो हविष्मन्निधनम्पूर्वमहर्भवति हविष्कन्निधनमुत्तरं प्रतिष्ठित्यै॥ (१३)

उत्तरेण रथन्तरम्पूर्वेऽन्वेकविंशतिश्च॥ [४]

आपो वा इदमग्रे सलिलमासीत्तस्मिन्प्रजापतिर्वायुर्भूत्वाचरन्त्स इमामपश्यतां वराहो भूत्वाहंरतां विश्वकर्मा भूत्वा व्यामृदत्संप्रथत सा पृथिव्यंभवत्तपृथिव्यै पृथिवित्वन्तस्यामश्राम्यत्प्रजापतिः स देवानसृजत् वसून्नुद्रानादित्यान्ते देवाः प्रजापतिमब्रुवन्प्र जायामहा इति सौऽब्रवीत् (१४)

यथाहं युष्माश्स्तपसासृक्ष्येवं तपंसि प्रजननमिच्छध्वमिति तेभ्योऽग्निमायतनम्प्रायच्छदेतेनायतनेन श्राम्यतेति तैऽग्निनायतनेनाश्राम्यन्ते संवत्सर एकां गामसृजन्त तां वसुभ्यो रुद्रेभ्य आदित्येभ्यः प्रायच्छन्नेताः रक्षध्वमिति तां वसवो रुद्रा आदित्या अरक्षन्त सा वसुभ्यो रुद्रेभ्य आदित्येभ्यः प्राजायत त्रीणि च (१५)

शतानि त्रयस्त्रिंशत् चाथ सैव संहस्रतम्यंभवत्ते देवाः प्रजापतिमब्रुवन्सहस्रेण नो याजयेति सौऽग्निष्टोमेन वसूनयाजयत् इमं लोकमजयन्तच्चाददुः स उक्थ्येन रुद्रानयाजयत्तैऽन्तरिक्षमजयन्तच्चाददुः सौऽतिरात्रेणादित्यानयाजयत्तैऽमुं लोकमजयन्तच्चाददुस्तदन्तरिक्षम् (१६)

व्यवैर्यत् तस्माद्बुद्धा घातुका अनायतना हि तस्मादाहुः शिथिलं वै मध्यममहस्त्रिरात्रस्य वि हि तद्वैर्यतेति त्रैष्टुभमध्यमस्याह्वा आज्यंभवति संयानानि सूक्तानि शंसति षोडशिनः शंसत्यहो धृत्या अशिथिलम्भावाय तस्मान्त्रिरात्रस्याग्निष्टोम एव प्रथममहः स्यादथोक्थ्योऽथातिरात्र एषां लोकानां विधृत्यै त्रीणित्रीणि शतान्यनूचीनाहमव्यवच्छिन्नानि ददाति (१७)

एषां लोकानामनु सन्तत्यै दशत् न विच्छिन्द्याद्विराजं नेद्विच्छिनदानीत्यथ या संहस्रतम्यासीत्तस्यामिन्द्रश्च विष्णुश्च व्यायच्छेताः स इन्द्रोऽमन्यतानया वा इदं विष्णुः सहस्रं वक्ष्यत् इति तस्यामकल्पेतां द्विभागं इन्द्रस्तृतीये विष्णुस्तद्वा एषाभ्यनूच्यत उभा जिग्यथुरिति तां वा एतामच्छवाकः (१८)

एव शंसत्यथ या संहस्रतमी सा होत्रे देयेति होतांरं वा अभ्यतिरिच्यते यदतिरिच्यते

होतानासस्यापयिताथाहरुत्रे देयेत्यतिरिक्ता वा एषा सहस्रस्यातिरिक्ता उत्रेतत्विजामथाहुः सर्वेभ्यः सदस्येभ्यो देयेत्यथाहरुदाकृत्या सा वशं चरेदित्यथाहुर्ब्रह्मणे चाग्नीधे च देयेति (१९)

द्विभागम्ब्रह्मणे तृतीयमग्नीधं ऐन्द्रो वै ब्रह्मा वैष्णवोऽग्नीधयेव तावकल्पेतामित्यथाहुर्या कल्याणी बहुरूपा सा देयेत्यथाहुर्या द्विरूपोभयतएनी सा देयेति सहस्रस्य परिगृहीत्यै तद्वा एतत्सहस्रस्यायनं सहस्रं स्तोत्रीयाः सहस्रं दक्षिणाः सहस्रसम्मिताः सुवर्गो लोकः सुवर्गस्य लोकस्याभिर्जित्यै॥ (२०)

अब्रवीच्च तदन्तरिक्षन्ददात्यच्छावाकश्च देयेति सप्तचत्वारिंशच्च॥ [५]

सोमो वै सहस्रमविन्दत्तमिन्द्रोऽन्वविन्दत्तो यमो न्यागच्छतावब्रवीदस्तु मेऽत्रापीत्यस्तु ही(३) इत्यंब्रूताः स यम एकस्यां वीर्यं पर्यपश्यदियं वा अस्य सहस्रस्य वीर्यंम्बिभर्तीति तावब्रवीदियम्ममास्वेतद्युवयोरिति तावंब्रूताः सर्वे वा एतदेतस्यां वीर्यम् (२१)

परि पश्यामोऽश्मा हंगमहा इति तस्यामश्माहरन्त तामप्सु प्रावैशयन्सोमायोदेहीति सा रोहिणी पिङ्गलैकहायनी रूपं कृत्वा त्रयस्त्रिंशता च त्रिभिश्च शतैः सहोदैतस्माद्रोहिण्या पिङ्गलैकहायन्या सोमं क्रीणीयाद्य एवं विद्वात्रोहिण्या पिङ्गलैकहायन्या सोमं क्रीणाति त्रयस्त्रिंशता चैवास्य त्रिभिश्च (२२)

शतैः सोमः क्रीतो भवति सुक्रीतेन यजते तामप्सु प्रावैशयन्निन्द्रायोदेहीति सा रोहिणी लक्ष्मणा पण्डौही वार्त्रग्नी रूपं कृत्वा त्रयस्त्रिंशता च त्रिभिश्च शतैः सहोदैतस्माद्रोहिणीं लक्ष्मणाम्पण्डौहीं वार्त्रग्नीं दद्याद्य एवं विद्वात्रोहिणीं लक्ष्मणाम्पण्डौहीं वार्त्रग्नीं ददाति त्रयस्त्रिंशच्चैवास्य त्रीणि च शतानि सा दत्ता (२३)

भवति तामप्सु प्रावैशयन् यमायोदेहीति सा जरती मूर्खा तंजघन्या रूपं कृत्वा त्रयस्त्रिंशता च त्रिभिश्च शतैः सहोदैतस्माञ्जरतीम्मूर्खा तंजघन्यामनुस्तरणीं कुर्वीत य एवं विद्वाञ्जरतीम्मूर्खा तंजघन्यामनुस्तरणीं कुरुते त्रयस्त्रिंशच्चैवास्य त्रीणि च शतानि सामुष्मिल्लौके भवति वागेव सहस्रतमी तस्मात् (२४)

वरो देयः सा हि वरः सहस्रमस्य सा दत्ता भवति तस्माद्वरो न प्रतिगृह्यः सा हि वरः सहस्रमस्य प्रतिगृहीताम्भवतीयं वर इति ब्रूयादथान्याम्ब्रूयादियम्ममेति तथास्य तत्सहस्रमप्रतिगृहीताम्भवत्युभयतएनी स्यात्तदाहुरन्यतएनी स्यात्सहस्रम्प्रस्तादेतमिति यैव वरः (२५)

कल्याणी रूपसंमृद्धा सा स्यात्सा हि वरः समृद्धौ तामुत्तरेणाग्नीध्रं पर्याणीयाहवनीयस्यान्तं द्रोणकलशमव ग्रापयेदा जिघ्र कलशंम्बहुरुधारा पर्यस्वत्या त्वां विशन्निवन्दवः समुद्रमिव सिन्धुवः सा मां सहस्र आ भंज प्रजयां पशुभिः सह पुनर्मा विंशताद्रयिरिति प्रजयैवेनम्पशुभीं रय्या सम (२६)

अर्धयति प्रजावान्यशुमात्रंयिमान्भवति य एवं वेद तयां सहाग्नीध्रम्प्रेत्यं पुरस्तात्प्रतीच्यां तिष्ठन्त्यां जुहुयादुभा जिग्यथुर्न परां जयेथे न परां जिग्ये कतरश्चनेनैः। इन्द्रश्च विष्णो यदपस्पृधेथा त्रेधा सहस्रं वि तदैरयेथामिति त्रेधाविभक्तं वै त्रिरात्रे सहस्रं साहस्रीमेवेनां करोति सहस्रस्यैवेनाम्मात्राम् (२७)

करोति रूपाणि जुहोति रूपैरेवेनाः समर्धयति तस्यां उपोत्थाय कर्णमा जपेदिडे रन्तेऽदिते सरस्वति प्रिये प्रेयसि महि विश्रुत्येतानि ते अग्रिये नामानि सुकृतं मा देवेपुं ब्रूतादिति देवेभ्य एवेनमा

वेदयत्यन्वेन देवा बुध्यन्ते॥ (२८)

एतदेतस्यां वीर्यमस्य त्रिभिश्च दत्ता सहस्रतमी तस्मादेव वरः सम्मात्रामेकात्रचत्वारिंशच्च॥ [६]

सहस्रतम्यां वै यजमानः सुवर्गं लोकमेति सैनं सुवर्गं लोकं गमयति सा मां सुवर्गं लोकं गमयेत्याह सुवर्गमेवेन लोकं गमयति सा मां ज्योतिष्मन्तं लोकं गमयेत्याह ज्योतिष्मन्तमेवेन लोकं गमयति सा मां सर्वान्मुण्याल्लोकान्गमयेत्याह सर्वानेवेनमुण्याल्लोकान्गमयति सा (२९)

मा प्रतिष्ठां गमय प्रजयां पशुभिः सह पुनर्मा विंशताद्रियिरिति प्रजयैवेनम्पशुभीं रय्यां प्रतिष्ठापयति प्रजावांन्पशुमात्रयिमान्भवति य एवं वेद तामग्नीधे वा ब्रह्मणे वा होत्रे वोद्गात्रे वाध्वर्यवे वा दद्यात्सहस्रमस्य सा दत्ता भवति सहस्रमस्य प्रतिगृहीतम्भवति यस्तामविद्वान् (३०)

प्रतिगृह्णाति तां प्रति गृह्णीयादेकांसि न सहस्रमेकां त्वा भूतां प्रति गृह्णामि न सहस्रमेकां मा भूता विंश मा सहस्रमित्येकामेवेनां भूतां प्रति गृह्णाति न सहस्रं य एवं वेद स्योनासिं सुषदां सुशेवां स्योना मा विंश सुषदा मा विंश सुशेवा मा विंश (३१)

इत्याह स्योनैवेनं सुषदां सुशेवां भूता विंशति नैनं हिनस्ति ब्रह्मवादिनो वदन्ति सहस्रं सहस्रतम्यन्वेती (३) सहस्रतमी सहस्रा (३) मिति यत्प्राचीमुत्थुजेत्सहस्रं सहस्रतम्यन्विंशतत्सहस्रमप्रज्ञात्रं सुवर्गं लोकं न प्र जानीयात्प्रतीचीमुत्थुजति तां सहस्रमनु पर्यावर्तते सा प्रजानती सुवर्गं लोकमेति यजमानमभ्युत्थुजति क्षिप्रे सहस्रम्प्र जायत उत्तमा नीयते प्रथमा देवान्छति॥ (३२)

लोकान्गमयति साविद्वान्सुशेवा माविंश यजमानं द्वादश च॥ [७]

अत्रिरददादौर्वाय प्रजाम्पुत्रकामाय स रिरिचानोऽमन्यत निर्वार्यः शिथिलो यातयामा स एतं चतूरात्रमपश्यत् तमाहरत्तेनायजत ततो वै तस्य चत्वारो वीरा आजायन्त सुहोता सूद्राता स्वध्वर्युः सुसंभयो य एवं विद्वांश्चतूरात्रेण यजत आस्यं चत्वारो वीरा जायन्ते सुहोता सूद्राता स्वध्वर्युः सुसंभयो ये चतुर्विंशः पर्वमाना ब्रह्मवर्चसं तत् (३३)

य उद्यन्तः स्तोमाः श्रीः सात्रिंश्च श्रद्धादेवं यजमानं चत्वारि वीर्याणि नोपानमन्तेजं इन्द्रियम्ब्रह्मवर्चसमन्नाद्यं स एतांश्चतुरश्वतुष्टोमाभ्योमानपश्यत्तानाहरत्तैरयजत तेजं एव प्रथमेनावां रुद्धेन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन य एवं विद्वांश्चतुरश्वतुष्टोमाभ्योमानाहरति तैरयजते तेजं एव प्रथमेनावां रुद्ध इन्द्रियं द्वितीयेन ब्रह्मवर्चसं तृतीयेनान्नाद्यं चतुर्थेन यामेवात्रिंशद्दिमाध्रोत्तामेव यजमानं ऋध्नोति॥ (३४)

ततेजं एवाष्टादश च॥ [८]

जमदग्निः पुष्टिकामश्चतूरात्रेणायजत स एतान्पोषां अपुष्यत्तस्मात्पलितौ जामदग्नियौ न सं जानाते एतानेव पोषां पुष्यति य एवं विद्वांश्चतूरात्रेण यजते पुरोडाशिन्यं उपसदौ भवन्ति पशवो वै पुरोडाशः

पशून्वेवावँ रुन्देऽन्नं वै पुरोडाशोऽन्नमेवावँ रुन्देऽन्नादः पशुमान्भवति य एवं विद्वाश्चतुरात्रेण यजते॥ (३५)

जमदग्निर्ष्टाचत्वारिंशत्॥

[१९]

संवत्सरो वा इदमेकं आसीत्सोऽकामयतुत्सृजेयेति स एतम्पञ्चरात्रमपश्यत्तमाहर्त्तेनायजत ततो वै स ऋतूर्नसृजत य एवं विद्वान्पञ्चरात्रेण यजते प्रैव जायते त ऋतवः सृष्टा न व्यावर्तन्त त एतम्पञ्चरात्रमपश्यन् तमाहर्त्तेनायजन्त ततो वै ते व्यावर्तन्त (३६)

य एवं विद्वान्पञ्चरात्रेण यजते वि पाप्मना भ्रातृव्येणा वर्तते सार्वसेनिः शौचेयोऽकामयत पशुमान्भ्यस्यामिति स एतम्पञ्चरात्रमाहर्त्तेनायजत ततो वै स सहस्रं पशून्प्राप्नोद्य एवं विद्वान्पञ्चरात्रेण यजते प्र सहस्रं पशूनांप्रोति बबरः प्रावाहणिरकामयत वाचः प्रवदिता स्यामिति स एतम्पञ्चरात्रमा (३७)

अहर्त्तेनायजत ततो वै स वाचः प्रवदिताभवेद्य एवं विद्वान्पञ्चरात्रेण यजते प्रवदितैव वाचो भवेत्यथो एनं वाचस्पतिरित्याहुरनासश्चतुरात्रोऽतिरिक्तः षड्रात्रोऽथ वा एष सम्प्रति यज्ञो यत्पञ्चरात्रो य एवं विद्वान्पञ्चरात्रेण यजते सम्प्रत्येव यज्ञेन यजते पञ्चरात्रो भवति पञ्च वा ऋतवः संवत्सरः (३८)

ऋतुष्वेव संवत्सरे प्रति तिष्ठत्यथो पञ्चाक्षरा पङ्क्तिः पाङ्क्तौ यज्ञो यज्ञमेवावँ रुन्दे त्रिवृदग्निष्टोमो भवति तेजं एवावँ रुन्दे पञ्चदशो भवतीन्द्रियमेवावँ रुन्दे सप्तदशो भवेत्यत्राद्यस्यावँरुद्धा अथो प्रैव तेन जायते पञ्चविंशोऽग्निष्टोमो भवति प्रजापतेरास्यै महाव्रतवानत्राद्यस्यावँरुद्धौ विश्वजिष्मर्वपृष्ठोऽतिरात्रो भवति सर्वस्याभिजित्यै॥ (३९)

ते व्यावर्तन्त प्रवदिता स्यामिति स एतम्पञ्चरात्रमा संवत्सरोऽभिजित्यै॥

[१०]

देवस्य त्वा सवितुः प्रसवैऽश्विनोर्बाहुभ्यां पूष्णो हस्ताभ्यामा दंद इमामगृणन्नशनामृतस्य पूर्व आयुषि विदथेपु क्व्या। तया देवाः सुतमा बभूवुरऋतस्य सामन्त्सरमारपन्ती। अभिधा असि भुवनमसि यन्तासि धर्तासि सौऽग्निं वैश्वानरं सप्रथसं गच्छ स्वाहाकृतः पृथिव्यां यन्ता राड्यन्तासि यमनो धर्तासि धरुणः कृष्यै त्वा क्षेमाय त्वा रय्यै त्वा पोषाय त्वा पृथिव्यै त्वान्तरिक्षाय त्वा दिवे त्वा सते त्वासंते त्वाद्ध्यस्त्वौषधीभ्यस्त्वा विश्वेभ्यस्त्वा भूतेभ्यः॥ (४०)

धुरुणः पञ्चविंशतिश्च॥

[११]

विभूर्मात्रा प्रभूः पित्राश्वोऽसि हयोऽस्यत्योऽसि नरोऽस्यवांसि सतिरसि वाज्यंसि वृषांसि नृमणांसि ययुर्नामास्यादित्यानाम्पत्वान्विहृग्नये स्वाहा स्वाहैन्द्राग्निभ्यां स्वाहा प्रजापतये स्वाहा विश्वेभ्यो देवेभ्यः स्वाहा सर्वाभ्यो देवेताभ्य इह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहा भूरसि भुवे त्वा भव्याय त्वा भविष्यते त्वा विश्वेभ्यस्त्वा भूतेभ्यो देवा आशापाला एतं देवेभ्योऽश्वम्मेधाय प्रोक्षितं गोपायत॥ (४१)

रन्तिः स्वाहा द्वाविंशतिश्च॥

[१२]

आयनाय स्वाहा प्रायणाय स्वाहोद्वाय स्वाहोद्वाताय स्वाहा शूकराय स्वाहा शूकृताय स्वाहा

पलायिताय स्वाहाऽऽपलायिताय स्वाहाऽऽवल्गते स्वाहा परावल्गते स्वाहाऽऽयते स्वाहा प्रयते स्वाहा सर्वस्मै स्वाहा॥ (४२)

आयनायोत्तरमापलायिताय षड्विंशतिः॥ [१३]

अग्नये स्वाहा सोमाय स्वाहा वायवे स्वाहापाम्मोदाय स्वाहा सवित्रे स्वाहा सरस्वत्यै स्वाहेन्द्राय स्वाहा बृहस्पतये स्वाहा मित्राय स्वाहा वरुणाय स्वाहा सर्वस्मै स्वाहा॥ (४३)

[१४]

पृथिव्यै स्वाहाऽन्तरिक्षाय स्वाहा दिवे स्वाहा सूर्याय स्वाहा चन्द्रमसे स्वाहा नक्षत्रेभ्यः स्वाहा प्राच्यै दिशे स्वाहा दक्षिणायै दिशे स्वाहा प्रतीच्यै दिशे स्वाहोर्दीच्यै दिशे स्वाहोर्ध्वायै दिशे स्वाहा दिग्भ्यः स्वाहाऽवान्तरदिशाभ्यः स्वाहा समीभ्यः स्वाहा शरद्भ्यः स्वाहाऽहोरात्रेभ्यः स्वाहाऽर्धमासेभ्यः स्वाहा मासेभ्यः स्वाहोर्तृभ्यः स्वाहा संवत्सराय स्वाहा सर्वस्मै स्वाहा॥ (४४)

[१५]

अग्नये स्वाहा सोमाय स्वाहा सवित्रे स्वाहा सरस्वत्यै स्वाहा पूष्णे स्वाहा बृहस्पतये स्वाहाऽपाम्मोदाय स्वाहा वायवे स्वाहा मित्राय स्वाहा वरुणाय स्वाहा सर्वस्मै स्वाहा॥ (४५)

[१६]

पृथिव्यै स्वाहाऽन्तरिक्षाय स्वाहा दिवे स्वाहाऽग्नये स्वाहा सोमाय स्वाहा सूर्याय स्वाहा चन्द्रमसे स्वाहाऽह्ने स्वाहा रात्रियै स्वाहोर्जवे स्वाहा साधवे स्वाहा सुक्षित्यै स्वाहा क्षुधे स्वाहाऽऽशितिभ्रे स्वाहा रोगाय स्वाहा हिमाय स्वाहा शीताय स्वाहाऽऽतपाय स्वाहाऽरण्याय स्वाहा सुवर्गाय स्वाहा लोकाय स्वाहा सर्वस्मै स्वाहा॥ (४६)

[१७]

भुवो देवानां कर्मणापसर्तस्य पथ्यासि वसुभिर्देवेभिर्देवतया गायत्रेण त्वा छन्दसा युनज्मि वसन्तेन त्वर्तुना हविषा दीक्षयामि रुद्रेभिर्देवेभिर्देवतया त्रेष्टुभेन त्वा छन्दसा युनज्मि ग्रीष्मेण त्वर्तुना हविषा दीक्षयाम्यादित्येभिर्देवेभिर्देवतया जागतेन त्वा छन्दसा युनज्मि वर्षाभिस्त्वर्तुना हविषा दीक्षयामि विश्वेभिर्देवेभिर्देवतयानुष्टुभेन त्वा छन्दसा युनज्मि (४७)

शरदा त्वर्तुना हविषा दीक्षयाम्यङ्गिरोभिर्देवेभिर्देवतया पाङ्गेन त्वा छन्दसा युनज्मि हेमन्तशिशिराभ्यां त्वर्तुना हविषा दीक्षयाम्याहं दीक्षामरुहमृतस्य पत्नीं गायत्रेण छन्दसा ब्रह्मणा चर्तं सत्येऽधा सत्यमृतंऽधाम् महीमू पु सुत्रामाणमिह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहा॥ (४८)

[१८]

ईङ्काराय स्वाहे कृताय स्वाहा क्रन्दते स्वाहाऽवक्रन्दते स्वाहा प्रोथते स्वाहा प्रप्रोथते स्वाहा गन्धाय स्वाहा घ्राताय स्वाहा प्राणाय स्वाहा व्यानाय स्वाहाऽपानाय स्वाहा सन्दीयमानाय स्वाहा सन्दिताय स्वाहा विचृत्यमानाय स्वाहा विचृताय स्वाहा पलायिष्यमाणाय स्वाहा पलायिताय स्वाहापरस्युते स्वाहापरताय स्वाहा निवेक्ष्यते स्वाहा निविशमानाय स्वाहा निविष्टाय स्वाहा निपथ्यते स्वाहा निपीदते स्वाहा निपण्णाय स्वाहा (४९)

आसिष्यते स्वाहाऽऽसीनाय स्वाहाऽऽसिताय स्वाहा निपथ्यते स्वाहा निपद्यमानाय स्वाहा निपन्नाय स्वाहा शयिष्यते स्वाहा शयानाय स्वाहा शयिताय स्वाहा सम्मीलिष्यते स्वाहा सम्मीलते स्वाहा सम्मीलिताय स्वाहा स्वप्स्यते स्वाहा स्वप्ते स्वाहा सुप्ताय स्वाहा प्रभोध्यते स्वाहा प्रबुध्यमानाय स्वाहा प्रबुद्धाय स्वाहा जागरिष्यते स्वाहा जाग्रते स्वाहा जागरिताय स्वाहा शृश्रूपमाणाय स्वाहा शृण्वते स्वाहा श्रुताय स्वाहा वीक्षिष्यते स्वाहा (५०)

वीक्षमाणाय स्वाहा वीक्षिताय स्वाहा सहास्यते स्वाहा सञ्जिहानाय स्वाहोज्जिहानाय स्वाहा विवथ्यते स्वाहा विवर्तमानाय स्वाहा विवृताय स्वाहात्थास्यते स्वाहोत्तिष्ठते स्वाहोत्थिताय स्वाहा विधविष्यते स्वाहा विधून्वानाय स्वाहा विधृताय स्वाहात्क्रस्यते स्वाहोत्क्रामते स्वाहोत्क्रान्ताय स्वाहा चङ्क्रमिष्यते स्वाहा चङ्क्रम्यमाणाय स्वाहा चङ्क्रमिताय स्वाहा कण्डूयिष्यते स्वाहा कण्डूयमानाय स्वाहा कण्डूयिताय स्वाहा निकषिष्यते स्वाहा निकषमाणाय स्वाहा निकषिताय स्वाहा यदत्ति तस्मै स्वाहा यत्पिबति तस्मै स्वाहा यन्मेहति तस्मै स्वाहा यच्छकृत्करोति तस्मै स्वाहा रेतसे स्वाहा प्रजाम्यः स्वाहा प्रजननाय स्वाहा सर्वस्मै स्वाहा॥ (५१)

[१९]

अग्रये स्वाहा वायवे स्वाहा सूर्याय स्वाहर्तमस्युतस्यर्तमसि सत्यमसि सत्यस्य सत्यमस्युतस्य पन्थां असि देवानां छायामृतस्य नाम तध्मत्यं यत्त्वं प्रजापतिरस्यधि यदस्मिन्वाजिनीव शुभः स्पर्धन्ते दिवः सूर्येण विशोऽपो वृणानः पवते कव्यन्पशुं न गोपा इर्यः परिज्मा (५२)

[२०]

॥द्वितीयः प्रश्नः॥

॥तैत्तिरीयसंहितायां सप्तमकाण्डे द्वितीयः प्रश्नः॥

साध्या वै देवाः सुवर्गकामा एतस् पङ्गात्रमपश्यन्तामहर्न्तेनायजन्त ततो वै ते सुवर्गं लोकमायन् य एवं विद्वांसः पङ्गात्रमासते सुवर्गमेव लोकं यन्ति देवसत्रं वै पङ्गात्रः प्रत्यक्षः ह्येतानि पृष्ठानि य एवं विद्वांसः पङ्गात्रमासते साक्षादेव देवता अभ्यारोहन्ति पङ्गात्रो भवति पङ्गा ऋतवः पदृष्ठानि (१)

पृष्ठैरेवतूनवारोहन्त्युत्तुभिः संवध्मुरन्ते संवध्मुर एव प्रति तिष्ठन्ति बृहद्रथन्तराभ्यां यन्तीयं वाव

रथन्तरमसौ बृहदाभ्यामेव यन्त्यथो अनयोरिव प्रति तिष्ठन्त्येते वै यज्ञस्याञ्जसायनीं सूती ताभ्यामेव सुवर्गं लोकं यन्ति त्रिवृदग्निष्टोमो भवति तेजं एवावं रुन्धते पञ्चदशो भवतीन्द्रियमेवावं रुन्धते सप्तदशः (२)

भवत्यन्नाद्यस्यावरुद्धा अथो प्रैव तेन जायन्त एकविंशो भवति प्रतिष्ठित्या अथो रुचमेवात्मन्धते त्रिणवो भवति विजित्यै त्रयस्त्रिंशो भवति प्रतिष्ठित्यै सदोहविधानिनं एतेन षड्रात्रेण यजेरन्नाश्वत्थी हविर्धानं चाग्नीध्रं च भवतस्तद्धि सुवर्ग्यं चक्रीवती भवतः सुवर्गस्य लोकस्य समष्ट्या उलूखलबुध्रो यूपो भवति प्रतिष्ठित्यै प्राश्नो यान्ति पार्डिव हि सुवर्गः (३)

लोकः सरस्वत्या यान्त्येष वै देवयानः पन्थास्तमेवान्वारोहन्त्याक्रोशन्तो यान्त्यवर्तिमेवान्यस्मिन्प्रतिपज्यं प्रतिष्ठां गच्छन्ति यदा दशं शतं कुर्वन्त्यथैकमुत्थानं शतायुः पुरुषः शतेन्द्रिय आयुष्येवेन्द्रिये प्रति तिष्ठन्ति यदा शतं सहस्रं कुर्वन्त्यथैकमुत्थानं सहस्रसम्मितो वा असौ लोकोऽमुमेव लोकमभि जयन्ति यदैषां प्रमीयेत यदा वा जीयेरन्नथैकमुत्थानन्तद्धि तीर्थम्॥ (४)

पृष्ठानि सप्तदशः सुवर्गो जयन्ति यदैकादश च॥ [१]

कुसुबिन्द औद्दालकिरकामयत पशुमान्धस्यामिति स एतं संसारात्रमाहर्त्तेनायजत तेन वै स यावन्तो ग्राम्याः पशवस्तान्वावरुद्ध य एवं विद्वान्धसंसारात्रेण यजते यावन्त एव ग्राम्याः पशवस्तान्वावरुद्धे सप्तरात्रो भवति सप्त ग्राम्याः पशवः सप्तरण्याः सप्त छन्दास्स्युभयस्यावरुद्धौ त्रिवृदग्निष्टोमो भवति तेजः (५)

एवावं रुद्धे पञ्चदशो भवतीन्द्रियमेवावं रुद्धे सप्तदशो भवत्यन्नाद्यस्यावरुद्धा अथो प्रैव तेन जायत एकविंशो भवति प्रतिष्ठित्या अथो रुचमेवात्मन्धते त्रिणवो भवति विजित्यै पञ्चविंशोऽग्निष्टोमो भवति प्रजापतेरास्यै महाव्रतवान्नाद्यस्यावरुद्धौ विश्वजिह्वसर्वपृष्ठोऽतिरात्रो भवति सर्वस्याभिजित्यै यत्प्रत्यक्षम्पूर्वेष्वहःसु पृष्ठान्युपेयुः प्रत्यक्षम् (६)

विश्वजिति यथा दुग्धामुपसीदत्येवमुत्तममहः स्यान्नैकरात्रश्चन स्याद्बृहद्रथन्तरे पूर्वेष्वहःसूपं यन्तीयं वाव रथन्तरमसौ बृहदाभ्यामेव न यन्त्यथो अनयोरिव प्रति तिष्ठन्ति यत्प्रत्यक्षं विश्वजिति पृष्ठान्युपयन्ति यथा प्रतां दुहे तादृगेव तत्॥ (७)

तेजं उपेयुः प्रत्यक्षं द्विचत्वारिंशच्च॥ [२]

बृहस्पतिरकामयत ब्रह्मवर्चसी स्यामिति स एतमष्टरात्रमपश्यत्तमाहर्त्तेनायजत ततो वै स ब्रह्मवर्चस्यम्बुध एवं विद्वानष्टरात्रेण यजते ब्रह्मवर्चस्येव भवत्यष्टरात्रो भवत्यष्टाक्षरा गायत्री गायत्री ब्रह्मवर्चसमायत्रियैव ब्रह्मवर्चसमव रुद्धेऽष्टरात्रो भवति चतस्रो वै दिशश्चतस्रोऽवान्तरदिशा दिग्भ्य एव ब्रह्मवर्चसमव रुद्धे (८)

त्रिवृदग्निष्टोमो भवति तेजं एवावं रुद्धे पञ्चदशो भवतीन्द्रियमेवावं रुद्धे सप्तदशो भवत्यन्नाद्यस्यावरुद्धा अथो प्रैव तेन जायत एकविंशो भवति प्रतिष्ठित्या अथो रुचमेवात्मन्धते त्रिणवो भवति विजित्यै त्रयस्त्रिंशो भवति प्रतिष्ठित्यै पञ्चविंशोऽग्निष्टोमो भवति प्रजापतेरास्यै महाव्रतवान्नाद्यस्यावरुद्धौ विश्वजिह्वसर्वपृष्ठोऽतिरात्रो

भवति सर्वस्याभिर्जित्यै॥ (९)

दिग्भ्य एव ब्रह्मवर्चसमवरुन्धेऽभिर्जित्यै॥ [३]

प्रजापतिः प्रजा असृजत ताः सृष्टाः क्षुधं न्यायन्त्स एतं नवरात्रमपश्यत्तमाहर्त्तेनायजत ततो वै प्रजाभ्योऽ कल्पत यरहिं प्रजाः क्षुधं निगच्छेयुस्तरहिं नवरात्रेण यजेतेमे हि वा एतासां लोका अक्ष्णता अथैताः क्षुधं नि गच्छन्तीमानेवाभ्यो लोकान्कल्पयति तान्कल्पमानान्प्रजाभ्योऽनु कल्पते कल्पन्ते (१०)

अस्मा इमे लोका ऊजं प्रजासु दधाति त्रिरात्रेणैवमं लोकं कल्पयति त्रिरात्रेणान्तरिक्षं त्रिरात्रेणामु लोकं यथा गुणे गुणमन्वस्यत्येवमेव तल्लोके लोकमन्वस्यति धृत्या अशिथिलम्भावाय ज्योतिर्गौरायुरिति ज्ञाताः स्तोमा भवन्तीयं वाव ज्योतिरन्तरिक्षं गौरसावायुरेष्वेव लोकेषु प्रति तिष्ठन्ति ज्ञात्रं प्रजानाम् (११)

गच्छति नवरात्रो भवत्यभिपूर्वमेवास्मिन्तेजो दधाति यो ज्योगामयावी स्यात्स नवरात्रेण यजेत प्राणा हि वा एतस्याधृता अथैतस्य ज्योगामयति प्राणानेवास्मिन्दाधारोत यदीतासुर्भवति जीवत्येव॥ (१२)

कल्पन्ते प्रजानान्नयस्त्रिंशच्च॥ [४]

प्रजापतिरकामयत प्र जायेयेति स एतं दशहोतारमपश्यत्तमजुहोतेन दशरात्रमसृजत तेन दशरात्रेण प्राजायत दशरात्राय दीक्षियमाणो दशहोतारं जुहुयादशहोत्रैव दशरात्रं सृजते तेन दशरात्रेण प्र जायते वैराजो वा एष यज्ञो यददशरात्रो य एवं विद्वान्दशरात्रेण यजते विराजमेव गच्छति प्राजापत्यो वा एष यज्ञो यददशरात्रः (१३)

य एवं विद्वान्दशरात्रेण यजते प्रैव जायत इन्द्रो वै सहद्वेवताभिरासीत्स न व्यावृत्तमगच्छत्स प्रजापतिमुपाधावत् तस्मा एतं दशरात्रमपश्यत्तमाहर्त्तेनायजत ततो वै सोऽन्याभिर्देवताभिर्व्यावृत्तमगच्छद्य एवं विद्वान्दशरात्रेण यजते व्यावृत्तमेव पाप्मना भ्रातृव्येण गच्छति त्रिकुद्वे (१४)

एष यज्ञो यददशरात्रः ककुत्पञ्चदशः ककुदेकविंशः ककुत्रयस्त्रिंशो य एवं विद्वान्दशरात्रेण यजते त्रिककुदेव संमानानां भवति यजमानः पञ्चदशो यजमान एकविंशो यजमानस्त्रयस्त्रिंशः पुर इतरा अभिचर्यमाणो दशरात्रेण यजेत देवपुरा एव पर्यूहते तस्य न कुतश्चनोपाव्याधो भवति नैनमभिचरन्त्युत्पते देवासुराः संयत्ता आसन्ते देवा एताः (१५)

देवपुरा अपश्यन् यददशरात्रस्ताः पर्यूहन्त तेषां न कुतश्चनोपाव्याधोऽभवत्ततो देवा अभवन्परासुरा यो भ्रातृव्यवान्स्यात्स दशरात्रेण यजेत देवपुरा एव पर्यूहते तस्य न कुतश्चनोपाव्याधो भवति भवत्यात्मना परास्य भ्रातृव्यो भवति स्तोमः स्तोमस्योपस्तिर्भवति भ्रातृव्यमेवोपस्तिं कुरुते जामि वै (१६)

एतत्कुर्वन्ति यज्यायाःसुः स्तोममुपेत्य कर्नीयाःसमुपयन्ति यदग्निष्टोमसामान्यवस्ताच्च पुरस्ताच्च भवन्त्यजामित्वाय त्रिवृदग्निष्टोमोऽग्निष्टुदाग्नेयीषु भवति तेज एवावं रुन्दे पञ्चदश उक्थ्य ऐन्द्रीष्विन्द्रियमेवावं रुन्दे त्रिवृदग्निष्टोमो वैश्वदेवीषु पुष्टिमेवावं रुन्दे सप्तदशोऽग्निष्टोमः प्राजापत्यासु तीव्रसोमोऽन्नाद्यस्यावरुद्धा अथो प्रैव तेन जायते (१७)

एकविंश उक्थ्यः सौरीषु प्रतिष्ठित्या अथो रुचमेवात्मन्धत्ते सप्तदशोऽग्निष्टोमः प्राजापत्यासूपहव्यं

उपह्वमेव गच्छति त्रिणवावन्निष्टोमावभित ऐन्द्रीषु विजित्यै त्रयस्त्रिंश उक्थ्यो वैश्वदेवीषु प्रतिष्ठित्यै विश्वजिह्मवर्षष्ठोऽतिरात्रो भवति सर्वस्याभिजित्यै॥ (१८)

प्रजापत्यो वा एष यज्ञो यदंशरात्रस्त्रिकुकुद्वा एता वै जायत एकत्रिंशच्च॥ [५]

ऋतवो वै प्रजाकामाः प्रजां नार्विन्दन्त तैऽकामयन्त प्रजां सृजेमहि प्रजामव रन्धीमहि प्रजां विन्देमहि प्रजावन्तः स्यामेति त एतमैकादशरात्रमपश्यन्तमाहरन्तेनायजन्त ततो वै ते प्रजामसृजन्त प्रजामवारन्धत प्रजामविन्दन्त प्रजावन्तोऽभवन्त ऋतवोऽभवन्तदार्तवानामार्तवत्वमृतूनां वा एते पुत्रास्तस्मात् (१९)

आर्तवा उच्यन्ते य एवं विद्वांसं एकादशरात्रमासते प्रजामेव सृजन्ते प्रजामव रन्धते प्रजां विन्दन्ते प्रजावन्तो भवन्ति ज्योतिरतिरात्रो भवति ज्योतिरेव पुरस्तादधते सुवर्गस्य लोकस्यानुख्यात्यै पृष्ठः षड्हो भवति षड्वा ऋतवः षट्पृष्ठानि पृष्ठैरेवर्तुन्वारोहन्त्यृतुभिः संवत्सरन्ते संवत्सर एव प्रति तिष्ठन्ति चतुर्विंशो भवति चतुर्विंशत्यक्षरा गायत्री (२०)

गायत्रब्रह्मवर्चसङ्गायत्रियामेव ब्रह्मवर्चसे प्रति तिष्ठन्ति चतुश्चत्वारिंशो भवति चतुश्चत्वारिंशदक्षरा त्रिष्टुगिन्द्रियं त्रिष्टुत्रिष्टुयेवेन्द्रिये प्रति तिष्ठन्त्यष्टाचत्वारिंशो भवत्यष्टाचत्वारिंशदक्षरा जगती जागताः पशवो जगत्यामेव पशुषु प्रति तिष्ठन्त्येकादशरात्रो भवति पञ्च वा ऋतव आर्तवाः पञ्चतुष्वेवार्तवेषु संवत्सरे प्रतिष्ठाय प्रजामव रन्धतेऽतिरात्रावभितो भवतः प्रजायै परिगृहीत्यै॥ (२१)

तस्माद्वायुत्र्येकात्रपञ्चाशच्च॥ [६]

ऐन्द्रवायवाग्राङ्ग्रीयाद्यः कामयन्त यथापूर्वं प्रजाः कल्पेरन्निति यज्ञस्य वै कृत्तिमनु प्रजाः कल्पन्ते यज्ञस्याकृत्तिमनु न कल्पन्ते यथापूर्वमेव प्रजाः कल्पयति न ज्यायांसं कर्नीयानति कामत्यैन्द्रवायवाग्राङ्ग्रीयादामयाविनः प्राणेन वा एष व्यूध्यते यस्यामयति प्राण ऐन्द्रवायवः प्राणेनैवेन संमर्धयति मैत्रावरुणाग्राङ्ग्रीयादामयाविनः येषां दीक्षितानां प्रमीयन्त (२२)

प्राणापानाभ्यां वा एते व्यूध्यन्ते येषां दीक्षितानां प्रमीयन्ते प्राणापानौ मित्रावरुणौ प्राणापानावेव मुखतः परि हरन्त आश्विनाग्राङ्ग्रीयादामयाविनो वै देवानामानुजावरौ पश्चेवाग्रं पर्येतामश्विनावितस्य देवता य आनुजावरस्तावेवैनमग्रं परि गयतः शुक्राग्राङ्ग्रीयादामयाविनो वै प्रतिष्ठाकामोऽसौ वा आदित्यः शुक्र एषोऽन्तोऽन्तमनुष्यः (२३)

श्रियै गत्वा नि वर्ततेऽन्तादिवान्तमा रभते न ततः पापीयान्भवति मन्थ्यग्राङ्ग्रीयादामयाविनो मित्रावरुणौ प्राणापानावेव एतद्यन्मन्थिपात्रमृत्युनैवेन ग्राहयति ताजगार्तिमाच्छ्रित्याग्रयणाग्राङ्ग्रीयादामयाविनो यस्य पिता पितामहः पुण्यः स्यादथ तत्र प्राप्नुयाद्वाचा वा एष इन्द्रियेण व्यूध्यते यस्य पिता पितामहः पुण्यः (२४)

भवत्यथ तत्र प्राप्नोत्युर इवेतद्यज्ञस्य वागिव यदाग्रयणो वाचैवेनमिन्द्रियेण समर्धयति न ततः पापीयान्भवत्युक्थ्याग्राङ्ग्रीयादामयाविनो यस्य पिता पितामहः पुण्यः स्यादथ तत्र प्राप्नुयाद्वाचा वा एष इन्द्रियेण व्यूध्यते यस्य पिता पितामहः पुण्यः (२५)

संरस्वती वाचैवेनमति प्र युक्ते मा त्वत्क्षेत्राण्यरणानि गुमेत्याह मृत्योर्वै क्षेत्राण्यरणानि तेनैव मृत्योः

क्षेत्राणि न गच्छति पूर्णान्ग्रहान्गृह्णीयादामयाविनः प्राणान् वा एतस्य शुगच्छति यस्यामयति प्राणा ग्रहाः प्राणानेवास्यं शुचो मुञ्चत्युत यदीतासुभवंति जीवत्येव पूर्णान्ग्रहान्गृह्णीयाद्यर्हि पर्जन्यो न वर्षेत्प्राणान् वा एतर्हि प्रजानां शुगच्छति यर्हि पर्जन्यो न वर्षति प्राणा ग्रहाः प्राणानेव प्रजानां शुचो मुञ्चति ताजकम् वर्षति॥ (२६)

प्रमीयेत मनुष्यं ऋध्यते यस्य पिता पितामहः पुण्यो वाग्वा एव पूर्णान्ग्रहान्यश्च विशतिश्च॥ [७]

गायत्रो वा ऐन्द्रवायवो गायत्रम्रायणीयमहस्तस्मात्त्रायणीयेऽहन्नैन्द्रवायवो गृह्यते स्व एवैनमायतने गृह्णाति त्रैष्टुभो वै शुक्रस्त्रैष्टुभं द्वितीयमहस्तस्माद्वितीयेऽहञ्छुको गृह्यते स्व एवैनमायतने गृह्णाति जागंतो वा आग्रयणो जागंतं तृतीयमहस्तस्मात्तृतीयेऽहन्नाग्रयणो गृह्यते स्व एवैनमायतने गृह्णात्येतद्वै (२७)

यजमापद्यच्छन्दाऽस्याप्रोति यदाग्रयणः श्वो गृह्यते यत्रैव यजमदंशन्तं एवैनम्पुनः प्र युङ्क्ते जगन्मुखो वै द्वितीयंस्त्रिरात्रो जागंत आग्रयणो यच्चतुर्थेऽहन्नाग्रयणो गृह्यते स्व एवैनमायतने गृह्णात्यथो स्वमेव छन्दोऽनुं पर्यावर्तन्ते राथंतरो वा ऐन्द्रवायवो राथंतरं पञ्चममहस्तस्मात्पञ्चमेऽहन् (२८)

ऐन्द्रवायवो गृह्यते स्व एवैनमायतने गृह्णाति बारहंतो वै शुक्रो बारहंतं षष्ठमहस्तस्मात्षष्ठेऽहञ्छुको गृह्यते स्व एवैनमायतने गृह्णात्येतद्वै द्वितीयं यजमापद्यच्छन्दाऽस्याप्रोति यच्छुक्रः श्वो गृह्यते यत्रैव यजमदंशन्तं एवैनम्पुनः प्र युङ्क्ते त्रिष्टुङ्मुखो वै तृतीयंस्त्रिरात्रस्त्रैष्टुभः (२९)

शुक्रो यथ्सप्तमेऽहञ्छुको गृह्यते स्व एवैनमायतने गृह्णात्यथो स्वमेव छन्दोऽनुं पर्यावर्तन्ते वाग्वा आग्रयणो वागष्टममहस्तस्मादष्टमेऽहन्नाग्रयणो गृह्यते स्व एवैनमायतने गृह्णाति प्राणो वा ऐन्द्रवायवः प्राणो नवममहस्तस्मात्नवमेऽहन्नैन्द्रवायवो गृह्यते स्व एवैनमायतने गृह्णात्येतत् (३०)

वै तृतीयं यजमापद्यच्छन्दाऽस्याप्रोति यदैन्द्रवायवः श्वो गृह्यते यत्रैव यजमदंशन्तं एवैनम्पुनः प्र युङ्क्तेऽथो स्वमेव छन्दोऽनुं पर्यावर्तन्ते पथो वा एतेऽध्यपथेन यन्ति येऽन्येनैन्द्रवायवात्प्रतिपद्यन्तेऽन्तः खलु वा एष यज्ञस्य यद्वंशमहर्दशमेऽहन्नैन्द्रवायवो गृह्यते यज्ञस्य (३१)

एवान्तं गत्वापथात्पन्थामपि न्यून्यथो यथा वहीयसा प्रतिसारं वहन्ति तादृगेव तच्छन्दाऽस्यन्योन्यस्यं लोकमभ्यध्यायन्तान्येतैनेव देवा व्यवाहयन्नैन्द्रवायवस्य वा एतदायतनं यच्चतुर्थमहस्तस्मिन्नाग्रयणो गृह्यते तस्मादाग्रयणस्यायतने नवमेऽहन्नैन्द्रवायवो गृह्यते शुक्रस्य वा एतदायतनं यत्पञ्चमम् (३२)

अहस्तस्मिन्नैन्द्रवायवो गृह्यते तस्मादैन्द्रवायवस्यायतने सप्तमेऽहञ्छुको गृह्यत आग्रयणस्य वा एतदायतनं यत्षष्ठमहस्तस्मिञ्छुको गृह्यते तस्माच्छुक्रस्यायतनेऽष्टमेऽहन्नाग्रयणो गृह्यते छन्दाऽस्येव तद्वि वाहयति प्र वस्यसो विवाहमाप्नोति य एवं वेदाथो देवताभ्य एव युजे संविदं दधाति तस्माद्विदमन्योन्यस्मै ददाति॥ (३३)

एतद्वै पञ्चमेऽहन्नैष्टुभ एतद्वह्यते यज्ञस्यं पञ्चममन्यस्मा एकञ्च॥ [८]

प्रजापतिरकामयत् प्र जायेयेति स एतं द्वादशरात्रमपश्यत्तमाहर्त्तेनायजत् ततो वै स प्राजायत् यः कामयेत् प्र जायेयेति स द्वादशरात्रेण यजेत् प्रैव जायते ब्रह्मवादिनो वदन्त्यग्निष्टोमप्रायणा यज्ञा अथ कस्मादतिरात्रः पूर्वः प्र युज्यत इति चक्षुषी वा एते यज्ञस्य यदतिरात्रो कनीनिके अग्निष्टोमौ यत् (३४)

अग्निष्टोमं पूर्वम्प्रयुञ्जीरन्बहिर्धा कनीनिके दध्युस्तस्मादतिरात्रः पूर्वः प्र युज्यते चक्षुषी एव यज्ञे धित्वा मध्यतः कनीनिके प्रतिं दधति यो वै गायत्री ज्योतिःपक्षां वेद ज्योतिषा भासा सुवर्गं लोकमेति यावदग्निष्टोमो तौ पक्षौ येऽन्तरेऽष्टावुक्थ्याः स आत्मैषा वै गायत्री ज्योतिःपक्षा य एवं वेद ज्योतिषा भासा सुवर्गं लोकम् (३५)

एति प्रजापतिर्वा एष द्वादशधा विहितो यद्वादशरात्रो यावतिरात्रो तौ पक्षौ येऽन्तरेऽष्टावुक्थ्याः स आत्मा प्रजापतिर्वाविष सन्थस्मद् वै सन्नेत्रेण स्पृणोति प्राणा वै सत्प्राणानेव स्पृणोति सर्वासां वा एते प्रजानां प्राणैरासते ये सन्त्रमासन्ते तस्मात्पृच्छन्ति किमेते सन्नित्रिण इति प्रियः प्रजानामुत्थितो भवति य एवं वेद॥ (३६)

अग्निष्टोमो यत्सुवर्गलोकं प्रियः प्रजानां पञ्च च॥ _____ [९]

न वा एषोऽन्यतोवैश्वानरः सुवर्गायं लोकाय प्राभवदूर्ध्वो ह वा एष आतत आसीते देवा एतं वैश्वानरं पर्यौहन्सुवर्गस्यं लोकस्य प्रभृत्या ऋतवो वा एतेन प्रजापतिमयाजयन्तेष्वौर्ध्वोदधि तदुद्गोतिं ह वा ऋत्विक्षु य एवं विद्वान्द्वादशाहेन यजते तैऽस्मिन्नेच्छन्त स रस्महं वसन्ताय प्रायच्छत् (३७)

यवं ग्रीष्माद्यौषधीर्वर्षाभ्यां ग्रीहीञ्छुरदे मापतिलौ हेमन्तशिशिराभ्यान्तेन्द्र प्रजापतिरयाजयत्ततो वा इन्द्र इन्द्रोऽभवत्तस्मादाहरानुजावरस्यं यज्ञ इति स ह्येतानाग्रेऽयंजतेप ह वै कुणपमति यः सन्ने प्रतिगृह्णाति पुरुषकुणपमंश्चकुणपङ्गौर्वा अन्नं येन पात्रेणान्म्विभ्रति यत्तन्न निर्णेनिजति ततोऽधि (३८)

मलं जायत एक एव यजेतैको हि प्रजापतिराधौद्वादश रात्रौर्दीक्षितः स्याद्द्वादश मासाः संवत्सरः संवत्सरः प्रजापतिः प्रजापतिर्वाविष एष ह त्वे जायते यस्तपसोऽधि जायते चतुर्धा वा एतास्तिस्मस्तिन्ने रात्रयो यद्वादशोपसदो याः प्रथमा यज्ञं ताभिः सम्भरति या द्वितीया यज्ञं तामिरा रभते (३९)

यास्तृतीयाः पात्राणि ताभिर्निर्णनित्ते याश्चतुर्थीरपि ताभिः रात्मानमन्तरतः शुन्धते यो वा अस्य पशुमति मा१स१ सौ१ति यः पुंगोडाशंमस्तिष्क१ स यः परिवापं पुशै१प१ स य आज्यंममज्जान१ स यः सोम१ स्वेद१ सोऽपि ह वा अस्य शीर्षण्या निष्पदः प्रति गृह्णाति यो द्वादशाहे प्रतिगृह्णाति तस्माद्द्वादशाहेन न याज्यंम्याप्मनो व्यावृत्तै॥ (४०)

अयच्छदधि रभते द्वादशाहेन चत्वारि च॥ _____ [१०]

एकस्मै स्वाहा द्वाभ्यां१ स्वाहा त्रिभ्यः स्वाहा चतुर्भ्यः स्वाहा पञ्चभ्यः स्वाहा षड्भ्यः स्वाहा सप्तभ्यः स्वाहाऽष्टाभ्यः स्वाहा नवभ्यः स्वाहा दशभ्यः स्वाहाैकादशभ्यः स्वाहा द्वादशभ्यः स्वाहा त्रयोदशभ्यः स्वाहा चतुर्दशभ्यः स्वाहा पञ्चदशभ्यः स्वाहा षोडशभ्यः स्वाहा सप्तदशभ्यः स्वाहाऽष्टादशभ्यः स्वाहाैकात्र विंशत्यै स्वाहा नवविंशत्यै स्वाहाैकात्र चत्वारिंशते स्वाहा नवचत्वारिंशते स्वाहाैकात्र पष्ठे स्वाहा नवपष्ठे स्वाहाैकात्राशीत्यै स्वाहा नवांशीत्यै स्वाहाैकात्र शताय स्वाहा शताय स्वाहा द्वाभ्यां१ शताभ्यां१ स्वाहा सर्वस्मै स्वाहा॥ (४१)

नवचत्वारिंशते स्वाहाैकात्रैकविंशतिश्च॥ _____ [११]

एकस्मै स्वाहा त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः स्वाहैकादशभ्यः स्वाहा त्रयोदशभ्यः स्वाहा पञ्चदशभ्यः स्वाहा सप्तदशभ्यः स्वाहेकात्र विंशत्यै स्वाहा नवविंशत्यै स्वाहेकात्र चत्वारिंशते स्वाहा नवचत्वारिंशते स्वाहेकात्र पृष्ठे स्वाहा नवपृष्ठे स्वाहेकात्राशीत्यै स्वाहा नवाशीत्यै स्वाहेकात्र शताय स्वाहा शताय स्वाहा सर्वस्मै स्वाहा॥ (४२)

एकस्मै त्रिभ्यः पञ्चाशत्॥ [१२]

द्वाभ्यां चतुर्भ्यः स्वाहा पृष्ठः स्वाहाऽष्टाभ्यः स्वाहा दशभ्यः स्वाहा द्वादशभ्यः स्वाहा चतुर्दशभ्यः स्वाहा षोडशभ्यः स्वाहाऽष्टादशभ्यः स्वाहा विंशत्यै स्वाहाऽष्टानवत्यै स्वाहा शताय स्वाहा सर्वस्मै स्वाहा॥ (४३)

द्वाभ्यामष्टानवत्यै षड्विंशतिः॥ [१३]

त्रिभ्यः स्वाहा पञ्चभ्यः स्वाहा सप्तभ्यः स्वाहा नवभ्यः स्वाहैकादशभ्यः स्वाहा त्रयोदशभ्यः स्वाहा पञ्चदशभ्यः स्वाहा सप्तदशभ्यः स्वाहेकात्र विंशत्यै स्वाहा नवविंशत्यै स्वाहेकात्र चत्वारिंशते स्वाहा नवचत्वारिंशते स्वाहेकात्र पृष्ठे स्वाहा नवपृष्ठे स्वाहेकात्राशीत्यै स्वाहा नवाशीत्यै स्वाहेकात्र शताय स्वाहा शताय स्वाहा सर्वस्मै स्वाहा॥ (४४)

त्रिभ्योऽष्टाचत्वारिंशत्॥ [१४]

चतुर्भ्यः स्वाहाऽष्टाभ्यः स्वाहा द्वादशभ्यः स्वाहा षोडशभ्यः स्वाहा विंशत्यै स्वाहा षण्णवत्यै स्वाहा शताय स्वाहा सर्वस्मै स्वाहा॥ (४५)

चतुर्भ्यः षण्णवत्यै षोडश॥ [१५]

पञ्चभ्यः स्वाहा दशभ्यः स्वाहा पञ्चदशभ्यः स्वाहा विंशत्यै स्वाहा पञ्चनवत्यै स्वाहा शताय स्वाहा सर्वस्मै स्वाहा॥ (४६)

पञ्चभ्यः प्रश्ननवत्यै चतुर्दश॥ [१६]

दशभ्यः स्वाहा विंशत्यै स्वाहा त्रिंशते स्वाहा चत्वारिंशते स्वाहा पञ्चाशते स्वाहा पृष्ठे स्वाहा सप्तत्यै स्वाहाऽशीत्यै स्वाहा नवत्यै स्वाहा शताय स्वाहा सर्वस्मै स्वाहा॥ (४७)

दशभ्यो द्वाविंशतिः॥ [१७]

विंशत्यै स्वाहा चत्वारिंशते स्वाहा पृष्ठे स्वाहाऽशीत्यै स्वाहा शताय स्वाहा सर्वस्मै स्वाहा॥ (४८)

विंशत्यै द्वादश॥ [१८]

पञ्चाशते स्वाहा शताय स्वाहा द्वाभ्यां शताभ्यां स्वाहा त्रिभ्यः शतेभ्यः स्वाहा चतुर्भ्यः शतेभ्यः

स्वाहां पञ्चभ्यः शतेभ्यः स्वाहां पङ्क्त्यः शतेभ्यः स्वाहां सप्तभ्यः शतेभ्यः स्वाहां ऽष्टाभ्यः शतेभ्यः स्वाहां नवभ्यः शतेभ्यः स्वाहां सहस्राय स्वाहा सर्वस्मै स्वाहा॥ (४९)

पञ्चाशते द्वात्रिंशत्॥ [१९]

शताय स्वाहा सहस्राय स्वाहा ऽयुताय स्वाहा नियुताय स्वाहा प्रयुताय स्वाहा ऽर्बुदाय स्वाहा न्यर्बुदाय स्वाहा समुद्राय स्वाहा मध्याय स्वाहा ऽन्ताय स्वाहा परार्धाय स्वाहा ऽपसे स्वाहा व्युष्टे स्वाहा ऽदेष्टे स्वाहा ऽद्यते स्वाहा ऽदिताय स्वाहा सुवर्गाय स्वाहा लोकाय स्वाहा सर्वस्मै स्वाहा॥ (५०)

शतायाष्टात्रिंशत्॥ [२०]

प्रजवं ब्रह्मवादिनः किमेष वा आत आदित्या उभयोः प्रजापतिरन्वायन्निन्द्रो वै सदङ्घ्रिन्द्रो वै शिथिलः प्रजापतिरकामयतान्नदः सा विराडसावादित्योर्वाङ्मूतमा मेऽग्निना स्वाहाधिन्द्रोऽष्टेताय कृष्णायोपधीभ्यो वनस्पतिभ्यो विशतिः॥ [२१]

॥ तृतीयः प्रश्नः ॥

॥ तैत्तिरीयसंहितायां सप्तमकाण्डे तृतीयः प्रश्नः ॥

प्रजवं वा एतेन यन्ति यदंशममहः पापावहीयं वा एतेन भवन्ति यदंशममहुर्यो वै प्रजवं युतामपथेन प्रतिपद्यते यः स्थाणुं हन्ति यो भ्रेषं न्येति स हीयते स यो वै दंशमेऽहंनविवाक्य उपहन्यते स हीयते तस्मै य उपहताय व्याह तमेवान्वाग्भ्य समंश्चूतेऽथ यो व्याह सः (१)

हीयते तस्मादंशमेऽहंनविवाक्य उपहताय न व्युच्यमथो खत्वाहुर्यज्ञस्य वै समृद्धेन देवाः सुवर्गं लोकमायन् यज्ञस्य व्युद्धेनासुरान्पराभावयन्निति यत्खलु वै यज्ञस्य समृद्धं तद्यजमानस्य यद्व्युद्धं तद्वातव्यस्य स यो वै दंशमेऽहंनविवाक्य उपहन्यते स एवाति रेचयति ते ये बाह्या दशीकवः (२)

स्युस्ते वि ब्रूयुर्यदि तत्र न विन्देयुरन्तःसदसाद्युच्यं यदि तत्र न विन्देयुर्गृहपतिना व्युच्यन्तद्युच्यमेवाथ वा एतथ्सर्पराज्ञ्यां ऋग्भिः स्तुवन्तीयं वै सर्पतो राज्ञी यद्वा अस्यां किं चार्चन्ति यदानृचुस्तेनेयं सर्पराज्ञी ते यदेव किं च वाचानृचुर्यदतोऽर्च्यर्चितारः (३)

तदुभयमास्वावरुध्योत्तिष्ठामेति ताभिर्मनसा स्तुवते न वा इमामंश्चरथो नाश्वं तरिरथः सद्यः पर्याप्तमरहति मनो वा इमां सद्यः पर्याप्तमरहति मनः परिभवितुमथ ब्रह्मं वदन्ति परिमिता वा ऋचः परिमितानि सामानि परिमितानि यजुष्यथैतस्यैवान्तो नास्ति यद्वह्म तत्प्रतिगृणत आ चक्षीत स प्रतिगुरः॥ (४)

व्याह स दंशीकवोर्चितारः स एकश्च॥ [१]

ब्रह्मवादिनो वदन्ति किं द्वादशाहस्यं प्रथमेनाहृत्विजां यजमानो वृद्ध इति तेजं इन्द्रियमिति किं द्वितीयेनेति प्राणान्नाद्यमिति किं तृतीयेनेति त्रीणिमालोणकानिति किं चतुर्थेनेति चतुष्पदः पशूनि किम्पञ्चमेनेति पञ्चाक्षराम्पङ्क्तिमिति किं षष्ठेनेति षड्भूतिमिति किं सप्तमेनेति सप्तपदाः शक्रोमिति (५)

किमष्टमेनेत्यष्टाक्षरां गायत्रीमिति किं नवमेनेति त्रिवृतः स्तोममिति किं दशमेनेति दशाक्षरां विराजमिति किमेकादशेनेत्येकादशाक्षरां त्रिष्टुभमिति किं द्वादशेनेति द्वादशाक्षरां जगतीमित्येतावद्वा अस्ति यावदेतद्यावदेवास्ति तदेषां वृद्धे॥ (६)

शक्रोमित्येकचत्वारिंशच्च॥ [२]

एष वा आतो द्वादशाहो यत्रयोदशरात्रः समानः ह्येतदहुर्यत्पायणीयंश्चोदयनीयंश्च त्र्यतिरात्रो भवति त्रयं इमे लोका एषां लोकानामात्यै प्राणो वै प्रथमोऽतिरात्रो व्यानो द्वितीयोऽपानस्तृतीयः प्राणापानोदानेष्वेवात्राद्ये प्रति तिष्ठन्ति सर्वमायुर्यन्ति य एवं विद्वांसस्त्रयोदशरात्रमासन्ते तदाहुर्वाग्वा एषा वितंता (७)

यद्वादशाहस्तां विच्छिन्द्युर्यन्मध्यंऽतिरात्रं कुर्युरुपदासुका गृहपतेर्वाग्व्यादुपरिष्ठाच्छन्दोमानांमहाव्रतं कुर्वन्ति सन्ततामेव वाचमव रुद्धतेऽनुपदासुका गृहपतेर्वाग्भवति पशवो वै छन्दोमा अन्नम्महाव्रतं यदुपरिष्ठाच्छन्दोमानांमहाव्रतं कुर्वन्ति पशुषु चैवात्राद्ये च प्रति तिष्ठन्ति॥ (८)

वितंता त्रिचत्वारिंशच्च॥ [३]

आदित्या अकामयन्तोभयौलोकयोर्ऋधुयामेति त एतं चतुर्दशरात्रमपश्यन्तमाहरन्तेनायजन्त ततो वै त उभयौलोकयोर्ध्रुवन्नस्मिंश्चामुष्मिंश्च य एवं विद्वांसश्चतुर्दशरात्रमासन्ते उभयोरैव लोकयोर्ऋध्रुवन्त्यस्मिंश्चामुष्मिंश्च चतुर्दशरात्रो भवति सप्त ग्राम्या ओषधयः सप्तारण्या उभयौषामवरुद्धे यत्पराचीनानि पृष्ठानि (९)

भवन्त्यमुमेव तैर्लोकमभि जयन्ति यत्प्रतीचीनानि पृष्ठानि भवन्तीममेव तैर्लोकमभि जयन्ति त्रयस्त्रिंशौ मध्यतः स्तोमौ भवतः साम्राज्यमेव गच्छन्त्यधिराजौ भवतोऽधिराजा एव समानानां भवन्त्यतिरात्रावभितौ भवतः परिगृहीत्यै॥ (१०)

पृष्ठानि चतुस्त्रिंशच्च॥ [४]

प्रजापतिः सुवर्गं लोकमेतं देवा अन्वायन्तानादित्याश्च पशवश्चान्वायन्ते देवा अब्रुवन् यान्यशूनुपार्जीविष्म त इमंऽन्वाग्मन्त्रिति तेभ्यं एतं चतुर्दशरात्रम्प्रत्यौहन्त आदित्याः पृष्ठैः सुवर्गं लोकमारोहन्त्यहाभ्यामस्मिन्नौके पशून्प्रत्यौहन्पृष्ठैरादित्या अमुष्मिन्नौक आर्ध्ववज्र्याहाभ्यामस्मिन् (११)

लोके पशवो य एवं विद्वांसश्चतुर्दशरात्रमासन्ते उभयोरैव लोकयोर्ऋध्रुवन्त्यस्मिंश्चामुष्मिंश्च पृष्ठैरवामुष्मिन्नौक ऋध्रुवन्ति त्र्यहाभ्यामस्मिन्नौके ज्योतिर्गौरायुरिति त्र्यहो भवतीयं वाव ज्योतिरन्तरिक्षं गौरसावार्युरिमानेव लोकानभ्यारोहन्ति यदन्यतः पृष्ठानि स्युर्विविधः स्यान्मध्यं पृष्ठानि भवन्ति सविवधत्वाय (१२)

आजो वै वीर्यं पृष्ठान्योजं एव वीर्यमध्यतो दधते बृहद्रथन्तराभ्यां यन्तीयं वाव रथन्तरमसौ

बृहदाभ्यामेव युन्त्यथो अनयोरिव प्रति तिष्ठन्त्येते वै यज्ञस्याञ्जसायनी सूती ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो भवति प्रत्यवरूढा अथो प्रतिष्ठित्या उभयौलोकयोरङ्गद्वोत्तिष्ठन्ति चतुर्दशेतास्तासां या दश दशाक्षरा विराडन्नं विराड्विराजैवान्नाद्यमव रून्थते याश्चतस्रश्चतस्रो दिशो दिक्ष्वेव प्रति तिष्ठन्त्यतिरात्रावभितो भवतः परिगृहीत्यै॥ (१३)

आर्ध्ववज्र्याभ्यामस्मिन्सविवधत्वाय प्रतिष्ठित्या एकत्रिंशच्च॥ [५]

इन्द्रो वै सदृष्टेवताभिरासीत्स न व्यावृत्तमगच्छत्स प्रजापतिमुपाधावत्तस्मा एतम्पञ्चदशरात्रम्प्रायच्छुत्तमाहरत् तेनायजत् ततो वै सोऽन्याभिर्देवताभिर्व्यावृत्तमगच्छद्य एवं विद्वांसः पञ्चदशरात्रमासते व्यावृत्तमेव पाप्मानं भ्रातृव्येण गच्छन्ति ज्योतिर्गौरायुरिति त्र्यहो भवतीयं वाव ज्योतिरन्तरिक्षम् (१४)

गौरसावायुरेवैव लोकेषु प्रति तिष्ठन्त्यसन्नं वा एतद्यदलन्दोमं यच्छन्दोमा भवन्ति तेनं सन्नं देवता एव पृष्ठैरव रून्थते पशुच्छन्दोमैरोजो वा वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति पञ्चदशरात्रो भवति पञ्चदशो वज्रो वज्रमेव भ्रातृव्येभ्यः प्र हरन्त्यतिरात्रावभितो भवत इन्द्रियस्य परिगृहीत्यै॥ (१५)

अन्तरिक्षमिन्द्रियस्यैकञ्च॥ [६]

इन्द्रो वै शिथिल इवाप्रतिष्ठित आसीत्सोऽसुरेभ्योऽविभेत्स प्रजापतिमुपाधावत्तस्मा एतम्पञ्चदशरात्रं वज्रम्प्रायच्छत् तेनासुरान्पराभाव्यं विजित्य श्रियमगच्छदग्निष्टुतां पाप्मानं निरदहत पञ्चदशरात्रेणौजो बलमिन्द्रियं वीर्यमात्मन्नधत् य एवं विद्वांसः पञ्चदशरात्रमासते भ्रातृव्यानेव पराभाव्यं विजित्य श्रियं गच्छन्त्यग्निष्टुतां पाप्मानं निः (१६)

दहन्ते पञ्चदशरात्रेणौजो बलमिन्द्रियं वीर्यमात्मन्दधत् एता एव पशव्याः पञ्चदश वा अर्धमासस्य रात्रयोऽर्धमासः संवत्सर आप्यते संवत्स्रम्पशवोऽनु प्र जायन्ते तस्मात्पशव्या एता एव सुवर्ग्याः पञ्चदश वा अर्धमासस्य रात्रयोऽर्धमासः संवत्सर आप्यते संवत्सरः सुवर्गो लोकस्तस्मात्सुवर्ग्या ज्योतिर्गौरायुरिति त्र्यहो भवतीयं वाव ज्योतिरन्तरिक्षम् (१७)

गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविधधः स्यान्मध्ये पृष्ठानि भवन्ति सविवधत्वाद्यौजो वै वीर्यं पृष्ठान्योज एव वीर्यममध्यतो दधते बृहद्रथन्तराभ्यां यन्तीयं वाव रथन्तरमसौ बृहदाभ्यामेव युन्त्यथो अनयोरिव प्रति तिष्ठन्त्येते वै यज्ञस्याञ्जसायनी सूती ताभ्यामेव सुवर्गं लोकम् (१८)

यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्महो भवति प्रत्यवरूढा अथो प्रतिष्ठित्या उभयौलोकयोरङ्गद्वोत्तिष्ठन्ति पञ्चदशेतास्तासां या दश दशाक्षरा विराडन्नं विराड्विराजैवान्नाद्यमव रून्थते याः पञ्च पञ्च दिशो दिक्ष्वेव प्रति तिष्ठन्त्यतिरात्रावभितो भवत इन्द्रियस्य वीर्यस्य प्रजायै पशूनां परिगृहीत्यै॥ (१९)

गच्छन्त्यग्निष्टुतां पाप्मानन्निरन्तरिक्षल्लोकं प्रजायै द्वे च॥ [७]

प्रजापतिरकामयतात्रादः स्यामिति स एतः सप्तदशरात्रमपश्यत्तमाहर्त्तेनायजत ततो वै सौऽन्नादौऽभवद्य एवं विद्वांसः सप्तदशरात्रमासतेऽन्नादा एव भवन्ति पञ्चाहो भवति पञ्च वा ऋतवः संवत्सर ऋतुष्वेव संवत्सर प्रति तिष्ठन्त्यथो पञ्चाक्षरा पङ्क्तिः पाङ्क्तौ यज्ञो यज्ञमेवाव रून्धतेऽसन्नं वा एतत् (२०)

यदच्छन्दोमं यच्छन्दोमा भवन्ति तेन सन्नं देवता एव पृष्ठेरव रून्धते पशूच्छन्दोमैरोजो वै वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति सप्तदशरात्रो भवति सप्तदशः प्रजापतिः प्रजापतेरास्यां अतिरात्रावभितो भवतोऽन्नाद्यस्य परिगृहीत्यै॥ (२१)

एतत्सुसन्निधौ॥

[८]

सा विराड्भूम्यातिष्ठद्ब्रह्मणा देवेष्वन्नेनासुरेषु ते देवा अकामयन्तोभयः सं वृजोमहि ब्रह्म चान्नं चेति त एता विंशतिः रात्रीरपश्यन्ततो वै त उभयः समवृजत ब्रह्म चान्नं च ब्रह्मवर्चसिनोऽन्नादा अभवन् य एवं विद्वांस एता आसत उभयमेव सं वृजते ब्रह्म चान्नं च (२२)

ब्रह्मवर्चसिनोऽन्नादा भवन्ति द्वे वा एते विराजौ तयोरेव नाना प्रति तिष्ठन्ति विंशो वै पुरुषो दश हस्त्या अङ्गुल्यो दश पद्या यावानेव पुरुषस्तमात्वोत्तिष्ठन्ति ज्योतिर्गौरायुरिति त्र्यहा भवन्तीयं वाव ज्योतिरन्तरिक्षं गौरसावायुरिमानेव लोकान्भ्यारोहन्त्यभिपूर्वं त्र्यहा भवन्त्यभिपूर्वमेव सुवर्गम् (२३)

लोकम्भ्यारोहन्ति यदन्यतः पृष्ठानि स्युर्विविधः स्यान्मध्ये पृष्ठानि भवन्ति सविवधत्वायोजो वै वीर्यं पृष्ठान्योज एव वीर्यमध्यतो दधते बृहद्वधन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी स्मृती ताम्यामेव सुवर्गं लोकं यन्ति पराञ्चो वा एते सुवर्गं लोकम्भ्यारोहन्ति ये पराचीनानि पृष्ठान्युपयन्ति प्रत्यङ्महो भवति प्रत्यवरूढा अथो प्रतिष्ठित्या उभयौलोकयोरे ऋद्धोत्तिष्ठन्त्यतिरात्रावभितो भवतो ब्रह्मवर्चसस्यान्नाद्यस्य परिगृहीत्यै॥ (२४)

वृजते ब्रह्म चान्नंश्च सुवर्गमेते सुवर्गत्रयोविंशतिश्च॥

[९]

असावादित्योऽस्मिन्नलोक आसीत देवाः पृष्ठैः परिगृह्य सुवर्गं लोकमगमयन्परैर्वस्तात्यर्गृह्णन्दिवाकीर्त्येन सुवर्गे लोके प्रत्यस्थापयन्परैः परस्तात्यर्गृह्णन्पृष्ठैरुपावारोहन्त्यस वा असावादित्योऽमुष्मिन्नलौके परैरुभयतः परिगृहीतो यत्पृष्ठानि भवन्ति सुवर्गमेव तैल्लोकं यजमाना यन्ति परैर्वस्तात्परि गृह्णन्ति दिवाकीर्त्येन (२५)

सुवर्गे लोके प्रति तिष्ठन्ति परैः परस्तात्परि गृह्णन्ति पृष्ठैरुपावारोहन्ति यत्परैः परस्तात्र स्युः पराञ्चः सुवर्गाल्लोकात्रिषंधेरन् यदवस्तात्र स्युः प्रजा निर्दहेयुरभितो दिवाकीर्त्यं परःसामानो भवन्ति सुवर्ग एवेनाल्लोक उभयतः परि गृह्णन्ति यजमाना वै दिवाकीर्त्यं संवत्सरः परःसामानोऽभितो दिवाकीर्त्यं परः सामानो भवन्ति संवत्सर एवोभयतः (२६)

प्रति तिष्ठन्ति पृष्ठं वै दिवाकीर्त्यम्याश्च परःसामानोऽभितो दिवाकीर्त्यं परःसामानो भवन्ति तस्मादभितः पृष्ठम्याश्च भूर्यष्टा ग्रहा गृह्यन्ते भूर्यष्टः शस्यते यज्ञस्येव तन्मध्यतो ग्रन्थं ग्रन्थन्त्यविस्त्रसाय सप्त गृह्यन्ते सप्त वै शौरिषण्याः प्राणाः प्राणानेव यजमानेषु दधति यत्पराचीनानि पृष्ठानि भवन्त्यमुमेव तैल्लोकम्भ्यारोहन्ति यद्विंशं लोकं न (२७)

प्रत्यवरोहेयुरुद्धा माद्यैयुर्यजमानाः प्र वा मीयेरन् यत्प्रतीचीनानि पृष्ठानि भवन्तीममेव
तैर्लोकम्प्रत्यवरोहन्त्यथो अस्मिन्नेव लोके प्रति तिष्ठन्त्यनुन्मादायेन्द्रो वा अप्रतिष्ठित आसीत्स
प्रजापतिमुपाधावत्तस्मा एतमेकविंशतिरात्रम्यच्छ्रुत्तमाहर्त्तेनायजत् ततो वै स प्रत्यतिष्ठद्ये
बहुयाजिनोऽप्रतिष्ठिताः (२८)

स्युस्त एकविंशतिरात्रमासीरुद्धादंश मासाः पञ्चर्तवस्त्रय इमे लोका असावादित्य एकविंश
एतावन्तो वै देवलोकास्तेष्वेव यथापूर्वं प्रति तिष्ठन्त्यसावादित्यो न व्यरोचत स प्रजापतिमुपाधावत्तस्मा
एतमेकविंशतिरात्रम्यच्छ्रुत्तमाहर्त्तेनायजत् ततो वै सोऽरोचत य एवं विद्वांस एकविंशतिरात्रमासंते
रोचन्त एवैकविंशतिरात्रो भवति रुग्वा एकविंशो रुचमेव गच्छन्त्यथो प्रतिष्ठामेव प्रतिष्ठा ह्येकविंशोऽ
तिरात्रावभितो भवतो ब्रह्मवर्चसस्य परिगृहीत्यै॥ (२९)

गृह्णन्ति दिवाकीर्त्यैनेवोभयतो नाप्रतिष्ठिता आसन्त एकविंशतिश्च॥ [१०]

अर्वाङ्गज्ञः सं क्रामत्वमुष्मादधि मामग्निं ऋषीणां यः पुरोहितः। निर्देवं निर्वीरं कृत्वा विष्कन्धं
तस्मिन् हीयतां योऽस्मान्द्वेष्टि। शरीरं यज्ञशमलं कुसीदं तस्मिन्सीदतु योऽस्मान्द्वेष्टि। यज्ञं यज्ञस्य यत्तेजस्तेन
सं क्राम मामग्निं। ब्राह्मणानृत्विजो देवान् यज्ञस्य तपसा ते सवाहमा हुवे। इष्टेन पक्वमुपं (३०)

ते हुवे सवाहमा सन्त वृञ्जे सुकृतं सं प्रजां पशून्। प्रैपान्त्सामिधेनीराघारावाज्यंभागावाश्रुतम्प्रत्याश्रुतमा
शृणामि ते। प्रयाजानुयाजान्त्विष्टकृतमिडामाशिष आ वृञ्जे सुवं। अग्निनेत्रेण सोमं सरस्वत्या विष्णुना
देवताभिः। याज्यानुवाक्याभ्यामुपं ते हुवे स्वाहं यजमा ददे ते वपद्वृतम्। स्तुतं शस्त्रमप्रतिगरं
ग्रहमिडामाशिषः (३१)

आ वृञ्जे सुवं। पृथीसंयाजानुपं ते हुवे सवाहं समिष्टयजुरा ददे तवं। पशून्सुतम्पुरोडाशान्त्सवन्नान्योत
यजम्। देवान्त्सेन्द्रानुपं ते हुवे सवाहमग्निमुखांस्सोमंवतो ये च विश्वैः॥ (३२)

उप ग्रहमिडामाशिषो द्वात्रिंशच्च॥ [११]

भूतम्भव्यम्भविष्यद्वपदध्वाहा नम ऋक्साम यजुर्वपदध्वाहा नमो गायत्री त्रिष्टुब्जगती वपदध्वाहा
नमः पृथिव्यन्तरिक्षं द्यौर्वपदध्वाहा नमोऽग्निर्वायुः सूर्यो वपदध्वाहा नमः प्राणो व्यानोऽपानो वपदध्वाहा
नमोऽन्नं कृषिर्वृष्टिर्वपदध्वाहा नमः पिता पुत्रः पौत्रो वपदध्वाहा नमो भूर्भुवःसुर्वपदध्वाहा नमः॥ (३३)

भुवंश्चत्वारि च॥ [१२]

आ मे गृहा भवं त्वा प्रजा म आ मां यज्ञो विशतु वीर्यावान्। आपो देवीर्यज्ञिया मा विशन्तु
सहस्रस्य मा भूमा मा प्र हांसीत्। आ मे ग्रहो भवत्वा पुरोरुखस्तुतशस्त्रे मा विशतां समीचीं। आदित्या
रुद्रा वसवो मे सदस्याः सहस्रस्य मा भूमा मा प्र हांसीत्। आ माग्निष्टोमो विशतुक्थ्यश्चातिरात्रो मा
विशत्वापिशर्वरः। तिरोअह्निया मा सुहुता आ विशन्तु सहस्रस्य मा भूमा मा प्र हांसीत्॥ (३४)

अग्निष्टोमो विशत्वष्टादंश च॥ [१३]

अग्निना तपोऽन्वभवद्वाचा ब्रह्मं मणिनां रूपाणीन्द्रेण देवान् वातेन प्राणान्मयूर्येण द्याश्चन्द्रमंसा नक्षत्राणि
युमेन पितृत्राज्ञां मनुष्यान्कलेन नादेयानजगुरेण सर्पान्व्याघ्रेणारण्यान्पशून्छेनेन पतत्रिणो वृष्णाश्चानृषभेण
गा वस्तेनाजा वृष्णिनावीर्ब्रीहिणान्नि यवेनौषधीर्न्यग्रोधेन वनस्पतीनुदुम्बरेणोर्जङ्गायत्रिया छन्दांसि त्रिवृता
स्तोमान्ब्राह्मणेन वाचम्॥ (३५)

ब्राह्मणेनैकंश्च॥ [१४]

स्वाहाधिमार्धीताय स्वाहा स्वाहार्धीतम्मनसे स्वाहा स्वाहा मनः प्रजापतये स्वाहा काय स्वाहा
कस्मै स्वाहा कतमस्मै स्वाहादित्यै स्वाहादित्यै मह्यै स्वाहादित्यै समुडीकायै स्वाहा सरस्वत्यै स्वाहा
सरस्वत्यै बृहत्यै स्वाहा सरस्वत्यै पावकायै स्वाहा पूष्णे स्वाहा पूष्णे प्रपृथ्याय स्वाहा पूष्णे नरन्धिपाय
स्वाहा त्वष्ट्रे स्वाहा त्वष्ट्रे तुरीपाय स्वाहा त्वष्ट्रे पुरुरूपाय स्वाहा विष्णवे स्वाहा विष्णवे निखुर्यपाय
स्वाहा विष्णवे निभूयपाय स्वाहा सर्वस्मै स्वाहा॥ (३६)

पुरुरूपाय स्वाहा दशं च॥ [१५]

दशः स्वाहा हनूभ्याः स्वाहोष्ठाभ्याः स्वाहा मुखाय स्वाहा नासिकाभ्याः स्वाहाक्षीभ्याः स्वाहा
कर्णाभ्याः स्वाहा पार इक्षवोऽवार्यभ्यः पक्ष्मभ्यः स्वाहावार इक्षवः पार्यभ्यः पक्ष्मभ्यः स्वाहा शीरणे स्वाहा
भूभ्याः स्वाहा ललाटाय स्वाहा मूर्ध्ने स्वाहा मस्तिष्काय स्वाहा केशेभ्यः स्वाहा वहाय स्वाहा ग्रीवाभ्यः
स्वाहा स्कन्धेभ्यः स्वाहा कीर्कसाभ्यः स्वाहा पृष्टीभ्यः स्वाहा पाजस्याय स्वाहा पार्श्वाभ्याः स्वाहा (३७)

असभ्याः स्वाहा दोषभ्याः स्वाहा बाहुभ्याः स्वाहा जङ्घाभ्याः स्वाहा श्रोणीभ्याः स्वाहोरुभ्याः
स्वाहाष्टीवज्राः स्वाहा जङ्घाभ्याः स्वाहा भ्रुसदे स्वाहा शिखण्डेभ्यः स्वाहा वालधानाय स्वाहाण्डाभ्याः
स्वाहा शोपाय स्वाहा रेतसे स्वाहा प्रजाभ्यः स्वाहा प्रजननाय स्वाहा पञ्चः स्वाहा शफेभ्यः स्वाहा
लोमभ्यः स्वाहा त्वचे स्वाहा लोहिताय स्वाहा मांसाय स्वाहा स्नावभ्यः स्वाहास्थभ्यः स्वाहा मुङ्गभ्यः
स्वाहाङ्गभ्यः स्वाहात्मने स्वाहा सर्वस्मै स्वाहा॥ (३८)

पार्श्वाभ्याः स्वाहा मुङ्गभ्यः स्वाहा षड्॥ [१६]

अष्ट्रेताय स्वाहाञ्जिसक्थाय स्वाहा शितिपदे स्वाहा शितिककुदे स्वाहा शितिरन्त्राय स्वाहा शितिपृष्ठाय
स्वाहा शित्यंसाय स्वाहा पुष्पकर्णाय स्वाहा शित्योष्ठाय स्वाहा शितिभ्रवे स्वाहा शितिभ्रसदे स्वाहा
श्वेतानूकाशाय स्वाहाञ्जये स्वाहा ललामाय स्वाहासितज्ञवे स्वाहा कृष्णैताय स्वाहा रोहितैताय स्वाहारुणैताय
स्वाहोदृशाय स्वाहा कीदृशाय स्वाहा तादृशाय स्वाहा सदृशाय स्वाहा विसदृशाय स्वाहा सुसदृशाय स्वाहा
रूपाय स्वाहा सर्वस्मै स्वाहा॥ (३९)

रूपाय स्वाहा द्वे च॥ [१७]

कृष्णाय स्वाहा श्वेताय स्वाहा पिशङ्गाय स्वाहा सारङ्गाय स्वाहारुणाय स्वाहा गौराय स्वाहा
बभ्रवे स्वाहा नकुलाय स्वाहा रोहिताय स्वाहा शोणाय स्वाहा श्यावाय स्वाहा श्यामाय स्वाहा पाकलाय

स्वाहां सुरूपाय स्वाहानुरूपाय स्वाहा विरूपाय स्वाहा सरूपाय स्वाहा प्रतिरूपाय स्वाहां शबलाय स्वाहां कमलाय स्वाहा पृथ्व्यै स्वाहां पृथ्विसुक्ताय स्वाहा सर्वस्मै स्वाहा॥ (४०)

कृष्णाय षट्त्वारिंशत्॥ [१८]

ओषधीभ्यः स्वाहा मूलैभ्यः स्वाहा तूलैभ्यः स्वाहा काण्डैभ्यः स्वाहा वल्लशैभ्यः स्वाहा पुष्पैभ्यः स्वाहा फलैभ्यः स्वाहा गृहीतेभ्यः स्वाहागृहीतेभ्यः स्वाहावपत्रेभ्यः स्वाहा शयानेभ्यः स्वाहा सर्वस्मै स्वाहा॥ (४१)

ओषधीभ्यश्चतुर्विंशतिः॥ [१९]

वनस्पतिभ्यः स्वाहा मूलैभ्यः स्वाहा तूलैभ्यः स्वाहा स्कन्धैभ्यः स्वाहा शाखाभ्यः स्वाहां पुष्पैभ्यः स्वाहा पुष्पैभ्यः स्वाहा फलैभ्यः स्वाहा गृहीतेभ्यः स्वाहागृहीतेभ्यः स्वाहावपत्रेभ्यः स्वाहा शयानेभ्यः स्वाहा शिष्टाय स्वाहातिशिष्टाय स्वाहा परिशिष्टाय स्वाहा संशिष्टाय स्वाहोच्छिष्टाय स्वाहां रिक्ताय स्वाहारिक्ताय स्वाहा प्ररिक्ताय स्वाहा संरिक्ताय स्वाहोद्विक्ताय स्वाहा सर्वस्मै स्वाहा॥ (४२)

वनस्पतिभ्यः स्कन्धैभ्यः शिष्टाय रिक्ताय षट्त्वारिंशत्॥ [२०]

[प्रजवं प्रजापतिर्यदच्छन्दोमन्ते हुवे सवाहमोषधीभ्यो द्विचत्वारिंशत्॥ 42॥ प्रजवः सर्वस्मै स्वाहा॥]

॥चतुर्थः प्रश्नः॥

॥तैत्तिरीयसंहितायां सप्तमकाण्डे चतुर्थः प्रश्नः॥

बृहस्पतिरकामयत् श्रमे देवा दर्धोरन्गच्छेयं पुरोधामिति स एतं चतुर्विंशतिरात्रमपश्यत्तमाहर्त्तेनायजत् ततो वै तस्मै श्रद्धेवा अर्धतागच्छत्युरोधां य एवं विद्वांसंश्चतुर्विंशतिरात्रमासते श्रद्धेभ्यो मनुष्या दधते गच्छन्ति पुरोधां ज्योतिर्गौरायुरिति त्र्यहा भवन्तीयं वाव ज्योतिरन्तरिक्षं गौरसावायुः (१)

इमानेव लोकानभ्यारोहन्त्यभिपूर्वं त्र्यहा भवन्त्यभिपूर्वमेव सुवर्गं लोकमभ्यारोहन्त्यसंभ्रं वा एतद्यदच्छन्दोमं यच्छन्दोमा भवन्ति तेनं सुभ्रं देवता एव पृष्ठैरव रुन्धते पशुच्छन्दोमैरोजो वै वीर्यं पृष्ठानि पशवश्छन्दोमा ओजस्येव वीर्यं पशुषु प्रति तिष्ठन्ति बृहद्रथन्तराभ्यां यन्तीयं वाव रथन्तरमसौ बृहदाभ्यामेव (२)

यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति चतुर्विंशतिरात्रो भवति चतुर्विंशतिरर्धमासाः संवत्सरः संवत्सरः सुवर्गो लोकः संवत्सर एव सुवर्गं लोके प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसङ्गायत्रियैव ब्रह्मवर्चसमव रुन्धतेऽतिरात्रावभितो भवतो ब्रह्मवर्चसस्य परिगृहीत्यै॥ (३)

असावायुराभ्यामेव पञ्चचत्वारिंशच्च॥ [१]

यथा वै मनुष्या एव देवा अग्रं आसन्तेऽकामयन्तावर्तिम्पाप्मानंमृत्युमपहृत्य दैवीः सःसदं गच्छेमेति त एतं चतुर्विंशतिरात्रमपश्यन्तमाहर्न्तेनायजन्त ततो वै तेऽवर्तिम्पाप्मानंमृत्युमपहृत्य दैवीः सःसदमगच्छन् य एव विद्वांसश्चतुर्विंशतिरात्रमासतेऽवर्तिमेव पाप्मानंमपहृत्य श्रियं गच्छन्ति श्रीरहि मनुष्यस्य (४)

दैवीं सःसञ्ज्योतिरतिरात्रो भवति सुवर्गस्य लोकस्यानुख्यात्यै पृष्ठः षडहो भवति षड्वा ऋतवः संवत्सरस्तम्मासा अर्धमासा ऋतवः प्रविश्य दैवीः सःसदमगच्छन् य एव विद्वांसश्चतुर्विंशतिरात्रमासते संवत्सरमेव प्रविश्य वस्यसीः सःसदं गच्छन्ति त्रयस्त्रयस्त्रिंशा अवस्ताद्ववन्ति त्रयस्त्रयस्त्रिंशाः पुरस्तात्त्रयस्त्रिंशैरेवोभयतोऽवर्तिम्पाप्मानंमपहृत्य दैवीः सःसदममध्यतः (५)

गच्छन्ति पृष्ठानि हि दैवीं सःसञ्जामि वा एतत्कुर्वन्ति यत्रयस्त्रयस्त्रिंशा अन्वञ्चो मध्येऽनिरुक्तो भवति तेनाजाम्यूर्ध्वानि पृष्ठानि भवन्त्यूर्ध्वश्छन्दोमा उभाभ्यां रूपाभ्यां सुवर्गं लोकं यन्त्यसञ्च वा एतद्यदछन्दोमा यच्छन्दोमा भवन्ति तेन सञ्च देवता एव पृष्ठैरव रुन्धते पशुच्छन्दोमैरोजो वै वीर्यं पृष्ठानि पशवः (६)

छन्दोमा ओजस्येव वीर्यं पशुषु प्रति तिष्ठन्ति त्रयस्त्रयस्त्रिंशा अवस्ताद्ववन्ति त्रयस्त्रयस्त्रिंशाः पुरस्तान्मध्यं पृष्ठान्युरो वै त्रयस्त्रिंशा आत्मा पृष्ठान्यात्मन एव तद्यजमानाः शर्म नहन्तेऽनार्त्यै बृहदथन्तराभ्यां यन्तीयं वाव रथन्तरमसौ बृहदाभ्यामेव यन्त्यथो अनयोरेव प्रति तिष्ठन्त्येते वै यज्ञस्याञ्जसायनी सुतो ताभ्यामेव (७)

सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचीनानि पृष्ठान्युपयन्ति प्रत्यङ्मण्डहो भवति प्रत्यवरूढा अथो प्रतिष्ठित्या उभयोर्लोकयोर्ऋद्धोतिष्ठन्ति त्रिवृतोऽपि त्रिवृतमुप यन्ति स्तोमानाः सम्पत्यै प्रभावाय ज्योतिरग्निष्टोमो भवत्ययं वाव स क्षयोऽस्मादेव तेन क्षयात्र यन्ति चतुर्विंशतिरात्रो भवति चतुर्विंशतिरर्धमासाः संवत्सरः संवत्सरः सुवर्गो लोकः संवत्सर एव सुवर्गं लोकं प्रति तिष्ठन्त्यथो चतुर्विंशत्यक्षरा गायत्री गायत्री ब्रह्मवर्चसज्ञायत्रियैव ब्रह्मवर्चसमव रुन्धतेऽतिरात्रावभितो भवतो ब्रह्मवर्चसस्य परिगृहीत्यै (८)

मनुष्यस्य मध्यतः पशवस्ताभ्यामेव संवत्सरश्चतुर्विंशतिश्च॥ [२]

ऋक्षा वा इयमलोमकांसीत्साकामयतोषधीभिर्वनस्पतिभिः प्र जायेयेति सैतास्त्रिंशतः रात्रौरपश्यत्ततो वा इयमोषधीभिर्वनस्पतिभिः प्राजायत ये प्रजाकांमाः पशुकांमाः स्युस्त एता आसीरन्त्रैव जायन्ते प्रजयां पशुभिरियं वा अंशुभ्युत्सैतां विराजमपश्यत्तामात्मन्धित्वात्राद्यमवर्तुन्दौषधीः (९)

वनस्पतीन्प्राजां पशून्तेनार्धतु सा जेमानंमहिमानमगच्छद्य एव विद्वांस एता आसन्ते विराजमेवात्मन्धित्वाऽत्राद्यमव रुन्धते वर्धन्ते प्रजयां पशुभिर्जेमानंमहिमानं गच्छन्ति ज्योतिरतिरात्रो भवति सुवर्गस्य लोकस्यानुख्यात्यै पृष्ठः षडहो भवति षड्वा ऋतवः षट्पृष्ठानि पृष्ठैरेवतूनन्वारोहन्त्युत्तुभिः संवत्सरन्ते संवत्सर एव (१०)

प्रति तिष्ठन्ति त्रयस्त्रिंशात्रयस्त्रिंशमुप यन्ति यज्ञस्य सन्तत्या अथो प्रजापतिर्वै त्रयस्त्रिंशाः प्रजापतिमेवा रभन्ते प्रतिष्ठित्यै त्रिणवो भवति विजित्या एकविंशो भवति प्रतिष्ठित्या अथो रुचमेवात्मन्दधते त्रिवृदग्निष्टुद्ववति पाप्मानमेव तेन निर्दहन्तेऽथो तेजो वै त्रिवृतेज एवात्मन्दधते पञ्चदश इन्द्रस्तोमो

भवतीन्द्रियमेवाव (११)

रुन्धते सप्तदशो भवत्यन्नाद्यस्यावरुद्धा अथो प्रैव तेन जायन्त एकविंशो भवति प्रतिष्ठित्या अथो रुचमेवात्मन्धते चतुर्विंशो भवति चतुर्विंशतिरर्धमासाः संवत्सरः संवत्सरः सुवर्गो लोकः संवत्सर एव सुवर्गं लोके प्रति तिष्ठन्त्यथो एष वै विपुवान् विपुवन्तो भवन्ति य एवं विद्वांस एता आसन्ते चतुर्विंशत्पृष्ठान्युप यन्ति संवत्सर एव प्रतिष्ठाय (१२)

देवता अभ्यारोहन्ति त्रयस्त्रिंशत्त्रयस्त्रिंशमुप यन्ति त्रयस्त्रिंशद्वे देवता देवतास्वेव प्रति तिष्ठन्ति त्रिणवो भवतीमे वै लोकास्त्रिणव एष्वेव लोकेषु प्रति तिष्ठन्ति द्वावैकविंशौ भवतः प्रतिष्ठित्या अथो रुचमेवात्मन्धते बृहवः षोडशिना भवन्ति तस्माद्बृहवः प्रजासु वृषाणो यदेते स्तोमा व्यतिपक्ता भवन्ति तस्मादियमोषधीभिर्वनस्पतिभिर्व्यतिपक्ता (१३)

व्यतिपज्यन्ते प्रजयां पशुभिर्य एवं विद्वांस एता आसन्तेऽङ्गसा वा एते सुवर्गं लोकं यन्त्युच्चावचान् हि स्तोमानुपयन्ति यदेत ऊर्ध्वाः कुताः स्तोमा भवन्ति कुता एव सुवर्गं लोकं यन्त्युभयोर्येभ्यो लोकयोः कल्पते त्रिंशदेतास्त्रिंशदक्षरा विराडन्नं विराड्विराजैवान्नाद्यमव रुन्धतेऽतिरात्रावभितो भवतोऽन्नाद्यस्य परिगृहीत्यै॥ (१४)

ओषधीः संवत्सर एवाव प्रतिष्ठाय व्यतिपक्तेकान्नपञ्चाशच्च॥ [३]

प्रजापतिः सुवर्गं लोकमेतं देवा येनयेन छन्दसानु प्रायुञ्जत तेन नाप्नुवन्त एता द्वात्रिंशत् त्रिंशत्पशून् द्वात्रिंशदक्षरानुष्टुगानुष्टुभः प्रजापतिः स्वेनैव छन्दसा प्रजापतिमात्वाभ्यारुह्य सुवर्गं लोकमायन् य एवं विद्वांस एता आसन्ते द्वात्रिंशदेता द्वात्रिंशदक्षरानुष्टुगानुष्टुभः प्रजापतिः स्वेनैव छन्दसा प्रजापतिमात्वा श्रियं गच्छन्ति (१५)

श्रीरहि मनुष्यस्य सुवर्गो लोको द्वात्रिंशदेता द्वात्रिंशदक्षरानुष्टुगानुष्टुप्सर्वमेव वाचमाप्नुवन्ति सर्वे वाचो वदितारो भवन्ति सर्वे हि श्रियं गच्छन्ति ज्योतिर्गौरायुरिति त्र्यहा भवन्तीत्यं वाव ज्योतिरन्तरिक्षं गौरसावायुरिमानेव लोकानभ्यारोहन्त्यभिपूर्वं त्र्यहा भवन्त्यभिपूर्वमेव सुवर्गं लोकमभ्यारोहन्ति बृहद्रथन्तराभ्यां यन्ति (१६)

इयं वाव रथन्तरमसौ बृहदाभ्यामेव यन्त्यथो अनयोरैव प्रति तिष्ठन्त्येते वै यज्ञस्याञ्जसायनी सुती ताभ्यामेव सुवर्गं लोकं यन्ति पराञ्चो वा एते सुवर्गं लोकमभ्यारोहन्ति ये पराचक्ष्महानुपयन्ति प्रत्यङ्महो भवति प्रत्यवरुद्धा अथो प्रतिष्ठित्या उभयौलोकयोरन्तरोत्तिष्ठन्ति द्वात्रिंशदेतास्तासां यास्त्रिंशत्त्रिंशदक्षरा विराडन्नं विराड्विराजैवान्नाद्यमव रुन्धते ये द्वे अहोरात्रे एव ते उभाभ्यां रूपाभ्यां सुवर्गं लोकं यन्त्यतिरात्रावभितो भवतः परिगृहीत्यै॥ (१७)

गच्छन्ति यन्ति त्रिंशदक्षरा द्वाविंशतिश्च॥ [४]

द्वे वाव देवसुत्रे द्वादशाहक्षेव त्रयस्त्रिंशदहक्ष य एवं विद्वांसंस्त्रयस्त्रिंशदहमासन्ते साक्षादेव देवता अभ्यारोहन्ति यथा खलु वै श्रेयानभ्यारूढः कामयते तथा करोति यद्यवविध्यति पापीयान्भवति यदि नावविध्यति सदृष्ट एव विद्वांसंस्त्रयस्त्रिंशदहमासन्ते वि पाप्मना भ्रातृव्येणा वर्तन्तेऽहर्भाजो वा एता देवा अग्र आहरन् (१८)

अहरेकोऽभजताहरेकस्ताभिर्वै ते प्रबाहुंगार्ध्वन् य एवं विद्वांसंस्त्रयस्त्रिंशदहमासंते सर्व एव प्रबाहुंगध्रुवन्ति सर्वे ग्रामणीयम्प्राप्नुवन्ति पञ्चाहा भवन्ति पञ्च वा ऋतवः संवत्सर ऋतुष्वेव संवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तौ यज्ञ यज्ञमेवाव रून्धते त्रीण्योश्चिनानि भवन्ति त्रयं द्रुमे लोका एषु (१९)

एव लोकेषु प्रति तिष्ठन्त्यथो त्रीणि वै यज्ञस्यैन्द्रियाणि तान्येवाव रून्धते विश्वजिह्ववत्यत्राद्यस्यावरुद्धे सर्वपृष्ठे भवति सर्वस्याभिजित्यै वाग्वै द्वादशाहो यत्पुरस्ताद्वादशाहमुपेयुरनांतां वाचमुपेयुपुदासुकेषां वाग्व्यादुपरिष्ठाद्वादशाहमुपं यन्त्याप्तामेव वाचमुपं यन्ति तस्मादुपरिष्ठाद्वाचा वंदामोऽवान्तरम् (२०)

वै दंशरात्रेण प्रजापतिः प्रजा अंसृजत् यदंशरात्रो भवति प्रजा एव तद्यजमानाः सृजन्त एताः ह वा उदङ्कः शौल्बायनः सत्रस्यर्द्धिमुवाच यदंशरात्रो यदंशरात्रो भवति सत्रस्यर्द्धा अथो यदेव पूर्वेष्वहःसु विलोम क्रियते तस्यैवेषा शान्तिर्द्विनीका वा एता रात्रयो यजमाना विश्वजिह्वसहातिरात्रेण पूर्वाः षोडश सहातिरात्रेणोत्तराः षोडश य एवं विद्वांसंस्त्रयस्त्रिंशदहमासंते ऐषां द्विनीका प्रजा जायतेऽतिरात्रावभितो भवतः परिगृहीत्यै॥ (२१)

अहरत्रेष्ववान्तरं षोडश सह सप्तदश च॥ [५]

आदित्या अंकामयन्त सुवर्गं लोकमियामेति ते सुवर्गं लोकं न प्राजान्नन्त सुवर्गं लोकमायन्त एतः पद्भिः शद्रात्रमपश्यन्तमाहरन्तेनायजन्त ततो वै ते सुवर्गं लोकम्प्राजानन्त्यसुवर्गं लोकमायन्त य एवं विद्वांसः पद्भिः शद्रात्रमासन्ते सुवर्गमेव लोकम्प्राजानन्ति सुवर्गं लोकं यन्ति ज्योतिरतिरात्रः (२२)

भवति ज्योतिरेव पुरस्ताद्दधते सुवर्गस्य लोकस्यानुग्यात्यै षडहा भवन्ति षड्वा ऋतवः ऋतुष्वेव प्रति तिष्ठन्ति चत्वारो भवन्ति चतस्रो दिशो दिक्ष्वेव प्रति तिष्ठन्त्यसंज्ञं वा एतद्यदंशरात्रो यद्यदंशरात्रो यद्यदंशरात्रो भवन्ति तेन सत्रं देवता एव पृष्ठैरव रून्धते पशून्द्यदंशरात्रो वै वीर्यं पृष्ठानि पशवश्चन्दोमा ओजस्येव (२३)

वीर्यं पशुषु प्रति तिष्ठन्ति पद्भिः शद्रात्रो भवति पद्भिः शदक्षरा बृहती बारहताः पशवो बृहत्येव पशूनव रून्धते बृहती छन्दसाः स्वाराज्यमाश्रुताश्रुवते स्वाराज्यं य एवं विद्वांसः पद्भिः शद्रात्रमासन्ते सुवर्गमेव लोकं यन्त्यतिरात्रावभितो भवतः सुवर्गस्य लोकस्य परिगृहीत्यै॥ (२४)

अतिरात्र ओजस्येव पद्भिः शच्च॥ [६]

वसिष्ठो हुतपुत्रोऽकामयत् विन्देयं प्रजामभि सौदासान्वेयमिति स एतमेकस्मान्नपञ्चाशमपश्यत्तमाहरन्तेनायजन्त ततो वै सोऽविन्दत प्रजामभि सौदासान्वेयमिति एवं विद्वांसः एकस्मान्नपञ्चाशमासन्ते विन्दन्तैः प्रजामभि भ्रातृव्याम्भवन्ति त्रयस्त्रिंशदहमासन्ते वज्रस्येव मुखं सः श्यन्ति दश पञ्चदश भवन्ति पञ्चदशो वज्रः (२५)

वज्रमेव भ्रातृव्येभ्यः प्र हरन्ति षोडशिमदंशममहर्भवति वज्रं एव वीर्यं दधति द्वादश सप्तदश भवन्त्यत्राद्यस्यावरुद्धा अथो प्रैव तैर्जायन्ते पृष्ठः षडहो भवति षड्वा ऋतवः षड्पृष्ठानि पृष्ठैरेवन्तुन्वारोहन्त्युत्तिभिः संवत्सरन्ते संवत्सर एव प्रति तिष्ठन्ति द्वादशैकविंश भवन्ति प्रतिष्ठित्या अथो रुचमेवात्मन् (२६)

दधते बहवः षोडशिनो भवन्ति विजित्यै षडाश्चिनानि भवन्ति षड्वा ऋतवः ऋतुष्वेव प्रति

तिष्ठन्त्युनातिरिक्ता वा एता रात्रय ऊनास्तद्यदेकस्यै न पञ्चाशदतिरिक्तास्तद्यद्द्वयसीरष्टाचत्वारिंशत ऊनाच्च खलु वा अतिरिक्ताच्च प्रजापतिः प्राजायत ये प्रजाकांमाः पशुकांमाः स्युस्त एता आसीरन्त्रैव जायन्ते प्रजयां पशुभिर्वैराजो वा एष युजो यदैकस्मान्नपञ्चाशो य एवं विद्वांसं एकस्मान्नपञ्चाशमासते विराजन्मेव गच्छन्त्यन्नादा भवन्त्यतिरात्रावभितौ भवतोऽन्नाद्यस्य परिगृहीत्यै॥ (२७)

वज्रं आत्मन्प्रजया द्वाविंशतिश्च॥ [७]

संवत्सराय दीक्षिष्यमाणा एकाष्टकायां दीक्षेरन्नेषा वै संवत्सरस्य पत्नी यदैकाष्टकैतस्यां वा एष एता रात्रिं वसति साक्षादेव संवत्सरमारभ्य दीक्षन्त आतं वा एते संवत्सरस्याभि दीक्षन्ते य एकाष्टकायां दीक्षन्तेऽन्तनामानावृतु भवतो व्यस्तं वा एते संवत्सरस्याभि दीक्षन्ते य एकाष्टकायां दीक्षन्तेऽन्तनामानावृतु भवतः फल्गुनीपूर्णमासे दीक्षेरन्मुखं वा एतत् (२८)

संवत्सरस्य यत्फल्गुनीपूर्णमासो मुखत एव संवत्सरमारभ्य दीक्षन्ते तस्यैकैव निर्या यथास्माम्ये विष्वान्धसम्पद्यते चित्रापूर्णमासे दीक्षेरन्मुखं वा एतत्संवत्सरस्य यच्चित्रापूर्णमासो मुखत एव संवत्सरमारभ्य दीक्षन्ते तस्य न का चन निर्या भवति चतुरहे पुरस्तात्पौर्णमास्यै दीक्षेरन्तेषामेकाष्टकायां क्रयः सम्पद्यते तेनैकाष्टकां न छुम्बद्बुर्वन्ति तेषाम् (२९)

पूर्वपक्षे सुत्या सम्पद्यते पूर्वपक्षमासां अभि सम्पद्यन्ते ते पूर्वपक्ष उत्तिष्ठन्ति तानुत्तिष्ठत ओषंधयो वनस्पतयोऽनुत्तिष्ठन्ति तान्कल्याणी कीर्तिरनूत्तिष्ठत्यराध्वरिमे यजमाना इति तदनु सर्वे राध्ववन्ति॥ (३०)

एतच्छुम्बद्बुर्वन्ति तेषाञ्चतुस्त्रिंशच्च॥ [८]

सुवर्गं वा एते लोकं यन्ति ये सन्नमृपयन्त्यभीन्धत एव दीक्षाभिः रात्मानं श्रपयन्त उपसद्भिर्द्वाभ्यां लोमाव द्यन्ति द्वाभ्यान्त्वचं द्वाभ्यामसृद्वाभ्याम्मांसं द्वाभ्यामस्थिं द्वाभ्याम्मज्जनमात्मदक्षिणं वै सन्नमात्मानमेव दक्षिणां नीत्वा सुवर्गं लोकं यन्ति शिखांमनु प्र वपन्त ऋद्ध्या अथो रघीयांसः सुवर्गं लोकमयामेति॥ (३१)

सुवर्गमपञ्चाशत्॥ [९]

ब्रह्मवादिनो वदन्त्यतिरात्रः परमो यज्ञक्रतूनां कस्मात्तम्रथममुपं यन्तीत्येतद्वा अग्निष्टोमम्रथममुपं यन्त्यथोक्थ्यमथं षोडशिनमथातिरात्रमनुपूर्वमेवैतद्यज्ञक्रतूनुपेत्य तानालभ्य परिगृह्य सोममेवैतत्पिबन्त आसते ज्योतिष्टोमम्रथममुपं यन्ति ज्योतिष्टोमो वै स्तोमानाम्मुखंमुखत एव स्तोमान्प्र युञ्जते ते (३२)

सहस्तुता विराजमभि सम्पद्यन्ते द्वे चर्चावर्ति रिच्येते एकया गौरतिरिक्त एकयायुरुनः सुवर्गो वै लोको ज्योतिरुर्विराट्पूर्वमेव तेन लोकं यन्ति रथन्तरं दिवा भवति रथन्तरं नक्तमित्याहुर्ब्रह्मवादिनः केन तदजामीति सौभरं तृतीयसवने ब्रह्मसामम्बुहत्तन्माध्यतो दधति विधृत्यै तेनाजामि॥ (३३)

त एकात्रपञ्चाशच्च॥ [१०]

ज्योतिष्टोमम्रथममुपं यन्त्यस्मिन्नेव तेन लोके प्रति तिष्ठन्ति गोष्टोमं द्वितीयमुपं यन्त्यन्तरिक्ष एव तेन प्रति तिष्ठन्त्यायुष्टोमं तृतीयमुपं यन्त्यमुष्मिन्नेव तेन लोके प्रति तिष्ठन्तीयं वाव ज्योतिरन्तरिक्षं

गौरसावायुर्यदेतान्थस्तोमानुपयन्येष्वेव तल्लोकेषु सन्निभः प्रतितिष्ठन्तो यन्ति ते सःस्तुता विराजम् (३४)

अभि सम्पद्यन्ते द्वे चर्चावति रिच्येते एकया गौरतिरिक्त एकयायुरूनः सुवर्गो वै लोको ज्योतिरुर्विराडूर्जमेवाव रून्धते ते न क्षुधातिमाच्छन्त्यक्षोधुका भवन्ति क्षुथ्सम्बाधा इव हि सन्निभो-
ऽग्निष्टोमावभितः प्रधी तावुक्थ्या मध्ये नभ्यं ततदेतत्परियद्वैवचक्रं यदेतेन (३५)

षडहेन यन्ति देवचक्रमेव समारोहन्त्यरिष्टै ते स्वस्ति समंश्रुवते षडहेन यन्ति षड्वा ऋतवं ऋतुष्वेव
प्रति तिष्ठन्त्युभयतोज्योतिषा यन्त्युभयत एव सुवर्गे लोके प्रतितिष्ठन्तो यन्ति द्वौ षडहौ भवतस्तानि
द्वादशाहानि सम्पद्यन्ते द्वादशो वै पुरुषो द्वे सुक्थ्यौ द्वौ बाहू आत्मा च शिरश्च चत्वार्यङ्गानि स्तनौ
द्वादशौ (३६)

तत्पुरुषमनु पर्यावर्तन्ते त्रयः षडहा भवन्ति तान्यष्टादशाहानि सम्पद्यन्ते नवान्यानि नवान्यानि
नव वै पुरुषे प्राणास्तत्प्राणाननु पर्यावर्तन्ते चत्वारः षडहा भवन्ति तानि चतुर्विंशतिरहानि
सम्पद्यन्ते चतुर्विंशतिरर्धमासाः संवत्सरस्तथ्संवत्सरमनु पर्यावर्तन्तेऽप्रतिष्ठितः संवत्सर इति खलु वा
आहुर्वर्षीयान्प्रतिष्ठाया इत्येतावद्वै संवत्सरस्य ब्राह्मणं यावन्मासो मासिमास्येव प्रतितिष्ठन्तो यन्ति॥ (३७)

विराजमेतेन द्वादशावेतावद्वा अष्टौ च॥ [११]

मेपस्त्वा पचतैरेवतु लोहितग्रीवश्छागैः शल्मलिर्वृद्धा पूर्णो ब्रह्मणा पुक्षो मेधेन न्यग्रोधंश्चमसैरुदुम्बरं
ऊर्जा गायत्री छन्दोभिस्त्रिवृथतोमैरवन्तीः स्थावन्तीस्त्वावन्तु प्रियं त्वा प्रियाणां वर्षिष्ठमाप्यानां निधीनां त्वां
निधिपतिः हवामहे वसो मम॥ (३८)

मेपष्पद्विंशत्॥ [१२]

कूप्याभ्यः स्वाहा कूल्याभ्यः स्वाहा विकर्याभ्यः स्वाहाऽवट्याभ्यः स्वाहा खन्याभ्यः स्वाहा हृद्याभ्यः
स्वाहा सूद्याभ्यः स्वाहा सरस्याभ्यः स्वाहा वैशन्तीभ्यः स्वाहा पल्वल्याभ्यः स्वाहा वर्ष्याभ्यः स्वाहाऽवर्ष्याभ्यः
स्वाहा हादुनीभ्यः स्वाहा पृष्वाभ्यः स्वाहा स्यन्दमानाभ्यः स्वाहा स्थावराभ्यः स्वाहा नादेयीभ्यः स्वाहा
सैन्धवीभ्यः स्वाहा समुद्रियाभ्यः स्वाहा सर्वाभ्यः स्वाहा॥ (३९)

कूप्याभ्यश्चत्वारिंशत्॥ [१३]

अद्ध्यः स्वाहा वहन्तीभ्यः स्वाहा परिवहन्तीभ्यः स्वाहा समन्तं वहन्तीभ्यः स्वाहा शीघ्रं वहन्तीभ्यः
स्वाहा शीमं वहन्तीभ्यः स्वाहाग्रं वहन्तीभ्यः स्वाहा भीमं वहन्तीभ्यः स्वाहाऽम्भोभ्यः स्वाहा नभोभ्यः स्वाहा
महोभ्यः स्वाहा सर्वस्मे स्वाहा॥ (४०)

अद्ध्य एकात्रिंशत्॥ [१४]

यो अर्वन्तं जिघांसति तमभ्यमीति वरुणः। पुरो मर्तः पुरः श्वा अहं च त्वं च वृत्रहन्सम्बभूव
सुनिभ्य आ। अरातीवा चिदद्विवोऽनु नौ शूर मंसते भद्रा इन्द्रस्य रातयः। अभि ऋत्वेन्द्र भूरध उमन्न

ते विव्यङ्गहिमान्२ रजांसि। स्वेना हि वृत्रं शवंसा जघन्य न शत्रुरन्तं विविदद्युधा तं॥ (४१)

विविदद्वे च॥ [१५]

नमो राज्ञे नमो वरुणाय नमोऽश्वाय नमः प्रजापतये नमोऽधिपतयेऽधिपतिरस्यधिपतिं मा कुर्वधिपतिरहं
प्रजानां भूयासम्मां धेहि मयि धेह्युपाकृताय स्वाहाऽऽलंब्याय स्वाहा हुताय स्वाहा॥ (४२)

नम एकात्रिंशत्॥ [१६]

मयोभूर्वातो अमि वातुस्मा ऊर्जस्वतीरोषधीरा रिशन्ताम्। पीवस्वतीर्जीवधन्याः पिबन्त्ववसायं पृथ्वे
रुद्र मृडा। याः सरूपा विरूपा एकरूपा यासामग्निरिष्टा नामानि वेदं। या अङ्गिरसस्तपसेह चक्रुस्ताभ्यः
पर्जन्य महि शर्म यच्छ। या देवेषु तनुवमेरयन्त यासां सोमो विश्वा रूपाणि वेदं। ता अस्मभ्यम्पयसा
पिबमानाः प्रजावतीरिन्द्र (४३)

गोष्ठे रिरीहि। प्रजापतिर्मह्यमेता रराणो विश्वेदेवैः पितृभिः संविदानः। शिवाः सूतीरुपं नो गोष्ठमाकस्तासां
वयं प्रजया सः संदेम। इह धृतिः स्वाहेह विधृतिः स्वाहेह रन्तिः स्वाहेह रमन्तिः स्वाहा महौम पु
सुत्रामाणम्॥ (४४)

इन्द्राष्टात्रिंशच्च॥ [१७]

किं स्विदासीत्पूर्वचित्तिः किं स्विदासीद्बृहद्वयः। किं स्विदासीत्पिशङ्गिला किं स्विदासीत्पिलिप्पिला।
द्यौरासीत्पूर्वचित्तिरश्वं आसीद्बृहद्वयः। रात्रिरासीत्पिशङ्गिलाविरासीत्पिलिप्पिला। कः स्विदेकाकी चरति क उ
स्विजायते पुनः। किं स्विद्धिमस्यं भेषजं किं स्विदावपनम्मुहत्। सूर्य एकाकी चरति (४५)

चन्द्रमां जायते पुनः। अग्निरहिमस्यं भेषजम्भूमिरावपनम्मुहत्। पृच्छामि त्वा परमन्तं पृथिव्याः
पृच्छामि त्वा भुवनस्य नाभिम्। पृच्छामि त्वा वृष्णे अश्वस्य रेतः पृच्छामि वाचः परमं व्योम। वेदिमाहुः
परमन्तं पृथिव्या यज्ञमाहुर्भुवनस्य नाभिम्। सोममाहुर्वृष्णे अश्वस्य रेतो ब्रह्मैव वाचः परमं व्योम॥ (४६)

सूर्य एकाकी चरति पट्टत्वारिंशच्च॥ [१८]

अम्बे अम्बाल्यम्बिके न मां नयति कश्चन। ससस्त्यंश्वकः। सुभगे काम्पीलवासिनि सुवर्गे लोके
सं प्रोण्वीथाम्। आहमंजानि गर्भधमा त्वमंजानि गर्भधम्। तौ सह चतुरः पदः सम्प्र सारयावहे। वृषां
वाः रेतोधा रेतो दधातून्सक्थ्योगुंद धेह्यञ्जिमुदञ्जिमन्वज। यः स्त्रीणां जीवभोजनो य आंसाम् (४७)

बिलधावनः। प्रियः स्त्रीणामपीच्यः। य आसां कृष्णे लक्ष्मणि सर्दिगुदिम्परावधीत्। अम्बे अम्बाल्यम्बिके
न मां यमति कश्चन। ससस्त्यंश्वकः। ऊर्ध्वामैनमुच्छ्रयताद्वेणुभारं गिराविवा। अथास्या मध्यमेधताः शीते
वाते पुनन्निवा। अम्बे अम्बाल्यम्बिके न मां यमति कश्चन। ससस्त्यंश्वकः। यद्वरिणी यवमति न (४८)

पुष्टम्पशु मन्यते। शूद्रा यदयंजारा न पोषाय धनायति। अम्बे अम्बाल्यम्बिके न मां यमति कश्चन।
ससस्त्यंश्वकः। इयं युका शंकुन्तिकाहलमिति सर्पति। आहतं गुभे पसो नि जल्लुलीति धाणिका। अम्बे

अम्बाल्यम्बिके न मां यमति कश्चन। ससस्त्यंश्चकः। माता च ते पिता च तेऽग्रं वृक्षस्यं रोहतः। (४९)

प्र सुलामीति ते पिता गभे मुष्टिमंतसयत्। दृष्टिकाव्णौ अकारिणं जिणोरश्वस्य वाजिनः। सुरभि नो मुखां करत्प्र ण आयूषि तारिषत्। आपो हि द्या मयोभुवस्ता न ऊर्जे दधातन। महे रणांय चक्षसे। यो वः शिवतमो रसस्तस्यं भाजयतेह नः। उशतीरिव मातरः। तस्मा अरं गमाम वो यस्य क्षयांय जिन्वथा आपो ज्ञनयथा च नः॥ (५०)

आसामति न रोहते जिन्वथा चत्वारि च॥ [१९]

भूर्भुवः सुवर्वसंवस्वाञ्जन्तु गायत्रेण छन्दसा रुद्रास्वाञ्जन्तु त्रैष्टुभेन छन्दसादित्यास्वाञ्जन्तु जागतेन छन्दसा यद्वातो अपो अगमदिन्द्रस्य तनुर्वम्त्रियाम्। एतः स्तोतरेतेन पथा पुनरश्वमा वर्तयासि नः। लाजी (३) ञ्छाचौ (३) न यशौ ममा (४)म्। युव्यायै गव्याया एतद्देवा अन्नमत्तैतदन्नमद्धि प्रजापते। युञ्जन्ति ब्रध्नमरुषं चरन्तं परि तस्थुषः। रोचन्ते रोचना दिवि। युञ्जन्त्यस्य काम्या हरी विपक्षसा रथै। शोणा धृष्णू नृवाहसा। केतुं कृण्वन्नकेतवे पेशौ मर्या अपेशसै। समुपद्विरजायथाः॥ (५१)

ब्रध्नं पञ्चविंशतिश्च॥ [२०]

प्राणाय स्वाहा व्यानाय स्वाहाऽपानाय स्वाहा स्नावभ्यः स्वाहा सन्तानेभ्यः स्वाहा परिसन्तानेभ्यः स्वाहा पर्वभ्यः स्वाहा सन्धानेभ्यः स्वाहा शरीरेभ्यः स्वाहा यज्ञाय स्वाहा दक्षिणाभ्यः स्वाहा सुवर्गाय स्वाहा लोकाय स्वाहा सर्वस्मै स्वाहा॥ (५२)

प्राणायष्टाविंशतिः॥ [२१]

सिताय स्वाहाऽसिताय स्वाहाऽभिहिताय स्वाहाऽनभिहिताय स्वाहा युक्ताय स्वाहाऽयुक्ताय स्वाहा सुयुक्ताय स्वाहोद्युक्ताय स्वाहा विमुक्ताय स्वाहा प्रमुक्ताय स्वाहा वञ्चते स्वाहा परिवञ्चते स्वाहा संवञ्चते स्वाहाऽनुवञ्चते स्वाहोद्वञ्चते स्वाहा यते स्वाहा धावते स्वाहा तिष्ठते स्वाहा सर्वस्मै स्वाहा॥ (५३)

सितायाष्टात्रिंशत्॥ [२२]

बृहस्पतिः श्रद्धया वा ऋक्षा वै प्रजापतिर्यनयेन द्वे वाव देवसूत्रे आदित्या अकामयन्त सुवर्गं वसिष्ठः संवत्सराय सुवर्गं ये सत्रम्ब्रह्मवादिनोऽतिरात्रो ज्योतिष्टोमं मेषः कूप्याभ्योऽद्ध्यो यो नमो मयोभूः किं स्वदम्बे भूः प्राणाय सिताय द्वाविंशतिः॥ [२३]

[बृहस्पतिः प्रतितिष्ठन्ति वै दशरात्रेण सुवर्गं यो अर्वन्तं भूस्त्रिप्रंश्वाशत्॥ 53 ॥ बृहस्पतिः सर्वस्मै स्वाहा॥]

॥पञ्चमः प्रश्नः॥

॥तैत्तिरीयसंहितायां सप्तमकाण्डे पञ्चमः प्रश्नः॥

गावो वा एतथ्सत्रमांसताशृङ्गाः सतीः शृङ्गाणि नो जायन्ता इति कामेन तासां दश मासा निपण्णा आसन्नथ शृङ्गाण्यजायन्त ता उदतिष्ठन्नराध्मेत्यथ यासां नाजायन्त ताः संवत्सरमास्वोदतिष्ठन्नराध्मेति यासां चाजायन्त यासां च न ता उभयोरुदतिष्ठन्नराध्मेति गोसत्रं वै (१)

संवत्सरो य एवं विद्वांसः संवत्सरमुपयन्त्युपवन्त्येव तस्मात्तूपरा वार्षिकौ मासौ पत्वा चरति सत्राभिजितुः ह्यस्यै तस्मात्संवत्सरसदो यत्किं च गृहे क्रियते तदाप्तमवरुद्धमभिजितं क्रियते समुद्रं वा एते प्र प्लवन्ते ये संवत्सरमुपयन्ति यो वै समुद्रस्य पारं न पश्यति न वै स तत् उदति संवत्सरः (२)

वै समुद्रस्तस्यैतत्पारं यदतिरात्रो य एवं विद्वांसः संवत्सरमुपयन्त्यनार्ता एवोदहं गच्छन्तीयं वै पूर्वोऽतिरात्रोऽसावुत्तरो मनः पूर्वो वागुत्तरः प्राणः पूर्वोऽपान उत्तरः प्ररोधनम्पूर्वं उदयनमुत्तरो ज्योतिष्टोमो वैश्वानरोऽतिरात्रो भवति ज्योतिरेव पुरस्ताद्वधते सुवर्गस्य लोकस्यानुख्यात्यै चतुर्विंशः प्रायणीयो भवति चतुर्विंशतिरर्धमासाः (३)

संवत्सरः प्रयन्त एव संवत्सरे प्रति तिष्ठन्ति तस्य त्रीणि च शतानि षष्ठिंस्तोत्रीयास्तावतीः संवत्सरस्य रात्रय उभे एव संवत्सरस्य रूपे आप्रवन्ति ते सस्थित्या अरिष्टा उत्तरैर्होभिश्चरन्ति षड्हा भवन्ति षड्हा ऋतवः संवत्सर ऋतुष्वेव संवत्सरे प्रति तिष्ठन्ति गोश्चायुश्च मध्यतः स्तोमौ भवतः संवत्सरस्यैव तन्मिथुनम्मध्यतः (४)

दधति प्रजननाय ज्योतिरभितौ भवति विमोचनमेव तच्छ्रन्दास्येव तद्विमोचं यन्त्यथो उभयतोऽज्योतिषैव षड्हेन सुवर्गं लोकं यन्ति ब्रह्मवादिनो वदन्यासन्ते केन यन्तीति देवयानेन पथेति ब्रूयाच्छ्रन्दासि वै देवयानः पन्था गायत्री त्रिष्टुब्जगती ज्योतिर्वै गायत्री गोस्त्रिष्टुगायुर्जगती यदेते स्तोमा भवन्ति देवयानेनैव (५)

तत्पथा यन्ति समानं सामं भवति देवल्लोको वै सामं देवल्लोकादेव न यन्त्यन्याअन्या ऋचो भवन्ति मनुष्यलोको वा ऋचो मनुष्यलोकादेवान्यमन्यं देवल्लोकमभ्यारोहन्तो यन्त्यभिवर्तो ब्रह्मसामम्भवति सुवर्गस्य लोकस्याभिवृत्त्या अभिजिद्ववति सुवर्गस्य लोकस्याभिजित्यै विश्वजिद्ववति विश्वस्य जित्यै मासिमांसि पृष्ठान्युप यन्ति मासिमांस्यतिग्राह्या गृह्यन्ते मासिमांस्येव वीर्यं दधति मासां प्रतिष्ठित्या उपरिष्ठान्मासां पृष्ठान्युप यन्ति तस्मादुपरिष्ठोदोपधयः फलं गृह्णन्ति॥ (६)

गोसत्रं वा एति संवत्सरोऽर्धमासा मिथुनम्मध्यतो देवयानेनैव वीर्यत्रयोदश च॥ [१]

गावो वा एतथ्सत्रमांसताशृङ्गाः सतीः शृङ्गाणि सिपांसन्तीस्तासां दश मासा निपण्णा आसन्नथ शृङ्गाण्यजायन्त ता अब्रुवन्नराध्मोत्तिष्ठामाव तं काममरुध्महि येन कामेन न्यपदामेति तासामु त्वा अब्रुवन्नर्थो वा यावतीर्वासामहा एवेमौ द्वादशौ मासौ संवत्सरः सम्पाद्योत्तिष्ठामेति तासाम् (७)

द्वादशे मासि शृङ्गाणि प्रावर्तन्त श्रद्धया वाश्रद्धया वा ता इमा यास्तूपरा उभय्यो वाव ता और्ध्वन्

याश्च शृङ्गाण्यसन्वन् याश्चोर्जमवारुन्धतर्भ्रोति दशसु मासूँतिष्ठन्नृभोति द्वादशसु य एवं वेदं पदेन खलु वा एते यन्ति विन्दति खलु वै पदेन यन्तद्वा एतदृद्धमयन्तस्मादेतद्गोसर्नि॥ (८)

तिष्ठामेति तासान्तस्माद्दे च॥ [२]

प्रथमे मासि पृष्ठान्युपं यन्ति मध्यम उपं यन्त्युत्तम उपं यन्ति तदाहुर्या वै त्रिकेकस्याहं उपसीदन्ति दहं वै सापराभ्यां दोहाभ्यां दुहेऽथ कुतः सा धौक्ष्यते यां द्वादश कृत्वं उपसीदन्तीति संवत्सरं सम्पाद्योत्तमे मासि सकृत्पृष्ठान्युपैयुस्तद्यजमाना यज्ञं पशूनं रुन्धते समुद्रं वै (९)

एतंऽनवारम्पारम्प्र प्लवन्ते ये संवत्सरमुपयन्ति यद्वहद्रथन्तरे अन्वर्जैर्युयथा मध्ये समुद्रस्य प्लवमन्वर्जयुस्तादृक्तदनुत्सर्गम्बृहद्रथन्तराभ्यामित्वा प्रतिष्ठां गच्छन्ति सर्वेभ्यो वै कामेभ्यः सन्धिर्दुहे तद्यजमानाः सर्वान्कामान्वं रुन्धते॥ (१०)

समुद्रं वै चतुस्त्रिंशच्च॥ [३]

सामान्यं ऋचौ भवन्ति मनुष्यलोको वा ऋचौ मनुष्यलोकादेव न यन्त्यन्यदन्त्यध्मामं भवति देवलोको वै सामं देवलोकादेवान्यमन्यम्मनुष्यलोकेमप्रत्यवरोहन्तो यन्ति जर्गतीमग्र उपं यन्ति जर्गतीं वै छन्दार्शसि प्रत्यवरोहन्त्याग्रयणं ग्रहां बृहत्पृष्ठानि त्रयस्त्रिंशः स्तोमास्तस्माज्ज्यायाः सं कर्नीयान्प्रत्यवरोहति वैश्वकर्माणो गृह्यते विश्वान्येव तेन कर्माणि यजमाना अवं रुन्धत आदित्यः (११)

गृह्यत इयं वा अदितिरस्यामेव प्रति तिष्ठन्त्यन्योन्यो गृह्यते मिथुनत्वाय प्रजात्या अवान्तरं वै दशरात्रेण प्रजापतिः प्रजा असृजत यद्दशरात्रो भवति प्रजा एव तद्यजमानाः सृजन्त एताः ह वा उदङ्कः शौल्बायनः सत्रस्यर्द्धमुवाच यद्दशरात्रो यद्दशरात्रो भवति सत्रस्यर्द्धा अथो यदेव पूर्वेष्वहःसु विलोम क्रियते तस्यैवैषा शान्तिः॥ (१२)

आदित्यस्तस्यैव द्वे च॥ [४]

यदि सोमो सःसुतो स्याताम्महति रात्रियै प्रातरनुवाकमुपाकुर्यात्पूर्वो वाचम्पूर्वो देवताः पूर्वश्रद्धांसि वृद्धे वर्षण्वतीं प्रतिपदं कुर्यात्प्रातःसवनादेवैषामिन्द्रं वृद्धेऽथो खल्वाहुः सवनमुखेसवनमुखे कारयति सवनमुखात्सवनमुखादेवैषामिन्द्रं वृद्धे संवेशायोपवेशाय गायत्रियास्त्रिष्टुभो जगत्या अनुष्टुभः पङ्क्षा अभिभूत्यै स्वाहा छन्दांसि वै संवेश उपवेशश्रद्धांभिरेवैषाम् (१३)

छन्दांसि वृद्धे सजनीयः शस्यं विहव्यः शस्यमगस्त्यस्य कयाशुभीयः शस्यमेतावद्वा अस्ति यावदेतद्यावदेवास्ति तदेषां वृद्धे यदि प्रातःसवने कलशो दीर्यत वैष्णवीपुं शिपिविष्टवंतीषु स्तुवीरन् यद्वै यज्ञस्यातिरिच्यते विष्णुं तच्छिपिविष्टमभ्यति रिच्यते तद्विष्णुः शिविपिष्टोऽतिरिक्त एवातिरिक्तं दधात्यथो अतिरिक्तेनैवातिरिक्तमास्त्वावं रुन्धते यदि मध्यन्दिने दीर्यत वषट्कारनिधनं सामं कुर्युर्वषट्कारो वै यज्ञस्य प्रतिष्ठा प्रतिष्ठामेवैनद्रमयन्ति यदि तृतीयसवन एतदेव॥ (१४)

छन्दोभिरेवैषामवैकान्नविंशतिश्च॥ [५]

पडहैर्मासांन्धसम्पाद्याहुरुध्मुजन्ति पडहैरहि मासांन्धसम्पश्यन्त्यर्धमासैर्मासांन्धसम्पाद्याहुरुध्मुजन्त्यर्धमासैरहि मासांन्धसम्पश्यन्त्यर्धमावास्याया मासांन्धसम्पाद्याहुरुध्मुजन्त्यर्धमावास्याया हि मासांन्धसम्पश्यन्ति पौर्णमास्या मासांन्धसम्पाद्याहुरुध्मुजन्ति पौर्णमास्या हि मासांन्धसम्पश्यन्ति यो वै पूर्ण आसिञ्चति परा स सिञ्चति यः पूर्णादुदचति (१५)

प्राणमस्मिन्धस दधाति यत्पौर्णमास्या मासांन्धसम्पाद्याहुरुध्मुजन्ति संवत्सुरायैव तत्प्राणं दधति तदनु सन्निष्ठाः प्राणन्ति यदहर्नोध्मुजेयुर्यथा दतिरुपनद्धो विपतत्येव संवत्सरो वि पतेदतिर्माच्छेद्युर्यत्पौर्णमास्या मासांन्धसम्पाद्याहुरुध्मुजन्ति संवत्सुरायैव तदुदानं दधति तदनु सन्निष्ठा उत् (१६)

अनन्ति नार्तिमाच्छन्ति पूर्णमासे वै देवानां सुतो यत्पौर्णमास्या मासांन्धसम्पाद्याहुरुध्मुजन्ति देवानामेव तद्यज्ञेन यज्ञमृत्यवरोहन्ति वि वा एतद्यज्ञं छिन्दन्ति यत्पडहसंततः सन्तमथाहुरुध्मुजन्ति प्राजापत्यम्पशुमालभन्ते प्रजापतिः सर्वा देवता देवताभिरेव यज्ञं सं तन्वन्ति यन्ति वा एते सर्वनाद्येऽहः (१७)

उध्मुजन्ति तुरीयं खलु वा एतध्मसवनं यथासांन्धस्य यथासांन्धस्यम्भवति तेनैव सर्वनाम्न यन्ति समुपहूय भक्षयन्त्येतत्सामपीथा ह्येतर्हि यथायतनं वा एतेषां सवनभाजो देवता गच्छन्ति येऽहुरुध्मुजन्त्यनुसवनं पुरोडाशान्निर्वपन्ति यथायतनादेव सर्वनभाजो देवता अव रुन्धतेऽष्टाकपालान्प्रातःसवनं एकादशकपालान्माध्यन्दिनं सवनं द्वादशकपालांस्तृतीयसवनं छन्दांस्येवावाव रुन्धते वैश्वदेवं चरुं तृतीयसवने निर्वपन्ति वैश्वदेवं वै तृतीयसवनन्तेनैव तृतीयसवनान्न यन्ति॥ (१८)

उदचत्युद्येऽहरात्वा पञ्चदश च॥ [६]

उध्मुज्या (३) नोध्मुज्या (३) मिति मीमांसन्ते ब्रह्मवादिनस्तद्वाहुरुध्मुज्यमेवेत्यमावास्यायां च पौर्णमास्यां चोध्मुज्यमित्याहुरेते हि यज्ञं वहत इति ते त्वाव नोध्मुज्ये इत्याहुय अवान्तरं यज्ञम्भेजाते इति या प्रथमा व्यष्टका तस्यामुध्मुज्यमित्याहुरेष वै मासो विश्व इति नार्दिष्टम् (१९)

उध्मुजेयुर्यदादिष्टमुध्मुजेयुर्यादशे पुनः पर्याप्तावे मध्ये पडहस्यं सम्पद्येत पडहैर्मासांन्धसम्पाद्या यत्सप्तममहस्तिस्मिन्नुध्मुज्येयुस्तदग्नये वसुमते पुरोडाशमष्टाकपालं निर्वपेयुरेन्द्रं दधोन्द्राय मरुत्वते पुरोडाशमेकादशकपालं वैश्वदेवं द्वादशकपालमग्नेर्वै वसुमतः प्रातःसवनं यदग्नये वसुमते पुरोडाशमष्टाकपालं निर्वपन्ति देवतामेव तद्वागिनीं कुर्वन्ति (२०)

सवनमष्टाभिरुपं यन्ति यदैन्द्रं दधि भवतीन्द्रमेव तद्वाग्धेयात्र च्यावयन्तीन्द्रस्य वै मरुत्वतो माध्यन्दिनं सवनं यदिन्द्राय मरुत्वते पुरोडाशमेकादशकपालं निर्वपन्ति देवतामेव तद्वागिनीं कुर्वन्ति सवनमेकादशभिरुपं यन्ति विश्वेषां वै देवानामृभुमतां तृतीयसवनं यद्वैश्वदेवं द्वादशकपालं निर्वपन्ति देवता एव तद्वागिनीः कुर्वन्ति सवनं द्वादशभिः (२१)

उपं यन्ति प्राजापत्यम्पशुमालभन्ते यज्ञो वै प्रजापतिर्यज्ञस्याननुसर्गायाभिवर्त इतः षण्मासो ब्रह्मसामम्भवति ब्रह्म वा अभिवर्तो ब्रह्मणैव तथुवर्गं लोकमभिवर्तयन्तो यन्ति प्रतिकूलमिव हीतः सुवर्गो लोक इन्द्रं क्रतुं न आ भर पिता पुत्रेभ्यो यथा। शिक्षां नो अस्मिन्पुरुहूत यामनि जीवा ज्योतिरशीमहीत्यमुत

आयुता॑ षण्मा॒सो ब्रह्म॒साम॒म्भवत्य॑यं वै लो॒को ज्योतिः॑ प्र॒जा ज्योति॑रिममेव तल्लोकम्पश्यन्तोऽभिवदन्त॑ आ यन्ति॥ (२२)

नार्दिष्ट॒कुर्वन्ति॑ द्वाद॒शभिरिति॑ वि॒श्रुतिश्च॑॥ [७]

देवानां॑ वा अन्तं॑ जग्मु॒र्षामिन्द्रि॑यं वी॒र्यम॒पाक्राम॑त्तल्लो॒शेनाव॑ रुन्धत् तल्लो॒शस्य॑ क्रोशत् यल्लो॒शेन॑ चात्वा॒लस्यान्तं॑ स्तुवन्ति॑ यज्ञस्यै॒वान्तं॑ ग॒त्वैन्द्रि॑यं वी॒र्यम॒व रुन्ध॑ते स॒त्रस्य॒द्याहव॑नीयस्यान्तं॑ स्तुवन्त्य॒ग्निमे॒वोप॑द्रष्टारं कृ॒त्वद्धि॑मुप॑ यन्ति प्र॒जाप॑तेर॒हृदये॑न ह॒विधा॑नेऽन्तः स्तुव॑न्ति प्रे॒माण॑मे॒वास्यं गच्छ॑न्ति श्लो॒केन॑ पु॒रस्ता॑ध्सद॑सः (२३)

स्तुव॑न्त्यनु॒श्लोके॑न प॒श्चाद्य॒ज्ञस्यै॒वान्तं॑ ग॒त्वा श्लो॑क॒भाजो॑ भवन्ति॑ न॒वभि॑र॒ध्वर्यु॑रु॒द्राय॑ति न॒व वै पु॑रुषे प्रा॒णाः प्रा॒णाने॒व यज॑मानेषु दधाति॑ सर्वा॑ ऐ॒न्द्रियो॑ भवन्ति॑ प्रा॒णेष्वे॒वेन्द्रि॑यं द॒धत्य॑प्रति॒हृताभि॑रु॒द्राय॑ति तस्मा॑त्पु॒रुषः सर्वा॑ण्य॒न्यानि॑ शी॒र्ष्णोऽङ्गानि॑ प्रत्य॑चति॒ शिरं॑ ए॒व न प॑ञ्चद॒श र॑थन्त॒रम्भ॑तीन्द्रि॒यमे॒वाव रुन्ध॑ते सप्त॑द॒शम् (२४)

बृह॑द॒न्नाद्य॒स्याव॑रु॒द्ध्या अथो॑ प्रै॒व तेन॑ जायन्त॑ एक॒विंश॑म्भ॒द्रं द्वि॒पदा॑सु प्र॒तिष्ठि॑त्यै प॒त्न्यं उ॒प गाय॑न्ति मिथु॒नत्वाय॑ प्र॒जात्यै प्र॒जाप॑तिः प्र॒जा अ॑सृजत् सोऽका॒मय॑ता॒साम॒ह राज॑यं प॒रीयामि॑ति तासां॑ राज॒नेने॒व राज॑यं प॒र्येत॑द्रा॒जुन॑स्यं राज॒नत्वं य॑द्रा॒जुन॑म्भवति॑ प्र॒जाना॑मे॒व तद्य॑ज॒माना रा॒ज्यं परि॑ यन्ति प॒ञ्चविं॑शम्भवति॑ प्र॒जाप॑तेः (२५)

आस्यै॑ प॒ञ्चभि॑स्तिष्ठन्तः स्तुव॑न्ति दे॒वलोक॑मे॒वाभि ज॑यन्ति प॒ञ्चभि॑रासी॒ना मनु॑ष्यलोकमे॒वाभि ज॑यन्ति द॒श स॒म्पद्य॑न्ते द॒शक्ष॑रा वि॒राड॒न्नं वि॒राजे॒वान्नाद्य॑म॒व रुन्ध॑ते प॒ञ्चा वि॑निपद्यं स्तुव॑न्ति प॒ञ्च दि॒शो दि॒क्ष्वेव॑ प्र॒ति तिष्ठ॑न्त्येकै॒क्यास्तु॑तया॒ समा॑यन्ति दि॒ग्भ्य ए॒वान्नाद्य॑ स॒म्भर॑न्ति ताभि॑रु॒द्रातो॑द्रा॒यति दि॒ग्भ्य ए॒वान्नाद्य॑म् (२६)

स॒म्भृत्य॑ तेजं आ॒त्मन्द॑धते॒ तस्मा॑देकः प्रा॒णः सर्वा॑ण्यङ्गा॒न्यव॑त्यथो॒ यथा॑ सु॒पूर्णं उ॑त्पतिष्यच्छिरं॑ उत्त॒मं कुरु॑त् ए॒वमे॒व तद्य॑ज॒मानाः प्र॒जाना॑मु॒त्तमा॑ भ॒वन्त्या॑स॒न्दीमु॒द्राता॑ रो॒हति॑ सा॒प्राज्य॑मे॒व गच्छ॑न्ति प्रे॒ङ्क्ष॑ होता॒ नाक॑स्यै॒व पृ॒ष्ठ र॑ोहन्ति॑ कू॒र्चाव॑ध्व॒र्युर्ब्र॑ध्नस्यै॒व वि॒ष्टपं॑ गच्छ॑न्त्येता॒वन्तो॒ वै दे॒वलोक॑स्तेष्वे॒व यथा॑पूर्वं प्र॒ति तिष्ठ॑न्त्यथो॒ आ॒क्रम॑णमे॒व तथे॑त्तु॒ यज॑मानाः कुर्व॑ते सु॒वर्ग॑स्य॒ लोक॑स्य॒ सम॑ष्टौ॥ (२७)

सद॑सः सप्त॑द॒शं प्र॒जाप॑तेर्गा॒यति दि॒ग्भ्य ए॒वान्नाद्य॑म्प्रत्येका॑द॒श च॑॥ [८]

अ॒र्क्येण॑ वै स॒हस्र॑शः प्र॒जाप॑तिः प्र॒जा अ॑सृजत् ता॒भ्य इ॒लान्दे॒नेरां लू॒ताम॑वा॒रुन्ध॑ यद॒र्क्यम्भ॑वन्ति॑ प्र॒जा ए॒व तद्य॑ज॒मानाः सृ॒जन्त॑ इ॒लान्द॑म्भवति॑ प्र॒जाभ्य॑ ए॒व सृ॒ष्टाभ्य॑ इ॒रां लू॒ताम॑व॒ रुन्ध॑ते तस्मा॑द्या॒ समा॑ स॒त्र स॒मृद्धं॑ क्षो॒र्धुका॑स्ता॒ समा॑ प्र॒जा इ॒ष्ट ह्या॑सा॒मूर्ज॑मादद॑ते या॒ समा॑ व्यृ॒द्धम॑क्षो॒र्धुका॑स्ता॒ समा॑ प्र॒जाः (२८)

न ह्या॑सा॒मिष॑मूर्ज॑मादद॑त उत्क्रो॑दं कुर्व॑ते यथा॑ ब॒न्धान्मु॑मुचा॒ना उत्क्रो॑दं कुर्व॑त ए॒वमे॒व तद्य॑ज॒माना दे॒वब॒न्धान्मु॑मुचा॒ना उत्क्रो॑दं कुर्व॑त इ॒ष्टमूर्ज॑मा॒त्मन्धा॑ना॒ वाणः॑ श॒तत॑न्तुर्भवति॑ श॒तायुः॑ पु॒रुषः॑ श॒तेन्द्रि॑य आ॒रुप्ये॒वेन्द्रि॑ये प्र॒ति तिष्ठ॑न्त्या॒जिं धा॑व॒न्त्यन॑भिजित॒स्याभि॑जित्यै दु॒न्दुभी॒न्धस्मा॑ग्रन्ति॒ पर॑मा॒ वा ए॒षा वा॒ग्या दु॒न्दुभौ॑ प॒रमा॑मे॒व (२९)

वा॒चम॑व॒ रुन्ध॑ते भू॒मिदु॑न्दुभि॒मा ग्र॑न्ति॒ येवे॒मां वा॒क्प्र॑वि॒ष्टा ता॑मे॒वाव रुन्ध॑तेऽथो॒ इ॒मामे॒व ज॑यन्ति॒ सर्वा॑

वाचो वदन्ति सर्वासां वाचामवरुद्धा आद्रे चर्मव्यायच्छेते इन्द्रियस्यावरुद्धा अन्यः क्रोशति प्रान्यः शंसति य आक्रोशति पुनात्येवैनान्थ स यः प्रशंसति पूतेष्वेवान्नाद्यं दधात्यृषिकृतं च (३०)

वा एते देवकृतं च पूर्वमासैरव रुन्धते यद्वृत्तेच्छदा सामानि भवन्त्युभयस्यावरुद्धौ यन्ति वा एते मिथुनाद्ये संवत्सरमुपयन्त्यन्तर्वेदि मिथुनौ सम्भवतस्तेनैव मिथुनात्र यन्ति॥ (३१)

वृद्धमक्षौधुकास्ता समा प्रजाः परमामेव च त्रिशच्च॥ [१]

चर्माव भिन्दन्ति पाप्मानमेवैषामव भिन्दन्ति मापं राक्षसीमार्ति व्याध्मीरित्याह सम्प्रत्यैवैषां पाप्मानमव भिन्दन्त्युदकुम्भानधिनिधाय दास्यो मार्जालीयं परि नृत्यन्ति पदो निघ्नतीरिदमंधुं गायन्त्यो मधु वै देवानां परममन्नाद्यं परमवान्नाद्यमव रुन्धते पदो नि घ्नन्ति महीयामेवैषु दधति॥ (३२)

चर्मैकान्नपञ्चाशत्॥ [१०]

पृथिव्यै स्वाहान्तरिक्षाय स्वाहा दिवे स्वाहा सम्प्रोष्यते स्वाहा सम्प्रवमानाय स्वाहा सम्प्रुताय स्वाहा मेघायिष्यते स्वाहा मेघायते स्वाहा मेघिताय स्वाहा मेघाय स्वाहा नीहाराय स्वाहा निहाकाय स्वाहा प्रासृचाय स्वाहा प्रचुलाकाय स्वाहा विद्योतिष्यते स्वाहा विद्योतमानाय स्वाहा संविद्योतमानाय स्वाहा स्तनयिष्यते स्वाहा स्तनयते स्वाहोग्रं स्तनयते स्वाहा वर्षिष्यते स्वाहा वर्षते स्वाहाभिवर्षते स्वाहा परिवर्षते स्वाहा संवर्षते (३३)

स्वाहानुवर्षते स्वाहा शीकायिष्यते स्वाहा शीकायते स्वाहा शीकिताय स्वाहा प्रोषिष्यते स्वाहा प्रुण्णते स्वाहा परिप्रुण्णते स्वाहाद्रहीष्यते स्वाहाद्रूहते स्वाहोद्रूहीताय स्वाहा विप्रोष्यते स्वाहा विप्रवमानाय स्वाहा विप्रुताय स्वाहातपस्यते स्वाहातपते स्वाहोग्रमातपते स्वाहर्भ्यः स्वाहा यजुर्भ्यः स्वाहा सामर्भ्यः स्वाहाङ्गिरोभ्यः स्वाहा वेदैभ्यः स्वाहा गार्ग्यभ्यः स्वाहा नाराशसीभ्यः स्वाहा रैभीभ्यः स्वाहा सर्वस्मै स्वाहा॥ (३४)

सं वर्षते रैभीभ्यः स्वाहा द्वे च॥ [११]

दत्तत्वे स्वाहाऽदन्तकाय स्वाहा प्राणिने स्वाहाऽप्राणाय स्वाहा मुखवते स्वाहाऽमुखाय स्वाहा नासिकवते स्वाहाऽनासिकाय स्वाहाऽक्षवते स्वाहाऽनक्षिकाय स्वाहा कर्णिने स्वाहाऽकर्णकाय स्वाहा शीर्षवते स्वाहाऽशीर्षकाय स्वाहा पद्वते स्वाहाऽपादकाय स्वाहा प्राणते स्वाहाऽप्राणते स्वाहा वदते स्वाहाऽवदते स्वाहा पश्यते स्वाहाऽपश्यते स्वाहा शृण्वते स्वाहाऽशृण्वते स्वाहा मनस्विने स्वाहा (३५)

अमनसे स्वाहा रेतस्विने स्वाहाऽरेतस्काय स्वाहा प्रजाभ्यः स्वाहा प्रजननाय स्वाहा लोमवते स्वाहाऽलोमकाय स्वाहा त्वचे स्वाहाऽत्वकाय स्वाहा चर्मण्वते स्वाहाऽचर्मकाय स्वाहा लोहितवते स्वाहाऽलोहिताय स्वाहा मांसवते स्वाहाऽमांसकाय स्वाहा स्नावभ्यः स्वाहाऽस्नावकाय स्वाहाऽस्थवते स्वाहाऽनस्थिकाय स्वाहा मज्जवते स्वाहाऽमज्जकाय स्वाहाऽङ्गिने स्वाहाऽनङ्गाय स्वाहाऽऽत्मने स्वाहाऽनात्मने स्वाहा सर्वस्मै

स्वाहा॥ (३६)

मनुस्विने स्वाहाऽनात्मने स्वाहा द्वे च॥ [१२]

कस्त्वां युनक्ति स त्वां युनक्तु विष्णुस्त्वा युनक्तस्य यज्ञस्यर्द्धे मह्यं सन्नत्या अमुष्मे कामायायुषे त्वा प्राणायं त्वाऽपानायं त्वा व्यानायं त्वा व्युष्टे त्वा रय्ये त्वा राधसे त्वा घोषायं त्वा पोषायं त्वाराद्धोषायं त्वा प्रच्युत्यै त्वा॥ (३७)

कस्त्वाऽष्टात्रिंशत्॥ [१३]

अग्रये गायत्राय त्रिवृते राथंतराय वासन्तायाष्टाकपाल इन्द्राय त्रैष्टुभाय पञ्चदशाय बार्हताय त्रैष्मायेकादशकपालो विश्वेभ्यो देवेभ्यो जागतेभ्यः सप्तदशेभ्यो वैरूपेभ्यो वार्षिकेभ्यो द्वादशकपालो मित्रावरुणाभ्यामानुष्टुभाभ्यामेकविंशाभ्यां वैराजाभ्यां शारदाभ्यां पयस्यां बृहस्पतये पाङ्काय त्रिणवायं शाकुराय हेमन्तिकाय चरुः संवित्र आतिच्छन्दसाय त्रयस्त्रिंशाय रैवताय शैशिराय द्वादशकपालोऽदित्यै विष्णुपत्यै चरुर्ग्रये वैश्वानराय द्वादशकपालोऽनुमत्यै चरुः काय एककपालः॥ (३८)

अग्रयेऽदित्या अनुमत्यै सप्तचत्वारिंशत्॥ [१४]

यो वा अग्रावग्निः प्रहियते यश्च सोमो राजा तयोरेष आतिथ्यं यदग्रीषोमीयोऽथैष रुद्रो यश्चियते यथ्सञ्चितेऽग्रावेतानि हवींषि न निर्वपेदेष एव रुद्रोऽशान्त उपोत्थायं प्रजां पशून् यजमानस्याभि मन्थेत यथ्सञ्चितेऽग्रावेतानि हवींषि निर्वपति भागधेयेनैवेनं शमयति नास्यं रुद्रोऽशान्तः (३९)

उपोत्थायं प्रजां पशून्भि मन्थेत दशं हवींषि भवन्ति नव वै पुरुषे प्राणा नाभिर्दशमी प्राणानेव यजमाने दधात्यथो दशाक्षरा विराडन्नं विराज्येवात्राद्ये प्रति तिष्ठत्युतुभिर्वा एष छन्दोभिः स्तोमैः पृष्ठैश्चैतव्यं इत्याहुयदेतानि हवींषि निर्वपत्युतुभिरेवैनं छन्दोभिः स्तोमैः पृष्ठैश्चिनुते दिशः सुपुवाणेनं (४०)

अभित्यज्या इत्याहुयदेतानि हवींषि निर्वपति दिशामभित्यज्या एतया वा इन्द्रं देवा अयाजयन्तस्मान्दिन्द्रस्व एतया मनुम्मनुष्यास्तस्मान्मनुसवो यथेन्द्रो देवानां यथा मनुर्मनुष्याणामेवम्भवति य एवं विद्वानेतयेष्टा यजन्ते दिग्वन्तीः पुरोनुवाक्या भवन्ति सर्वासां दिशामभित्यज्या॥ (४१)

अशान्तः सुपुवाणेनैकचत्वारिंशच्च॥ [१५]

यः प्राणतो निमिषतो महित्वैक इद्राजा जगतो बभूव। य ईशं अस्य द्विपदश्चतुष्पदः कस्मै देवाय हविषां विधेम। उपयामगृहीतोऽसि प्रजापतये त्वा जुष्टं गृह्णामि तस्य ते द्यौर्महिमा नक्षत्राणि रूपमादित्यस्ते तेजस्तस्मै त्वा महिम्ने प्रजापतये स्वाहा॥ (४२)

यः प्राणतो द्यौरादित्योऽष्टात्रिंशत्॥ [१६]

य आत्मदा बलदा यस्य विश्वं उपासते प्रशिषं यस्य देवाः। यस्य छायामृतं यस्य मृत्युः कस्मै देवाय हविषां विधेम। उपयामगृहीतोऽसि प्रजापतये त्वा जुष्टं गृह्णामि तस्य ते पृथिवी महिमौपधयो

वनस्पतयो रूपमग्निस्ते तेजस्तस्मै त्वा महिभ्रे प्रजापतये स्वाहा॥ (४३)

य आत्मदाः पृथिव्यग्निरेकान्नचत्वारिंशत्॥ [१७]

आ ब्रह्मन्ब्राह्मणो ब्रह्मवर्चसी जायतामाऽस्मिन्नाष्ट्रे राजन्यं इषुव्यः शूरो महारथो जायतान्दोग्धीं धेनुर्वोढाऽनुज्ञानाशुः सप्तिः पुरंधियोषां जिष्णू रथेष्टाः सभेयो युवाऽस्य यजमानस्य वीरो जायतान्निकामेनिकामे नः पर्जन्यो वर्षतु फुलिन्यो न ओषधयः पच्यन्तां योगक्षेमो नः कल्पताम्॥ (४४)

आ ब्रह्मन्नेकचत्वारिंशत्॥ [१८]

आक्रान् वाजी पृथिवीमग्निं युजमकृत वाज्यर्वाक्रान् वाज्यन्तरिक्षं वायुं युजमकृत वाज्यर्वा द्यां वाज्याऽक्रुंस्त सूर्यं युजमकृत वाज्यर्वाग्निस्ते वाजिन् युङ्क्षु त्वा रभे स्वस्ति मा सम्पारय वायुस्ते वाजिन् युङ्क्षु त्वा रभे स्वस्ति मा सम् (४५)

पारयादित्यस्ते वाजिन् युङ्क्षु त्वा रभे स्वस्ति मा सम्पारय प्राणधृगंसि प्राणं मे द॥ ह व्यानधृगंसि व्यानं मे द॥ हापानधृगंस्यपानं मे द॥ ह चक्षुरसि चक्षुर्मयि धेहि श्रोत्रमसि श्रोत्रमयि धेह्यायुरस्यायुर्मयि धेहि॥ (४६)

वायुस्ते वाजिन् युङ्क्षु त्वा रभे स्वस्ति मा सन्निचत्वारिंशच्च॥ [१९]

जज्ञि बीजं वर्ष्टा पर्जन्यः पक्तां सस्य॥ सुपिप्पला ओषधयः स्वधिचरणेय॥ सूपसदनीऽग्निः स्वन्ध्यक्षमन्तरिक्ष॥ सुपावः पर्वमानः सूपस्थाना द्यौः शिवमसौ तपन् यथापूर्वमहोत्रे पञ्चदशिनोऽर्धमासास्त्रिंशिनो मासाः कृता ऋतवः शान्तः संवत्सरः॥ (४७)

जज्ञि बीजमेकत्रिंशत्॥ [२०]

अग्नेर्योऽष्टाकपालः सौम्यश्चरुः सावित्रोऽष्टाकपालः पौष्णश्चरु रौद्रश्चरुरग्नये वैश्वानराय द्वादशकपालो मृगाखरे यदि नागच्छेदग्नयेऽहोमुचेऽष्टाकपालः सौर्यम्पयो वायुव्यं आज्यभागः॥ (४८)

अग्नेयश्चतुर्विंशतिः॥ [२१]

अग्नयेऽहोमुचेऽष्टाकपाल इन्द्रायाऽहोमुच एकादशकपालो मित्रावरुणाभ्यामागोमुग्भ्यां पयस्यां वायोसावित्र आगोमुग्भ्यां चरुश्चिभ्यामागोमुग्भ्यां धाना मरुद्भ्य एनोमुग्भ्यः सप्तकपालो विश्वेभ्यो देवेभ्य एनोमुग्भ्यो द्वादशकपालोऽनुमत्यै चरुरग्नये वैश्वानराय द्वादशकपालो द्यावापृथिवीभ्यामहोमुग्भ्यां द्विकपालः॥ (४९)

अग्नयेऽहोमुचे त्रिंशत्॥ [२२]

अग्नये समनमत्पृथिव्यै समनमद्यथाग्निः पृथिव्या समनमदेवम्ब्रह्मन्मद्राः सन्नतयः सं नमन्तु वायवे समनमदन्तरिक्षाय समनमद्यथा वायुरन्तरिक्षेण सूर्याय समनमद्विवे समनमद्यथा सूर्यो दिवा चन्द्रमसे समनमन्नक्षत्रेभ्यः समनमद्यथा चन्द्रमा नक्षत्रैर्वरेणाय समनमदद्भ्यः समनमद्यथा (५०)

वरुणोऽद्भिः साम्ने समनमद्यचे समनमद्यथा सामर्चा ब्रह्मणे समनमत्क्षत्राय समनमद्यथा ब्रह्म क्षत्रेण राज्ञे समनमद्विषे समनमद्यथा राजा विशा रथाय समनमदश्वेभ्यः समनमद्यथा रथोऽश्वैः प्रजापतये समनमद्वृतेभ्यः समनमद्यथा प्रजापतिर्भूतैः समनमदेवम्मह्यम्भद्राः सन्नतयः सं नमन्तु॥ (५१)

अद्भ्यः समनमद्यथा मह्यं चत्वारिं च॥ [२३]

ये ते पन्थानः सवितः पूर्व्यासोऽरेणवो वितता अन्तरिक्षे। तेभिर्नो अद्य पृथिभिः सुगेभी रक्षां च नो अर्थि च देव ब्रूहि। नमोऽग्नये पृथिविक्षिते लोकस्पृते लोकम्स्मे यजमानाय देहि नमो वायवेऽन्तरिक्षक्षिते लोकस्पृते लोकम्स्मे यजमानाय देहि नमः सूर्याय दिविक्षिते लोकस्पृते लोकम्स्मे यजमानाय देहि॥ (५२)

ये ते चतुश्चत्वारिंशत्॥ [२४]

यो वा अश्वस्य मेध्यस्य शिरो वेदं शीरष्णवान्मेध्यो भवत्युषा वा अश्वस्य मेध्यस्य शिरः सूर्यश्चक्षुर्वातः प्राणश्चन्द्रमाः श्रोत्रन्दिशः पादां अवान्तरदिशाः परशवोऽहोरात्रे निर्मेषोऽर्धमासाः पर्वाणि मासाः सन्धानान्यृतवोऽङ्गानि संवत्सर आत्मा रश्मयः केशा नक्षत्राणि रूपन्तारका अस्थानि नभो मांसान्योषधयो लोमानि वनस्पतयो वालां अग्निर्मुखं वैश्वानरो व्यात्तम् (५३)

समुद्र उदरमन्तरिक्षम्यायुर्द्यावापृथिवी आण्डौ ग्रावा शेपः सोमो रेतो यङ्गञ्जभ्यते तद्वि द्यौतते यद्विधनुते तथस्तनयति यन्मेहति तद्वरपति वागेवास्य वागहर्वा अश्वस्य जायमानस्य महिमा पुरस्ताद्जायते रात्रिरेनम्महिमा पश्चादनु जायत एतौ वै महिमानावश्वमभितः सम्बभूवतुरहयो देवानवहर्दवांसुरान् वाजी गन्धर्वानश्वा मनुष्यान्समुद्रो वा अश्वस्य योनिः समुद्रो बन्धुः॥ (५४)

व्यात्तमवहृद्वादश च॥ [२५]

गावो गावः सिपांसन्तीः प्रथमे मासि संमान्यो यदि सोमो षडहेरुध्मुज्या(३)ं देवानामर्क्येण चर्माव पृथिव्ये दत्तवे कस्त्वाग्नये यो वै यः प्रणतो य आत्मदा आ ब्रह्मन्नाकाङ्क्षि बीजमाग्नेयोऽष्टाकपालोऽग्नयेऽहोमुचेऽष्टाकपालोऽग्नये समनमद्ये ते पन्थानो यो वा अश्वस्य मेध्यस्य शिरः पञ्चविंशतिः॥ [२६]

[गावः समान्यः सर्वनमष्टभिर्वा एते देवकृतश्चाभिजित्या इत्याहुर्वरुणोऽद्भिः साम्ने चतुःपञ्चाशत्॥54॥
गावो योनिः समुद्रो बन्धुः॥]

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>